





Her/mu/ism

[Faint, illegible handwriting at the top of the page, possibly a signature or header.]







IOANNIS DALLÆI
DE
IMAGINIBVS
LIBRI IV.


Concil. Eliberit. Can. 36.

Placuit picturas in Ecclesiâ esse non debere, ne
quod colitur & adoratur, in parietibus
depingatur.



LVGD. BATAVOR.
Ex Officinâ Elzeviriana:

clo lo c XLII.





ORNATISSIMO VIRO,

D. PETRO MARBALDO,

Regis Christianissimi, Domûsque,
& Coronæ Francicæ Consiliario,
ac Secretario,

S.

COGITANTI mihi, Clarissime MARBALDE, de crassis illis errorum, ac superstitionum maculis, quibus Christiana Religio superiorum quidem temporum flagitio contaminata, nostro autem sæculo singulari Domini beneficio purgata est, nulla videtur in eo numero fuisse labes fœdior, nulla vel rectæ hominum rationi, vel sacris Dei Scripturis inimicior, quàm quæ in Romani Pontificis communione etiam hodie exercetur, imaginum veneratio. Docet enim ipsa hominum ratio eam
* 2 esse

esse Dei optimi maximi naturam,
quæ neque oculis, aut aliis sensi-
bus usurpari, neque mentis co-
gitatione percipi possit, nedum
ut pictoris, aut sculptoris arte si-
mulari, vel adumbrari queat. Do-
cet eadem apertissimè iniquum, ac
nefas esse hominem, nobilissimum
animal, admirabili sentiendi, at-
que intelligendi facultate prædi-
tum, ac in æternitatem genitum,
ante muta, vitæque omnis exper-
tia simulacra honoris causâ pro-
cumbere. Eo factum, ut non pau-
cæ olim nationes, solâ naturæ voce
admonitæ, omnem statuarum, at-
que imaginum in religione usum
repudiaverint. Nam & Persas ve-
teres, & Germanos, & Afros in eâ
sententiâ fuisse accepimus; idque
institutum ipsos etiam Romanos
ad annum urbis c l xx servasse
constat. Quâ in civitate etiam post
receptum idolorum usum, qui do-
ctissimi ac sapientissimi viri habiti
sunt, ii confiteri, palàmque litteris
mandare non dubitarunt *castius*
Deos

*Deos sine simulacris observari, quique Varro apud
primi simulacra deorum populo posue- August. lib.
runt, eos civitatibus suis, & metum 4. de civi-
dempsisse, & errorem addidisse. Sa- tate Dei. c.
31.*

crarum verò Scripturarum vox,
atque auctoritas multo est in hoc
superstitionis genus disertior, ac
luculentior. Testantur enim san-
ctissima illa monumenta Deum
jam à principio Israëli suo fulmi-
neâ voce è Sinæ verticibus edixis-
se, ne rei ullius vel terrenæ, vel cœ-
lestis simulacrum effingeret, ado-
raret, aut coleret, legemque hanc
gravissimâ comminatione sanxis-
se, quâ profitetur se Deum esse
Fortem, ac Zelotem, patrumque
iniquitatem in filios, in nepotes,
& in abnepotes visitare in eos, qui
ipsum oderunt. Id præceptum pas-
sim in Scripturis urgetur, atque in-
culcatur, variisque Prophetarum
disputationibus, & orationibus ex-
plicatur, & illustratur, gravissimis-
que eorum pœnis identidem con-
firmatur, qui spretâ lege simula-
cra fecerant. Atque hæc Dei au-

toritas tantùm , ut par erat, apud
Iudæos valuit, ut ii simulacrorum
cultum , in quem principiò sum-
mâ naturæ propensione fereban-
tur, postremis temporibus Baby-
lonicam captivitatem consecutis,
constantissimè semper averſati
ſint. Quo major , atque detesta-
bilior cenſeri debet eorum cæci-
tas, qui in tantâ rerum , atque ex-
emplorum luce verum , ac ſpiri-
tuale Dei cultum , cœleſti Do-
mini I E S V disciplinâ constitu-
tum , craſſâ , ac pudendâ hac ſu-
perſtitione inquinaverunt. Deus
quidem eos pro ſuâ clementiâ tùm
ſuperioribus , tùm noſtris maxi-
mè temporibus, officii ſæpiùs ad-
monuit. Sed obdurati in flagitio
animi , ſaluberrimas Domini vo-
ces aſpernati, errorem, qui emen-
dandus fuerat, ultrò auxerunt, at-
que confirmaverunt. Ac ut plerum-
que ingenioſæ ſunt humani animi
libidines, fucos etiam , & colores
variè conquiſitos ſummâ ſolertiâ
in hac cauſâ adhibuerunt, ut tur-

pi atque inhonestæ superstitioni
speciem aliquam conciliarent;
credo, ne sine ratione insanire vi-
derentur. Sed quòd in Scripturis
nullum se habere intelligerent sus-
cepti erroris patrociniū, ad tra-
ditionem de more confugerunt,
unicum, si istis credimus, Roma-
norum rituum, atque dogmatum
fontem. Ajunt enim, ab Apostolis
non mutis quidem litteris, sed vi-
vâ voce discipulis commendatum
jam indè ab initio fuisse hunc, qui
apud ipsos obtinet, fingendarum,
ac colendarum imaginum ritum;
eumque deinceps posteris velut
per manus à primis Christianæ
pietatis auctoribus traditum ad
nostra tempora in Ecclesiâ propa-
gatum esse. Hanc ego huic operi
materiam sumpsi, quo (nisi me fal-
lit animus) totum hoc pessimæ
causæ præsidium adversariis eri-
pui, argumentisque, ut mihi qui-
dem videtur, claris ac necessariis
demonstravi imagines olim apud
veteres Christianos in Ecclesiis

nullas fuisse ad quartum à Domini natalibus sæculum ; insecutis verò temporibus paulatim quidem irreplisse, sed eum tantum in usum, ut vel loca sacra ornarent, vel rudiores è plebe oblectarent, aut instruerent, neque eos, quibus hodie afficiuntur, cultus ac venerationis honores, nisi serò admodum adeptas esse, jam orbi incumbente proximorum retrò sæculorum caligine, post magna ultrò, citròque certamina, in quibus eximia enituit Gallorum nostrorum virtus. Nulla enim Christianorum gens est, quæ vel veritatem diutius propugnauerit, vel seriùs erroris importunitati, atque tyrannidi cesserit. Fateor hoc argumentum disertioribus nostrorum hominum litteris jam dudum excultum, atque illustratum esse; adeo ut Ecclesia facilè ac sine damno nostrâ opellâ carere potuerit. Extorsit tamen fratrum quorundam, seu iudicium, seu (quod potius reor) favor & indulgentia,

ut

ut quem nos libellum domi octo
jam annos continuimus , cum
nunc tandem emittere audeamus,
Deum optimum maximum com-
precati , ut ei benedicere velit, at-
que in publicâ hac luce cursum,
usumque eum præstare, quem ami-
ci spondent, ac vovent ad divini
nominis gloriam, cœlestisque ve-
ritatis illustrationem. Tibi verò,
ornatissime Marbalde, hoc quic-
quid est opusculi potissimum in-
scribendum duximus, ut si ingenii
infirmirate præpediti publicè mi-
nùs prodesse possimus , privatim
certè apud te aliquod operæ pre-
tium faciamus ; dùm hoc veluti
monumento palàm testamur ani-
mi in te nostri tùm reverentiam,
tùm gratitudinem. Hoc enim à
nobis officium jampridem efflagi-
tabat, & eximia illa, quæ in te elu-
cet , pietas summâ morum suavi-
tate condita, absolutissimâque in-
genii elegantia exornata, & tuus
in nos constantissimus, ac planè
singularis amor. Quò accedunt

honestissimæ consuetudinis, quæ
nobis tecum jampridem interce-
dit, fructus longè jucundissimi, &
quæ ex eodem fonte effusissimè
quotidie profluunt, tua in nos pro-
pemodum innumerabilia merita.
Hoc itaque tam multis tibi nomi-
nibus debitum observantiæ no-
stræ pignus, tu quo nos, nostra-
que intueri soles, oculo facilis ac-
cipe. Ego quidem, si minùs cæte-
ris officiis par fuero, Deum certè
assiduus precibus venerabor, ut te
tuosque omneis quamdiutissimè
salvos & incolumes in Domino
IESU tueatur ac conservet. Vale.

Dat. Lutet. Par. Febr. 26.
die, an. Christi 1641.

Tibi addictissimus

I. DALLÆVS.

INDEX



I N D E X
L I B R O R V M,
& capitum totius Operis.

L I B E R I.

- C A P. I. *Præfatio operis.* Pag. 1
- C A P. II. *Veteres primorum quatuor à Christo nato sæculorum Patres, neque Christi, neque Sanctorum imagines veneratos esse. Prima ratio ex iis ducta, quæ illi Paganis de religione disputantes objiciunt.* 6
- C A P. III. *Secunda ratio contra imagines, ex iis ducta, quæ ad Christianorum super simulacrorum cultu objectamenta Paganos olim respondisse accepimus.* 33
- C A P. IV. *Tertia ratio, ex sanctorum Patrum adversum Iudæos disputationibus, ducta.* 66
- C A P. V. *Quarta ratio ex eo ducta, quod quæ ex imaginum cultu vel oriuntur, vel oriri certe videntur difficultates, eas nusquam Patres solvere & explicare satagunt.* 75
- C A P. VI. *Quinta ratio, inde ducta, quod Patres non pauca ab imaginum veneratione aliena, & cum ea pugnantia, vel docuerint, vel scripserint; quale istud est, quod pingendi artifi-*

*artificium alii ut absolutè illicitum , alii ut
vanum & inutile damnaverunt, &c.* 81

CAP. VII. *Ratio sexta , inde ducta , quod
prisci Patres eum cultum reprehendant, quem
nonnulli hæretici IESV, Apostolorum, Moy-
sis, aliorum imaginibus deferebant.* 103

CAP. VIII. *Tres postrema rationes ductæ,
Septima, inde quod in priscarum Ecclesiarum
suppellectile nulla fiat imaginum mentio;
Octava, ex eo quod veteres Christi, Pauli, &
& B. Virginis ignotam sibi fuisse fateantur
veram, ac genuinam formam; Nona, denique
ex eo quod apud Armenios, vetustissimos
schismaticos, nullæ sint imagines.* 115

L I B E R II.

CAP. I. *Testimonium primum, contra ima-
gines, Origenis.* 124

CAP. II. *Testimonium secundum, Eliberi-
tani Concilii.* 128

CAP. III. *Testimonium tertium, quod est
Eusebii Cesariensis.* 163

CAP. IV. *Testimonium quartum, contra
imagines, quod est Epiphani.* 170

CAP. V. *Testimonia contra imagines, quin-
tum Chrysostomi: sextum Amphilocho Ico-
niensis: septimum Theodoti Ancyрани.* 219

CAP. VI. *Alia duo testimonia contra imagi-
nes,*

L I B E R III.

- C A P. I. *Adversariorum objectio prima, ex
iis calicibus ducta, quos pictos fuisse memorat
Tertullianus.* 245
- C A P. II. *Objectio secunda, ex duobus Euse-
bii Cesar. locis petita.* 254
- C A P. III. *Solvuntur sex alie objectiones ex
Adriano, Sozomeno, Chrysostomo, Hiero-
nymo, Augustino petita.* 272
- C A P. IV. *Prima imaginum in quorundam
Christianorum Ecclesias sub finem quarti se-
culi introductio; ad ornatum, non ad cul-
tam. Expositio duorum Basilii, & Gregorii
Nazianzeni locorum; quibus frustra pro
imaginibus abutuntur adversarii.* 287
- C A P. V. *Solvuntur quæ ex Paulino, Am-
brosio, & Augustino afferuntur ad proban-
dum veteres aliquam imaginibus veneratio-
nem exhibuisse.* 302
- C A P. VI. *Primus imaginum abusus paulò
ante quarti seculi exitum ab Augustino nota-
tus, improbat, & ab Ecclesiæ Catholica sen-
tentia, cui falsò imputabatur, in privatos &
imperitos homines conjectus.* 315
- C A P. VII. *Quinto & sexto seculis gli-
scis*

scit imaginum usus, & cultus. Errori duabus diversis rationibus occurrendum putant Serenus Massiliensis, & Gregorius Romanus episcopi; ille quidem imagines è sacris locis amovendo; hic verò plebem Christianam admonendo ut ab earum adoratione caveat.

330

L I B E R IV.

CAP. I. Christianorum de imaginibus octavo saeculo certamina. Concilia duo in Oriente habita; alterum Constantinopoli, anno 754. quod imagines abolendas; alterum Nicaea, anno 787. quod adorandas decernit. 355

CAP. II. Carolus Magnus in Occidente cultum imaginum, Nicenamque Synodum abrogat, deque eo argumento quatuor illos libros conscribit, qui etiam hodie extant. 368

CAP. III. Afferitur librorum de imaginibus auctoritas; ostenditurque contra adversariorum cavillationes eos aut ab ipso Carolo, aut certe ejus jussu conscriptos fuisse. 380

CAP. IV. Secundi in Nicaea Concilii definitio de imaginibus anno 794. à Synodo Francofordiensi abrogatur. Explicatur ejus Synodi decretum, & ab adversariorum cavillationibus vindicatur. 429

CAP. V. Francofordiensis Synodi decretum
in

in Gallia, Germaniaeque Ecclesiis valuisse, servatumque esse probatur, ac primum quidem, Agobardi, Iona, Dungali, & Valafridi testimoniis.

475

C A P. V I. *Idem secundo probatur ex libro, qui inscribitur, Parisiensis Synodus, cujus veritas, & auctoritas contra adversarios asseritur.*

491

C A P. V I I. *Concilii Francofordiensis decretum, etiam post illa tempora, diu in Gallia servatum fuisse.*

528

C A P. V I I I. *Errori culmen ab Ecclesia Romana additum, quæ præter Nicænæ Synodi definitionem, universumque Græcorum usum, tum sculptilia, tum Dei imagines admittit. Epilogus Operis.*

534

A D M C.



ADMONITIO

A D

L E C T O R E M.

CVM anno superiore hos de Imaginibus libellos meos Gallicè conscriptos, atque editos pro suâ humanitatè legisset Clarissimus Theologus, mihiq̃ue multis nominibus unicè reverendus Dom. Andreas Rivetus, literis paulò post datis mihi auctor fuit, ut eosdem Latinitate donatos cum exteris gentibus communicarem, significans pro suâ in me benevolentia aliquid utilitatis nostrum hunc laborem piis afferre posse. Ego, qui præstantissimi viri, ac de me optimè meriti voluntati non parère nefas putarem, interpretandi quamquàm molestam sanè provinciam suscepi, totumque opus ex Gallico Latinè redditum Typographi curæ ac diligentia commisi. Hoc te Lector, nescire nolui, ut, si quem tu ex nostrâ hac lucubratione fructum ceperis, ejus gratiam clarissimo Riveto habeas, qui eam suâ auctoritate in linguæ Latinæ lucem eduxit. Sin aliter, quod nolum, acciderit, hujus certè, si qua est, editionis temeritatem nostro in eundem virum studio, atque obsequio condonabis. Vale.

JOANNIS



IOANNIS DALLÆI
DE
IMAGINIBVS
LIBER PRIMVS.
CAPVT I.

Præfatio operis.



V M inter eas controversias, quæ hodie magno piorum omnium dolore Christianum orbem scindunt, neque ignobilis sit, neq; vero levis momenti de imaginum in religione usu disputatio; operæ pretium facturum me existimavi, si quæ veterum fuerit de toto hoc negotio sententia, perspicuè (quantum quidem mea fert tenuitas) explicarem: Non quod fidem hac in parte nostram ullo humani testimonii præsidio egere arbitrarer, Scripturis divinis Domini gratiâ abunde subnixam, in quibus cum neque institutum, neque laudatum, neque ab ullo denique vel Apostolo, vel Prophetâ usurpatum legamus imaginum cultum, nulla est, ut mihi quidem videtur, hominum auctoritas tanta, quæ cum ut ipsi admittamus,

A

vel

vel exerceamus, nobis persuadere debeat. Sed iuvabit tamen compertum & exploratum habere, an homines Christiani jam inde à primis Ecclesiæ sæculis id ipsum de imaginibus senserint, quod ab iis hodie doceri videmus, qui in Episcopi Romani communione vivunt. Nam hi quidem nemo est, qui nesciat, quanti faciant Trinitatis, Christi, Angelorum, Mariæ, & Sanctorum imagines, quâque eas religione publicè in locis sacris dedicent, quâ curâ exornent, quo affectu colant, quanta cum animi & corporis demissione venerentur, intecto capite, & in genua procumbentes, qua pompa sublimes circumgestent, populoque ostendent, quo denique studio etiam susceptis longinquis peregrinationibus invisant. Fateor in eorum Schola Theologos fuisse non infimi nominis, ut Alexandrum, ut Durandum, ut Alfonsum Castrensem, aliosque nonnullos, qui videntur sensisse non esse imaginem ullo modo in se colendam, sed solum coram imagine colendum exemplar. Sed ea sententia, neque admodum frequentata fuit, & hodie pæne est apud eos extincta. Omnes enim vulgò censent imaginem ipsam in se & proprie colendam esse; quamquam de ipso cultus genere & gradu non parum, neque

Alex. 3. p. q. 30. art. ultim.
Durand. in 3. cl. 2. q. 2.
Alfon. à Cast. verbo Imago.
Vide Bell. de Imag. c. 20.

neque leviter inter se dissentiant. Sunt enim qui eundem imagini, qui exemplari debetur, honorem exhibendum esse contendunt, ut sit Dei & Christi imago cultu latriæ adoranda, Mariæ hyperdulia, Sanctorum aliorum duliâ; eamque opinionem sequuntur Thomas, Cajetanus, Bonaventura, Marsilius, Almayn, Dionysius Carthusianus, Capreolus, alii. Cæteri, qui paulo moderatiores videri volunt, honorem imaginis, eo quidem minorem esse putant, qui exemplari debetur, sed hujusmodi tamen, qui analogice & reductive ad eum pertineat; ita ut debitus Sanctorum imaginibus cultus dulia sit non simpliciter & absolute dicta, sed secundum quid, analogice, & reductive; similiter quæ tum Beatæ Virginis, tum Christi imaginibus exhibentur hyperdulia & latria sic dicantur non simpliciter, non proprio & perfecto modo, sed secundum quid, analogice, & reductive. Cogimur enim ipsas Scholarum voces, quantumvis à communi Latine loquentium usu abhorrentes, adhibere, quod usque adeo abstrusa sint & recondita istorum mysteria, ut vocabula quibus ea explicari atque explanari possint, nulla habeat vulgatus, & usitatus hominum sermo. In hanc autem posteriorem sen-

Thom. 3. part.

q. 25. art. 3.

Cajet. ib. Bon.

Mars. Carth.

Capr. in 3. dist.

*9. Vid. Bell. de
imag. c. 20.*

*Perer. l. 1. de
Trad. tract. de
im. Cath. tract.
de imag. Sand.
l. 2. de imag.
c. ult. Bel. de
imag. c. 20. 21.
22. 23. du Per-
ron Refut. du
dis. de la Conf.
de Font.*

tentiam pleriq; Ecclesiæ Romanæ Theologi concessisse videntur, ut ex Pererii, Catharini, Sanderi, Bellarmini, Perro-
nii, aliorumque editis de hoc argumento
disputationibus manifestum est. Atque
hæc quidem doctorum fere est apud eos
sive sententia, sive imaginatio. Vulgus
verò, cui sunt ignotæ Scholarum argutiæ,
simplicius, atque (ut sic dicam) bona fi-
de imagines colit, in easque effundit,
quicquid animo concepit caloris atque
religionis; ut si horum vel arcanas cogita-
tiones scruteris, vel manuum & oculorum
motus, totiusque corporis gestum, alia-
que externa spectes, nihil deprehensurus
sis, quo possit intelligi aliter eos imagi-
nem, aliter exemplar colere, aut diver-
sas, nec ejusdem exemplaris imagines ali-
quo inter adorandum discrimine habere.
Qua in parte ita longe lateque grassatur
superstitio, ut etiam illius communionis
homines, & quidem minime contem-
nendi, de erroris fœditate etiam publice
conquesti sint. Certe Polydorus Virgi-
lius, ubi de imaginum veneratione verba
facit, eo insanix deventum esse ait, ut hæc
pietatis pars parum differat ab impietate.
Hoc igitur opere cum bono Deo disqui-
ram, num veterum eadem olim fuerit,
quæ istorum nunc est de imaginum usu,

& cultu sententia, ducto à primis atque remotissimis Ecclesiæ temporibus initio, quod eorum historia & plus momenti ad rem nostram conferat, & verò longe sit adversariorum disputationibus impeditior, atque involutior, quam proximorum retro octo aut novem sæculorum cognitio, quæ multo minus habet & utilitatis, & controversiæ. Eum autem ordinem sequar, qui mihi visus est commodissimus. Quæcumque enim ratiocinando eruere potui ex veterum disputationibus, sermonibus, opinionibus, & ritibus argumenta, quibus vel certo explorari, vel probabiliter conjici possit, quid ii de imaginum usu senserint, ea primo loco recensebo, & quoad opus fuerit explicabo atque defendam. Tum diserta ipsorum testimonia recitabo; cujusmodi argumenta *inartificialia* vocant rhetores, ut solent *artificialia* dicere, quæ sunt prioris illius generis. Tertio denique loco ea expendam, quæ ab adversariis contra afferuntur.

Veteres primorum quatuor à Christo nato seculorum Patres , neque Christi , neque Sanctorum imagines veneratos esse. Prima ratio, ex iis ducta , qua Paganis de religione disputantes obijciunt.

ITaque ut missis ambagibus ipsam disputationem ingrediar, ajo inprimis illam Ecclesiam , quæ intra quadringentesimum à Christi nativitate annum floruit, nullum Christi vel Sanctorum imaginibus religiosum cultum detulisse, qualem iis hodie deferendum putant Romanæ communionis homines. Quod cum variis argumentis demonstrari possit, vel ex eo apparet, quod Christiani illorum temporum doctores Ethnicis, quibuscum de religione disputant , simulacrorum , & imaginum cultum passim exprobant, totumque illum ritum tamquam gravissimi erroris , & immanis cujusdam stultitiæ atque væcordiæ plenum exagitant. Quo jure, si quam Pagani numinum simulacris venerationem exhibebant, eandem ipsi sanctorum virorum imaginibus deferabant? Tertullianus in Apologetico, postquam meros fuisse homines demonstravit , qui tum à Paganis pro Diis colebantur, hæc de simulacris subjicit: *Quantum autem de simulacris ipsis (inquit) nihil aliud re-*

reprehendo, quam materias, sorores esse vasculorum, instrumentorumque communium, vel ex iisdem vasculis & instrumentis quasi fatum consecratione mutantes licentia artis transfigurante, & quidem contumeliosissime, & in ipso opere sacrilege. Tum extremo capite: Igitur (inquit) si statuas & imagines frigidas, mortuorum suorum simillimas, non adoramus, quas milvi, & mures, & araneæ intelligunt, nonne laudem, magis quam pœnam merebatur repudium agniti erroris? Atque hæc quidem Tertullianus: quæ non video qua fronte, quo ore, atque animo scribere potuerit, siquidem de imaginibus paria cum hodiernis Ecclesiæ Romanæ Theologis sensisset. Quid enim? Non intelligebat eadem omnia in suas Christi, Sanctorumque effigies convenire? ne eas quidem vel de meliore luto, vel honestiore specie, vel sensibus denique instructiores esse, quam Gentilium statuas? æquè sorores utraque vasculorum instrumentorumq; communium, neque has magis, quam illas, mures, & araneas, & milvos intelligere? Vnde ille tantus in acerrimo viro stupor, ut repente oblitus sit Ethnicorum causam suam de imaginibus sententia constitui? Hæc & alia Franciscum Zephyrum, Romanarum partium hominem fateri subegerunt, ejus temporis Christianos ni-

*Zephyr. in Ter.
tull. Apol. p.
93. 94.*

hil in templis habuisse præterquam crucis insigne super aram ad Orientem versam. Enimvero non Terrullianus tantum, sed & cæteri Patres ita cum Paganis disputant. Non aliter eos excipit Octavius in Minucii Felicis dialogo, qui exeunte secundo Christianismi sæculo scriptus fuisse perhibetur, falsè irridens, quod orarent & publicè colerent consecratas Deorum imagines, *dum opinio, inquit, & mens imperitorum artis concinnitate decipitur, auri fulgore præstringitur, argenti nitore, & candore eboris hebetatur.* Tum fusè exsequitur quibus modis fingeretur, poliretur, atque pararetur simulacrum, ad hoc ut divinos honores acciperet; ut ligneum quidem suspenderetur, caderetur, dolaretur, runcinaretur; æreum verò vel argenteum conflaretur, tunderetur malleis, & incudibus figuraretur; lapideum denique caderetur, scalperetur & lævigaretur; & post hæc artis opera construeretur, & erigeretur, ornaretur postremo & consecraretur. Si eadem tum apud Christianos fuit religio, quæ hodie est apud Romanam Ecclesiam, ubi erat istius hominis animus, qui Paganorum numinibus ea objicit, quæ nullo negotio in Sanctos à Christianis suis cultos retorqueri poterant? quippe quorum effigies
eadem

eadem plane ratione parentur atque instruuntur, antequam iis palam in Ecclesiis solennis veneratio exhibeatur? Nam & iis quoque ad amussim conveniunt, quæ ille de Gentilium simulacris subjicit; *Quanta verò, inquit, de Diis vestris animalia muta naturaliter judicant, mures, hirundines, milvi? Non sentire eos sciunt, norunt, inculcant, insident, ac nisi abigatis, in ipso Dei vestri ore nidificant. Araneæ verò faciem ejus intexunt, & de ipso capite sua fila suspendunt. Vos tergitis, mundatis, eraditis, & illos quos facitis, protegitis, & timetis. Haftenus Octavius. Neque aliter Lactantius, qui Paganos passim eo nomine reprehendit quòd eorum, quos falsò pro Diis habebant, imagines colerent. Quid sibi, inquit, templa? quid aræ volunt? quid denique ipsa simulacra, quæ aut mortuorum, aut absentium monimenta sunt? Tum paulò post: Nec intelligunt, inquit, homines ineptissimi, quod si sentire simulacra & moveri possent, ultrò adoratura homines fuissent, à quibus sunt expolita. Mox; Adorant ergo, inquit, insensibilia qui sentiunt, irrationabilia qui sapiunt, exanima qui vivunt, terrena qui oriuntur è cælo. Tum paucis interjectis, Nam ista, inquit, mortalium digitorum ludicra, & fragilia figmenta, ex quolibet materia genere formata, quid aliud sunt nisi terra ex qua nata sunt? Initio vero ejusdem capitis hæc ante jam*

Lactant. l. 2.

Instit. c. 2.

dixerat ; Nempe ideò timetis , quod eos esse in
 cœlo arbitramini. Neque enim si Dii sunt aliter
 fieri potest. Cur igitur oculos in cœlum non tolli-
 tis ? & advocatis Deorum nominibus in aperto
 sacrificatis ? Cur ad parietes , & ligna , & lapi-
 des potissimum , quam illò spectatis ubi eos esse
 creditis ? Alibi observat homines initio ad-
 mirantes elementa mundi, cœlum, solem, terram,
 mare sine ullis imaginibus ac templis veneratos
 esse; Demones fuisse , qui imagines , & simulacra
 fingere docuerunt; tum perversum esse & incon-
 gruens , ut simulacrum hominis à simulacro Dei
 colatur. colit enim inquit, quod est deterius, &
 imbecillius ; Tum inexpiabile facinus esse deserere
 viventem, ut defunctorum monumentis servias ,
 qui nec vitam nec lucem dare cuiquam possunt ,
 qua ipsi carent. Denique paulo post , ipsas
 imagines sacras quibus inanissimi homines ser-
 viunt omni sensu carere , quoniam terra sint.
 Quis autem non intelligat, nefas esse, rectum ani-
 mal curvari, ut adoret terram ? Cogitet apud
 se cordatus lector, an hæc & talia scriptu-
 rus fuerit Lactantius, si Sanctorum vitâ
 functorū imagines eo, qui jam ipsis Romæ
 defertur, cultu prosecutus esset. Athana-
 sius , quem constat Augusti Constantii
 temporibus vixisse labente sæculo post
 Christi natales quarto, Ethnicorum stul-
 titiam eodem modo perstringit ; Non eru-
 bescunt (inquit) supplices ante ligna procumbere,
 nec

Ibid. c. 14. ext.

Ibid. c. 17.

Ibid. c. 18.

*Athan. orat.
 contr. Gent.
 p. 15.*

nec vident interim res similes, ac prorsus ejusdem generis suis sese pedibus calcare, & pro fomentis ignium usurpare, cum tamen partes earum rerum numina appellent; & quæ paulo ante in usu communi habuere, ea per vacordiam, cum exsculpta sunt, colenda arbitrantur, nihil omnino neque oculis, neque mente utentes, quippe qui non Deos, sed artem calatoris adorent. Mox hæc quoque subjicit: Quis quæso (inquit) eorum non misereatur, idque vel ea de causa, quod ipsi visu præditi, ea quæ non vident adoranda existiment, & audientes quæ non audiunt precibus sollicitent? & anima rationeque per naturam, ut homines, instructi, ea, quæ ne semel quidem moventur, sed inanissima sunt, ut deos saluent, & quod summæ admirationis, quos ipsi sub sua potestate habent iis veluti dominis inserviant? Sic etiam Chrysostomus Commentario in Isaiam; Quid enim est (inquit) vilius atque humilius homine ante res inanissimas sese incurvante, & saxa venerante? Idem in Genesin; Vide, inquit, quantus esset erroris excessus, ut ii qui sunt ratione honorati ligna & lapides colant. Chrysostomum excipiat Theodoretus, Cyrensis episcopus, qui jã adulto quinto post Christi nativitatem sæculo floruit: Simulacra vero (inquit) à gentibus culta non efficiunt, sed efficiuntur, & à materia honorem habent &c. Simulacra quidem sensuum domiciliis induta sunt; operatione verò

Chrys. in Is. c. 2
T. 3. p. 678.

Id. in Gen.
Hom. 37.

Theod. in Ps.
113.

verò privantur. Viliora igitur non modo sunt iis, qui ipsa finxerunt, sed etiam minimis animantibus; quandoquidem muscæ, & culices, & his tenuiores, in sensuum sedibus vim habent; vident enim & audiunt & volant & ambulant. Ad hæc ego non dubito, quin adversarii cum Perronio responsuri sint Christianorum de sacris imaginibus sententiam plurimum ab eo differre, quod olim Pagani de simulacris suis iudicabant. Paganos enim de idolis seu simulacris suis ita existimasse ea vere esse numina, sive simplici substantiæ commutatione, quæ opinio maxime apud rudiores invaluerat, sive quadam divinitatis in ipsa simulacra infusione, ac ut sic dicam incorporatione, quod fere sequebantur eruditi &c. Christianos verò, quas venerantur sanctorum imagines, eas neque pro numinibus, neque pro numinum imaginibus habere; sed contra exserte vetare, nequis credat inesse aliquam in iis divinitatem, vel virtutem propter quam sint colenda, vel quod ab eis sit aliquid petendum, vel quod fiducia in imaginibus sit figenda. Itaque non fuisse verendum antiquis Patribus, ne in Christi Sanctorumque imagines retorquerentur ea, quæ ipsi invidiosissime, ut supra commemoravimus, Gentium idolis objectabant. Sed hæc responsio vana est, quod neque omnino vera sint, quæ ponit tum de Paganorum, tum de Christianorum super imaginibus

Du Perron
Refut. du discours de la
Confer. de
Font. f. 109.

Conc. Trid.
Sess. 25.

nibus iudicio, neq; ea (si vel maxime vera essent) quicquam tamen valerent ad hanc objectionem solvendam. Nam ut à priori ordiar, fateor equidem fieri potuisse, ut in tantâ populorum Ethnicâ superstitione excæcatorum multitudine pauci aliquot reperirentur belluini ingenii homines, qui quas oculorum, manuumque sensibus usurpabant ligneas, aureasve, marmoreas & argenteas effigies, eas in numinum naturam per prodigiosam aliquam pristinæ substantiæ conversionem verè transivisse putarent. Sed publicum fuisse tam crassum, tamque immane delirium, aut ab Ethnicorum Theologis pro vero ac germano religionis suæ dogmate agnitum, id verò pernego. Palam reclamabant siquid erant inter eos eruditi, eumque errorem à sua fide & opinione longe semotum, imperitorum & rudiorum è plebis fæce proprium esse contendebant. Ita Celsus gentilis apud Origenem, ridiculam ait esse Christianorum sapientiam, si nihil aliud docere volunt, nisi Deum non esse lapidem, lignum, æs, aurum, ab hoc vel illo artifice expolitum & elaboratum, *Quis enim* (inquit) *alius est, nisi si sit plane fatuus, qui hæc Deos esse putet, non autem Deorum donaria, & simulacra?* Ita etiam Lucianus ipsum numen à simulacro clarissime distinguit, cum ma-

trona

*Orig. cont.
Cels. l. 7. p.
384. Græc.*

*Lucian. pro
imagin.*

*Athen. legat.
pro Christ.*

*Arnob. l. 6.
adver. gent.*

tronæ conquerenti quod se invidiosâ laudatione Deabus comparasset, sic responder; Ego te, ô præstantissima, nequaquam cum Deabus comparavi, sed cum eximiorum artificum operibus ex lapide, ære, aut ebore confectis. At quæ ab hominibus sunt facta cum hominibus comparare non puto impium, nisi Minervam illud esse existimasti, quod Phidias effinxit, aut cælestem Venerem illud, quod non multis ab hinc annis Praxiteles Cnidi fecit. At vide ne indecorum sit talia de Diis sentire, quorum imagines veras nulla humana industria assequi potest, ut sentio. Athenagoras Christianus scriptor (qui circiter annum Domini centesimum septuagesimum floruisse dicitur) hæc quoque testatur Paganos à se invicem distinxisse, dum scribit non defuisse (inter Ethnicos) qui hæc (de idolis loquitur) nihil quàm simulacra (εἰδό-
vov) esse dicerent, Deos verò quorum honori ea sint dedicata, & quæcumque in ipsos conferuntur reditus, sacrificia, ad ipsos referri Deos, & propter ipsos fieri, neque alio modo homines convenire Deos posse. Arnobii quoque disertum ea de re exstat testimonium, ubi Paganum hominem sic inducit loquentem; Sed erras, inquit, & laboris: Nam neque nos æra, neque auri, argentique materias, neque alias, quibus signa consiunt, eas esse per se Deos, & religiosa decernimus numina; sed eos in his colimus, eosque veneramur, quos dedicatio infert
sacra

sacra, & fabrilibus efficit inhabitare simulacris. Paulo post verò etiam callidiori excusatione usus Ethnicos prodit; In parte hac eadem illud, inquit, etiam dicere simulacrorum assertores solent, non ignorasse antiquos nihil habere numinis signa, neque ullum omnino inesse his sensum; sed propter indomitum, atque imperitum vulgus, quæ pars in populis, atque in civitatibus maxima est, salutariter ea consilioque formasse, ut velut quadam specie objectâ his numinum abjicerent asperitatem metu, arbitratique presentibus sese sub Diis agere facta impia deponerent, & ad humana officia morum immutatione transirent. Denique ut cæteros mittam, Lactantius sic quoque facit loqui Ethnicos: Non ipsa (inquiunt) timemus simulacra, sed eos ad quorum imaginem ficta, & quorum nominibus consecrata sunt. Atque ex his liquet crassam illam & belluinam imaginationem Paganis immerito tribui, cum iniquum sit singulorum & privatorum hominum, qui in unaquaque sectâ vivunt, proprios errores in eam universam conferre. Sed neque illud diffiteor fuisse in Paganismo viros etiam eruditos, qui docerent Deorum aut numen ipsum, aut certe vim atque virtutem statuis illis & imaginibus, ubi semel consecratæ erant, insidere; quod clare significant Trismegisti apud Augustinum verba; quæ ut ipse in-

terpre-

*Lact. l. 2. div.
Inst. c. 2. init.*

*Aug. de Civ.
D. l. 8. c. 25.*

terpretatur Augustinus, docet *spiritus invisibiles per artem quamdam visibilibus rebus corporalis materiae copulasse Paganorum sapientes, ut essent quasi animata corpora illis spiritibus dictata & subdita simulacra*. Atque huc illa omnia pertinent Scripturae & sanctorum Patrum loca, quae majori ambitione quam necessitate sex totis pagellis descripta congestit Perronius, ut solet ille sapientius plurimum illic verborum & argumentorum profundere, ubi minimum id poscebat causae ipsius ratio. Quod verò fingit Paganos personalem sive hypostaticam (ut in Scholis loquuntur) unionem inter sua numina, & eorum effigies constituuisse, ita ut simulacrum unà cum eo, quo infidebatur, numine una & eadem esset persona, id inquam inane est, neque ulla ratione nititur. Nam quaecumque attulit Perronius veterum, tum Christianorum, tum Paganorum testimonia, nihil aliud statuunt nisi aut vim, aut substantiam numinis simulacro ex Gentilium sententia insedisse: ex quo minime consequitur earum rerum alteram cum alterâ personaliter unitam fuisse. Neque enim ex eo, quod gubernator in navi quam regit, Angelus in orbe, quem movet secundum Aristotelem, praesentes adsunt, conficitur aut illum cum navi, aut hunc cum orbe coelesti unam &

can-

eandem personam esse proprie atque *ὁμοῦως*. Sed neque illud verum est omnibus Paganis fuisse persuasum in iis, quæ colebant, simulacris delituisse ejus numinis, cui consecrata erant, seu vim, seu formam aliquam, quâ insiderentur, ac quodammodo animarentur. Nam ut solet error hominum mentes in multiplices cogitationes, variasque ac pugnantes sententias scindere, Pagani urgentibus Christianis, & vilium, ac fluxarum rerum cultum exprobrantibus, quò adeo speciosam criminationem dissolverent, alii aliò confugerunt. Fuerunt, qui responderent simulacra Deorum sedes esse, ac veluti domicilia. Alii acutiores non quidem sedes, sed signa ac symbola numinum, eorumque monimenta quædam esse suas illas imagines caussabantur. Augustinus allatâ eorum responsione, qui se dictitabant non hoc visibile colere, sed numen, quod illic invisibiliter habitat, paulò post subjicit, *Videntur autem sibi purgatoris esse religionis, qui dicunt, Nec simulacrum, nec demonium colo, sed per effigiem corporalem ejus rei signum intueor, quam colere debeo. Atque inde est quod Augustinus loco à Perronio laudato Ethnicos idololatras bifariam dividit, cū ait eos simulacra venerari vel tamquam Deos, vel tamquam signa & imagines Deorum. Sic*

*Aug. in Ps. 113
con. 2.*

*Id. l. 3. de doct.
Christ. c. 7.*

Orig. l. 7. contra Celsum.

p. 21. & seqq.

Liv. dec. 3. l. 3.
Amm. Marc.
l. 22. extr.

Tacit. Annal.

Id. Hist. l. 5.

etiam Origenes de philosophis Gentium verba faciens, *Non erubescunt (inquit) res inanimas, tamquam Deos alloqui, aut Deorum imagines.* Celsus quidem certè eodem illo loco, quem supra ex Origene laudauimus, docet habenda esse idola non pro Diis ipsis, sed pro Deorum anathematis, id est donariis, & simulacris. Consimiles Paganorum colores fusè etiam ab Athanasio referuntur, & refelluntur, ut videre est in ejus Oratione contra Gentes. Certe negari non potest, eos idola sua, quos Deos interdum metonymicè vocant, (quemadmodum hodie Sanctorum imagines *Sancti* vulgò appellari solent) sic etiam sæpe Deorum signa, effigies, imagines proprie dicere. *Signa*, (inquit Livius) *ad Iunonis Sospitæ cruore manavere.* Ammianus : *Serapium spirantibus signorum figmentis exornatum.* Suetonius in Caligulâ, de Artabano, Parthorum rege loquens, *Cæsarum imagines adoravit.* Et Capitolinus in Maximino. Ante imagines Maximi, & Balbini & Gordiani adoravere. Eodem sensu Agrippina apud Tacitum de Augusti imaginibus loquens negat, *in effigies mutas divinum Spiritum transfusum.* Et ipse Tacitus de Judæis verba faciens, *Mente sola* (inquit) *unumque numen intelligunt. Profanos, qui Deum imagines mortalibus materiis in species*

species hominum effingunt. Deniq; Clemens Paganos sic inducit loquentes, *Nos ad honorem invisibilis Dei imagines visibiles adoramus.* *Recogn. l. 4.*
Ex quibus perspicuum est cultum, quem Pagani idolis seu simulacris deferebant, ex ipsorum mente non absolutum, sed relativum fuisse, ac hujusmodi qui propriè ac primario exhiberetur non simulacro, sed numini, cujus erat simulacrum, idque ob unionem quam inter ista intercedere somniabant, sive quod ipsum numen, aut certè vis ejus ac potestas in simulacro insideret, sive quod simulacrum numinis esset quædam velut imago, sacrumque symbolum ac monumentum, quo ipsius aut persona, aut vis atque efficacia humanis sensibus quodammodo adumbrata objiceretur. Iam verò nonne hæc eadem sentiunt adversarii, tum de cultu sacrarum, ut vocant, imaginum, tum etiam de earum unionem cum Sanctis & Angelis, quibus sacræ sunt, & quorum nomine religiosam iis venerationem deberi putant? Nam quemadmodum in Paganorum multitudine erant aliqui, sed pauci, qui crassissimo quodam & pecuino mentis errore, repugnantibus & reclamantibus eruditis, pro veris numinibus haberent muta illa, & surda simulacra, apud quæ in templis

& fanis procumbebant; sic in eorum Christianorum plebe, qui venerantur imagines, fortasse etiam nonnulli reperiuntur adeo obefæ naris, ut vel nullum, vel omnino exiguum discrimen esse arbitrentur inter imaginem, & ipsum cui consecrata est Sanctum. Ac ut inter eruditiores Paganos fuere, qui putarent numen vel ipsa substantia, vel certè vi sua præsens adesse simulacris; sic neque defuerunt inter adversarios qui de Sanctorum unionem cum imaginibus idem propemodum sentirent. Personalem quidem Sanctorum in statuis sibi dicatis præsentiā hactenus quod sciam nemo palam defendit, omnibus, quantum ego quidem observare potui, uno consensu fatentibus quorum hominum hic in terris consecrant & venerantur imagines, eorum spiritus in cœlis Dei gloriâ, & quiete frui; tametsi multa apud eos & fiant & dicantur, quæ ab hoc figmento non abludunt, qualia sunt quæ de nonnullarum imaginum lachrymis, sudore, & cruore narrant. Virtutis verò præsentiā, ut à Tridentinâ Synodo negatam fateor, sic à multis Romanarum partium hominibus disertè positam contendo; quo in numero sunt etiam septimæ Synodi Patres, qui imaginibus vim sanctificandi tribuunt, & (quod

(quod ab Adriano Romæ episcopo defenditur) Christianos volunt, imaginum aspectu, perinde ut serpentis ænei ludæos olim, servari. Legimus etiam in Cære-

*L. I. Sacrar.
cærem. sect. 7.
f. 81. b. edit.
Col. an. 1557.*

Agnos Dei vulgo vocant, mysticis cæremoniis sanctificari; adeo ut oret Pontifex, sicut ille olim agnus immolatus populum à persecutione Ægyptiacâ liberavit, & quemadmodum ille agnus innocens Iesus Christus immolatus protoplastum nostrum de diaboli potestate eripuit: sic isti agni immaculati virtutem illam accipiant; ut larga Dei benedictione sanctificati eandem virtutem accipiant contra omneis diabolicas versutias. In consecratione verò imaginis, quam B. Virgini dedicant, hæc diserte habentur:

Sanctifica, Deus, hanc formulam B. Virginis, ut tuis fidelibus salutaris auxilii opem ferat, tonitrua, fulmina, si invaluerint nocentia, celerius expellantur. Sic in consecranda Baptistæ imagine à Deo petunt, ut sit hæc imago demonum sancta expulsio, angelorum advocatio, fidelium protectio. In eâ autem oratione, qua Christi imaginem sancto, ut narrant, sudario impressam affantur, principio quidem sic eam salutant, Salve sancta fa-

Pontific. Rom.

Antid. Anim.

cies nostri Redemptoris, in qua nitet species divini splendoris, impressa panniculo nivei candoris, dataque Veronica signum ob amoris, salve

decus seculi, speculum sanctorum; quod videre cupiunt spiritus cœlorum; tùm verò hæc rogant, Nos ab omni macula purga vitiorum, salve vultus Domini imago beata, ex æterno munere mire decorata, lumen funde cordibus ex vi tibi data; postremò denique: Nos deduc ad propria, ô fœlix figura, ad videndam faciem, quæ est Christi pura. Ipse Perronius alicubi affirmat veteres Christianos in ea fuisse sententia, ut putarent se à Sanctorum imaginibus protectionem ac tutelam quandam consequi. Bellarminus quidem vult imaginem considerari, ut *conjunctam cum exemplari, exemplar verò quasi vestitum imagine coli.* Hæc verò omnia non video quâ consistere possint, si nullam imaginum virtutem, nullam vim esse statuatur. Thomas certè scholæ Romanæ princeps in genere definit *res inanimatas consecratione adipisci quamdam Spiritualem virtutem per quam apta redduntur divino cultui, ut scilicet homines devotionem quandam exinde percipiant.* Quod si Lauretanæ, aut Aspricollis, aut Ardillerianæ, ut vocant, Virginis imaginibus nullam omnino vim, aut virtutem inesse rentur, non facile quisquam divinauerit, cur quotidie ex diversis terrarum oris tanto labore ac sumptu tam multi ea loca adeant. Postremò ut qui inter Paganos subtiliori ingenio, quique sibi

*Bell. de Imag.
c. 23.*

*Thom. 3. part.
q. 85. art. 3.*

sibi *purgatoris* (ut agebat Augustinus) *religionis* esse videbantur , ii simulacra in templis consecrata pro Deorum signis & symbolis habebant; sic etiam inter Christianos imaginum cultores Tridentini cæteris suo iudicio callidiores , ac defæciores hæc quæ venerantur non aliter se accipere clamant , quam ut sanctorum effigies , ac omnem , qui ipsis exhibetur , cultum non aliò referendum esse , quàm ad personas illis tamquam signis expressas , atque repræsentatas. Itaque si , quod isti de imaginum veneratione jam sentiunt , id etiam olim senserunt veteres Ecclesiæ Christianæ Patres , palam est non potuisse eos sine ludibrio ea quæ supra sunt à nobis commemorata ; Paganorum simulacris objectare. Quod verò negat Perronius sacras imagines à suis pro *Dei aut Deorum imaginibus haberi* ; id neque usquequaque verum est , neque ad rem pertinet. Nam constat adversarios , præter Sanctorum simulacra , effingere atq; colere Christi , Patrisque , & Spiritus Sancti imagines , in quas rectà ac sine ulla exceptione conveniunt , quæ sunt à primis Christianis in numinis effigies jactata ; adeo ut totâ istâ simulacrorum in religionis negotio criminatione abstinendum ipsis fuerit , si eadem fuit illorum de

hoc argumento sententia, quæ hodie est
adversariorum. Sed neque est ad rem illa
Perronii exceptio. Non enim **hic** quæri-
tur de imaginum objectis, Diine sint an
secus, quos illæ repræsentant, sed de ima-
ginum ipsarum usu ac de cultu, quem iis
deferabant Pagani. Fac veteres Chri-
stianos idem cum nostris adversariis de
hoc fidei capite sensisse. Fateor nihilo-
secius iis licuisse Paganorum Deos irride-
re, totamque illam ineptissimam Genti-
lium theologiam impunè evertere, ac de-
monstrare non Deos, sed homines, vel
hominum somnia & commenta fuisse
quæ illi tamquam vera numina colebant.
Hoc tantum volo, veteres, si hodiernam
Romanorum fidem sequuti sunt, stultè
& immeritò de Paganis expostulasse,
quod procumberent ante earum rerum
imagines, quæ ab iis pro numinibus ha-
bebantur, cum hæc criminatio apertissi-
mè in ipsos Christianos recasura fuerit;
quippe qui ex hypothesi eosdem honores
suorum cœlitum imaginibus exhiberent.
Sic hodie adversariis licet quidem tutò &
sine ullo talionis motu Paganorum deos
refellere. At si iidem Paganos accusare,
graviterq; & acerbè criminari aggredian-
tur, quod ii imaginibus in religione utan-
tur, nonne eo sese omnibus ridendos pro-
pina-

pīnarent, meritoque illud Satyrici audirent,

Loripedem rectus derideat, Æthiopem albus.
Ex his satis ni fallor evicimus, multis modis falsum esse totum illud discrimen, quod ponunt adversarii inter suam & Paganorum de imaginibus sententiam. Sed fac esse verum. Ajo ne sic quidem solum iri vim objectionis nostræ. Pagani, inquis, simulacra quæ colebant, Deorum imagines esse putabant. Esto, inquam; etiamsi constet eos divina magno discrimine habuisse, Deumque summum, cui absolutè id nominis convenit, accuratè ab inferioribus distinxisse, quos tamquam summi illius ministros ac famulos accipi & coli voluerunt. Idem, inquis, putabant Deos in simulacris verè habitare. Non eam fuisse omnium opinionem satis suprà demonstravimus. Fac tamen omnes sic sensisse. Quid tum postea? Hæc quidem si ita constituentur, fatebor Christianos non ideo absurde Paganorum stuporem, & amentiam exagitasse, qui miseris creaturis, & vanissimis figmentis sanctum & summum Dei nomen, ac cultum tribuerunt, eosque pro Diis immortalibus habuerunt, quos ne inter homines quidem censere dignum erat. Neque item negabo meritò sugillatam fuisse à Christianis

eorundem stultitiam, qui Deum, purissimam, sanctissimam, & ab omni materiæ contagio longe semotam mentem, auro & argento, ligno & lapidibus, tanquam cœnoso ac vili aliquo ergastulo concluderent. Sed qui Christianus imagines ipse veneratur, qui ante eas procumbit, qui cereos, qui thura iis offert, quodcunque fuerit illarum exemplar, is ludibrium debebit, si Paganos castigare ac irridere voluerit, quod eadem illa numminum suorum simulacris deferant. Atqui hæc tria sancti Patres seorsim ac distincte in Paganorum religione reprehendunt. Nam & prima illa ac præcipua Ethnicæ pietatis, vel, ut verius dicam, impietatis objecta, fictitios videlicet Deos, quos illi partim in cœlo, partim in aëre ac terra, & in omnibus mundi elementis locabant, eos fusè nostri demonstrant ex ipsis Gentilium monumentis homines fuisse, & quidem plerosque sceleratissimos, tyrannos ut plurimum & latrones, & rationibus ex ipsâ rerum naturâ petitis docent unum esse verum Deum, ut videre est ex iis quæ supersunt veterum Patrum contra Paganos scriptis. Neque verò intactum, aut incastigatum relinquunt crassum illud, atque ab omni ratione alienissimum Paganorum delirium, quo statue-

tue-

tuebant divini numinis seu vim, seu ipsam etiam substantiam auro, argento, marmore, aliâve consimili sensus & animæ experte materia illigari, atque includi posse. Non improba, inquit Arnobius, neque aspernabilis ratio, qua possit quivis tardus, nec non & prudentissimus credere Deos, relictis sedibus propriis, id est cœlo, non recusare, nec fugere habitacula inire terrena, quinimò jure dedicationis impulsos simulacrorum coalescere junctioni. In gypso ergo mansitant, atque in testulis Dii vestri? quinimò testularum & gypsi mentes, spiritus, atque animæ Dii sunt? atque ut fieri augustiores vilissimæ res possint, concludi se patiuntur, & in sedis obscuræ coercitione latitare? Ergo illud à vobis parte in hac primum desideramus, & postulamus audire, invitine hoc faciunt, id est jure dedicationis attracti simulacrorum ineunt mansiones, an proni & faciles? & quæ consequuntur paulo prolixiora. Tum: Et tamen, ô isti, si apertum vobis, & liquidum est in signorum visceribus deos vivere atque habitare cœlites, cur eos sub validissimis clavibus, ingentibusque sub claustris, sub repagulis, pessulis, aliisque hujusmodi rebus custoditis, conservatis, atque habetis inclusos? Hæc Arnobius. Sed præter hæc duo, quæ Patres in Paganismo reprehendunt, illud etiam tertium disertissime criminantur, quod Gentiles simulacra, atque effigies eorum, quæ

*Arnob. l. 6.
cont. Gent.*

quæ pro numinibus habebant, venerarentur, uti supra fusius observavimus. Rident, quod manuum suarum figmenta honorarent, quod saxa venerarentur, & ante materias sensû atque animâ carentes ipsi mente ac ratione præditi procumberent. Augustinus duo ista in Paganorum cultu distinctè notat; unum quidem quod creaturis ea tribuerent, quæ sunt unius creatoris; alterum, quod numini simulacra, rem ineptam ac Deo ingratam, offerrent. *Si templo, inquit, si sacerdote, si sacrificio, quod Deo vero debetur, colatur aliquod elementum mundi, vel creatus aliquis spiritus, etiamsi non immundus & malus, non ideo est malum, quia illa mala sunt, quibus colitur, sed quia illa sunt talia, quibus solus ille colendus sit, cui talis cultus, servitusque debetur. Si autem stoliditate vel monstruositate simulacrorum, sacrificiis homicidiorum, coronatione virilium pudendorum, mercede stuprorum, sectione membrorum, abscissione genitalium, consecratione mollium, festis impurorum, obscenorumque ludorum, unum verum Deum, id est omnis anima, corporisque creatorem colere se quisque contendat, non ideo peccat, quia non est colendus, quem colit, sed quia colendum, non ut colendus est, colit. Hæc Augustinus. Fateor igitur illa sanctorum Patrum loca, in quibus alter ex duobus primis Ethnico-*
rum

*Aug. l. 7. de
Civ. D. c. 27.*

rum erroribus reprehenditur, ad hanc causam minimè pertinere, perperamque collecturum, si quis ex iis concluderet, nullas Patres aut habuisse aut coluisse Christi, Sanctorumque images. Tantum ex iis, quæ in secundum errorem dicta sunt, legitimè colligi arbitror, neque agnitam neque creditam Patribus fuisse transsubstantiationem; quippe quæ aper- tissimè supponit illam à Patribus derisam numinis in terrenâ materiâ inclusionem, neque impossibilem esse neque absur- dam. Quæ verò Patrum testimonia ad tertium criminationis caput pertinent, ea necessario conficiunt nullas veteres Chri- stianos Christi Domini, vel Sanctorum images coluisse, quales aut septimæ Synodi patres olim, aut nunc Romana Ecclesia instituit ac defendit, cum rerum ipsarum, quas Pagani, Christianique ve- nerantur, differentia (quam nos longe maximam esse confitemur) minimè pro- hibeat, quo minus utrorumque images ejusdem sint materiæ, planeque inter se similes qui ab utraque parte illis defe- runtur cultus. Si nefas non est aureas, ar- genteasque, ligneas & marmoreas effi- gies ei numini, quod religiosè colimus, erigere atq; consecrare, si eas cum vene- ratione publicè circumferre atque osten-
tare,

tare, si thura cereosque iis offerre, & apud eas procumbere licet; hætenus certe non peccaverint Pagani, quod iis, quos pro numinibus habebant, imagines consecraverint, easque hujusmodi honoribus venerabundi affecerint; quantumvis aliqui gravis & fœdus error istorum fuerit, qui pro vero numine colebant, quod nihil minus erat quàm numen. Nam hoc semel posito atque constituto, quod eos quibus imagines consecrabant Deos vere esse crederent, non est difficilius cultum, quem hujusmodi imaginibus exhibebant, tueri, atque asserere, quam qui à Nicænis, Romanisque doctoribus sacris, ut appellant, Sanctorum imaginibus deferitur. Quin & accuratius rem intuenti videtur illorum, quam horum causa omnis & ratio haud paulò facilior, atque expeditior. Nam (inquit homo Paganus) si vobis Christianis fas est imagines erigere, atque consecrare vestris illis cœlitibus, quos Deos esse negatis; quanto æquius est me simulacris eos donare, quos pro veris numinibus habeo? Vos imagines & statuas, quibus nihil divinæ neque substantiæ, neque virtutis inesse putatis, salutatis tamen demississimè, apertoque capite & junctis atque expansis manibus, totoque prostrato corpore cernui, & supplices

plices veneramini , magnificeque ornatas, & fericis indutas in humeris bajulatis, & ingenti pompâ circumfertis, longisque itineribus earum loca ac facella aditis, liminaque & cancellos religiosis osculis atteritis; quanto igitur sanctiùs atque impensius colere me par est Deorum nostrorum simulacra? quæ non vacua, aut inania, sed præsentî numine, cœlestique virtute plena esse credo? Hodie quidem non solent Romanæ communionis homines in Sinensium, aliorumque in Oriente idololatrarum imagines invehî, aut earum in religione usum reprehendere. Contra, ut sunt callidi & solertes, hoc toto barbarorum instituto in rem suam abutuntur, quasque illi effigies, quæque sacra commentitiis numinibus antehac dicabant, hi mutatis tantùm nominibus in Sanctos & Sanctas cœlites transcribunt. Cùm igitur veteris Ecclesiæ doctores plane aliter cum priscis Paganis egerint; cùm non modò eorum errores de numinis natura, deque divinitatis in materiâ inclusione exagitaverint, sed ipsa disertè simulacra, & simulacrorum cultus, totumque hoc institutum damnaverint, reliquum est ut concludamus eos in religionis usu nullas aut rerum aut personarum, quas sanctas & divinas esse existima-

stimabant, effigies vel habuisse, vel coluisse. Ac ut hoc quoque auctarii vice addam, idem clarissime ex eo apparet, quod Patres primos, ac vetustissimos Pagano-
rum maiores nonnunquam laudant, qui numen sine simulacro coluerant. Varro litteris mandaverat antiquissimos Romanorum sine ulla effigie aut imagine Deos coluisse totis centum & septuaginta annis, *quod si adhuc mansisset* (inquit,) *castius Dii observarentur*; totumque hunc locum sic concludere non dubitabat, ut diceret, *qui primi simulacra deorum populis posuerunt, eos civitatibus suis & metum dempsisse, & errorem addidisse*. Hunc Varronis locum recitat, & dilaudat Augustinus: *Prudenter* (inquit) *existimavit Deos facile posse in simulacrorum stoliditate contemni*; & paulò post, *Si aliquid contra vetustatem* (inquit) *tanti posset erroris, profecto & unum Deum, à quo mundum crederet gubernari, & sine simulacro colendum esse censeret*.

CAPUT III.

*Secunda ratio, ex iis ducta, quæ ad Christianorum
super simulacrorum cultu objectamenta, Paganos
olim respondisse accepimus.*

Sed fac veteres Christianæ Ecclesiæ doctores (quod tamen est incredibile) aut incogitantiam nescio quâ lapsos, aut nimio causæ studio præpeditos, Ethnicis ea objecisse quæ in se reciderent, propriamque ipsorum fidem, ac cultum everterent; Ethnici certe quibuscum illis res erat, imagines siquæ apud Christianos fuissent, venerationemque illis à fidelibus exhiberi solitam in hac causa non fuerant amisuri; supra memoratas Christianorum hominum in hoc argumento criminationes ipsorum usu, praxi, atque sententia dissolvissent, eorumque in Sanctorum imagines cultum in medium attulissent ad tollendam, aut certè mitigandam suæ in idola superstitionis invidiam. Hanc enim causam, tametsi pessimam, mira calliditate atque versutia agebant, omnemque Christianorum fidem, omneis ritus, cultusque auxiliè rimabantur, nihil omittentes, quod sibi vel in speciem quantumvis leviter favore videretur; adeo ut Celsus apud Origenem in hac ipsa quæstione id afferat, quod nos ex sacris litteris credimus *hominem*
C *creatum*

*Orig. contra
Celsum. l. 7. pag.
384. cod. græc.*

*creatum esse ad imaginem Dei; indeque con-
cludat vel ex ipsorum Christianorum sen-
tentiâ humanam formam divinæ esse ima-
ginem; quam cavillatiunculam (ut notum
est) ne ii quidem ex Christianis sunt in hac
caussa aspernati, qui imaginum venera-
tionem postea instituerunt. Quamquam
certe nulla Ethnicis vel mentis solertia,
vel singulari attentione opus fuit ad id vel
eruumdum, vel objectandum, quod ultrò
se se in hac disputatione versantibus offe-
rebat. Fingite enim quæso aliquem hodie
Paganum in urbe Româ versari, imagi-
nes, quibus illic omnes affatim Ecclesiæ
ornatæ sunt, pictas, sculptasque spectan-
tem, multo auro, argentoque ac geminis
fulgentes, cœtumque innumerabilem u-
triusque sexus ante eas religiosissime pro-
stratum, thura adolentium, cereos gestan-
tium, fixisque in earum ora oculis precan-
tium, honores etiam cernentem, quibus
eæ interdum statis diebus afficiuntur,
cum magnâ pompâ, incredibilique totius
civitatis lætitiâ, atque exultatione per no-
bilissimos vicos hominum humeris tri-
umphabundæ circumgestantur, affectan-
te atque applaudente confertissima mor-
taliū turbâ; ac denique illa etiam in-
tuentem quæ in earum sacellis fiunt, cum
illuc ex omnibus Christiani orbis parti-
bus*

bus peregrini confluunt, loca quibus consecratae ostentantur magna humilitate salutant, liminaque ipsa adorabundi exosculantur. Fingite jam si libet de istorum cultuum antistitibus aliquem, crucifixi imaginem manibus, ne quid desit, tenentem, cum Pagano illo, qui horum omnium testis ac spectator fuerit, de religione colloquentem, hominemque acerbius cum Athanasio objurgantem, quod ante ligna & lapides supplex procumbat, vel cum Lactantio dictitantem, perversum esse & incongruens, ut simulacrum hominis à simulacro Dei colatur, vel denique cum Chrysostomo admonentem nihil esse vilius homine ante res inanimatas se se incurvante; Dic sodes, nonne is Paganus vel suis idolis furdior & amentior, ipsisque illis, quæ adorat saxis, magis saxeus fuerit, nisi talia monenti hæc evestigio respondens reponat; Quid est igitur, mi homo, quod vos quotidie ante simulacra procumbitis? Quid, quod nunc etiam in monentis manu imaginem video? Illæ sanctorum, quas habetis effigies, nonne sunt imagines? Qui vero eas colunt homines, nonne sancta sunt & animata Dei simulacra? Hominē ante saxum procumbere si fas est, quid nos damnas? Si nefas, quid tuos, qui hoc faciunt, ab-

solvis ? Quis dubitat talia nunc Paganum hominem Romano magistro responsurum, & si nullus sit à diro Inquisitorum tribunali metus, etiam liberâ ei indignatione exprobraturum non ferendam impudentiam, qui in alienis tam severè exagitet, quod laudat ac commendat in suis ? Atqui nihil hujusmodi ad has veterum Christianorum criminationes excipiunt propiorum Christi natalibus sæculorum Ethnici, quibus neque ad observandam occasionem subtilitas deerat, neque aut facundia ad eloquendum, aut ad audendum libertas, & auctoritas, cùm iis temporibus & locis rerum ipsi potirentur, nullaque tùm tribunalia emerent, quæ non eorum causæ impensissimè faverent. Lege Minutii Fœlicis Octavium; Tertulliani Apologeticum; Origenis libros octo contra Celsum; Evolve Athenagoræ, Lactantii, Arnobii, Iustini, Eusebii quicquid extat de hoc argumento. Illic invenies, quid nostri Paganis objecerint, quid vicissim Pagani aut nostris exprobraverint, aut ad eorû argumenta & rationes responderint. Sola hæc, quam nuperrimè exposuimus, in nostrorum imagines retaliatio nusquam occurrît. Colligamus igitur nullam iis dedisse nostros hujus exceptionis occasionem; nullas

nullas adeo habuisse in suis Ecclesiis Christi, vel sanctorum hominum imagines, nullas (quod faciunt hodie adversarii) religiosa veneratione coluisse. Neque hic quicquam juvat Perronii cavillatio, non fuisse huic exceptioni locum propter immane Ethnicorum simulacrorum à nostrorum scilicet imaginibus discrimen. Nam quibus temporibus imagines in Christianorum usu fuisse universi consentimus, iis profectò minimè Paganos deterruit illa, quæcunque tandem sit, differentia, quo minus in hac causa adhiberent eam venerationem, quam imaginibus à Christianis deferri videbant. Extat in Actis Concilii septimi cujusdam Joannis Thessalonicensis episcopi insignis in eam rem locus, quo Paganus cum homine Christiano de hoc religionis capite colloquens inducitur in hæc fere verba: *Vos ergo in Ecclesiis imagines non pingitis Sanctis vestris, & adoratis illas? & non solum Sanctis, sed & ipsi Deo vestro? Sic ergo aestima & nos simulacra circumfoventes non ea adorare, sed incorporales virtutes, quæ per illa placantur, sive potius coluntur* (ὁ δὲ αὐτῶν ἑεργατομύας.) Mox verò cùm Christianus colloquutor quædam esset interfatus ad diluendam hanc exceptionem, *De Angelis verò* (inquit) *quid dicitis? Et ipsos namque de-*

Synod. VII.
Act. 5.

pingitis ut homines, & adoratis, quamquam homines non sint, sed intelligibiles & incorporales & dicti & existentes. Sic reputa & eos qui apud nos honorantur Deos per statuas placari, (coli, ἱερεῖας εἶδος) nihil inconueniens nobis agentibus, quemadmodum nec vobis super depictis Angelis. Et hætenus quidem Paganus ille disputator. Quid? quod ne ipsos quidem ex Indiâ barbaros fugit hæc disputandi cum Christianis hominibus ratio? Narrat enim Petrus Martyr Mediolanensis in iis, quos Italicè scripsit rerum Indicarum commentariis, tractûs Mexicani in novâ Hispaniâ barbaros, cùm eorum idola repente sublata atque eversa fuissent, quatuor viros ex primoribus ad Alfonsum Zuasum Licentiatum, cuius iussu atque auctoritate id factum erat, misisse; qui de injuria conquerentes hoc ejus consilium sibi præter opinionem eo magis accidisse docuerunt, quod viderent Christianos quoque idola & imagines in usu & precio habere, adorare, & colere. Tùm simul intento digito monstrantes Sebastiani imaginem, quæ forte ad parietem prope Alfonsi lectum affixa pendebat, subjiciebant, quo ille hanc Sebastiani imaginem honore & cultu venerabatur eum se pariter idolis suis exhibere. Alfonsum perculit inexpectatum barba

barbarorum acumen, qui ut se recollegit, respondit Christianos signa hæc, non qua sunt imagines, sed quatenus viros beatos ac in cœlis degentes repræsentant, venerari. Atque, ut dicto fidem faceret, Sebastiani imaginem de pariete dereptam præsentibus & spectantibus barbaris discerpfit. Adhæc illi, Neque se adeò rudes ac obtusos esse, quam ipsos fingat; nam & imagines, non quæ sunt simpliciter imagines, adorare, sed eadem omnino cum Christianis ratione, qua Solem, Lunam, cæteraque cœli luminaria repræsentant. Quo responso perturbatior Alfonsus, parva, ut sic dicam, corporis declinatione disputationem ab imaginibus ad res iis significatas transtulit, quem Indi idolis cultum deferunt eum ad malos dæmones pertinere dictitans; quem verò Christiani imaginibus suis exhibent, eum contendens ad summum universi creatorem referri. Si ergo quæ Joannis Thessalonicensis, quæque Alfonsi Zuasi temporibus de imaginibus, earumque cultu Christianorum fuit sententia, eadem quoque superioribus sæculis à Christo nato proximis fuisset, non est dubitandum, quin ipsis veteres Pagani idolorum adorationem, exprobrantibus eadem quæ isti recentio-

res, fuerint responsuri. Quid enim prohibebat, quominus id facerent? Ingeniine tarditas, an differendi atque disputandi imperitia? Atqui illos constat eruditione, atque eloquentia tantò his recentioribus fuisse superiores, quantò ipsorum sæculum hoc nostro antè fuit. Lege quæ ex eorum disputationibus supersunt apud Origenem, apud Minucium, Cyrillumque & Symmachum, atque alios. Fateberis non eo fuisse illos ingenio, qui ullum, si quod esset, causæ suæ præsidium, vel non animadverterent, vel animadversum omitterent. Cum igitur hunc tam obvium, tamque speciosum colorem in hac disputatione minime adhibuerint, quis non videt nondum illum iis temporibus extitisse? nullasque tum apud illius ævi Christianos in religionis usu aut cultu fuisse imagines? Sed quid opus est diutius immorari in expendendo Paganorum silentio, quorum disertissima extant, atque apertissima hac de re testimonia? Ii enim non modo nullas Christianis objectant Dei, vel Sanctorum imagines, quas tamen si quæ tum apud eos fuissent, sine stupore & flagitio in hac disputatione prætermittere non poterant, sed contra identidem conqueruntur, quod nostri nullis in reli-

gione

gione uterentur imaginibus, aut simulacris. Id illis crimini vertunt, ac in impietatis magnum argumentum rapiunt, quod homines simulacris assueti, & in eorum adoratione nati ac instituti, religionem & numinis cultum sine his consistere posse non putabant. Cæcilius, homo paganus, de Christianis apud Minutium disputans, *Cur nullas (inquit) aras habent? templa nulla? nulla nota simulacra?* Eandem fuisse Celsi de Christianis querimoniam testatur Origenes; Post hæc, (inquit) Celsus ait nos ararum, statuarum, ἀγάλματων templorumque dedicationes fugere. Sicetiam Arnobius Paganos alloquens; *In hac consueſtis parte crimen nobis maximum impietatis affigere, quod neque ades sacras venerationis ad officia construamus; non deorum alicujus simulacrum constituamus, aut formam; non altaria fabricemus, non aras.* Atque hæc quidem illi. Ego verò obsecro, ut Paganum illum, quem nuper in mediis Romæ, qualisea hodie est, cultibus, atque religionibus versantem fingebamur, eum iterum hoc loco adesse putes, & cum istis de rebus divinis colloqui. Fidem tuam appello; Eumne hodiernis communionis Romanæ hominibus omnino aliquid horum exprobraturum censeas, quæ olim Cæcilius & Celsus obje-

Minut. in Octav.

Orig. cont. Cels. l. 8. p. græc. cod. 400. lat. 396.

Arnob. contra Gent. l. 6. init.

cêre? Eumne etiam clamaturum; *Cur nullas aras, nulla templa, nullas effigies sacras, nullas imagines habetis? Cur earum dedicationem fugitis?* Quod si aliquid hujusmodi conquestus fuerit, quisquamne erit, qui non hominem aut furere, aut certè ludere & εἰρωνεύειν existimet? Non sum equidem nescius animi affectibus sic interdum homines perturbari, ut quos, oderrunt in eos nonnunquam falsa, & ab omni veri specie abhorrentia crimina conferant. Sed non est tamè credibile quemquam inveniri posse adeò perditæ mentis & frontis, ut Romani Pontificis Ecclesiæ ista ausit imputare; quod omnino perinde esset, ac si quis hodie Iudæos & Musulmanos (quos omnia prorsus simulacra summo horrore abominari nemo nescit) accusaret tamen, quod Synagogas & Mescuitas imaginum plenas habeant. Fac tamen, quod nequaquam verum est, priscis illis sæculis passim in Christianorum Ecclesiis fuisse imagines religione consecratas, cultasque eo ritu, qui nunc Romæ obtinet. Profecto negari non potest (siquidem ita sese res habuit) debuisse illius evi Christianos Paganis tam stultè, tamque impudenter disputantibus respondere suas sibi esse in religionis usu imagines, quamquam aliis rebus, personisque

nisque consecratas, quàm quibus sua simulacra dedicabant Ethnici. Siquis enim hodie apud Sinas idololatra sic desipiat, ut à Iesuitâ de religione disputans hoc quærat, *Cur nullas Christiani habetis aras? nulla templa? nulla simulacra? nullas sacras imagines?* Jesuita haud dubiè, sic interrogantem non aliis, quam his aut similibus verbis excipiet: *Tu verò vehementer falleris, ô bone. Sunt nobis altaria, in quibus quotidie hostiam offerimus omnium peccatorum verè expiatoriam. Sunt templa; sunt imagines, vero Deo, verisque ejus ministris sacra. Nullum hujusce generis ornamentum in nostra religione desiderabis; neque quicquam ei deesse aliud comperies, quàm profanos impietatum vestrarum cultus.* Itaque si veteris Romæ Christianismus idem hac in parte olim fuit, qui nunc est novæ, fieri non potest, ut vel Octavius, vel Origines (nisi eos stupidos, & ipsius communis hominum sensus expertes facimus) illam Cæcilii, Celique expostulationem sine confutatione, dimiserint, improbè quiritantium, quod Christiani nulla simulacra, ἀγάλματα, haberent. Omnino coarguenda fuit tam immanis, tamque importuna calumnia; monendusque adversarius Ecclesiis Christi, quamquam neque Jovis, neque Mercurii aut Veneris signa colentibus,
non

non deesse tamen sua hujus generis ornamenta; ac ut Pagani eorum, quibus supplicabant, numinum simulacra suo ritu dedicabant, sic etiam Christianos Dei optimi maximi rerum conditoris, Domini Iesu religionis suæ principis, & divinorum virorum, quos Deo carissimos fuisse intelligant, effigies atque imagines certâ quadam ratione, eâque fidei suæ convenientissimâ consecrare, & colere. Atqui certum est eos non modo nihil hujusmodi respondere, sed insuper ea Paganis sic disputantibus reponere, quæ apertissimè conficiunt aut non posse, aut non licere, aut certè non expedire fieri ullam Dei imaginem. *Quod enim simulacrum (inquit Octavius) Deo fingam, cum, si recte existimes, sit Dei homo ipse simulacrum? Templum quod ei exstruam, cum totus hic mundus ejus opere fabricatus eum capere non possit? & cum homo latius maneam, intra unam ediculam vim tantæ majestatis includam? Nonne melius in nostra dedicandus est mente? in nostro imo consecrandus est pectore? Hostias & victimas Deo offeram, quas in usum mei protulit, ut rejiciam ei suum munus? Ingratum est, cum sit libabilis hostia bonus animus, & pura mens, & sincera sententia. Igitur qui innocentiam colit Deo supplicat; qui justitiam, Deo libat; qui fraudibus abstinet, propitiat Deum; qui hominem*
periculo

Minuc. in
Octav.

periculo surripit, optimam (an opimam?) victimam cadit. Hæc nostra sacrificia, hæc Dei sacra sunt. Sic apud nos religiosior est ille, qui justior. Atque hæc quidem est Octavii ad Cæcilianam de simulacris interrogacionem responsio; quæ utris aptius conveniat Genevensisne, an Romanæ disciplinæ Christianis, cordato lectori judicandum relinquo. Neque aliter Celsum suum excipit Origenes de Christianis expostulantem, quod ii aris, simulacris, atque imaginibus carerent; *Pro aris*, inquit, *nobis mens sua cuique est, ex qua sursum feruntur verè ac intelligibiliter suaveolentes suffitus, preces è pura conscientia.* Tum pauculis interjectis: *Simulacra autem Deo dicanda sunt non fabrorum opera, sed à verbo Dei dedolata, formataque in nobis, videlicet virtutes ad imitationem primogeniti totius creature.* Mox denique; *Audiat qui vult doctrinam nostram, quod corpora nostra templum Dei sunt; & quæ consequuntur.* Profectò fatendum est, aut nullas tùm coluisse imagines Domini Christi Ecclesiam, aut tàm Paganos, qui hæc objicerent, quàm Christianos, qui sic ad objecta responderent, utrosque pariter desipuisse; quod nemo nisi stultus aut furens dixerit, cùm quæ in utrorumque disputationibus ubique elucet mentis, & ingenii vis summâ cum eloquentiâ atque erudi-

*Orig. contra
Cels. l. 8. p. gr.
400. lat. 396.*

*Ibid. p. gr. 402.
Lat. 396.*

eruditione conjuncta satis clamet, quàm cordati, quamque præstantes fuerint illi viri.

Refutat. du
disc. f. 177. b

Sed hic occurrit Perronius, vetatque ne ex supra laudatis locis colligamus nullum fuisse apud veteres Christianos imaginum in religione usum. Pertendit enim Cæcilium, cùm is apud Minucium quærit, *Cur nulla habent nota simulacra?* hoc velle, Christianorum imagines, non quidem nullas fuisse, sed hujusmodi quæ aut clam Paganis haberentur, aut rerum essent Paganis ignotarum, & ab eorum usu abhorrentes, id est aliud essent, quàm Deorum Gentilium effigies. Nam hæc solennis est nostri Perronii strophæ, quod nusquam in Patrum scriptis occurrit, id causari ab iis occultatum ac celatum fuisse de industria. Sexcenta sunt apud veteres de Eucharistiæ sacramento loca, in quibus nuperæ transsubstantiationis neque vola apparet, neque vestigium. Nempe (inquit Perronius) hoc illi mysterium in arcano habebant, neque id umquam apertè coram vulgo enunciant. Ita etiam in hac disputatione, cùm nullas extare in veterum Patrum religione imagines videret, homo versutus & pristini doli memor, jactat eas à Christianis fuisse occultatas. Hic verò primùm quæro,

quæro, quid causæ fuerit, cur Patres Paganis suum imaginum usum ignotum esse voluerint, quo nihil istis quidem erat in religione jucundius, aut acceptius. Patribus istis mira, planeque singularis affingitur prudentia, qui procul à Paganorum oculis atque aspectu id haberent, quod unum maximè eorum in se odia mitigare, & novitatis ac religionis nostræ invidiam minuere poterat; in quâ nihil istos constat tam graviter, tamque acerbè tulisse, quàm quod in eâ nullas imagines viderent. Neque vero hic caussandum est, Christianorum imagines, quod non essent rerum Paganis familiarium, eorum offensionem potius exacerbaturas, quam placaturas fuisse. Pagani enim nihil amplius requirebant, quàm ut ejus, quem usurpabant, cultûs speciem aliquam cernerent, quamquam alioquin ora vultusque, imò & ipsæ formæ simulacrorum non parum ab iis differrent, quæ ipsi seorsim colebant. Romanus Ægyptium ferebat, Deum bovis, vel arietis, vel etiam canis formâ pingentem: satisque habebat aliquid pictum, sculptumve videre. Sed neque quicquam hodiernæ habent Romanæ religionis imagines, quod cum veterum Paganorum usu, moribus, civilitate pugnet. Virorum & mulierum formæ

mæ sunt; eæque non minus variæ, aut venustæ, quàm Ethnicorum numinum icones. Siquis eas Paganus eo ritu, ornatuque, qui nunc Romæ obtinet, sacratas, positas, picturatas, instructas, coronatas aspexisset; si thura, quæ iis adolentur, si cereos, qui accenduntur, si venerationem, quæ defertur, si sacella, quæ dedicantur, magnâ adorantium turbâ frequentia, si mensas opimis donariis onustas aspexisset, non dubito quin tam beatâ pompâ contentus Christianos evestigio tamquam fratres amplexurus, eorumque religionem, veluti suæ germanam probaturus fuerit; quod quàm verè affirmem, satis evincit vel illius Ethnici exemplum, quem nuper audiebamus cultum suorum simulacrorum cum iis hominibus comparantem, quos sequiorum sæculorum Christiani Domini Iesu, Angelorum, sanctorumque hominum imaginibus deferrebant. Si quas igitur huiusce generis habuisset prisca Christi Ecclesia, si quas religiosè (ut nunc fit) coluisset, eas haud dubie Paganis Sancti Patres non modo non occultaissent, sed pro sua prudentia patefecissent, sub oculis posuissent, atque ostentaissent, quando earum aspectus plurimum videtur habiturus fuisse momenti ad placandam, aut certè mi-

minuendam eam invidiam, quâ tùm religio Christiana apud ipsorum principes & cives flagrabat. Itaque quod nescierunt Pagani ullas extare in Christianorum Ecclesiis imagines, id ipsum apertissimè evincit nullas revera tunc temporis apud eos fuisse in religione usurpatas. Fingamus tamen, quando sic Perronio libet, illius ævi Christianos præposterâ nescio quâ, planeque incredibili sapientiâ imagines suas occultasse; illud quidem certè negari non potest ab iis exegisse tùm caritatis, tùm prudentiæ Christianæ rationes, ut urgentibus adversariis, & magnâ voce, quòd simulacris carerent, exprobrantibus, sibi que id vehementer displicere testantibus, quicquid erat hujus mysterii patefacere, docerentque tandem bonâ fide, neque suas deesse Ecclesiæ imagines, quamquam ab Ethnicis diversas, iisque se debitum cultus & venerationis modum exhibere, nec quominus eas in lucem proferant alio se metu deterreri, quàm imminentis ab ipsorum sævitiâ persecutionis. Quis non intelligit Octavium (siquidem is eadem cum VII. Synodo de religione sensit) hanc confessionem, atque instructionem suo Cæcilio debuisse? Atqui nihil ille hujusmodi, ut supra audivimus. Tantùm affert

aliquas rationes, quibus probet Deum pingi nefas esse, eoque satis testatur nullum se Dei simulacrum, nullam habuisse aut agnovisse imaginem. Duæ enim omnino sunt depellendæ accusationis rationes; altera, qua id quod obicitur, factum esse negamus: altera, quâ id quod factum confitemur, jure factum fuisse defendimus. Christianos accusat Cæcilius, quod nulla habeant simulacra nota. Pro Christianis respondet Octavius, nihil opus esse simulacris. Id igitur admittit, quod obiciebatur, nulla videlicet sibi aut suis esse in religionis usu simulacra. Aliter absurda est, & ridicula omnis ea, quâ utitur, defensio, negans necessaria esse in religione simulacra. At (inquires) si nullæ omnino Christianis fuerunt in religionis usu imagines, cur non simpliciter exoptulat Cæcilius, quod ii *nulla habeant simulacra*? quorsum illud adjicit, *simulacra nota* nisi, ut significet fuisse iis aliqua, sed ignota? Præterea si nullas Christiani imagines clam Paganis habuerunt, quid ista sibi volunt, quæ Cæcilius ante ea verba, quæ superius recitavimus, quæsierat, *Cur occultare & abscondere quicquid illud colunt magnopere nituntur, cum honesta semper publico gaudeant, scelera secreta sint*? Ad hæc ego respondeo

Pagā-

Paganos, qui nullam religionem norant, quæ non visibilem aliquam numinis effigiem coleret, aut certè cultus externos, cæremoniasque aliquas usurparet, cùm nihil apud Christianos hujusmodi occurreret, non imago, non sacrificium, non symbolum aliquod mysticum, hæsisse ambiguos, quid de illorum Deo statuerent, eoque adductos esse, ut alii aliud de eo suspicarentur; quemadmodum & apud hunc ipsum scriptorem, & fusiùs apud Tertullianum in Apologetico videre est, c. 16. 105. ubi diversissimæ, absurdissimæque, ac planè prodigiosæ commemorantur aliquot Gentilium ea de re sententiæ. Cæcilio in eadem judicii difficultate æstuanti illud succurrit, fieri posse, ut turpis & inhonestæ formæ numen in arcano Christiani colerent, cujus adeò effigiem pudore aliquo deterriti neque vulgare, neque palam proferre auderent. Hoc ille suspicans quærit, *cur abscondere quicquid illud colunt nitantur? cur simulacra nota nulla habeant?* orationem sic temperans, ne rem dubiam, ac parum compertam iis pro certa objectare videatur, ac si dicat, Aut nulla omnino simulacra habent, aut si habent aliqua, occulta certè habent, & hujusmodi quæ nostris oculis, ac sensibus palam objicere non sustinent. Hanc

*Minuc. in
Octav. ubi su-
pra.*

Ibid.

verò esse Cæciliï mentem id principio evincit illa, quam instituit, nostrorum cum Iudæis comparatio; Iudeorum sola & misera gentilitas unum & ipsi Deum, sed palam, sed templis, aris, victimis, ceremoniisque coluerunt. Tùm neque nos Octavii ad ista responsio dubitare finit, quin hic fuerit Cæcilio animus: Putatis (inquit) nos occultare quod colimus, si delubra & aras non habemus. Quod enim simulacrum Deo fingam, cùm si rectè existimes sit Dei homo ipse simulacrum. Iam verò (sicuti supra docuimus) nullas apud Christianos fuisse in religionis usu imagines hoc ipsum satis apertè arguit, quod fuisse aliquas nesciverunt Pagani: tùm & illud etiam apertius, quod hoc criminantibus Paganis sic respondent homines Christiani, quorum vel plurimum intererat, si quæ tùm fuissent apud ipsos imagines, ut ex promerentur atque ostentarentur Paganis potius, quam ut absconderentur, atque occultarentur. Sed antequam ad alia progredior, non erit fortasse alienum paucis obiter explicare, quid illud sit, quod ait Cæcilius illius memoriæ Christianos nulla templa habuisse. Neque enim sic accipienda est hæc ejus oratio, quasi nullæ tùm fuerint ædes, in quibus Christianæ communionis homi-
nes

nes sacros conventus habuerint, quo & de rebus divinis edoceri, & communi Deo unà supplicare possent; qualia sunt, quæ hodie Protestantium dicuntur *templa*. Nam non modo ex Eusebii historia, sed & ex aliis aliquot veteris Ecclesiæ monumentis satis constat, jam tùm Christianis fuisse sacras hujus generis ædes; quibus si uspiam caruerunt, id factum Paganorum vi ac injuria, præter fas eam piis hominibus copiam ac libertatem invidentium, non autem ulla Christianorum ipsorum religione. Verum & Minutius hoc loco, & alibi fortasse alii *templi* nomine locum intelligunt Dei ac divini cultûs proprium, nec tam usu, quam dedicatione sacrum, in quo numen peculiari quadam ratione insidere, vimque ac potentiam longè aliter, quàm alibi exerere putatur; in quo denique ob hanc maxime causam numini, tamquam istic magis præsentì, externum ac proprie dictum sacrificium offertur; quale fuit Hierosolymitanum Iudæorum templum; qualia etiam vel olim fuêre Paganorum, vel nunc sunt Romanorum hominum *templa*. Hujus sane generis templum nullum, neque priscis illis Christianis quondam fuit, neque nobis nunc est; quò non obscure respicit Octavius, cùm negat

*intra unam adiculam vim divina majestatis includendam. Quod enim pertendit Perro-
nius tùm à Minucio hoc loco, tùm vulgò
à Paganis templi vocabulum eo sensu ac-
ceptum fuisse, ut eam tantùm ædem si-
gnificaret, in qua simulacrum aliquod in-
esset Ethnico ritu consecratum, ac (ut
græcè quod ille ait eloquar) ἀποθεωθεῖν,
id, inquam, futile est hominis causæ ser-
vientis commentum, quòd nullo nego-
tio everti potest. Ac Paganis quidem
templum id non modo fuisse, in quo Deo-
rum simulacra essent posita, sed etiam id
in quo nulla esset imago consecrata, cla-
rissime evincit vel unus hic Plutarchi in
Plut. in Num. Numa locus, quo Romanos ait primos
centum & septuaginta annos templa (ναὶς) ex-
truxisse, & cellas Diis, simulacrum per id tem-
poris nullum habuisse, nefas putantes augustio-
ra exprimere humilioribus, neque aliter aspirari
ad Deum, quam mente posse. Idem quoque
confirmat Lampridii in Alexandro Seve-
ro locus, quem hic totum describere pla-
cuit, quod insignis sit, & ad rem nostram
vel maxime pertineat, doceatque nullas
priscis illis temporibus in religionis usu
apud Christianos fuisse imagines; Christo
templum facere voluit (de Alexandro loqui-
tur) eumque inter Deos recipere. Quod & A-
drianus cogitasse fertur, qui templa in omnibus
civita-*

*Æl. Lampr.
in Alex. Se-
vero. edit.
Salm. p. 120. A*

civitatribus sine simulacris jusserat fieri, quæ hodie iccirco quia non habent numina, dicuntur *Adriani*, quæ ille ad hoc parasse dicebatur. Sed prohibitus est ab iis, qui consulentes sacra repperant, omneis Christianos futuros, si id optatò evenisset, & templa reliqua deferenda. Atque sic quidem tùm Plutarchus, tùm Lampri-
 dius *templi* nomine donant etiam eas ædes, in quibus nullæ inerant imagines. Minutium verò ipsum, certum est, neque sic *templi* nomen intelligere, ut non aliter usurpet, quàm pro ea æde, in qua sit simulacrum Ethnico ritu dedicatum, quippe apud quem occurrunt illa jam à nobis supra recitata de Judæis verba, quibus ait Cæcilius eos unum Deum templis, aris, victimis coluisse. Quo loco Cæcilius dum Christianos Judæis hac in parte opponit, clarissimè demonstrat, se, dùm negavit Christianos ulla habere templa, id eo, quo paulo ante accepimus, sensu dixisse, non autem eo, quem ipsi affingunt adversarii. Sed jam ad imaginum causam redeamus. Celsum suprà apud Originem audivimus simpliciter negantem ulla à Christianis dedicari simulacra. Jam ad hæc sic respondet Perronius, ut dicat, non eam fuisse ejus mentem, ut nullas plane fuisse Christianorum imagines intellexerit, sed ut nullas fuisse Deorum nomine Ethnico ritu con-

*Refut. du disc.
 fuscill. 178. a*

56 DE IMAGINIBVS
secratas, atque deificatas. Quid his homi-
 nibus facias, qui ut causam tueantur, Dei
 hominumque sermonem pro libidine
 invertere non verentur? Negat Christia-
 nos simulacra dedicare. Minimè vero,
 inquit Perronius. Non hoc ille negat:
 quod vult, longè aliud est. Fuitne um-
 quam ulla vis major, aut iniquior, quàm
 ut tibi jus atque auctoritatem sumas, ipsas
 hominum & quidem ante multa sæcula
 mortuorum cogitationes pro arbitrio
 immutandi? Sed & quam adfert Perro-
 nius sui hujus commentu rationem, ea ve-
 rò mira est. Nam ἀγάλματι, inquit, id
 est simulacri nomen, quoties à Paganis κατ'
 ἐξοχὴν & de rebus ad religionem pertinentibus
 usurpatur, toties statuam significat Dei alicujus
 titulo consecratam, ac, ut ille loqui amat, dei-
 ficatam. Ego verò omnium Græciæ Gram-
 maticorum fidem hic appello, una voce
 testantium ἀγάλμα apud Homerum qui-
 dem & alios vetustissimos hujus linguæ
 auctores ex ipsius vocis etymo id in ge-
 nere fuisse, quocumque quis gaudet,
 ἀγάλλει, qualia sunt quæ elegantiae aut
 precii causa, vel in Deorum templis re-
 ponuntur donaria, vel in hominum the-
 sauris asservantur κειμήλια; apud recen-
 tiores verò, quorum in numero Celsus
 est, ἀγάλμα ἰδίως ξόανον propriè ac pecu-
 liariter

Eustath. in
 Iliad. edit.
 Rom. p. 456.
 22. 31.

liariter esse simulacrum; undè ἀγαλματοποιὸς dicitur is, qui Latinis *statuarius vel sculptor*, non qui simulacrum consecrat, aut dedicat, sed qui effingit, quique ei non Dei, sed simulacri formam indit, ex quo ductum est verbum ἀγαλματοποιεῖν, simulacra non consecrare, sed facere atque fingere; quæ perpetua est horum vocabulorum apud Græcos scriptores significatio. Sic enim utrumque usurpavit Origenes, & quidem, ne longe petenda sint exempla, paucis supra eum locum versibus, de quo nunc disputamus, ubi habes hæc verba, Ἐπὶ τῷ ἀγαλματοποιῶν οἱ μὴ πνέες εἰσι θαυμαστῶς κατορθύντες τὸ ἔργον, ἔτερε ἣ ἑλάττω ἀγαλματοποιῶσι: quæ sic reddidit Gelenius, *Inter simulacrorum artifices quorundam usque ad miraculum excellent opera, aliorum minus bona sunt; proprie, minus bene aut minus commode statuas faciunt.* Itaque cum generale sit ac indefinitum ἀγάλματι & vocabulum, quodvis nullo discrimine simulacrum significat sacrum, profanum, civile, religiosum, publicum, privatum, seu Pagani, seu Christiani; neque aliud quicquam in ea re, cui tribuitur, præter simulacri formam ponit; non aliter quàm *hominis* nomen quodcumque animal ratione præditum, cujuscumque census, ingenii ac dignita-

Orig. l. 8. contra
Cels. p. 491.

tis simpliciter ac promiscuè comprehendit; ut non minus τῷ ἀγάλματι *simulacro* accidentale sit, & præter rei ipsius naturam adventitium *sacrum* esse. vel ut cum adversario loquar *deificatum*, quàm homini *musicum* esse vel *sacerdotem*. Ex Christianis sane quotquot imagines colendas putaverunt iis nulla fuit religio ἀγάλματι appellare, quas ipsi hunc in usum consecrabant; quod videre est in illo apud

Conc. 7. Act. 1.

VII. Synodi Patres decantatissimo Isidori dicto, ναὶ λόγῳ ὃς εἰς ὃν ἔσθ' ἀγάλμα. *Templi nulla ratio quod non coronat simulacrum.* Neque enim eos puto de simulacro Ethnicorum ritu consecrato, atque deificato intelligere. Possem sexcenta ejusdem generis exempla afferre. Sed nihil opus, cùm adversarius, quod affirmamus, id ipsum concedere videatur; quippe qui τῷ ἀγάλματι ὃν sensum tum demum restringi vult, ubi id vocabulum à Paganis, & quidem de religione fuerit usurpatum; tacitè confitens latiùs esse intelligendum, si quando vel in Christianorum hominum sermone occurrat, vel de rebus extra religionem positis dicatur. Sic enim definiunt ἀγάλματι ὃν nomen, ut quoties à Paganis καὶ ἐξοχὴν ὃν de rebus ad religionem pertinentibus usurpatur, toties statuam significet Dei alicujus titulo consecratam

tam ac deificatam. Mira sanè definitio, quam vix est, ut eo sensu constituas, quo vel non falsa, vel certè non inepta sit. Falsa est, si, quod verba præ se ferunt, significet Paganum hominem de religione verba facientem numquam vocem ἀγάλματ^{ος} usurpare, nisi de simulacro suo ritu consecrato. Quid enim vetat, quo minus is æneam illam statuam, quam Christo Paneade dedicatam fuisse fama erat, ἀγάλμα appellet, si de eâ forte sermo inciderit? Profecto quod Sozomeno Christiano scriptori licuit, non video cur non eque Pagano homini licuisse existimandū sit. Sin Perronianam ἡ ἀγάλματ^{ος} distinctionem sic accipias, ut velit eo nomine censerī simulacrum Deo alicui Ethnico ritu consecratum, quoties de iis dicitur imaginibus, quæ sunt à Paganis in religionis negotio usurpatæ; quid fingi potest ineptius, aut dilutius? Sic enim eò tandem res delabetur, ut id nomen *simulacrum deificatum* significare existimandum sit, quoties de simulacro deificato dicitur; ac si pronunciem *hominis* nomen, quoties de musico dicitur, toties eum designare, qui musicam calleat. Horribile sanè arcanum, planeque dignum, quod nobis à tanto Magistro patefieret. Ego verò & hujus, & cæterorum vocabulorum

Sozom. Hist.

Ecccl. l. 5. c. 21.

ἐπίσημον

χρῖς ἀγάλμα.

bulorum sensum pro subjectarum rerum natura accipiendum, & ex eâ constitutendum, atque definiendum esse confiteor. Itaque iis in quibus versamur locis, cum de religione sermo sit, concedo ea significari simulacra, non quæ in vitâ communi, sed quæ in religione usurpatur, Celsoque eam esse mentem, non ut Christianos neget ullas domi habere vel ad ornatum ædium, vel ad memoriam amicorum imagines, sed ut eos significet nullas in religiois usu, nullas in rebus sacris atque diuinis adhibuisse. Quod satis docet, & res ipsa de qua loquitur, & id quod usurpavit verbum, dùm ait Christianos ἀγάλατα ἰδεύεσθαι φέγγειν, hoc est interprete Gelenio, *Statuarum dedicationem fugere*. Nam ut est ab Eustathio alicubi observatum, ἰδεύεσθαι propriè dicitur templum, vel simulacrum. Si verò quæ sequioribus postea sæculis in Christianorum Ecclesias irrepsere effigies, atque imagines, eas jam tùm pariter consecrari, atque dedicari usus fuit; obsecro, quid isto philosopho stultius, aut ineptius fieri potest, qui istos reprehendit, quod statuarum imagines fugerent? Sed Christianorum (inquit Perronius) aliæ sunt, quàm Paganorum imagines. Quis negat, cum & ipsa Paganorum simulacra cultu, forma, habitu,

In Iliad. ed.

Rom. 387. 8.

habitu, immane quantum inter se discreparent? Satis est, quod quamquam in cæteris diversa, in hoc certe conveniunt, quod utraque sunt ἀγάλματα, id est simulacra, quæ tam hi, quàm illi in religione, rebusque sacris pro suo quique animo ac sensu usurpari voluerunt. Quæ apud Romanæ communionis homines in usu est Eucharistia non parum à nostrâ differt; neque omnino idem est Æthiopum & Latinorum baptismus. Non ideo tamen ferendus fuerit, si quis aut nos Eucharistiâ, aut Æthiopes baptismis carere diceret. Ita neque siqua est inter Christianorum, & Paganorum imagines differentia, ea efficit, ut Pagano hominili ceat de horum temporum Romanis conqueri, quod ii *statuarum dedicationem fugiant*. Sed illud est præterea in Perro-nianâ distinctione observandum, quod etiamsi concederetur ἡ ἀγάματι & vocabulum in religionis negotio usurpatum semper simulacrum significare ejusdem generis cum iis, quæ colebantur ab Ethnicis, non ideò tamen confectum erit, simulacrum eo sensu, aut esse imaginem Dei, aut signum deificatum. Nam præter Deos, Pagani etiam heroas, semi-deos, & dæmones colebant, iisque simulacra dedicabant, majoremque eorum, quæ

quæ adorabant partem, improprie tantum, & κατὰ χρευσικῶς Deos appellabant; quippe quos primi illius, summique numinis, cui uni proprie Dei nomen convenit, ministros & internuncios esse statuerent. Quod verò pertinet ad simulacrorum ἀποθεώειν, qui eam tam sæpe in hac causâ jactant adversarii, iidem confitentur acutissimos & subtilissimos quosque Paganorum habuisse idola pro meris deorum signis & imaginibus, quod etiam à nobis supra fuit demonstratum. Ex his verò constat ut maximè ex Paganorum sensu atque opinione metienda sit *simulacri* significatio, id nomen nihilo-fecius eas etiam complexurum imagines, quæ neque Dei alicujus sunt, neque vero ἀποθεώθεισιν censentur, sed ad significandam duntaxat rerum divinarum naturam instituuntur, atque dedicantur, cujus generis cùm sint haud dubiè, quæ Romana nunc Ecclesia veneratur Sanctorum simulacra, ea profecto relinquitur nullum apud veteres Christianos in usu religionis olim locum habuisse. Jam vero notandum est Celsum unum fuisse de subtiliorum numero, qui sacras Paganorum imagines, non pro Diis, sed pro Deorum signis, atque donariis habebant, quod & ipse (uti supra memoravimus) profitetur,

profitetur, & Origines alibi disertè testatur, Celsus (inquit) *ea simulacra ait non Deos sed Deorum donaria* (ἀνὰθήματα) *se existimare*. Ex quo consequitur, cum is ipse sit, de cujus verbis controversia est, ἀγαλμάτων nomen hic necessario ex ejus sensu sumendum esse pro imaginibus numini dedicatis, non autem, quod comminiscuntur adversarii, pro simulacris in nescio quam divinitatem consecratione permutatatis, quo in numero ne ipse quidem Celsus sua simulacra censuit. Quod ipsum etiam evidentissimè confirmant quæ idem alibi ex Herodoto refert Persas *statuas τὰ ἀγάλματα, aras, templa nec ipsos dedicare, & alios qui hoc faciunt pro stultis habere*. Quid? hoc cine vult Celsus, nulla quidem Persis in usu religionis fuisse simulacra deificata, aut Deorum titulo dedicata, fuisse verò alia eò tantum instituta, atque consecrata quò sive Deos, sive heroas aut repræsentarent, aut significarent? Minimè gentium. Clarum est eum velle apud Persas in religionis usu nulla omnino cujuscunque generis, aut instituti fuisse simulacra, quod necessario conficit adducta ab Herodoto ratio. Ille enim subjicit Persas id sibi sic instituisse videri, quod Deos non crederent esse humana specie, quæ Græcorum est opinio. Non est ergo dubitan-

Orig. contr.
Cels. l. 7. p. 387.
cod. gr.

Id. l. 7. contr.
Cels. p. 384.
cod. gr. 381.
lat.

Ibid.

dubitandum, quin Celsus, cùm ibidem ait Christianos *non ferre templa, aras, statuas τὰ ἀγάλματα* aspicere, pariter intelligat nulla omnino fuisse apud Christianos simulacra, non autem (quod volunt adversarii) nulla fuisse ἀποθεωθέντα, tametsi essent quædam apud eos alterius generis ad hoc tantùm instituta, ut Dei Sanctorumque naturam exprimerent ac repræsentarent. Sed quæcumque fuerit in his Celsi mens, ex Origenis certè responsione liquet illorum temporum Christianos nullas habuisse sacras (ut vocant) imagines, quas, siquæ tùm apud eos fuissent, non erat hoc loco omissurus Origenes, sed Celsi errorem detecturus, atque suarum à Paganicis discrimen demonstraturus. Non minor olim fuit inter Christianorum, & Gentilium festa differentia quàm quæ hodie est inter Romanorum & Paganorum simulacra. Cum autem idem ille Celsus Christianis objecisset, quod nullos, ut Pagani, dies festos celebrarent, Origenes hominem statim refellit, multaque de eo argumento sanè præclara exsequutus, nostram Dominicam, Pascha, atque Pentecosten, Christianorum festa, disertè nominat. Hic itaque in causâ plane consimili, siquæ tùm fuissent apud Christianos

Christianos imagines, non est dubitandum, quin eas pariter commemoraturus fuerit Origenes, exprobrante Celso totum hoc genus fugere & odisse Christianos. Atqui nihil ille hoc loco de istis imaginibus. Imagines quidem, & effigies aliquas affert in medium, quas maximè apud Christianos in precio & honore fuisse confitetur, sed prorsus ab istis, de quibus nunc disputamus, alienas; *Simulacra autem, inquit, Deo dicanda sunt, non fabrorum opera, sed à verbo Dei dedolata, formataque in nobis, videlicet virtutes ad imitationem primogeniti totius creaturæ, in quo sunt justitiæ, temperantiæ, fortitudinis, sapientiæ, pietatis, cæterarumque virtutum exempla. Hæ sunt statuae Deo dicatæ in animis justitiam juxta præceptum Dei, & fortitudinem & pietatem, reliquasque virtutes exercentium, quibus decenter honorari credimus omnium hujusmodi statuarum archetypum primum, imaginem invisibilis Dei, Deum unigenitum; & quæ sequuntur apud eximium Scriptorem. Ex quibus primùm videre est, quàm vana fuerit omnis adversariorum de ἀγάλματι & sive simulacri vocabulo suspicio, quasi id non aliis signis conveniat, quàm quæ à dæmonibus insidentur. Nam illud ipsum nomen, quod adeo dirum & horrendum fingeat Per-*

*Ib. l. 8. p. 400.
cod. gr. lat. 396*

66 DE IMAGINIBVS
ronius, tùm sanctissimis Christianæ pi-
tatis virtutibus, tum ipsis quoque fide-
libus tribuere non veretur Origenes,
dum Christum Jesum τὸ πρῶτό τυ πον πέν-
των ἀγαλμάτων vocat. Deinde & hic vi-
demus scriptorem longè præstantissi-
mum Paganorum simulacris, non alias,
quæ apud Christianos essent, imagines
opponere, quam veras virtutum effigies,
& sacram novi hominis formam in ea iustitia
conditi, quæ est secundum Deum; quod ab-
undè confirmat nondum in Christianæ
religionis usu fuisse ullum ex iis simula-
cris, quæ vel ex ligno, vel ex marmore &
metallis, reliquâque hujus generis mate-
riâ fingi solent.

C A P V T IV.

*Tertia ratio ducta ex Sanctorum Patrum disputa-
tionibus ad versus Iudaos.*

SED quod hæ veterum Patrum cum
Paganis concertationes probant, id
ipsum, neque sane obscurius docent quæ
extant eorundem cum Judæis disputa-
tiones, nimirum nullas fuisse priscae illi
Ecclesiæ imagines ad eum religionis
usum, qui hodie obtinet, institutas, ac
consecratas. Nemo nescit quantopere
omnis

omnis Iudæorum natio imagines, tùm universim, tùm maximè in religionis negotio abominetur. Qui ipsis defertur cultus, eum illi pro summo quodam, atque inextinguibili scelere habent, quo nullum à mortalibus nocentius aut dirius in Deum optimum maximum admitti possit. Neque hæc eorum animis opinio nuper, aut nudiùs tertius insedit. Iam inde à solutæ captivitatis Babylonicæ temporibus tantum, tamque constans fuit simulacrorum apud istos odium, ut nullam umquam ullius omnino creaturæ imaginem in templum recipere voluerint, id nefas lege divina severissimè vetitum arbitantes; quo factum, ut Bel-larminus scripserit eos, qui quondam propensissimi fuissent ad idololatriam, post Christi adventum supersticiosissimos fuisse contra imagines. Si quas igitur imagines Christianæ Ecclesiæ jam indè à primis temporibus habuissent, si, qui hodie Romano ritu obtinet, eundem illis cultum, eandemque venerationem detulissent, non est dubitandum, quin acerri-mi, atque implacabiles nostræ disciplinæ hostes Iudæi id arrepturi fuerint, & velut infandam aliquam impietatem criminaturi. Sane quibus temporibus cultum imaginum inter Christianos viguisse in

*Bel. de imag.
c. 7. §. Ac pri-
mus.*

confesso est, iisdem etiam constat Iudæos
 haud segniter exagitalse eum ritum , ac
 inter præcipua Christianæ fidei crimina
 censuisse . Laudatur à septimæ Synodi
 Patribus dialogus paulò ante illa tempo-
 ra conscriptus, in quo Judæus quidam
 inducitur his verbis Christianum collo-
 quutorem compellans: *Credidi ad omnia,
 & credo crucifixo Iesu Christo, quia est Filius
 Dei vivi. Scandalizor autem in vos Christia-
 ni, quia imagines adoratis; Scriptura quippe
 ubique præcipit non facere quemquam sibi scul-
 ptile, vel omnem similitudinem.* Neque hanc
 istorum criminationem omisit Leontius
 Neapolitanus in Cypro Episcopus, eâ
 quam edidit pro Christianis adversus Iu-
 dæos apologiâ, id enixè agens ut eorum
 scandalo aliqua ratione medeatur; ut vi-
 dere est in loco, quem ex libro illius ope-
 ris quinto fusè in septimæ Synodi Actis
 descriptum habemus . Eadem est dili-
 gentia omnium Romanæ communio-
 nis hominum, qui quidem ab aliquot re-
 tro sæculis aliquid contra Iudæos com-
 mentati sunt . Nemo istorum est, qui
 non omne ingenii nervos contendat ad
 amoliendum offendiculum, quod à suis
 imaginibus Judæorum animis objici in-
 telligunt. Siquis exempla desideret legat
 Ludovici Carreti Epistolam; legat Sepher
 Amana,

Syn. 7. Act. 5.

ib. Act. 4.

Amana, & Fabiani Fioghi Catecheticos dialogos, aliasque hujus generis disputationes contra Iudæos. Atqui neque à Iudæis, qui primis Christianismi temporibus vixerunt, quicquam hujusmodi religioni nostræ objectum fuisse invenimus, neque illius memoriæ Patres cum Iudæis disputantes in hoc argumento usquam laborantes cernimus, aut hunc de adversariorū animis scrupulum revellere satagentes. Extat Justinī satis prolixum cum Tryphone Judeo colloquium. Extat Tertulliani aureus adversus Iudæos liber. Exstant in eisdem plurimæ operibus Patrum passim inspersæ disputationes. In his voluminibus fusè explicatur, quid Christianis Iudæi objectarint, quid Iudæis Christiani ex adverso responderint. Quī sit, ut in neutra disputationis parte ulla imaginum occurrat mentio? Cur omīssa vel à Iudæis tam speciosa criminatio, vel à Christianis tam necessaria defensio? An Tryphoni & cæteris illius ævi Iudæis, vel ingenii acies obtusior, vel causæ studium frigidius fuit, quàm posteris? Fuitne Leontio, & cæterorum de septimo sæculo doctorum, aut major eruditio, aut ardentior caritas, quàm Iustini, & Tertulliani? Atqui nihil horum dici vel fingi fas est. Quid ergo aliud su-

perest, nisi ut totum hoc discrimen non à personis, sed ab ipsâ rerum diversitate, & ab eâ mutatione, quæ sequutis temporibus in Christianorum religione facta est, profectum esse dicamus? atque ita statuamus Tryphonem ideò nusquam Iustino objecisse imaginum cultum, quòd is nondum esset Christianis notus? eo-que nec Tertullianum laborasse in mitigandâ nostrarum apud Iudæos imaginum invidiâ, atque offensione, quod nimirum is ritus nondum illis temporibus fuerat in Christianam aut fidem, aut disciplinam receptus? eam verò mutationem, quæ tertio aut quarto sæculo post contigit, cùm palam in Ecclesiis imagines, & dedicarentur, & colerentur, meritò effecisse, ut hunc ritum & Iudæi accusarent, & Christiani purgarent, atque defenderent, quoties de religione inter se disputabant? Neque verò hanc nostram argumentationem infirmat, quod contra à Bellarmino allatum est, Christianorum Ecclesias à Iudæis in Talmude *domos idololatriæ* appellari. Nam ut hoc primum respondeam, etiamsi constaret factos vetustissimorum Christianorum conventus eo nomine fuisse à Iudæis infamatos, non eo tamen efficeretur imagines jam tùm apud Christianos in usu, atque

*Bell. de Imag.
c. 6. §. Nicol.
Sarderus.*

atque honore fuisse, cum certum sit, omnem, qui à Judæorum fide discrepat, religionis cultum ipsis dici עבודה זרה, hoc est externum & alienum cultum, quo fit ut quamvis ædem sacram, in qua hujusmodi cultum exercent homines sive Ethnici, sive Christiani, eam illi בית עבודה זרה, id est, domum idololatriæ appellare non dubitent. Sed est etiam alia quædam propria ac peculiaris ratio, propter quam Christianorum cultui, & Ecclesiis id noministribuendum existiment, Domini scilicet Jesu adoratio, quem Iudæi (ut notum est) nihil minus esse putant, quam verum Deum. Itaque & nos ipsos, qui Dei gratiâ nullas habemus in usu religionis imagines, idololatrias tamen censent, sacraque nostra eodem illo עבודה זרה, id est, idololatriæ elogio insignire, & Ecclesias nostras בית עבודה זרה domum idololatriæ appellare non verentur; quia nimirum Domino Iesu, tanquam vero Messia, veroque Deo, summum cultum honoresque divinas exhibemus. Sed præterea hoc etiam secundo loco respondeo, falsum esse illa Talmudis verba de primorum Christianorum Ecclesiis dicta esse. Vult enim Bellarminus publicatum fuisse Talmud anno Domini 476. quo fit manifestum, ea verba, quæ ab adver-

sario allata sunt, si verè illic extant, pertinere ad Christianos, non primi, aut secundi, aut etiam tertii sæculi, sed quinti, quo tempore in nonnullas Ecclesias imaginum usus irrepere jam cœperat, ut infra Deo dante suo loco atque ordine demonstrabitur. Sed & aliud est, quod dicam. Toto illo, quem Bellarminus laudavit, Talmudis loco, ordine ut ille ait, secundo, tractatu primo, distinctione secunda (id autem est alterum caput tractatus de Sabbatho) nihil eorum compareret, quæ citantur. Multa illic longe alia continentur de oleo, atque ellychnio, quo Sabbathi die lucernæ instruebantur, quæ sunt ab hac disputatione plane aliena. Denique accuratâ Talmudis consideratione argumentationem nostram, non modo non solvi, aut labefactari, sed firmari insuper & probari aio. Quod ut possit intelligi, observandum est, immanem illam Talmudis Babylonici molem (nam Hierosolymitani nulla est amplius apud Iudæos auctoritas) ex tribus partibus, neque paræ dignitatis, neque ejusdem ævi, sed inter se diversissimis esse coagmentatam. Earum prima est Mishna, præcipua ac longe nobilissima, totius operis causa & argumentum, quam à Rabbi Iuda Haccados, circiter annum Christi

Christi ducentessimum, compositam fuisse accepimus. Altera Ghemara est, veluti Misnæ glossa, quæ antiquissimorum, & in hoc genere principum Magistro-
rum disputationes, traditiones, ac deci-
siones complectitur à Rabbena & Rab-
bi Ase compilata, annoque Christi quin-
gentesimo, aut circiter, absoluta, & in
usum recepta. Tertia pars Rabbinorum
commentarios continet, iisdem quidem
voluminibus, sed alia characterum for-
ma, ac specie editos, decimo & undeci-
mo post Christi natales sæculo conscrip-
ptos, & publicatos, qua tempestate
litterarum apud Judæos studia ex al-
tissimæ ignorantix tenebris, in quibus
veluti sepulta diu jacuerant, emergere,
paulatinque reviviscere cœperunt. Po-
stremæ hujus partis auctores si Christia-
norum imagines aliquando exagitant,
nihil mirum, cum iis temporibus vive-
rent, quibus eas in magno apud Chri-
stianos usu ac precio fuisse constat. Quin
& in ipsâ Ghemarâ aliquid simile repe-
ri, minimè absurdum putem, cum ex-
eunte quarto à Christi nativitate sæculo
jam in nonnullas Ecclesias irreplissent
imagines. In Misnâ verò sub finem se-
cundi sæculi publicatâ nihil omnino oc-
currit de Christianorum imaginibus.

Quæ diversitas hoc ipsum, quod volumus, non obscure confirmat. Nam si iis temporibus, quibus Misnæ auctorem vixisse diximus, receptus jam fuisset apud Christianos imaginum cultus, non videretur ille omissurus fuisse tam bellam nostris insectandi occasionem. Id norasset & significasset alicubi, maximè in eo libri capite, quod inscribitur *De hanoda co-tauim*, sive *de hanoda zara*, hoc est, *de cultu stellarum*, sive *de idololatria*, Tract. 9. ord. 4. quæ propria erat hujus materiæ sedes. Atqui toto hoc loco nihil de Christianis. Paganos enim fuisse, quos ibi perstringit, non autem Christianos, indè constat, quod inter eorum festa Kalendas commemorat, & Saturnalia, quæ Paganorum fuerunt, non Christianorum. Nihil ergo jam obstare video, quo minus ex hoc veterum Iudæorum silentio, quod institueramus id jam colligamus, nullum fuisse apud illius ævi Christianos imaginum in religione usum.

CAPUT V.

Ratio quarta ex eo ducta, quod quæ ex imaginum cultu oriuntur, vel oriri certè videntur difficultates, eas nusquam Patres solvere, & explicare satagunt.

SED etiam si adversariis concesserimus, ut fingant Iudæos illorum temporum, aut tam cæcos fuisse, ut adeò speciosam criminandi Christianismi occasionem non viderint, aut tam ignavos, tamque torpentes, ut eâ in causâ suâ commodum uti nequiverint; ipsa certe Ecclesiæ ædificatio poscebat, ut emergentes ex imaginum veneratione difficultates (siquidem ea jam tùm in usu erat) Sancti Patres proponerent, atque explicarent auditoribus, quoties incidebant in locum hunc disputationi opportunum. Nihil ad præsens quidem institutum pertinet acrius contendere, quam nunc Romani imaginibus suis deferunt venerationem, eam cum lege Dei pugnare, tam sæpe, tam disertè vetantis, ne ullam cœlestium, aut terrenarum rerum similitudinem, effingamus, & colamus. Hoc quidem certè negari non potest, magnam esse inter ista pugnæ speciem. Nam quis est vel de ipsorum infantium grege, qui consecratas sanctissimis locis,
magnâ

magnâ pompâ imagines ritu Romano videns, prostratamque apud eas maximam hominum vim de geniculis summâ humilitatis significatione adorantium, quiq; alia parte audiens fulminatas olim de Sinæ verticibus tremendas illas Dei optimi maximi voces, *Non facies tibi sculptile, aut ullam similitudinem eorum, quæ sunt in cœlis supra, aut quæ in terra infra, aut quæ in aquis infra terram; Non adorabis ea, neque coles*; quis, inquam, est usque adeo infans, qui hæc perspiciciens, & vel levissimè inter se contendens non quærat illicò, quomodo cum hac Numinis lege non pugnet ille istorum cultus? Quod si nulla est horum inter se pugna, quî ergò factum, ut à quo tempore palam recepta est imaginum veneratio, hoc ei legis divinæ caput constantissimè semper objecerint, quotquot his oclò, vel novem retrò sæculis fuêre hujus sive religionis, sive superstitionis adversarii, tam qui ab everfis imaginibus Iconoclastæ olim in Oriente appellati, quàm qui in Occidente Francofordiensis Synodi placita sequuti sunt, ut nihil de iis dicam, qui novissimis sæculis ab Ecclesiæ Romanæ communione discesserunt? Si nihil inter ista pugnæ est, quî fit ut in hac solvenda difficultate tantopere jam pridem æstuent Romanarum partium

partium homines? quorum alii, ut Ca-
 tharinus, præceptum hoc divinum, non
 morale, reale, ac æternum, sed positivum,
 & temporale duntaxat esse volunt, atque
 hujusmodi, quo non novi, sed veteris
 tantum fœderis fideles obstricti fuisse pu-
 tandi sint; Alii è quibus est Cajetanus,
 nodum hunc sic solvunt, ut dicant eo
 mandato hoc unum vetari, ne facta ab
 homine imago pro Deo habeatur; Alii
 verò distinctionem adhibent, aliud esse
 idolum statuentes, aliud verò imaginem;
 quæ singulorum inter sese de hoc argu-
 mento dissensio, atque æstuatio satis cla-
 mat, ut mihi quidem videtur, summam
 esse hujus causæ ac pæne desperatam dif-
 ficultatem. Quod nisi hunc legis articu-
 lum cum suâ imaginum veneratione ve-
 hementer pugnare videri ipsi judicavif-
 sent, numquam profecto eum à plebis
 oculis atque aspectu tam sollicitè sub-
 duxissent. Eò enim processit illaudata
 ipsorum prudentia, ut dùm cavent ne re-
 sciscat Christianorum vulgus, quale sit
 istud Dei mandatum, ea quibus conti-
 netur verba in breviariis, & catechis-
 morum editionibus omitti omnino cura-
 verint. Quantumvis ergo negent suum
 imaginum cultum cum divina lege ve-
 rè & reapse pugnare, negare certe ne-
 que

*Vide Bell. da
 Imag. c. 7.*

*In decal. ryth.
 m. Lat. Vnum
 cole Deum.
 In Catech. de
 s. Lug. a. 1600
 in Catech. Bell.*

que debent, neque verò possunt, quin vehementer pugnare videatur. Itaque si veterum eadem cum illis fuisset de hoc imaginum negotio sententia, non est dubitandum, quin eandem quoque ac illi in eo defendendo, atque explicando diligentiam adhibitori fuerint, eandemque operam daturi, ut omnis illa quæ memorata est divinæ legis, & cultus sui repugnantia species ex fidelium animis tolleretur. Numquam illi decalogum exposuissent sine aliquâ hujus difficultatis commemoratione atque solutione; & quod nunc faciunt Romani theologi, illi itidem sedulò monuissent primis quidem Dei verbis non imagines, sed idola vetari, non sanctorum Domini servorum, sed fictitiorum Paganismi numinum simulacra, & similitudines; postremis verò edici quidem ne imagines adoremus, aut pro Diis habeamus, non sic tamen, ut vel eas venerari, vel ullo in religione cultu dignari sit nefas. Atqui has observationes in nullo ex iis scriptoribus reperies, qui primis Christianismi sæculis floruerunt. Hoc legis divinæ mandatum cum fusè exponat Origenes homiliâ in Exodum octavâ, neque sanctorum imagines excipit, neque excipiendas vel uno verbulo significat. Eiusdem præcepti aut

verba,

verba, aut sensum variis passim locis commemorant Tertullianus, Clemens, & utroque vetustior Iustinus, neque ullum hujus Romanæ doctrinæ apicem innuunt. Neque his longè recentior Augustinus decalogum ex professo commentans, quicquam istorum attigit, quæ jam apud adversarios ubique sunt obvia. Quid de illis quæstionibus dicam, quas Romanæ scholæ tantâ utriusque animorum contentione jam pridem agitant, quis & qualis sit ille cultus, qui sacris, ut vocant, imaginibus debetur? ipsæne sint adorandæ, an ea tantum ad quæ referuntur exemplaria? tùm si sint ipsæ venerandæ, latriane iis, an dulia, & hyperdulia conveniat? denique isne honos, quicumque tandem sit, proprie iis exhibeatur, an improprie, univocè an æquivocè, propter ipsas, an propter aliud, analogicè ne, & reductivè, an simpliciter & absolutè? Hæc tam reconditarum vocum mysteria, has tam subtilium quæstionum ambages, non magis quam ipsa Bellarmini, aut Peresii, vel Vasquis, qui eas modò agitant, nomina, in eorum monumentis offendes, qui intra annum à Christo nato quadringentesimum scripserunt. Atqui ista prisca Patres, non minùs quam hujus ævi theologi,

Tertull. contr. Marc. l. 2. c. 22. & l. 4. c. 22.
Clem. Str. l. 5.
Aug. quæst. in Dent. q. 4.

logi, excutere atque explicare debuerant, si illorum eadem quæ horum fuit de imaginum cultu sententia. Hanc enim omnem rerum istarum disquisitionem, atque distinctionem protinus ex se ipsa parit hodierna adversariorum hypothesis, eamque non aliter profundit, quam umbram corpus in luce positum; ut non queat imaginum constitui consecratio, atque veneratio, quin illicò excitetur vel mediocris ingenii attentio ad quærendum, quænam iis honoris, aut cultûs species conveniat, quæve ratione discernenda sit, cùm neque eum, qui Dei est, ad istas sine sacrilegio transferri posse apertissimè doceant Scripturæ, neque verò ullum alium earum vel materiæ, vel formæ deberi ipse hominum communis sensus satis superque clamet. Cùm itaque istorum, quæ tam arctè atque indivulsè cum hac quæstione cohærent, nihil aut docuisse, aut monuisse, aut denique vel summis digitis attigisse comperiamus ullum ex sanctissimis illis, acutissimis, & in omni litterarum genere versatissimis Patribus in tam multis, quæ reliquerunt, ingenii sui monumentis; necessariò confitendum est, neque ipsis, neque priscæ illi, in qua vixerunt, Ecclesiæ, quatuor primis à Christo nato sæculis, vel proba-

tam,

tam, vel cognitam fuisse, quam hodie
Roma docet, imaginum venerationem,

CAPUT VI.

*Ratio quinta, inde ducta, quod Patres non pauca ab
imaginum veneratione aliena, & cum ea pu-
gnantia, vel docuerint, vel scripserint; quale
istud est, quod pingendi artificium, alii ut ab-
solute illicitum, alii ut vanum & inutile da-
mnant.*

Sed quid ego has Romanæ scholæ di-
stinctiones, atque exceptiones in Pa-
trum scriptis nusquam inveniri observo?
Aliud habeo longè majus & certius hu-
jus, quam ago, causæ argumentum. Nam
non modò nusquam occurrunt in eorum
monumentis, quæ imaginum cultoribus
tacere vel omittere, non licebat, sed mul-
ta præterea in iis occurrunt, quæ ab ejus
sensu & judicio, qui imagines veneran-
das putat, vehementer abhorrent. Exem-
pli causa, Clemens Alexandrinus id Mo-
sis edictum, quo sunt vetitæ imagines,
cum quodam Pythagoræ dicto compa-
rans, *Moses, inquit, multis ante sæculis aperte* Clem. Strom. 5.
legem sanxit, nullam oportere sculptilem, vel
fusilem, vel fictam, vel pictam imaginem, simu-
lacrumve facere, ut sensilia minimè attendere-
mus, sed ad ea transiremus, quæ percipiuntur

intelligentia. Vt Dei enim majestas vilis & contempta reddatur, efficit quæ est in promptu videndi consuetudo, & quæ intelligentiâ percipitur essentiam colere per materiam, est eam per sensum vilipendere. Clementi succinit Tertullianus libro de Spectaculis: Iam verò ipsum opus personarum, quero an Deo placeat, qui omnem similitudinem vetat fieri, quanto magis imaginis suæ? Atque hæc quidem illi. Siccine quæso loquuti essent hi scriptores, si idem, quod hodierni Romani doctores de imaginibus sensissent? Clarum est existimasse Tertullianum secundo decalogi mandato, (quod primi partem esse volunt adversarii) simpliciter & absolute vetari omnem omnino similitudinem, quacumq; ex materia, quocumq; artificio effectam, & penicillo seu ductâ, seu adumbratam, & cælo scalpream, & igne fusam, quemcumque in usum sive religionis, sive ipsius communis vitæ adhibitam. Id apertissimè docet proximè recitatus ejus locus, in quo personarum usum ex hoc præcepto refellit; absurdè, nisi eū constituisse intelligamus omnes omnino imagines divinâ hac lege vetitas, non autem (quod volunt adversarii) eas tantum, quæ res inanes & commentitias repræsentant, quæq; latitiæ cultu adorantur. Ille sane in libro de

*Tertull. de
Spect. c. 23.*

Id. de idol. c. 3.

idololatriâ diabolum ait sæculo intulisse artifices

fices statuarum & imaginum, & omnis generis simulacrorum. Et capite sequenti de Domino loquens, *Toto mundo (inquit) ejus-* *ib. c. 4.*
modi artibus interdixit servis Dei. Tùm capite sequenti solvit, quod sibi objici posse intelligebat, serpentis ænei simulacrum Dei jussu in deserto erectum fuisse, respondens eundem Deum, qui lege vetuit similitudinem fieri, serpentis similitudinem edixisse, *Si eundem Deum obser-* *ib. c. 5.*
vas, inquit, habes legem ejus, Ne feceris similitudinem. Si & præceptum facta postea similitudinis respicis, & tu imitare Moysen. Neficias adversus legem simulacrum aliquod, nisi & tibi Deus jusserit. Itaque cum libro contra Marcionem quarto probare instituisset *Id. cont. Marc. l. 4. c. 22.*
 Moysen & Eliam in Ithabyrio à Petro agnitos extraordinariæ ecstaseos lumine, non autem naturali aliqua notitiâ, numquam ipsi visas eorum imagines inde astruit, quod ullas fieri lex vetet. Hæc enim probatio necessariò exigit, ut non falforum modo numinum, sed & sanctorum virorum imagines facere Judæis nefas fuisse putaverit Tertullianus. Nam omnem hanc ejus argumentationem futilem esse & vanam liquet, si Judæis hujuscemodi imagines & facere & habere licuit, quales hodie defendunt Romani. Atque ex his patet, quo sensu accipi de-

beant quæ sunt ab eodem auctore scripta libro secundo illius operis, *Similitudinem vetans fieri omnium, quæ in cœlo, & in terra, & in aqua, ostendit & causas, idololatriæ scilicet substantiam cohibentes. Subjicit enim, Non adorabitis ea, neque servietis illis.* Non enim hoc vult, quod aliquis fortasse suspicari posset, eas quidem imagines lege Dei vetari, quæ adorantur & coluntur, quæ verò non coluntur, minime vetari (hoc si diceret, pugnaret ipse secum, & quæ nuperrimè ex eo afferebamus loca manifestissimè everteret.) Longe alius est illorum verborum sensus. Hoc enim simpliciter significant, causam, cur Deus omnem similitudinem tam districtè vetet, hanc esse, ut omnem omnino idololatriam ex populo suo exterminet, cohibita atq; subductâ ipsâ idololatriæ substantiâ, hoc est pingendi ac fingendi artificio, à quo suæ impietatis objectum & materiam idololatriæ mutuuntur. Ac ne quis putet, quod nonnulli hodie Romanæ communionis homines sentiunt, idem quoque existimasse Tertullianum, nimirum solos Judæos, non autem Christianos, eo legis divinæ mandato obstrictos teneri, breviter demonstrandum videtur rem longe aliter habere. Mitto Patres passim tradere Decalogum (si unum Sabbathi

Sabbathi mandatum exceperis) cætera legem esse naturalem , eoque teneri omnes omnino homines , sub quacumque demùm dispensatione vixerint, ut videre est apud Irenæum quarto libro , cap. 31. & 32. apud Cyprianum Testimoniorum l. 3. c. 59. apud Origenem homilia octava in Exodum , alios, qui à Bellarmino ipso in hanc sententiam laudantur. Sed his omissis testibus palam est , (quod ab ipsis etiam adversariis est animadversum) Tertullianum toto de Idololatria libro contendere præceptum hoc nunc (id est sub novo testamento) majori quàm umquam antea curâ & studio observandum esse. Primo enim acriter, ut solet, & facundè exsequitur non debere à Christianis idola fieri, asperèque nonnullos excipit, qui eos in Cleri ordinem admitterent, quos Paganis idola facere, sive (ut ille loquitur) *demoniis corpora conferre* non pueret. Objicientibus verò istis pingendi & fingendi artificibus sibi fame pereundum, nisi hanc, quam unam noverant, artem exerceant, suadet, ut industriam ad aliquod opus suo simile transferant; qui signum describebat, abacum linat , qui Martem ex tiliâ exsculpebat, armarium compingat, & artes denique exerceat, quæ sine exorbitatione

*Bell. de Imag.
c. 7. §. Sed hæc.*

*Tertull. de idol.
c. 7.*

Ibid. c. 8.

disciplinæ victum præstant. Quis non intelligit istum, si putasset sola idola Christianis vetita, non autem omnia omnino simulacra, hoc loco hujus generis artifices monituros fuisse, ut fingendis Cæsarium, aliorumque viventium imaginibus operam darent, unde non minor, neque incertior quæstus rediturus erat, quàm ex Deorum signis? Quòd si illius temporis Ecclesia omnis generis imaginibus sic ornata & variegata fuisset, ut est hodie Romana, quis dubitat, quin istos jussurus fuerit, non artem, sed speciem operis mutare, Christianique sanctos & martyres pro Diis, dæmonibusque fingere? Domini Ecclesias, non Ethnicorum templa exornare? ac denique fidelium pietati utilissimum spectaculum, non Gentilium impietati pabulum, ac materiam suppeditare? Cum ergo nihil hujusmodi Tertullianus suggerat, cum artes istas planè abroget, pictoresque & sculptores in tectores, materiariosque opifices commuter, perspicuum est putasse eum lege divinâ pariter vetitum esse & Ecclesiæ Sanctos, & Paganorum numina pingere, aut omnino arte aliqua simulare, totumque illud artificii genus simpliciter esse illicitum, ac hujusmodi, quod nemo Christianus integrâ pietate exercere

cere queat. Itaque Hermogeni picturam alibi, tamquam grave crimen objicit, *Præterea, inquit, pingit licitè, nubit assidue; Legem Dei in libidinem defendit, in artem contemnit; bis falsarius, & cauterio, & stilo, totus adulter & prædicationis & carnis.* Nimirum existimabat Hermogenes Christiano homini licere & pingere, & nuptias iterare; Neutrum verò Tertullianus admittebat. Quia autem horum alteram, nempe picturam, Scriptura videtur vetare, alterum nempe secundas nuptias permittere, ideò ait istum *legem Dei in libidinem defendere, in artem contemnere.* Sed nihil opus pluribus demonstrare hunc Scriptorem existimasse, simpliciter & absolutè nefas esse ullam omnino similitudinem effingere. Hoc enim ipsi adversarii disertissimè, ac totidem verbis confitentur, sed Montanistam fuisse causantur, quo tempore eos libros conscripsit, quibus hoc dogma aspersum invenitur. Ad hanc ego exceptionem respondeo primùm non posse hoc de omnibus certò affirmari. Opus sanè contra Marcionem à Tertulliano jam Montanum sectante compositum fuisse arguit, quod libri quarti capite **xxii.** quæstionem quamdam memorat, quæ ipsi erat cum Pſychicis, id est Catholicis; Sic enim eos

Id. contr. Hermog. c. 1.

*Du Perron
Act. de la
Confer. de
Fontainebl.
f. 93. b.*

vocat illudens, à quo tempore ab Ecclesiæ communione discessit. Disputationem item contra Hermogenem videtur jam Montano favens scripsisse. Qui verò est de idololatriâ liber, is inter opera à Catholico edita censetur à Pamelio, Sancti Audomari Archidiacono, cujus viri plurimæ sunt & proluxæ in hunc auctorem lucubrationes. Neque rationes, quæ in aliam sententiam Perronium abduxerunt, videntur satis firmæ. Ait librum de Spectaculis in eo qui est de Idololatriâ memorari; Iam verò Montanistam fuisse Tertullianum, cum illum de Spectaculis ederet, ex eo conficit, quod inter Christiani hominis voluptates & delectamenta recenset, quod *revelationes petit*: ex quibus porro colligit adversarius: Montanistam ergo fuisse, & quidem multò magis, cum librum de Idololatriâ componeret. Ad hæc ego sic respondeo, primum incertum esse quod assumitur. Nam si certa Montanismi nota est *revelationes petere*, inter hæreticas numeranda erit Brigida, aliæque ejus generis non paucæ, quas summo in honore habet Ecclesia Romana. Neque item Catholicus habendus erit Gregorius, Romanus episcopus I. qui *revelationes* tanti fecit, ut iis scripta sua, maximèque Dialogorum opus

opus implere non dubitaverit. Præterea neque ex eo, quod liber de Spectaculis commemoratur in eo, qui est de Idololatriâ, necessariò videtur consequi illum ante hunc fuisse editum. Sæpe enim accidit, ut auctores opera jam olim publicata recognoscant, & secundis curis addant, quæ prioribus editionibus deerant. Quis certò docebit non hic aliquid hujusmodi fecisse Tertullianum, & in repetitâ libri de Idololatriâ editione monuisse nonnulla se fusiùs ad id argumentum spectantia tractasse in eo, qui est de Spectaculis, quamquam post primam ejus, qui est de Idololatria, editionem publicato? Sed & hoc secundo loco afferunt adversarii, Tertullianum, si Catholicum fuisset, cum illud de Idololatriâ opus scripsit, non fuisse eum simpliciter & absolute damnaturum omnem cujuscumque imaginis, aut similitudinis ficturam; quippe qui non ignoraret repugnare hoc dogma receptæ in Ecclesia consuetudini, in qua ipse alibi tradit vitreis calicibus Catholicos uti, qui depictam Pastoris imaginem haberent ovem, quæ deeraverat, humeris reportantis. Sed illorum causa nihil hoc argumento juvatur. Nam neque Tertullianus, neque quisquam alius ejus ævi scriptor testatur

universalem tùm fuisse Ecclesiæ Catholi-
cæ vel legem, vel morem, ut pictis hujus-
cemodi calicibus uterentur omnes Chri-
stiani; Ac si ita res habuisset, Tertullia-
no (fateor) vix licuisset omnem picturam
illicitam esse, pertendere. Ille nihil aliud
loco allato tradit (quod fusiùs posthac suo
ordine demonstrabitur) nisi id in unâ illâ
Ecclesiâ, quam ibi exagitat, factum fuis-
se, quam ego Romanam fuisse arbitror.
Jam verò nemo non videt, quàm absur-
dum sit statuere nulli licuisse à particula-
ris alicujus Ecclesiæ seu dogmate, seu ritu
discedere, quin eo ipso Catholici nomen
amitteret. Nam ne à præsentī materiâ
longius abeam, id si obtineret, Epipha-
nius esset inter hæreticos censendus, qui
quamquàm suspensam vidisset in Anabla-
tensi Ecclesiâ imaginem, non dubitavit
tamen in scriptâ ad Joannem Hierosoly-
mitanum epistolâ affirmare Scripturæ
auctoritati contrarium esse, ut hominis
imago in Christi Ecclesiâ pendeat. Eo-
dem numero habendi quoq; essent XIX.
Concilii Eliberitani Patres, qui quam-
quam scirent nonnullas jam tùm fuisse
Ecclesias, quæ imagines inter ornamen-
ta servarent, decreverunt tamen pictu-
ras in Ecclesia esse non debere. Cur igitur
quod uni Episcopo, aut alicui ex ejus
clero.

*Epiph. ep. ad
Joh. Hieros.*

*Conc. Elib.
can. 36.*

clero libuerat Pastoris parabolam in calicis vitro pingi, eo inquam putemus, neque ulli ex istius ævi Catholicis, neque ipsi Tertulliano, viro doctissimo, sublimis ingenii, magnæque per ea tempora in Ecclesiâ Carthaginensi, cujus erat presbyter, auctoritatis, fas fuisse quicquam contra aut hiscere, aut scribere? Præterea quis & illud certò affirmare queat, cum ille libros de Idololatriâ & de Spectaculis scripsit, in quibus contendit omnem picturam planè esse illicitam, jam tum extitisse illam Pastoris imaginem in eorum Catholicorum calicibus, contra quos postea stilum in libro de Pudicitia strinxit? aut si jam extabat, id quoque scivisse Tertullianum, ut ejus de imaginibus sententiam labefactaret, aut certè cohiberet illius picturæ auctoritas? Fieri enim profecto potuit, vel ut eo tempore, quo liber de idololatria scriptus est, nondum illud emblemata esset in Romanis calicibus depictum, vel certè depictum esse ut nesciret Tertullianus, procul in Africâ degens. Atque ita apparet omnia Peronianæ responsionis fundamenta mera esse postulata, meras illius viri audaces juxta ac incertas conjecturas, quales sunt ut plurimum observationes, ac speculationes, quas solet ille adferre in his de veterum

veterum in religione sententia disputationibus. Verum, ut quod jure & ratione evincere non potuit, id nos gratis & animi gratiâ largiamur, esto sane; jam tùm Tertullianus Montanista fuerit, cùm eos libros scripsit, in quibus hanc contra picturas sententiam vel tuetur, vel urget, vel ponit; eòne efficitur, ut id qualecumque est dogma, è Montani scholâ hauserit atque acceperit? Quis hanc sectam nescit innumera habuisse cum Catholicis communia? Tertullianumque, postquam ei nomen dedit, constantissimè tamen testatum esse sibi cum Catholicis, non de fide, aut de doctrinâ ipsâ, sed de disciplinâ atque politia certamen fuisse? quod quivis discere potest, tum ex capite secundo de Monogamiâ, tum ex priore de jejuniis adversus Psychicos disputatione? Idque observatum à Clarissimo viro Rigaltio in eâ præfatione, quam novem Tertulliani libris præmisit. Itaque cùm ille tam apertè, tamque vehementer pugnet illicitam esse omnem picturam, videtur profecto nihil tum in Ecclesiæ fide fuisse, quod cum hoc dogmate pugnaret; unde & illud consequitur, tum ignoram fuisse Christianis imaginum venerationem, quam nemo non videt locum in Ecclesia habere non posse,

nisi

nisi constituatur pingendi, sculpendique artificium non modo licitum, sed etiam piis summopere utile ac necessarium esse. Quod si tam claris argumentis assensum negant adversarii, age ergo veteris alicujus, idoneique scriptoris testimonio comprobent, quod pertendunt, fuisse hoc unum de Montani deliramentis. Nam quod afferunt *ad morosam quamdam, ac superstitiosam austeritatem redactam fuisse ab illâ sectâ omnem Christianam disciplinam*, ut non sit mirandum, quod ea imaginum quoque cultum exploserit; dùm sic agunt, nobis apertissimè illudunt. Obsecro enim, cuinam se persuasuros putant superstitiosum esse abstinere ab imaginum cultu? Hoc quidem, si iis libet, *errorem* appellent, appellent etiam *hæresim*, ut solent paratragediare, & quicquid à Romæ suæ placitis discedit, eo vocabulo infamare; Superstitionem certe, nisi ridiculi esse velint, nominare non possunt. Illud potius vereri debent, ne superstitionis elogium multò veriùs in eum cultum conveniat, quem ipsi imaginibus deferunt, nulla Dei auctoritate, nullâ lege coacti, sponte & ex merâ animi libidine, atque ex illâ, quæ non frustrâ à Paulo notata est, ἐθελοθρησκεία. Quam verò hic memorant severitatem, atque austeritatem,

Col. 23

tem, quis eam umquam fando acceperat ab imaginum (ut vocant) sacrarum usu, atque cultu abhorre, aut ei sic repugnare, ut unà stare ambæ non possint? Atqui nulli nunc imaginibus addictiores, nulli in eas magis religiosi dicam, an supersticiosi, quàm qui jejunia, qui stationes, & xerophagias, omnemque (ut uno verbo absolvam) Montani disciplinam studiosissimè exercent. Picturam-ne obsecro exploserunt Carthusiani, aut Capucini, alique severissimæ (ut quidem istis videtur) pietatis ordines, supra omnem Montani morositatem tristes, atque austeri? Olim verò cùm tam diu toto Oriente ferverent funestissima Christianorum inter se de imaginibus certamina, ullosne tulerunt illa sæcula, qui eas vel acrius defenderent, vel colerent studiosius, quàm qui iidem austeritatem, atque severitatem omnium maximè profitebantur, monachi scilicet & eremitæ? Cùm igitur nihil minùs quàm ista fastidiat morosa, & superstitiosa austeritas, tantùm abest, ut Montani severitas, imaginum venerationem apud Ecclesiam Tertulliani sæculo in usu fuisse probet, ut planè contra existimem ex eo ipso, quod Tertullianus picturas sic exsertè respuit, apertissimè confici ignotum fuisse earum cultum

tum illius ævi Christianis. Sed incerta ista & frivola mittamus, qualia nimium quam sepe consecretantur adversarii. Quod in responsione ponunt, atque assument, id verum-ne sit, videamus. Hanc sententiam, quod picturam lex divina omnem vetuerit, aut ex Montanensis Paracleti deliriis hausisse volunt Tertullianum, aut ipsum certè somniasse, & ex suo sibi cerebro deprompsisse. Fingamus ita esse. Profecto ubi primùm sive in Montani sectâ, sive in Tertulliani libris apparuit tam novum (ut supponitur) tamque vulgatis Christianorum opinionibus contrarium dogma, quod imagines, non modò coli (ut à Francofordiensi postea Synodo edictum est) sed etiam fieri vetat, easque ex sacris, ædibus revellit, & plane ex omni vitæ humanæ usu exterminat; clarum est illius sæculi Ecclesiam (si idem quod hodie Roma sensit) debuisse tanto furori ire obviam, ejusque auctores sugillare, & in eorum erroribus hunc tamquam capitalem exsertè & nominatim damnare, sacroque fulmine ferire. Sic enim nunc etiam cum iis agitur, quorum multo modestior est de toto hoc negotio sententia, quique imaginibus non precium, aut civilem usum, sed solam in religione veneratio-

nem

nem denegant, qui eas non fieri, sed colî, non in vitâ usurpari, sed in Ecclesiâ adorari prohibent. Non est verisimile ad conservandum tam utilem, tamque ut volunt necessarium ritum, minorem priscæ Ecclesiæ fuisse, quàm nunc Romanæ est, zelum. Atqui certissimum est hanc sententiam nunquam à veteribus aut inter Montani hæreses, aut inter privatas ac singulares Tertulliani sententias, fuisse notatam. Extant Epiphanii, Philastrii, Augustini, Theodoreti, & aliorum opera, in quibus, & fusè descriptam habemus hæreticorum historiam, & accurate eorum indices, quæ singuli perperam & præter Ecclesiæ fidem docuerunt. Montanistas inter alios non obiter memorant, eorumque totam cum Catholicis controversiam sigillatim præter cæteros exsecutus est Hieronymus epistolâ LIV. Neque istis tamen quisquam singularem, & à fide Ecclesiæ discrepantem de imaginibus opinionem tribuit. Quis id omissuros fuisse putet taleis ac tantos viros, si re vera tam insigne extitisset eorum à Catholicis in hoc articulo dissidium? Veterum verò censuram minimè omnium effugisset Tertullianus, si fuisset hæc ejus sententia alicui (ut fingunt) doctrinæ Ecclesiasticæ capiti contraria.

Nam

Nam tanta fuit illius viri, tamque admirabilis doctrina, tam acre iudicium, tam fortis elocutio, tam elegantes sensus, tamque nervosa disputandi ratio, ut ejus, quam ab Ecclesiâ fecerat, discessionis invidiam ingenii copiâ ac fœlicitate diu superaverit, manente tanti scriptoris monumentis etiam suâ apud Catholicos gratiâ, atque existimatione. Constat enim Cyprianum, Carthaginis episcopum, non ignobile Occidentalis Ecclesiæ fidus, *Magistrum* eum appellasse, neque ullam diem præterire solitum, quin aliquid ex eo lectitaret. Itaque cum illum non minùs, quam ullum alium scriptorem tenerent Catholici, fieri non poterat, ut hanc ejus de imaginibus opinionem non animadverterent, ejus operibus passim (ut supra demonstravimus) inspersam, ac libro de idololatria fusè tractatam atque disputatam. Animadversam verò quis dubitat, quin atro calculo damnaturi fuerint, si ea cum Ecclesiæ illius placitis, æque ac cum Romanæ, quæ hodie est, cultu pugnasset? Atqui de tam multis veteribus, qui Tertulliani schisma & errores memoriæ prodiderunt, nemo est, qui hanc ejus opinionem, non jam dico damnaverit, aut stricto anathemate everterit, sed qui vel reprehenderit, vel etiam

*Aug. de Gen.
ad litt. l. 10.
c. 25. & 26.
Id. de heres.
ad Quod vult
d. har. 47.*

obiter indicaverit. Hominis ab Ecclesia discessionem exagitant omnes; Chiliastarum errorem, Montani de Ecstasi, deque novâ Paracleti revelatione deliramenta, nimiumque disciplinæ rigorem ei tribuunt. Non omittunt, quod idem animam, quod ipsum Deum corpus esse contendit. Sed ne uno quidem verbulo laceſſunt, quod tot locis imagines tam præfractè, tamque impotenter omneis abolet, nullas vel ad publicum, vel ad privatum usum Christianis relinquens. Manarit ergo (si placet) hoc ejus dogma ex Montani lacunis (quod quatuordecim retrò sæculis inauditum nunc demùm somniare libuit adversariis) certè quod sic à Patribus neglectum fuit, eo ipso demonstratur, aut nihil interfuisse veteris Ecclesiæ, quid imaginibus fieret, proindeque longè aliter veteres de toto hoc negotio existimasse, quam nunc sentiunt Romani, qui imagines vel summo digito pulsari non ferunt, quin statim exclament, & in eorum capita dira fulmina, atque anathemata intentent, siqui tam eximiam, (ut ipsi quidem censent) tam necessariam pietatis suæ partem sollicitare ausi sint. Sed non in uno Tertulliano hanc opinionem tulit vetus Ecclesia. Constat Clementem Alexandrinum, ejusque

eiusque discipulum Origenem, antiquissimos longeque celeberrimos auctores, fuisse ambos in eadem sententia, eamque mandasse litteris, neque aut à sui temporis Catholicis, aut à posteris eo nomine vel reprehensos, vel notatos. Clemens quidem in Protreptico de Paganorum simulacris verba faciens, nosque beatos prædicans, qui eo spectaculo carcamus; *Nobis enim* (inquit) *est aperte vetitum artem fallacem exercere. Non facies enim* (inquit Propheta) *cujusvis rei similitudinem eorum quæ sunt in cælo, & quæcumque sunt in terra infra.* Item libro sexto Stromateon; *Quem-* admodum (inquit) *qui aliena furatur, cum magnam faciat injuriam, in ea quæ meretur mala jure incidit; ita qui divina opera sibi vendicat per fingendi, vel pingendi artem, & dicens se esse effectorem plantarum, & animalium, & similiter, qui veram imitantur philosophiam fures sunt.* Origenes verò libro quarto contra Celsum; *In civitatem eorum* (de Iudæis loquitur) *nullus pictor admittebatur, nullus statuarius, legibus totum hoc genus arcentibus, nequa occasio præberetur hominibus crassis, neve animi eorum à Dei cultu avocarentur ad res terrenas, per hujusmodi illecebras. Quod ut probet hæc ex Deuteronomio recitat: Habebant enim* (inquit) *inter ceteras legem hanc; Nolite impiè agere, nec facietis vo-*

Clem. Protr. p. 41. b. noviss. edit. Paris.

Id. Stromat. l. 6. p. 687. d.

Orig. l. 4. cont. Cels. p. 187. cod. gr. 185. lat.

bis sculptrile in similitudinem, aut imaginem masculi vel fœminæ, in similitudinem omnium jumentorum, quæ sunt super terram, vel avium pennatarum sub cœlo volantium, vel piscium quorumvis, qui degunt in aquis sub terra. Itaque cùm alibi (quod supra indicavimus) testetur Origenes hanc legem ad novi quoque Testamenti homines pertinere, non est dubitandum, quin ille Christiano nefas esse putaverit ullam ex istis artibus exercere. Non jam hoc quæro, verane sit, an secus istorum sententia; neque enim id nunc agitur; Tantum hoc perendo, qualiscumque sit, eam certe non impunè, neque sine censuræ nota passuram fuisse apud suos doceri veterem Ecclesiam, si idem, quod nunc Roma, de imaginibus sensisset. Nam si quis esset ex hodiernis Theologis, cui aliquid istis simile excideret, quæ modo ex Tertulliano, Clemente, & Origene descripsimus, obstreperent illico omnes istarum partium homines, rei insolentiâ perculsi, ac Vaticanum ipsum brevi commoveretur, & in miseri hominis caput fulmine haud dubiè detoneret, nisi is humili ac præsentis satisfactione ingruentem ex formidoloso illo monte tempestatem mature à suis cervicibus amoliretur. Atqui à trium istorum, quos citavimus, virorum obitu effluxerunt

effluerunt jam minimum tredecim sæcula, neque tanto tempore repertus è priscis Catholicis aliquis, qui illos hujus opinionis nomine notaverit, nedum ut excommunicaverit; tantum est inter veteris & præsentis Romæ mores, atque placita discrimen. Huc etiam referenda existimo, quæ Chrysostomus homilia in Matthæum 49. scribit, de variis artibus differens, semotoque hoc nomine à cupidariariorum, & pulmentariorum industriâ, *Neque has modò, (inquit) sed ne pictorum quidem, aut phrygionum & plumariorum artem esse dixerim*; cujus dicti sui hanc adfert rationem, quòd vitæ humanæ inutilia sunt, quæ ab istis fiunt opera. Itane verò, ô sanctissimum os? Tunc eam ex artium numero expungere audes, quæ tuis Ecclesiis ornamenta, quæ populo omni Christiano, tibi que adeo ipsi suavissima, atque utilissima pietatis exercitamenta vel una maximè suppeditat? Quid ad hanc querelam respondere aliud posset, si jam in terris viveret, vir ille longè optimus, atque facundissimus, nisi quod orationem minimè solitus sit exigere ad eas opiniones, quæ nonnisi multis post se ætatibus in usum Romanorum receptæ fuerunt, neque se tantò antè prævidere potuisse Christianos olim homines

Chryf. in Matth. hom. 49. p. 447. edit. Germ.

Syn. 7. Añ. 6.
p. 776. D.

aliquam suæ pietatis partem in eo cultu collocaturos, quem aut illicitum esse, aut certè vanum & inanem ipse judicaverit? quippe qui semper ita senserit *nos per Scripturas Sanctorum præsentia frui, non corporum eorum, sed animarum imagines habentes*. Pingendienim artificium contemnere, ac ne inter artes quidem habere haud abhorret ab homine ita sentiente, qualis fuit Chrysostomus, ut postea audiemus; ab hodierno verò Romanæ Ecclesiæ dogmate & ritu tam alienum est, quàm quod maximè. Neque tamen legimus Chrysostomo umquam, quod sic & senserit & loquutus fuerit, ab ullo mortali scriptam fuisse dicam, non magis quàm Tertulliano, Clementi & Origeni, quod ea quæ superiùs recitavimus, litteris mandare non dubitavissent; quamquam sane Chrysostomo neque viventi neque mortuo defuerint acerrimi, summaque in Ecclesiâ auctoritatis adversarii, qui hæc ejus verba, si ea cum publico Christianorum illius ævi usu, atque sensu pugnassent, non omisuri, sed ad faciendam inimicissimo homini invidiam passim jactaturi erant.

CAPUT VII.

Ratio sexta, inde ducta, quod prisci Patres eum cultum reprehendant, quem nonnulli hæretici Iesu, Apostolorum, Moysis, aliorum imaginibus deferabant.

E Nimverò vetus illa proximorum post Christi natales quatuor sæculorum Ecclesia, non modo hæc in imaginum contumeliam dicta non reprehendit, aut castigavit (quod omnino facere debuerat, si de hoc religionis capite eadem ejus fuit, quæ Romæ hodie est sententia) sed etiam, quod non est omittendum, disertè notavit, quam nonnulli hæretici Christi, Sanctorumque imaginibus exhibebant venerationem, eumque cultum inter istorum errores nominatim recensuit, atque damnavit. Irenæus libro primo contra Hæreses de Gnosticis verba faciens, *Etiam (inquit) imagines quasdam quidem depictas, quasdam autem & de reliqua materia fabricatas habent, dicentes formam Christi factam à Pilato, illo in tempore, quo fuit Iesus cum hominibus, & has coronant, & proponunt eas cum imaginibus mundi philosophorum, videlicet cum imagine Pythagoræ, & Platonis, & Aristotelis, & reliquorum; & reliquam observationem circa eas, similiter ut gentes, faciunt.* Epiphanius annis ducentis Irenæo

*Iren. l. I. c. 24.
extr.*

recentior eadem refert in Carpocratianorum hæresi : *Habent imagines* (inquit) *per colores depictas*, quidam etiam ex auro & argento, & reliqua materia, quas sane imagines Iesu esse dicunt, & à Pilato factas esse. Habent autem eas occultè; insuperque philosophorum quorundam, Pythagoræ, Platonis, Aristotelis, & aliorum, cum quibus etiam alias imagines Iesu collocant, collocatasque adorant, & gentium mysteria perficiunt. Qui verò sunt gentium mores alii, quàm sacrificium atque alia? Epiphanio paulò minor natu Augustinus similiter scribit libro de Hæresibus, Simonem Magum imagines suam, & cuiusdam meretricis, quam sibi sociam scelerum fecerat, discipulis suis præbuisse adorandas, easque Romæ tamquam Deorum simulacra auctoritate publica constituisse. Tum septimo ejusdem operis capite de Carpocrate hæc habet, *Sectæ ipsius fuisse traditur sociæ quedam Marcellina, quæ colebat imagines Iesu, & Pauli, & Homeri & Pythagoræ, adorando, incensumque ponendo.* Jam verò præter rem ipsam videtur hac in historia observandum, quod ferebant Gnostici formam Christi factam à Pilato illo in tempore, quo fuit Iesus cum hominibus. Id enim (ut mihi quidem videtur) apertè significat, nullas tum apud Catholicos fuisse Christi imagines; quæ si ullæ apud eos fuissent, inepta & inanis foret

Aug. de Hæres. har. 1.

Ibid. har. 7.

foret tota hæc Gnosticorum caussificatio. Nam si tum passim apud Christianos prostabant Domini Jesu imagines, quid opus fuit eorum originem tam altè repetere, & tam invidiosam, tamque præposteram narrationem comminisci, ut eæ Jesu verè esse viderentur? Quod autem isti primam Dominicæ hujus imaginis, originem ad Pilatum referebant, eo profecto docemur illius ævi Christianos non modo non credidisse (quod credit hodie omnis Romanorum Ecclesia) Christi vultum à Luca coloribus expressum fuisse, sed absurdum & incredibile putasse, ut ex primis Christi discipulis quisquam ejus imaginem vel ipse effinxerit, vel ab aliis effingendam curaverit. Nam si res aliter habuit, desipuisset profecto istos Gnosticos, rationisque omnis ac sensus ipsius communis expertes fuisse oportuit, qui suas imagines ad Paganum potius hominem, quàm ad Christianum, ad Christi potius interfectorem quàm discipulum, referendas putaverint. Quid igitur est? Nimirum prævidebant illi, Ecclesiam, quæ nullas haberet Christi imagines, suas istas miraturam, tamquam falsas, fictasque criminaturam, quæsituram unde illæ essent, & à quo ipsis traditæ. Eam quæstionem, ut antevertant,

fingunt Christi in terris versantis imaginem fuisse à pictore expressam. Sed & cum illi præterea animadverterent ab omni veri specie procul fore, si suam hanc Christi iconem primis ejus discipulis tribuerent, quod eos constaret sub Judæorum lege educatos à rebus hujusmodi abhorruisse, neque Catholicis (quibus potissimum, siquid tale habuissent, id eos tradere par fuerat) ullam reliquisse Christi imaginem, hæretici ne sese in has difficultates induerent ad Pilatum confugerunt, factumque, quod Christianis sine summâ absurditate affingi non posse intelligebant, id in hominem Paganum conferre coacti sunt. Non video quæ istius Gnosticorum fabulæ ratio alia afferri possit præter hanc, quæ evidenter conficit, ignotas adhuc tum fuisse veris Christianis Domini Jesu imagines. Jam quod ad ipsum historiæ caput pertinet, quod id ipsum multo etiam luculentius confirmat, qui imaginum cultum tuentur ii respondere solent, illos hæreticos à sanctissimis Patribus non ideo reprehendi, quod Christi, Paulique imagines & haberent, & colerent, sed quod iis eundem, quem idolis Pagani, cultum, nimirum sacrificia & alia id genus deferrent; tum etiam, quod eas, cum Homeri, Pythagoræ,

thagoræ, Platonis, Aristotelis, poetarumque, & philosophorum Gentilium simulacris miscerent, eodemque in loco consecrarent. Ad hæc ego primò quidem moneo, Irenæum, cujus testimonium duorum aliorum testimoniis (quippe qui sua ab isto omnia acceperint) longè potius haberi debet, nusquam tradere dominicæ imagini sacrificia à Gnosticis oblata. Tantùm ait fuisse ab istis *coronata, atque proposita*, id est, erectam, & loco sublimi ad spectandum & venerandum positam. Epiphanius verò quæ sequuntur Irenæi verba, & *reliquam observationem circa eas similiter, ut gentes, faciunt*, ea de sacrificiis accipit, quæ idolis à Gentibus oblata constat; Nam qui sunt, inquit, *gentium mores alii, quàm sacrificium atque alia?* quibus verbis manifeste ostendit, quod ait de oblatis Christi imagini sacrificiis, id se non sua fide, autoritateque testari, sed ex Irenæi loco supra descripto haustum, & ratiocinando collectum tradere. Atqui illa Irenæi, solius adeò in hac causâ testis, atque auctoris, verba non necessariò sacrificiorum cultum significant; possunt-que non minus commodè de cæteris honoribus accipi, quos Gentiles illustrium virorum simulacris largiri consueverant. Nimirum ea
illi

illi magnificè erecta dedicabant, amiciebant, velabant, floribus tùm fertis, tùm solutis ornabant. Quin & eo memorata ab Irenæo *observatio* potiùs quam ad sacrificia referenda esse videtur. Hic enim non de Deorum signis, sed de Homeri, Pythagoræ, Platonis, Aristotelis, cæterorumque de sæculo sapientum imaginibus agitur. Jam virorum hujusmodi, quorum illustre & venerabile erat nomen, simulacra fingere, magnoque in honore habere solebant quidem Pagani, non sic tamen, ut sacra (qui Deorum erat & semideorum proprius cultus) iis etiam facerent: quod si quis hujusmodi quippiam ausus sit, id singularis fuit unius, & alterius forte hominis amentia, non publicè receptus omnium usus. Sed esto tamen; non Epiphanius modo, sed & ipse exsertè Irenæus illos hæreticos accusaverit, quod Domini Iesu imagini sacrificarent. Quid hoc juvat adversarios ad ejus, quod ex hoc loco ducimus argumenti vim infringendam? Illos (inquiunt) reprehendit, tùm quod Gentilium ritu suis istis imaginibus sacrificarent, tùm quod eas cum Paganorum hominum simulacris miscerent. Rectè sane. Vtrumque enim nefas. Nam si vel maximè liceret aliquam Christi & Sanctorum imaginibus venerationem

rationem exhibere, non eo tamen fieret, ut iis vel Ethnica sacra facere, vel in eo cultu philosophorum Gentilium simulacra adjungere fas esset. Sed quod utrumque istud Gnosticorum facinus vituperavit Irenæus, non inde, quod volunt adversarii consequitur, aut laudasse eum, aut admisisse, aut certè non reprehendisse, quod isti has imagines haberent & vernerarentur. Clara sunt & diserta ejus verba: *Etiam, inquit, imagines, quasdam quidem depictas, quasdam autem & de reliqua materia fabricatas habent, dicentes formam Christi factam à Pilato, illo in tempore, quo fuit Iesus cum hominibus, & has coronant.* Quis non videt totum illius orationis (ut sic dicam) filum idem esse? ut si, quod ait de effictis & coronatis Jesu imaginibus, non eo animo id dicat, ut reprehendat; ne id quidem, quod subjicit, de iis cum simulacris gentilium philosophorum permixtis, aut de sacrificiorum cultu eo sensu accipiendum sit, quasi id reprehendere aut damnare voluerit? Nihil enim est in toto textu, quod inter duo hæc orationis Irenæanæ capita ullum omnino discrimen constituat. Atqui fatentur adversarii duo hæc postrema tamquam crimina, partesque hæreseos Gnosticis tribuere Irenæum. Fateantur ergo
necesse

necesse est, eum quoque eodem animo,
 ac sensu primum illud de iisdem comme-
 morare, nimirum quod Iesu imagines
 fingerent, atque coronarent, non ut rem
 laudandam & istis cum Ecclesiâ Catholi-
 câ communem, sed tamquam privatum
 & singularem illius sectæ ritum, & à cæ-
 teris Christianis repudiandum. Neque
 video sanè quî possint ista aliter explica-
 ri. Toto hoc capite Irenæus Carpocratis
 & discipulorum deliramenta recenset,
 eaque opinionum, & rituum portenta, ex
 quibus veluti conflata erat tæterrima ista
 secta. Plurima hujus generis exsecutus,
 ac istud postremò quod alii ex ipsis *signa-*
rent cauteriantes suos discipulos in posterioribus
partibus extantiae dextrae auris, quodque se
Gnosticos vocarent, deinceps & quidem
 continenter subjicit, *etiam imagines & cæ-*
tera, quæ supra sunt à nobis descripta.
 Nonne hæc orationis perpetua, & nus-
 quam interrupta series clamat, & hoc
 ipsum inter impia Carpocratianorum
 somnia ab Irenæo accenseri? Profecto
 vel est fatendum sanum minimè fuisse
 Irenæum, dum hæc sic continenter per-
 texeret, vel certè concedendum hæc, quæ
 postrema commemorat, Gnosticorum
 etiam fuisse singularia, non autem Ca-
 tholicorum cum illis communia. Quod

ut clarius fiat, observandum est, Irenæum non dixisse simpliciter, *Habent etiam Iesû images, quas cum philosophorum Gentilium simulacris miscent.* Nam si hoc solum dixisset, esset fortasse aliquis locus suspicandi non alio hic animo commemorari Gnosticorum images, quàm ut intelligatur istorum contumeliosa in eas superstitio. Nunc verò longe aliter est. Primum enim istarum imaginum materiam, ac formam notat, partim coloribus depictas fuisse, partim sculptas, & ex alia materiâ, ut loquitur, fabricatas; Tum docet, unde isti earum originem arcessiverint, ferentes à Pilato Christi imaginem effictam fuisse. Tandem ait etiam à Gnosticis coronatas. Hæc omnia quorum tam accuratè commemorat, si non privata hujus sectæ commenta, sed publica fuerunt Catholicorum placita, & instituta? Si illius ævi Ecclesia Christi, Sanctorumque images habuisset, si in sacris ædibus dedicasset, si religioso cultu, nudo capite, prostratoque humi corpore venerata esset, si sertis floribus, si auro, si argento, & gemmis (quod hodie facit omnis Romani episcopi communio) ornasset, non est dubitandum, quin Irenæus plane aliter, quam fecit, orationem hoc loco fuerit temperaturus. Quod
in

in hoc Gnosticorum instituto cum Ecclesiæ ritibus congruebat id ab adventitiâ istorum labe atque impietate distinxisset, quodque cum Catholicis commune illi habebant ab iis, quæ fuerunt hujus sectæ singularia, sedulo secrevisset, eorumque locum in hunc aut similem modum constituisset; *Habent quidem & Domini Iesu imaginem, eamque illi perinde ac nos venerantur & corollis ornant, fictam à Pilato jactantes, dum Christus in terris degeret. Verrum justum ejus ac legitimum cultum fœdissimè commaculant, dum eam cum Gentilium sapientum simulacris miscent, sacrificiisque Ethnico ritu colunt.* Adversariorum hic appello fidem, si quos causæ studium non excæcavit; annon sic loqui Irenæus, & ad hanc aut similem formam orationem instituere debuerat, siquidem is fuit viri de istis sensus, qui hodie Romanorum est? Estne verò inter eos quisquam, qui si hanc Gnosticorum historiam scribendam suscipiat, non sit daturus operam, ut ista inter se accuratè distinguantur? Atqui longe aliter (quod supra demonstratum est) Irenæus loquitur; planeque ad eum modum, quo rem totam scripturus fuisse videtur aliquis de Ecclesiæ Genevensis ministris. Concludamus igitur, Catholicos, apud quos vivebat Irenæus,

næus ; nihil (quod quidem spectat ad imaginum negotium) cum hodierno Ecclesiæ Romanæ sensu, ac ritu habuisse commune. Quod ex iis , quæ superius observavimus , tanto efficacius colligitur, quod Epiphanius, & Augustinus rem eandem, non aliter quam Irenæus, exsequantur. Fingamus (quod ab omni veri specie vehementer abhorret) tam fuisse Irenæum, aut incautum , aut lectoris sui negligentem, ut, quamquam idem de hoc fidei capite cum Romanis sentiens, uteretur tamen tam incommodâ, tamque periculosâ oratione ; Epiphanius certè & Augustinus , cum multis post Irenæum annis eadem de re scriberent, lapidem illum offendiculi de medio tollere debuerunt, & (quod tam anxie faciunt hodie Romani) lectorem monere, ne justos ac legitimos sacrarum imaginum cultus cum impiis Gnosticorum ritibus confundendos putet. Quis non videt hanc ab istorum calamo admonitionem tali loco flagitasse fidelium ædificationem , tantò impensius , quò negligentius dicam an flagitiosius id officii ab Irenæo prætermissum intelligebant? qui quidem hac in parte ita se gessit , ut scandalum , quo viam hanc liberare debuerat , id ipsum objecisse videatur , siquidem vera est

(quod volunt aduersarii) præsens Ecclesiæ Romanæ de imaginibus sententia? Atqui nihil tale factum, vel ab Epiphanio, vel ab Augustino, qui istud quicquid est offendiculi, non modò non amoliuntur, sed etiam de integro reponunt. Vterque enim nihil immutatâ, aut mitigatâ Irenæi oratione, totam hanc narrationem eadem simplicitate pertexunt, in eo quem instituunt Carpocratianarum hæresium catalogo, notantes eos Christi & Pauli imagines habuisse, erexisse, coluisse. Quod non video qua fide, quo iudicio, quo pudore sic scribere potuerint, si verum est eos Christi, Paulique, & Sanctorum imagines eodem, qui nunc Romæ obtinet, ritu veneratos esse. Similis est eorum ratio, quæ alibi tradit Epiphanius, Arabiæ Petrææ incolas in Edom, & Rocom, Moysen propter stupenda, quæ edidit miracula, pro Deo habere, ejusque imaginem adorare, ἣν ὁ ποταπὸς αἰμῶνι ἀπεπλάσθησαν, quâ, inquit, expressâ, aut effectâ aberrarunt; quo loco istos, quod imaginem Moysis finxissent, aperitissimè reprehendit, idque statuit, vel errorem fuisse, vel certe erroris, in quem lapsi sunt, occasionem, cum secundum hodierna Romæ placita, & laudandus fuerit istorum zelus, quod tanti viri effigie

*Epiph. Hær.
55. p. 469.
edit. Petav.*

gie gauderent, & simul etiam castiganda
enormis illa de Mosis divinitate opinio.

CAPUT VIII.

Septima Ratio, quod in veterum Ecclesiarum instrumentis non sint imagines. Octava, quod Pauli & Maria vera facies veteribus ignota fuerit. Nona, quod Armenii careant imaginibus.

IAM hic coronidis vice lubet adjungere superioribus tria ejusdem rei argumenta, quæ quamquam aliis leviora videri possunt, non sunt tamen, meo quidem judicio, aspernanda. Quorum primum ex eo duco, quod si sacrarum (ut vocant) imaginum idem olim fuisset, qui nunc est, inter Christianos usus, occurreret haud dubie aliqua earum mentio in tam multis, quæ hodie supersunt, primæ antiquitatis monumentis, iis præsertim locis, quibus describitur, quæ tùm erat, Ecclesiarum sacra (ut sic dicam) supellex. Jam verò nullæ hujusmodi imagines in Christianorum libris, nisi sero admodum, deprehenduntur; adeo ut ipse Germanus Constantinopolitanus episcopus, avidissimus earum laudator, defensorque acerrimus, vir cætera doctissimus & in Ecclesiasticis antiquitatibus versatissimus, nullos causæ suæ testes,

aut patronos citaverit vetustiores Basilio, & Gregorio fratribus, quos Valentis Augusti temporibus, affecto jam & præcipiti quarto à Christi nativitate sæculo, vixisse constat. Quæ autem ex iis afferuntur testimonia suo postmodum loco excutiemus, ac ut spero demonstrabimus iis minimè confici, ullum tunc imaginibus delatum fuisse à Christianis cultum. Sed ut rem institutam nunc agamus, Eusebius, (quod est ab illustrissimo heroë Philippo Mornæo jam observatum) diligentissime descriptum nobis reliquit templum illud, quod Tyri fuit à Paulino, illius tunc civitatis episcopo, magnificè constructum; Omnes operis partes, omnia ornamenta, sigillatim exsecutus, porticus, laquearia, cathedram, candelabra; De imaginibus, nihil; quas tamen sine flagitio in tam accuratâ descriptione omittere non potuit, si verum est eas jam tum habitas, ut nunc, fuisse, non pro nobilissimis modò Ecclesiarum ornamentis, sed pro ipsius etiam fidei atque pietatis utilissimis instrumentis. Idem duci potest argumentum ex eâ, quam idem ille autor litteris mandavit, illius ædis descriptione, quam Constantinus Augustus Hierosolymis condidit. Athanasius, dum Ecclesiæ Alexandrinæ direptionem, à Pa-

*Mornæus l. 2.
de Euch. c. 2.*

*Euseb. Histor.
Eccl. l. 10. c. 4.
p. 110. 111.
edit. Rob. St.*

*Id. l. 3. de vit.
C. A. f. 141. b.
R. St.
Athan. ep. ad
solit. vitam
agentes. p.
847. O.*

à Paganis & hæreticis crudelissimè factam narrat, acerbam illam stragem accuratissime nobis ob oculos ponit, confractam mensam, lacerata vela, eversum episcopi cathedram, disjecta cleri & plebis sedilia, violatos sacri baptismatis fontes memorat. Num sacris imaginibus, siquæ tùm fuissent in illo templo, ut nunc sunt in omnibus Romani ritûs Ecclesiis, parcituram fuisse putas impiorum istorum audaciam, atque petulantiam? aut si in eas quoq; sævitum esset, id omisurum fuisse Athanasium, quo loco singulas illius cladis partes diligentissime persecutus est? Atqui neque ille quicquam de imaginibus; quo apparet nullas tùm fuisse in Alexandrinâ Ecclesiâ, quæ profectò tali tantæque ædi nequaquam defuissent, si, quo loco & numero hodie habentur apud Romanos, eo tùm quoque apud veteres Christianos habitæ essent. Eadem occurrit narratio in epistolâ ad Orthodoxos, quæ Athanasii nomine circumfertur, quamquam stili & orationis, rerumque nonnullarum diversitas dubitare me cogant nùm reverâ id sit illius auctoris genuinum opus. Optatus Afer episcopus, quo loco fusè describit, quæ in Ecclesias à Catholicis ante possessas petulanter ac contumeliosè

*Optat. contr.
Donat. l. 6.
toto.*

liosè à Donatistis acta fuissent, commemorat quidem aras, calices, divinosque codices, vela atque altarium linteamina, cæteraque hujusmodi ab illis furentibus aut confracta, aut erasa, neque parietes tacet, quos illi tanquam à Catholicis contaminatos velut lustrali aqua laverant; aureas verò vel argenteas Christi crucifixi icunculas, vel ullas omnino imagines, non commemorat. Quis credat, vel imagines, siquæ in sacris illis ædibus fuissent, integras & intactas prætermissoiros fuisse, qui neque altaribus, neque calicibus peperceraut Donatistas, vel hanc amentia eorum partem, siquid hujusmodi designassent, dissimulaturum fuisse, qui cætera sic anxie persequitur, Optatum? Palladius in Chrysostomi vitâ diligentissimè descripsit horrendæ illius noctis imaginem, quâ vir sanctissimus inimicorum scelere, atque potentia Constantinopoli circumventus, vi per fœdissimum tumultum à prætorianis militibus indignè raptus, atque abductus est; cùm in eam, ex quâ avellebatur, Ecclesiam turpissimè grassantes impii latrones nihil intactum, aut inviolatum reliquerunt. Refert in illâ strage projecta, & proculcata fuisse Sacramenta, sacros baptisimi latices sanguine cruentatos, vulneratas

*Pallad. Vit.
Chryf.*

neratas virgines , fugatas mulieres, directam omnem Ecclesiæ supellectilem. De imaginibus verbum facit nullum. Hieronymus res sacras, quas Nepotianus, cum diaconi munus susciperet, sibi creditas summâ diligentia curabat, omnes in ejus epitaphio percenset, altare, vela, vasa, Ecclesiæ parietes, ostia, pavimenta. Imagines nihilo magis commemorat, quàm ii, quos suprâ laudavimus. Itaque cùm imaginum tam opportunis locis nulla ab istis facta fuerit mentio, satis patet nullas adhuc apud Christianos in usu fuisse primis illis Ecclesiæ sæculis.

Hier. ep. 3.

Alterum ejusdem rei argumentum ex eo ducimus, quod testatur Augustinus incertum esse quæ verè fuerit Domini Jesu, quæ Beatæ Virginis, quæ Pauli facies, quæve oris forma, totaque effigies; *Ipsius Dominica facies carnis*, inquit, *innumerabilium cogitationum diversitate variatur, & fingitur, quæ tamen una erat, quæcumque erat.*

Aug. l. 8. de Trin. c. 4.

Tum capite sequenti, *Vtrum illa facies*, inquit, *Mariæ fuerit, quæ occurrit animo, cum ista loquimur, aut recordamur, nec novimus omnino nec credimus; & paulò post ait quæ facie fuerit Paulus nos penitus ignorare.* At verò, si quod portendunt adversarii, jam ipsis Apostolorum temporibus obtinuisset, ut sanctorum hominum pingerentur

Ib. c. 5.

imagines in fidelium cœtibus dedicandæ & colendæ, eaque itidem consuetudo apud posteros sequentibus sæculis constanter mansisset, haud dubie Christi, beatæque Virginis, & Pauli effigies ad vivum à primis illis Christianis accuratissimè expressæ atque effictæ fuissent, summâque curâ ab omnibus tùm in templis, tùm domi servatæ; palamque est, si stat Romanorum hypothesis, non potuisse veteres illos fideles huic officio deesse sine maximâ, & ab illius Ecclesiæ moribus plane abhorrente impietate. Nihil tamen hujusmodi factum fuisse apparet ex iis Augustini verbis, quæ modò recitavimus. Nam si Christi, & Mariæ, & Pauli icones ad vivum jam ipsis illorum temporibus expressæ essent atque ab illis ad posteros per manus (ut sic dicam) fideliter transmissæ, qui ineunte quinto post eos sæculo vixit Augustinus, quæ fuissent eorum facies, quæ ora, qui vultus, nullo negotio scire potuisset; quod tamen sibi, cæterisque ejusdem ævi Christianis prorsus ignotum esse confitetur, ut necesse sit Christi & Sanctorum imagines apud priscam illam Ecclesiam non in eo precio atque honore fuisse, in quo nunc sunt apud Romanos.

Postremo id etiam inde manifestum est,

est, quod Armenii non modò non venerantur imagines, sed earũ cultores etiam excommunicant, ut est à Nicone traditum in opusculo de eorum religione; *Venerabileis*, inquit, *imagines non adorant, sed* Nico de Arm. rel. Bibl. Pp. 1. 3 *quod magis est, eorum universalis episcopus cum reliquis eos qui adorant anathemate percutit.* Idem etiam affirmat Isaacus quidam, cuius manuscripta contra istos disputatio in Regiâ bibliothecâ servatur. Verba ejus, quod nondum sint edita, quod sciam, græca adscribam: *ὡς ἡ εἰκόνα ἡ* Isaac. contr. Arm. 57 λι- τουργικῶ λό- γῳ, α. *Χριστοῦ, καὶ τῆ Θεοτόκου καὶ τῶν ἁγίων, ἀλλ' εἰδῶλα ἀποκαλῶντες ἀναθεματίζοντες οἱ Ἀρμένιοι.* Quod Armenii anathematizantur, qui non adorant Christi & Deiparæ, & Sanctorum imagines, sed eas idola vocant. Idem sequenti libello: *τὰς σεπτὰς καὶ ἁγίας εἰκόνας ἡ Χριστοῦ καὶ τῆ Θεοτόκου καὶ τῶν ἁγίων καὶ προσκυνῶσι.* *Venerabileis sanctasque Christi, ac Deiparæ, & Sanctorum imagines non adorant.* Quare Nicetas ait eos cum Nicet. l. 2. de imp. Aug. veteribus Germanis hac in parte consentire, tradens apud utrosque imaginum adorationem æque intendictam esse. Jam vero Armenios nonnisi post tempora tertiæ universalis Synodi, Ephesi, imperante Theodosio II. anno Christi 431. habitæ, à reliqui Orientis communionem discessisse satis ex eo constare potest,

test , quod illam ipsam Synodum unâ cum duabus superioribus Nicænâ , & Constantinopolitanâ recipiunt, Chalcedonensem vero & sequentes repudiant, ut patet ex Catholicorum contra eos disputationibus, ac , ut cætera mittam , ex colloquio Theorani cum principe ipsorum Episcopo , quod græcolatinum exstat in Bibliotheca Patrum. Ex his porro videre est venerationem imaginum non nisi post Ephesini Concilii tempora inter Catholicos fuisse receptam; quippe quæ si vel Apostolorum traditio , vel eorum, qui antè Chalcedonensem Synodum vixerunt Christianorum universalis ritus fuisset, æq; mansura erat in Armeniorum religione, ac cætera ejusdem Ecclesiæ catholica, & publica dogmata. Neque responderi potest hanc illos consuetudinem habuisse quidem initio, sed insecutis post schisma temporibus eandem abdicasse. Hoc enim si verè ita contigisset, proculdubio fuisset ab Ecclesiâ animadversum, conjectaque in Armenios omnis hujus disputationis invidia, quasi ii principes imaginum usum in religione , magnâ scilicet pietatis jacturâ, abrogaverint; quod tamen numquam ipsis objectum fuisse accepimus; neque ab iis, qui ante funesta Orientis hac de re dissidia vixerunt,

*Theor. coll. T. 1.
Bibl. Pp. p. 440.*

runt, neque ab ipsis postea imaginum patronis; qui quidem solent in iconoclastas, quos vocant, aliquot post Armeniorum schisma sæculis exortos; totum hoc crimen conferre, quòd Christiani nominis primi, cultum & usum imaginum everterint, eamque (ut fabulantur) fidei labem, non ex Armeniorum, sed ex Judæorum & Saracenorum commercio contraxerint.

Hæc sunt, quæ in Sanctorum Patrum disputationibus, ritibus, ac dogmatis, totâque veteris Ecclesiæ historiâ, ad hoc quidem argumentum pertinentia, observare potui; neque dubito, quin multa in hanc rem inventurus sit quisquis illa, quæ supersunt, antiquitatis monumenta, libero à partium studiis animo, attentè, & graviter versare voluerit. Sed hæc ipsa, quæ attigimus, satis superque demonstrant, quam Ecclesia Romana nunc tuetur de imaginibus sententiam, eam novam esse inter Christianos, non autem ab Apostolis, vel ab iis traditam, qui proximè post Apostolos quatuor infecutis sæculis in Ecclesiâ floruerunt.



LIBER SECVNDVS.

CAPVT I.

*Primum Testimonium contra imagines,
Origenis.*

IAM venio ad alterum argumentorum genus, quod in iis Patrum dictis situm est, quibus clarè ipsi testantur, quid de imaginum in religione usu senserint. Origenes quidem disertissimè negat ullas apud Christianos sui sæculi tales fuisse. Cum enim eos irrideret Celsus, quod Jesum, hominem à Pilato damnatum & supplicio affectum adorarent, eoque nomine cum quibusdam Gentibus conferret, quæ viros mortuos colebant, ut Zamolxin Getæ, Mopsum Cilices, Amphilochem Acarnanes, Thebani Amphiarum, Lebadienses Trophonium, ad hæc sic respondet Origenes; *Hos omnes, inquit, immerito nobiscum conferri declarabimus. Nam istis quos enumeravit templa, & simulacra posita sunt à suis populis. Nos vero, (qui non exhibemus Deo tales honores, utpote magis congruos demonibus hoc illove loco consecratis,*

*Orig. l. 3. contr.
Cels. p. 135. gr.
cod. lat. 132.*

secreta, ut quemque aut ipsi occupaverunt, aut
 mysteriis quibusdam incantati habitare cogun-
 tur) admiramur Iesum, qui mentes nostras ab
 omni sensibili, nec corruptibili tantum, sed
 etiam corrumpendo, traduxit ad cultum summi
 Dei constantem correctione vite atque precibus;
 quas offerimus ei ceu Mediatori inter omnem
 naturam genitam, & ingenitam, qui nobis
 à suo patre omnia beneficia deferat, & vi-
 cissim in morem Pontificis vota nostra ad sum-
 mum Deum perferat. Atque hætenus ille,
 quem tota hac defensione uti nefas erat,
 si tùm putassent Christiani, divini cultûs
 partem esse imaginum venerationem. Id
 ipsum alibi luculentissimè testatur, ubi
 simplicissimorum è Christianis homi-
 num pietatem cum eo cultu contendit,
 quem maximi quique philosophorum
 Gentilium numini deferrebant; Deus, in-
 quit, elegit mundi stultitiam, eos qui essent in-
 ter Christianos simplicissimi, modestiùs ac pu-
 riùs viventes, quàm philosophi, ut pudefaceret
 istos sapientes, qui non erubescunt res inanimes
 tamquam Deos alloqui, aut Deorum imagines.
 Quis enim sanæ mentis non videat eum, qui post
 egregias illas, & valde philosophicas de Deo sive
 de Diis disputationes, statuas respicit, & aut
 preces eis offert, aut per earum contemplatio-
 nem, tamquam signi alicujus conspicui, conatur
 animum erigere ad imaginationem intelligibilis
 numinis?

16. l. 7. p. gr.
 cod. 373. lat.
 367.

numinis? At Christianus, etiam idiota, persuasissimum habet, quemvis mundi locum partem esse universi, & mundum universum esse templum Dei, & in quovis loco precatur, clausis sensibilibus oculis, erectis autem animæ luminibus; atque ita super totum mundum ascendit; nec consistit in mundi convexis, sed transcendens mente locis supercœlestibus, ductu divini Spiritus, veluti jam extra mundum raptus offert Deo preces de rebus non vulgaribus; didicit enim ab Iesu nihil parvum, hoc est sensibile petere; sed sola magna, & reverâ divina, quæcumque à Deo concessa perducunt ad eam, quæ apud ipsum est per Verbum Deum Filium ejus, beatitudinem. Obsecro, utra istarum imaginum hodiernis Romanæ Ecclesiæ cultibus, ac ritibus congruit exactiùs, illiusne, qui statuas respiciens, aut preces eis offert, aut per earum contemplationem, tamquam signi alicujus conspicui conatur animum erigere ad imaginationem intelligibilis numinis, an ejus, qui clausis sensibilibus oculis mente super mundum scandit, ibique Deum spiritu precatur? Sed neque omittendum puto alium quemdam ejusdem scriptoris locum, quo jactanti Celso Christianos paria cum Scythiis, Numidis, Seribus, aliisque impiis ac barbaris gentibus facere, templorum, altarium, & simulacrorum in religione usum pariter aspernantes, eruditissime

simè respondet ille, non eâ conformitate fieri, ut eodem loco & numero habendus sit Christianorum, & istorum cultus, cùm non rarò accidat, ut vel similia sint, vel etiam eadem diversissimarum causarum effecta, atque homines ab iisdem rebus non tamen ob easdem rationes abstineant; quod fusè exsequitur, ac demonstrat plurimùm inter se differre eas causas, quæ Christianos, & quæ illos barbaros impellant ad repudiandum simulacrorum, sive imaginum in religione usum. *Ceterum Christiani homines & Iudæi, inquit, sibi temperant ab his* Ibid. l. 7. cod. gr. p. 386. Lat. 382. (nimirum statuis, earumque cultibus) propter illud Legis, Dominum Deum timebis, & ipsi soli servies; Item propter illud, Non erunt tibi Dii alieni præter me; & non facies tibi ipsi simulacrum, nec ullam effigiem eorum, quæ in cælo sunt &c. Item propter illud, Dominum Deum tuum adorabis, & illi soli servies; aliaque multa his similia, quæ adeo nos prohibent ab aris & simulacris, ut etiam emori jubeant citiùs, quàm contaminemus nostram de Deo fidem talibus impietatibus. Quid disertius, aut luculentius in hac causa dici potest? Quod si quis eò confugiat, ut dicat hunc testem velle, non quidem omnibus omnino imaginibus carere Christianos, sed iis tantùm, quæ erant apud Paganos in usu;

usu; præclusa est ab ipso Origene omnis ista elabendi ratio? tùm quia id divinæ legis mandatum, quod ut verum Christianæ hac in parte fidei, ac pietatis fundamentum ponit, non gentium tantùm simulacra, sed omnium omninò rerum cœlestium, terrenarumque similitudinem vetat; tùm quòd disertissimè Judæos cum Christianis hætenus quidem componit & conjungit Origenes; quò fit necessariò, ut hæc utrorumque communis causa, non alterorum propria fuerit; Communis verò nequaquam fuit, si Christi & Sanctorum imagines dedicavit & coluit Christianorum religio, cùm Judæos constet nihil hujusmodi admittere, quos omnium imaginum, qualescumque eæ sint, præsertim in sacris, usum constan tissimè semper repudiasse nemo nescit.

CAPVT II.

Secundum Testimonium: quod est Eliberitani Concilii.

AC de Origene quidem hætenus. Jam alterum sequitur Eliberitani Concilii de eadem causa testimonium. Vrbs olim in Hispaniâ fuit, quam Romani quidem scriptores *Iliberim*, qui verò Gotho-

Gothorum temporibus postea vixerunt
 exiguo inde flexu *Eliberim* vocant; unde
 mox *Elberia*, ac postremò *Elvira* nomen
 defluxit; quod hodieque manet in colle
 quodam Granatæ vicino, ac in unâ ex
 Granatæ urbis portis, quorum alterum
montem Elvira, alteram *portam Elvira* vul-
 gus vocat. In antiquâ illâ urbe, (cujus
 præter hæc nulla nunc exstant in naturâ
 rerum vestigia) habitum olim fuit anno
 (ut est à Baronio proditum) æræ Chri-
 stianæ 305. non ignobile Concilium;
 quod de ejus nomine *Eliberitanum* dici-
 tur. Convenerant ex diversis Hispaniæ
 partibus episcopi omnino XIX. qui mul-
 ta de religione ac disciplinâ Christianâ
 definiverunt, magnâ (ut mihi quidem vi-
 detur) observatione digna. Sed ut cæte-
 ra nunc mittam, sic habet illius Synodi
 Canon XXXVI. *Placuit picturas in Ecclesiis*
esse non debere, ne quod colitur aut adoratur in
parietibus depingatur. Hunc canonem in
 hac ipsâ causâ ante annos octingentos
 laudavit Agobardus, Lugdunensis epi-
 scopus in erudito de imaginibus tracta-
 tu, quem parentum nostrorum memoriâ
 publicavit Papirius Massonus; Recte, in-
 quit, nimirum ob hujusmodi evacuandam su-
 perstitionem ab orthodoxis Patribus definitum
 est *picturas in Ecclesiâ fieri non debere, nec* (sic

Ambros. Morel.
in Eulog. Cor-
dub. Bibl. Tp.
 T. 9.

Agob. libello
de picturis &
imag.

130 DE IMAGINIBVS
enim videtur legisse) *quod colitur & adoratur in parietibus depingatur*. Ex quo liquet, quàm putida sit illorum cavillatio, qui canonem hunc ab imaginum adversariis fictum, & priscis illis Patribus suppositum fuisse volunt. Sed cùm hinc urgeret veritatis evidentia, illinc præjudicatarum opinionum amor quicquam contrà admittere prohiberet, coacti sunt ad impudentissimam juxta, ac stultissimam responsionem confugere; quæ si admittitur, ab his de religione disputationibus omnino semovenda erit veterum Patrum auctoritas. Nam si is canon, qui in omnibus Eliberitanæ Synodi tam manuscriptis, quam excusis codicibus reperitur, quemque à nobilissimo Galliarum nostrarum antistite ante annos octingentos laudatum fuisse constat, in dubium tamen vocatur; quid aliud quæso erit in Patrum monumentis de quo posthac certi, & securi esse possimus? Neque magis audiendi sunt, qui ut debitam hujus Synodi antiquitati reverentiam, atque fidem convellant, objicere solent scatere ejus canones periculosis sententiis, & ad rigidam Novatiani severitatem proximè accedentibus. Nam & ex veteri historiâ, & ex Tertulliani disputationibus, & ex Paciani Barcinonensis

paræ-

parænesibus, & ex aliis aliquot antiquitatis monumentis satis constat, rigidam sanè primis sæculis Ecclesiæ catholicæ disciplinam fuisse, postea variis temporibus & locis paulatim committigatam remisisse, ut est ab ipsis adversariorum corryphæis Baronio, Petavio, aliis jam pridem observatum. Eliberitanos ergo Patres tantum abest, ut is disciplinæ rigor suspectos nobis reddere debeat, ut contra certissimum sit germanæ istorum antiquitatis argumentum. Itaque qui sunt inter adversarios doctiores, ii valere iussis tam frigidis exceptionibus alias rationes ineunt elabendi ex his angustiiis. Nonnullas Bellarminus, velut nimis absurditatis manifestas, ultrò damnare & confutare non est veritus; ut illam exempli gratiâ eruditi & disertis hominis Andradii Payvæ responsionem, *Concilium Eliberitanum solum prohibere imaginem Dei, quæ pingitur ad ipsius Dei effigiem representandam. Sed non videtur satisfacere*, inquit Bellarminus. Nam certè si ita res habeat, necesse est mirus fuerit Patrum istorum stupor, qui & id vetant, quod nemini umquam Christiano homini in mentem venit, & negant sibi placere picturas esse in Ecclesiis, ut scilicet significant Dei formam penicillo effingi, aut adumbrari

*Petav. Anim.
in Epiph. p. 235*

*Bell. l. de Imag.
c. 9. §. Ad secundum.*

Ibid. §. Alanus.

non posse. Eamdem ob causam rejicit Bellarminus Alani etiam Copi, hominis Angli, sententiam, respondentis, *ideò hic prohiberi imagines, quia ab illis Christianis adorari cœperant, tamquam Dii.* Sed hæc responsio præter animadversam à Bellarmino absurditatem, mihi hoc quoque videtur habere incommodi, quòd objectam difficultatem minime solvit. Negant Eliberitani Patres picturas in Ecclesiis Christianis habendas. Tridentini non modo retinendas, sed etiam venerandas censent, hoc est, (ut quidem illud vocabulum interpretantur summi communionis illius viri) adorandas, colendasque analogico quodam honoris genere ad eum cultum reducendo, qui ipsarum exemplaribus debetur; Tùm & qui aliter sentiunt anathemate ferire non dubitant. Aio ex his liquere, veteris Ecclesiæ fuisse longe aliam, quàm nunc est Romanæ de imaginibus sententiam. Alanus ariolatur id placuisse Eliberitanis Patribus, quod ab illius ævi Christianis imagines, tamquam Deos adorari viderent. Hoc verò est causam adferre aliquam ejus discriminis, quod inter veterum, novarumque Synodorum placita intercedit (quod nunc quidem non quærimus.) Non est id demonstrare, quod quærimus;

mus; nimirum nullum esse inter ista discrimen. Quæ rationes Patres Eliberitanos ad figendum hunc canonem impulerunt, sint eæ sanè quæ finguntur. Illud quidem certè constat, cavisse eos, ne ullæ essent in Ecclesiis picturæ, nedùm ut eas cum hodiernis Romæ antistitibus venerandas, colendasque censuerint. Itaque quod Tridentini jubent, id vetant Eliberitani, eosque tantùm pro genuinis suæ disciplinæ cultoribus agnoscunt, quibus nullæ sunt in Ecclesiis picturæ, quos illi contrà tamquam Dei & Ecclesiæ perduelleis sacris omnibus arcendos, dirisque devovendos putant. Eadem ratio Sanderi quoque cavillationem discutit, suspicantis Eliberitanos Patres imagines è Christianorum templis ideò ejicere, ne eos Gentiles existimarent adorare ligna & lapides. Primùm enim cur hoc illi si in animo habuerunt, non sunt disertè elocuti? cur huic homini tredecim post eorum fata sæculis nato mentem suam scilicet explicandam reliquerunt? Sed illorum quidem sive hoc, sive aliud consilium fuerit (de quo non puto laborandum vehementiùs) decretum certè clarum est & disertum. *Placuit picturas in Ecclesiis esse non debere.* Hoc verò id propriè est, quod in hac disputatione quaeritur.

*Sander. apud
Bell. l. de Imag.
c. 9. §. Nic.
Sander.*

ritur. Quod si Patres illi picturarum in
 Ecclesiis usum rectè & sapienter vetue-
 runt, nè (quod ariolatur Alanus) eas
 Christiani pro numinibus haberent; vel
 ne eas (quod suspicatur Sanderus) ipsi
 adorare ab aliis existimarentur; cur Ro-
 mæ episcopus non modo idem non de-
 cernit, sed eos insuper excommunicat,
 quos idem metus picturas pariter ex Ec-
 clesiis suis amovere subegit? Si nunc ha-
 berent Concilium Hispaniæ episcopi, &
 canonem hujusmodi in provinciis suis
 publicarent, *Placuit picturas in Ecclesiis esse
 non debere*; obsecro, quod non defuisse
 aliquas hujus consilii rationes dicerent,
 ideone evasuros, ac impunè laturos tan-
 tam temeritatem putes? ac non potius,
 tamquam hostes fidei, atque concordix
 Ecclesiasticæ, Pontificis Capitolini iras,
 minasque, & vindices illas flammæ ex-
 perturos? Atqui hoc ipsum decretum
 fecere olim Patres Eliberitani; neque
 quisquam ex iis, qui tunc erant, Catho-
 licis, aut contra ivit, aut conquestus est.
 Necessariò ergo confitendum est, non
 eam esse hodie Romanæ, quæ olim fuit
 veteris Ecclesiæ de imaginibus senten-
 tiam. Bellarminus, & Perronius Cardi-
 nales, Gabriel Vasques Jesuita, & alii
 non pauci aliâ hîc utuntur strophâ. Vo-
 lunt

sunt enim Concilii Eliberitani hanc esse mentem, ne imagines depingantur in parietibus Ecclesiæ, non autem ne depictæ in tabellis, aut velis in Ecclesia habeantur; idque quædam imaginum reverentiâ ita decretum confingunt, ne eas (quod quidem volunt Bellarminus & Vasques) humor parietum & situs, vel alia ratio corrumperet, aut (quod maluit Perronius noster) ne eas persecutionis tempore Paganorum ludibriis atque injuriis expositas relinquere cogerentur, si fuissent in Ecclesiarum parietibus depictæ; quippe quæ inde revelli, ac in privatas domos ingruente illa tempestate asportari, ac velut in tutum subduci nequivissent una cum voluminibus, vasisque sacris, reliquæque ministerii Ecclesiastici suppellectile, quam solebant in tali discrimine ex publicis locis receptam in privatarum adium veluti latebris occultare. Hanc autem ille Eliberitanæ Synodi mentem fuisse tribus argumentis contendit; quorum primum inde ducit, quòd Tertullianus in libro de Pudiciâ sui temporis Catholicos Christi in sacris calicibus imaginem habuisse testatur. Alteram verò sumit ab hujus decreti ratione, quam ipsi Eliberitani Patres afferunt, ne quod colitur aut adoratur in parietibus depingatur. Hac enim ratio (inquit Perronius) hujusmodi est, ut locum habere non potuerit, nisi in iis imaginibus, quæ

*Bell. ib. §. Alii
ergo. du Perr.
Act. de la
conf. de Font.
f 97. Vâsq. in
3. Thom. disp.
105. c. 2.*

sunt in parietibus depictæ. Fuiſſet enim pueriliſ ineptia prohibitionis uniuerſalis cauſam adferre particularem, ac ne ullæ eſſent omnino in Eccleſiis, ſive in iſis parietibus, ſive extra parietes, picturæ, ideo vetare ne quod colitur & adoratur in parietibus pingatur. Hoc etiam poſtremo refert, quod hodieq; in Granatenſi diœceſi fervari ait, in Concilii Eliberitani memoriam, ut in Eccleſiis ſigna tantû & imagines in tabulis expreſſæ habeantur, nullæ autem picturæ in ipſa parietum ſuperficie effingantur. Atque ita vel in clariffimis diſertiffimiſque verbis ludit humana ſubtilitas, ingenioſis ambagibus ad cauſæ ſuæ præſidium illa ipſa inflectens, quæ eam funditus evertere videbantur! Quis enim eſt, qui hunc canonem audiens, *Placuit picturas in Eccleſiis eſſe non debere, ne quod colitur, & adoratur in parietibus depingatur*; quis inquam hunc canonem audiens non eum putet ex Chriſtianorum templis picturas ejicere? contra quàm hodie facit Roma, quæ imagines in iſdem templis conſtituit, colendasque ac venerandas deſinit? Iſti tamen ſperant ſe nobis perſuaſuros, Eliberitanos Patres imagines, non ejicere aut infamare, ſed retinere atque honorare; paulatimque eam futuram puto calliditatis fiduciam, ut illum ipſum canonem, quo cavetur

ne picturæ sint in Ecclesiis, fortasse sint aliquando allaturi ad id quod nunc tuentur, demonstrandum, habendas nimium, & analogico latriæ & duliæ cultu venerandas esse imagines. Sed hic tamen locus tantâ, tamque clariâ luce undique circumfunditur, ut si modò sensus ipsi nostros paululùm excitare, atque intendere velimus, facile deprehensuri simus omneis istorum artes nihil aliud esse, quàm præstigias & offucias. Hoc in primis uno omnes consensu ponunt, vetari à Concilio imagines in parietum tectorio, vel extimâ superficie pictas; alterius generis non vetari, puta quæ aut in telâ, aut in ligno, aut in aliâ materiâ pensili & mobili colorib⁹, vel aliâ ratione sic effinguntur, ut ex uno loco in aliû transferri possint. Sed hæc si voluit Eliberitana Synodus, cur obsecro non expressit clavis & perspicuis verbis? Cur non saltem innuit? Quis istos Hispaniarum episcopos adeò rudes, & obtusos fuisse putet, ut rem tam facilem, tamque obviam eloqui minimè potuerint? Theodosius & Valentinianus Augusti, quorum in hac ipsa disputatione exemplum à Bellarmino allatum est, honoris & reverentiæ causâ vetuerunt, ne crucis signum in Ecclesiarum pavimento sculperetur, aut pingetur

Bell. ib.

retur à Christianis. Illine ergo hanc legem Eliberitanæ Synodi verbis expresse-
runt, hoc modo, *Placuit cruces in Ecclesiis
esse non debere?* Absit ut tam ineptè, tam-
que præposterè hanc suam mentem elo-
cuti sint. Si fecissent, nemo non putaret,
plane aliud eos velle, quàm quod volunt.
Audi verò quæ sit eorum oratio in lege,
quam ea de re tulerunt, quæque etiam
hodie extat in Codice: *Cum sit*, inquit,
*nobis cura diligens per omnia superni numinis
religionem tueri, signum Salvatoris Christi
nemini licere vel in solo, vel in silice, vel in mar-
moribus humi positis insculpere, vel pingere, &c.
imperamus.* Hactenus Augusti illi. Ne-
que aliter præfantur Trullanorum cano-
num auctores, cum rem eandem decer-
nerent, canone 73. Quod ergo isti de
crucis signo constituerunt, si idem quo-
que Eliberitani Patres de imaginibus de-
cernere voluissent, non est dubitandum,
quin suam illam mentem similibus quo-
que verbis in hunc aut alium non absi-
mitem modum explicaturi fuerint: *Cum
sacris Domini Iesu Sanctorumque imaginibus
magnus honos debeat: placuit eas in Ecclesia-
rum parietibus pingi non debere.* At ut Trul-
lani Patres suæ illius legis, qua crucis si-
gnum humi pingi vetant, hanc statim ra-
tionem subjiciunt, *ne incedentium conculca-*

L. 1. Cod. tit. 8.

Can. 73. in
Trull.

Ibid.

tione

tionem victoria nobis trophæum injuria afficiatur ; non aliter quoque Eliberitani, si eadem mens fuisset, facturi erant, suæque isti pingendarum in parietibus imaginum prohibitioni adjecturi hanc, aut aliam consimilem rationem ; ne pretiosa pietatis nostræ instrumenta, venerandaque eorum quos maxime amamus & colimus, monumenta, parietum humore corrumpantur, paulatimque aut putrescant, aut exolescant ; vel quod mavult Perronius, ne persecutorum furori in prædam exposita maneant. Fidem hic, & ipsum communem hominum sensum appello ; Patrum istorum, si, quæ iis affingitur, ea verè mens fuit, nonne hæc quoque debuit esse oratio ? Nonne adversariorum eadem quoque futura esset, si post elapsa tam multa sæcula mirus ille & hæcenus inaudit corruptionis, aut putrefactionis metus repente illis suaderet tale aliquid decernere ? Itaque cùm nihil hujuscemodi occurrat in Patrum Eliberitanorum verbis, quid superest, nisi ut fateamur, neque eos quicquam tale in animo habuisse ? Sed quid ego orationem, qua sunt usi, huic quem volunt adversarii, sensui convenire nego ? Palam est non modo non convenire, sed etiam sic repugnare, ut eum ferre non possit, si ipsum eorum decretum respicias, si
eam,

eam, quam subijciunt, decreti rationem. Decreti quidem disertissima sunt hæc verba, *Placuit picturas in Ecclesiis esse non debere*. Illa-ne tantum dicuntur esse in Ecclesiis, quæ earum parietibus inducta inhærent? Nonne etiam in Ecclesiis & censentur esse, & sunt re verâ, quæcumque earum tecto, parietibusque inclusa continentur, altare, vela, cerei, cathedra, quæ illuc ad Dei cultum convenit multitudo? Numquam hæctenus auditum verba hæc aliter accepta esse in ullo hominum sermone. Cùm igitur Eliberitanus canon exferre decernat *in Ecclesiis picturas esse non debere*, quis non videt hunc ejus esse sensum, ut neget ullas omnino esse debere imagines sub tecto, & intra parietes, conscriptumque Ecclesiarum? At quæ in Ecclesiis dedicantur in tabulis, & velis pictæ imagines, aliave aliqua ratione effictæ, eas clarum est sub tecto, & intra parietes Ecclesiarum esse. Consequens igitur est, non minus eas hoc decreto vetitas, interdictasque esse, quam quæ in parietum tectoriis pinguntur. Quid? Granatensibus illis, qui plenas habent signis, pictisque tabulis Ecclesias, quod iidem nullas (ut quidem est à Perronio traditum) in ipsa parietum superficie depingant imagines, liceretne ideo vere ac

seriò

feriò adfirmare *nullas esse in Ecclesiis suis picturas*? Et si tale aliquid affirmant, nonne ab iis vel infans quærat, *At si non sunt in Ecclesiis vestris pictura, ubinam igitur, & quo in loco sunt tam multe tabulae, quas pictas istic video passim aut stantes, aut pendentes*? Profectò vel fatendum est Eliberitanos Patres absurdissimè, ac contra omnium mortalium consuetudinem loquutos esse; vel eorum decretum concedendum est à nuperis istis (quales quidem à Perrochio finguntur) Granatensibus violari. Vñ sunt Tridentini Patres planè simili locutione, & quidem eodem sensu, nisi quod ea præcipiunt quæ vetuerant Eliberitani. Volunt enim à Pastoribus populum doceri, *imagines Christi, Deiparae Virginis, & aliorum Sanctorum IN TEMPLIS præsertim habendas, & retinendas*. Obsecro, isne ferendus videretur, siquis esset, qui contenderet Tridentinorum in his verbis mentem esse, ut Christi, sanctorumque imagines habeantur quidem in parietum rectorio, ac superficie depictæ, non autem ullæ aliæ in tabulis pensiles, & seorsim à templi parietibus effictæ? Nonne ab omnibus exhibilaretur hujuscemodi glossema? Nonne, ut est, ita haberetur ineptissimum, ac monstri simile? Atqui planè eadem est, quam isti afferunt Canonis

*Conc. Trid. Sess.
25. decr. de
inv. Sancto*

142 DE IMAGINIBVS
nonis Eliberitani interpretatio. Est enim
omnino eadem utriusque Synodi locu-
tio. Negat altera *picturas esse debere IN*
ECCLESIIS. Affirmat altera *habendas,*
& retinendas imagines IN TEMPLIS. Si
ergo Tridentinis morem gerit, qui seu in
parietum superficie, seu in ligneis tabu-
lis, seu in velis, aut linteis pictas imagi-
nes in templo habet; quis non intelligit
eum eadem omnino ratione Eliberita-
num ex adverso decretum violare? Pu-
det Bellarmini argutiam referre; adeò vi-
detur inutilis, & indigna tanti viri famâ.
Vult enim ille in Eliberitano Canone
verba hæc *in Ecclesiis*, non ipsam (ut sic
dicam) Ecclesiarum massam ac molem,
omneque quod eâ continetur spacium si-
gnificare, sed *fabricam & muros Ecclesia-*
rum; ac si in Tridentino illo, quod nu-
per attulimus decreto hæc verba *IN*
TEMPLIS, non pro totis ædibus, sed
pro ædium fabricâ ipsâ & muris sume-
rentur. Si valet hæc Bellarmini cavilla-
tio, neque ergò altare *in Ecclesia esse*, di-
cendum erit, neque Ecclesiastæ cathe-
dram, neque sacerdotes, neque plebem
illic collectam, neque omnino quicquam
præter ea, quæ erunt in ipsis Ecclesiæ
parietibus. Adversariorum (quod qui-
dem ipsorum pace dictum sit) nimia pro-
fecto

Bellarmini ubi suprà.
& Alii ergo.

fecto est, aut de nostro stupore, aut de suâ auctoritate confidentia, qui tam inepta, tamque ab omni divini humanique sermonis usu abhorrentia glossemata probaturos se nobis sperant. Sed cum hac istorum interpretatione non minùs pugnat adjecta ab Eliberitano decreto ratio, quàm ipsius decreti verba, *Placuit picturas in Ecclesiis esse non debere, ne quod colitur & adoratur in parietibus depingatur*. Si prior Canonis pars eum, quem volunt adversarii, sensum habet, nullas esse debere in Ecclesiarum parietibus picturas, totus canon sic erit constituendus, *nullas esse debere in parietibus picturas, ne quod colitur & adoratur in parietibus pingatur*. Sic pro ejus quod decernitur ratione, id ipsum quod decernitur in medium affertur, picturasque in parietibus esse debere negant, ideo scilicet ne fiant in parietibus picturæ; quo quid stultius, aut absurdius dici, vel fingi potest, nihil video. Patres isti (si fides adversariis habenda est) verant, ne quas in parietibus Christi, Sanctorumve imagines pingamus. Quid ita? ideo (inquiunt) *ne Christus vel Sancti pingantur in parietibus*. Quis nisi vel amens, vel infans sic loquatur? Itaque ut Eliberitanos Patres tam ineptæ battologiæ haud honesto sanè crimine liberemus, fatendum

dum est plane alio eos voluisse, quàm quod fingunt adversarii. Volunt enim hoc, quod eorum verba clarissimè præ se ferunt, nullas omnino esse debere in fidelium Ecclesiis picturas, ne eo usu, eaque consuetudine sic paulatim vilescat Dei, quem adoramus, majestas, ut is tandem in ipsis parietibus pingatur, Gentilium more, quorum hic stultitia & stupor tacitè perstringitur. Sed quò clariùs patefiat totius canonis sensus, agè duas illas, quæ ab adversariis afferuntur, hujus decreti rationes sigillatim excutiamus, & expendamus, tùm qualis utraque sit, tùm qualiter cum Canonis verbis consentiat. Principiò quis non videt inanes & commentitias esse duas istas rationes, & in uno adversariorum, qui eas adferunt, cerebro confictas, ac denique hujusmodi, quas Patribus Eliberitanis umquam in mentem venisse nequaquam probabile est? Bellarminus ait eos metuisse, ne parietum humor, vel situs imagines corrumpere. Sed hoc, Bellarmine, si jure metui debet, cur vos Romani numquam hætenus metuistis, qui annos jam octingentos tanto animorum affectu, & studio imagines colitis? Numquam enim id vos metuisse satis docent Ecclesiarum vestrarum, non parietes modo, & laquearia,

ria, sed etiam ipsa, ut in Veneto Marci sacrario, pavimenta opere musivo picturata. Si hæc cura atque sollicitudo illius reverentiæ parset, quam imaginibus vos debere putatis, fatemini tum VII. Synodi, & cæterarum quæ ab iis temporibus habitæ sunt Patres, tum ter maximos vestros Romæ Pontifices parum omneis fuisse religiosos, qui vestras illas sacras, atque tutelares imagines parietum humori & situi tam indignè tot sæculis summâ ignaviâ, & socordiâ, aut exposuerunt ipsi, aut ab aliis exponi passi sunt. Fatemini eorum pro picturis zelum minorem fuisse, quam Eliberitanorum Patrum, tandemque hoc paradoxon defendite, imagines amasse & coluisse impensius, qui eas de Christianorum Ecclesiis eiecerunt, quàm qui restituerunt. Quod si verè creditis, quid superest, nisi ut illorum quidem zelum imitemini, horum verò peccatum corrigatis; adeoque sanctissimum hunc Eliberitanæ Synodi canonem Ecclesiæ post tam multa sæcula veluti postliminio revocatum reddatis, atque accuratè observetis; & picturas, quæ passim videntur in templorum vestrorum parietibus, diligentissime deleatis, quod eas (ut vos quidem vultis) Eliberitani Patres censuerint non posse sine

aliqua injuria tali loco retineri. Sed quantumvis hæc nunc jactetis, certò scio vos numquam eò venturos, donec quidem retinebitis eam, quam defenditis, de imaginibus sententiam, cùm palam sit Eliberitano decreto parere id re verâ nihil aliud esse, quàm Iconomachorum partes sequi. Nam si ea est, quam vos pertenditis, imaginum utilitas, atque necessitas, non modò ad Ecclesiarum ornatum, sed etiam ad instructionem, & eruditionem, quòd meliùs interdum doceat pictura, quàm Scriptura, ad caritatem erga Deum & Sanctos fovendam, & augendam, ad conservandam in nobis eorum memoriam, imitationemque excitandam, ad confessionem fidei, quod dùm diligimus & honoramus imagines Sanctorum, testamur nobis placere eorum fidem, & doctrinam ac denique ad honorem Dei & Sanctorum; si inquam, tam sunt multiplices, tamque eximii imaginum usus; nonne summæ est impietatis vel minimâ tanti Thesauri parte plebem Christianam fraudare? maximè ob tam levem, tamque futilem causam, quod eas scilicet vel humor vel situs parietum corrupturus sit? Quasi verò non sit facile huic incommodo mederi, & parietum exolescentes picturas sarcire, ac renovare? aut quasi tantæ earum utilitates non omnes sum-

ptus,

*Ell. de im. c.
10. §. Probatur
tertiò.*

ptus, quos in hoc opere fieri conveniet, vel uno die abunde refundere, & cum ingenti lucro reponere possint? aut denique quasi ulla sit imaginum materies non iisdem casibus & incommodis obnoxia? Quæ enim ista, obsecro, est præpostera & ridicula cautio, quæ ab uno parietum humore sibi metuit, cariem, tineas, ignem, tempus, sexcentosque alios casus, non metuit? quibus quotidie videmus istorum signa, atque simulacra consumi? Si rem benè putaveris, non paucioribus periculis tabularum, quàm parietum picturæ obnoxie sunt. Furum quidem cerè manus, hæ non reformidant. Itaque si ob humoris & corruptionis periculum locum in parietibus picturæ habere non debent, manifestum est eas ne in ligno quidem, aut in telâ, salvâ religione, retineri posse, minimè verò omnium in vitro; quo materia nulla futilior est, aut fragilior. Sed neque Perronii commentum succedit fœliciùs. Putat ille timuisse Patres Eliberitanos, ne picturæ, si in ipsis parietibus essent effictæ, Paganorum ludibrio & direptioni expositæ remanerent sæviante persecutione. Quod si iustus est & legitimus iste metus, undè fit, ut in Ecclesiæ historiâ nullus occurrat, qui aliquid huiusmodi metuisse dicatur?

Nam neque istorum, neque insequentium temporum ullus est scriptor, qui aliquid hujusmodi memoriæ prodiderit. Inauditum præteritis sæculis hoc arcanum fuit, donec novissimis temporibus revelante Sanderò ac Perronio ex latebris tandem emerfit. Compertum quidem habemus summam fuisse priscis illis fidelibus curam, ne sacra Ecclesiarum supellex, ne divinarum Scripturarum codices, ne vela, aut calices, aut alia hujus generis instrumenta pietatis furente persecutione in Paganorum potestatem venirent, familiari & pæne innato cunctis gentibus studio, ut quæ ad religionem pertinent ea diligentissimè tueantur, atque inviolata servant. Sed non est ullo modo credibile hujusmodi casuum meum veteres impellere potuisse ad id discernendum, quod Eliberitano canone constitutum est, siquidem eadem illorum fuit, quæ nunc est adversariorum de imaginibus sententia. Nam, ut jam antea diximus, impium & iniquum fuisset facinus, & quale nullum hæctenus ab istis, qui venerantur imagines, tentatum scimus, fidelibus tam necessariam pietatis partem eripere ob casus incerti metum, neque modò incerti, sed etiã hujusmodi, qui si contingeret, Ecclesiam quidem

dem dolore afficeret , non autem ullâ culpâ , aut crimine involveret ; quippe quæ solâ inimicorum vi , nullâ suâ negligentia , omnem hanc injuriam pateretur. Sed neque huic malo medebatur id quod commentum sunt remedium. Vnde enim sciunt adversarii persecutorum furori non fuisse exposita , quæ in Ecclesiis seorsim à parietibus habebantur ? Sacra illa vasa , atque ornamenta , quoties sunt in ipsis Christianorum conventuum locis à Paganis deprehensa ? Quoties ex privatorum ædibus , atque manibus extorta , cum alios mortis metus inflecteret , alios aperta vis obrueret ? Scripturarum quidem codicibus non rarò id accidisse notum est , quos persecutores in primis requirebant , quo divinorum oraculorum omnia exemplaria abolerent ; ut palam sit huic quoque periculo obnoxias futuras fuisse eas etiam tabulas , atque imagines , quæ parietibus minimè adhærent. Itaque vana est omnis ista prudentia , quam adversarii Patribus Eliberitanis asserunt ; qui sacras scilicet imagines , ut à Paganorum injuriis tueantur , è parietibus deleri , atque obliterari jubent ; quasi cæteris (quarum , si istis creditur , magnus tùm erat in Ecclesiis numerus) non iidem casus , eademque pericula impenderent.

rent. Atque sic patet, quam vanæ sint, & fuitiles causæ ab adversariis allatæ; quippe quæ Patres Eliberitanos minime liberant ejus vel imprudentiæ, vel etiam impietatis crimine, quo manifestissime laborat hoc eorum decretum, siquidem stat hodierna Romanæ Ecclesiæ de imaginum veneratione hypothesis. Sed quid opus est Patrum Eliberitanorum in hoc canone consilium tam longè petitis conjecturis indagare, quod ipsi verbis apertissimis enunciauerunt? Quousque tandem ista novitiorum interpretum somnia consectabimur, cum expressas & conceptas ipsorum auctorum voces habeamus? *Placuit (inquiunt) picturas in Ecclesia esse non debere, ne quod colitur & adoratur in parietibus depingatur.* Quæ unquam major, aut injustior vis fuit? Clamant sanctissimi Patres se veritos, *ne id pingatur quod colitur & adoratur.* Contra contendunt adversarii, alia omnia spectasse eos. Non hoc, quod ajunt, timuerunt, inquit Bellarminus; sed aliud longè diversum, nimirum ne picturas corrumpere parietum humor; non autem, quod verba sonant, ne id, quod adoramus, ars effingere auderet. Imò ne de eo quidem videntur fuisse solliciti, clamat alterâ ex parte Petronius; Sed aliud quiddam metuebant,

bant, nempe nè sacras imagines, si cæ in parietibus mansissent, violaret Paganus. Has ergo causas fac esse, quod non sunt, justas, ac rectæ rationi consentaneas; Illud quidem certè constat non esse eas, quibus ad hoc, quidquid est, decernendum, adducta fuit Eliberitana Synodus. Nam ubinam gentium unquam auditum est hæc verba, *ne, quod colitur & adoratur, in parietibus depingatur*, hæc inquam, verba significare, *ne id quod in parietibus pictum est, humore & situ corrumpatur, vel, à Paganis violetur*? Atque huic quidem secundæ expositioni, (quam bonam ait esse) Bellarminus confitetur tamen, *rationem illam canonis, ne id, quod adoratur & colitur, in parietibus depingatur, non multum quadrare*. Illam verò alteram, quæ est ipsius, nisi mentem præpedisset causæ studium, nihilo melius cum ea canonis ratione convenire facile perspicere poterat, cum nullus hæctenus extiterit Lexicographus, qui verbum *depingi* accipiat pro *corrumpi*, aut putrescere. Missis igitur iis causis, quæ sunt ab adversariis confictæ, superest, ut eam hujus decreti rationem consideremus, quam ab ipsis Patribus Eliberitanis propositam videmus, & quam ab istorum commentis planè alienam esse constat. Synodus picturas esse in Ecclesiis

*Bell. de imag.
c. 9. §. Neque
obstat.*

vetat, *ne*, inquit, *quod colitur & adoratur, in parietibus depingatur*. Nemo nescit Paganorum, quorum religio maximè adhuc vigebat hujus Concilii temporibus, veterem ac pænè universalem fuisse consuetudinem, ut eorum, quos colebant, deorum ac semideorum simulacra, tum penicillo, tum scalpro, aliisque rationibus effingerent, huncque errorem, quo numen coloribus, aliove artificio pingi, & effingi posse putabant, Ethnicæ idolatriæ atque impietatis pænè unicum fuisse fontem. Cùm ergò viderent Eliberitani Patres ausos Christiani nominis nonnullos historias, ac parabolas Biblicas pingere, & præter antiquissimum usum eas imagines in Ecclesias inducere, (id enim istis temporibus jam alicubi factum fuisse constat) veriti ne ex eo usu paulatim homines in errores Paganorum superstitioni similes delaberentur, omnem illam consuetudinem abrogandam ac de medio tollendam censuerunt. Principio (quod infra suo loco luculentius demonstrabimus) pingebantur vel figuræ mysticæ, ac symbolicæ, qualis illa fuit Pastoris ovem deerrantem in ovile humeris reportantis, vel historiæ è Scripturis petitæ, vel Martyrum certamina. Et hæc quidem ferri fortasse potuerunt. Sed
meritò

meritò metuunt Patres illi , ne malum
ulterius serpat , neve Christiani longiùs
progressi eo tandem deveniant , ut id
etiam , quod adorabant , & colebant ,
hoc est Patrem ipsum , ejusque æternum
Filium Jesum Christum , ac Spiritum San-
ctum , pingendum putent. Illa verò vo-
cabula *in parietibus* , non eo animo addi-
derunt , ut significarent posse id quod
adoratur in tabulis , & velis , & alibi de-
nique , quàm in parietibus , pingi sine cri-
mine. Nam nullum esse inter ista verum
discrimen , neque Deum vel debere , vel
posse hac potius , quàm illâ ratione effin-
gi , res ipsa clamat ; hancque restrictio-
nem manifestissimè evertit , tùm genera-
lis , quâ usi sunt Patres , vetandi formula ,
universim ac sine ullâ exceptione decer-
nentes *ne sint in Ecclesiâ pictura* , tùm insi-
gne illud Epiphanii factum ; quod infra
commemorabitur , quodque unum fa-
tis , superque evincit , neque ipsi , neque
aliis ejusdem fidei ac zeli hominibus ve-
lorum magis , quàm parietum picturas
probatas fuisse. Quid ergò est ? Cur Eli-
beritani Patres cùm omneis omnino pi-
cturas ab Ecclesiis rejiciendas putave-
rint , *parietum* meminerunt ? Nempe id
exempli tantum causâ fecerunt , ut ex
hac nobilissimâ & communissimâ specie

intelligeretur , quid de toto illo genere
judicandum esset. Solebant enim Pagani
suorum numinum formas in parietibus
pingere. Huc etiam accedit, quod nulla
videatur major, aut in numinis majesta-
tem contumeliosior indignitas , quàm
quâ ad ipsos sive profanarum, sive sacra-
rum ædium parietes ejus, quæ existima-
tur forma, demittitur. Itaque ut paucis
absolvam , *parietes* hic memorantur ex-
empli tantùm gratiâ, velut vilissima quæ-
dam , atque indignissima pars earum re-
rum, in quibus solerent tales picturæ vul-
gò ac passim à Paganis fieri; non autem,
ut eo vocabulo fieret aliqua illicitarum
imaginum restrictio , quasi quæ alibi,
quam in parietibus pinguntur , eas sine
crimine & periculo recipere liceret. For-
tasse etiam Patres *parietes* idèd nomi-
nant, quòd in iis tantùm sua pingerent
illi, qui hic notantur, Christiani, non au-
tem signa seorsim, vel tabulas dedicarent,
ut Pagani, quod non nisi seriùs receptum
in Ecclesiâ constat. Jam verò , quàm
justus fuerit hic Patrum Eliberitanorum
metus, minimè est obscurum. Nam Deus
quidem optimus maximus gravissimè, ac
severissimè vetat in lege , ne ipsum ulla
ratione pingere, aut effingere audeamus,
horrendisque anathematis totam hanc

Gentilium temeritatem, atque insaniam exsecratus est. Ipse verò rerum eventus hæc istis Patribus initia meritò suspecta fuisse comprobavit; ex quibus pedetentim progressos Christianos tandem eò devenisse constat, ut non modò id pingant, *quod colitur & adoratur*, quod doceant, quæ apud eos in usu sunt, Patris, Filii, & Spiritûs Sancti imagines, sed etiam colant, quod pingunt, quam quidem hujus superstitionis partem; quamquam à Patribus minimè expressam; hoc tamen canone comprehendendi, ac subintelligi palam est. Nam qui vetant, ne quod colitur, pingatur, eos multò minùs concessuros clarum est, ut colatur, quod pingitur. Hic ergò re verâ fuit istorum metus, nequè aliò sine summâ absurditate trahi possunt hæc postrema canonis verba, *ne quod colitur & adoratur in parietibus depingatur*. Sic ea ante annos octingentos accipiebat Agobardus Lugdunensis episcopus in eo libello, quem jam antea laudavimus; *Nunc error* (inquit) *invalescendo tam perspicuus factus est, ut idololatria vel Anthropomorphitarum hæresi propinquum, aut simile sit adorare figmenta, & spem in eis habere; atque hujus erroris causa, fides* * *de corde ablata, tota fiducia in rebus visibilibus collocetur. Sicut autem videntes pictos arma-*

Agob. de Pict. & imag. libro propè extremo.

* *fide.*

* capras

tos viros, vel agricultura intentos, sive metentes, vel vindemiantes, seu stantes in navibus piscatores, & retia jaculantes, nec non venatores venabulis extensis, cum canibus capreas, cervosque persequentes; nec augmentum exercitus, nec adiutorium annui operis, vel acervos tritici, seu rivulos musti, nec pisces, capra*, & sues ab illis nos accepturos speramus; Ita quoque si viderimus pennatos Angelos pictos, predicantes Apostolos, martyres tormenta patientes, nullum ab imaginibus, quas aspicimus, auxilium sperare debemus, quia nec malè possunt facere, nec benè. Rectè nimirum ob hujusmodi evacuandam superstitionem ab orthodoxis Patribus definitum est, picturas in Ecclesia fieri non debere, ne quod colitur & adoratur in parietibus depingatur. Atque hæcenus Agobardus. Neque ab ejus sensu multùm recedit ea, quam suprâ attulimus, Alani responsio, cui etiam succinit is, qui contra Mor næum nostrum scripsit Bullingerus, qui hunc ait ideo ab Eliberitanâ Synodo constitutum canonem, ne picturas ritu Paganorum coleret Christianorum plebs, & captâ ex picturis occasione, in pristinam idololatriam paulatim relaberetur. Proditum est à Cassandro eundem quoque fuisse Joannis Antonii Del fini sententiam, summi alioqui potestatis Pontificiæ defensoris, quippe qui eam
supra

supra ipsa Ecclesiæ universalis Concilia
evenit. Is autem hoc Eliberitanæ Synodi
decretum cum Ezechix regis factò com-
ponit, qui serpentem æneum, quo popu-
lum ad superstitionem abuti videbat,
confringere non dubitavit; unde etiam
hæc colligit Delfinus; *Quod si aliquando*
(inquit) *ut est humana insipientia, & temeri-*
tas, in populis obtingat, ut superstitio atque ido-
latria figat altiùs radices, quàm porro difficilli-
imum sit revellere, tùm possunt ac debent Ca-
tholici Pastores Ecclesiæ curare diligenter, ut
quibus in locis tantum periculum sit, tantaque
abominatio, ad tempus imagines, & simula-
cra omnia tollantur de medio, actu interim bene
instituantur, ac admoneantur simplices, ac ru-
dissimi quique de cultu Dei & Sanctorum. Et
hæc quidem Delfini doctrina vera-ne sit,
an secus, viderint adversarii. Nobis verò
ad institutam disputationem satis est,
quòd tùm isti, tùm illi alii, quos paulo
ante nominavi, nobiscùm fatentur Eli-
beritanos Patres ad vetandum pictura-
rum in Ecclesiâ usum non aliâ causâ ad-
ductos fuisse, quàm quod vel errorem
illum apud nonnullos jam irrepisse do-
lerent, vel certè ne is in posterum irrepe-
ret, merito timerent. Vndè necessario
conficitur, viros illos sanctissimos ex
Christianorum Ecclesiis omneis omnino
imagines

*Ioa. Ant. Delf.
l. 3. de Ecclesi.*

imagines ejecisse , non autem eas tantum, quæ in parietum superficie expressæ inhærent ; quando clarum est ei , à quo metuebant periculo , non minus obnoxias esse velorum , & tabularum , quàm parietum picturas. Neque huic expositioni adversantur tria illa , quæ à Perro-
 nio in hac causâ allata esse diximus argu-
 menta. Tertulliani temporibus jam ali-
 cubi in Catholicorum calicibus pingebatur bonus ille de Evangelica parabola Pastor. Fateor. Sed neque ex ullâ Ec-
 clesiæ lege, neque ex communi omnium Christianorum usu, id factum fuisse cer-
 tum est. Nihil aliud ex Tertulliano le-
 gitimè concludi potest, nisi in ea, contra
 quam ille disputat, particulari Ecclesiâ, id
 est (ut ego quidem sentio) in Romana,
 fuisse hujusmodi calices, ut infra suo loco
 demonstrabitur. Hoc vero nostram Eli-
 beritani Canonis expositionem, non mo-
 do non evertit, sed etiam confirmat, &
 illustrat. Continet enim ejus rei insigne
 testimonium, quam nos tamquam veram
 in primis ponebamus; nimirum jam tùm
 extitisse Christianos, qui picturas in Ec-
 clesiis haberent , eoque ipso adductos
 fuisse Patres Eliberitanos , ut irrepenti
 malo mature occurrerent , totumque
 hunc usum, veluti noxium & periculo-
 sum,

sum ; repudiandum esse decernerent. Quod vero negat Perronius cum nostra expositione consistere subjectam huic decreto in ipso canone rationem, id jam abundè supra explicavimus, ac demonstravimus illa verba *in parietibus* ea mente fuisse addita, non ut solæ, quæ in parietibus sunt picturæ, veritæ esse intelligantur, sed ut eo velut exemplo intelligatur, quàm sit periculosus imaginum in Ecclesia usus ; quippe qui miseros mortales sensim eo perducant amentix, ut quod mente adorant, id ipsum etiam in parietibus, more Ethnicorum, pingant. Neque justa causa est, cur hic sensus cuiquam absurdus, aut puerilis videatur. Hodierni denique Granatenses, qui in hujus quoque disputationis Theatrum inducuntur, recentiores sunt, quàm ut in eorum gratiam vim inferamus disertissimis antiquissimi Concilii verbis. Poscere vero, ut post tam multas, in eorum provincia & fide factas mutationes, ad præsentem, quam isti habent, consuetudinem, tamquam ad regulam exigantur majorum, ante XIII. sæcula denatorum, mores atque usus, id vero, ut molliissimè dicam, ludere est. Sed & fateor non eam nos habere adversariis fidem, ut quod de Granatensium usu narrant,

id

id pro vero & indubitato accipiendum putemus, nisi certiori aliquo testimonio firmetur; quod, quia utcumque se habeat, nihil ad præsentem disputationem pertinet, in medio relinquendum duco. Atque ita palam est inanes esse omnes adversariorum Strophas, atque cavillationes, ut jam tandem concludere liceat Eliberitanos Patres id ipsum sensisse, quod ipsorum verba præferunt, nimirum *picturas in Ecclesiis esse non debere, ne quod colitur & adoratur in parietibus depingatur.* Vndè illud primùm consequitur, minimè existimasse istorum temporum Christianos sibi vel ab Apostolis traditum, vel ab Ecclesia universali aliqua lege præceptum esse, ut Christi, Mariæ, & Sanctorum imagines in sacris ædibus haberent, & cohererent. Nam si ea tùm fuisset totius Ecclesiæ, & praxis, & fides, neque XIX. isti Patres hujusmodi decretum vel sanxissent, vel promulgassent, neque si fecissent, impunè tantam temeritatem tulissent, reclamaturis haud dubiè cæteris, qui tùm florebant, episcopis, eosque à sacro consortio statim proscripturis, qui universalis Ecclesiæ consuetudinem tam insolenter abrogare ausi essent. Atqui nihil hujus canonis auctoribus seciùs accidisse certum est.

est. Contra verò constat unum ex iis
 Oñum, Cordubæ episcopum, in maxi-
 mis quibusque Ecclesiæ negotiis summo
 cum honore postea diutissimè versatum,
 ipsique Nicænæ Synodo, quâ nulla um-
 quam apud Christianos sanctior, aut ce-
 lebratior habitæ est, sive suo, sive, quod
 volunt adversarii, Papæ Romani nomi-
 ne profuisse. Hinc etiam & illud secun-
 do loco apparet, receptum apud Chri-
 stianos tum fuisse, nefas esse id pingere,
 quod colitur & adoratur; & quod cum
 isto cohæret necessario, nefas pariter esse
 id adorare, aut colere, quod pingitur.
 Hoc enim, si non apud omnes constitisset,
 non fuisset ab Eliberitanis Patribus
 allatum ad firmandam istius decreti
 vim. Jam verò cuivis cordato & probo
 homini expendendum permitto, quâ ho-
 rum tum decretum, tum ratio cum ho-
 diernâ Ecclesiæ Romanæ & fide & dis-
 ciplinâ atque praxi conveniat. Melchior
 quidem Canus Canariensis episcopus,
 inter illarum partium scriptores, seu ju-
 dicio, seu facundiam spectes, minimè
 contemnendus, hunc canonem (adeò
 durus est, & cum Ecclesiæ Romanæ
 praxi irreconciliabilis) concoquere non
 potuit, neque sibi temperare, quominus
 ei palam malediceret, imprudenterque &

Melch. Can.
loc. Theol. l. 5.
c. 4.

impiè constitutum esse diceret; *Leges, inquit, aut nimis duras, aut parum rationi consentaneas, à Conciliis provincialibus interdum editas, non est negandum. Qualis illa non imprudenter modo, verùm etiam impiè à Concilio Elibertino lata de tollendis imaginibus.* Hæc vero lex piè-ne ac prudenter, an secus à Patribus Eliberitanis lata fuerit, nunc quidem non disputo; Neq; illud sanè quæro, modestè-ne an secus se gerat novitius Magister, ortæ nudiustertius parœciæ episcopus, qui novemdecim antistites sine ullo crimine in veteri olim Ecclesiâ versatos, ac foeliciter, summoque cum honore ante tredecim sæcula in Domino mortuos, tam intemperanter condemnare non dubitat; Neque hoc denique ad examen revoco, sitne illius reverentiæ, quam Roma antiquitati deferendam putat, vetustissimam legem *imprudenter & impiè latam* dicere. Hæc alii, si libet, dijudicent, & disceptent pro suâ fide, atque integritate. Nobis, qui simpliciter disputare instituimus, quid de hâc quæstione senserint Patres, non autem jure-ne, an secus senserint, in præsentia satis est, quod homo in primis acutus, & naris, si quis alius, emunctæ, confitetur latam à Patribus Eliberitanis legem de tollendis imaginibus.

CAPUT III.

*Tertium contra imagines testimonium,
Eusebii Cæsariensis.*

SED nequis putet solis Eliberitanæ Synodi Patribus imaginum in religione usum displicuisse, deinceps recitandum videtur Eusebii Cæsariensis in Palæstinâ episcopi testimonium, qui vir celeberrimo illi Concilio interfuit, quod non ampliùs, quam viginti post Eliberitanum annis, Nicææ habitum fuit.

Cùm igitur Constantii soror, & Lici-
nii uxor Constantia, ex solenni Pagano-
rum errore, quem recens egeraverat, si-
mulacra in religione utilia esse existima-
ret, peteretque ab Eusebio, ut ad se Do-
mini Jesu imaginem mitteret, is mulieri
hunc in modum responderet; *Quia verò de*
quadam imagine, quasi Christi, scripsisti, hanc
volens tibi à nobis mitti, quam dicis, & qua-
lem, hanc quam perhibes, Christi imaginem?
Vtrum veram, & incommutabilem, & natura
characteres suos portantem? an istam, quam
propter nos suscepit, servi formæ schemate cir-
cumamictus? Sed de formâ quidem Dei nec
ipse arbitror te querere semel ab ipso edoctam,
quoniam neque Patrem quis novit, nisi Filius,
neque ipsum Filium novit quis aliquando di-
gne, nisi solus pater, qui eum genuit. Est post

Euseb. epist. ha-
betur Syn. 7.
act. 6.

aliqua: Sed utique servi formæ imaginem qua-
 ris, & corpusculi, quo amictus est, propter nos;
 Sed & id gloria divinitatis temperatum didi-
 cimus, & absorptum esse mortale à vita. Et
 post pauca: Quis ergo hujusmodi dignitatis,
 & gloria vibrantes, & præfulgentes splendores
 exarare potuisset mortuis & inanimatis colori-
 bus, & scripturis umbraticis? quandoquidem
 nec aspicere in eum in monte egregii sustinuerunt
 discipuli, qui etiam cecidere in faciem, impor-
 tabile, quod sibi visum fuerat, confitentes?
 Ergo si tunc incarnata ejus forma tantam vir-
 tutem sortita est ab in habitante in se divinitate
 mutata, quid oportet dicere, cum mortalitate
 exutus, & corruptione ablutus, speciem servilis
 formæ in gloriam Domini & Dei commutavit?
 post victoriam videlicet contra mortem, post
 regressum ad cælos, post locationem in regio so-
 lio circa dexteram Patris, post quietem in in-
 narrabilibus, & ineffabilibus sinibus Patris? in
 quam ascendentem, & restitutum cælestes Vir-
 tutes collaudabant, dicentes, Tollite portas,
 Principes, vestras; & elevamini portæ æternales,
 & introibit rex gloriæ. Atque hæc quidem
 Eusebius ad Constantiæ flagitationem,
 luculentissimè demonstrans, nefas esse
 Christi Domini imaginem effingere, qua
 ejus forma sive divina, sive etiam huma-
 na exprimat. Jam si Christi & Apo-
 stolorum imaginibus, ut nunc in com-
 munionem

munione Romanâ , sic tùm etiam in orbe Christiano, plenæ erant Ecclesiæ, privatæque fidelium ædes ; quid obsecro, opus erat illam Augustam , Christi iconem tam longè ex Palæstinâ ab Eusebio petere ? Sed fac Constantiam vel cæcâ curiositate, vel ignoto aliquo affectu ductam, de hujus potissimum episcopi manu illam , quam expetebat, Christi imaginem accipere voluisse ; siccine fuerat honestum illustrissimæ fœminæ desiderium repulsurus Eusebius, si ei satisfacere per leges, ritusque, & fidem Ecclesiæ licuisset ? Hoc autem Eusebii testimonium jam ante annos DCCC LXXX. in hac ipsa causâ contra imagines Constantinopoli allatum fuit in frequentissimo CCC XXXVIII. episcoporum Concilio , ut est ab ipsiseorum adversariis proditum in Synodo Nicææ paulò post pro imaginibus habitâ, ex cujus Actis id descripsimus. Ac *Syn. 7. Act. 6.* ipsum quidem testimonium minimè sollicitant adversarii, disertius, quàm ut ullâ arte eludi queat. Testem verò prolixè criminantur, jactantque fuisse Arianum, Nicænoque Concilio fictæ ac præter animi sui sententiam subscripsisse ; & varia loca ex ejus scriptis adferunt, quæ Arianam impietatem sapiunt. Non est instituti mei hîc pro Eusebii famâ & fide cer-

tamen inire. Scio neque nostrâ, neque veterum memoriâ defuisse, qui virum purgare conarentur: Et eam causam nemo cupidius egit Gelasio quodam Cyziceno, qui Synodi Nicænæ acta descripsit; quamquàm (ut dicam, quod sentio) parùm idonea videantur, quæ ad illius defensionem afferuntur. Sed missâ illâ de fide Eusebii concertatione, respondeo nihil hanc Arianismi invidiam ad præsentem disputationem pertinere. Fuerit Eusebius Arianus; quod multis fuisse videtur, & fortasse non immeritò: Fuerit, si placet, Arianorum signifer. Non eo infringitur vis illius testimonii, quod dixit contra imagines. Quæ enim Ecclesiæ cum Arianis umquam fuit de imaginibus controversia? Quis ex tam multis Patribus, qui contra Arianos scripserunt, eorum hac in parte aut fidem, aut disciplinam reprehendit? Nulla pænè fuerunt vel Græcæ, vel Latinæ Ecclesiæ paulò illustriora ingenia, quæ non in hanc palæstram descenderint. Supersunt etiamnum Athanasii, Hilarii, Basilii, Gregorii, Epiphanii, Cyrilli, Chrysostomi, Fulgentii monumenta, antiquitatis potissima portio, in quibus nullam videmus prætermissam Arianæ perfidiæ impietatem; nullum errorem, quantumvis levem, non excussum,

excussum, atque exagitatum. Quis istos credat tam insignem in cultu diversitatem tacitam, & intactam præterituros fuisse, si, quas Ariani tam inclementer explodunt, Servatoris imagines, eas (quod fingunt septimæ Synodi Patres) in templis passim habuisset, & coluisset Catholicorum Ecclesia? Arianismi itaque suspicio Eusebii contra imagines testimonio pondus potius addere, quàm detrahere videtur. Nam domesticorum quidem peccata dissimulat interdum Ecclesia: inimicorum verò errores & flagitia tacere, & veluti silentio tegere non solet. Itaque si, quæ tum erat communis Christianorum fides, atque consuetudo, in hoc imaginum negotio fuisset, aut ab Arianis omnibus, aut ab Eusebio privatim violata; non est dubitandum, quin id aliquis ex tam multis Catholicis, qui in eos stilum strinxere, animadversurus, atque reprehensurus fuerit. Atqui nihil umquam hujusmodi scripsit ullus veterum, quorum ad nos pervenêre literariæ lucubrationes. Primi id notant Nicæni imaginum patroni, quorum ideò nulla esse debet in hac causâ auctoritas. Ergo concludendum est nullum fuisse de imaginibus Arianorum singulare, & à Catholicis discrepans dogma.

Cùm igitur Ariani ita existimaverint; Christi imaginem neque posse, neque verò debere effingi (hæc enim est Eusebii, quem Arianum fuisse volunt, disertè expressa sententia) perspicuum est idem quoque hac de re sensisse Catholicos; vel certè non putasse, quod docent hodie Romanæ Ecclesiæ scriptores, aut necessarias, aut magnopere utileis esse Christianis Domini Jesu imagines. Mitto alterum crimen, cujus nomine student Nicæni Eusebio conciliare invidiam; nempe quod dixerit, *mutatam esse incarnatam Christi formam in divinitatis ejus naturam*; quasi duas Christi naturas permiscuerit, & confuderit. Nam etiamsi ita loquutus esset Eusebius, non eo tamen conficeretur fuisse ipsum in ea, quam reprehendunt, sententia, cum satis constet Hilarium, Gregorium Nyssenum, & alios complures, qui ante exorta Eutychis certamina vixerint, sæpè sic, nonnumquam etiam durius loquutos; nec eo tamen posse Eutychianæ hæreseos sine summa injuria accusari. Sed & aliud est multò magis observandum. Nam in hac Eusebii epistola, qualem ipsæam recitant, illa, quæ reprehendunt verba nusquam comparent, sed alia quædam planè diversa, quorumque sensus verus & orthodoxus

*Synod. 7. Act.
6. p. 786. F. ult.
edit.*

doxus est, hæc nimirum: ἡ ἐν σαρκὶ αὐτῆς
μορφὴ πρὸς τὴν ἐνοικέσσης αὐτῇ θεότητι με-
ταβληθεῖσα, hoc est, (ut etiam vertit La-
tinus hujus Synodi interpres) *incarnata
ejus forma ab in habitante in se divinitate mu-
tata*. Itaque hæc omnis illorum accusa-
tio mera est sycphantia; omniaque illa
veterum Patrum loca, quibus aliquot pa-
gellas magno cum strepitu repleverunt,
non sensum, aut verba Eusebii, sed
monstrum ab istis confictum feriunt.
Hinc disce, quæ sit iis habenda fides,
dùm miras & inauditas de imaginibus
sententias nobis sanctissimorum Patrum
nomine venditant. Quos verò nunc ha-
bemus in Romana communione adver-
sarios, ii (quod quidem viderim) nihil
ad hunc Eusebii locum dicunt; conten-
ti, ut opinor, hac, quamquam ineptissi-
ma, responsione.

CAPVT IV.

*Quartum contra imagines testimonium,
quod est Epiphanii.*

SED ad quemdam Epiphanii locum, quem intactum Nicæni Patres omiserant, multa vicissim respondent Romanarum partium scriptores, quæ quid valeant, quamque vim singula habeant, nobis jam ex instituto ordine considerandum venit. Epiphanius anno æræ Christianæ ccc lxxiv. Salaminis, quæ Constantia dicitur, Ecclesiam, Cypri metropolim, cum magna sanctitatis & doctrinæ opinione regebat. Is igitur in ea epistola, quam ad Iohannem Hierosolymitanum episcopum de controversia inter ipsos exorta scripsit, quamque Hieronymus lingua Latina donare non dubitavit, in ea inquam, epistola huiusmodi narrationem instituit; *Quando simul* (inquit) *pergebamus ad sanctum locum, qui vocatur Bethel, ut ibi collectam tecum more Ecclesiastico facerem, & venissem ad villam, quæ dicitur Anablatha, vidissemque ibi præteriens lucernam ardentem, & interrogassem, quis locus esset, didicissemque esse Ecclesiam, & intrassem, ut orarem, inveni ibi velum pendens in foribus ejusdem Ecclesiæ tinctum, atque depictum, & habens imaginem, quasi Christi, vel Sancti*

*Epiph. ep. ad
Ioh. Hier. T. 2.
op. Epiph. &
T. 2. op. Hier.*

*Sancti cujusdam ; (non enim satis memini ,
cujus imago fuerit) Cum ergò hoc vidissem , in
Ecclesia Christi contra auctoritatem Scriptu-
rarum hominis pendere imaginem , scidi illud ,
& magis dedi consilium custodibus ejusdem loci ,
ut pauperem mortuum eo obvolverent , & effer-
rent . Illique contrà murmurantes dixerunt : Si
scindere voluerat , justum erat , ut aliud daret
velum , atque mutaret . Quod cum audissem ,
me daturum esse pollicitus sum , & illico esse mis-
surum . Paululum autem morarum fuit in me-
dio , dum quæro optimum velum pro eo mittere ;
arbitrabar enim de Cypro mihi esse mittendum .
Nunc autem misi , quod potui reperire , & pre-
cor , ut jubeas presbyteros ejusdem loci suscipere
velum à latore , quod à nobis missum est ; & de-
inceps præcipere , in Ecclesia Christi ejusmodi
vela , quæ contra religionem nostram veniunt ,
non appendi . Hactenus Epiphanius . Dic ,
fodes , lector : Annon iste verus germa-
nusque Iconoclasta est , qui affirmare au-
det , contra auctoritatem Scripturarum esse ,
ut in Christi Ecclesia hominis pendeat imago ?
qui id dogma non dictis modo , & scri-
ptis , sed etiam factis confirmat , pendens
in Ecclesia Christiana velum palàm la-
cerans , quod in eo Christi , aut Sancti de-
pictam imaginem videret ? qui eam ima-
ginem suâ veluti sententiâ damnatam in
sepulcri tenebras ad mortui usum aman-
dat ,*

dat, ut unà procul à cœli luce sub terra computrescat? qui postremò Episcopum, in cuius parœcia sita erat illa Ecclesia, graviter monet, *ut deinceps præcipiat in Ecclesia Christi ejusmodi vela, quæ contra religionem nostram venire ait, non appendi.* Quid ad hæc Romani nostri? Cedunt-ne tandem? Absit. Non hi sunt Romani spiritus; non hi mores. Imò vero nusquam acrius insurgunt: nusquam animosius, & quæ est artis fiducia, dirum hoc fulmen ab imaginibus suis facile se, ac nullo prope negotio depulsuros sperant. Quod ut assequantur, omneis se in vultus vertunt; omneis in formas mutant. Ac nisi homines adversus veritatis lucem ultro ac sponte caligantes commiseratione, quam risu digniores essent, suave fortasse esset tam varii, tamque multiplicis lusus spectaculum. Modò ajunt aut profani, aut certè vulgaris hominis, non sancti, imaginem fuisse, quæ in isto velo depicta erat: eoq; merito exarsisse Epiphanium, velumque lacerasse, quod rem profanam in æde sacra locatam videret. Mox quod commentum ab omni veri specie adeo abhorrens vix cuiquam se persuasuros confidant, ad aliam stropham confugiunt, & hanc epistolam notham esse causantur, falsoque Epiphanio suppositam.

Sed

*Vasq. in 3.
Thom. disp.
105. c. 3.*

*Alan. Cop. c.
Dial. 5. c. 21.*

Sed cùm hanc accusationem improbam, ac impudentem, eoque parum tutam esse videant, interdùm paulo modestius agunt, ac reliquam quidem epistolam totam Epiphanianam esse concedentes, postremam tantum ejus laciniam criminantur, in qua legitur recitatus à nobis locus; eamque à vafro aliquo imaginum hoste epistolæ pessimo dolo assutam contendunt. Denique cùm cogitant vix fieri posse, ut hoc telum ulla arte eludant, tum sumptis postremò animis, obfirmataque fronte, palam, ac ut Romana generosità dignum est, liberrima cum indignatione conqueruntur Iconoclastam fuisse Epiphanium, vetusque verbum succinunt, *una hirundo non facit ver*. Quàm anceps, quamque lubrica, quàm pæne desperata sit hæc causa, satis arguit tam varia, tamque multiplex defensio. Sed nihil est in tota hac eorum disputatione jucundius, quam quod alii aliorum sententias morosè, & cum fastidio confutant, dumque ex quatuor nuper enumeratis defensionibus una aliqua à singulis evertitur, eò fit ut omnibus nulla tandem supersit. -- *pereunt per mutua vulnera fratres*. Dùm vincunt singuli, vincuntur universi. Vnus ergo hic nobis labor, istos inter se se committere, ac digladiantes.

*Bell. de imag.
c. 9. Baron. ad
ann. Chr. 392.*

*Alfens. à Cass.
contr. Hares.
verbo Imag.*

diantes spectare. Primam nobis defen-
 sionem, quæ Vasquis est, conficiet Mo-
 nachus Bellarmini abbreviator. Ter-
 tiam, quæ Bellarmini est, veluti ex talio-
 nis lege, vicissim oppugnabit Vasques;
 secundamque, quæ Alani fuerat, eadem
 opera confodiet. Sed antequam singuli
 in singulos procedant, spectemus pri-
 mum, ut omnes uno velut impetu in mi-
 serum Alonsum ruant, ejusque respon-
 sionem, quæ quarto loco ac numero erat,
 impetant. Quamquam quod illa ponit
 verissimum esse fatendum est, eam ipsam
 videlicet fuisse Epiphanii de imaginibus
 sententiam, quæ ab Iconoclastis (ut vo-
 cant) summa vi postea fuit in Oriente
 defensa; Id enim tam clarè clamat addu-
 ctus à nobis locus, ut non possit esse di-
 fertior. Hactenus quidem accipimus in-
 genuam Alonfi confessionem. Quod
 vero eam sententiam ipse damnat, con-
 fidenterque, ut illi Magistri solent, erro-
 rem esse & hæresim pronunciat, in eoque
 laborat, ut Epiphanium excuset, quod in
 re nondum Ecclesiæ judicio, atque au-
 ctoritate constitutâ ei sine crimine erra-
 re licuerit, quod nobis jam non licet,
 hæc, inquam, omnis oratio est hominis,
 qui victum se sentiens, ab animi sui su-
 perbia impetrare non potest, ut victum se

se fateatur. Neque ego abnuo, quin Alfonso merito succenseat Bellarminus, gravi & sapienti oratione hominis immodestiam compescens, atque admonens *non sine temeritate, & præjudicio Catho-* *Bell. de Imag.
c. 6. §. Sereniss.*
lica fidei tam crassos errores tam magnis viris
tribui. (*Catholicam autem fidem dicit eam,*
quæ Romani Pontificis est.) præterquam
quod totam hanc causam Epiphanianis
jam temporibus usu totius Ecclesiæ sa-
tis definitam ac determinatam fuisse vult.
Ac de his quidem illi, ut visum fuerit, in-
ter se transigant. Nihil ad nos ista con-
troversia pertinet, qui in tota hac dispu-
tatione hoc unum simpliciter quærere
instituímus, quid Patres de imaginibus
senferint, non autem rectè-ne an secùs
senferint. Quæ vero isti iis, quas non
probant, sententiis imponere solent *erro-*
ris & hæreseos vocabula, ea nos minime
terrent, doctos verum à falso, & fidem
ab hæresi discernere, non ex præceptis
hominum studiis, præjudicatisque opi-
nionibus, sed ex ipsa rerum naturâ, sta-
tisque & immutabilibus divinarum Scri-
pturarum oraculis; ex quibus si imagi-
num veneratio probari & constitui ne-
quit, tumultuetur sanè Alfonso, & ad-
ravim clamet hæreticam esse Epiphania-
nam de abjiciendis imaginibus senten-
tiam,

tiam, nunquam ejus five studium, five intemperies efficiet, ut veritatem vel oderimus, vel contemnamus. Quamquam equidem mihi hoc loco temperare non possum, quin de istorum duritie atque iniquitate exoptulem. Nam cum ideo nos profitemur, quem ipsi decernunt imaginibus, cultum aspernari, quod is neque rectæ rationi, neque sacris litteris consentaneus videatur, illi ut totum hoc disputationis genus amoliantur, quod sibi in hac causâ difficillimum esse intelligunt, Patres appellant, cultasque ab iis imagines pertendunt, atque id Patres, quæ erat eorum sapientia & sanctitas, numquam facturos fuisse clamitant, nisi fieri fas & jus fuisset. Citati Patres testimonium dicunt; & præter istorum spem, tantum in imagines odium fatentur, ut alii *picturas in Ecclesia esse non debere*; alii, si quæ istic inveniantur, lacerandas esse decernant. Tum ipsi illi, qui citaverant, quique eos testimonium hac in causa dicere jusserant, conversis repente animis, quorum voces reverenter accipere debuerant, eos affirmant *imprudenter & impiè facere*, atque *hæreses loqui*; veniâ tamen dignos esse, qui tam multis ante nos sæculis vixerunt. Nonne sic palam & nobis, & Patribus illudunt? his quidem,

quos

quos cum testes, & iudices appellaverint, postea veluti reos objurgant, reprehendunt, ac denique gratiâ & veniâ donant? Nobis verò, quos ut Romanæ doctrinæ, religionisq; veritatem doceamur, antiquitatem adire atq; audire jubent. sed eâ latâ lege, ne ex iis, quæ testantur, ac commendant Patres, quicquã omnino recipiamus, nisi quod ipsis placuerit. Sed Alfonsū quidem mittamus, à suis pro fligatum; jamq; quid alii præstituri sint, videamus. Hic verò prodit Alanus quidam Copus, qui ut ex his tricis se explicet, ait, sed timidissimè, nothâ esse & Epiphanio falsò suppositam hanc epistolam. Sed hoc Alani commentū non minus, quàm illud Alfonsi, explodit Vasques. Meritò. Nam inter genuina Epiphanii opera nihil est hac epistola verius ac certius; quæ in omnibus pæne Hieronymi codicibus, tum manuscriptis, tum excusis reperitur; quam ipse Petavius, Jesuiticæ familiæ homo, in Epiphanii editione exhibuit, quam B. Hier. disertissimè testatur à se latinitate donatâ fuisse, nonnullaque ex ea capitula memorat; quam ante ann. DCCCXLII. à Carolo M.) sive alius est auctor) in lib. de imag. laudatam constat, itemq; aliquanto post à Parisiensibus

Patribus, qui & levi memoriæ lapsu Ioannem istum, ad quem scripta est, Con-

*Hier. ep. 61. &
101. ad Pam-
mach.*

*Car. M. de
Imag. l. 4. c. 25
Synod. Paris.
c. 7.*

ſtantinopolitanum faciunt episcopum;
 qui Hieroſolymitanus fuit. Ipſa vero
 epiſtola huiusmodi eſt, quæ & cum gene-
 rali illorum temporum, & cum privata
 Epiphanii hiſtoria adamuſſim convenit;
 neque ab ejus ingenio, vel dicendi gene-
 re abludit, familiari, ac pænè plebeio, &
 ab earum artium ornamentis alieno, qui-
 bus lingua erudiri & expoliri ſolet. Si hu-
 juſcemodi ſcriptum, tamquam ſuppoſi-
 tum licet rejicere, quidnam obſecro, ex
 iis, quæ antiquitatis nomine circumfe-
 runtur, pro certo atque indubitato ha-
 beri poterit? Nam quod objiciunt illam
 epiſtolam Latinè tantum exſtare, id nul-
 lam vim habet. Quid enim? Annon ſex-
 centa ſunt græcè ſcripta ab auctoribus,
 quæ hætenùs Latinè tantum vulgata
 ſunt, quod græca exemplaria vel tempo-
 rum injuria interciderint, vel certe in
 paucarum bibliothecarum tenebris con-
 cluſa deliteſcant? Si ea calamitas legiti-
 mum eſt ſuppoſitionis argumentum, ex-
 pungenda erit ex genuinorum antiquita-
 tis monumentorum cenſu Irenæi pæne
 tota contra hæreſes diſputatio; expun-
 gendum Didymi de Spiritu Sancto volu-
 men; expungenda plæraque Origenis,
 Theophilique Alexandrini, & ſexcenta
 alia, quæ hic ſigillatim commemorare
 longum

longum est. Hujus verò de qua disputamus, Epiphanianæ epistolæ græcum intercidisse exemplar, non est mirandum, cum his octo retro sæculis imaginum patronos, præsertim in Oriente, in Christianorū Scriptorum lucubrationes summâ licentiâ, nullo pudore grassatos constet, ut siquid uspiam occurreret, quod ei, quam agebant, causæ adversaretur, id omne aut vi, aut dolo aboleretur, ut velex

7. Synodi Canone ix. apparet, quo jubentur *omnia scripta contra imagines dari in episcopio Constantinopoleos, ut recondantur cum cæteris hereticorum libris*; gravi pœnâ in eos latâ, qui hæc occultare inventi fuerint. Cum hæc istorum fuerit in conquirendis, & abolendis hujus generis monumentis diligentia, atque severitas, nemo debet mirari, quod Græcum hujus epistolæ exemplar interciderit. Ego multò magis mirandum puto, quod Latina illius scripti versio ad nostram memoriam superesse potuit, idque uni nostrorum in Occidente hominum moderationi tribuendum existimo, qui venerationem imaginum (ut postea suo loco ostendemus) diu & acriter in his partibus oppugnarunt. Itaque Bellarminus, & alii, cum hanc Alani responsionem impudentiorum esse intelligerent, paulò verecun-

Syn. 7. Act. 8.
can. 9.

Bell. de Imag.
c. 9. §. Ad
quintum.

diori defensione utuntur, nec totam, ut ille, epistolam, sed ultimam tantum ejus partem in dubium revocant, quasi ea neque ab Epiphanio scripta, neque ab Hieronymo Latine conversa fuerit, sed ab aliquo imaginum hoste conficta, Epiphaniique epistolæ ad favorem errori ex tanto nomine conciliandum assuta. Sed hi commentum suum, neque Gabrieli Vasqui, qui id ex professo confutat, neque Mariano Victorio, aut Dionysio Petavio probare potuerunt, qui in suis Hieronymi, & Epiphanii editionibus totam hanc epistolam publicarunt, nullâ postremæ parti inustâ censuræ notâ. Jacobus quoque Sirmondus, nobilissimus Jesuita, eam alicubi, velut genuinum Epiphanii opus, citat. Neque de istâ, quam Bellarminus fingit, suppositione quicquam antehac suboleverat, vel Thomæ Valdensi, vel Alfonso Castrensi, qui totam hanc epistolam pro vero auctoris, cui inscribitur, fœtu agnoscunt. Quod si rem ipsam penitus inspiciamus, fatebimur tam dilutam esse hanc novitiam cavillationem, tamque ab omni veri & honesti specie abhorrentem, ut mirum sit Bellarminum, & Baronium, viros summi inter suos ingenii, summæque in litteris famæ, eò confugisse; Neque id equidem aliter

*Sirmund. Not.
in Conc. Narb.
c. 13. t. 1. Conc.
Gall.*

*Thom. Vald.
Tom. 3. tit. 19.
c. 157.*

aliter accipere possum, quàm pro certissimo desperatæ, quam hic agunt, causæ argumento. Mitto hujus, quæ arguitur, partis indivulsam cum reliquo corpore connexionem, spirantemque in eâ non minus, quàm in reliquâ epistolâ, Epiphaniî genium. Nunc tantùm quæro, quinam isti sint imaginum hostes, qui hanc Epiphaniæ epistolæ laciniam assuerunt? Jam primùm satis constat hujus fraudis suspicionem non cadere in eos, qui his centum retrò annis post Lutheri certamina palàm ab Ecclesia Romana discesserunt. Nam ut taceam totam reperiri in plurimis manuscriptis codicibus, quos numquam isti attigerunt, certum est eum ipsum locum, qui nunc in controversiam vocatur, laudatum & descriptum fuisse, omnino qualis nunc legitur, DCCXXV. annis, priusquam Lutherus in Germania Papalem auctoritatem sollicitasset; ut videre est, tùm apud Carolum Magnum libro quarto de Imaginibus, tùm in Synodo Parisiensi. Itaque necesse est, aut ipsis illis temporibus, aut etiam antea confictam fuisse, & consutam hanc epistolæ clausulam ab imaginum hostibus. Non fuisse autem ab illorum temporum hominibus confictam, nullo negotio deprehendet, quisquis

*Car. M. de Im.
l. 4. c. 25. Syn.
Par. c. 7.*

rem totam attentius, & libero à partium studiis animo expenderit. Nam istis sæculis nulli omninò occurrunt, in quos hujuscemodi sceleris invidia conferri queat. Fateor videri posse, Græciæ (ut vocant) Iconoclastis aliquam fuisse causam hujus particulæ conterendæ, quæ eorum dogmati apertissimè favet. Sed non fuisse tamen ab Iconoclastis confictam, certissimum est. Quorsum enim illi hæc Epiphanio supposituri erant, nisi ut in suscepta contra imagines causa hoc veluti præsidio uterentur, idque adversariis objicerent? Atqui ne laudatum quidem, aut indicatum usquam ab illis hunc locum tam clarum est ex eorum, quæ supersunt; contra imagines disputationibus, ut hoc nobiscum confiteantur adversarii, & illo ipso Iconoclastarum hac in parte silentio ad suæ causæ præsidium (quod mox audiemus) abutantur. Hoc igitur, quod numquam Iconoclastæ hanc particulam in hac causa adhibuerunt, clarissimè demonstrat non fuisse eos istius, quæ fingitur, suppositionis auctores. Superest ergo, ut dicant adversarii spurium hunc & supposititium fœtum ab Occidentalibus imaginum inimicis editum fuisse, in quorum modò libris occurrit ejus mentio. At neque hoc dici potest.

*Bell. de Imag.
c. 9. §. Secundo
quia.*

potest. Cur enim, si esset eorum fœtus, sententiæ, quam tuebantur, alteram partem everteret? Negabant quidem isti, quod suo loco demonstrabitur, colendas imagines. Sed neque lacerandas, aut conscindendas putabant; quippe quas in Ecclesiis ferebant, non quidem ad cultum, sed tamen ad ornatum. Illa verò de qua nunc quæritur, Epiphanianæ epistolæ particula, longe ulterius progreditur. Imagines enim lacerat, & ex Ecclesiâ ejicit, & in mortuorum sepulcris defodit. Quis igitur putet adeò vâcordes fuisse Occidentales istos Nicænæ secundæ Synodi adversarios, ut nihil profuturo crimine se se obstringere voluerint, compedesque quod dicitur, suo sibi damno cudere, at textâ Epiphanii verbis laciniâ, quæ sententiam ipsorum non modo non adjuvaret, sed etiam everteret? Neque est, quod quis Claudium Taurinensem jactet fuisse istius suppositionis architectum, quòd is in eadem fuit cum Orientalibus (ut vocant) Iconoclastis opinione. Nam neque apud hunc ulla extat Epiphiani hujus loci mentio, non magis, quàm apud Iconoclastas. Neque verò tantam fraudem Claudio, si is fuisset ejus auctor, condonaturus erat Jonas Aurelianensis, vir, ut illo sæculo, doctissimus.

Præterea certum est isto Claudio, qui Ludovici Augusti temporibus vixit, antiquiorem fuisse Carolum Magnum, Ludovici patrem. Hunc autem, de quo jam quærimus, locum ex Epiphaniō tamquam verum, & genuinum laudat Carolus, qui tamē in Iconoclastas passim non segniter invehitur, & ubi Epiphanii verba describit, ista disertē subjicit, *Hanc enim sententiā de hoc negotio Epiphanii invenimus, quæ utrum laudanda, an vituperanda sit, lectoris arbitrio conceditur.* O admirabilem Dei optimi maximi providentiam! quæ omnia sic moderatur & regit, ut etiam minimi rerum eventus non parvum habeant ad patefaciendam veritatem momentum! Ita hoc loco divinitus accidit, ut Epiphania-næ epistolæ postremam partem memorarent, quorum ea causæ oberat; quorum verò sententiam confirmabat, ii de eadem verbum facerent nullum. Quid ita? Nimirum ut calumniæ os utrimque compesceretur; atque apparet neutros, hoc de quo quærimus, adversus imagines testimonium confinxisse; non hos quidem, qui tam idoneum causæ suæ præsidium non erant omissuri, si cognitum habuissent; ignorare verò non potuissent, si ipsi confinxissent; illos verò multò minùs, qui confingendi causam habebant

Car. M de Im.

l. 4. c. 25.

bant nullam, abolendi atque supprimendi habebant. Cum igitur satis jam sit manifestum neque à veteribus, neque à recentioribus imaginum inimicis Epiphanio affictam fuisse hanc de quâ disputamus, particulam, relinquitur profectò, ut pro vero & genuino Epiphanii scripto habeatur, non (quod frustra contendunt adversarii) pro notho & supposititio. Non enim id opinor, Epiphanio supposuerint imaginum patroni, in ejus causæ perniciem, quam tanto studio, tantâque animorum contentione agendam susceperunt. Sed etiamsi hoc nobis argumentum deesset, tamen satis esset ad asserendam controversæ particulæ veritatem, quòd ea in omnibus Epiphaniæ epistolæ exemplaribus invenitur; quòd ante annos D CCC. eo nomine citata est, quod sequutis temporibus, cum maximè ferverent ista de imaginibus certamina, nemo repertus est, qui litem ei de natalibus intenderet, donec nostrâ tandem memoriâ hos novissimos magistros causæ desperatæ studium subegit, ut hujus scripti veritatem in controversiam vocare auderent, anno demùm, postquam id è manibus auctoris exierat, millesimo ducentissimo. Quis hanc Bellarmino, & Baronio in sanctorum Pa-

trum scripta auctoritatem dedit, ut iis pro animi libidine totas clausulas contra constantem omnium exemplarium fidem expungere jus, fasque sit? Si hæc obtinet licentia, quid fiet? Quid in totâ antiquitate certum, aut fixum posthac supererit? Nam si cuiusque studium id sibi summat, ut veterum librorum lectionem pro arbitrio figat, ac refigat, quæ non placent ea inducat, quæ placent ea sola pro veris habeat, quis non videt nullum amplius antiquis monumentis in his disputationibus locum futurum? Ut enim Bellarminus, alique earundem partium, totam hanc Epiphanianæ epistolæ partem delent; quod eam causæ suæ adversari vident; sic Protestantium disputatores eo exemplo sibi quoque licere putabunt, tamquam notha & supposititia exhibilare, quæcumque ex Sanctis Patribus obijcientur, quoties nulla alia occurreret probabilis solutio. Sed jam ea argumenta, vel, ut veriùs loquar, somnia audiamus, quibus isti adversus clarissimam, atque confirmatissimam veritatem nituntur. Hieronymus (inquit Bellarminus) in epistola ad Pammachium totam fere hanc epistolam Epiphanii à se Latinam factam recitat, & tamen non meminit hujus veli. Quasi verò Hieronymus eo loco promiserit

*Hier. ep. 101.
Bell. de Im. c.
9. §. Octavo.*

ferit se omnia Epiphanianæ epistolæ capita sigillatim recensiturum ; quasi non alia quædam prætermiserit , quæ etiamnum hodie in eâ leguntur, qualis illa est, quæ statim initio occurrit , proluxa de presbytero illo narratio , quem Epiphanius in Joannis Hierosolymitani parœciâ ordinaverat ; quasi postremò sit obscurum, Hieronymi propositum esse illa tantum ex Epiphaniï epistolâ attingere, quæ ad Joannis , cum quo similitudines exercebat, Origenismum pertinent, quæ omnis causa (ut patet) cum Anablatensi velo, & imagine nihil commune habuit. At (inquit idem) *post finem epistolæ ita adjecta sunt.* Certè si (quod isti volunt) epistola ante hæc verba concludenda est , non infitior , quin ea ratione hæc verba post epistolæ finem adjecta censenda sint. Si verò, quod habent omnes tum manuscripti, tum excusi codices, sequamur, ii omnes post conclusam hanc de Anablatensi imagine narrationem , periodum aliam insuper exhibent , quâ Joannem monet Epiphanius, ut à Palladio Galatâ caveat, qui *Origenis hæresim prædicabat & docebat*; quo demum loco in hæc verba tota epistola concluditur, *Opto , ut valeatis in Domino.* Illa verò pro Ecclesiarum concordia & pace Epiphaniï precatio , quam

con-

Ib. §. Ad quintum.

controverſa particula immediatè ſubſequitur, ea præcedentium quidem, fateor, conſuſio eſt, non autem totius epiſtolæ; quique ita colligunt, nobis palam illudunt, ac ſi ſanctis viris non alibi, quàm in fine epiſtolarum fas ſit optare, & præcari, & vota facere; quod quàm ſit ridiculum, nemo non videt. Nam ſi res ita ſe haberet, expungendi eſſent ex Pauli ad Romanos epiſtolâ verſus XLVII. poſtremi, ut ſic deſinat in illo Apoſtoli voto, quod habetur capite XV. verſu 13. *Deus autem ſpei repleat vos omni gaudio & pace in credendo, ut abundetis in ſpe & virtute Spiritus Sancti*; Ex alterâ ad Theſſalonicenſes, recidenda eſſent duo poſtrema capita, quia tertium, quod ea præcedit, concluſerat Apoſtolus ſatis longâ pro iis, ad quas ſcribit, præcatione; Denique mutilandæ eſſent pleræque divini illius viri epiſtolæ, cùm vix ulla extet, cui non ſit aliquod, etiam longè ante concluſionem, inſperſum votum. Addit Bellarminus, Catholicis numquam hunc objectum ab Iconomachis locum; quem omiſſuri non erant, ſi in Epiphaniî operibus extitiſſet. Nos contra ex eo ipſo verum eſſe demonſtravimus, quia ſi eſſet falſus, ab Iconomachis procul dubio conſectus & ſuppoſitus fuiſſet; quod tamen ab iis mini-

Ab. 6. Secundo.

me factum fuisse, abunde arguit, quod eo numquam sint usi in hac disputatione. Quid agetis, miseri Iconomachi? Quomodo vos in hac tuenda causa geretis? Si quem veteris alicujus scriptoris locum affertis, clamant adversarii eo ipso, quod à vobis affertur, falsum & fictum argui, ut mox in hoc ipso auctore audiemus. Si quem tacitum præteritis, eo quoque, quod à vobis prætermittitur, pariter fictum & suppositum fuisse concludunt. Sed jam, quam acutum sit & efficax hoc adversariorum argumentum, videamus. *Hic Epiphanii locus, non fuit ab Iconomachis in hac controversia laudatus; Ergo falsus est & suppositus.* Erunt igitur ex Clementis Alexandrini, ex Origenis, Athanasii & Chrysostomi operibus expungenda pleraque, quæ nos in hac causa afferimus; quod ea Iconomachi olim in eadem disputatione minimè adhibuerunt. Quis sciunt Iconomachos nihil eorum non legisse, quæ ad hanc causam pertinent? nihil iis adversariorum fraude subductum? nihil per socordiam, ipsamque humani ingenii infirmitatem neglectum? Eò accedit quod hæc Epiphanii epistola Latine tantum extat, neque nisi ab hominibus Latinis, umquam est laudata; Quo adducor, ut credam græcum ejus exemplar vel initio
statim

statim periisse cùm primùm Latinè fuit ab Hieronymo reddita, vel certè postea ab imaginum patronis in Oriente dolo malo abolitum fuisse. Quod si est, (ut esse videtur) non est mirandum hunc locum minimè vidisse Iconomachos. Sed neque si vidissent ideò tamen necessariò consequeretur, eum in hac disputatione ab illis adhibitum fuisse, cum ipsi disertè negent omnia se attulisse, quæ ad hanc causam habebant; *sed pauca è multis collegisse ne in longum extenderetur eorum definitio, plurima alia sponte omittentes propter infinitam multitudinem*; Epiphanium verò, post recitatum quoddam ejus testimonium, disertè ajunt *alios sermones exposuisse in subversionem efficiendarum imaginum, quos qui amorem (inquiunt) discendi habent, quærentes invenient*. Deinceps narrat nobis Bellarminus Epiphanium quemdam ex VII. Synodo Diaconum convicisse, duo alia similia loca Epiphanii scriptis inserta fuisse ab hæreticis. Sed planè miserum est hoc argumentum; quod neque verum ponit, neque benè colligit. Dicit quidem ille Diaconus Epiphanii quoddam ab adversariis objectum testimonium falsum esse, & supposititium; id verò neque probat, neque ullum istius accusationis solidum adfert fundamentum. Itaque

cùm

VII. Syn. Act.
6. tom. 5. extr.

Ib. in anterior.
Bell. de im. c.
9 §. Tertio. VII.
Syn. Act. 6.

cùm nudâ istius Diaconi affirmatione nitatur tota hæc criminatio, palam est Bellarminum non disputare, sed ludere, dùm pro certâ & confessâ probatione nobis obtrudit dictum hominis in propriâ causâ testimonium dicentis, cuique ipse non nescit nos multò minus habere fidei, quàm istis, quos vocat, Iconomachis. Sed tamen hæc Bellarmini probatio vera & certa esset, (quod non est) non ideò tamen efficeret, quod effectum cupit. Fac enim Iconomachos nimio causæ studio sic abreptos fuisse, ut ad ejus defensionem non dubitaverint aliquod Epiphanii nomine testimonium confingere; (quod cùm non probetur, neque sanè admittendum est) Fac tamen ita esse; Ideòne consequens est, ut hanc quoque, de quâ nunc disputamus, epistolæ particulam à Carolo Magno, vel à Pariensibus Patribus, fuisse suppositam credamus, quorum sententiæ multo magis adversatur, quàm favet? Sed magis fortasse urget, quod sequitur Bellarmini argumentum; *Discipuli Epiphanii imaginem ejus in ejus templo posuerunt, quod certè non fecissent, si eorum praeceptor dixisset, id esse contra Scripturæ auctoritatem.* Primùm de toto hoc facto nihil aliud scimus, quàm quod est à bono illo Nicænæ Synodi Diacono

*Bell. ubi supr.
§. Quarto.*

Syn. 7. Act. 6.

pro-

proditum, cui quidem cur major, quàm Bellarmino fides haberi debeat, ego sanè non video. Nam ejus in hanc causam animus, & perspecta in aliis audacia, & ætas, qui quadringentis annis (ut ipse confitetur) infra Epiphanium, meritò nobis hominem suspectum reddunt. Præterea nihil aliud adfirmat, nisi *templum in Cypriorum insula dedicavisse Epiphanii discipulos, nominantes illud ejusdem vocabulo Patris, & cum multis aliis titularibus picturis imaginem ejus in ipso templo locavisse*; neque definit, quinam isti sint, quos memorat, Epiphanii discipuli, primine, qui viventem viderant, & cum eo versati fuerant, an alii diu post nati; sic dicti, quod ejus, tametsi jam pridem mortui, disciplinam sectari se profiterentur; qualiter Francisci, Dominici, Augustini discipulos vocamus etiam eos, qui hodie istorum, etiam ante multa sæcula mortuorum, regulas se se observare gloriantur. Nam si Epiphanii discipulos hoc sensu intellexit, non video cur istorum dictis, aut factis metienda sit Epiphanii fides, cum satis notum sit non rarò usu venire, ut præter magistrorum instituta, multa à discipulis & credantur, & dicantur, & fiant, cujusmodi mutationes tam interdum subitæ sunt, ac præcipites, ut vel

quin-

VII. Syn.
Act. 6.

quingenta annorum decursus satis fuerit ad disciplinas penitus invertendas.

At (inquiunt adversarii) scimus ipsis illis

Epiphanii temporibus Gregorium Nyssenum, aliosque non obscuri nominis

*Bell. ubi supr.
§. Quinto.*

Patres picturas in templis laudasse. Quasi

verò ex unius, vel alterius Patris dicto,

vel facto, de cæterorum omnium fide

præjudicandum sit. Si placet hæc ratio,

vicissim falsitatis arguamus istos Nysseni

locos, qui picturas commendant; nimirum

quòd non sit verisimile ab isto laudatas,

vel approbatas, quas eadem pænè

ætate ab Epiphanio conscissas scimus.

Epiphaniiani facti fidem non magis elevat

Gregorianum dictum, quàm dicti

Gregoriani factum Epiphanianum. Iniquum est

alterum alterius auctoritate jugulari.

Neque est, quod nos terreat quæ

inter istos deprehenditur pugna; cum certissimum sit, fusèq;

à nobis alio opere demonstratum, neq;

diversæ, neq; ejusdem

ætatis Patres idem semper sentire de re-

*L. 2. de lasage
des Peres. §.*

bus ad religionem pertinentibus. Hæc

autem diversitas præsertim in iis ritibus,

atque dogmatis elucet, de quibus nihil

ab Apostolis in ipsis fidei primordiis dis-

sertè præceptum fuerat. Nam in istis li-

beræ erant, & plerumque discrepantes

eorum sententiæ pro cujusque captu, ac

N

sensu,

sensu, variisque occasionibus, & rerum eventibus. Itaque ipsa illa Epiphaniî Cyprii Metropolitæ, & Gregorii Nysseni episcopi in imaginum negotio diversitas luculentissimè evincit earum cultum, neque Apostolorum mandato, neque universalî Apostolicæ Ecclesiæ lege fuisse olim traditum, & institutum. Cæterùm Gregorii, & aliorum (siqui sint) testimonia suo loco postmodum expendemus, ac Deo dante demonstrabimus Patres istos, quamquam alia sit eorum, quam Epiphaniî hac in parte sententia, minimè tamen sequutos esse id dogma, quod à Nicænâ postea Synodo constitutum Roma suscepit, magnoque hætenus consensu suæ communionis hominibus observandum tradidit. Id etiam in hac causâ adferunt adversarii, quod in testimonio à nobis adducto legitur *esse contra Scripturæ auctoritatem pendere in templo imaginem hominis*; quæ verba negant digna esse eruditione Epiphaniî; eumque contendunt *ineptissimam sententiam* (sic enim hanc appellant) nunquam fuisse in animum suum inducturum. Atqui dùm sic agunt, rem controversam per aliam æq; aut etiam magis dubiam & controversam probant. Nam qui cum Epiphaniio picturas è templis ejiciendas putant, ii minimè

*Bell. ubi supra.
§. Sexto.*

minimè concedunt , quod hi quasi pro imperio confidentissimè pronunciant, ineptum esse existimare Scripturæ auctoritati repugnare , ut ullius hominis imago in æde sacrâ collocetur. Hoc verò illi non modò non ineptè, sed verè etiam dici arbitrantur , suamque sententiam Scripturarum auctoritate maximè constituunt, quæ non modo nusquam præcipiunt, ut ullius hominis imago in templis à fidelibus vel locetur, vel pingatur, sed etiam multa passim ponunt, atque adfirmant, quæ cum isto usu manifeste pugnare videntur. Multique sunt in ea sententiâ , quos stultos aut ineptos fuisse nemo sapiens dixerit. Rectene an secus ita senserint, non est hic disputandi locus. Nunc satis est, quod ita senserint. Eo enim clarissimè efficitur, ut inepta & vana sit adversarii ratiocinatio, quæ quòd laudatus à nobis locus eam sententiam contineat , indè colligit eum non esse Epiphanii. Sed etiam si Bellarmino donaverimus ineptè sentire eos, qui putant esse *contra Scripturæ auctoritatem pendere in templo imaginem hominis*, non tamen ideo effecerit, ut id non dixerit Epiphanius, quem & ex his quæ supersunt ipsius certis, & indubitatis operibus, & ex ipsorum adversariorum confessione, constat

196 DE IMAGINIBVS
 aliquando, neque in paucis, hallucinari.
 Postremò denique Gregorium Magnum
 adducunt, qui ad Serenum exeunte sexto
 æræ Christianæ sæculo scribens negat ul-
 lum ante Serenum episcopum confregisse
 imagines; quod non videtur fuisse ne-
 gaturus, si verè ab Epiphanio conscissum
 fuisset illud Anablathensis Ecclesiæ ve-
 lum. Sed neque hoc argumentum ullam
 vim habet ad id probandum, quod ab
 adversario susceptum est. Quid enim?
 An omnia scivit Gregorius? Epiphanii-
 ne factum, & epistolam ignorare non
 potuit is, qui ullum fuisse inter hæreticos
 Eudoxium nescivit, idque ab Eulogio
 Alexandrino Patriarchâ docendus fuit?
 adeò erat in historiis, & libris Ecclesiæ
 peregrinus? quique quid esset *stibium*
 ignoravit, & *cornustibium*, quod nomen
 uni ex Jobi filiabus impositum est, ri-
 dendo & planè puerili errore, pro *cornu*
tibiæ accepit? Sed tametsi hanc ille Epi-
 phanii epistolam alias legisset, nonne fieri
 potuit, ut ad Serenum scribens lectam à
 se, vel non meminisset, vel etiam ex cau-
 sæ usu, & commodo dissimularet? Nam
 nimio ejus studio transversum quoque
 agi potuisse Gregorium, non negabit
 quisquis illius viri scripta diligenter lege-
 rit; ubi in magna rerum optimarum co-
 pia

Bell. ubi supr.

S. Septimo.

Greg. l. 9. ep. 9.

Greg. M. Reg.

l. 6. ep. 31. &

l. 7. ep. 30.

Id. l. 35. Mor.

in Job. c. 13.

copiâ occurrunt etiam subinde non obscuræ humanæ infirmitatis labes ; quale illud est , quod suis majoribus oblatum fuisse à Chalcedonenſi Synodo *Episcopi* Id. epist. l. 4. ep. 32. *universalis* titulum , aliquoties inculcat , præter fidem Actorum illius Concilii , in quibus nihil hujusmodi legitur. Neque enim puto quisquam horum traxerit , quod Theodorus , & Ischyrion , & Athanasius nescio qui Alexandrinæ Ecclesiæ diaconi , aut presbyteri Leonem , dum seorsum singuli de rebus suis vel narrant , vel scribunt , *episcopum universalem* nominant. Nam tres istos homunciones pro Chalcedonenſi Synodo accipere , id verò nihil aliud est , quàm vel delirare , vel certè ludere. Cùm ergò nullam adferant adversarii rationem idoneam dubitandi de laudatâ Epiphanianæ epistolæ particulâ , reliquum est , ut concludamus verè eam ab Epiphanio scriptam fuisse , qualis hodie legitur in omnibus illius ad Joannem Hierosolymitanum epistolæ exemplaribus. Atque ita Bellarminus , & qui cum eo sentiunt , de gradu dejecti , & ex hac veluti disputationis acie pulsi , ac fugati sunt , plaudentibus Vasque & Victorio , aliisq; earumdem partium non paucis , qui hoc testimonium Epiphanii vere , ut est , ita esse confitentur. Nunc viden-

dum superest, quamnam hi artem ad hoc arcendum telum adhibeant. In primis igitur ajunt non Christi, aut sancti alicujus, sed privati & plebei, vel etiam profani hominis imaginem fuisse in illo velo depictam, atque in Anablatensi Ecclesiâ locatam, ac si Christi fuisset vel sancti alicujus effigies; visoque tam indigno facinore merito commotum fuisse sanctissimum virum, velumque conscidisse, eoque facto definivisse quidem, non esse sacras ædes communibus profanisve picturis contaminandas, (quod idem sibi etiam vehementer placere testantur) sed non ideo consequens esse, ut Christi quoque & Sanctorum imagines ex hujusmodi locis ejiciantur. Hæc quidem est omnis istorum defensio. Mitto, quod eam Bellarminus indignam judicavit, in quâ tuendâ laboraret. Ait enim alteram, nimirum ipsam illam, quam modo confutavimus, *verior* esse; quo hanc significat, aut falsam esse, aut certè dubiam, & obscuram. Sed Bellarmini brevior Monachus, fortasse ut ulciscatur Magistri cladem, in Vasquem ruit, hancque ejus solutionem ex professo refellit. Meritò sanè. Nam nimis protervè ludunt, qui sperant se nobis persuasuros tam absurdam, tamque ineptam fabulam,

*Bell. de Imag. c.
9. §. Ad quintum. & Ibid.
Bell. Breviat.*

lam, quæ neque cum factò , neque cum verbis Epiphaniî cohæret. Non quidem cum factò. Nam, ut ipse narrat, simulatque illam hominis imaginem in velo depictam aspexit , velum quod in foribus Ecclesiæ pendeat, illico nullâ morâ interpositâ conscidit. Non quærit, non interrogat, quis iste sit , cujus imaginem in Ecclesia viderat, sanctus-ne, an profanus. Totum hoc curæ genus sic ille contempserat , ac neglexerat , ut de his aliquanto post scribens ne meminerit quidem, cujus illa imago fuerit ; quod tam cito non fuisset oblitus , si id ab incolis sciscitatus esset. Sed nullo sumpto ad deliberandum spacio , ut imaginem videt, statim velum arripit & conscindit; quod maximum est argumentum ipsam illi imaginem, non autem imaginis tantum speciem, aut qualitatem in Ecclesia displicuisse. Cùm autem postea custodibus illius ædis velum misit, pro eo quod consciderat, non ait se in eo, non profani hominis, (quod in priori perperam factum fuerit) sed Christi , aut Sancti alicujus imaginem pingendam curasse ; neque quicquam hujusmodi memorat ; Tantum ait *mittere se , quod potuit reperire*. Si nunc Vasques, aut aliquis alius ex eorum numero, qui Christi & Sanctorum ima-

gines in sacris ædibus collocandas, atque dedicandas putant, peregre profectus, obiterque in Ecclesiam ingressus, imaginem istic in velo pictam, ac in foribus pendentem videret, neque compertum haberet, cujusnam illa esset, sanctine, an profani hominis, eamne, quæso, statim ille laceraret? quod nimirum non sint in Ecclesiis ferenda profanorum hominum simulacra? Non prius ab incolis sciscitaretur, cujus ea sit imago, Christiani ne hominis, an infidelis? Sancti, an profani? cur, quando, & à quo præter fas & decorum, atque usum etiam communem, in loco sacro posita sit? Quin & hæc sigillatim percunctatus nescio an sit ausurus inferre manum. Hoc quidē scio, si his omissis statim in imaginem involet, eamque sine morâ discerpatur, eum pro infano habitum iri. Si ergo eadem Epiphanii fuisset quæ est Vasquis opinio, viri sanctitas, atque sapientia dubitare nos non sinunt, quin eandem quoque moderationem, idemque temperamentum in hoc negotio adhibiturus fuerit. Extra suam diœcesim in Ioannis Hierosolymitani parœcia peregrinatur. In pagum venit, quo fortassè numquam antea accesserat. In ignotam ingreditur Ecclesiam. Imaginem in velo supra ostium pendentem

tem cernit. Nihil cunctatur; nihil sciscitatur; velum arripit, & conscindit. Fuitne obsecro, ullum umquam facinus isto vel insolentius, vel minus ferendum, siquidem universa Ecclesia imagines tum eo loco, ac numero habebat, quo nunc habet Romana? Annon Christiana caritas ab Epiphanio flagitabat, ne de illius Ecclesiæ ministris, sacerdote, ædituo, aliis, quicquam seciùs temerè existimaret? neve istam profani potius, quàm sancti alicujus hominis imaginem esse putaret? Nonne idem exigebat loci, personarumque religio? Quod siquid aliter suspicaretur, nonne ipsa æquitas, atque humanitas poscebat, ut illam cogitationem paululum animo cohiberet, atque contineret, donec rem totam certiùs atq; exploratius nosset? Maximè cùm in alienâ diœcesi versaretur, & in ignotâ Ecclesiâ, cujus adeò usum, rationemque facilè poterat ignorare. Atque nihil ille horum omnium. Satis habet perspexisse, quod imago sit. Id simul perspexit, statim commovetur; statim toto pectore inardescit, velumque, rei indignitate percitus, sine morâ conscindit. Pace Vsq; quis liceat eloqui, quod sentio; Hæc Epiphanium sic fecisse, qui concedit, nisi idem quoque neque ipsum, neque alios Cypri, &

Palæstinæ Christianos ullas tum in Ecclesiis imagines dedicasse, aut habuisse confiteatur, illum ex sanctissimo atque sapientissimo viro, stolidum ac præcipientem, nullo Christianæ vel modestiæ, vel caritatis sensu imbutum hominem facit. Non aliter potest hoc ejus factum defendi; Quod quidem insigne erit zeli specimen, si hunc, quem diximus, plerorumque ejus temporis Christianorum in religione usum, atque sensum fuisse constitueris; sin res secus habuit, merus fuerit hominis parum sani furor, meraque importunitas. Sed adversariorum glossima Epiphanii non magis factum, quam verba refellunt. Nam si eo perculsus est, non quod simpliciter imaginem, sed quod profani hominis imaginem in Ecclesiâ vidisset, cur hoc ille nusquam dicit? Nonne eorum, quos primùm alloquutus erat, usus atque ædificatio, nonne ejus, ad quem nunc hoc ipsum perscribit, Joannis Hierosolymitani, æmuli atque inimici hominis ratio, poscebat, ut hoc in primis clarè & disertè eloqueretur? Nonne docebat vel ipse hominum communis sensus, non aliâ ratione vel hoc factum purgari, vel Anablatensium murmur sedari faciliùs posse, quàm si admoneret eum virum, qui in yelo pictus erat,

pro-

profanum fuisse? eam adeo defensionem
tamquam unicum hujus causę præsidium,
tum in principio , tum in medio & fine
hujus narrationis adhiberi debuisse? Et
tamen (ô incredibilem mentis, & sensuum
stuporem!) non modò nihil istorum Epi-
phanius in totâ narratione dixit; sed &
ea dixit, quæ cum istis totâ (ut loquun-
tur) diametro pugnant. Facti enim istius
narrationem his verbis complexus est;
*Inveni ibi velum pendens in foribus ejusdem Ec-
clesiæ, tinctum, atque depictum, & habens ima-
ginem, quasi Christi, vel sancti cujusdam.* Hæc
verò oratio, aut nullum habet sensum,
aut significat fuisse hanc hominis, non
(quod vult adversarius) profani, sed san-
cti imaginem, quamquam haud satis me-
minit Epiphanius, quis sanctus ille fuerit,
quem imago referebat. Hic enim omni-
no est istorum verborum sensus; animad-
vertisse Epiphanium in velo imaginem;
illud etiam satis intellexisse, fuisse eam
Sancti alicujus imaginem; sed de re ipsâ
adeò non fuisse sollicitum, ut brevi ani-
mo effluerit vera illius imaginis forma,
idque solum in memoria confusè atque
universim hæsisse, aut Christum, aut
alium aliquem de beatorum numero fuis-
se in velo depictum; utrum autem verius
sit, non posse jam liquidò affirmare. Nam
hæc,

hæc, quæ parenthesi inclusa, subjicit, *non enim satis memini, cujus imago fuerit*, hæc inquam, rationem ejus continent, quod antè dixerat, *habens imaginem, quasi Christi, vel sancti cujusdam*, ac veluti excusant, quod lectoris mentem dubiam, & anticipem reliquerit, minimè definiens, utrius imago fuerit, Christine, an sancti à Christo diversi. Fingamus Vasquem in æde aliquâ offendisse Cæsaris, aut Pompeii depictam in velo imaginem; neque satis meminisse utrius illa fuerit; Fingamus rem, quemadmodum accidit, exponere cupientem his verbis narrationem instituere; *Vidi velum pendens in foribus tinctum, atque depictum, & habens imaginem, quasi Christi, vel sancti cujusdam. non enim satis memini, cujus imago fuerit*; Dic, obsecro, quisquamne est, qui tam aliena à mentis suæ sensu loquentem non putet, vel desipere, vel certè auditoribus illudere? Atqui sic omnino loquitur Epiphanius. Ergo necesse est plane aliud eum velle, quàm quod cavillatur Vasques. Huc accedit, quod ea, quam subjicit, ratio, quæque unâ factum hoc suum veluti fulcit, ac munit, idem quoque luculentissimè demonstrat, *Cum ergo hoc vidissem in Ecclesia Christi contra auctoritatem Scripturarum hominis pendere imaginem, scidi illud*. Te hic
ego

ego appello , sanctissime vir Epiphani.
Cur subito excanduidisti ? Cur imaginem
sacram vel ornandæ ædi, vel accendendæ
fidelium pietati positam tam contume-
liosè scidisti ? Tene fortasse offendit pi-
cturæ argumentum ? quod ea profanum
hominem , non aliquem de sanctorum
choro expressum repræsentaret ? Imo
nihil istorum occurrit apud Epiphanium.
Quid ergo tandem fuit ? Nimirum, in-
quit, displicuit velum , quod contra scri-
pturæ auctoritatem hominis imaginem
in Christi Ecclesiâ exhiberet. Quid po-
test dici clarius , aut disertius ? Profecto
qui sancti sunt, eos homines quoque esse
palam est. Cùm ergo clamet Epiphanius
contra Scripturæ auctoritatem esse , ut
hominis imago in Christi Ecclesiâ pen-
deat; quis non videt, quanta sit, & quàm
non ferenda istorum audacia , qui nobis
persuadere conantur non Sanctorum ,
sed profanorum tantum imagines ex Ec-
clesiâ ejicere Epiphanium? Sed est clarior
hæc causa , quàm ut pluribus agenda sit ;
in qua quod paulò diutius immorati su-
mus, id non rei fecit obscuritas, sed ad-
versariorum coëgit iniquitas, atque per-
vicacia. Itaque prolixitatis invidiam à
lectore deprecati concludamus tandem
re verâ credidisse Epiphanium, non licere
Chri-

Christianis imagines in ædibus sacris vel ponere, vel ab aliis positas ferre. Neque est, quod quis ad elevandum hujus testimonii pondus illud protritum nobis cum Damasceno occinat, *unam hirundinem non facere ver, neque id quod rarum est, Ecclesiæ legem esse*. Primò non una est hæc hirundo. XIX. jam antea simul, & semel advolantes aspeximus; aliasque deinceps cernemus; nequid de iis argumentis dicam, quæ in prima hujus operis parte observavimus. Præterea periniquum videtur hoc Epiphanii dictum pro uno tantum censi testimonio, seu testem ipsum spectes, seu testimonii circumstantias. Testis quidem est magnus Epiphanius, cujus apud sui sæculi homines, non modo Ecclesiasticos, sed etiam externos, tanta fama atque admiratio fuit, ut ipsi eum Ariani venerati sint. Is est quem Hieronymus *patrem pene omnium episcoporum, & antiquæ reliquias sanctitatis* vocat; veterum traditionum religiosissimus observator, novorumque & privatorum rituum juratus hostis, (ut ex ejus Panario, ingenti contra hæreses opere, constat;) Constantiensis insuper episcopus, & omnium, quæ in Cypro erant, Ecclesiarum caput. Quis fieri potuisse putaverit, ut vir talis, ac tantus opinionem cum universali

*Damasc. orat.
1. de Imag.*

*Hieron. ep. 61.
ad Pammach.*

versali totius Ecclesiæ consuetudine pugnantem foverit ? neque foverit modo, sed etiam palam in communi hominum luce ostentaverit, publicumque Christianorum usum proculcaverit, ac ludibrio habuerit, ex æde sacra imaginem audacter detrahendo, atque conscindendo, quæ eo loco ex solenni omnium fidelium religione consecrata fuerat? Manifestum est numquam hæc ita facturum fuisse Epiphanium, si publica Ecclesiæ lege, communique Christianorum usu tum obtinuisset imaginum veneratio. Esto tamen: Tanta fuerit hominis importunitas, atque morositas, ut in hanc, non jam dico ineptiam, sed insaniam, atque insolentiam incidere potuerit. Quis tamen crediderit, si apud Christianos tum recepta fuisset ea, quæ nunc in Romana communione obtinet de imaginibus sententia, quis inquam si hæc ita habuissent, putaverit, non indignaturos, non exclamatos fuisse ad hanc Epiphanii tam projectam, tamque incredibilem audaciam Ecclesiæ Anablatensis ministros, sacerdotes, ædituos, custodes ? Atqui ne mussant quidem. Tantum queruntur, quod aliud pro eo quod consciderat, velum dederit nullum; eo testantes, veli, non picturam, sed usum ac pretium à se deside-

desiderari. Quicquamne vel dici, vel fingi potest ista querela ineptius, si, qui queruntur, eorum eadem fuit, quæ adversariorum est sententia? Illi universalis Ecclesiæ legem contemni, atque violari; illi sacrum publicæ pietatis instrumentum ab alterius provinciæ antistite conscindi, muti ac silentes vident; non indignantur, non renituntur, non reclamant. Hoc unum in tam audaci, tamque contumelioso facinore reprehendunt, quod discerpto velo facta sit illius seu telæ, seu panni jactura. Quod si tantumdem fuerit redditum, placati quiescent; neque suam illam imaginem sub terrâ cum cadavere computrescere ægrè, vel impatienter ferent. Quo argumento patet illam imaginem ad solum ornamentum in velo fuisse adhibitam, huncque ex eâ quæsitum ab istis usum, non ut fidem pasceret, non ut veneratione aliquâ coleretur, non ut rudes, ignarosque doceret (quas ob causas hodie expetuntur imagines) sed ut velum, in quo depicta erat, pulcrius atque elegantius redderet. Velum autem ipsum Ecclesiæ foribus oppansum interius pendeat, ex more temporibus illis recepto, ut patet ex Hieronymiano Nepotiani epitaphio, aliisque non paucis veterum monumen-

us. Sed neque prætereundum est, quod Epiphanius, non contentus tam egregii facinoris conscientia, rem totam Joanni Hierosolymitano, inimicissimo homini, in cujus parœciâ erat Anablata, fusissimè narrat, pænè gloriabundus, qui (si vera sunt, quæ ponuntur ab adversariis) vel occultare, vel certe purgare, ac excusare factum debuerat. Nam si Patrum terminos transgressus erat, si legem, si consuetudinem universalis Ecclesiæ violaverat, quâ factum, ut neque episcopi reprehensionem, neque inimici obtrectationem reformidaverit? Quâ fronte, post temerata Ecclesiæ, quæ in Ioannis parœcia erat, sacra, eum docere audet contra Scripturarum auctoritatem esse, ut pictæ in velis imagines habeantur in Ecclesiis? quâ fronte admonere, ut *deinceps præcipiat huiusmodi vela, quæ contra religionem nostram veniunt, non appendi*? Sed fac (quod non est ullo modo credibile) Epiphanium, non modò tam improbè & protervè, sed etiam tam stultè, atque improvidè se gessisse; quâ sit, ut nihil istorum accipiat Ioannes? nihil criminetur? nihil exprobet? Cur tam præclaram occasionem prætermittit? Cur non spargit in orbem Christianum huius facti invidiam? magnum illum, severissimumque Ori-

O

genistarum

genistarum cenforem Ecclesiæ leges insolentissimè violare, sacratissimosque ejus cultus indignissimè proculcare? Quanto hæc speciosior futura erat criminatio, quàm illa altera ejusdem accusatio, quâ Epiphanio Anthropomorphitarum errorem parum probabiliter objecit? Quod si Ioannis odium adeò clemens, atque patiens fuit, ut tantum inimici crimen tacitum & inultum sinere potuerit; an & Hieronymi amorem tam ignavum, tamque infidum fuisse putandum est, ut quem summopere diligebat, Epiphanium tanti erroris admonere minimè sustinuerit? vel adeo cæcam prudentiam, ut eam epistolam, quâ mira illa narratio continetur, non viderit omni ratione delendam, atque alta oblivione veluti sepeliendam fuisse? Fuitne umquam scenicum ullum drama impeditius, aut magis involutum, atque perplexum? Itaque ut res tota tandem explicetur, atque Epiphanio quidem sanctitatis & sapientiæ gloria, Anablatensibus verò hominum, & Christianorum nomen servetur, utque verissimum, sicuti fuit, ita fuisse appareat summum in Epiphanium, tum Joannis odium, tum Hieronymi amorem, ut hæc inquam omnia, quæ certa sunt & explorata, patefiant, atque elucescant,

elucescant , & ex illis contradictionum veluti tenebris emergant, necessariò confitendum est, neque Epiphanium, neque Anablatenses, neque Ioannem , neque Hieronymum idem de imaginibus sensisse, quod hodie sentiunt adversarii; quia si hæc illorum sententia fuisset , neque Anablatense velum conscissurus erat Epiphanius , neque id passuri Anablatenses, neque inimici crimen dissimulaturus Ioannes, neque postremò amici peccatum inemendatum relicturus Hieronymus; nedùm ut ejus grave probrum vulgaturus fuerit , Latineque redditurus , ac publicaturus eam epistolam , quæ potius nulla non arte abolenda fuerat, si verè id flagitium fuisse censendum est, cujus illa narrationem continet. Viderint jam adversarii nùm hujusmodi sit hic Epiphanii locus , in quem merito atque appositè trahi possit vetus verbum, *una hirundo non facit ver.*

Quo testimonio sic explicato , & à strophis atque calumniis disputantium vindicato, nemini deinceps mirum videri debet, quod eandem sententiam in alio etiam loco testatus sit Epiphanius ; quem ante nongentos propemodum annos à Patribus quarti Concilii Constantinopolitani in hac causâ allatum fuisse

Synod. 7.
Act. 6.

didicimus ex Actis II. Synodi Nicænæ. Is ergo locus sic habet: *Attendite vobis (inquit sanctissimus ille vir) & tenete traditiones, quas suscepistis: ne declinetis ad dexteram, neque ad sinistram. Quibus subinfert; Et in hoc memoriam habete, filii dilecti, ne inducatis imagines in Ecclesias, neque in cœmeteria sanctorum. Sed per memoriam habete Deum in cordibus vestris. Sed neque in domum communem. Non enim expedit Christiano per oculos, & vagationes mentis efferri. Hæc Epiphanius. Quid autem vel ipsa Geneva dixerit à Tridentini Concilii definitione alienum magis? Sed qui Irenes jussu Nicæam convenerant episcopi, locum esse supposititium audacter clamant. Bella sane, & expedita ratio omnes adversarii objectiones facile, ac nullo negotio eludendi: quæ si in his disputationibus valere debet, næ & nos & adversarii pessimè utrique operam perdimus, dum labore improbo veterum Patrum monumenta dies, noctesque versamus, ut discere possimus, quæ eorum fuerit de nostris controversiis sententia. Quoties enim objectus fuerit aliquis ex iis locus, satis fuerit respondere suppositum videri, & procul esse ab omni veri specie viros sanctissimos quicquam contra fidei veritatem scripsisse. Sed Dei gratia jus
fasque*

Ibid.

fasque non ita de rebus humanis periere, ut falsi documentum aliquod accusare sufficiat ad convellendam ejus fidem. Expenduntur, quæ ad probandum crimen afferuntur argumenta; quæ si vana, & inefficacia deprehensa fuerint, constat sua documento fides, quique id temerè ac nullâ de causâ falsi accusaverant, ii etiam vulgò multari solent; ne cuivis impunè liceat famam ac fidem hominum inanibus calumniis traducere. Nicæni Patres hac in causâ rei sunt. Sepositâ ergo omni eorum auctoritate, videamus, quid valeant eorum argumenta, quamque vim habeant ad probandum non esse hunc, qui objectus est, verum & genuinum locum. Testemne aliquem idoneum adducunt, qui Epiphanii esse neget? vel qui ejus opera recensens libellum, è quo habetur hic locus, disertè expungat? Quicquamne in eo observant, quod ab Epiphanii vel ingenio, vel stilo abhorreat? Vllamne hujus scriptoris certam, & confessam sententiam adferunt, quæ cum istâ pugnet? Nihil horum faciunt. Tantùm narrant (quod nemo nescit) omneis ab Epiphanio recensitas, & confutatas fuisse hæreses in eo libro, quem Panarium inscripsit; ibique ad LXXX. hæreticorum sectas memorari; ut si imagi-

Ibid.

num venerationem, & consecrationem pro hæresi habuerit, minimè videatur eam tali in opere omissurus fuisse. Cum itaque hujus in hæresium catalogo opinionis mentionem nullam fecerit Epiphanius, concludunt acutissimi disputatores, fecisse eum, & coluisse imagines; neque adeo verè auctorem esse ejus testimonii, quod ejus nomine ab adversariis objectū fuit, cū in eo tam disertè damnentur imagines. Hęc istorum est, egregia sane & invicta, argumentatio; Epiphanius imaginum fictores inter hæreticos minimè recensuit; Ergo nihil in eos umquam dixit, vel scripsit; Ergo ipse imagines & finxit, & coluit. Si valet ista argumentatio, quidni & hæc valebit? Epiphanius in hoc hæreseon catalogo neque Nestorianos, neque Eutychianos memorat, neque Severianos, neque Monothetas; Ergo nihil, quod istorum hæresi adversetur, umquam scripsit; Ergo & idem, quod isti, de religione sensit. Sed animadvertere saltem debuerant subtilissimi Dialectici posse ipsorum adversarios eā quoque probatione in rem suam abuti, atque isto exemplo sic ratiocinari; Nullos Epiphanius Iconoclastas in Panario recenset; Ergo Iconoclasta & ipse fuit; Ergo nihil in eos scripsit; ex quo porro

porro efficitur, ut alienum à vero videri non debeat, siquid eorum fidei consentaneum scripsisse dicatur. Sed absit à piorum & proborum hominum mentibus fallax istud & sophisticum ratiocinandi genus. Nam quis non videt Epiphanium trecentis minimùm annis ante hæc de imaginibus certamina mortuum, partium tamdiu post ejus obitum exortarum nomina in hæresium catalogum referre non potuisse? ejus adeò hac in parte silentium neutris vel prodesse, vel obesse? Sed Nicæni præterea observant à Gregorio Basilii fratre, aliisque nonnullis Epiphanii temporibus laudatas imagines. Verùm jam suprà demonstrata est hujus argumenti vanitas, quo Bel-larminum usum esse diximus ad detrahendam proximè præcedenti testimonio fidem. Denique ajunt, cùm Anchoratus, & alii Epiphanii libri per orbem Christianum disseminati passim extent, istorum contra imagines libellorum non nisi duo, aut tria inveniri exemplaria. Sed hæc ratio ridicula est. Quis enim nescit, quàm varia sæpe fata habeant etiam unius ejusdemque auctoris libri? hos legi, publicari, in pretio esse? illos negligi, & in pulvere, atque situ relinqui, prout diversum est ipsorum meritum, *Ib. paulò post superiora.*

variaque de iis hominum opinio ? Sanè
 mirandum non est; quod Epiphaniï An-
 choratus, & Panarium sæpiùs, atque di-
 ligentius descripta fuerint, quàm ejus-
 dem epistolæ. Damnanda erit eadem
 ratione ejus ad Joannem Hierosolymita-
 num epistola, cujus nullum reperitür
 exemplar græcum. Eam tamen Hiero-
 nymus, oculatus, & omni exceptione ma-
 jor testis, docet veram & genuinam esse.
 His centum retrò annis descripti, atque
 excusi sunt innumerabiles libri ex duo-
 bus, tribusve codicibus; nonnulli ex
 uno, quorum de fide ob eam, quæ tùm
 erat, exemplarium paucitatem, nemo
 dubitat. Ergo suprà descripto Epiphaniï
 testimonio nihil objici potest præter nu-
 dam Nicænorum istorum vocem, qui
 Epiphaniï esse negant. Sola autem eo-
 rum negatio nullius est in propriâ causâ
 momenti; eique jure merito opponi
 debet contraria CCC XXXVIII. Patrum
 affirmatio, qui ante annos aliquot in Sy-
 nodo Constantinopoli habitâ, hoc tam-
 quam verum, & genuinum Epiphaniï
 testimonium in hac causâ adhibuerant.
 Sed præterquàm quod hæc propria est
 Nicænorum causâ, in quâ adeò ipsi testes
 minimè audiri debent, alia sunt insuper,
 & quidem neque pauca, neque levia, quæ
 eorum

eorum fidem vehementer suspectam reddunt. Hi enim sunt, qui Eusebio, ut tutius & liberius maledicant, falsam & impiam sententiam falsò ac impudenter asserunt, perinde ac si scripsisset *in divinitatis naturam mutatam fuisse incarnatam Christi formam*, id est carnem, cum istamen revera dixisset *hanc Christi formam ab inhabitante divinitate immutatam fuisse*, quemadmodum fuit à nobis suprà observatum. Hi sunt, qui nescio cujus miraculi, quod non ante plures quàm triginta aut quadraginta annos Beryti in Syriâ accidisse ferebatur, insulsiſſimam, atque ineptiſſimam narrationem Athanasii nomine venditant, ac pro vero & legitimo purioris antiquitatis fœtu inverecunde obtrudunt. Hi sunt, quorum Synodus putidissimis fabulis tota scatet; itemque apocryphis, & primæ antiquitati ignotis, atque inauditis testimoniis; quale illud est præclarum sane, & admirandum in primis decretum nescio cujus Apostolorum Concilii, Antiochiæ (ut quidem isti garriunt) habiti; *Ne ultra errent hi, qui salvi fiunt, circa idola, sed pro eis imaginentur de virilem statuam Domini nostri Iesu Christi*; quale etiam illud est Basilii scilicet dictum, *Figuras imaginum Apostolorum, Prophetarum, & Martyrum hono-*

Syn. 7. Act. 6.

Ib. Act. 4.

Ib. Act. 1.

Syn. 7. Act. 1.

Ib. Act. 2. c. 2.

Adr.

ro, & adoro, & veneror specialiter; hoc enim traditum est à Sanctis Apostolis, nec est prohibendum; ac proinde in omnibus Ecclesiis nostris eorum designamus historiam: qualia sunt in eorum Synodo hujus generis sexcenta; quorum nequē vola, neque vestigium apparet, vel in auctorum, quibus adscribuntur, manuscriptis codicibus, vel in Ecclesiæ historiis, vel in ullis aliis Christianæ antiquitatis paulò vetustioribus monumentis. Obsecro, nonne isti digni sunt, quibus vel injuratis in propriâ causâ credamus? quorum nudâ, ac simplici auctoritate commoti, ceu falsum & supposititium abjiciamus id, de quo disputamus, testimonium, quamquam jam ante annos xxxiii. in Constantinopolitanâ Synodo à ccc xxxviii. episcopis laudatum, atque descriptum; quamquam, quod illi ipsi fatentur, in uno atque altero veteri exemplari repertum; quamquam denique aliis Epiphaniî dictis, atque opinionibus planè consentaneum, ut docent partim ea, quæ nuper recitavimus ex ejus ad Ioannem Hierosolymitanum epistolâ, partim etiam duo illa loca, quæ superiore libro ex Panario attulimus, in quorum altero insinuat Carpocratianos, quod Christi imagines haberent, atque adorarent; in altero Ara-

bas

*Epiph. Par.
Her. 27. & 55.*

bas nescio quos graviter reprehendit, qui similem cultum Mosis simulacro deferrebant.

CAPUT V.

Testimonia contra imagines, Quintum Chrysostomi: Sextum Amphiloerii: Septimum Theodoti.

SED jam reliqui testes excitandi. Primus hic surgat Chrysostomus, Constantinopolitanus episcopus, qui iisdem cum Epiphanio temporibus vixit. Is in quodam loco à Constantinopolitanis Patribus ante annos DCCC LXXX. laudato, hæc habet verba: Nos, inquit, per *Scripturas fruimur Sanctorum præsentia; non corporum eorum, sed animarum imagines habentes. Quæ enim ab illis dicta sunt, animarum ipsorum imagines sunt.* Hæc Chrysostomus, quæ si quis nunc ex Romanæ communionis Ecclesiasticis loquatur, negans apud suos sanctorum vitâ factorum imagines corporeas extare; nonne is meritò vel ludere, vel delirare censebitur? Eadem jam antè dixerat Amphiloerius, Iconiensis episcopus, notissimus ille Basilii Magni amicus, loco ab iisdem Constantinopolitanis Patribus citato: *Non in tabulis (inquit) carneas* *ib. paulò post.*
personas

Ibid.

personas sanctorum per colores curæ nobis est figurare; quoniam non his opus habemus; sed conversationem eorum virtutibus imitari. Quid in hanc causam disertius dici queat? Nicæni conqueruntur, quod non sit integer descriptus locus. Cur non ipsi describerent, ut ex iis, quæ vel antecedunt, vel consequuntur, verus ejus sensus elucesceret? Atqui nihil illi addunt, præter ea ipsa, quæ à Constantinopolitanis optimâ (ut vel hinc liquet) fide fuerant allata. Quod enim illi locum minimè suppleant, magnum & clarum argumentum est in totâ illius serie nihil fuisse, quod eorum causam sublevaret. Tantùm respondent illa Amphiloerii verba, *non in tabulis carneas personas Sanctorum per colores curæ nobis est figurare*, illa inquam verba non absolutè, sed comparatè accipienda esse; ut sensus sit, non simpliciter abjiciendam esse omnem curam vultus sanctorum carnales coloribus effingendi, (quod pugnare fatentur cum suâ sententiâ) sed primam nobis curam esse debere, ut quæ in eorum vitâ & moribus eluxerunt virtutes, eas studiosissimè imitemur; sine hac enim curâ vanam esse, & inutilem omnem illam operam, quæ in pingendis Sanctorum vultibus ponitur; quippe cum imagines non ob aliam causam vel fieri,

fieri, vel coli debeant, quam ut eximia
Sanctorum pietas amanda, atque imi-
tanda proponatur; Id verò se libenter
admittere profitentur, tamquam suæ fi-
dei consentaneum. *Templa verò, inquit*) *Ibid.*
istis jugiter dedicare, aut in imagine istos erigere
illos qui virtutem ipsorum contemnunt, non est
laudabile. Nemo enim plane laudaverit, si vi-
derit hominem virtutes Sanctorum parvipen-
dentem, de die in diem horum imagines dican-
tem, vel templa multa erigentem, vel vasa sa-
cra parantem, & suum ipsius templum deifi-
cis virtutibus non adornantem. Hanc au-
tem interpretationis suæ argutiam, ut ali-
quo exemplo confirment, *Isaiæ verba* *Is. xi*
adducunt, quibus Dominus Israelitarum
sacrificia rejicere se, & execrari testatur,
quòd ea isti nimirum offerrent animis
omni pietatis sensu vacuis. Ut igitur ex
illis *Isaiæ* verbis nemo sanus concluderet,
nulla vel ab ipso Prophetâ, vel à reliquâ
Ecclesiâ tum temporis oblata fuisse sa-
crificia (quippe cum hoc tantum velit
divinus vates, Deo ingrata esse, quæ sine
interiore mentis affectu & fide offerun-
tur;) ita ex *Amphilochii* verbis verè qui-
dem, ac legitimè colligi, sanctorum vul-
tus pingere, neque eorum virtutes imi-
tari, id verò inane esse, & vituperatio-
ne, quam laude dignius studium; non
tamen

tamen idcirco effici, ut nullas vel ipse Amphilo-
 chius, vel quæ tùm fuit Eccle-
 sia, Sanctorum in tabulis depictas ima-
 gines habuerit. Hæc omnino est (si bene
 judico) Amphilo-
 chiani dicti solutio à
 Nicænis allata, quam alioqui (ut eorum
 mos est, qui manifestam veritatem oppu-
 gnant) multis ac perplexis verborum
 ambagibus involvunt. Sed clarior est
 locus, quam ut his officiis obscurari pos-
 sit. Primum enim Amphilo-
 chius de se
 ipso, deque aliis sui sæculi veris Christia-
 nis, loquens disertissime hæc ait, *Non in
 tabulis carneas personas (sive vultus, & ora)
 Sanctorum per colores curæ nobis est figurare.*
 Si tùm plena fuit hujusmodi tabulis Ec-
 clesia, iisque magnificè cultis, & exorna-
 tis, si pietatis Christianæ, si publici, pri-
 vatique piorum cultus imagines pars
 fuere, quâ mente, quâ fronte sic exerte
 pronunciat minime sibi, suisve curæ esse
 in tabulis ora sanctorum carnea figurare
 & exprimere? Sed neque satis habuit ne-
 gare ista sibi curæ esse; Cur non sint, ne-
 que verò esse debeant, hanc insuper ra-
 tionem addit; *quoniam his opus non habemus.* Si, quod postea Nicæni decreverunt,
 si, quod hodie docent Romani, jam tùm
 sensit Amphilo-
 chius ad Dei nimirum, &
 Sanctorum honorem, ad piorum pro-
 fessionem,

fessionem, fidem atque sanctificationem necessarias esse imagines, quî negare potuit *his nos opus habere?* Scio interdum usu venire, ut comparatè loquentes ea vel laudemus, vel vituperemus, quæ alioqui, si per se simpliciter, ac seorsim spectarentur, neque laudanda fortasse, neque vituperanda essent; eaque ratione interpretanda fateor, quæ ex Isaïæ primo capite adducta sunt; aliaque consimilia non pauca. Sed ad hoc genus pertinere Amphiloerii verba pernego. Eorum enim planè alia est tum forma, tum ipsa etiam materia. Primò enim Propheta hypocritas compellat, eorumque impios cultos exsertè ac nominatim sugillat; *Calendas vestras* (inquit) & *solennitates vestras odit anima mea; facta sunt mihi molesta.* Tum & clarè docet, quid illud sit, quod effecerit, ut Deo ingrati essent, qui offerebantur, cultus; nimirum non id à rerum oblatarum naturâ, sed ab offerentium labe, ac scelere profuxisse; *Manus vestra* (inquit) *sanguine plene sunt. Lavamini, mundi estote.* Age ergo; Fingamus esse (& sunt sane nimis quàm multi) fingamus inquam, aliquos esse, quales à Patribus Nicænis describuntur. qui insuper habitâ cœlitum imitatione, in dedicandis, colendis, atque venerandis eorum imaginibus suam omnem

nem pietatem, industriam, atque operam collocent; Fingamus aliquem Ecclesiastem, Dominum ipsum inducere istorum scelus, atque amentiam hac oratione coarguentem; Quos meis, Sanctorumque imaginibus honores exhibetis, eos ego odi atque abominor. Cum maximè eas in sacris ædibus constituetis, atque ornabitis, cùm prostrati manus ante eas tolletis, ego tùm maximè mentem, atque oculos avertam; ut ut istos cultus, atque honores in infinitum auxeritis, non ideo placatior preces vestras exaudiam. Lavamini; purgamini; amolimini ab oculis meis nefandas vitæ labe. Procul faceſſat morum pravitas, atque impuritas. Sanctorum meorum virtutes, atque pietatem imitamini. Quid mihi istis opus est, quas vos eorum nomini consecratis, imaginibus? Hæc & alia hujusmodi iis similia, quæ in Israelitas apud Isaiam leguntur, si quis doctor, vel episcopus in Christianos dixerit, fateor nullam causam fore, cur ex iis colligendum quis putet, neque apud istum, neque apud ejus consecraneos, ullum esse imaginum in religione usum; quemadmodum neque ex iis, quæ apud Isaiam eodem modo dicta occurrunt, rectè concludi potest neque ipsi Prophetæ, neque piis

piis Israëlitis fuisse sacrificia , aut calendas , aut conventus sacros , aut alios id genus cæremoniales ritus. Quamquam sanè, ut hoc obiter moneam, longè ineptior , & à recta ratione alienior futura sit posterior hæc collectio , quàm illa prior, cum post Mosis quidem legem, & Prophetarum scripta, nullus de priorum Israëlitarum sacrificiis relictus sit ambi- gendi locus; de Christianorum verò ima- ginibus magna , & aperta sit dubitandi ratio, quod earum neque novi Testamen- ti scriptores, neque alii proximorum post Apostolos temporum auctores ullam us- quam mentionem fecerint. Sed utcum- que se ista habeant, clarum est , ab hac elocutionis formâ plurimùm distare Am- philochii orationem. Non enim ei res est cum degeneribus , & corruptis Chri- stianis, quorum errorem, & hypocrisim seorsim , ac peculiariter cum aliquo ani- mi motu castiget. De veris, ac germanis Christi servis in genere loquitur , iisque se ipsum accenset; *Nobis, inquit, cura non est in tabulis carneas Sanctorum personas colo- ribus figurare.* Tùm quòd talia negligent, rationem affert, ab ipsâ rerum neglecta- rum naturâ, quod eæ nimirum essent inu- tiles, non autem ab hominum vitio, aut scelere petitam, *quoniam his, inquit, opus*

non habemus. Si illa superius memorata
 Isaia oratio in eundem quoque modum
 efficta, atque constituta esset, *Deo sacrifici-*
cia offerre in templo nulla nobis cura est, quia
rebus hujuscemodi nihil opus habemus; sed eum
in spiritu & veritate colimus; si sic, inquam,
 locutus esset Isaias, nemo est, qui non
 indè colligendum putaret, neque ipsum,
 neque pios illius temporis homines Deo
 sacrificia in externo altari obtulisse. Cum
 itaque hujusmodi sit Amphilochii de
 imaginibus sermo, necessariò confiten-
 dum est, neque ipsum, neque ejus, quam
 regebat, Ecclesiæ Christianos, ullas san-
 ctorum imagines, vel consecrasse, vel
 coluisse. Sed allatus præterea fuerat à
 Patribus Constantinopolitanis alius qui-
 dam, valdè insignis locus, Theodoti An-
 cyrani episcopi, quem Cyrilli Alexan-
 drini temporibus vixisse constat, unaque
 cum ipso Concilio Ephesino primo, an-
 no Domini cccc xxxi. interfuisse. Is

Syn. 7. Act. 6.
paulo post supr.

autem locus sic habet: *Sanctorum vultus,*
non in imaginibus ex materialibus coloribus fa-
ctis, formandos accepimus; sed horum virtutes
per ea, quæ de illis in Scripturis indicantur,
quasi quasdam imagines imitari didicimus; &
ex hoc ad similem illis zelum erigimur. Hacten-
 us Theodotus; Quæ verò sequuntur,
 multo etiam sunt disertiora: *Nam dicant*

hi, qui tales erigunt formas, quali putas ex his perfruantur utilitate, vel in quam spiritalem contemplationem ducantur per harum commemorationem? Sed manifestum est, quod vana sit huiusmodi excogitatio, & diabolice argumentationis (circumventionis, deceptionis, versutia, μεθοδείας) inventio. Sed hæc postrema fortasse sunt Patrum Constantinopolitanorum, non autem ipsius Theodoti verba; quæ tamen ipsi Nicæni continenter legunt, & pro unius ejusdemque auctoris perpetuâ oratione habent; Solennem hic cantilenam vice responsionis occincentes; nimirum ab imaginum hostibus confictum, & Theodoto per summum scelus suppositum fuisse hoc testimonium. Sed supra satis demonstravimus, quàm sit iniqua hæc respondendi ratio, quàmque suspecta & ambigua sit eorum fides in totâ hac disputatione. Ibid.

CAPUT VI.

Alia duo testimonia contra imagines: Octavum Optati. Nonum Augustini.

SED superioribus duos hic præterea testes adjiciemus, & quidem ambos Latinos. Prior est Optatus, Africanus episcopus; Dicebatur illo tempore (inquit) Optat. l. 3. cont. Donat.
P 2
venturos

* Alii aptaren-
tur.

venturos esse (nimirum in Catholicorum gratiam) Paulum & Macarium, qui inter-
essent sacrificio, & cùm altaria solenniter ope-
rarentur*, proferrent illi imaginem, quam pri-
mo in altari ponerent; sic sacrificium offerretur.
Hoc cùm acciperent aures, perculsi sunt & ani-
mi; & uniuscujusque lingua in hæc verba com-
mota est, ut omnis, qui hæc audierat, diceret,
Qui inde gustat, de sacro gustat. Et recte di-
ctum erat, si talem famam talis veritas seque-
retur. At ubi ventum est à supra dictis, nihil
tale visum est, ex eo quod fuerat paulò ante
mentita fama. Nihil viderunt oculi Christia-
ni, quod horrerent. Nihil probavit aspectus ex
iis, quibus perturbatus erat auditus. Visa est
puritas, & ritu solito solennis consuetudo per-
specta est. Hæc Optatus; quibus ostendit
tam Catholicis, quàm Donatistis illa
tempestate ignotas fuisse in Ecclesiis ima-
gines, præsertim verò in altari (quod
numquam ferè hoc ornamento caret in
adversariorum templis) tùmque com-
munem hanc fuisse omnium Christiano-
rum sententiam, divinum cultum mixtis
imaginibus pollui, ac velut incestari,
quique ejusmodi sacrorum esset parti-
ceps, eum veluti quodam sacrilegio in-
quinari. Nisi sic senserunt Donatistæ,
quid est, quod tantopere percelluntur,
sparsâ illâ de Paulo & Macario famâ,
quasi

quasi ii essent in altari imaginem positure? Nisi idem quoque Optati & Catholicorum sensus fuit, quid ergo est, quod concedit, perculsos Donatistas rectè dicturos fuisse, *qui inde gustat, de sacro gustat*, si talem famam talis veritas sequuta esset? Superest Augustinus, qui diversis locis, partim jam libro superiore adductis, partim in sequentibus cùm se dabit occasio, adducendis, satis superque testatur apud sui temporis Christianos neque lege, neque consuetudine universali receptum fuisse, ut imagines in Ecclesiis vel coleantur, vel haberentur. Id ipsum luculentissimè docet altero in Psalmum cxiii tractatu. Multis enim in imagines & simulacra Paganorum invehctus, fusèque sugillatâ illius cultus vanitate, atque crassitie, illud etiam postremò cum Prophetâ annotat, *simulacra ista opera esse manuum hominum, qui venerantur, quod ipsi ex auro, argentoque fecerunt*; Tùm verò de Christianis loquens hæc subjicit: *Sed enim & nos pleraque instrumenta, & vasa ex hujusmodi materia vel metallo habemus in usum celebrandorum sacramentorum, quæ ipso ministerio consecrata sancta dicuntur, in ejus honorem, cui pro salute nostra inde servitur. Et sunt profecto etiam ista instrumenta, vel vasa, quid aliud, quàm opera manuum hominum?*

*Aug. in Psal.
113. conc. 2.
ultr. med.*

Verumtamen numquid os habent, & non loquentur? numquid oculos habent, & non videbunt? Numquid eis supplicamus, quia per ea supplicamus Deo? Illa causa est maxima impietatis insana, quòd plus valet in affectibus miserorum similis viventi forma, quæ sibi efficit supplicari, quàm quod eam manifestum est non esse viventem, ut debeat à vivente contemni. Plus enim valent simulacra ad curvandam infelicem animam, quod os habent, oculos habent, aures habent, nares habent, manus habent, pedes habent, quam ad corrigendam, quod non loquentur, non videbunt, non audient, non odorabunt, non contrectabunt, non ambulabunt. Hactenus Augustinus; concedens quidem instrumenta & vasa, quibus Christianorum Ecclesia in celebrandis sacramentis utebatur, ipsa etiam ut plurimum ex auro & argento fuisse; os verò vel oculos, quibus neque loquerentur, neque viderent, Ethnicarum imaginum instar habuisse pernegans. Itaque ex his duobus alterum constituendum est, vel tum in divino cultu nullas fuisse abhinitas à Christianis imagines, vel si fuerunt aliquæ, vivas & animatas fuisse, sensuque ac loquendi facultate præditas, omninoque alterius, quàm quæ nunc in usu sunt, naturæ atque ingenii; eoque nulla alia in Africanorum fidelium (apud quos versabatur

fabatur Augustinus) Ecclesiis, atque conventibus simulacra extitisse, præter ea de quibus multos ante annos memoraverat Clemens Alexandrinus, cùm diceret, unumquemque verè pium & Christianum hominem esse ἀγαλμα ἐν ἀρετῶν, ἀνακείμενον Θεῷ, *simulacrum virtute præditum, Deo dicatum.* Hoc verò Augustini testimonium, cùm ejus vim animadverteret, diluere conatus est Bellarminus. Ait ergo auctorem voluisse ostendere simulacra Gentilium continere homines in errore, non ratione materiæ, quia preciosa sint, sed ratione figuræ; quia figuram habeant nostræ similem; id autem Augustinum dupliciter ostendere; primò quia multi dorsum convertunt ad Solem, & interim supplicant simulacro Solis; *non quia Sol non sit longè nobilior, sed quia figura illa Solis globosa non tam facile persuadet Solem vivere, & sentire, quemadmodum figura simulacri, quæ est nostræ similis.* Secundò, quia Catholici etiam habent in locis sacris vasa etiam ex materiâ pretiosa, & tamen quia deest figura humana, ne Gentiles quidem putarent ea vasa vivere, & spirare. Sed hæc istius responsio, nihil aliud est, quàm inane ejus hominis effugium, cui quam videt, veritatem detrectare, atque amoliri animo propositum & obstinatum est. Augusti-

Clem. Stromat. l. 7.

Bell. de Im.c. 9. §. Ad illud se.

nus hoc in tractatu Paganorum stultitiam, atque stuporem belluinum exagitat, qui Deos nominare, proque Diis habere & colere aurea, argenteaque simulacra non verecundabantur, vitæ, animæque expertia; quæ ne pro veris quidem hominibus quisquam sanus habuerit, nedum ut Dii censeretur debeant. Hæc fusè persecutus, cùm ostendisset idola non infra homines solùm, sed etiam cùm sensu careant, infra ipsas bestias esse censenda, Paganorum ad hæc exceptionem adfert, causantium materiales istas effigies, tametsi externas sensuum functiones minimè exercerent, intus tamen occultam numinum vim continere, quæ simul consecratæ essent, cœlitus illapsa, in iis postea resideret. *Non hoc visibile* (inquirebat Paganus) *colo; sed numen, quod illic invisibiliter habitat.* Respondet Augustinus hanc quoque excusationem ipsis eripere Scripturam, quæ sæpe nos monet illa, quæ ab Ethnicis jactabantur numina dæmonia fuisse, non veros Deos. Tum alterum Paganorum effugium proponit, quo subtiliores uti consueverant; *Nec simulacrum* (inquirebant isti) *nec demonium colo; sed per effigiem corporalem, ejus rei signum intueor, quam colere debeo.* Isti ergo idola neque pro Diis, neque verò (ut crassum,

Aug. ubi supra.

Ibid.

& imperitum vulgus) pro Deorum locis, sedibus, aut receptaculis, sed pro nudis numinum signis, symbolis, atque monumentis habebant; ut aliud quidem simulacrum terram significaret, id nimirum cui *Telluris* nomen erat impositum; aliud verò mare, putà id, quod Neptunus appellabatur; Vulcanus ignem, Venus Luciferum, Solem aliud, aliud Lunam. Hi verò, si quis objiceret, ne sic quidem eos à corporum cultu, & adoratione liberari, cum negari non possit, quin corpora sint ea, quæ idolis suis significari dicebant ignem, terram, mare, solem, lunam, & cætera, sic inquam, urgenti respondere audebant (inquit Augustinus) non se ipsa corpora colere, sed quæ illis regendis præfident numina. Huic istorum responsioni opponit Augustinus illa Apostoli ad Romanos verba, *Qui transmutaverunt veritatem Dei in mendacium, & coluerunt & servierunt creaturæ, potius quam creatori, qui est benedictus Deus in sæcula.* Ac priore quidem hujus sententiæ parte damnari ait ab Apostolo Paganorum idola, sive simulacra; posteriore verò eam, quam simulacris imponebant, interpretationem; *Effigies enim (inquit) à fabro factas appellando nominibus earum rerum, quas fabricavit Deus, transmutant veritatem Dei in mendacium;*

Ibid.

cium; res autem ipsas pro Diis habendo, & venerando serviunt creatura potius, quam creatori, qui est benedictus in sæcula. Ad hæc falsam esse demonstrat illam Paganorum argutiam, quâ se non simulacrum, sed rem simulacro significatam colere profitebantur, cùm ipsa experientia satis testaretur istorum pietatem, atque religionem ad præsentes, sensibusque objectas imagines, non autem ad res imaginibus significatas ferri. *Quis autem adorat* (inquit) *vel orat intuens simulacrum, qui non sic afficitur, ut ab eo se exaudiri putet, ab eo sibi præstari, quod desiderat, speret?* Ad hoc autem probandum, id adfert, quod passim à Paganis fiebat, ut quam Solis dicebant, statuam precarentur, Soli ipsi interim tergum obvertentes, Neptuni item statuam gemitibus ferirent, cùm sonitu maris à tergo ferirentur. Quod quidem eos satis arguebat haudquaquam simulacra habuisse pro nudis, ac simplicibus rerum, quibus ea consecrata erant, signis (non enim si ista existimassent, in signis hæssissent, quoties res ipsæ præsentaderant) sed imaginatos esse in illis simulacris delituisse vim aliquam, quæ eorum preces, & vota audiret, diviniorum atque potentiorum, quàm sint ipsa Solis, & Maris, & similium rerum corpora.

Ibid.

pora. Atque hic quidem Augustinus sub-
jicit errorem illum Paganorum ex simu-
lacrorum formâ natum fuisse, dum facit,
& quodammodo (inquit) extorquet figura
illa membrorum, ut animus vivens in sensibus
corporis magis arbitretur sentire corpus, quod
suo corpori simillimum videt, quam rotundum
Solem, undasque diffusas, & quicquid non eis-
dem lineamentis formatum conspicit, quibus
illa formata sunt, quæ viventia videre consue-
vit. Tum, contra hunc (inquit) affectum,
quo humana & carnalis infirmitas facile capi
potest, cantat Scriptura Dei res valde notissi-
mas, & tamquam excitet mentes hominum in
consuetudine corporum dormientes, Simulacra
(inquit) argentum & aurum. Sed Deus fecit
aurum, & argentum. Opera (inquit) ma-
nuum hominum. Sed cùm Paganos hic re-
sponsuros videret, non eo damnari de-
bere idola, quod sint ex auro & argen-
to, hominum arte & manibus efficta,
cùm ipsi quoque Christiani plurima in-
strumenta & vasa ex hujusmodi materiâ
haberent, iisque in divino cultu uteren-
tur, huic instantiæ sic occurrit, ut conce-
dat quidem Christianos hujusmodi in-
strumenta in quibusdam religionis offi-
ciis adhibere, sed contendat tamen ma-
gnum esse inter vasa illa, & Paganorum
idola discrimen. Ac hominum quidem
opera

opera esse fatetur. Verum tamen (ait) numquid os habent, & non loquentur? Numquid oculos habent, & non videbunt? & cætera, quæ sunt à nobis superius descripta. Hæc omnino est totius Augustinianæ disputationis series. Jam verò si imaginibus, tum quoque plenæ fuerunt Christianorum Ecclesiæ, ubi erat Augustini animus, ubi frons & pudor, cum Paganis diceret *similem viventi formam impietatis insanæ maximam apud eos fuisse causam, illamque fuisse, quæ sibi effecerit supplicari*? Nonne intelligebat homo acutissimus, Paganis in promptu fuisse, quod responderent, quoque hoc in ipsos Christianos telum hoc modo retorquerent, Si hæc viventis similitudo insanæ nostræ causa est, cur vos igitur eam apud vestros retinendam putavistis? Cur non timetis ne illa humanæ formæ similitudo, quæ vestris Sanctorum imaginibus inest, plebis animos à vero abducat, cum intentis in eas oculis venerabunda de geniculis precatur, vel adorat? Cur non veremini, ne ea species similem ei, quem in nobis denotatis, atque reprehenditis, errorem apud vestros quoque pariat? eorumque mentes falsâ, & ut vos jactatis, insanâ divinitatis opinione, imbuat? Tum quale quæso, hoc est Augustini acumen, calices Ecclesiæ,

Ecclesiæ, ad quos hæc criminatio minimum pertinebat, purgare quidem, atque defendere accuratè; Sacras verò imagines, quas propriè petebat hoc telum quibus minabatur, atque incumbibat. planè omittere? Quis enim è Paganis est tam hebes, tamque plumbeus, qui si à Romanæ communionis homine sua numinum simulacra reprehendi, ac derideri videat, non Sanctorum imagines, sed calices & candelabra adversario ad retundendam criminationem objiciat? Quis verò est Romanarum partium doctor, qui in hæc agendâ causâ refellendam calicum & candelabrorum exceptionem putet? ac non potiùs diluendam eam objectionem, quæ à sacris suorum imaginibus peti potest? Augustinus verò plane contrà; Solam illam de Ecclesiæ calicibus, atque candelabris, aliisque hujus generis instrumentis exceptionem depellit; de hac una sollicitus est. Itaque horum alterum confitendum est, aut cum ita disputaret delirasse Augustinum, aut certè Paganos, qui erant illis temporibus, nihil Christianis de hoc simulacrorum negotio objiciendum habuisse, proindeque nullas tum adhuc in Ecclesiâ cultas fuisse imagines. Bellarminus hunc nodum, ut solvat, respondet *Augustinum*

*Bellarminus ubi suprà
§. Dices.*

non

non dicere imagines humanæ formæ putari vivere; sed si putentur, putari propter formam, non propter materiam. Mirum profecto acumen, quo omnis Augustini ratio in nihilum resolvitur. Sic enim nihil aliud dixerit, nisi formæ humanæ similitudinem, quòd imagines vivant iis demùm persuadere, qui eas vivere credunt; qui verò non credunt, neque iis quicquam hujusmodi persuadere. Atqui mens Augustini clara est, quamquam simulacrorum materiam vitâ & sensu carere manifestum sit, illam tamen, quæ in iis cernitur, viventis ac humanæ formæ similitudinem crassiorum animis imponere, quasi vitalis aliqua vis, ac virtus intus abstrusa lateat. Intelligit ergo in hanc opinionem induci, non qui eam animis jam præceperunt (id enim dici sine summâ absurditate non potest) sed qui cùm antea in hujusmodi errore minimè versarentur, eo paulatim falsâ specie decepti prolabuntur: quod evidentissimè significat, quod ait eam opinionem à miseris Paganis extorquere *figuram illam membrorum*, quam nimirum in simulacris vident. Id ipsum jam alibi monuerat Augustinus; *Idola quidem* (inquit) *omni sensu carere, quis dubitet? Veruntamen cum his locantur sedibus honorabili sublimitate, ut à precantibus,*

cantibus, atque immolantibus attendantur, ipsa similitudine animatorum membrorum atque sensuum, quamvis insensata, atque exanimata, afficiunt infirmos animos, ut vivere ac spirare videantur; accedente præsertim veneratione multitudinis, qua tantus eis cultus Dei impenditur. Sane contra quos disputat Augustinus, ii simulacra existimabant non Deos esse, vel deorum sedes, ac receptacula, (ut falsò arbitrantur adversarii) sed rerum, quas ipsi colebant, signa, ac monumenta, (cui opinioni planè similis Romanorum hodie est de suis sanctorum imaginibus sententia.) Itaque si, quod hi nunc sentiunt, idem olim sensisset Augustinus, palam est eam, quam sequitur, disputandi rationem, numquam eum contra Paganorum simulacra adhibiturum fuisse. Sed quicquid de Augustini consilio fingatur, constat certè ejus verbis ab Ecclesiâ, quæ tùm florebat, excludi varias imagines, atque effigies, quæ nunc apud Romanæ communionis homines in usu sunt. Sunt enim hæc disertissima ejus verba, aurea & argentea instrumenta, & vasa, quibus tùm Christiani in celebrandis sacramentis utebantur, opera quidem fuisse manuum hominum, sed neque os sine loquendi facultate, neque oculos sine visu habuisse.

Atqui

Atqui plurima sunt Romani hodie cultûs instrumenta, de quibus hoc dici, nequit, cùm in plerisque hujus generis Christi crucifixi, aut sanctorum formæ insculptæ videantur, quæ cùm os, aures, & oculos habeant, tamen neque loquuntur, neque audiunt, neque vident. Huc accedit, quod cum aureæ, argenteæ, ligneæ Christi effigies, aliæque complures in plerisque religiosi cultus partibus ab iis adhibeantur, neque fere apud eos ullum fiat sine aliquâ imagine sacrum, non video quî possint ejusmodi imagines ex eorum instrumentorum censu expungi, quæ Augustinus haberi ait *in usum celebrandorum sacramentorum*. Itaque cùm hujus generis instrumenta omnia disertissimè neget os, & oculos sine sermone & visu habuisse, hinc necessariò efficitur hodiernarum imaginum, quæ sine ullâ loquendi, & videndi facultate os tamen & oculos habent, nullum omnino tùm apud Christianos fuisse in religione usum.

His veterum de hac causâ testimoniis possem alia non pauca, si liberet, adjungere. Sed ea satis habebo in reliquis hujus operis partibus obiter, ut sese dabit occasio attingere. Nunc enim non videtur diutiùs in ea re comprobandâ immoran-

morandum, quæ adeò clara est, ut ex
 ipsis adversariis nonnullos hic consen-
 tientes habeamus. Nam præter Francis-
 cum Zephyrum, quem suprà ad Tertul-
 liani Apologeticum ingenuè fatentem
 audivimus prisca temporis Christianos
 nullas Sanctorum imagines in Ecclesiis
 habuisse, Lilius Giraldu idem quoque
 confitetur initio Syntagmatis de Diis
 Gentium, quo loco de Romanæ Ecclesiæ
 in imaginum negotio intemperantia non
 obscure conquestus, præfatusque *satiùs esse*
ea Harpocrati & Ageronæ consignare. Illud cer-
te (inquit) non pratermittam nos, dico Chri-
stianos, ut aliquando Romanos, fuisse sine ima-
ginibus in primitiva, qua vocatur, Ecclesia.
 Non dissentit Erasmus, *Vsque ad ætatem*
Hieronymi erant (inquit) probatæ religionis
viri qui in templis nullam ferebant imaginem
nec pictam, nec sculptam, nec textam, ac ne
Christi quidem. Ibidem etiam habet hæc
 verba, *Vt imagines sint in templis nulla præce-*
pit vel humana constitutio; & ut facilius est,
ita tutiùs quoque omnes imagines è templis sub-
movere. Cassander verò causam hanc to-
 tam in Consultatione fusè exsequitur, &
 quæ à nobis allata sunt, pleraque memo-
 rat, neque aliter quàm nos colligit; Cer-
 tum est (inquit) initio prædicati Evangelii ali-
 quanto tempore inter Christianos, præsertim in

*Lil. Gyr. Syn-
 tag. de D. G. l.
 1. p. 20.*

*Erasm. in
 Catech.*

*Cassand. Conf.
 tit. de Imag.
 p. 474.*

Ecclesiis, imaginum usum non fuisse, ut ex Clemente & Arnobio patet; tandem picturas in Ecclesiam admissas, aut rerum gestarum historiam exprimentes, aut sanctorum virorum veras effigies referentes. Illa enim sola imagines dicenda sunt, quæ speciem archetypi, quam proximè fieri potest, representant. Mox ab imaginibus picturas symbolicas, & meritò quidem, distinguit; hasque ait priùs in usu fuisse, quam illas (quod etiam, ut id obiter dicam, factum est ab eruditissimo Masio Commentario in Josuam.) Tùm ex Gregorii scriptis observat, tamen si jam tum superstitionis in cultu Sanctorum non parum invaluisse, tamen picturas tantum in Ecclesiis admissas fuisse, non item statuas, vel simulacra. Affert supra à nobis memorata Augustini, & Optati testimonia; & ex hujus narratione concludit, quàm abominandum duxerint Christiani si in altari simulacrum, vel imago poneretur; Idemque ex iis probat, quæ sunt ab Epiphanio scripta, tum adversus Collyridianos, tum ad Joannem Hierosolymitanum; nec non ex variis Origenis, Arnobii, Lactantii, Clementis Alexandrini locis. Tandem vero (inquit) quando exoleto propemodum Paganismo, & Christianismo aucto, periculum illud adorationis, & cultus imaginum minus timeretur, animis Christianorum

*Mas. in Jos.
c. 8.
Cass. Conf. p.
475.*

ibid. p. 476.

stianorum in sincero Dei cultu satis institutis, & confirmatis, picturae in templis receptae sunt; idq; jam tum atate Ambrosii, Paulini, Gregorii Nyseni, Prudentii receptum fuisse ex eorum scriptis constat. Tum ex Gregorio Magno allatis, *Ibid. 977. init.* quæ infra suo loco recitabimus, locis docet ideo habitas fuisse illas picturas, non ut colerentur, & adorarentur, sed ut imperiti picturis inspiciendis, haud aliter ac litteris legendis rerum gestarum admonerentur, & ad pietatem incitarentur. Mox longa Ecclesiæ Græcæ certamina memorat, utque gliscenti errori generosè obstiterint Galliarum nostrarum Episcopi: quam in rem adducit Francofordiensem Synodum, Caroli Magni, & Jonæ Aurelianensis libros, & aliquot Valafridi Strabonis, Durandi Mimatensis, & Nicetæ loca. Deplorat, quod sequentibus sæculis imaginum, & si *p. 978. extr.* mulacrorum cultus nimium invaluerit, & affectioni seu potius superstitioni populi plus satis indultum sit, ita ut ad summam adorationem, quæ vel à Paganis suis simulacris exhiberi consuevit, & ad extremam vanitatem, quam Ethnici in suis simulacris & imaginibus effingendis, & exornandis admiserunt, nil (inquit) à nostris reliqui factum esse videatur. Itaque subjicit & prudentes in Ecclesia Ca- *p. 979. init.* tholica viros jam olim modum aliquem huic rei

ponendum, & superstitioni occurrendum censuisse; quo loco memorabile est, quod refert ex Gabriele Biele, celeberrimo scholæ Romanæ Theologo, quosdam dicere, quod imago, neque ut consideratur in se, secundum quod lignum est, lapis, aut metallum, neque ut consideratur secundum rationem signi & imaginis, adoranda est. Ex illis (inquit Gabriel) patet quorundam hominum stolidus error, qui adeo ad imagines afficiuntur, ut in ipsis credant esse aliquid numinis, gratiæ, vel sanctitatis, quibus potentes sint facere miracula, præstare sanitates, ex hoc assurgentes ad earum venerationem, ut præmissorum aliquid consequantur, His ex Gabriele descriptis pergit Cassander, optat ut hæc ab Episcopis & Ecclesiarum rectoribus diligenter attendantur; eorumque concionibus, & admonitionibus populus ab illis erroribus avocetur; utque ipsi etiam Principes communem ad hoc negotium præstent operam. Trinitatis verò, quæ dicuntur imagines, eas disertè exagitat, ac postremò concludit, consultum videri si res eò adduci possit, ut ad illam moderationem redeatur, quam ex sententiâ Gregorii majores nostri diu in Germaniâ & Galliâ tenuerunt, hoc est ut imagines ut rerum gestarum monumenta, non cultus instrumenta habeantur.

p. 279.

Ibid. p. 280.

Ibid.



LIBER TERTIVS.

CAPVT I.

Prima objectio aduersariorum, ex iis calicibus ducta, quos pictos fuisse memorat Tertullianus.

ATque ita satis, ni fallor, demonstratum est quatuor proximis à Christo nato sæculis, neque traditione Apostolicâ, neque ullâ universali lege constitutam fuisse in Ecclesiâ Catholicâ imaginum, ut vocant, sacrarum venerationem. Quos enim in hac causa testes libro superiori audiuimus post annum æræ Christianæ trecentesium omnes vixerunt, si unum modò Origenem exceperis; Eliberitani quidem Patres in ultimo Occidente; Eusebius verò, Epiphanius, & Amphilo-chius in Oriente; Chrysostomus & Theodotus in Septentrionali Ecclesiæ plagâ; Optatus denique & Augustinus in Australi. Jam verò videamus, quid rei tam manifestæ, tamque exploratæ objiciant tum veteres, tum recentiores imaginum patroni. Principio Tertulliani locum supra jam à nobis obiter perstrictum affe-

runt ex opere de Pudicitia. Eo libro scriptor longè præstantissimus, sed jam Montani deliriis addictus in quorundam sui temporis Catholicorum lenitatem, atque indulgentiam stilum stringit, quòd illi fornicatores ad pœnitentiam, ac inde ad communionem admitterent, non nihil mitigato pristinae disciplinæ rigore hos peccatores æquè ac homicidas, & idololatrias communionis spe excludentis. Itaque dùm in eâ disputatione versatur, sibi ipsi adversariorum nomine objicit Evangelicam parabolam, in quâ ovis, quæ à grege deerraverat summo à Pastore studio quæsitâ, ac in ovile reducta videtur eorum sententiæ favere, qui peccatorem peractâ pœnitentiâ in fidelium communionem iterum recipiendum censebant. Ad hæc respondet Tertullianus, ovem deerrantem Symbolum esse, non hominis Christiani ex aliquo scelere, aut flagitio resipiscentis, sed Ethnici cum primùm ab infidelitate ad Evangelium conversi. Tum, *Procedant* (inquit) *ipsæ picturæ calicum vestrorum, si vel in illis perlucebit interpretatio pecudis illius, utrumne Christiano, an Ethnico peccatori continiet. Ac* rursus in eandem sententiam tertio abhinc capite, *Si forte, inquit, patrocinabitur Pastor, quem in calice depingitis, prostituto-*

Tertul. de Pud.
c. 7.

ib. c. 10.

rem & ipsum Christiani sacramenti. Ex his duobus locis concludunt adversarii ipsi Tertulliani temporibus, hoc est anno æræ Christianæ ducentesimo, jam solitos Christianos Dominum Jesum Pastoris formâ pingere, & quidem in sacris calicibus, quorum in administrandâ eucharistiâ usus erat. Nolo hic in dubium vocare, quod isti pro certo, atque indubitato ponunt eos, de quibus loquitur Tertullianus, Ecclesiæ sacros calices fuisse, quibus dominici sanguinis sacramentum fidelibus distribuebatur, neque contendere communes fuisse, quorum in mensis domesticis usus fuerit apud Christianos; quamquam neque desint, qui sic sentiant, viri unde quaque doctissimi, neque verò mirum videri debeat, quod Christianorum vulgus hujusmodi emblematis domestica vasa exornaverit, cum Hieronymus ducentis post Tertullianum annis scribat *in cucurbitis vasculorum* (quas vulgò *saucomarias* vocabant) *solitas Apostolorum imagines adumbrari.* Sacros sanè calices intellexerit Tertullianus. Quid hoc contra eam, quam agimus, causam? An ex eo, quod illi, cum quibus disputat, Catholici Euangelicam boni Pastoris parabolam in calicibus vitreis depinxerunt, efficitur, ab illis quoque, vel in

Bell. l. de Imag. c. 9 §. Secundo. du Perron discours de la Conf. de Font. f. 185.

Dan. Chamier. Panstr. Tom. 2. l. 22. c. 7. §. 12. Hieron. in Ion. c. 4.

boni Pastoris parabolam in calicibus vitreis depinxerunt, efficitur, ab illis quoque, vel in Ecclesiis consecratas Christi, & Sanctorum imagines? vel (qui propriè est præsentis controversiæ cardo) adoratas, & aliquo in religione cultu honoratas? Si ipsum picturæ argumentum consideres, emblemata fuit ex Scripturæ parabolis ductum, Christi ministrorum officium mysticè adumbrans, quod oculis primò ac immediatè exhibebat, non Christi, vel Sancti alicujus vultum, sed pastoris formam, atque habitum pecudem in humeris portantis; quò fidelis eo spectaculo commotus animo altius aliquid philosopharetur, & in factò (quod in vitâ communi obvium est) non oculorum, sed mentis acie contemplaretur, primùm quidem mystici illius Pastoris bonitatem, quem in terras cœlitus descendisse scimus, ut nos spiritali errore liberatos in cœlestem caulam cogeret; tùm etiam ministrorum ejus officium, qui magistri exemplo Christianos aberrantes suscipere, atque in allegoricum ovile, id est in Ecclesiam, reducere debent. Quid hujusmodi emblematis cum iis simulacris commune est, quæ publicè religioso ritu colenda in Ecclesiis dedicantur? Hæc quidem eos immediatè referre

referre creduntur , qui putantur hac ratione colendi ; Illa verò res communes, & terrenas, neque ullo modo adorandas primò , ac per se sensibus exhibent, ut animum spiritali aliquo documento, quod ex iis duci potest , utiliter exercent. Itaque non ob aliam causam effinguntur, quàm vel ad homines cum aliqua delectatione docendos , vel ad loca, in quibus collocantur , exornanda; cùm illæ alterius generis imagines eò maxime & pingantur, & dedificentur, ut colantur. Emblemata oculorum modo aciem , & mentis attentionem deponunt; simulacra etiam religiosum cultum flagitant. Quamobrem vel qui hæc abominantur Protestantes, ut placet adversariis , iconomachi , illa tamen minimè respuunt, ut constat ex mysticis, symbolicisque picturis, quæ passim apud eos in usu sunt; quale est verbi gratiâ illud religionis emblemata , quæ cruci innitens mortem proculcat, & hoc ipsum Tertullianicum pastoris ovem in humeris portantis , & illud aliud duarum portarum, quarum altera angustior , altera latior est ; multæque aliæ hujuscemodi icones, quas illi sacræ communionis tesseris insculpere , quibus item Bibliorum , Psalmorum, cæterorumque hujus generis li-

brorum limen exornare solent. Siquis inde concluderet etiam Sanctorum simulacra publicè in istorum Ecclesiis dedicari, consecrari, atque analogico cultu adorari; isne, obsecro, bellè argumentatus fuerit? Sed neque illius emblematis, quod est à Tertulliano commemoratum, forma, atque situs adversariorum instituto minus repugnat, quàm argumentum. Non enim in tabulâ depictum fuit, neque certo Ecclesiæ loco fixum, atque consecratum, sed in Ecclesiastici calicis vitro effictum, ad vasis, ut apparet, ornatum, non ad populi religionem, ac cultum. Illam verò imaginem non vasi adjectura erat Ecclesia (cujus suus jam erat usus, & quidem ab imaginis veneratione longè discrepans) sed seorsim effictura, atque exhibitura, siquidem id ejus consilium fuisset, ut hæc à fidelibus pictura coleretur. In fenestris, ac poculis vitreis multa passim vera, falsa, sacra, profana, pingunt hujus generis artifices; neque quisquam est, qui hæc ab iis, qui utuntur, coli suspicetur, aut eo animo haberi, ut colantur, cum clarum sit, & cuius obivium ista non alio consilio, quàm ad ornatum fuisse addita. Neque, si in adversariorum Ecclesiis nullæ nisi in fenestrarum, & poculorum vitro essent imagines, quem-

quemquam futurum puto, qui eas veneraretur, cum nemo non intelligat hujus generis picturas ad fenestrarum, & poculorum elegantiam, non ad hominum religionem, atque cultum esse institutas. Neque eas sanè, quæ sunt hujus generis, id est quæ non seorsim, ac per se fiunt, sed ut appendices tantum, atque ornamenta aliarum rerum, vel ipsi Protestantes spernunt; qui quamquam imaginum in religione usum repudient, templorum tamen valvas, & Ecclesiarum cathedras, sacraque subsellia talibus elegantissimis, artisque operibus exornare nefas non putant; qui & in primis pagellis biblicorum codicum, quos sanctissimos habent, ut plurimum solent hujusmodi icones pingere; unde nemo sanus colliget, Sanctorum imagines apud eos in eodem usu, pretio, atque honore esse, quo sunt apud Romanæ communionis homines. Lorinus Jesuita, ubi disputat, quo sensu vetitæ sint in lege imagines, hanc quoque earum distinctionem adhibet, probabiliorem sententiam judicans *ne-* *Lor. in A. A. c. 17. 29.*
gentium Iudæis in lege veteri usum omnium imaginum, quæ per se fierent, & non ut appendices tantum, ornamenta rerum aliarum, licitum fuisse. Ut igitur ex hujus Theologi hypothese perperam ratiocinaretur, qui
 Sanctorum

Sanctorum imagines in usu, ac veneratione fuisse, ex eo efficere contendunt, quod in calicis vitro depictam ab iis parabolam, apud Tertullianum legunt. Hic certe ejus locus minimè prohibuit, quominus existimaverit Franciscus Zephyrus nulla in Christianorum Ecclesiis istis temporibus fuisse Sanctorum simulacra. Neque hinc potest verè & legitimè quicquam aliud colligi, nisi fuisse tum aliquos Christianos, qui putaverint non esse nefas parabolas, & mystica emblemata coloribus pingere; quæ conclusio nemo non videt, quàm longè ab iis absit, quæ adversarii probanda susceperunt. Neque enim inde consequitur Christianos illorum temporum, vel imaginibus cultum analogicum tribuisse ullum, vel etiam simulacra in Ecclesiis habuisse seorsim efficta, & dedicata; imò ne illud quidem hinc apparet communem omnium Christianorum fuisse istorum sententiam, qui fas esse putarunt parabolas pingere, contraque est, quod suprà demonstravimus, tam ipsum Tertullianum, quàm Clementem, & Origenem pingendi artificium, tamquam omnino illicitum damnasse. Postremò neque hic efficitur ab initio in Ecclesiâ fuisse illum parabolas, sive mystica emblemata pingendi usum.

Vero

Verò proprius videtur illam pastoris pecudem in humeris portantis imaginem in eam Ecclesiam, quam exagitat Tertullianus, tum primum ex occasione inductam fuisse. Cum enim decretum de admittendis ad pœnitentiam, & communionem fornicatoribus fecisset, sacrum illud emblemata fidelium oculis tum demum objectum fuisse probabile est quod rei præsentis apprimè congrueret, & eam, quâ in peccatores uti placuerat, indulgentiam, non tantum repræsenteret, sed ipsius etiam Domini autoritate firmaret, atque constitueret. Hic verò unicus est locus, quem nobis in hac causa adversarii opponunt ex tribus Christo proximis, id est purissimis atque sanctissimis Ecclesiæ sæculis; neque quicquam aliud in tam multis, quæ supersunt, Iustini, Irenæi, Clementis, Origenis, Tertulliani, Cypriani, & cæterorum monumentis invenerunt, quod ad suarum imaginum defensionem vel flecti, vel etiam trahi, & detorqueri posse putarent.

CAPVT II.

Secunda objectio, ex duobus Eusebii Casariensis locis petita.

QVem primum ex seculis temporibus adducunt, is Eusebius est, Cæsareæ, ut suprâ diximus, in Palæstinâ episcopus, quem constat universali Concilio Nicææ interfuisse, anno æræ Christianæ cccxxv. Ego verò mirari satis non possum, quod eum testimonium sibi dicere jubeant, quem à suis septimæ, ut numerant, Synodi Patribus tam malè exceptum, tamque invidiosè exhibitum sciunt, quasi Iconomachis palam faventem, & in eâ, quam supra memoravimus, ad Constantiam epistolâ exsertè negantem fas esse ulli mortalium humanam Christi formam effingere. Eusebii tamen locum adferunt adversarii, quo dum posita à Constantino quædam simulacra describit, *Videas etiam adhuc licet* (inquit) *apud fontes in medio foro positos Pastoris præclari symbola, illis, qui sacris litteris eruditi sunt, satis cognita. Danielem quoque cum leonibus in are incisum, auriq;ue laminis splendentem.* Sed palam est iis verbis minimè effici, vel ut illa tùm fuerint in Christianorum Ecclesiis simulacra, vel ut fas sit Christi Domini formam effingere; quod cum

*Euseb. de vita
Const. l. 3. c. 48.
edit. Christop.*

cum ipsius Eusebii sententiâ pugnat totâ
 (ut ajunt) diametro. Hic enim locus,
 non Christi memorat imaginem, sed *boni* Christoph. ib.
 vrg. cap. *Pastoris symbola*, hoc est, vel crucis signum,
 ut interpretatur Christophorus, vel
 Evangelicum pastoris ovem portantis
 emblemata, ut verisimilius putat Chamie-
 rus noster. Id solum ex Eusebii narratione Cham. Tanst.
 T. 2. l. 22. c. 7.
 §. 15. concludi potest Constantinum Augu-
 stum in eâ fuisse sententiâ, ut non puta-
 ret nefas, vel crucem, & Euangelii para-
 bolas & veteris Testamenti historias ex-
 ære, & aliis metallis effingere, vel hujus-
 modi signa & effigies in foro collocare;
 quâ in re ne nostrorum quidem homi-
 num, quamquam acerrimorum (ut cre-
 ditur) iconomachorum, ullum, quod
 sciam, repugnantem, aut dissentientem
 habiturus est. Fateor Bellarminum aliud
 quiddam longè majus ex Eusebio moliri.
 Ait enim eum libro 3. & 4. de vita Constan-
 tini dicere in templis à Constantino exstructis
 in Palestina fuisse maximam copiam imaginum
 aurearum, & argentearum. Hæc quidem
 Bellarminus, quorum nihil usquam apud
 Eusebium extat; Neque mihi cogitanti,
 quid istum in tam fœdum errorem indu-
 cere potuerit, aliud occurrit, quàm Joan-
 nis cujusdam Portesii in Latinâ horum
 librorum versione flagitium. Is enim in
 ejus

*Bell. de Imag.
 c. 9. §. Soz. ome-
 nus.*

ejus templi descriptione, quod Hierosolymis à Constantino ædificatum est, Eusebium sic facit loqui; *Sed huc accessit aurearum imaginum, argentearumque vis infinita*; cùm Græci Eusebii codices ita habeant, ἐκόςμη δὲ αὐτὸν ἀδινηγήτοις κάλλεσι πλείων ὅσων ἀναθημάτων χρυσῆ ἔδρυρα ἔλιδων πολυτελῶν ἐν Δρακοντίσσαις ὕλαις, hoc est, interprete Christophorsono, *ilud (templum) insignibus, quæ oratione explicari nequeunt, & monumentis auri, argenti, & lapidum preciosorum materie distinctis, & quasi depictis, quæ erant numero ferè infinita, adornavit. Atque ita Portesii scelere, atque audaciâ singulari Constantini donaria in imagines mutata sunt*; perinde ac si quis interpres, quod apud Lucam de templo Hierosolymitano legimus, λίθοις καλοῖς ἢ ἀναθήμασι κεκόσμη) ita Latine redderet, *lapidibus pulcris, & imaginibus ornatum erat. An Portesii peccatum Belarmino fraudi fuerit, nescio. Hoc scio, ut ille infidelitatis damnetur, non hunc ideo erroris, lætaque ignorantia absolvi. Siquis nostrorum simile aliquid admisisset, nemo est istorum, qui non paratragædiaret; qui non hominem, tamquam immanis perfidia, ac non ferenda impietatis reum, ad supplicium deponeret. Sed ut redeam ad institutam*
dispu-

Euseb. à Ioan.
Portesio Lat.
versus l. 3. de
vit. Const. p.
681. edit. Ba-
sil. a. 1559.

Christ. in Euf.
l. 3. de V. CN. c.
39. de multi-
tudine dona-
riorum.

Luc. 21. 5.

disputationem, ex Eusebio quoque adducunt quæ sunt ab eo in historiarum libris prodita de statuâ quadam Christo, ut ferebant, consecratâ. Facta enim Paneadis mentione, quam urbem divini libri Cæsaream Philippi vocant, Sed quoniam (inquit) in hujus civitatis mentionem incidi, opera pretium arbitror historiam hoc loco citare, quæ digna planè videtur, quam memoria ad posteritatem commendemus. Mulierem illam sanguinis profluvio afflictatam, quam sanctorum Evangeliorum testimonio à Servatore nostro morbi remedium invenisse cognovimus, ex eâ civitate oriundam, illiusque domum ibi ostendi, & admirabilia quædam Servatoris in eam beneficii monimenta, & quasi trophæa ad hoc tempus durare memorant. Pro foribus enim domus illius aneam mulieris effigiem genibus flexis, & manibus instar supplicantis in anteriorem partem extensis, super editum lapidem collocatam; huic è regione, viri erectam imaginem ex eadem materia conflatam, & vestitu ad talos demisso decenter ornatam, & manum mulieri porrigentem. ad cujus pedes in ipsa basi peregrinam quamdam, & inusitatam herbe speciem enasci; quam quidem, ubi ad aenei vestitus fimbriam excreverit, morbis cujusque generis medicandi vim, & facultatem habere. Hanc statuam, effigiem Iesu exprimere dicunt; quam ad nostram usque ætatem manentem, ipsi

*Euseb. l. 7. Hist.
Eccl. e. 18. edit.
Græc. quod est
14. in ed. Lat.
Christoph.*

ad eam civitatem profecti, oculis cernebamur. Nec planè mirum eos, qui è gentibus prognati, à Servatore, dùm inter homines vivebat, beneficiis affecti fuissent, ista effecisse, cum & nos Petri, & Pauli Apostolorum, & Christi etiam ipsius imagines in picturis colorum varietate expressas, conservatasque aspexerimus; idque propterea, sicut verisimile est, quod majores nostri ad gentilis consuetudinis similitudinem quam proxime * accedentes, eos qui tamquam servatores illis fuissent, id est qui illis aliquid salutis, & subsidii attulissent, apud se honore ad hunc modum afficere consueverant. Atque hic quidem est decantatissimus Eusebii locus, ab omnibus tum priscis, tum recentioribus imaginum patronis, & sæpe & studiosè in hac disputatione allatus. Carolus verò Magnus, jam ante annos DCCCXL. fusè exposuit, quàm nihil istorum causam hæc narratio juvet; cujus responsionem ex ipsius libro de imaginibus quarto descriptam hic totam subjicere operæ pretium putavi. Recitatâ enim hujus statuæ historia, In quo quidem facto, inquit, si tamen factum esse credatur, nulla imaginum adoratio commendatur. Si ergo illa mulier foeminei sexus facilitate, & quadam animi levitate percepto sanitatis beneficio, utpote Domini semper præsentiam querens, eumque ubique esse posse ignorans, imaginem erexit, quis tam vacors percep-

ptis

* ἀπερχο-
λάκτως. αἱ,
ἀπερχο-
λάκτως,
inconsideratè.

Carol. M. l. 4.
de imag. c. 15.

ptis sacrae fidei charismatibus, eumque ubique
esse non nesciens, ut ejus habere queat praesentiam
idcirco imaginem eriget, eamque adorabit? Et
si illa, mundo necdum ab idolorum cultibus libe-
rato, visis mortuorum quorundam hominum
in urbibus statuis ob quarundam rerum memo-
riam, sive cultum erectis, similiter pro ut valuit
agere studuit; quis sanae mentis ejus actibus as-
sensum praebeat, & Dominum non in manu fa-
ctis, sed in caelo, vel potius ubiq^{ue} esse credens, talia
agere curabit? Aut si forte illa superstitioso ritu
habuit zelum Dei, sed non secundum scientiam;
quis Catholicus in fide roboratus ex ejus actibus
in hac parte exempla sumet, hisque similia fa-
ciet? Aut si forte illa rudimento conversionis
suae, quae necdum solido cibo vesci poterat, ideo
tenero cibo utebatur, ut ad percipiendum cibum
paulatim sumptis viribus cresceret, scilicet ut
per rem visibilem, & tractabilem ad invisibilis
& ineffabilis Dei cultum accederet; quis ejus in
hoc facto imitator effectus, spretâ solidi cibi for-
titudine, ad infantiae denuò cibos cupiat esse reda-
ctus? In miraculo igitur, quod in herba fit, si ta-
men factum fuisse credatur, quae, ut ille fassus est,
cunctis agritudinibus medetur, haudquaquam
poterit illorū assertio quodammodo fulciri; quo-
niam non ut herba, aut imagines adorentur, id
factū fuisse perhibetur, sed ut infidelium mentes
spretis vanitatibus idolorum ad verae fidei rudi-
menta converterentur, quoniam secundum Apo-

*stolum signa non pro fidelibus, sed pro infidelibus data fuisse creduntur. Ecclesia namque Catholica, ut ad fidem cresceret, miraculis erat nutrienda, & ut ejus novella plantatio convalesceret, assiduis erat irrigationibus fovenda. Haëtenus Carolus, quo loco causam hanc cum Galliae & Germaniae Ecclesiis tuetur, quemadmodum postea demonstrabitur. Sed hujus responsionis, non modò venerabilis est auctoritas, sed perspicua etiam ratio, atque æquitas. Primùm enim quod facti hujus fidem admodum esse dubiam innuit Carolus, dum bis ait, *si tamen factum esse creditur*, id manifestũ fiet, si omneis totius rei circumstantias accuratè expendere. Mitto Matthæi, Marci, & Lucæ silentium, qui cum mulieris curationẽ in Evangeliiis narrantes tam illustre ejus in Dominum gratitudinis monumentum nequaquam prætermittere debuisse videantur, nihil tamẽ hujusmodi memorant. Mitto itidem cæterorum Ecclesiæ scriptorũ Eusebio vetustiorum silentium, Iustini, Irenæi, Tertulliani, Clementis Alexandrini, Origenis, aliorum, qui cùm in Apologeticis, aliisque libris omnia documenta miraculorum, quæ à Domino facta ab Euangelistis narrantur, studiosissimè consèctari, & colligere soleant, hujus mentionem nullam fecerunt, quod ta-*

men

Matth. 9. 20.

Marc. 5. 25.

Luc. 8. 48.

men hujusmodi est, ut & refellendæ infidelium perviciaciæ unum sufficeret, & Christianis omnibus cognitissimum esse deberet, præsertim verò Iustino in Palæstinâ nato, atque educato, itemque Origeni tam multos annos Tyri in Pæneadis propemodum viciniâ versato. Duo verò sunt, quæ prætermittere nequeo, quæque totam hujus, ut mihi quidem videtur, facti fidem, vel penitus convellunt, vel certè vehementer suspectam reddunt. Vnum est, quod Lucas & Marcus mulierem illam, antequam ea à Christo sanaretur, omneis facultates in medicos erogasse, atque consumpsisse, disertè testantur, quam tamen duo ex ære simulacra ante ædes posuisse facit supra memorata narratio. Atqui id fieri non potuit sine magnis sumptibus, quibus hominum, etiam locupletum, facultates vix pares esse possint. Alterum est, quod ænea illa simulacra trecentos annos Pæneade in publico integra, atque inviolata mansisse finguntur; neque tam longo tempore vel Christianis, vel eorum hostibus, atque persecutoribus in mentem venisse, illis ut subducerent, & in tuto collocarent, his ut everterent, atque delerent tam illustria ejus veritatis monumenta, quam summo conatu, & vi qua-

dam incredibili alii defensabant, alii oppugnabant. Paganos quidem constat ex variis veterum libris, sacros Scripturarum codices, Ecclesiasticos calices, aliaque hujusmodi Christianæ religionis sive monumenta, sive instrumenta, etiam in privatorum hominum ædibus per tria illa sæcula studiosissimè conquirere, & quæcumque nancisci poterant, inflammare, atque abolere solitos, ne veritatis Ecclesiasticæ ullum vel tenuissimum extaret vestigium. Quis istos credat in tanto odio,, tantâque amentîâ, pulcherrimum illud æs Paneade, si extitisset, incolume relicturos fuisse, passurosque, ut palam, & in publico ejus Iesû miracula clarâ veluti voce testaretur, atque prædicaret, quem ne in abditarum quidem cryptarum angulis, ac latebris consistere, aut nominari ferebant? Quis item credat Christianos homines, acerrimos tum Euangelii, tum omnium, quæ eò pertinebant, defensores, ac vindices, duo tam præclara, tamque pretiosa monumenta tamdiu inimicorum furori, atque ludibrio temerè expolita neglecturos? Neque nobis hoc loco objicienda est Eusebii auctoritas. Ille enim quicquid est hujusce narrationis, non aliunde se, quàm ex solâ vulgi famâ accepisse fatetur, cujus

quàm

quàm infirma sit, quàmque dubia & incerta fides, nemo non intelligit. Nullum Eusebium, ut in aliis solet, certum ex veteribus auctorem, nullum laudatum testem citat. Ait tantum ita jactatum fuisse; ἔλεγον, inquit, *ferebant*, memorabant; quo ex verbo totam hanc, quantacumque est, historiam suspendit, idque iterum in extremâ narratione repetit, *hanc statuam effigiem Iesu exprimere dicunt*. Ait quidem fateor, se quam describit, statuam vidisse Paneade; neque quod adeò disertè testatur Eusebium, cuiquam de eo ut ambigat, fas aut jus esse puto. Quam verò à se visam narrat, nosque narranti credimus, eam fuisse Domini Iesu veram effigiem, verè ei ab illâ, de quâ est in Evangelio, muliere positam, atque consecratam, id profecto Eusebium non suâ, non alterius idonei auctoris fide, sed ex solâ vulgi famâ tradit; non aliter rem firmans, quam communi civium rumore, ἔλεγον, inquit, *ferebant*. Itaque duo Paneade extitisse ænea simulacra, qualia ab Eusebio describuntur, ego quidem minimè negaverim. Posita verò ab eâ, quam isti ferebant, muliere, vel eo animo, atque fine, quem ariolabantur, credere me non sinunt, quæ suprà edisserui, argumenta. Potius puta-

verim ab Ethnicis hominibus (erat enim hæc Græcorum civitas) de more olim posita, (quâ de causâ, quo ve argumento, incertum) Christianos postea, cum in ea urbe aucti rerum potirentur, ad hæmorrhousæ mulieris historiam detorsisse, propter aliquam rerum ipsarum similitudinem, cum ex simulacris unum supplicantis in modum procumberet, alterum jubentis, & aliquid præcipientis more staret, quæ non absurdè videbantur ad ea referri posse, quæ in Euangelicâ narratione leguntur, mulierem ad Iesu pedes trementem accidisse, palam quid sibi contigisset, professam; Iesum verò laudatam suavissimis verbis compellasse, atque ita consolatam esse; *Confide, filia. Fides tua te servavit. Vade cum pace.* Ut hodie videmus, si qua reperiuntur numismata, quæ aliquam Christi (qualis quidem is à pictoribus vulgò effingi solet) similitudinem præ se ferant, ea ferè ad Christum referri, proque veris ac genuinis ejus iconibus ostentari. Nam & veteres illos Christianos humano quodam affectu in hujusmodi errorem aliquando incautos incidisse, satis ostendit Iustini Martyris exemplum, qui quam Romæ in insulâ Tiberinâ viderat inscriptionem *Seconi Deo Sango*, illam vocum similitudine

dine deceptus ad Simonem Magum referre non dubitavit, quasi legisset *Simoni Deo Sancto*; cum satis constet, non Simonis, sed falsi cujusdam numinis effigiem fuisse, quod Semonis Sangi olim nomine à veteribus Ethnicis inter cæteras superstitiones cultum, atque consecratum scimus. Cum sic labi, atque hallucinari potuerit vir tantus, in philosophiæ ac litterarum studiis versatus, non est quod mirerur rude Paneadensium vulgus falsâ rerum specie, atque similitudine deceptum, simulacrum, quod alterius reverâ fuit, id Christo perperam tribuisse. Mirabilis vero herba, quæ efficere videtur, ut Christi hanc fuisse effigiem meritò isti suspicati sint, ea fateor, non multum me movet. Non enim affirmat Eusebius vim ejus aliquo sibi fuisse experimento exploratam; Vulgi tantum rumore jactatum ait, *ad statuæ pedes in ipsa basi enasci, eamque, ubi ad aenei vestitus simbriam excreverit, morbis cujusque generis medicandi vim, & facultatem habere*. Vbi semel hominum, maximè autem vulgi animos occupavit præclara ac magnifica aliquâ de re opinio, de eâ mirum aliquid, naturamque supergressum nullo negotio sibi persuaderi patiuntur; cujus facilitatis exempla passim quotidie

in communi vita obvia sunt nimirum
quàm multa. Qui igitur animo jam præ-
cepissent Christi hoc fuisse simulacrum,
eos minimè mirandum est herbam eo
loco fortè natam, admirabilem quoque
existimasse ; cumque ad salutarem illam
à muliere, ut sibi fingeant, utiliter con-
tactam Christi fimbriam creyisse cerne-
rent, eo adductos fuisse, ut vi atque in-
genio singulari præditam crederent. Fue-
rit æger aliquis ejus usu, atque conta-
ctu levatus, sive id innata herbæ facul-
tas præstaret, (multis enim scimus vi-
res ab ipsa naturâ stupendas inesse) sive
id etiam fortuitò tantum accideret unus
hujusmodi casus, satis esse potuit ad hanc
famam commendandam, totique illius
civitatis plebi persuadendam. Atque ita
patet, quàm non temerè Carolus hu-
jus historiæ fidem in incerto reliquerit,
cùm tam multa sint, quæ suspectam,
tam pauca, quæ probabilem eam red-
dant. Sed neque sine justâ ratione ne-
gavit eam collectionem, quam inde ne-
ctebant imaginum patroni. Nam etiam-
si veram fuisse concederemus omnem
hujus facti ab Eusebio acceptam fa-
mam, non tamen eo efficeretur, vel
Christi, Sanctorumque imagines in
Christianorum Ecclesiis secundum ho-
diernum

diernum Romanorum ritum consecrandas, atque colendas esse, vel eum fuisse veterum fidelium usum. Quid enim tandem ex totâ hac historiâ, si vel certa sit & confessa, exsculpent, aut extundent aliud, nisi unum fuisse Christi simulacrum, non episcopi, aut doctoris alicujus jussu, atque instituto, sed mulierculæ è Paganismi luto emergentis voluntate effictum? non in Ecclesiâ, sed in vico publico pro foribus positum? eo animo, non ut vel adoraretur, vel coleretur, sed ut accepti divinitus à Christo Domino beneficii monumentum esset? non ex Christiano, sed ex Ethnico, cui illa diu assueverat, usu? Scribit quidem Eusebius id pro Christi simulacro habitum fuisse ab illius urbis incolis; cultum à Christianis, non scribit. Sibi in iis locis peregrinanti visum narrat; adoratum, salutatione, osculo, cereo, vel alio dono honoratum, non narrat. Sed quid ego Eusebium nihil istorum vel testari, vel scribere dico? Ille verò rem contrâ habuisse non obscure testatur. Hæc enim verba, narrationem totam exsecutus, subjicit, *Nec plane mirum, eos qui e Gentilibus prognati, à Servatore dum inter homines viveret, beneficiis affecti fuissent, ista effecisse.* Quorsum verò

verò hæc monet Eusebius, si tum apud omneis Christianos receptum fuit, ut Christi imagines in locis sacris, & haberentur, & colerentur? Nam si fuit hic usus ejus, quæ tum erat Ecclesiæ, communis, nihil erat in illâ historiâ, quod mirum cuiquam videri posset. Atqui admirationi occurrit Eusebius, dùm ait non esse mirandum, quod illa mulier simulacrum Christo posuerit. Ergo necesse est, contrà quàm volunt adversarii, rem in illâ Ecclesiâ insolentem, & inusitatam fuisse, ut quis verè Christianus Christi simulacrum haberet. Aliter enim nemini in mentem venisset, ut hoc mulieris factum miraretur. Sed quæ ab Eusebio subjicitur istius sive admirationis, sive dubitationis, ratio id ipsum clarissimè confirmat. Cùm enim ex hodierno Romanorum dogmate facilis esset, & expedita solutio, nimirum id fecisse illam mulierem, quod ab Apostolis institutum, quod discipulis omnibus traditum fuisset, ut Christi & Sanctorum imagines, & servarentur, & verò etiam colerentur, contrà Eusebius hunc usum, & morem paucis quibusdam tribuit, iisque ortu, & educatione Paganis; *Nec plane mirum (inquit) eos qui è gentilibus prognati, &c. ista effecisse; cùm & nos Petri, &*

Pauli Apostolorum, & Christi etiam ipsius imagines in picturis colorum varietate expressas, conservatasque aspexerimus. Potestne quicquam dici istâ oratione obtusius, & ineptius, si tum erant apud Christianos Ecclesiæ eo cultu, atque ornatu, quo nunc sunt Romæ? Annon ludibrium deberet, si quis hodie Romanus doctor in Paneadensem illam statuam commentaretur, auditoresque admoneret, non esse mirandum, quod ista mulier Christo simulacrum posuerit, quæ Pagana esset? & si postremò illa Eusebiana adjiceret, Cum & nos Petri, & Pauli Apostolorum, & Christi etiam ipsius imagines in picturis colorum varietate expressas, conservatasque aspexerimus? Estne ullus adeò infans, qui non hominem delirare, sit existimaturus? qui talia dicenti non hæc vel clara voce objectet, vel tacitus certè apud se muffer; At ô bone, quid nodum in scirpo quæris? quid te in ea dubitatione solvendâ frustra fatigas, quæ nemini tuorum venire potest in mentem? Quid mulieris Paganismum excusas? quasi id, quod illa usurpavit, non permittant, non etiam jubeant, & præcipiant Christianismi leges? Quid tu nobis, quasi magnum aliquid, rarum, atque insolens narras te Apostolorum, & Christi ipsius imagines aliquas aspexisse?

xisse ? quasi non sint iis plenæ omnes Christianorum ædes publicæ, privatæ, sacræ, profanæ ? Profecto vel affirmandum est deliravisse Eusebium, dum hæc ita scriberet, vel confitendum, quod res ipsa loquitur, nullas tum quidem extitisse in Christianorum Ecclesiis imagines; fuisse tamen præter publicum morem, atque usum aliquas in privatis nonnullorum bibliothecis, & conclavibus, qui eas non cultus aut religionis, sed memoriæ tantum causâ conservarent ? & hoc quidem discrimine, ut Christi, quàm Pauli & Petri, rariùs & parciùs reperirentur ? Jam verò vel inter infensissimos imaginibus Protestantes, quàm multi sunt qui & in pretio habent, & studiosè servant suorum hominum icones, qui aliquâ vel pietatis, vel eruditionis fama vixerunt ? Denique illud ipsum, tum Paneadensis mulieris, tum aliorum factum, qui Christi, & Pauli ac Petri effigies servabant, non aliò refert Eusebius, quàm ad Paganorum usum, atque consuetudinem, quod apud eos nati & educati essent, quibus solenne erat servatores, & liberatores suos simulacris, & imaginibus donare, ut ejus, quam expertierant, virtutis atque beneficentiæ memoria quamdiutissimè apud posteros exstaret, atque conservaretur.

servaretur. Atque hunc quidem fuisse receptum, & communem apud Ethnicos morem satis, superque discimus ex veterum Græcorum, & Romanorum libris. Quin etiam proximum vero videtur, ex hoc potissimum fonte fluxisse idolorum cultum. Nimirum paulatim res eò tandem processit, ut quorum simulacra à majoribus magno cum honore acceperant, eos consecrandos, ac pro numinibus habendos, colendosque censerent. Hæc igitur est Eusebii sententia, verissima quidem illa, ac certissima, imaginum apud Christianos usum ex Paganorum imitatione manasse, ne dum his, quod somniant adversarii, Apostolorum vel præcepto, vel exemplo institutus fuerit. Vnde satis apparet hoc Eusebii loco non modo non convelli, sed constitui & confirmari, quod is scriptor alibi docet, nefas esse Christi Domini imaginem pingere.

CAPVT III.

*Solvuntur sex alia objectiones, ex Adriano,
Sozomeno, Chrysostomo, Hieronymo,
Augustino petita.*

ATque ita Constantini Augusti tempora prætervecti sumus, quem anno æræ Christianæ c c c xxxvii. de sæculo decessisse accepimus; nec dum ullas in sacris fidelium ædibus imagines offendimus. Quod enim narrat Adrianus jam tum à Sylvestro Romæ episcopo, exornatas fuisse picturis Ecclesias, quod item prodit scriptor de vitis Pontificum, (qui vulgo Damasus fuisse perhibetur) *Constantinum in loco, ubi fuerat baptizatus, posuisse agnum ex auro purissimo, ad dexteram agni statuam argenteam Salvatoris, ad levam autem statuam argenteam Iohannis Baptiste, in Ecclesia autem ipsa Lateranensi posuisse imagines argenteas Salvatori, Apostolis duodecim, & Angelis quatuor, hæc inquam testimonia, cum adversariorum veniâ prætermittimus, quod hominum sint meritò suspectorum, & huic, quam oppugnamus, causæ impensius addictorum, quàm ut eorum studium dissimulari queat. Qui enim nunc adducitur Adrianus, is anno Domini d c c xxc. quadringentis & amplius post Constantinum annis, floruit,*
VII. illius

*Adrian. pro
imag.
Pontific. in vi-
ta Sylvestr.*

VII. illius Synodi, quæ imaginum cultum constituit, princeps, quique pro earum defensione hunc ipsum librum conscripsit, ex quo petitus est allatus ab adversariis locus. Librum verò de vitis Pontificum, quamquam ante illa tempora scriptum, communi tamen doctorum judicio constat ab Anastasio, noni sæculi, & quidem extremi, homine auctum fuisse, & interpolatum, Pontificis Romani Bibliothecario, illiusque sedis palpone nobilissimo, qui cultum imaginum tanto studio, tantæque contentione defendit, ut (quod postea fusiùs demonstrabimus) Gallos nostros, quòd eum recipere nollent, alicubi notare non dubitaverit. Si Bellarminus, vir doctus, & in veterum monumentis versatissimus, cum hoc ipso sæculo, in clarissimâ litterarum luce, in maximâ adversariorum copiâ scriberet, Constantino tamen falsò, ac per summam calumniam tribuere ausus est, quod Palæstinæ templa aureis, atque argenteis imaginibus repleverit; cur incredibile videbitur Adrianum, & Anastasium, temporibus tenebrosis, fœdâque barbariæ, & ignorantiae caligine obscuratis, ad hoc summo in hanc causam studio, has Sylvestro, & Constantino imagines affinxisse? Cur hîc vel falli non

S

potuisse,

potuisse, vel fallere noluisse putabimus, quos in tam multis aliis peccasse manifestum est? Nam alter quidem, qui vitas Pontificum scripsit, Constantinum ait à Sylvestro baptizatum, contra veterum omnium fidem; alter verò (nimirum Adrianus) Alexandrino Athanasio tribuit quæstiones ad Antiochum, quas ccc annis post ejus ævum scriptas constat; & Chrysostomo homiliam de veteris & novi Testamenti legislatore, quam vel ipsi adversarii fatentur non esse Chrysostomi, eidemque verba hæc affingit; *Oportebat enim eum non vetare venerationem sacrarum imaginum*: quæ neque in eâ, quam laudat in amputationem capitis, Ioannis Baptistæ homiliâ, neque alibi uspiam apud Chrysostomum reperiuntur. Quod si nulla esset de istorum in hac causâ fide dubitatio, Constantini tamen tempora tanto intervallo ab ipsorum ætate remota erant, ut rerum, quæ tùm contigerunt, idonei testes esse non possint. Cui enim fiat verisimile Eusebium, qui Constantino imperante vixit, quique studiosissimè, atque accuratissimè persecutus est quæcumque tùm, ad Ecclesiam amplificandam, atque exornandam, gesta sunt, hæc tam illustria vel nescivisse, vel dissimulare voluisse? hæc eadem cæteros

Eccle-

*In vita Syl-
vestri*

*Adr. ep. ad
Carol. pro ima-
gin. c. 34. ib.
c. 42.*

*ib. c. 14. in se-
cundo nume-
rorum ordine.
p. 143. F. T. 6.
Conc. ult. edit.
Paris. a. 1636.*

Ecclesiasticæ historiæ scriptores alto silentio obruta prætermisisse? repertos demum post quatuor, aut quinque sæcula duos homines, qui quod alii retrò omnes ignoraverant, id soli vel discere, atque è tenebris eruere, vel litteris mandare potuerint? Quis non videt, quàm sit probabilius idem illud imaginum studium, quod eos tam multa alia vel falsa, vel dubia, pro certis, & compertis tradere subegit, pariter impulisse, ut bellas istas fabulas confingerent, atque disseminarent? Postremò neque hoc admonere pigebit, tametsi quod incertum, & falso propius est, verum & exploratum esset à Constantino, & Sylvestro positas olim fuisse in Ecclesiis imagines, non eo tamen confectum fore, ad hoc fuisse positas, ut à Christianis cultu aliquo, sive analogico, sive alio adorarentur.

Jam ex iis temporibus, quæ Constantini mortem consecuta sunt, primum illud adferunt, quod est à Sozomeno proditum, eversam atque confractam ab Augusto Iuliano illam, de quâ suprâ memoravimus, Paneadensem Christi statuum, à Christianis postea circiter annum Domini ccc lxxii. collectam, & in quadam Ecclesiâ collocatam, ibique ad suam memoriam servatam fuisse. Re-

*Soz. hist. l. 5.
c. 21.*

spondeo primò falsum videri, quod ea statua Paneade in Ecclesiâ collocata fuerit. Quî pote, cùm Sozomenus confractam à Paganis affirmet? Non ergo vel erectam, vel in templo collocatam fuisse ipsam statuam censendum est; sed quæ huc & illuc sparsa erant ejus fragmenta à Christianis collecta, & in Ecclesiâ ad conservandam rei memoriam reposita. Tum & hoc prætereà addo labare omnem hujus historiæ fidem, cùm apud Photium Asterius Amasiæ episcopus, laudatissimus scriptor, & Sozomeno tùm vetustior, tùm longè præstantior, plane aliter rem narret. Ait enim ille Maximinum Augustum, Constantini decessorem, Iuliano desertore non paucis annis antiquiorem, statuam illam Paneadensem sustulisse; ut ea, quo tempore ipse scribebat, nusquam in rerum naturâ reperiretur. In tantâ narrationis diversitate utri habebimus fidem? Denique si vel fingamus rem plane sic esse gestam, ut narrant adversarii, non tamen inde quicquam aliud legitimè concluderint, nisi hoc unum, anno quarti sæculi LXII nonnullos fuisse Christianos, qui simulacra in Ecclesiis haberent, non autem qui ea venerarentur, & colerent, in quo proprie vertitur omnis hujus questionis cardo.

Phot. Bibl. cod.

271. extr.

Post-

Postquam verò in Ecclesiam una cum Romani imperii majestate pompa, luxus, atque opulentia invasit, minimè mirandum est, quod inter alia non pauca pravi moris, periculosique exempli instituta, imaginum quoque usus, hæcenus apud Christianos vel omninò ignotus, vel certè obscurus, in religionem invectus sit; primùm non alio animo, quàm ut vel sacris locis ornatus ex picturâ quæteretur, vel fidelium memoriæ subsidium ex piorum hominum rerumque ad pietatem pertinentium repræsentatione. Adversarii sedulò conquirunt quæcumque veterum loca aliquid hujusmodi præ se ferunt, eaque ad munendam, quam agunt, causam, diligenter colligunt. Huc pertinet, quod ex Chrysostomo afferunt testimonium, quem virum anno quinti sæculi septimo denatum accepimus; Quod ergo, inquit, in nominibus fecistis, hoc & in illius imagine gessistis. Etenim & in annulorum circulis, * & in calicibus, & phialis, & in thalamorum parietibus palis, ubique imaginem sanctam illam exaraverunt multi. Loquitur autem eo loco Chrysostomus de Meletio Antiochiæ episcopo. Sed neque hujus, neque alterius cujusquam simulacrum publicè in Ecclesiâ propositum fuisse ait. Ipse illi Reformati,

*Chrys. orat. 12.
Melet quæ est
45. ad pop. An
Syn. 7. Act. 4.*

* σφαιδραϊς

mati, qui nullas habent in templis imagines, non ideò putant nefas Pastorum, siquos impensius colunt, aut diligunt, ora ad vivum pingendo curare, iconesque in ædibus servare. Ex eodem quoque auctore sequentem locum adferunt septimi Concilii Patres; Ego, inquit, & cera perfusam dilexi picturam pietatis causa. Vidi enim Angelum in imagine pellentem barbarorum cuneos. Vidi conculcatas barbarorum tribus, & David veritatem dicentem, Domine, in civitate tua imagines eorum ad nihilum rediges. Ad hæc primùm negamus Chrysostomi esse homiliam, ex quâ ista desumpta sunt, quæque hoc titulo circumfertur, Quod unus est veteris & novi testamenti Mediator. Id verò luculentissimè docet primum ipsâ orationis diversitas, quæ à Chrysostomi puritate, suavitate, atque facilitate plurimùm abest; secundò quod Ignatii testimonium laudat, quod est à Chrysostomi consuetudine alienum, nulla nisi Scripturarum dicta citantis; ac denique Frontonis Ducæi Jesuitæ iudicium, qui orationem istam in sextum tommum inter notha, & Chrysostomo falsò afficta conjecit. Quo loco obiter notandum est, quanti Nicænorum Patrum in citandis veteribus fidem facere debeamus, quando ne ipsi quidem Jesuitæ pro
vero,

Syn. 7. Act. 6.
p. 777.

Front. Duc.
Tras. Not. in
T. 6. Chrys.

vero, ac genuino Chrysostomi opere habent, quod ab istis ejus nomine laudatum fuerat. Sed etiam si verè Chrysostomi esset homilia, nihil tamen ad præsentem causam faceret inde adductus ab istis locus. Neque enim ait auctor picturam ipsam in Ecclesiâ vel cultam, vel propositam fuisse à Christianis. Tantùm narrat se cum voluptate spectavisse barbarorum cladem in cerâ expressam. Quis vel ipsorum Protestantium adeò averso est ab imaginibus animo, qui non simili spectaculo gaudeat, non modò ob operis artificium, sed multò etiam magis ob argumenti pietatem? Pictorum enim artem in exprimendis Dei operibus occupari dignius, & justius est, quàm in hominum simulandis nugis. Sed antequam ultrà progredior, lectorem hîc oratum velim, ut animadvertat, quanta sit eorum, qui imagines defendunt, in hac causâ perturbatio, atque cæcitas. Chrysostomus tertiâ de Davide homilia auditoribus præcipit, ut prolixè eo loco laudatam sanctissimi Prophetæ lenitatem, atque justitiam animis altè insculpant. Ad hæc verba, qui Chrysostomi opera Lutetiæ publicarunt, sic annotant, *Imago Davidis pingenda*. Quid? nonne ingeniosa videtur istorum hominum cupiditas?

P. 1039. T. 1.
op. Chrysost.

Nonne hujusmodi, quæ causæ, cui stutet, testimonia, atque præsidia in ipso campanarum sono facile, si lubeat, invenire possit? Sed jam ad cætera pergamus. Ex Hieronymo, quem anno quinti sæculi vicesimo pridie Kal. Oct. obiisse constat, hæc laudant; *Re vera* (inquit ille in quartum Ionæ caput) *in ipsis cucurbitis vasculorum, (quas vulgò Saucomarias vocant) solent Apostolorum imagines adumbrari.* Sed nonne nos derident, qui inde conficiunt Hieronymi temporibus pictas, & adoratas fuisse in Ecclesiis Apostolorum imagines? Nam & de privatis tantum hominibus loquitur, & de cucurbitarum & vasculorum imaginibus, quas nemo non videt non ad colendum, sed ad ornandum, fuisse adumbratas. Quis enim fando audivit, quæ in religione adorantur, ea in poculis communibus ad venerandum proponi? Jam verò ipsam picturarum venerationem quantopere averfatus, & execratus fuerit Hieronymus, abundè discimus, non tantum ex eo, quod Latinè converterit, ac publicaverit supra à nobis memoratam Epiphaniæ epistolam, quâ vir sanctissimus omneis omnino imagines severissimè ex Christianorum Ecclesiis ejicit atque proscribit, sed ex iis etiam, quæ ipse in Danielis

tertium

Hier. in Ion.

c. 4.

tertium caput his verbis commentatur, *Sive statuam, inquit, ut Symmachus, sive imaginem auream, ut ceteri transtulerunt, voluerimus legere, cultores Dei eam adorare non debent. Ergo iudices, & principes saculi, qui Imperatorum statuas adorant, & imagines, hoc se facere intelligant, quod tres pueri facere nolentes placuerunt Deo. Et notanda proprietas, Deos coli, imaginem adorari dicunt, quod utrumque servis Dei non convenit. Bellarminus respondet Hieronymum loqui de statu is regum, qui habebantur pro Diis, & quorum statuæ divinis honoribus afficiebantur; idque ex eo probat, quod eos se reprehendere dicat Hieronymus qui id faciunt, quod tres pueri facere noluerunt in Babylone. Sed nos deludit adversarius. In puerorum Hebræorum verbis duo distinctè notat Hieronymus; alterum, quod se Nabucodonozoris Deos colere negant; alterum, quod neque ejus imaginem adorare volunt. Tum neutrum servis Dei convenire ait. Itaque non eos modò damnat, qui creaturas habent pro Diis, sed eos etiam reprehendit, qui imaginem adorant, quicquid ipsi interim de ejus exemplari sentiant. Neque verò obscurum est, istorum, quos hic notat Hieronymus, non eam fuisse sententiam, ut Imperatores, quorum imagines adorabant, habuerint pro Diis. Quis enim*

*Hieron. T. 5.
Comm. in Dan.
c. 3.*

*Bell. de imag.
c. 16. §. Porro.*

istos, de quibus loquitur *judices, ac sæculi principes*, religione Christianos fuisse non videt ? qui Romanorum Imperatorum statuas iisdem etiam tum honoribus afficiebant, quibus olim vigente Paganismo affici solitæ erant, haud dubiè causantes civilem fuisse omnem istam venerationem, & à religionis rationibus longe remotam ? Id primum ex eo apparet quod de istis loquitur in præsentì tempore, *intelligent*, inquit; ut necesse sit istos, de quibus agit eo ipso tempore judicasse, ac præfuisse, quo ipse hos in Daniele commentarios elucubrabat. Atqui imperantibus Theodosio, & Valentiniano, quo tempore hæc ab Hieronymo scribebantur, palam est Christianos, non Ethnicos fuisse *judices, & sæculi principes*. Id ipsum etiam clariùs inde elucet, quod ut istorum errori medeatur, triumphorum exemplum, atque auctoritatem proponit, *Hoc (inquit) se facere intelligent, quod tres pueri facere nolentes placuerunt Deo. Quorsum affert hoc exemplum ? quorsum Dei voluntatem objicit, si quibuscum agit, ii neque Scripturas admittebant, neque Deo se obedire, vel placere velle profitebantur; Christianos ergo eos fuisse necesse est, neque adeo imperatores, quorum adorabant statuas, pro Diis habuisse,*

habuisse, cùm ab omni veri specie abhorreat tam crassam, tamque immanem amentiam in quemquam Christianum cadere posse. Quæ à Bellarmino contra affertur ratio, inde ducta, quod *isti id facerent, quod tres pueri facere noluerunt in Babylone*, ea inquam nullo modo id conficit, quod confectum vult adversarius. Tres enim isti pueri nullâ adhibitâ distinctione, conditione, aut restrictione, exsertè & absolutè negant se Nabucodonozoris statuam adoraturos, ut quod hi facere noluerunt id evidenter faciant quicumque principis alicujus statuam adorant, siue ipsum Principem pro creaturâ habeant, siue pro Deo; quamquam hic quidem error adeo est ab omni non modo ratione, sed etiam sensu alienus, ut vix quemquam esse putem ita pinguem & hebetem idololatram, qui eum serio in animum induxerit. Altera pars responsionis Bellarminianæ, quæ *adorare imaginem* idem esse putat, quod divinis honoribus afficere, priore neque verior est, neque ad rem propositam aptior. Quis enim non intelligit *imaginem adorare* id ipsum esse Hieronymo, quod Nabucodonozor à tribus pueris exigebat, quod petenti pueri constanter negarunt, quod denique Imperatorum statuis principes

Dan. 3.

ac iudices sæculi perperam deferebant ? Atqui neque tradit historia sacra quicquam aliud Nabucodonozorem à pueris exegisse, nisi ut ad musicorum concentum prociderent, suamque statuam adorarent; neque usquam produnt Romanarum rerum scriptores, Imperatores (præsertim verò eos, qui post constitutum in imperio Christianismum regnarunt) à ministris aliud aliquod flagitasse honoris, aut venerationis genus, præter corporis inclinationem, atque demissionem, id est, (ut uno verbo dicam,) ingeniculationem. Ex quo consequitur, hoc ipsum quoque ab Hieronymo damnari, quocumque id vocabulo appellare libeat, sive honores divinos, sive aliter. Quo Hieronymi iudicio palam est eam etiam venerationem explodi, quam Sanctorum imaginibus tribuunt adversarii. Nam ad eas non aliter procumbunt, atque inclinantur, quàm ad Nabucodonozoris Effigiem Chaldæi, & ad Imperatorum statuas iudices, ac principes sæculi. Quod si ille usus, qui jam apud Romanos obrinet, olim quoque fuisset in Ecclesiâ receptus, numquam profectò Hieronymus sic exsertè, atque invidiosè totum hoc negotium damnaasset; Sanctorum imagines excepisset; à cultu absoluto

soluto relativum distinxisset; ac ut nunc Romanis doctoribus in hujusmodi causâ solenne est, aliquo temperamento crudam illam, & præfractam sententiam mollivisset. Sed ut reliqua adversariorum testimonia persequar, solent illi quoque in hac disputatione nonnulla ex Augustino objicere, qui anno quinti sæculi xxx. Augusti die xxviii. in Domino obdormivit. Ac primùm quidem accipiunt, quod ab eo, libro contra Faustum xxi. proditur, Abrahæ sacrificium multis locis pictum fuisse; cui loco adjungi possunt quæ in opere contra Iulianum his verbis perscripta leguntur, *Apictoribus me didicisse derides, quod Adam & mulier ejus pudenda contexerint.* Tum & illa promunt, quæ primo libro de consensu Evangelistarum occurrunt, ante dccc. annos ab Agobardo quoque Lugdunensi episcopo observata, ubi cum dixisset Augustinus nonnullos è Paganis finxisse nescio quos à Christo de arcanis patrandorum miraculorum artibus libros ad Petrum & Paulum scriptos fuisse; *credo, (inquit) quod pluribus locis simul eos cum illo pictos viderunt.* Respondeo istis Augustini testimoniis minimè effici publicè tum in Ecclesiis propositas, aut adoratas fuisse Christi, Sanctorumque imagines.

*August. l. 22.
contr. Faust,
c. 73.*

*Id. l. 5. cont.
Iul. c. 2.*

*Id. de conf.
Euan. l. 1. c. 16*

Tantum inde apparet nonnullos jam
 tum fuisse, qui Dominum Iesum & Apo-
 stolos pingerent, nimirum in privata-
 rum ædium parietibus; quod etiam ho-
 die faciunt ex ipsis Protestantibus non
 pauci, acerrimi alioqui, infensissimique
 hostes illius venerationis, quæ imagini-
 bus defertur. Quod enim Bellarminus
 Augustinum de privatis ædibus locutum
 ideo negat esse credibile, quod ad eas
 non omnibus pateat aditus, id inquam
 futile, ac jocularare est. Quasi verò Paga-
 nis, Christianorum hominum, quibus-
 cum sub eodem Principe, ac intra eadem
 mœnia vivebant, ædes ingredi nefas fue-
 rit, illasque vel in parietibus, vel in tabu-
 lis pictas imagines videre, atque obser-
 vare. Sed non est prætermittendum qua-
 lescumque tandem fuerint illæ picturæ
 seu publicæ, seu privatæ, satis docere Au-
 gustinum, quàm nullius eas pretii esse
 existimaverit, quàmque periculosum
 earum in religione usum judicaverit,
 cùm loco ante memorato statim post ea,
 quæ descripsimus, verba hæc continen-
 ter subicit; *Sic omnino errare meruerunt,*
qui Christum & Apostolos ejus, non in sanctis
codicibus, sed in pictis parietibus quaesierunt;
nec mirum si à pingentibus fingentes decepti sunt.
 Atque ita quidem Augustinus eos non
 modo

*Bell. de imag.
 c. 9. §. B. Aug.*

modo laudandos non putat, qui res divinas ex picturis, non ex sacris codicibus discunt; sed etiam id flagitium esse censeat, & quidem eâ pœnâ dignum, quâ nulla gravior est, nimirum errore atque deceptione mentis. Obsecro, quâ fieri poterat, ut ista gravissimo, ac sapientissimo viro exciderent, si ullæ tum imagines in Hipponensis paræciæ, & reliquæ Africæ Ecclesiis, non jam dico cultæ, aut adoratæ, sed pictæ, aut plebi propositæ fuissent?

CAPUT IV.

Prima imaginum in quorundam Christianorum Ecclesias sub finem quarti sæculi introductio, ad ornatum, non ad venerationem. exponuntur duo Basilii & Gregorii loca, frustra pro imaginibus allata.

N Vllus ergo in veterum scriptis occurrit locus, quo demonstretur imaginum usum in omnibus, aut plerasque Christianorum Ecclesias ante quinti sæculi initia receptum fuisse. Fatemur tamen in nonnullis provinciis jam tum fuisse frequentatum; ut verbi gratiâ, in Cappadociâ, & Ponto. Nam ibi receptum jam fuisse non modo ut in privatis locis sacræ Scripturarum historiæ pingerentur,

rentur, sed etiam ut in Ecclesiis Martyrum, & eorum, quæ pro fide sustinuerant, certaminum icones, atque tabulæ proponerentur, id satis apparet ex Gregorio Nysseno, quem anno Christi ccc lxxv. vergente jam quarto sæculo, floruisse constat. Is enim in oratione de Filii, & Spiritus Sancti divinitate, cùm in mentionem Isaaci, ab Abrahamo in sacrificium oblatis, incidisset, Sæpenumero, inquit, miserabilis hujus rei imaginem in pictura vidi, nec absque lacrymis spectaculum præterii, adeò perspicuè atque evidenter ar spingendi oculis rem gestam subjecit. Ita alibi ædem Theodori Martyris nomine dictam describens; *Quod si quis venerit*, inquit, *ad aliquem locum similem huic, ubi hodie noster conventus habetur, ubi memoria iusti, sanctæque reliquiæ sunt; primum quidem earum rerum magnificentia, quas videt, oblectatur, dum ad eam, ut templum Dei, & magnitudine structuræ, & adjecti ornatus decore splendide elaboratum intuetur; ubi & faber in animalium figuram lignum formavit, & latomus ad argenti levitatem crustas lapideas expolivit; induxit autem etiam pictor flores artis in imagine depictos, fortia facta martyris, repugnantias, cruciatus, efferatas & immanes tyrannorum formas, impetus violentos, flammeum illum fornacem, beatissimam consummationem athletæ,*

*Greg. Nyss.
orat. de Deit.
Fil. & Sp. S.
T. 2.*

*Id. T. 2. orat. in
Theod. Mart.*

athleta, certaminum præsidiis Christi humanæ formæ effigiem, omnia nobis, tamquam in libro quodam, qui linguarum interpretationes contineat, coloribus artificiosè depingens, certamina atque labores martyris nobis expressit; ac tamquam pratum amœnum, & floridum, templum exornavit. Hactenus Gregorius, satis docens Cappadocas & vicinos Ponticos, primos ex Christianis imagines in Ecclesias admisisse; quos in hac occasione verisimile est Gregorii, Neocæsariensis in eadem olim diœcesi episcopi, methodum sequutos, hunc Ethnicorum usum, ritumque in Christianam religionem transtulisse, quo facilius homines à Gentili superstitione ad Christi fidem traducerentur. Idem enim ille Nyssenensis, cujus locum nuper recitavimus, alibi refert Gregorium Neocæsariensem Paganis recens ad Dominum conversis permisisse, ut in memoriis Sanctorum martyrum se se exhilararent, & oblectarent, atque in letitiam effunderentur, ut ita quod præcipuum est, in iis assequeretur, nimirum ut vanis superstitionibus relictis ad Deum converterentur, quod animadvertisset propter corporis maxime voluptates simplex & imperitum vulgus in idololatria herere: consilio in speciem utili, & prudenti; cæterum (quod eventus satis superque docuit) periculosissimo, atque

T

fune-

*Id. orat. de vit.
S. Greg. Thaum.
mat.*

funestissimo. Facile ergo crediderim Cappadocas, & Ponticos (apud quos Gregorii memoriam carissimam, atque sanctissimam fuisse constat) hoc ejus exemplo adductos existimasse operæ pretium se facturos, si hunc quoque Paganorum usum imitarentur, & quemadmodum hi Deorum simulacris templa decorabant, si etiam ipsi Sanctorum, & Martyrum imaginibus Ecclesias exornarent. Vt cumque sit, siue hæc illos ratio, siue alia aliqua nobis ignota impulerit, primi inter veteris memoriæ Christianos videntur fuisse, qui imagines in Ecclesias cum laude & commendatione receperint. Eo minùs mirandum est, quod alii ejusdem vel provinciæ, vel dioceseos episcopi in eundem quoque modum de imaginibus scripserint, ut exempli gratiâ Heraclides Nyssenus, & Asterius Amai-riensis episcopi. Et Heraclidis quidem ipsa verba desiderantur; Tantum ex Photio discimus, duas fuisse istius epistolæ, *in quarum altera*, inquit, *sententia inerat de venerandarum imaginum antiquitate*; id enim hoc loco significat *ἡγήσις*, non autem usum, quod ridiculè putavit Perronius, pudendâ sane, etiam in ti-
 one, ne dum in tanto magistro ignorantiâ. Asterii verò locus exstat integer in
 Actis

Phot. Bibl.
 cod. 52.

Dis Perron
 Act. de la
 Conf. de Font.
 fol. 97.

Actis VII. Synodi, quo Sanctæ Euphemix historiam in velo à pictore expressam ait, & circa sepulcrum ad sacrum spectaculum positam; ipseque operis argumentum exsequitur, tam molli, tamque eleganti, tamque (ut sic dicam) picturatâ oratione, ut non dubitem, quin stili industriâ pictoris illius (quisquis fuit) artem longè superaverit. Quamquam verò hæc nos dubitare non sinunt, quin jam tum in illis provinciis imaginibus exornari cepissent martyrum memoriæ, idem tamen ille Asterius alio loco (qui in eadem Synodo habetur) satis docet, non admodum sibi placere hunc usum, seque ab eorum sensu, atque opinione vehementer abhorrere, qui pietatis partem in imaginum cultu ac veneratione sitam esse putant, *Noli, inquit, pingere Christum in vestimentis, sed potius horum sumptus pauperibus eroga.* Mox: *Sufficit enim ei una incorporationis humilitas.* Scio à Bellarmino, & aliis duorum præterea Cappadocum testimonia huc afferri, Gregorii nimirum, & Basilii, cujus Nyssenus frater fuit natu minor. Sed quæ ex istis adducuntur, ea non videntur ad hanc causam pertinere. Basilii quidem locus ex homiliâ in S. Barlaam descriptus sic habet: *Exsurgite nunc, ô præclari athleticorum gestorum* *Synod. VII. Act. 6. p. 781.*

ib. p. 780.

Basil. T. I. homil. in S. Bart. extr.

pictores; mutilam ducis imaginem vestro illu-
 strate artificio, & obscurius à me depictum co-
 ronatum athletam vestrae industriae coloribus
 conspicuum reddite. Discedam certaminum, ac
 victoriarum Martyris à vobis posita imagine
 victus; Gaudeam tali hodie per vestram dexte-
 ritatem victoria superatus. Videam manus hu-
 jus luctam cum igne exactius à vobis depictam;
 videam alacriorem pugilem per vestram depi-
 ctum imaginem; plorent daemones, & iam Mar-
 tyris in nobis percussi victorius: ardens iterum
 illis, ac victrix manus ostentetur. Pingatur
 unà in tabula & certaminum agonothea Chri-
 stus. Haecenus Basilus. Sed quis non
 videt figuratam esse totam hanc oratio-
 nem, quā cæteros Ecclesiae oratores ad
 dicendum, certatimque celebrandum
 Martyris agonem vir Sanctissimus invi-
 tat; hortaturque, ut in benigno argu-
 mento omnem vim artis profundant?
 denunciāns nihil sibi accidere posse ju-
 cundius, quàm si suos omneis conatus
 illorum eloquentia, atque contentio su-
 peraverit? Nam solenni optimis scripto-
 ribus allegoriā oratores *pictorum* nomine
 intelligit; rhetorica dictionis ornamen-
 ta, aliosque orationis flosculos *coloribus*
 comparat; luculentam denique, ac co-
 piosam, & omnibus facundiae numeris
 absolutam ejus constantiae, atque forti-
 tudinis

tudinis laudationem, quâ Barlaamus susceptum pro fide certamen sustinuerat, martyris *iconem* appellat. Hanc translationem ipse alibi Basiliius satis aperte explicat, cum quadraginta Martyres laudaturus, *illorum se fortia facta palam omnibus, tamquam in pictura, demonstraturum pollicetur*. Nam (inquit) *magnifica in bellis gesta, & oratores sæpenumero, & pictores pulcherrimè demonstrant; hi oratione; illi tabulis describentes, atque ornantes*. Ex qua utriusque artis inter se similitudine factum est, ut picturæ & pictorum vocabula ad oratores, eorumque opera transferrentur. Quod si proprie dictos pictores in animo Basiliius hic habuisset, nequaquam eostam magnificis nominibus exornasset, *Exsurgite, ὁ λαμπερὶ illustres, splendidi athletorum gestorum pictores; neque colores sapientiæ dixisset σοφίας χρώματα*, si qui in pictorum officinis miscerentur eos intelligi voluisset. Tùm quid ineptius, aut importunius fingi potest, quàm ut Episcopus in frequentissimo Ecclesiæ conventu, abrupto institutæ homiliæ cursu, istos artifices repente alloquatur, eosque jubeat extemplo, & quidem eodem die Martyris certamen in tabulâ depingere? Hæc profectò adeo sunt absurda, ut causæ studio excæca-

*Id. in 40. Mart.
tyr. init.*

tum esse oporteat, qui non videt hîc Basilio non cum pictoribus, sed cum disertis viris fuisse negotium, quos ille, cum in suggestum quoque ascensuri, ac de eodem argumento dicturi essent, ad susceptum opus cohortatur, atque accendit; sanctè testans se minimè ipsis invidere, tam præclari certaminis præmium. Id ipsum prætereà luculentissimè confirmant hæc verba, quæ ante descriptum à nobis locum apud Basilium leguntur; *Sed quid puerili balbutie victorem (inquit) extenuo? Quin magnificentioribus laudem ipsius linguis cedamus. Sonantiores doctorum tubas ad illius præconia advocemus. Denique ne ullus supersit dubitandi locus, Frontonem Ducæum, Iesuitam inter adversarios nobilem, his verbis eadem, quæ nos, in hunc locum confitentem, adducimus; Cum solerent (inquit ille) plures olim in eadem synaxi & collecta sermonem ad populum habere, ut in nostris, in Chrysostomi Panegyricos notis monuimus, eleganter usus tubicinum, & pictorum allegoria, cæteros post se dicturos invitat Basilius ad Martyris huius laudes celebrandas.*

Id. in S. Barl.

*Front. Duc.
Not. in Basil.
p. 47.*

Jam sequitur nihilo in hanc causam efficacior Gregorii locus. Extat in epistolâ ad Olympium, quâ deplorat Gregorius Diocæsariensium gravem casum, quorum

rum statuis , templo , urbi denique ipsi
excidium ultimum parari audiebat. Te
moveat (inquit) nostra canities , cui grave &
acerbum fuerit , si magnam quondam urbem
habentes nunc ne urbem quidem habeamus , sed
post imperium tuum inferarum lustrum conver-
tatur templum illud , quod extruximus , omne-
que nostrum in eo exornando studium. Neque
enim si statuae deficiantur , hoc grave & acer-
bum est , etiamsi alioqui acerbum , (nec de his
nobis esse sermonem arbitreris , qui in præstan-
tiora incumbimus) verum si urbs antiqua , &
que aliquid eximii ac præclari tulit , unâ cum
illis corruat , nobis viventibus , ac videntibus ,
qui in honore apud te sumus. Ex his Diocæ-
sareæ templum fuisse , Deo sacrum , à Gre-
gorio exstructum , & studiosè exornatum
constat ; In eadem urbe statuas quoque
existisse ; paratamque istis omnibus ever-
sionem , atque cladem ægerrimè , ut par
erat , tulisse sanctissimum virum ; Sed eas ,
de quibus loquitur , statuas in templo
fuisse , non constat. Quidni enim alibi in
urbe fuerint ? in foro , in palatio , in pla-
teâ publicâ , quibus maximè locis statuæ
ad pompam , & decus constitui solent ?
Quin & ita fuisse videtur cùm has statuas
à templo , veluti res plane diversi ordi-
nis , distinxerit Gregorius. Nam sibi gra-
ve & acerbum fore præfatus , si templum

Gregor. Naz.
T. 1. ep. 49. ad
Olymp.

eversum fuerit , atque vastatum subjicit. Neque enim si statuæ dejiciantur hoc grave & acerbum est, et iam si alioqui acerbum, nec de his nobis esse sermonem arbitraris , qui in præstantiora incumbimus; quæ profectò numquam erat dicturus , si sacrae , si templi ipsius pars, & ornamenta fuissent hæ, de quibus intelligit, statuæ. Itaque verisimillimum videtur fuisse has procerum aliquot Diocæsariensium statuas, qui-cùm in Imperatorem deliquissent , jussu esse Olympium Præfectum posita illis à suis civibus ornamenta evertere , urbemque ipsam eorum crimini permixtam, excindere, atque diruere. Ea enim sunt Gregorii verba, quæ non obscurè innuunt, in illas statuas primùm ac propriè incubuisse eam procellam ; eas afflictas & everfas urbem inde ipsam in eandem ruinam traxisse ; ἀλλ' εἰ συγκατενεχθήσεῃ τέτοις πόλις δρχαία: Verum, inquit, si urbs antiqua unà cum illis corruat. Cæterum quis sit istorum locorum sensus , nihil nostrâ interest , qui à Nysseno edocti fatemur jam tùm in nonnullis illius diœceseos Ecclesiis receptas fuisse imagines . Quamquam autem in aliis locis ferè obtineret prima simplicitas ; (sicuti suprâ Epiphaniï exemplo didicimus , qui picturas, quas Nyssenensis iisdem temporibus vivens

aut probat, aut videtur certè probare, in Ecclesiâ ferendas minimè existimavit,) apparet tamen usum imaginum eadem quoque tempestate in quibusdam Italiæ partibus receptum fuisse. Prudentius enim, non ignobilis poëta Christianus, hymno in Cassianum scribit Martyris passionem in ejusdem nominis Ecclesiâ depictam fuisse,

Erexi in cælum faciem; stetit obvia contrâ *Prudent.
Hymn. 8.*
Fucus colorum picta imago Martyris.

Hippolyti quoque martyrium Romæ in ædis parietibus coloribus expressum fuisse idem alibi memorat. Vnde constare potest, tum Romæ, tum in vicinis Italiæ provinciis jam ante quarti sæculi exitum imagines in Ecclesias admissas esse. Hæc nimirum ornamenta primi desiderarunt ii, apud quos opes, & luxus, cæteraque carnis, ac mundi copiarum plurimum abundabant. Paulinus, Nolæ in Campaniâ episcopus, hæc exempla sequutus Fœlicis basilicas, atque ædes variis picturis exornavit, quas ipse exsequitur in eo opere, quod Fœlicis nomini dedicavit; ubi de tribus Basilicis verba faciens, hæc canit:

Martyribus mediam pictis pia nomina signant, *Paul. Nat. 7.
Falic.*

Quos par in vario redimivit gloria sexu,

At geminas, quæ sunt dextra, lavaque patientes

Binis historiis ornat pictura fidelis.

Vnam Sanctorum complent sacra gesta virorum,

Iob, qui vulneribus tentatus, lumine Tobit.

At aliam sexus minor obtinet, inclyta Iudith,

Qua simul & regina potens depingitur Ester.

Sed non sunt prætereundæ rationes, quibus ad id consilii adductum se profitetur Paulinus, loco imprimis nobili, & jam ante octingentos annos, imperante Ludovico, à Dungalo quodam citato in opere de imaginibus contra Claudium Taurinensem;

Forte requiratur (inquit Paulinus) quam ratione gerendi

Sederit hac nobis sententia pingere sanctas

R A R O more domos, animantibus assimilatis.

Accipite, & paucis tentabo exponere causas.

Quos agat huc sancti Felicis gloria cætus,

Obscurum nulli; sed turba frequentior his est,

Rusticitas non cassa fide, neque docta legendi.

Hæc assueta diu sacris servire profanis

Ventre Deo, tandem convertitur advena Christo

Dùm Sanctorum opera in Christo miratur aperta.

Cernite

*Cernite quàm multi cœant ex omnibus agris
Quàmque piè rudibus decepti mentibus er-
rent.*

*Longinquas liquère domos, sprevère pruinas
Non gelidi, fervente fide; & nunc ecce fre-
quentes*

*Per totam, & vigiles extendunt gaudia no-
ctem*

Latitia somnos, tenebras funalibus arcant.

Tum:

Propterea visum nobis opus utile, totis

Fœlicis domibus picturâ ludere sancta.

Si fortè attonitas hac per spectacula mentes

Agrestum caperet fucata coloribus umbra.

Mox:

*Dum fallit pictura famem, sanctasque le-
genti*

Historias, castorum operum subrepit honestas

Exemplis inducta piis; potatur hianti

Sobrietas; nimii subeunt oblivia vini.

Dumque diem ducunt spatio majore tuentes,

Pocula rarescunt; quia per miracula tracto

*Tempore, jam pauca superant epulantibus
hora.*

Atque hic Lectorem rogo, ut hunc Paulini locum paulò attentius considerare velit. Is enim hujusmodi est, qui vel solus totam hanc disputationem patefacere, atque illustrare possit. Ac Primum quidem apparet Paulini temporibus hoc
est

est jam ineunte quinto à Christi natalibus sæculo) *rarum* adhuc in Italia fuisse morem pingendi *sanctas*, ut ille loquitur, *domos*, id est Ecclesias , aliasque sacras , & religionis usu dicatas ædes. Hæc & difertis verbis dicit, & eo ipso abundè docet, quod consilium suum purgare , ac tueri satagit , ejus causis in medium allatis ; quâ admonitione atque defensione nihil opus erat, si usus iste vel ab Apostolis traditus , vel ubique ab Ecclesiâ receptus fuisset. Sed cùm intelligeret Paulinus imagines, quod neque verbo divino præceptæ, aut institutæ essent, neque à Christianis multùm frequentatæ, facile nonnullis mirandi , & reprehendendi occasionem præbituras, istis occurrendum putavit, adductis rationibus, quibus commotus id consilium, præter communem cæterorum usum, ac morem, ceperit. Secundò observandum est Paulinum in explicandis hujus sui instituti causis, nihil de imaginum veneratione dicere; fidelium tantùm, eorumque rudiorum, nimirùm agrestium, & rusticorum hominum, oblectationem, atq; instructionem commemorare. Denique his etiam confirmatur , quod in superioribus diximus veri simile videri Cappadocas, & Pontios ex Gregorii Neocæsariensis sententiâ
imagines

imagines idè in Ecclesias recepisse, quod ea ratione Paganos ad Christi fidem facilius traductum iri sperarent. Nam idem quoque Paulini fuit in pingendâ Fœlicis æde consilium. Atque hujusmodi fuere rationes, quibus in Ponto, & Cappadociâ, in Latio, Campaniâ, paucisque aliis provinciis permoti homines imaginum in Ecclesiis usum circa quarti sæculi exitum receperunt; non alio, ut apparet, consilio, quàm ut loca sacra exornarent, & ex infirmâ plebe rudiores, ac infirmiores quosque vel oblectarent, vel etiam instruerent, atque erudirent. Itaque frustrâ sunt adversarii, qui hodie istorum exemplum afferunt, præter quorum mentem, atque consilium, imagines in Ecclesiis positas adorari insuper, & in religione coli volunt; qui proprie est hujus disputationis cardo. Non enim ex ipsis Protestantibus desunt, quibus nulla religio est picturas ad ornatum, & oblectationem, etiam in sacris ædibus habere; id modò contendentibus, nequis iis cultus, neque veneratio exhibeatur.

CAPVT V.

*Soluntur, quæ ex Paulino, Ambrosio, & Augu-
stino afferuntur ad probandum veteres venera-
tionem imaginibus exhibuisse.*

QUod cùm ipsi adversarii animadver-
terent, sibi conscii nihil actum esse,
nisi venerationem imaginibus à veteri
Ecclesiâ delatam probent, id causæ ne-
cessitate coacti probandum suscipiunt;
quantumvis appareat diversam fuisse &
Paulini, & aliorum Patrum sententiam,
ex iis, quæ & nuper hoc ipso in libro, &
paulò ante in duobus superioribus à no-
bis disputata sunt. Itaque ut picturas,
quas vocant, sacras jam ipsis Gregorii
Nysseni temporibus eodem loco, & nu-
mero habitas fuisse efficiant, quo nunc
habentur Romæ, corradunt aliqua scri-
ptorum istius ævi loca, sed adeò infirma,
& dubia, & ab eo, quod concludere cu-
piunt, aliena, ut talia objicere illos non
minùs pudere debuerit, quàm nos refer-
re & excutere piget. Principiò ergo eum
ipsum, quem modo audivimus Paulinum
adducunt, invitumque, ac reluctantem
sibi testimonium dicere jubent. Nam is
quo loco, quas paulò ante memoravimus
Fœlicianæ ædis picturas, descripsit, conti-
nuò subjicit,

— Sanctasque

— *Sanctasque feramur in aulas,*

Miremurque sacras, veterum monumenta,
figuras;

Vbi, ut obiter hoc dicam, Perronius nescio quâ de causâ miremur accipit pro contemlemur, præter vulgarem ac usitatum sermonis Latini morem. Hincigitur adversarii concludunt Paulinum imagines adorasse. Sed apud quos Lexicographos mirari est adorare? Cum Poëta de Æneâ verba faciens, Carthaginenses tabulas, picturasque avidis oculis spectante, ait,

Artificumque manus inter se, operumque laborem *Æneid. 1. 2.*

Miratur;

intelligit-ne adoratam ab heroë picturam? Nonne & nos, quos iconomachos vocant adversarii, quarum imaginum venerationem, & cultum exsecramur, earum ipsarum opus, artem, elegantiam miramur? At cum sacras vocet figuras, inquit Bellarminus, *honorandas etiam docet.* *Bell. de Imag. c. 12. §. Tatlinus.*
res enim sacre omnes honorandæ sunt. Quo loco aut honorandas dum dicit, de religioso cultu, atque adoratione intelligit, aut nos ludit. Jam verò si eo sensu honorari debent quæcumque sunt sacra, ergo olim adoranda erat Aaronis, & cæterorum Pontificum tiara; adorandæ sacerdo-

tum

tum vestes ; quæ passim *sacræ & sanctæ* appellantur. Adorandæ nunc erunt Ecclesiarum valvæ , claves , seræ , fenestræ , tum lignæ , tum vitreæ ; Adoranda quæcumque eodem referuntur ; quippe quæ sacra vulgò ab omnibus dicuntur. Quis non videt Paulinum *figuras istas sacras* ideò vocare , quod loco sacro , nimirum in Ecclesiâ essent positæ ; tum etiam , quod *sancti* essent , quorum illæ imagines erant? Sed neque hic quæritur habuerit ne Paulinus *figuras istas* , quas *sacras* nominat , aliquo in pretio , & numero ; easne plures fecerit , quàm profanas , aut vulgares , easne denique utiliùs & fieri & spectari putaverit , quàm cæteras dissimilis argumenti . (nam ille sanè si sensisset aliter , numquam iis , quod fecit , totam Fœlicis ædem replevisset .) Horum nihil venit in controversiam . Longè aliud est , quod quæritur , nimirum an Paulinus *sacras* illas , ut vocat , *figuras* , sicuti nunc Romæ fit , coluerit , vel adoraverit , an apud eas nudato capite de geniculis supplicaverit ; orationesque intentis in eos oculis fuderit ; an thura fumantia , an accensos cereos iis obtulerit ; an eas vestitu , cultuque magnifico , auro & gemmis exornaverit? Hos imaginibus honores à Paulino delatos ex eo concludere , quod *sacras* illas

illas dixit, id verò ludere est, & nobiscum, tamquam cum fungis, aut stipitibus agere. Nos quidem quosvis Scripturarum codices *sacros* passim dicimus; suggestum, è quo prædicatur Christi evangelium, sacrum quoque nominamus, neque aliter de iis loquimur, quorumcumque aliquis est in religione usus; Num idcirco quem Christi, & Sanctorum imaginibus cultum, atque honorem exhibent, eundem istis quoque exhibendum censuerint adversarii?

Huc quoque afferunt, quæ Chrysostomi nomine circumfertur, Liturgiam; in qua sacerdos dicitur *ad imaginem Christi caput inclinare*. Sed hæc neque in Claudii de Saintes, neque in Morelli editione usquam comparent. Neque ullum ferè est veterum opusculum, cujus inter exemplaria tanta sit diversitas, quanta in istius Liturgiæ codicibus reperitur. Pelargus fatetur exemplar suum, nec cum Leonis Thusci, nec cum Erasmi exemplaribus convenire; testaturque se aliud quoddam Romæ vidisse, ab his omnibus discrepans. Claudius verò Espensæus ait hanc Liturgiam, *ut à sanctissimo Chrysostomo, cæptam & compositam, in multis temporum varietate insitis ampliata fuisse.*

*Claud. Esp. de
Missa privat.
p. 220.*

Quod quàm verè ab Espensæo sit affirmatum,

matum, satis apparet ex iis, quorum nomina in mortuorum commemoratione ibi recitantur. Sunt enim inter eos nonnulli, qui post ipsius Chrysostomi mortem vixerunt; ut Cyrillus, Euthymius, Sabas, Joannes eleëmosynarius, quorum primus annis post Chrysostomum xxxvii. secundus lxvi. tertius cxxvi. quartus ccxiii. decesserunt. Hujusmodi enim opuscula, quæ sunt in publico Ecclesiæ usu, multis variisque modis immutata, & interpolata fuisse constat, cum iis diversa, ac inter se nonnumquam pugnantia diversi subinde auctores pro vario pietatis affectu, proque suo cujusque sæculi gustu, sensu, ac more addiderint, ut est ab Andrea Masio, viro inter adversarios eruditissimo, præfatione in Basilii Anaphoram observatum. Frustra ergo hic Chrysostomi nomen obtenditur, cum palàm sit ea quæ afferuntur verba, si quibus in exemplaribus extent, in ea insulta fuisse, sequutis post Chrysostomi mortem temporibus, cum jam in Ecclesiam inductus esset imaginum cultus. Quod si hæc Chrysostomi Liturgia accuratè cum Germani Commentariis comparetur, liquabit eam inchoandam esse aliquot post illa adducta verba pagellis, ut vel hinc appareat falsa illa & fictitia esse.

Nihilo verior , aut certior est is locus , quem ex nescioquâ Basilii nomen præferente ad Julianum epistolâ adducunt ; quo vir sanctissimus ita loqui fingitur ; *Suscipio verò & sanctos Apostolos, Prophetas, & Martyres, qui ad Deum deprecationem faciunt ; &c. pro quo, & figuras imaginum eorum honoro, & adoro, & veneror specialiter* (Græcus codex habet *Φαερεῶς παλάμ*) *Hoc enim traditum est à sanctis Apostolis, nec est prohibendum.* Hæc enim non esse Basilii, præter ipsam dictionis insolentiam, atque absurditatem, à nitore & puritate gravissimi scriptoris , plurimum abhorrentem, multa alia sunt, quæ doceant ; Ac primùm quidem , quod ista epistola in nullo veteri Basilianorum operum, vel manuscripto , vel typis excuso exemplari, reperitur; tum quod hæc nusquam (quantum ego quidem memini) vel à Joanne Damasceno, vel à Germano, Constantinopolitano episcopo , in hac causa allata sunt, Græcorum eruditissimis, & eorum , qui imaginum venerationem defenderunt , facile principibus ; quod argumento est ea verba in Basilii veris & genuinis operibus non magis istorum, quam Patrum nostrorum temporibus exstitisse. Vnus illa commemorat Adrianus Papa, in epistolâ ad Im-

peratores, in septimâ Synodo, cujus viri notissimum est in hanc causam studium. Adrianus enim iste est, qui Nicænam Synodum, in quâ decreta est, & sancita imaginum veneratio, unus omnium suâ auctoritate & promovit, & confirmavit maximè; qui cùm id decretum à Synodo Francofordiensi, Caroli Magni nutu, atque auspiciis, sigillatum & repudiatum videret, errorem obstinato animo acerrimè defendit, etiam scripto in id argumentum ad Carolum volumine; in quo, non pauca partim evidenter falsa, partim incerta ac dubia, nullâ religione, solâ vincendi libidine adducit; ut est à nobis in superioribus jam observatum. Hic est scilicet cujus unius fidem omnibus Basilii antiquis anteferamus; cujus auctoritate commendatis testibus incunctanter credamus. Sed tamen si nulla extarent tanti ejus, tamque impotentis in hanc causam studii argumenta, quis tamen crediderit hominem Latinum, & (quod ex ejus scriptis apparet) antiquitatis Ecclesiasticæ non admodum peritum ea in Basilii operibus vidisse, ac deprehendisse, quæ Germanum, & Damascenum fugerant viros omnium, qui illo sæculo floruisse feruntur, longè doctissimos, & in omni litterarum genere, maximè verò
in

in Græcorum Patrum monumentis, verfatiffimos ? Quæ cum ita fint, dubitandum non videtur, quin fit falſum, id quod allatum eſt, teſtimonium, & ab ipſo illo, qui primus eo uſus eſt, Adriano audacter aſſictum Baſilio; cujus generis plurima occurrunt in ſeptimâ Synodo à bonis illis, verecundiſque Patribus eodem in hanc cauſam pudore, eademque fide laudata, ut videre eſt ex iis, quæ jam antea collegimus, exemplis. Noſtras quidem Perronius nonnullo, ut videtur, pudore deterritus, inter plurima, quæ in hac diſputatione nobis ex Patribus objicit, hunc Baſilii locum omiſit; quem tamen, ſi verum ac indubitatum cenſuiſſet, omiſſurus proſectò non fuit; quippe qui unus multò ſit reliquis omnibus pro adverſariorum cauſâ potior, ac diſertior. Quo magis cogor eorum, qui ultimam Baſilianorum operum editionem Lute tiæ nuper procurarunt, fidem atque æquitatem deſiderare. Illi enim cum hæc ignorare vix poſſent, certè non deberent, non dubitarunt tamen ſpurium iſtum, dubiiſque parentibus prognatum fœtum inter vera, & genuina Baſilii opera recensere, atque excudere, & quidem nullâ adjectâ notâ, nullâ admonitione; ex quâ vel obſcurè intelligi poſſet non eam-

*Refut. du diſc.
de Conf. de
Font.*

310 DE IMAGINIBVS
dem ejus esse, quæ cæterorum est, aucto-
ritatem.

Bell. de Imag.
c. 12. §. *Ambr.*

Ambr. serm.
10. in Ps. 18.

In hanc etiam disputationem à Bellarmino trahitur, quod alicubi scribit Ambrosius, pauperum curam eo nobis commendans, quod sint illi Dei totidem veluti imagines, *Qui imaginem coronat Imperatoris, utique illum honorat, cujus imaginem coronavit; & qui statuam contempsit Imperatoris, Imperatori utique fecisse videtur injuriam.* Sed ubi erat Bellarmini animus, cum indè concluderet Sanctorum imaginibus delatum ab Ambrosio religiosum aliquem cultum? Atqui nihil ille hujusmodi; nihil quod non nos quoque, hostes illi imaginum, quotidie usurpamus; nimirum cum homo sit Dei & imago, & opus, Dei in homine majestatem vel honorari, vel violari. Nihil hæc imago. quam intelligit Ambrosius, cum iis commune habet, de quibus concludunt adversarii. Illa vivit, sensu & ratione prædita; hæc frigida, omnisque vitæ & animæ expertes jacent. Illam à Domino institutam, conditam, ac fictam constat; has Dominus neque fecit, neque verò fieri præcepit. Quod in illam à nobis officium exigit Ambrosius, nimirum ut opis nostræ egentem juvemus, & solemur, id inquam à Domino ipso disertissi-
mis

mis ac luculentissimis verbis edictum, & sancitum est, latâ in eos, qui secus faxint, gravissimâ pœnâ. Qui verò harum cultus ab adversariis urgetur, eum nusquam omnino in Scripturis, vel à Domino ipso, vel à sanctissimis Apostolis præcipi, vel commendari scimus. Eo fit, ut Cæsareæ imaginis allata ab Ambrosio similitudo, id ad quod allata est, aptissimè adumbreret; cùm sit ea imago hujusmodi, quam à Principe institutam, & approbatam fuisse constat, & eo quidem consilio, ut in eâ, velut in signo & monumento quodum, ipsius persona, atque majestas conspicienda proponatur. Sanctorum verò imaginibus nullam planè hæc comparatio venerationem, vel auctoritatem conciliat; quippe quas neque Deus in Scripturis, neque Sancti ipsi usquam instituisse, vel approbasse comperiuntur. Quod si hæc valet adversariorum argumentatio, cùm illi sentiant imagini cultum hujusmodi exhibendum esse, qui analogiâ quadam ad eam cultûs speciem pertineat, qui ipsius debetur exemplari; profectò confitendum est, ex eo quod pauperes totidem sunt Dei imagines, illud quoque ex Ambrosio consequens esse, ut eos analogicâ quadam latriâ adoremus, ad eum cultum reducendâ, quo

Deum optimum maximum prosequimur, ejusdemque omninò generis cujus illa est adoratio, quam Christi, & Trinitatis imaginibus decernunt; quod quàm sit absurdum, nemo non videt. Itaque clarum est, ne Sanctorum quidem imagines adorandas ex iis consequens esse, quæ sunt hoc loco scripta ab Ambrosio. Quod si vel maximè consequens esset, non eo tamen fieret, ut sic sensisse ipse etiam Ambrosius censendus esset, cùm qui thesin aliquam ponunt, atque tuentur, ii non rarò quæ legitimè ex eâ consequuntur, aut non videant, aut certè non admittant. Quacumque ergo ratione intelligatur, ac tractetur locus ille Ambrosianus, palam est eo nequaquam adjuvari, vel levari posse adversariorum causam.

*Aug. l. 3. de
Trin. c. 10.*

Neque verò minorem Augustino faciunt injuriam, dùm hæc ejus de signis verba ad hanc disputationem obtorto collo, ut sic dicam, trahant. *Sed quia hæc hominibus nota sunt, quia per homines fiunt, honorem tamquam religiosa, possunt habere; stuporem, tamquam mira, non possunt.* Quicquamne est necessitate, & desperatione solertius, quæ tantum istis ingenii, tantum acuminis dedit, ut ex tali loco imaginum adorationem extundere quiverint?

rint? Hac quidem ratione facile è pumice
aquam, facile ex flamma victum expresse-
rint. De iis signis loquitur Augustinus,
quæ sunt ad religionis usum à Domino
instituta, cujus generis fuit serpens æneus,
quo Christum olim figuratum scimus;
qualia item sunt illa aquæ, panis, & vini
sacramenta, quibus tùm Sancti Spiritûs
gratiam, tùm corporis & sanguinis sui
vim Dominus sub novo fœdere repræ-
sentat. Indè efficit Bellarminus, Sancto-
rum imaginibus delatam fuisse ab Augu-
stino religiosam aliquam venerationem.
Hîc ego primùm quæro, ubinam istas,
quas tanti faciunt, Sanctorum imagi-
nes, Augustinus inter illa, de quibus hîc
loquitur, signa divinitûs in religione in-
stituta numeraverit, iisque sacrum ali-
quid, & mysticum vel significandi, vel
impertiendi vim tribuerit? Quod si San-
ctorum imagines ab Augustino ponunt
eo loco & numero habitas esse, non mo-
dò id ponunt, quod in quæstione, &
controverhiâ versatur; sed etiam illi scri-
ptori ea tribuunt, quæ palàm cum ejus
mente, ac sententiâ pugnant. Hic enim
ille ipse est, qui alibi testatur nulla in
Christianorum religione hujusmodi fuis-
se instrumenta, quæ os haberent, neque
loquerentur; & nares, neque olfacerent;

quod utrumque cùm in Sanctorum imagines conveniat, quis non videt eas, ex Augustini quidem sententiâ, nullum inter Christianæ religionis media atque instrumenta locum habuisse? Tum & illud velim scire, ubinam docuerit Augustinus signis istis, quorum aliquis est in religione usus, cultum deferendum esse ei analogum, qui ipsorum exemplaribus, primariisque objectis debetur? æneo, verbi gratiâ, serpenti exhibendam fuisse latriam nescioquam analogicam, eo quod Christus, ad quem serpens referebatur, legitimâ & absolutâ latriâ sit adorandus? Quæ ergo ista est nova, & insolens adversariorum Dialectica, quæ quod probandum suscepit, id ipsum audacter sumit, & supponit? quæ postquam Augustino affinxit sua somnia, tùm denique quod libet ex iis colligit? Nemo scriptorum est, ne Calvino quidem excepto, ex quo non facile imaginum adorationem bello hoc artificio concluderis.

CAPUT VI.

Primus imaginum abusus, paulò ante quarti sæculi exitum, ab Augustino notatus, improbat, & ab Ecclesia Catholica, cui falso imputabatur, fide in privatos aliquot & imperitos homines conjectus.

Hæc sunt, quæ ex quarti sæculi scriptoribus ab adversariis objiciuntur, planè futilia, & à præsentī causâ aliena. Vnde videre est, non aliò eos spectasse, qui paulò ante initium quinti sæculi picturas in nonnullas Christianorum ædes introduxerant, quàm ut loca sacra exornarentur, & rudiorum oblectationi, atque instructioni hac ratione consuleretur, quod suprà disertè profitentem Paulinum audivimus. Sed cheu! quanta est cogitationum humanarum vanitas! Quamquam non alius esset istorum animus, res tamen intra eos fines nequaquam stetit. Consilium primò in speciem utile, mox in periculosissimum abusum exiit; & quæ in loca sacra ideò receptæ erant imagines, ut Pagani ad Christianam fidem faciliùs, objectâ veluti hâc escâ allicerentur, eæ ipsos Christianos in Paganorum superstitiones abduxerunt. Quæ pestis hoc institutum adeò celeriter corripuit, ut qui nascentem in Italiâ hunc usum spectare potuit Augustinus, eum ipse jam dege-

degenerantem , & in tætrum errorem sublapsum viderit, flagitiosâ quorundam imperitiâ , qui imagines planè alio fine institutas, supersticiosâ veneratione poluebant. Istorum crimen vir sanctissimus libro de moribus Ecclesiæ Catholicæ his verbis confitetur, ac damnat; Nolite, inquit, mihi colligere professores nominis Christiani, nec professionis suæ vim scientes, aut exhibentes. Nolite consecrari turbas imperitorum, qui vel in ipsa vera religione superstitiosi sunt, vel ita libidinibus dediti, ut obliti sint, quicquid promiserint Deo. Novi multos esse sepulcrorum, & picturarum adoratores; novi multos esse, qui luxuriosissimè super mortuos bibant, & epulas cadaveribus exhibentes, super sepultos se ipsos sepeliant, & voracitates, ebrietatesque suas deputent religioni. Hic Augustinus duo flagitia, quæ ipsius tempore, jam nonnullorum mores invaserant, distinctè notat; alterum eorum, qui ad Christianorum Martyrum sepulcra fœdas Paganorum helluationes, atque computationes imitabantur; eorum alterum, qui picturas adorabant. Utrosque haud segniter damnat; turbas imperitorum appellans, & cum iis recensens, qui Christi nomen profitentes, professionis suæ vim aut nesciunt, aut certè non exhibent; testatur que nihil ad Christianam doctrinam istorum labes pertinere,

*Aug. T. 1. l. 1.
de mor. Eccl.
Cath. c. 34.*

nere, & iniquissimè facturos, siqui eas Christiano nomini imputaverint. Non potuit clariùs, aut disertius docere, siqui tum essent, qui imagines adorarent, eorum factum doctrinæ Ecclesiasticæ repugnasse, fuisseque quorundam duntaxat à communi & publicâ Christianorum fide privatam, ac singularem aberrationem. Bellarminus, vi veritatis unde quaque urgente, ubi consistat, non habet; ancepsque consilii, modo huc, modo illuc confugit, & nodum, quem solvere non potest, ambiguis & incertis responsis eludere frustra tentat. Dico, inquit, primò fortè eum loqui de idolis gentium. Itanè verò? Atqui istos picturarum adoratores, inter Christiani nominis, veræ adeò religionis, professores habet, ac recenset Augustinus. Qui verò idola Gentium adorant, eos omnis semper Ecclesia pro Christianismi desertoribus, apertisque fidei hostibus habuit. Tum gentilium picturarum adorationem quo colore, quâ specie Catholicis Manichæi imputassent, qui eam in omnibus libris passim apertissimè, atque disertissimè non modò damnabant, sed etiam abominabantur? Nulla ergo ratione fieri potest, ut idola gentium hic intellexerit Augustinus, quem palam est de hujusmodi superstitione loqui, quæ cum

*Bell. de Im. c.
16. §. Ad lo-
cum Aug.*

cum Christianæ fidei, ac veritati repugnaret, nondum tamen ullo universalis Ecclesiæ edicto singulariter, & nominatim proscripta, vel interdicta fuerat; adeo ut Catholicorum adversariis aliqua, saltem in speciem, causa esset expostulandi, atque Ecclesiam criminandi. Eam autem illis hoc loco sic eripit Augustinus, ut testetur id privatum esse paucorum hominum crimen, non publicum universalis Ecclesiæ institutum; quod nisi de iis, qui Sanctorum picturas adorabant, intelligi non potest. Id ipse Bellarminus videtur agnovisse. Nam primæ illi responsioni diffidens, subjicit, Augustinum *fortè loqui de quibusdam, qui imagines Sanctorum superstitiosè colebant, ita ut accederent ad idololatriam*. Nihil opus erat orationem suspendere ex ancipiti illo adverbio *forte*. De his ipsis, non *fortè*, sed certò & indubitato loquitur Augustinus. Hi verò quinam, qualesve fuerint, operæ pretium est intelligere. Nam Bellarmino quidem Sanctorum imagines superstitiosè non colunt, qui eas in Ecclesiis solenniter celsò, & conspicuo loco ponunt, dedicant, salutant, religiosoque cultu afficiunt, qui apud eas supplices & venerabundi, flexis genibus, nudatoque capite precantur; qui eas cereo-

rum

ibid.

rum lumine, thurumque odoribus honorant; qui statis diebus magnâ pompâ publicè gestatas circumvehunt; qui loca, quibus consecratæ sunt, longinquis peregrinationibus adeunt; hæc omnia qui facit, eum Bellarminus nullius in imagines superstitionis reum existimat. Quin imò neminem tum fuisse putat verè Catholicum, qui non hæc aut faceret ipse, aut ab aliis fieri gauderet; ut his nihil commune fuerit cum istis picturarum adoratoribus, quos tam graviter, tamque acerbè explodit Augustinus. Enimverò omnis hæc Bellarmini responsio vana est, & inanis; ab isto ad libidinem ficta, non ullâ verâ, & solidâ ratione nixa. Nam nondum, quod sciam, demonstratum est ab adversariis, quem ipsi imaginibus deferunt cultum, eum vel superstitiosum non esse, vel jam Augustini temporibus publicè in Ecclesiâ receptum fuisse. Secundò. Si *picturarum adoratores* non sunt, qui eas, quo dixi ritu, id est Romano, adorant, quæro quinam tandem sint isti *picturarum adoratores*, quos scriptor ille sanctissimus ex verorum, & genuinorum Christianorum numero excludit. Respondet Bellarminus eos esse, *qui imagines, quasi Deos, adorant*. Sed nihilo nos facit doctiores hæc Cardinalis definitio.

Nam

Ibid.

Nam quæ superiora verba involvebat
 ambiguitas , eadem hic quoque recurrit.
 Iterum igitur interrogo , quid hæc sibi
 velint , istos quicumque tandem fuerint
 Christianos , *imagines quasi Deos adorasse*.
 Hiccine est eorum sensus, credidisse istos
 mutas illas , & inanimatas effigies , quas
 oculis , cæterisque sensibus usurpabant;
 verè numina fuisse, naturasque æternas,
 infinitâ quadam sapientiâ , atque poten-
 tiâ præditas, quæ cœlos, quæ terras, quæ
 reliquas universi partes , & condidissent
 initio, & nunc etiam regerent, ac guber-
 narent ? iisque secundum hanc fidem
 summum illum , soli divinitati debitum
 cultum , (quem vulgò adversarii *latriam*
 vocant) ex animo exhibuisse ? Sed cui
 fiet verisimile , hominibus Christianis,
 veramque religionem professis , non ve-
 nire tantum in mentem , sed etiam ani-
 mo insidere potuisse tam crassam , tam-
 que belluinam imaginationem ? quam
 ipsi etiam Pagani longe à se amoliti sunt,
 imaginem à numine , materiam idoli ab
 ejusdem objecto, & exemplari callidè (ut
 suprâ demonstravimus) distinguentes? Si
 verò *eos imagines, quasi Deos, adorare* intel-
 ligunt, qui imaginibus religiosum cultum
 exhibent ei similem , quo Pagani suos
 olim Deos prosequutas fuisse accepimus;
 quis

quis non istius , quodcumque tandem est , criminis ipsos etiam reos esse videt, quorum in Sanctorum imagines cultus, actus, honores, eorum (maximâ quidem ex parte) gemini sunt, quos olim superstitio Diis suis exhibebat ? Denique si hæc erat, quam volunt, Augustini mens ; cur eam clarè & disertè non est elocutus ? Cur tam ineptâ voce usus est, quæ nimio significationis ambitu insontes cum fontibus, veros Catholicos cum superstitiosis pariter involvebat ? Nam si temporum illorum Ecclesia, quod Nicæna postea Synodus decrevit , id jam tùm servabat, ut Christi, Sanctorumque imagines adoraret ; Si quod illius Synodi Patres, id ipsum verè edicebat, *Anathema, his qui non adorant venerabiles imagines ; His qui non docent diligenter cunctum Christi amatorem populum adorare venerabileis imagines, sacras, & adorandas omnium Sanctorum, qui à sæculo Deo placuerunt, anathema. Imaginales formationes dispensationis Domini nostri Iesu Christi, Dei genitricis V. Mariæ, ac Angelorum, & omnium Sanctorum adorandas & osculandas constat ; & quisquis sic se non habuerit, sed dubitaverit vel etiam elanguerit erga venerabilium imaginum adorationem, hunc anathematizat nostra Synodus.* Si hi, inquam, erant Augustini sæculo Ecclesiæ

Syn. 7. A. 1. p. 531. ult. edit. Par. Ibid. A. 7. ep. Synodi ad Imp. p. 834. e. f.

sensus, si hæ Catholicorum voces, quis non videt omneis illius ævi homines verè Christianos, *picturarum* fuisse *adoratores*? quibus verò eas adorare religio erat, eos extra communionem Ecclesiæ, ac solo nomine Christianos fuisse? Si verò ita se seres habuit, ubi erat Augustini animus, cùm *picturarum* adoratores, *imperatorum turbas* vocaret, eosque tamquam Christiani nominis maculas, ac labes cum iis censeret, qui *professionis Christiana vim aut nesciunt, aut non exhibent*? Basiliius, firmissima, atque illustrissima illius, quæ tum florebat Ecclesiæ, columna, clarissimâ voce (si adversariis credimus) clamabat, *Christi, B. Virginis, Apostolorum, Prophetarum, & Martyrum figuras imaginum honoro, & adoro, & veneror palam; hoc enim traditum est à sanctis Apostolis, nec est prohibendum*; Idem Romæ episcopus, idem cæteri Ecclesiæ tùm Orientalis, tùm Occidentalis præsules; (liquidem adversariis fidem habendam putamus) illo ipso tempore & sentiebant, & faciebant. Et tamen sic desipuerit Augustinus, ut Romæ, in eadem illa urbe, in quâ ista scilicet publicè, & docebantur, & fiebant, scribere ausus sit *picturarum adoratores*, homines imperitos fuisse, qui præter nudum nomen, simplicemque professionem

Syn. 7. Act. 2.

nem nihil Christiani, nihil Catholici habuerint? Ii quibuscum hic disputat, Manichæi quas turbas daturi erant, si causam tam flagitiosè ab eo prodi animadvertissent? Quid tu nos vetas picturarum adorationem Catholicis objicere, quam vos palam, & docetis, & exercetis? Imagines illæ, quas Basilius, Ecclesiarum vestrarum columen, quas Damasus, episcoporum vestrorum caput, quas alii omnes, adorant, annon picturæ sunt? Quæ ergo fronte, aut ex vestrorum Catholicorum numero picturarum adoratores expungis? aut tamquam privatum quorundum factum condemnas, quod isti velut ab Apostolis omni Ecclesiæ traditum defendunt? Si Basilius, si Damasus, si alii imperiti sunt, si professione tenus Christiani, quinam ergo tandem isti sunt, quos tu nobis narras verè Catholicos, tanti nominis gloriâ dignos? Sane si, quam volunt adversarii, ea tum fuit Ecclesiæ fides, praxis, & disciplina, Augustinus ne huic justissimæ Manichæorum expostulationi, atque criminationi locum daret, illos, quos tam acerbè exagitat, *picturarum adoratores*, vel planè omittere, vel defendere potius, quàm damnare debuit; chimæricosque istos, (quos nimio causæ studio Bellarminus fingit)

idololatrias , siqui tum uspiam fuissent apud Christianos, accuratè notare, ac describere , iisque coloribus depingere, qui eos à veris Catholicis clarè , ac certò discernèrent . Atqui nihil ille hujusmodi, vel hic, vel alibi usquam fecisse reperitur. Illos enim *picturarum adoratores* simpliciter appellat; quod nomen , secundum adversariorum placita , atque hypotheses, omnibus qui tum fuerunt , veris ac genuinis Catholicis convenisse palam est. Quid ergo reliquum est , si Augustino prudentiam, si sanctitatem, atque caritatem salvam esse volumus , nisi ut confiteamur nullos tum Basilios, nullos Damasos, nullos Ecclesiæ Catholicæ veros, ac probatos magistros fuisse, qui imagines vel adorarent ipsi , vel adorandas ab Apostolis traditum esse docerent? privatumque totum id fuisse quorundam modò ex plebe imperitorum delictum, qui ex propriæ superstitionis libidine jam tum sub nomine Christiano eos cultus meditabantur, atque exercebant, qui insequutis demum sæculis lege publicâ recepti , & sancti fuère? Bellarminus, qui satis sciebat non alios, quàm istos ab Augustino peti, tandem id ipse nobis, quamquam invitatus, concedit; sed, ut erat acutus, strophâ quadam hoc loco utitur, quâ

vix ulla fingi potest urbanior, aut elegantior. Augustino enim, quem in hoc suo de *picturarum adoratoribus* iudicio hallucinatum esse supponit, peccatum clementer condonat, hominis nondum satis in Christianâ religione instituti novitatem & rudimenta excusans, *quod hunc librum scripserit in primordiis conversionis suæ ad fidem Catholicam*; & tamquam ex tripode pronuncians postea meliùs instructum sententiam mutasse, quosque ritus idololatriam sapere initio putaverat eos postea ipsum ab idololatriâ excusavisse. Fateor magnam Bellarmino, magnam cæteris adversariis ab Augustino, aliisque Patribus gratiam deberi, quibus illi tam benignè ea ipsa condonant, quæ in nobis tam rigidè, tamque acerbè vindicanda existimant. Nam quod nunc in Augustino tam clementer ferunt, atque excusant, ob id ipsum adversarii diro anathematis fulmine in nos quotidie sæviunt; nempe quod picturarum adoratores superstitionis, atque impetitæ arguamus. Verùm cum hic non de jure, sed de facto quærat, eoque instituta sit omnis hæc à nobis disputatio, ut simpliciter investigemus, num imagines adoraverit vetus Ecclesia, non verò meritone an secus adoraverit, vel non adoraverit; veniam dabit Bellar-

*Bell. ubi supra.
§. Dico tertio.*

minus, si Augustino ipsis illis temporibus
viventi fidem potius habendam censeamus,
quam ipsi M C LX. annis post nato.
Nam si quæ tum erat Ecclesia Sanctorum
imagines, quod volunt adversarii,
palam adorabat; si hunc usum, tamquam
ab Apostolis traditum, servabat; id pro-
fectò ignorare non potuit Augustinus;
quod tamen si scivisset, nequaquam eum
verisimile est, aut Ecclesiæ catholicæ
communione professurum fuisse, quippe
qui tum (etiam fatente adversario)
cultum hunc superstitiosum, & illicitum
esse, atque idololatriam sapere, existi-
maret; aut rem totam subdolè ac vafre
dissimulaturum fuisse, & in privatos ne-
scio quos, imperitos & superstitiosulos
homunciones, falsò rejecturum. Ac ut
paucis absolvam, picturas ab Ecclesiâ
adoratas, vel scivit Augustinus, vel ne-
scivit. Si nescivit, neque id tum ab Ec-
clesia fiebat; quippe quod si publice ac
palam (ut volunt adversarii) factum esset,
nescire non poterat. Scivisse verò, quis
affirmaverit, cum ipse neget, disertè il-
lam picturarum adorationem quibusdam
tantum imperitis, & solâ professione
Christianis tribuens? Sed (inquit Bellar-
minus) neophytus erat, cum ista scripsit
Augustinus. Quasi verò Christianis neo-
phytis

phytis mentiri fas sit ; & in paucos imperitos per vafritiem conferre , quod à Christianis omnibus ex communi universalis Ecclesiæ sensu fieri probe sciant. Sed neque tùm Augustinus sacrarum, & Ecclesiasticarum rerum adeo ac isti fingunt imperitus fuit. Vir erat plenæ ac maturæ jam ætatis ; quippe qui annum egressus esset tertium supra tricesimum. Annos non paucos de totâ hac Ecclesiæ causâ deliberaverat : Ambrosii catecheses sedulò audiverat ; Christianæ fidei abdita scrutatus , obscura ac difficilia rimatus fuerat ; summos utrarumque partium viros, Catholicos inquam, & Manichæos, diligenter de singulis consuluerat ; tandemque post hæc tam diuturna certamina Deo gloriam dederat, ejeratâque hæreseos perfidiâ ad Ecclesiam Catholicam sese aggregaverat ; in omni doctrinâ Christianâ ita tritus , ac subactus, ut statim post conversionem libros ad defendendam hanc causam scriberet, quos inter isti sunt, de quibus nunc quæritur, adeò terfi, adeò fortes, & acuti, ut vix quicquam sit in tam multis sanctissimi viri operibus, quod iis jure anteponi queat. Quid autem de eo senserit illorum temporum Ecclesia, satis ipsa demonstravit, cùm presbyterii honore statim

tim donatum, paulò post novo & inusitato exemplo episcopum ordinavit, ante Valerii, cui successurus erat, obitum. Quis crediderit talem, ac tantum virum, ejus Ecclesiæ, in quam tum ingrediebatur, publicam, & universalem doctrinam superstitionis, imperitiæ, & erroris per summam contumeliam accusaturum fuisse? Quis vero ipsam Ecclesiam, si id ausus esset Augustinus, laturam fuisse putaverit? quis non hominem ad retractandum errorem admonitionibus, atque censuris coacturam? quis denique tam malè de se merito, sanctissimorum ministeriorum apices, velut temeritatis mercedem, repensuram fuisse? Atqui neque tum, neque umquam postea reprehensum fuisse ab Ecclesiâ Augustinum, quod ita scripisset, neque hunc ejus locum ullâ, vel censurâ, vel animadversione notatum fuisse constat. Contrâ verò certum est paucissimos exstare, quorum opera majori favore, plausu, atque admiratione apud Christianos lecta, & celebrata fuerint. Quod verò videtur significare Bellarminus Augustinum postea meliùs (ut loquitur) instructum sententiam mutasse, id temerè & sine ullâ probatione affirmatur, & ab omni veri specie vehementer abhorret. Nam si sententiam postea mutavit Augustinus,

quid

quid ergo est , quod nihil ea de re nos *L. i. Retr. c. 7.* monet priore Retractationum libro, quo istud de Ecclesiæ moribus opusculum disertè nominat, & quædam ex eo loca satis prolixè retractat, atque castigat ? Sed neque eo loco , neque usquam alibi in tam multis, quæ etiam hodie exstant, operibus, suam hanc de picturarum adoratoribus sententiam retractasse, vel imaginum venerationi favisse deprehenditur. Contrà verò non pauca, quamquàm obiter & ex occasione , variis locis insperfit, quæ cum hoc ejus judicio planè consentiunt, ut videre est ex iis, quæ sunt in superioribus à nobis commemorata. Nil ergo prohibent adversariorum cavillationes, quo minùs id jam concludamus, quod initiò susceperamus probandum , Augustini temporibus picturarum adorationem à veris Catholicis pro errore, atque peccato fuisse habitam, & siqui nominis Christiani homines imagines tum adoraverunt, id non ex publicâ aliquâ, receptâque universalis Ecclesiæ aut lege, aut consuetudine fecisse, sed ex singulari superstitione, privatâque imperitiâ temerè usurpasse.

CAPVT VII.

Gliscit imaginum usus quinto sextoque saculis. Errori duabus diversis rationibus occurrendum putant Serenus Massiliensis, & Gregorius Romanus Episcopi; ille quidem imagines è locis sacris amovendo; hic verò populum Christianum admonendo, ut ab earum adoratione caveat.

SED neque infauſta hæc picturarum primordia, neque Auguſtini iudicium, neque Epiphaniï auctoritas, neque alia hujus generis permulta unicuique per ſe obvia, homines deterrere potuerunt, quo minùs imaginum uſus paulatim in omneis pænè Chriſtianorum Eccleſias irreperet, ſenſimque confirmatus inualeſceret, dùm optimi quique ſatis habent populum admonere eas, non ad venerationem, aut religioſum cultum, ſed ad locorum ornatum, ad oculorum oblectationem, & rerum præteritarum memoriam, habendas eſſe. Nam in iis, quæ adultò jam quinto ſæculo, & toto ſexto labente ſcripta ſuperſunt, crebra imaginum mentio occurrit, & quidem interdùm, (quamquàm rarius & ſerius) venerationis iis jam tum exhibitæ. Pauca è multis libabimus. Theodoretus anno circiter ccccl. narrat de Symeone Stylitâ, Ajunt (inquit) hunc virum in maxima Roma famoſiſſimum fuiſſe, ut in omnibus ergaſteriorum

steriorum (id est officinarum & tabernarum) foribus , imagines ipsi breves erigerent , custodiam quamdam sibi ex hoc , & munimen acquirentes. Sexto verò sæculo , gliscente in dies errore , eo tandem processit superstitio , ut in castra , & in medias acies deferrentur imagines , cælo , ut credebatur , lapsæ. Sic enim narrat Theophylactus Simocatta , Philippicum Mauricii in Oriente imperantis generum , & legatum imaginem nescioquam minimè manu factam ferentē exercitum obivisse , iustrasse & sanctificasse ; quo facto victores fuisse Romanos ; ipsamque imaginem cum veneratione ad Symeonem Amidæ episcopum missam. Scribit etiam Priscum prolatâ eliphrephâ (sic enim appellat) imagine non manu factâ conatum mitigare , ac sedare exercitum tumultuantem. Idem libro quinto quamdam Beatæ Virginis imaginem memorat. Tum primùm nostris à ludæis , Paganisque objici cœpta imaginum veneratio , inauditum prioribus sæculis crimen. Tradunt enim septimæ Synodi Patres , imperante Mauricio , id est anno æræ Christianæ circiter dxc. vixisse Leontium , Neapolitanum illum in Cypro episcopum , qui libro Apologiæ quinto Judæum inducit hæc Christianis exprobrantem. Ioannes verò ille

*Theoph. Simoc.
l. 2. apud Phot.
cod. 65.*

Ib. paulo post.

7. Syn. a. 5.

Ibid.

ille Theſſalonicenſis, qui (ut eſt in Aëtis ſeptimæ Synodi) Paganum faciebat eadem homini Chriſtiano objicientem, multis etiam infra Mauricium annis floruit; quippe qui ſextæ Synodi, anno Chriſti DC LXXXI habitæ, Aëtis ſubſcripſerit. Iiſdem circiter temporibus vixiſſe

Ibid.

verifiſimile eſt illum Dialogiſtam, quem itidem teſtantur ſeptimæ Synodi Patres in hoc quoque ſuſaſſe, ut contortum à Judæo idem telum depelleret. Neque dubito, quin ejuſdem etiam ſit fœturæ, quod Adrianus iſdem Hieronymi neſcio cujus Hieroſolymitani preſbyteri nomine obtrudit, in hæc verba conceptum teſtimonium; *Sicut permiſit Deus adorare omnem gentem manuſacta, Iudæos autem voluit tabulas, quas dolavit Moſes, & duos Cherubim aureos; Sic & nobis Chriſtianis donavit crucem, & bonarum operationum imagines pingere, & adorare, venerari, & demonſtrare opus noſtrum.* Hæc enim eſt, nova ſanè & mirabilis (quis neget?) iſtorum hominum Theologia. Cùm malum ſic in dies creſceret, ac ſerperet longiùs, pii haud dubiè gemebant; neque hanc Chriſtiani nominis domi tam acerbam, foris tam invidioſam labem, ſine ſummo animi dolore aut videbant, aut patiebantur. Sed dùm ſinguli meliora ſperant; dùm

*Ib. Aët. 2. ep.
Adr. extr.
addit. Gr.*

tempus

tempus ipsum morbo per se mederi posse sibi persuadent; dùm verentur, ne si plerisque invitis extortæ fuerint imagines, malum non tam sanetur, quàm exacerbetur, dùmque se abunde officio functos putant, plebem admonendo de non adorandis picturis; error longè, latèque disseminatus altas in plurimorum passim Christianorum animis radices egit. Cæterùm inter tam multos, vel superstitione victos, vel carnali prudentiâ torpentes, vir unus repertus est, qui divino zelo succensus publico errori contra ire, grafsantique per populos stragi obistere non dubitavit. Is Serenus fuit, beatissimæ in Ecclesiâ memoriæ, Massiliensis in nostris Galliis episcopus, qui cùm animo reputaret multò plus detrimenti, quàm utilitatis attulisse imagines, frangi eas, & ex omnibus suæ parœciæ Ecclesiæ ejici jussit; Ezechix prudentiam imitatus, qui serpentem æneum, quod eum Israëlitis scandalo esse animadverteret, everterat olim, & confregerat. Sed factum saluberrimum, cùm universi laudare, ac tamquam insigne exemplum sequi deberent, non modò plebs Massiliensis ægerrimè tulit, sed plerique omnes, etiam episcopi, improbavêre. Gregorius Romanus, ex Pontificum solemni, sæpeque ad amplificandam

plificandam sedis dignitatem non inutili consuetudine, causam hanc invadit, Serenum objurgat, quod fregerit imagines; rudioribus utiles, divinorumque codicum vicem iis esse obtendens, qui litteras nesciunt. *Et quidem zelum vos, inquit, nequid manu factum odorari possit, habuisse laudavimus; sed frangere easdem imagines non debuisse judicamus.* Idcirco enim pictura in Ecclesiis adhibetur, ut ii, qui litteras nesciunt, saltem in parietibus videndo legant, quæ legere in codicibus non valent. Tua ergo fraternitas, & illas servare, & ab earum adoratione populum prohibere debuit, quatenus & litterarum nesciî haberent, unde scientiam historia colligerent, & populus in pictura adoratione minimè peccaret. Sed cum Gregorius Serenum à susceptâ sententiâ dimovere non potuisset, octodecim post mensibus litteras rursus ad eum scripsit, ejusdem argumenti, quæ in eodem libro extant. Ab ipso limine offensum, & subiratum animum prodit; & quidem meritò, si res ex istorum sententiâ spectetur, qui nullum esse putant gravius crimen, quàm tantæ sedis majestatem aspernari, ejusve jussâ contemnere, vel etiam segniùs, atque cunctantiùs capeßtere: *Dis Frater, inquit, à quo factum sacerdote aliquando auditum est, quod fecisti? Si non aliud, vel illud te non debuit revocare,*

*Greg. M.l.9.
epist. Indiç.2.
ep.109.*

*Id. ib. ind.4.
ep.9.*

ne despectis aliis fratribus solum te sanctum, & esse crederes sapientem? Aliud enim est picturam adorare; aliud per picturam historiam, quid sit adorandum addiscere. Tum monet, quas turbas illud ejus facinus, in totâ Malliensium Ecclesiâ excitasse dicatur; quod suos sic scandalizasse perhiberetur, ut maxima eorum pars ab ejus se communionem suspenderet. Suadet, ut dispersos Ecclesiæ filios omni adnifu, omnique studio revocare festinet; doceatque se, quod imagines transisse in adorationem videret, idcirco commotum fuisse, ut eas frangi præciperet: picturas enim ad ædificationem imperiti populi factas fuisse, ut nescientes litteras ipsam historiam attendentes, discant quid actum sit. Gregorii hæc fuit de toto hoc negotio sententia. Saniora, & tutiora fuisse Sereni consilia eventus abundè comprobavit. Rationes verò, quæ quidem firmæ sint, nullas adducit Gregorius. Serenum rogat, à quo sacerdote simile quid unquam factum fuerit? Sed hæc probatio, & falsum supponit, & malè colligit. Quod enim tum in Galliis fecit Serenus, id ipsum ducentis ante Gregorii episcopatum annis in Palæstinâ, datâ planè simili occasione, fecerat Epiphanius, quemadmodum suprâ demonstravimus. Sed
tamen

rametſi neque Epiphanius, neque quiſ-
 quam alius, id umquam feciſſet, non eo
 tamen efficitur huiusmodi aliquid fieri
 nefas eſſe. Hoc enim ſi valet, temerita-
 tis damnandus erit Ezechias, ante quem
 nemo ſerpentem æneum confregerat.
 Non ea eſt epiſcoporum, non aliorum,
 qui alicui hominum ſocietati præſunt,
 conditio, ut iis nihil umquam facere,
 nihil audere liceat, cujus nullum extet
 exemplum. Eorum eſt interdum exem-
 pla poſteris dare, non ſemper à majori-
 bus data requirere. Stultus eſt, & flagi-
 tioſus ejus metus, qui cæteris peccanti-
 bus, officium ſibi quoque ideo deſeren-
 dum putat, ne alios deſpexiſſe, aut ſolus
 ſapere voluiſſe videatur. Non eſt firmitus,
 quod ſubjicit Gregorius, *vetuſtatem admi-
 ſiſſe, ut in venerabilibus locis Sanctorum depin-
 gerentur hiſtoriæ*, niſi fortè *vetuſtum* appel-
 let, quod CC. annis ante illud ævum in-
 ſtitutum fuerat. Cùm igitur neque ipſius
 rei, neque antiquitatis ratio quicquam
 præſcriberet, nihil aliud in hac quæſtio-
 ne ſpectandum veniebat, præter utrius-
 que partis utilitates, & incommoda;
 Quod ſi fiat, quis non Sereni conſilium
 Gregoriano antehabendum intelligit?
 Quod enim metuebat Gregorius, ſi tol-
 lerentur imagines, ignorantia pericu-
 lum,

lum, longè erat levius idololatriæ malo, quò Serenus ex picturarum usu delapsam Massiliensium plebem cernebat; multòque proclivius erat rudiorum instructiōni remotis picturis consulere, quàm re-tentis superstitioni mederi. Orta verò ex fractis imaginibus plebis perturbatio, nulla ratione cum iis scandalis compa-randa est, quæ earumdem cultus intra, extraque Ecclesiam objiciebat. Illi quàm huic malo longè faciliùs occurrere pote-rat antistitum cum doctrinâ & pietate conjuncta auctoritas. Sed Gregorium, qui Sereno in causâ justissimâ laboranti favere, adesse, atque auxiliari debuerat, schisma, & iniquissimam imperitorum in Massiliensi parœciâ commotionem fo-visse nimis clarum est; nimirum ut colli-gendi gregis necessitas Serenum cogeret ejus sententiæ vel invitum cedere; quâ arte non rarò aliis tempestatibus usos ejusdem sedis præsules scimus. Vt ut sit, certum est Gregorium, non ipsi proprie errori, sed erroris duntaxat occasione tum favisse; malique semina, non ipsum malum, defendenda suscepisse. Quam-quam enim imagines retinendas esse pu-gnat, unde ipsa superstitio nata est, ima-ginum tamen cultum, atque adoratio-nem constantissimè rejicit; easque servari

Y

vult,

*Id. l. 9. ind. 4.
ep. 109.*

vult, non ut à fidelibus ullâ ratione colantur, sed ut instruendis, atque docendis rudibus aliquem usum præbeant. Sereni zelum in priori epistolâ laudat, qui ut aliquid manufactum adoraretur ferre non poterat; In altera itidem, *Et quidem, inquit, quia eas (imagines) adorari vetuisses, omnino laudavimus.* Paulò post ait, *non ad adorandum in Ecclesiis, sed ad instruendas solummodo mentes fuisse nescientium collocatas.* Tùm suadens, ut disiectam & dissipatam Ecclesię suę plebem colligat, *Convocandi sunt, inquit, Ecclesię filii, eisque Scripturæ sacræ est testimoniis ostendendum, quia omne manufactum adorare non liceat, quoniam scriptum est, Dominum Deum tuum adorabis, & illi soli servies.* Et Serenum, quò factum apud suos purgaret hâc excusatione uti vult, *quia transisse in adorationem vidisset, idcirco commotum fuisse, ut eas frangi præciperet.* Ex his, aliisque ejus generis non paucis, quæ in utrâque epistolâ, maximè in posteriore, diversis locis sparsa leguntur, palâ est in hoc cum Sereno consensisse Gregorium, quod non essent adorandæ imagines; eoque sententiam eam secutum esse, quæ cum decreto septimæ illius Synodi (quæ Nicææ postea habita est, & ab Adriano, Romæ episcopo, confirmata) ex adverso pugnat. Nam cùm Patres Nicæni anathema his decernant, qui

Syn. 7. Act. 1.

*non docent diligenter cunctum Christi amatorem
populum adorare venerabileis imagines, sacras,
& adorandas omnium Sanctorum; Gregorius
planè contra edicit Ecclesiæ ostendendum, quia
omne manufactum adorare non liceat. Bellar-
minus hic pro more vanum superstitiosæ,
quam vocat, adorationis spectrum susci-
tat, Gregoriique stilo objicit, ea vulnera
excepturum, quæ alioqui Romanum
imaginum cultum confossura erant: non
aliter, quàm Apollo Homericus, qui ut
Æneam suam ex acie, & discrimine sub-
duceret, inane ejus simulacrum Græco-
rum telis obtulit. Ita planè hoc loco Car-
dinalis; Dico, inquit, Gregorium solùm re-
prehendere cultum imaginum superstitiosum,
id est, quo imagines coluntur ut Dii. Tum ait,
aliquam venerationem deberi imagini ex sen-
tentia Gregorii: id est (ut ego quidem in-
terpretor) eam ipsam, quam Nicæa olim,
quam nunc Roma imaginibus deferen-
dam decrevere. Enimvero cur hanc sen-
tentiam nusquam expressit Gregorius, si
verè in eâ fuit? Serenus imagines, quod
eas adorari cerneret, ex paræciæ suæ Ec-
clesiis sustulit. Quod sustulerit, repre-
hendit Gregorius; quod adorari nolue-
rit, laudat; accuratèque à se invicem se-
cernit, quæ in istius & facti, & consilio
vel probanda existimabat, vel vitupe-
randa.*

*Iliad. 5.**Bell. de imag.
c. 16. §. Ad
loca.*

randa. Si quam igitur putasset imagini-
 bus deberi adorationis speciem, siquem
 gradum; quis non videt id eum hoc lo-
 co, & quidem necessariò commemora-
 rum fuisse, cùm eas Serenus factò hoc
 suo apertissimè multaret, non *superstitiosa*
 modò *adoratione* (quam Bellarminus de-
 ferit, atque abjicit) sed *religioso* etiam
 (quem defendit atque admittit) *cultu*?
 Idem ille Sereni amor, qui Gregorium
 subegit adeò diligenter consilii ejus pie-
 tatem à facti temeritate distinguere; non-
 ne etiam flagitabat, ut itidem definiret,
 & quidem accuratè, quid in imaginum
 cultu damnandum, ac repudiandum,
 quid commendandum, ac retinendum
 esset? Atque ut eum monet *aliud esse pi-*
cturam adorare, aliud per pictura historiam
quid sit adorandum addiscere; nonne simili-
 ter monere debuerat, aliud esse imagi-
 nem, tamquam Deum, adorare, aliud
 eamdem analogicè colere? neque si quis
 apud eam prostrato corpore, accenso ce-
 reo, oblatoque thure, & aliis hujusmodi
 ritibus supplicet, ideo statim *superstitio-*
sæ adorationis reum esse? Quò verò
 atrocioribus verbis in Sereni facinus de-
 tonandum putavit, eò diligentius pate-
 facere hic debuit omnia istius doctrinæ
 mysteria. Vt istum peccavisse demon-
 straret,

L. 9. indict. 4.
 ep. 9.

stret, qui ex Ecclesiis sustulerat imagines, nihil aliud in medium affert, nisi factam rudioribus injuriam, quos iste scilicet fraudaverat rerum divinarum documentis longè utilissimis, in Massiliensi præsertim parœciâ, inter gentes ferè constitutâ, necessariis. Hæc omninò sunt Gregorianæ contra Serenum causæ firmamenta; quæ ille urget unicè; in quibus immorandum, atque hærendum putavit. Tu verò Gregori, dum hæc sic agis, quid cogitas? Cur tibi in tali causâ, neque Sanctorum cœlitum, neque fidelium superstitem contumelia in mentem venit? quos utrosque (ex tuorum quidem successorum sententiâ) hoc Sereni facinus gravissimè vulnerabat? quò nimirum tum illorum gloria, tum horum pietas imminuebatur? Tu unam rudiorum urges jacturam. Tibinè verò sanctorum, vel in cœlo triumphantium dignitas, vel in terrâ militantium religio usque adeò vilis est, ut neutram vel levissimè in eâ causâ commemorandam censeas, quæ ad utriusque injuriam manifestissimè pertinet? In primis verò operæpretium est audire, quàm bella sit, ex Bellarmini hypothese, oratio, quâ Serenum Gregorius ad sedandam plebem, uti vult; *Scripturæ sacre est testimoniis osten-*

dendum (inquit) quia omne manufactum adorare non liceat; ac deinde subjungendum est, picturas imaginum ad edificationem imperiti populi fuisse factas, ut nescientes litteras ipsam historiam attendentes, discerent, quid actum sit; atque eis dicendum; Si hanc instructionem, ad quam imagines antiquitus factæ sunt, habere vultis in Ecclesia, eas modis omnibus fieri, & haberi permitto, &c. Et si quis imagines facere voluerit, minimè prohibe; adorare verò imagines omnibus modis evita. Hic certè locus necessariò exigebat, ut adorationem illam, si qua est, licitam, ac legitimam commemoraret, ab eâque studiose removeret ac distingueret, quam ut illicitam, ac nefariam verat. Siquis hujus temporis episcopus id in Romanâ Ecclesiâ auderet, quod olim in Massiliensi parœciâ fecit Serenus, obsecro eine ad eundem modum scriberet Urbanus Papa? Nihilne aliud in ejus facto reprehenderet, quàm quod rudiorum instructioni noceret? Non Sanctorum in primis gloriam in imaginibus violatam objiceret? non religionem Ecclesiæ, dejectis ejus instrumentis, afflictam, & imminutam exprobraret? Non hanc in primis Synodi Tridentinæ pervulgatissimam rationem adduceret, honorem, qui imaginibus exhibetur, referri ad prototypa, quæ illæ representant? Non quod

quod ibidem subicitur, urget, *per imagines, quas osculamur, & coram quibus caput aperimus, & procumbimus, Christum nos adorare, & sanctos, quorum illæ similitudinem gerunt, venerari?* Non ex his postremò concluderet, imagines contemnere, & frangere, id verò nihil aliud esse, quàm cum Christo, & Sanctis bellum impium gerere, & in eorum nomen, & gloriam insolenter grassari, ipsosque veluti de cœlo detrahare, ac deturbare? Atqui nihil istorum Gregorius; qui cùm acutior, & calidior fuerit, quàm ut rem tanti momenti per errorem, & imprudentiam in hac causâ omisisse dici possit; quid reliquum est, nisi ut concludamus, minimè illum sensisse ullum imaginibus exhibendum religiosum cultum? Sed quid argumentis opus est? Ipse in medium prodeat: ipse animi sui sententiam eloquatur. Dic Gregori, de imaginum usu quid sentis? aut quamobrem eas putas à Christianis admissas? *Picturae, inquit, imaginum ad edificationem imperiti populi fuerunt factæ, ut nescientes litteras, ipsam historiam attendentes discerent quid actum sit. Ad hanc instructionem imagines antiquitus factæ sunt. Tunc verò nullum ad alium usum institutas censes? Non ad odorandum, inquit, sed ad instruendas* SOLVMMODO *mentes fuerunt nescientium*

collocata, scilicet in Ecclesiis. Quid? Iis ergo, ne relativam quidem, & analogicam adorationem exhibere fas erit? (directamenim & absolutam minimè sanè urgemus.) *Si quis*, inquit, *imagines facere voluerit, minime prohibe; adorare vero imagines OMNIBVS MODIS evita.* Potuitne Gregorius Nicænam, & Romanam de hoc argumento sententiam clarius, aut disertius configere? aut istorum hominum censoriis decretis apertiùs oppedere, qui pronunciant *imagines etiam extra historiam esse utiles*? per seque & proprie colendas? & qui dicunt *imaginales formationes sufficere in commemorationem tantum haberi, & non etiam ad salutationem, unum recipientes, alterum reprobantes, hos semiprævos, partimque mendaces & partim veraces* ὁ δὲ ἀληθεὶς demonstrari? Quo loco observandum est, quàm reverenter Gregorium habuerint, cujus qui sequuntur sententiam, eos tam honestis elogiis exornarunt.

Cæterùm tam disertis, tamque apertis Gregorii testimoniis objiciunt, quod idem ille alibi B. Virginis imaginem, atq; crucem ex quadam Judæorum Synagogâ, qua dignum est veneratione tolli jubet. Res autem tota sic habet. Calaritanus quidem ex Iudæo Christianus in ipsa festivitate

Bell. de imag.
c. 11. & c. 21.

Syn. 7. Act. 6.
p. 8 11. d.

Greg. l. 7. ep.
Iud. 2. ep. 5.

stivitate Paschali, sequenti die baptismatis sui, gentilium suorum Synagogam, quæ Caralis erat, vi occupatam invaserat; atque imaginem illic genitricis Dei, Dominique nostri, & venerandam crucem, vel birrum album, quo de fonte surgens, indutus fuerat, posuit. Gregorius hominis intemperiem reprehendit, ac civitatis episcopum Januarium monet, ut Judæis Synagoga reddatur, *sublata exinde cum ea, qua dignum est veneratione, imagine atque cruce*. Ex his deferendum imaginibus cultum religiosum nullâ ratione colligunt adversarii. Primum enim nusquam ait Gregorius *tollendam* vel venerandam esse illam, de quâ memorat, B. Mariæ imaginem. Ait tantum ex profano illo, & impio loco, in quem illata fuerat, tollendam *cum ea, qua dignum est, veneratione*. Definit qua ratione ex Judæorû synagogâ eripienda esset; cultum, qui illi debeatur, constituit nullum. Nimirum hoc vult; non prostrato humi corpore de geniculis, quod Romani jam faciunt, adorandam; sed decenter ex eo, quo erat loco, clericorum manibus tollendam, & in Ecclesiam, ex quâ derepta fuerat, reportandam; eo gestu, atque incessu, qui sacrum esse, & Ecclesiasticum, non profanum, aut domesticum instrumentum

mentum doceat. Vt si Judæo hujus injuriæ auctori pro imagine codicem novi testamenti, aut sacrum calicem in eam synagogam inferre libuisset, iisdemque verbis Gregorius exinde eos tolli jussisset, *cum ea, qua dignum est, veneratione*, nemo opinor, concluderet vel novi testamenti codicibus, vel sacris calicibus adorationem analogicam deberi. Genevensis Ecclesia ministros evangelii disertè jubet *sacrum Coenæ Dominica panem cum reverentia distribuere*. Atqui nemo est, qui nesciat, neque ab iis sacrum panem adorari, neque id fuisse illius Ecclesiæ consilium, ut adorandum his verbis significaret. Sed etiamsi ea, de qua est apud Gregorium, veneratio rerum ipsarum esset, quæ tolli jubentur; quærendum tamen superesset, ad crucemne pertineret illa veneratio, an ad imaginem; ad illam autem potius, quàm ad hanc pertinere, vel ex eo liqueret, quod solam crucem, non autem imaginem, *venerandam* vocat Gregorius. Jam verò perspicuum est crucem inter, & imaginem non parum discriminis statuuisse veteres, crucique eam venerationem concessisse Carolum Magnum, quam imaginibus negat. Denique fac Gregorium, quod nequaquam dixit, disertissimè, totidemque verbis dixisse *deberi aliquam*

quam imaginibus venerationem, eo tamen nondum esset definitum, quænam ista sit veneratio, cultus ne sit religiosus, quod hodie Romani volunt, * an verò hujusmodi tantum reverentia, qualis rebus, personisque Ecclesiæ, cunctisque religionis instrumentis, putà sacerdotibus, calicibus, Scripturæ codicibus convenit. Nam ista, & alia ejusdem generis cum *veneranda*, & *venerabilia* omnes appellent, nemo tamen *cultu religioso* prosequenda existimat. Valafridum quidem Strabonem, non modò Baronius, sed etiam ii, qui Sanctorum Patrum Bibliothecam ediderunt, * inter septimæ Synodi adversarios censent, unàque cum reliquis Galliæ, Britanniæ, & Germaniæ antistitibus sensisse existimant, imagines in Christianorum Ecclesiis, nisi ad præteritarum rerum memoriam, & ad rudiorum instructionem, esse non debere. Et tamen ille ipse *eas aliqua ratione venerandas* esse satis innuit, dùm ait *quosdam eas ultrà quàm satis est, venerari*. Neque verò istius, quam iis relinquit, venerationis nomine aliud intelligit Valafridus, (ut & res ipsa docet, & Baronius ultrò confitetur) quàm locis sacris non esse ejiciendas, quod Sere-nus olim in Provinciâ fecerat, quodque Iconomachi ipsis illis temporibus in Oriente

* *Bell. l. de Im. c. 12. §. Argumentum.*

* *Tras. in Ion. Aurel. Bibl. Pp. T. 4. Part. 1*

Valafr. Strabo de reb. Eccl. c. 8. T. 10. Bibl. Pp.

Oriente cum maximè faciebant; neque spernendum, quem rudiorum instructioni præstare posse videntur, usum; quæ planè est Gregorii quoque ipsius sententia. Itaque nihil aduersariorum causam iuvaret hic ejus locus, etiam si (quod non facit) disertis, & conceptis verbis affirmaret *venerandam fuisse illam B. Virginis imaginem*, cùm ex iis, quæ diximus, satis appareat his verbis Gregorium, si esset iis usus, significaturum fuisse, haud decere illam imaginem in Judæorum synagogâ relinqui, sed exinde in locum sacrum referendam ut rudiorum instructioni, atque profectui usum præbeat; quam ille unam imaginum in Ecclesiis habendarum causam agnoscit. Sed alium præterea ejusdem scriptoris locum exscribunt, quo Secundinum quemdam sic alloquitur: Scio quidem, quod imaginem Salvatoris nostri non idèò petis, ut quasi Deum colas, sed ob recordationem Filii Dei in ejus amore recalescas, cujus te imaginem videre consideras. Et nos quidem, non quasi ante divinitatem ante illam prosternimur, sed illum adoramus, quem per imaginem, aut natum, aut passum, sed in throno sedentem recordamur; & dùm nobis ipsa pictura, quasi Scriptura, ad memoriam Filium Dei reducit, animum nostrum aut de resurrectione certificat, aut de passione demulcet. Sed hæc nostram

Greg. ep. l. 7.
Indict. 2. ep.
53. extr.

nostram de Gregorii sententiâ opinionem, non modò non convellunt, verùm insuper confirmant. Quid enim? Annon clarissimè docet totus hic locus, non alium esse imaginum in religione usum, quàm ut iis erudiatur, & instruatur animus, earumque quas referunt rerum, memoriâ commotus incalescat? *pieturamque quasi scripturam* esse, adeoque proponi ut doceat, non autem ut adoretur? Jam quod ait Secundinum *Salvatoris imaginem non ideo petere, ut quasi Deum colat*, eo quidem huic imagini negat delatum à Secundino fuisse eum, qui Deo optimo debetur, cultum; delatum autem fuisse aliquem religiosi cultûs gradum, id verò minimè adfirmat. Scribit alicubi Augustinus, *quacumque adhibebantur religiosorum obsequia in martyrum locis ornamenta fuisse memoriarum, non sacra vel sacrificia mortuorum, tamquam Deorum*. Siquis indè colligeret Ecclesiam martyribus olim sacrificia obtulisse, non quidem tamquam Diis, sed aliâ aliquâ ratione, putà tamquam Dei amicis, & ministris, nonne is malè & sophisticè colligeret? planèque contra Augustini mentem, qui disertè ibidem negat *se martyribus offerre sacrificia*? Idem omnino est adversariorum paralogismus, dùm ex eo, quod Gregorius negat imaginem,

*Aug. de civit.
D. l. 8. c. 27.*

ginem, quasi Deum à Secundino cultam fuisse, concludunt cultam ergo ab eo fuisse aliâ aliquâ ratione. Atqui nuper Sereno præcipientem audiebamus, ut *imagines adorare omnibus modis de vitet, easque monentem ad instruendas solummodò mentes nescientium collocatas fuisse*. Quam verò continuò instituit antithesin, ea satis ostendit nullum omnino huic imagini cultum à Secundino delatum fuisse. Nam si eam Secundinus cultu analogico (quod volunt adversarii) adorasset, Gregorius illis verbis, *imaginem Salvatoris nostri non ideo petis, ut quasi Deum colas*, haud dubiè hæc aut alia consilia in alterâ antitheseos parte subjecisset, *sed ut analogicè adores, ut dulia afficias, ut tamquam Dei imaginem religiosè venereris*. Atqui nihil istorum Gregorius; hanc verò præcedenti negationi opponit affirmationem; hanc τῇ ὁμοίᾳ τῷ Θεῷ, (ut Grammatici Græci loquuntur) *sed ob recordationem Filii Dei in ejus amore recalescas, cujus te imaginem videre consideras*. Ex quibus constat, Secundinum hac imagine eo tantum animo usum esse, ut sibi in eam intuenti Christi recordatio subiret, minimè verò, ut ipsam adoraret, coleret, aut veneraretur. Idem est sequentium sensus, cum hoc modò discrimine, quod quæ in superioribus de Secundino dixerat,

rat,

rat, hîc de se eadem dicit. Tantùm observanda est harum vocum ambiguitas, Et nos quidem non quasi ante divinitatem, ante illam prosternimur; quæ videntur grammaticè duobus modis construi posse; priori quidem, ut verbum *prosternimur* affirmativè sumatur, negativa verò particula *non* cum adverbio *quasi* jungatur, hoc modo, *nos quidem ante illam prosternimur, non quasi ante divinitatem*; quo sensu si accipiat hoc colon, significabit (fateor) Gregorium ante illam imaginem procumbere solitum, & speciem ejus, quem ei exhibebat, cultûs definiet, divinum fuisse negans; undè porrò consequetur ex Gregorii sententiâ fas esse ante Christi imaginem prosterni, modo non quasi ante divinitatem. Et sic quidem hæc verba interpretantur adversarii. Sed potest etiam aliter resolvi, & constitui hæc Gregorii oratio; nempe præpositâ verbo *prosternimur* negandi particulâ *non*, hoc modò, & *nos quidem ante illam non prosternimur, quasi ante divinitatem*; quam rationem si sequamur, simpliciter negabit Gregorius se ante illam Christi imaginem prosterni; quippe qui eum honorem nulli in religione, præterquam soli Deo, convenire existimet. Itaque cùm in hoc disputationis articulo, non interrogantis, sed respondentis partes

tes tuenti liceat alterum ex duobus his Gregoriani loci sensibus eligere; si posteriorum hunc priore repudiato retinere me dixerò, adversarii objectioni abundè satisfecero. Tamen ἐν τῇ πρώτῃ, & ad solutionis cumulum, addo hunc locum sic interpretari, non modò licere, sed etiam necessarium esse. Primùm enim ubi concilianda veniunt aliqua in speciem pugnantia ejusdem auctoris loca, æquum est ea, quæ obscura sunt, & ambigua, ex claris & certis interpretari, non contrà. Cùm igitur, & perspicua disertaque sint, quæ à Gregorio ad Serenum scripta suprâ memoravimus, & ambiguum, quod nunc ex ejus ad Secundinum epistolâ recitavimus, consentaneum est hoc ex illis explicari, non illa, quò huic congruere possint, inverti, & contorqueri. Atqui in illis locis apertissimè statuit Gregorius *picturas in Ecclesiis, non ad adorandum, sed ad instruendas solummodò mentes nescientium, collocatas fuisse, & adorare imagines omnibus modis devitandum*. Ergo ille alter ejusdem ad Secundinum locus non priori, sed posteriori, quo exposuimus, modo constituendus, atque interpretandus est; quia si priori sumatur efficiet imagines, non ad instruendas solummodò nescientium mentes, esse collocatas (quod vult Gregorius) sed etiam

ut adorentur, & aliquo saltem modo à fidelibus colantur. Prætereà ipsa legitimi sermonis ratio exigit, ut sic accipiatur locus. Nam quæ consequuntur in eadem periodo docent hîc à Gregorio institutam esse oppositionem quamdam inter hæc duo verba, *ante illam* (nimirum imaginem) *prosternimur*; *illum* (Christum) *adoramus*; quæ antithesis nulla est, nisi negandi particulam verbo *prosternimur* præfigamus, hoc modo; *non ante imaginem quasi ante divinitatem, prosternimur; sed Christum adoramus*. Sic quidem clarum esse, & consentaneum sensum nemo non videt. Si verò hac constructione mutatâ, negandi particulam ad hoc complexum retuleris, *non quasi ante divinitatem*, evertetur legitima periodi forma, inconditaque & barbarie plena efficietur. Nam si ea fuisset Gregorii mens, ad complendam hanc clausulam erat omnino aliquid adjiciendum, quod opponeretur illi accusativo, *ante divinitatem*. Quæ enim auris est adeò inerudita, quæ non deprehendat hunc sensum sic eloquendum fuisse, ut post hoc colon, *ante illam prosternimur, non quasi ante divinitatem*, continuò hæc aut alia hujusmodi adjicerentur, *sed quasi ante divinitatis symbolum, & monumentum*? Atqui nihil tale addidit Gregorius. Subjicit enim statim

illa, quæ modo recitavimus, *sed illum adoramus, quem per imaginem aut natum, aut passum, sed in throno sedentem recordamur.* Itaque necesse est totum hunc locum eo sensu accipere, quo nos exposuimus, non autem eo, quo volunt adversarii. Quod ipsum postremò Synodi Parisiensis auctoritate confirmatur. Hoc enim Gregorii dictum planè eadem, quâ nos, ratione interpretantur illius Synodi Patres, ut in extremo eorum libro videre est. Atque ita apparet, nihil eorum, quæ ab adversariis objecta sunt, quominus id de hoc argumento re verâ sensisse Gregorium putemus, quod ipse in utrâque ad Serenum epistolâ testatum relinquit, nimirum neque frangendas, neque adorandas esse imagines, sed in Ecclesiis ad rerum præteritarum memoriam, rudiorumque instructionem solummodò retinendas.



LIBER QVARTVS.

C A P V T I.

Christianorum de imaginibus octavo sæculo certamina; quas aboleri iubet habitum anno 754. Constantinopoli Concilium; aderari, Nicæa anno 787. coacta Synodus.

ATque hæc initia habuit imaginum inter Christianos adoratio, quas, ut irrepenti malo obviam iretur, Serenus quidem tollendas, Gregorius verò sic retinendas censuit, ut sedulò admoneretur populus eas ad instructionem tantùm, & memoriam utileis esse, neque ullo modo adorandas. Quarum sententiarum Gregoriana hæc tametsi (quod eventus longè funestissimus plus satis docuit) haud paulò periculosior esset, obtinuit tamen, diutissimèque mansit in nostris Galliis, ut postea fusius exsequemur. Eam enim, præter illustre Gregorii nomen, sedisque Romanæ jam nimiam, præsertim in Occidente, auctoritatem, insuper commendabat falsus, quo fucata est, prudentiæ color; quod & picturarum usum, inco-

lumi divini cultus puritate conservare, & imaginum tum abrogationem, tum adorationem, contraria mala, evitare, ac velut inter oppositos scopulos rectum cursum tenere videretur. Quo factum, ut in eam homines nullo negotio consenserint, quod utriusque partis votis, ac desideriiis quodammodo satisfaceret, dum illis quidem, quas exoptabant picturas concedit; his verò, qui eas exhorrescebant, superstitionis merum, vetitâ imaginum adoratione, aut demit, aut certè minuit. Itaque hîc obtinuit, ut (quod in rebus humanis plerumque usuvenire, magnasque interdum calamitates, ac clades parere solet) extrema consilia mediis posthaberentur. Nam cùm illa ferè ardua sint, multisque discriminibus exposita, hæc verò quâdam facilitatis specie blandiantur, pauci reperiuntur eo ingenio, atque animo, qui his abjectis illa amplecti malint. Credibile est in Italiâ quoque, ac Romæ, ubi exorta fuerat, viguisse istam Gregorii sententiam. Sed spretis Sereni fortibus, ac ut videtur, non frustra futuris consiliis, in medio veluti clivo destituti homines paulatim primò sublapsi, mox, ut fit, pessum ière. Cæterum, ut sunt omnia in malum prona, quiddam secutis temporibus accidit, quod

quod Romanorum animos ab illo, quod Gregorius definiverat, temperamento abripuit, atque in errorem egit. Nam centum plus minus annis post obitum Gregorii, Philippicus, qui Orientis imperium anno æræ Christianæ 711. rapuerat, cùm Monothelitarum hæresi, paulò ante in Concilio damnatæ, addictus esset, sex universalium Synodorum imagines Constantinopoli sustulit. Constantinus, qui Romæ eâ tempestate sedebat, factum indignè tulit; ac Patrum, qui Synodis interfuerant imagines in Romanâ Petri porticu pingendas curavit, ut illarum eorum memoriæ à Philippico injuriam vel ulcisceretur, vel obliteraret. Is casus, quamquam ab alienâ causâ exortus, imagines episcopo, cleroque Romano sic commendavit, ut hoc veluti pignore obstricti, numquam postea illarum parocinium deseruerint, incalescenteque in dies animorum æstutandem earum venerationem ac cultum in Occidente constituerint. Sed veritas, antequam istorum vi, atque artibus de gradu dejecta, ac oppressa cederet, magno conatu magna, & illustria certamina sustinuit, quorum memoria, adversariis frustra omni ope obnitentibus, rerumque gestarum famam mirâ fraude vel

*Paul. Diac. .
Hist. l. 6. c. 34.*

358 DE IMAGINIBVS
obscurantibus, vel involventibus, & in-
vertentibus, ad nos tamen summo Dei
beneficio, pæne integra pervenit.

Primum igitur illud satis constat, cum
imaginum cultus in Oriente passim in-
valuisset, palamque à multis, etiam eru-
ditione atque authoritate præstantibus
viris, ut à Germano, Constantinopolita-
no episcopo, & à Joanne Damasceno de-
fenderetur, iisque certaminibus in diver-
sa scinderetur Ecclesia, Leonem anno
æræ Christianæ DCCXVII. imperium
adeptum eorum se se partibus addixisse,
qui picturarum venerationem repudia-
bant; easque divino zelo succensum ex
ædibus, locisque sacris ejectas comburi
edicto anno Christi DCCXXX. septimo
Januarii die publicato, jussisse, quique
errori faverent episcopos variis pœnis
coercuisse; quo tempore Germano abdi-
cato Anastasius in Constantinopolitano
episcopatu suffectus est.

Patris exemplum sequutus est Con-
stantinus cognomento Copronymus,
Leonis filius, qui ei anno Christi DCC-
XLI. die Junii XVIII. successit. Is enim
vertente anno æræ Christianæ LIV. su-
pra septingentesimum in urbem Regiam
ex omnibus ditionis suæ provinciis ad
CCCXXXVIII. episcopos convocavit de

totâ hac controversiâ ex divinis oraculis liberè pronuntiuros. Synodus decimo Februarii die ad Augusti insequentis octavum sedit; quo spatio re mature deliberatâ tandem decretum fecerunt. Id etiamnum hodie extat integrum in Actis *Syn. 7. Act. 6.* Concilii, quod aliquantò post Nicææ habitum fuit. Omnes ergo illi cccxxxviii. episcopi in hac Synodo, quam *septimam universalem* inscribunt, unâ voce concordique sententiâ definiunt imagines colere id vero nihil aliud esse, quam Paganorum superstitionem renovare; ac principio quidem Dominum Christum vel cum Nestorio dividere, vel cum Dioscuro & Eutyche miscere ac confundere, qui ejus imaginem pingunt; veram Christi imaginem, ab omnibus fidelibus celebrandam, & honorandam eam esse, quam ipse Dominus instituit, discipulisque commendavit, sanctissimam nimirum eucharistiam, typum & commemorationem evidentissimam; alterius generis quæ fingitur Christi imaginem eam neque ex traditione Christi, vel Apostolorum, vel Patrum esse habere; neque orationem sacram quâ ea sanctificetur, ut ex communi sancta fiat, sed manere eam communem, & inhonoratam, sicuti effecit eam pictor; Beatæ verò virginis,

Ibid.

ginis, Sanctorumque imagines & inutiles esse in Christiano cultu, & in ipsos illos Sanctos, quibus orto ab Ethnicis more consecrantur, contumeliosas. Tum varia Scripturarum loca adducunt, quibus suam hanc sententiam firment; hæc quidem ex Ioanne, Spiritus est Deus, & qui adorant Deum, in spiritu & veritate oportet adorare. Deum nemo vidit unquam. Ex aliis verò libris illa, Neque vocem Dei audistis, neque speciem ejus vidistis; Non facies tibi met idolum, neque omnem similitudinem, quæcumque in cælo sursum, & quæcumque in terrâ deorsum, eo quod in monte & medio ignis vocem verborum vos audivistis, & similitudinem non vidistis, sed vocem. Commutaverunt gloriam incorruptibilis Dei in similitudinem imaginis corruptibilis hominis, & coluerunt & servierunt creaturæ potius, quàm creatori. His multa antiquiorum Patrum testimonia adjiciunt, Epiphanii, Gregorii Nazianzeni, Ioannis Chrysostomi, Athanasii, Amphilochii, Theodoti Ancyрани, Eusebii Cæsariensis. Cum decernunt abjectam, & alienam, & abominabilem ex Christianorum Ecclesia esse omnem imaginem ex diversâ materiâ & coloribus effectam; si quis verò ausus fuerit con-

Ib. Tom. 5.

con-

construere imaginem, vel adorare, aut statuere in Ecclesiâ, vel in privatâ domo, seu occultare, cum si quidem episcopus sit, aut presbyter, aut diaconus, deponi jubent; si verò monachus, aut laicus, anathematizari. Anathema iis in genere denunciant, qui per materiales colores in imaginibus humanâ formâ Christum Dominum circumscribere instituerint. Item Germano, Constantinopolitano, Georgio Cyprio episcopis & Mansur sive Damasceno, nobilissimis & avidissimis imaginum patronis, anathema dicunt. Hæc fuit Orientalis Ecclesiæ in Constantinopolitanâ Synodo de imaginibus definitio, imperante Copronymo, ejusque Filio Leone Porphyrogenito ad annum usque DCCCLXXXIV. accuratissime in illis partibus observata.

Sed Romani in Occidente Episcopi diversam partem foventes totam illam Græcorum causam, atque sententiam acerrime exagitabant, cultumque imaginum omni ope ac nisu constituebant. Nam Gregorius Papa ejus nominis secundus jam anno illius sæculi XXVI. imagines, quas à Leone III. Orientis Imperatore summâ vi oppugnari cernebat, defendendas palam susceperat; nihil non molitus, quo dejectas & deturbatas

restitueret. Tantusque fuit optimi & sanctissimi Pontificis zelus, ut illum Monarcham, quo docilior fieret, post frustra intentatum censuræ & anathematis Apostolici mucronem, tandem etiam iusto & legitimo Italiæ imperio spoliarit, abactis, interceptisque Italorum annuis vectigalibus, quæ ad id tempus Principibus Constantinopolitanis pendebantur. Quas verò ad Leonem scripsit duas epistolas eæ satis superque testantur non minus prodigiosam fuisse hominis sapientiam, quam admirabilem zelum. Narrat enim serió religiosos homines, Christique amantes Dominum Iesum, prout viderant, initio depinxisse, spectandumque proposuisse, Iacobumque similiter, ac Stephanum, & martyres, hisque conspectis imaginibus homines deinceps in toto terrarum orbe, diaboli adorationes dereliquisse, hasque adorasse ἡ λατρεία ἡλικῶς ἀπὸ ἀρχαίων ἡλικῶς, non latria, sed habitudine. Affirmat Christum in terris degentem ad Abgarum Edessenorum regem, manu sua scripsisse, & sacram gloriosamque faciem suam ad eum misisse. Leonem iubet ad illam non manufactam imaginem mittere; ad quam ait illic congregari & orare turbas Orientis populorum. Monet, ipsum vel à puerulis parvulis illudi; quos, si eorum obeat scholas,

*Præf. Syn. VII.
or. Hist. misc.
& alia.*

*Greg. 2. ep. ad
Leon. in ante-
act. Cont. 7.*

las, seque profiteatur everforem esse & persecutorem imaginum, confestim tabellas suas in ejus caput projecturos. Oziam, Iudæorum regem, verè Leonis fratrem fuisse jactat; qui serpentem æneum confregerit, magno scilicet & in-expiabili scelere. Ita summus Theologus, Oziam cum Ezechia imperitè confundit, idque facinus, quod Scripturæ inter præcipuas optimi Principis laudes celebrant, ipse atro calculo damnare non veretur. Quam verò stupendæ hujus sententiæ affert rationem, ea mira est, & portenti similis; *Illum siquidem, inquit, serpentem sanctificatus David unà cum arca sancta in templum invexit. Quid enim erat, nisi consecratum à Deo aramentum, propter eos, qui tum agrierant, & à serpentibus læsi?* Postremò docet Occidentalium & Septentrionalium provinciarum reges Leonis laureata conculcasse, faciemque conscidisse, auditis quæ ille contra imagines auderet, Decapolimque incurfionibus infestasse, ipsamque metropolim Ravennam occupasse. In sequenti ad eundem epistola vult imaginum in religione usum juris esse naturalis; non aliter hominum generi antiquitus & à principio traditum, ac panis vinique usum, & aliorum ad vitæ humanæ conservatio-

nem

nem pertinentium. Addit Pontifices olim imagines ad Concilia deferre solitos; nec ullum ex Christi amantibus & religiosis hominibus fuisse, qui iter peragens absque imaginibus peregrinationes obiret, utpote qui virtute præditi, atque apud Deum probi essent. Hæc sunt Gregorii præclara sanè enthymemata, quibus ille Leoni persuadere satagit imaginum adorationem. Qui cum excepit Gregorius III. non ab similibus officiis principem illum aggressus est; Sed cum ejus animum his rationibus videret, non modo à susceptâ sententiâ minimè dimoveri, sed in ea magis magisque obfirmari, tam præfractâ contumaciâ offensus, coacto non contemnendo episcoporum numero, omnes qui imagines repudiabant, excommunicavit. Zacharias, Stephanus, & Paulus, qui Gregoriis succedere, in eorum vestigiis hærentes, idem dogma, eademque consilia sectati sunt; neque vel litteras, vel preces, vel concilia, vel anathemata, vel ullam omnino rationem omiserunt, quâ imaginum adorationem in Græcia restituerent; frustra omnia experti, ad Leonis IV. mortem. Quo loco prætereundum non videtur, omnes istos Romæ episcopos, quos Iconoclastes diris anathematismis, tanquam

Anast. in Gregor. III.

Dei & Ecclesiæ infensissimos hostes, vexabant, eosdem illos iisdem temporibus piissimos appellasse; ut videre est in aliquot epistolarum à Gregorio, Zacharia, Stephano, & Paulo datarum suscriptionibus; in quibus Leonem & Constantinum Augustos, piissimos, à Deo coronatos, magnos Imperatores vocant.

Quæ verò fuerit Gallicanæ, Germanicæ, Britannicæ, & aliarum quæ tum in Occidente erant Ecclesiarum de his Græciæ Italiæque dissidiis sententia, difficile est clarè perspicueque demonstrare. Nam produnt quidem illorum temporum Historici missos fuisse ab Orientis Imperatoribus legatos ad Pipinum tùm in Galliâ regnantem, quo iubente ac præsentè Gentiliaci prope Lutetiam habitum esse Concilium anno æræ Christianæ DCC-LXVII. tredecim non amplius annis post Constantinopolitanæ Synodi contra imagines decreta; testanturque in illa Gentilliacensi Synodo quæstionem ventilatam inter Græcos & Romanos de Trinitate, & utrum Spiritus Sanctus, sicut procedit à Patre, ita procedat à Filio: & de Sanctorum imaginibus, utrumne fingendæ, an pingendæ essent in Ecclesiis. Sed à nullo veterum scriptorum disertè, quod ego quidem sciam, traditum est, quæ istius Synodi fuerit de imaginibus

Greg. 2. epist.

14. ad Bonif.

Greg. 3. ep. 7.

ad Bonif.

Zach. ep. 1. &

2. ad Bon. & c.

Sic etiam in

Conc. Rom. sub

Greg. 3. & sub

Zacharia. init.

in Trivul. Ste-

phani 2. Dion.

monast. concess-

so; & in Priv.

Pauli concessio

monasterio Hi-

lar. Galiat.

Ado in Chron.

A. 367.

ginibus definitio; ut temerarium videatur quidquam ea de re in alterutram partem pro certo ac explorato affirmare. Tantum moneo, quæ non multò post Francofordiæ, atque aliis locis ex Nicænæ secundæ Synodi occasione gesta fuerunt, satis superque ostendere ex Romanorum in hanc imaginum causam studio & Gallorum, & Germanorum Episcoporum sententiâ minimè præjudicandum esse, ut ex iis, quæ postea dicturi sumus, manifestum fiet. Nam Irene, Leonis I V. Imperatoris uxor, viro mortuo, ac impubere filio, rerum in Oriente posita, religionis in Græciâ statum tandem immutavit. Mulier enim impotens imagines, quibus oblectabatur impensius, Ecclesiis, unde ejectæ erant, reddere, earumque cultum constituere aggreditur: Ac ut erat callida, Tarasium quemdam, quamquam laicum, (quod genus ab huiusmodi dignitate Ecclesiæ canones summovent) tamen, quod idem de imaginibus sentiret, in Constantinopolitanam sedem evehit, tantoque beneficio obstrictum sibi conciliat. Tum Adrianum, Romæ episcopum, scriptis literis de sua voluntate edoctum, sibi adiungit; & alia quæ usui futura erant, providet; tandemque Concilium iis, quæ

quæ animo agitabat , exequendis Constantinopolim indicit. Eò legatos misit Adrianus Petrum S. Petri Archipresbyterum , alterum item Petrum S. Sabbæ Abbatem. Sed cùm subolfecisset populus Constantinopolitanus non aliud esse illius Synodi consilium, quam ut imaginum cultum restitueret, sic tumultuatus est, ut neque ab Irene sedari, neque ab iis, qui aderant episcopis, conventus haberi potuerit. Itaque mutato consilio Synodus Nicæam translata est , principem Bithyniæ urbem , cujus populum continere, ac cohibere facilius erat quam Constantinopolitanum; Eo loco omnia ex Irenes libidine transacta. Nam qui convenerant ccc l episcopi omnem hanc causam uno, eoque non toto mense, confecerunt, Synodo quæ die Septembris vicesimo quarto cœpta erat, die proximi Octobris vicesimo tertio solutâ, anno Christi dcc lxxxvii. Habitam Constantinopoli ante annos xxxiii. imperante Copronymo Synodum confutaram abrogarunt; definieruntque Christi, Mariæque Virginis, Angelorum, & *Syn. 7. Act. 7. in definit.* Sanctorum virorum imagines, tam de coloribus & tessellis, quàm ex aliâ congruente materiâ, proponendas in Ecclesiis, & sacris vasis, & vestibus, & in parietibus

368 DE IMAGINIBVS
tribus, ac tabulis, domibus, ac viis, ad honorariam iis adorationem tribuendam non tamen ad veram latriam, quæ secundum fidem est, quæque solam divinam naturam decet, tribuendam; ita ut istis, sicuti figuræ preciosæ ac vivificæ crucis, & sanctis Evangeliiis, & reliquis sacris monumentis incensorum & luminum oblatio ad harum honorem exhibeatur; Anathema postremò in eos decernunt, quicumque ausi fuerint aliter sapere, aut docere. Atque ita imagines in Oriente tantulo trium & triginta annorum spatio abrogatæ, & restitutæ sunt.

CAPVT II.

Carolus Magnus in Occidente cultum imaginum, Nicanamque Synodum abrogat, ac de eo argumento quatuor illos libros conscribit qui etiam hodie extant.

IN nostro verò Occidente, sparsâ eorum quæ in Græciâ gesta erant famâ, acceptâque Nicæni Concilii pro imaginibus definitione, rem adeo indignè tulit Carolus, qui tum Franciæ Rex, mox Imperatoriâ dignitate potitus, Magni cognomen ex gestorum magnitudine invenit, ut stricto cum cohibentia sacerdotum stilo, luculentissimum volumen contra Nicænos

Nicænos tertio post eam Synodum anno absolverit; in quo & pleraque istorum dogmata ac dicta refellit; errorisque ac non ferendæ impietatis insinuat. Iconoclastarum alterâ ex parte immodestiam castigat, quod ii satis non habuissent imaginum venerationem prohibere, sed ipsas insuper imagines disiectas, confractasque ex Ecclesiis sustulissent; quas Carolus ad ornatum retineri vult, tutoque usurpari posse putat, modo sine veneratione habeantur. Opus etiam hodie totum extat; in cujus limine principio testatur Carolus se Propheticis, Evangelicis, & Apostolicis scripturis contentum, & sanctorum orthodoxorum Patrum institutis imbutum, sanctas universales sex Synodos suscipere; duas autem illas novissimas nuper in Græciâ habitas, alteram pro imaginibus, alteram contra imagines, repudiare. Sed illam tamen quam hanc multò acriùs atque acerbius insectatur. Ait enim *in istis quidem fuisse levitatem, in illis verò atrocitatem; in istis imperitiam, in illis nequitiam*; istos vinum sacri eloquii, quo uti debuerant, aquæ permixtione, insipidum effecisse; illos veneno acuisse; Quò etiam pertinet quod alibi pronunciat imagines *abdicatas* quamdam incautam levitatem adferre; adoratas

Id. l. 4. c. 4.

Id. l. 4. c. 22.

Id. l. 4. c. 9.

verò culpam juvare. Hanc ergo Nicæno-
rum Synodum aggreditur, omniaque
ejus firmamenta, atque argumenta si-
gillatim excutit, ac confutat. Ac primò
quidem monet imagines nove ac pericu-
losè *sanctas* dici, quibus sanctitas ne-
que à naturâ inest, neque ab arte, aut à
canonicâ aliquâ conservatione accedit.
Explicat quo sensu Abrahamus Hethi fi-
lios, Iethronem Moyſes, Nathan Davi-
dem, adorasse in Scripturis dicantur; ni-
mirum salutationis gratia; neque ista nisi
perperam & imperitè ad imaginum ado-
rationem trahi posse; quas nusquam le-
gimus à sanctis vel tenuiter adoratas.
Cætera loca soluit, quibus isti cultum
imaginum aut constituere, aut saltem in-
crustare conabantur; quale illud est
quod è Genesi adducebant, Erexit Ia-
cob titulum Deo, itemque quod Iacob
adoraverit summitatem virgæ Ioseph;
quod propitiatorium, & duos Cheru-
bim aureos, & arcam testamenti præci-
piente Domino Moyſes fecerit; quod Is-
raëlitaë purpuram hyacinthinam in fim-
briis, in extremis vestimentis posuerint
ad memoriam & custodiam præcepto-
rum; quo loco sapienter ostendit non
posse veras sanctorum virtutes imagini-
bus & picturis materialibus effingi vel
doceri;

Lib. I. cap. 2.

Lib. I. c. 9. &
22.

Lib. I. c. 10.

c. 13.

c. 15. 16.
19. 20.

Lib. I. c. 17.

c. 18.

doceri; quod serpens æneus in deserto à Moysè erectus fuerit; ubi Ezechiam regem laudat, quod serpentem istum confringere non dubitaverit, cùm eum videret à populo adorari; quod Iosue duodecim lapides statuerit in Dei memoriam; quæ iidem ex Psalmis afferebant, *Signatum est super nos lumen vultus tui; &* Lib. 1. c. 21.
Vultum tuum deprecabuntur omnes diuites ple- c. 23.
bis; &, Domine, dilexi decorem domus tuæ, & c. 24.
locum habitationis gloriæ tuæ; &, Sicut audi- c. 29.
vimus, ita & vidimus; &, Exaltate Domi- c. 30.
num Deum nostrum, & adorate scabellum Lib. 2. c. 5.
pedum ejus; quoniam sanctus est; item, ado- c. 6.
rate in monte sancto ejus. Neque ad isto-
rum causam pertinere demonstrat, vel
quod Salomon dicitur in templo fecis- c. 9.
se boves & leones, vel quod in Canti- c. 10.
co legitur, Ostende mihi faciem tuam, & au-
ditam fac mihi vocem tuam, quoniam vox tuâ
suavis est mihi, & facies tuâ speciosa; vel apud
Esaiam, Erit altare Domini in terra Ægypti; c. 11.
vel denique apud Matthæum, Nemo ac- c. 12.
cendit lucernam, & ponit eam sub modio. Ca-
rolus hæc & alia Scripturæ loca exami-
nat, fusèque demonstrat ea partim in-
cautè & absurdè, partim etiam impuden-
ter ad hanc causam à Patribus Nicænis
detorqueri; identidem testans quam illi
constituunt, imaginum adorationem neque Lib. 2. c. 5.

per Patriarchas , neque per Prophetas , neque per Apostolos, neque per Apostolicos viros uspiam

L.2.c.25. vide institutam esse, totoque secundi libri vi-
etiam l.1.c.30 cesimo quinto capite probat, nusquam ab

Apostolis exemplis, aut verbis institutum fuisse
 imagines adorare. Respondet etiam ad

ea, quæ ex Patribus afferebantur, ex Syl-

a L.2.c.13.

b lb.c.14.

c c.15.

d lb.c.16.

e lb.c.17.

f lb.c.19. &

l.3.c.20.

g l.2.c.20.

h lb.c.18.

i l.4.c.15.

k l.4.c.19.

l l.2.c.22.

m l.3.c.15.

& 29.

n l.3.c.16. &

l.4.c.2.

o Lib.3.c.21.

p lb.c.24.

q lb.c.25.

vestro ^a, Athanasio ^b, Ambrosio ^c, Au-

gustino ^d, Gregorio Nysseno ^e, Ioanne

Chrysostomo ^f, Cyrillo Alexandrino ^g,

Eusebio ^h, Concilio VI ⁱ. Epiphaniique

discipulis ^k. Eas itidem rationes refellit,

quibus hic error frustra à Nicænis fusca-

tur; quales sunt; primò quæ obtenditur

imaginum utilitas ad revocandam rerum

divinarum memoriam ^l; secundò qui in

republicâ Principum statuis defertur ho-

nos ^m; tum picturarum cum suis exem-

plaribus unio hujusmodi, ut earum ho-

nor in primam formam transeat ⁿ; dein-

de ea vis quam olim habuisse dicitur Po-

lemonis Philosophi visa effigies ad ne-

scioquem adolescentem ab adulterii per-

petratione coërcendum ^o; quinto quæ

reliquiis sanctorum martyrum, & con-

fessorum exhibetur reverentia ^p; sextò

signa, seu miracula, quæ per imagines

fieri perhibentur ^q; septimò, Epiphanii

silentium, qui adorationem imaginum in

eo, quem contexuit, hæresium catalogo

minimè

minimè commemoravit ^a ; tandemque ^{a lib. 4. c. 25.}
 quod traditur Christum ad Abgarum E-
 dessæ regem imaginem suam misisse ^b. ^{b Ib. c. 10.}
 Quæ verò diversam sententiam astruunt
 argumenta, ea pro virili tueretur; qualia
 hæc sunt, quod Scripturæ nusquam ima-
 ginum cultum instituerint ^c; quod con- ^{c 42. c. 25.}
 trā disertissimè vetuerint, ne quidquam
 præter unum Deum colatur, aut adore- ^{d Ib. c. 21. &}
 tur ^d; quod istius imaginum adorationis ^{24.}
 nulla vel à sex universalibus Conciliis, vel
 à Patribus in fidei suæ expositionibus fa-
 cta est mentio ^e; quod ea à Gregorio Ma- ^{e lib. 2. c. 23.}
 gno disertè rejicitur ^f; quo loco recita- ^{f l. 3. c. 6.}
 ta libro superiori ex eo testimonia ha-
 bentur.

Ac ne quis cavillator hic obtrudat so-
 lennem latriæ & duliæ, cultusve absolu-
 ti, & relativi distinctionem, Carolus om-
 nem omnino adimit imaginibus in reli-
 gione cultum, non adorationem modò
 divinitati debitam, sed etiam *cultum* ^g, ^{g l. 2. c. 23. &}
observationem ^h, *venerationem* ⁱ, honorem- ^{h l. 3. c. 18.}
 que eum qui *collo inflexo*, vel *capite summis-* ^{i l. 2. c. 27.}
so exhibetur ^k, vel *thuris*, & *luminarium ob-* ^{i Ib. c. 30.}
latione constat ^l: quæ voces cultum ^{k Ib. c. 1.}
 quemvis religiosum, etiam latriâ infe- ^{l Ib. c. 11.}
 riorem complectuntur, eumque adeo,
 quem hodie Roma imaginibus defe- ^{Conc. Trident.}
 rendum putat. Vult enim Tridentina ^{sess. 25. decreto}
 de sacr. imag.

*Car. M. de Im.
L. 2. c. 21. c. 24.
& 25.*

Synodus fideles imagines *venerari, osculari, & coram iis caput aperire, ac procumbere.* Præterea negat Carolus eam imaginibus exhibendam, vel venerationem, quæ sanctis vitâ functis, vel adorationem quæ viventibus ex caritatis & salutationis officio exhibetur; hoc est civilem salutationem, quo infra religiosum cultum immane quantum subsidit. *Si igitur Angeli, (inquit) sive homines, &c. minimè adorandi sunt, salva adoratione, quæ caritatis, & salutationis officio exhibetur; multò minus imagines, quæ rationis expertes sunt, nec salutatione, nec adoratione dignæ, eo quod insensatæ sint, adoranda sunt.*

*Lib. 2. c. 29.
& 30.*

L. 2. c. 23.

Huc accedit, quod Carolus ne sacris quidem Ecclesiæ vasis æquiparari imagines patitur, aut divinarum Scripturarum codicibus; Nicænisque irascitur, qui eas res inter se comparaverant. At qui imaginibus hodie defertur honos longo intervallo superat eum, qui vasis voluminibusque sacris in Ecclesia habetur. Tum Gregorii de hoc argumento sententiam laudat, ac sequitur; quem ex superioribus constat minimè detulisse imaginibus eam venerationem, quam Nicæni postea, Romanique doctorestribuendam censuerunt. Adhæc passim ipse disertissimis verbis testatur se imagines, neque frangere,

frangere, neque adorare ; Sed *secundum* Id. l. 2. c. 31.
antiquam, inquit, *Patrum, & Ecclesiasticam*
traditionem eas in Ecclesia in ornamento, &
memoria rerum gestarum, si libet, habeamus.
 Si alibi ; *In basilicis Sanctorum imagines, non* l. 3. c. 16.
ad adorandum, sed ad memoriam rerum gesta-
rum, & ad venustatem parietum habere per-
mittimus. Rursum alibi etiam disertius ;
Eas, inquit, in ornamentis Ecclesiæ habere per- l. 4. c. 4.
mittentes, modis omnibus spernimus adoratio-
nem ; quod argumento est nullum imagi-
num in Ecclesiâ usum à Carolo proba-
tum fuisse, præterquam ad ornatum
& memoriam. Idem indignatur San- l. 3. c. 24.
 ctorum martyrum, & confessorum reli-
 quiis & vestibus imagines à Nicænis in
 honore coæquari. Nullam ergo omni-
 no religiosam venerationem imaginibus
 exhibuit ; cum apud omnes in confesso
 sit, eam quæ reliquiis defertur longè in-
 fra latriam esse. Pugnat imaginibus mi- Id. l. 3. c. 27. &
 nime deberi eam venerationem, quæ Dei l. 4. c. 3. & 12.
 locis exhibetur ; sive eo nomine basilicas
 intelligamus, in quibus Deus colitur,
 sive animas justorum hominum in qui-
 bus Deus per Spiritum habitat. Jam qui
 vel sacris ædibus, vel fidelibus homini-
 bus exhibetur honos, eum infinito in-
 tervallo à latriæ cultu distare nemo ne-
 scit. Necesse igitur est, ut hunc scripto-

rem fateamur non latriæ modò cultum, sed eum etiam venerationis gradum imaginibus negasse, qui ipsis hodie à Romanæ communionis hominibus defertur. Sed quid argumentis opus est? Nonne is ea quæ olim à Nicænis & Romanis *ante sanctorum imagines concinnantur luminaria, & adolentur thymiamata* palam, & verbis quidem acerbissimis insectatur; Nonne iis hoc nomine *vasaniam rationabiliter subsannandam* exprobrat? Nonne, quem damnat, hujus venerationis ritum sic describit, ut eundem esse cum eo appareat, qui ab adversariis usurpatur? Nam de duarum pulcrarum fœminarum imaginibus verba faciens, quarum una Mariæ fit, altera Veneris, *Ista, inquit, quia superscriptionem Dei genitricis habet, erigitur, honoratur, osculatur*; quæ nemo non videt eadem illa esse, quæ hodie fiunt. Eodem pertinet quod ille scribit libro quarto, capite vicesimo primo. Refert enim eo loco Beatam virginem pingi solitam, *aselli gestamine vectam*, puerum in ulnis ferentem, Joseph prævio in Ægyptum descendentem. Ex eâ autem picturâ argumentatur, si imago Virginis adoranda sit, adorandam itidem esse animantis imaginem, quod nullo pacto earum in adorando diremptio fieri possit; *aut*
utrinque

L. 4. c. 3.

L. 4. c. 16.

Id. l. 4. c. 21.

utriusque adoratio, inquit, est spernenda, aut utraque sunt adoranda; Ergo cum hoc sit absurdissimum, illud ponendum atque confitendum esse concludit. Jam quis non intelligit eâ ratiocinatione quamlibet imaginum adorationem, seu absolutam, seu relativam, seu latriam, seu dulum, omninò funditusque subverti, cum istorum cultuum nullus, quantumvis exiguus, animantis imagini conveniat? Cum ergo, inquit, altera ab altera dirimi sine discidio nequeat, & utraque, ne forte animantis imago adoretur, adorari non debeant, restat ut utraque adorationis honore careant (cujuslibet profecto ac quomodocumque dictæ atque acceptæ adorationis, quippe cujus nulla pars, nulla species, aut gradus animantis imagini debeatur) & ornamentorum solummodo in basilicis, aut in quibuslibet locis loca teneant, & aspicientibus rerum gestarum memoriam præbeant.

Nicænos gravissimè exagitat, quod L.3.c.30. apocryphas, & derisione dignas nænias in hac causâ plurimas passim adhibuerint. Illam vero peculiari capite castigat de quodam retruso fabulam, qui cum à fornicationis dæmone impugnaretur, eidemque petenti, ne B. Virginis imaginem adoraret, juravisset se nemini id proditurum, remque omnem postea ad Ab-

batem Theodorum retulisset, consulens quid facto opus esset; hoc ab eo responsum tulerit, *Commodius tibi est omnia in civitate lupanaria ingredi, quam abnegare adorationem imaginis Domini, aut ejus sanctæ genitricis*. Hæc sane narratio etiamnum legitur in Actis Synodi Nicænæ, ad quam, & merito quidem, sic exclamat Carolus noster, *O incomparabilis absurditas! ô exitiabile malum! ô vasaania multis vasanis præferenda!* Sed præter ipsum superstitionis errorem Nicænos insuper inhumanitatis accusat, quod qui imagines confregerant eos non dubitassent cum Judæis, Christi hostibus & interfectoribus comparare, & quæ in hos à Prophetis prædicta erant illis adnectere & accommodare. Tum in præcipitem & insolentem istorum audaciam invehitur, *qui totius mundi Ecclesias, priusquam more Ecclesiastico per epistolare eloquium consulendo, sive scrutando allocuti essent, præsumptivè sive incautè anathematizare conarentur*. Debuerant enim, inquit, ad circumjacentium provinciarum Ecclesias legationem sciscitativam facere, *utrum imagines adorari, aut non adorari deberent*. Sed illud eorum anathema dementissimum, ac vanissimum esse testatur, furorisque & temeritatis plenum, *quod illis potius, inquit, quàm nobis jacturam impertiat; postremò tolerabilius esse*

Ib. c. 31.

Conc. 7. Act.
4.

L. 1. c. 26.

L. 3. c. 11.

esse ab istis exsecrari, quàm cum illis res insensatus contra divinarum Scripturarum instituta adorare. His itaque aliisque de causis Nicænam hanc Synodum longè & ultrà quàm dici potest longè ab illa distare ait, quæ olim in eadem urbe contra Arii perfidiam habitata fuerat; Cum illa, inquit, Ecclesiam Catholicam ab errore reducat; ista è contrario in errorem inducat; illa à periculosissimo Arii naufragio eam depellat; ista eam in adorandarum imaginum naufragium coactam impellat; illa Filium esse Patri consubstantialem, & coeternum perdoceat; ista res insensatas adorare percenseat, &c. in illa exsecrentur eorū blasphemie qui Filium coessentiali Patri, nec credunt, nec fatentur; in ista abominetur eorum puritas, qui spreta picturarum adoratione, soli Deo se servituros strenua mente, & devoto pectore profitentur. Tandem concludit Nicænam hanc Synodum cum neque universalis fidei inconvulsam habeat puritatem, neque ei per universarum Ecclesiarum gesta constet autoritas, frustra ac iniustè universalis elogium sibi arrogare.

Eandem quoque fuisse Britannicæ Ecclesiæ de Nicæna Synodo sententiam docent quæ ex Regis Offæ vitâ refert Rogerius de Hoveden his verbis; Anno DCCXCII. Carolus Rex Francorum misit Synodalem librum ad Britanniam sibi à Constantino-

Reg. de Hoved.
Annal. part. I.

poli directum; in quo libro multa inconuenientia, & vera fidei contraria reperiiebantur; maximè quod penè omnium Orientalium Doctorum, non minùs, quam CCC. vel ed ampliùs episcoporum, unanima assertione confirmatum fuerit imagines adorari debere, quod omnino Ecclesia Dei execratur. Contra quod scripsit Albinus epistolam ex autoritate diuinarum Scripturarum mirabiliter affirmatam, illamque cum eodem libro ex persona episcoporum, ac Principum nostrorum, Regi Francorum attulit. Eadem narrat Matthæus Westmonasteriensis ad annum Domini DCCXCIII. quæ etiam apud Simeonem Dunelmensem, & in historiâ Roffensi, & in Saxonico sermone, parte ultima haberi testatur. Henricus Spelmanus Tomo I. Conciliorum Britannia. Atque ita excepta in Occidente fuit Nicæna ista secunda Synodus, ejusque novitium de adorandis imaginibus dogma.

CAPVT III.

Asseritur librorum de imaginibus auctoritas, ostenditurque contra aduersariorum cavillationes eos aut ab ipso Carolo, aut certè ejus jussu scriptos esse.

SED Albinus quidem opus intercidit.
De Caroli verò libris qui extant, quam
verum

verum sit, quod ait qui primus eos publici juris fecit, *nauseam fuisse Eccio cituros, si illo superstite in publicum exsiliissent*, id inquam quam vere dictum fuerit satis superque ostendit cæterorum Romanæ scholæ Theologorum exemplum. Eos enim sic commovit hoc volumen, ubi primum prodiit, ut nullas non contumelias in eos evomant, quos ejus auctores esse falsò suspicantur. Fuit præ cæteris Surius monachus ex eorum grege, quos Carthusianos vocant; cumque nemo alius occurreret, in quem collectam bilem effunderet, homo impotentis animi, ac oris maledicentissimi in nostros involat, quos pro consuetâ modestiâ *hæreticos* appellat; affirmans putidâ eorum fraude typis excusos hodie esse sub Caroli Magni nomine hos de imaginibus libros non absque insigni contumeliâ tam Sancti & Catholici Principis. Alius nescio quis ex Suarezio ait in aliquo conventiculo hæreticorum, & imperitorum hominum scriptum fuisse id volumen, item ab aliquo vel aliquibus hæreticis, idque mendaciis & imposturis plenum esse affirmat.

*Surv. Annot. in
Cons. Franc.*

*Ib. alia annot.
in Cons. Franc.*

Sed istos quidem mittamus, iracundos & rabiosos homines, eosque iræ obsequi, ac æstum animi in convitia displo-
dere

dere sinamus. Rem vero ipsam attentius totam introspeciamus. Principiò igitur non fuisse à quoquam hujus memoriæ auctore, minimè vero omnium à nostrarum partium aliquo conscriptos hos, qui de imaginibus Caroli nomine circumferuntur, de imaginibus libros, tam clarum & perspicuum est, ut id nemo, nisi quem causæ studium planè excæcarit, in dubium vocare possit. Quid enim est in singulis hujus operis partibus, siue res ipsas spectes, siue orationis characterem, quod vel nostrum sæculum sapiat, vel Carolinis temporibus non ad amissim congruat? Neminem ego in hac causâ judicem defugerim, qui modò sit vel mediocriter in hoc litterarum genere versatus. Ac in primâ quidem operis editione, fateor neque urbis, in quâ excusum fuit, neque viri, qui id excudendum curavit, nomen ascriptum fuisse. Sed nemo jam nescit paulò curiosior Ioannem Tilium, Meldensem episcopum fuisse, qui hoc volumen Lutetiæ publicavit anno superioris sæculi quadragesimo nono, ex codice manu exarato vetustissimo descriptum, quem ipse in Præfatione narrat *in templo quodam majore augustissimo, ac totius Gallia antiquissimo repertum*. Non dū fuerat à Tridentinâ Synodo prohibi-

tum

tum ne quis liber in publicum exiret sine auctoris, & loci, in quo excusus esset, nomine. Quod igitur nondum latâ hac lege licuit, eo cur usus tum fuerit Tilius, ut sine suo & typographi nomine hoc opus publicaret, facile quivis conjicere potest. Nimirum in ejus Ecclesiæ communionem vivebat, in qua periculosum est quidquam in lucem edere, quod publicè receptis sententiis vel leviter repugnet, ut quotidie experiuntur, si qui sunt istarum partium, qui sibi suâ libertate utendum putent. Jam verò quid causæ est, cur in exscribendo, & publicando hoc opere Tiliî fidem suspectam habeamus, Pontificii episcopi, & quidem Romanæ sedis addictissimi, nobisque infestissimi, ut ex eâ præfatione constat, quam Luciferi Calaritani operibus, ipsius quoque curâ editis, præfixit? Huc alia accedunt tam multa, tamque manifesta veritatis argumenta, ut vix ullum veterem librum extare putem, cujus certior sit & exploratior auctoritas. Nam fuisse à Carolo Magno scriptos libros de imaginibus quatuor testatus est jam inde ab anno superioris sæculi xxix. Ioannes Eccius, nobilis Lutheri adversarius; quamquam quod ait, non obscure arguat ab eo vel non fuisse lectos, vel certè malignè dissimulatam

*Ecc. Ench. loc.
comm. art. 16,
edit. 1529.*

384 DE IMAGINIBVS
mulatam Carolinæ sententiæ partem.
Bernardus item Lutzemburgus, ordinis
Prædicatorii frater, & sacrarum littera-
rum Coloniae Professor tradit, Carolum
Magnum contra certos hæreticos opus
scripsisse in quatuor libros partitum; id-
que haberi Romæ in Vaticanâ Bibliothe-
câ. Augustinus verò Steuchus Eugubi-
nus, Papalis Bibliothecarius, docet fuisse
hunc codicem *vetustissimum litteris Longo-
bardicis scriptum in Bibliotheca Palatina* (id
est Vaticana) præfatusque *non credenti vi-
dendi factum iri potestatem*: libri primi ca-
put sextum recitat totum, omninò quale
legitur in hujus operis editione Tillianâ.
Sed quid ego in his immoror, cum cer-
tissima, antiquissimaque, & ab ipsius Ca-
roli temporibus repetita duo habeamus
hujus rei argumenta? Quorum prius il-
lud est, quod Hincmarus Rhemenfis Ar-
chiepiscopus, de Nicæna Græcorum (ut
loquitur) Pseudosynodo, à Francofor-
diensi Concilio destructâ & abdicatâ,
verba faciens, hæc more subjungit; *De
cujus destructione non modicum volumen, quod
in Palatio adolescentulus legi, ab eodem Impe-
ratore (nimirum Carolo) Romam est per
quosdam episcopos missum; In cujus voluminis
quarto libro hæc de Vniversalis nomine scripta
sunt. Atque hoc loco Hincmarus vicesi-
mum*

*Bern. Lutzen.
in Catal. Har.
l. c. 14.*

*Steuch. l. 2.
num. 60 de Do-
nat. Constant.*

*Hincm. l. contr.
Hincm. Laud.
c. 20.*

num octavum libri quarti caput (exceptis paucis verbis, quæ initio capituli habentur) describit, planè idem cum eo, quod à Tillio eodem numero exhibetur. Quid potest ad fidem hujus libri firmandam clarius, aut disertius desiderari? Sed præter Hicmarum, idem quoque confirmat Adrianus Papa, is ipse ad quem hic liber à Carolo missus fuerat; testis omni exceptione major; qui scriptâ de hoc argumento prolixâ epistolâ Carolo respondit. Ea autem epistola, & ab Yvone in quartâ Decreti parte non semel citata est, & hodie extat in omnibus Conciliorum editionibus, Nicænæque Synodi Actis subjici solet. Adrianus ergo principio testatus quanto cum amore Engilbertum à Carolo missum excepisset, aureque placabili & mente benignâ audivisset, ita pergit; *Inter quæ, inquit, edidis nobis capitulare* (sic enim dicebatur eo sæculo liber in capita distinctus) *adversus Synodum quæ pro sacrarum imaginum erectione in Nicæa acta est.* Tum per unumquodque capitulum responsum reddere aggreditur. Capita omnia percurrit, eorumque titulos iisdem omnino verbis, quibus hodie in Tilliana editione leguntur, expressos refert; singulisque pro virili respondet; tantum immutato, quo ea hodie digesta

B b

sunt,

sunt, ordine, partibus operis pro arbitrio & libidine magis, quam ex naturali rei ipsius ratione distributis, atque collocatis. Verbi gratia quæ Carolus in quintum libri tertii caput contulerat, ad ea Adrianus tertio epistolæ suæ capite respondet; & quæ ille in primo secundi libri capite disputaverat, hic in epistolæ decimo quinto capite discutit; cæteraque consimiliter summa legitimi ordinis perturbatione, invertit, ac miscet. Ad hæc Adrianus sive brevitatis studio, sive aliâ de causâ, prætermisissis plerisque omnibus disputationis Carolinæ firmamentis, titulos tantum & sola capitum brevitaria attingit. Vt cumque sit, ex hac epistolâ certissimè constat; primum quidem Romam à Carolo missum fuisse de imaginibus volumen (quod ait Hincmarus) tum id volumen, sive cupitularare fuisse adversus Synodum pro imaginum erectione Nicææ habitam (id enim disertè pronunciat Adrianus) ac denique id opus illud ipsum esse, quod ante annos nonaginta Caroli Magni nomine, à Ioanne Tilio, Meldensi episcopo, publicatum est. Eat nunc Surius, & cum suæ farinæ hominibus clamet, hos libros Carolo falsò, nec absque insigni contumeliâ tam Sancti & Catholici Principis, affingi.

Bellar-

Bellarminus his aliisve ejusdem generis rationibus adductus fatetur *hos libros sine dubio scriptos esse tempore Caroli, & quidem in Concilio Francofordiensi, ejusque acta continere.* Sed quamquam hæc concedat, negare tamen non veretur (quod quidem miror) hos libros verè esse Caroli; per-
 tenditque ab aliquo hæretico composi-
 tos fuisse, & à Carolo ad Ponticem mis-
 sos, ut eis responderet. Primum enim
 ipsum Caroli nomen præferunt quæcum-
 que hætenus visa sunt hujus voluminis
 exemplaria; ac duo illa in primis manu-
 scripta, ex quorum altero cætera propa-
 gata sunt, Vaticanum inquam, & Tilia-
 num; cujus hunc fuisse titulum Tilius
 ipse prodidit, *In nomine Domini & Salva-
 toris nostri Iesu Christi incipit opus illustrissi-
 mi, & excellentissimi, seu spectabilis viri, Caroli
 nutu Dei, Regis Francorum, Gallias, Germa-
 niam, Italiamque sive harum finitimas provin-
 cias Domino opitulante regentis, contra Syno-
 dum quæ in partibus Græciæ pro adorandis
 imaginibus stolide sive arroganter gesta est.*
 Quo jure id sibi sumit Bellarminus, ut re-
 rum titulos immutet, hæreticique aucto-
 ris esse jubeat optimi, & Christianissimi
 Principis opus? Sed (dicet adversarius)
 qui hos libros refellit Adrianus, sic agit,
 ut videatur putasse ab alio quam à Carolo

*De Imag. c. 14.
 §. Primò.*

*Id. ib. c. 15. §.
 Quod Caroli*

compositos fuisse; Carolum quidem eorum auctorem esse nusquam memorat. Fateor; sed quis non videt Adriani interfuisse, sic agere, quo Carolum minus læderet? Addit Bellarminus ex historiis Græcorum, & Latinorum constare Carolum Iconomachum non fuisse. Quasi verò Iconoclasta sit horum librorum scriptor, qui Iconomachorum sententiam sexcentis locis repudiat, rejicit, condemnat. Nihilo firmitus est, quod tertio loco subjicit Bellarminus Jonam Aurelianensem appellasse Carolum Augustum *virum piissimum ac sanctæ memoriæ*; quo elogio non videtur ornaturus fuisse hujus operis auctorem. Quidni? Amabo enim, quid causæ erat, cur Jonas hominem eadem secum sentientem laudare vereretur? Nam imagines, neque cum Iconomachis frangit librorum Carolinorum auctor, neque cum Nicænis adorat Jonas Aurelianensis, quod Bellarminus frustra somniare videtur. Id ejus deliramentum satis refellit ipsa Ionæ disputatio; quæ imaginum & adorationem, & everisionem æque exagitat, easque (planè ut Carolinus liber) servandas quidem, non tamen venerandas pertendit, quod adeo clarum est, ut à doctioribus quibusque adversariis concedatur, à Baronio,

Ib. §. secundo.

*Ib. §. tertio.
Jon. Aurel. l.
1. de imag.*

nio, ab iis qui in Ionam præfantur Tomo quarto Bibliothecæ Patrum, à Ioanne Maria de Brasighellâ, sacri Palatii Magistro in Indice expurgatorio, à Possevino Iesuitâ in Apparatus Appendice, ab ipso postremò Bellarmino in alio de Ecclesiæ Scriptoribus opere. Ex quibus etiam liquet, quam inane sit, quod Bellarminus quarto loco objicit, Pipinum Caroli patrem, Græcorum Iconoclastarum errorem Imperatoris Græci præsentibus legatis in Consilio quodam Gentiliaci coacto confutasse. Quasi verò eum errorem defendat, aut confirmet Carolini operis auctor; ac non disertissimè & quidem pluribus locis, condemnet. Quamquam ne id quidem certum est, quod sumit adversarius Iconoclastas in Gentiliacensi Concilio damnatos, aut confutatos à Pipino fuisse. In ea Synodo actum quidem esse de imaginibus, constat; quid verò de eo argumento ibi definitum fuerit, dubium & incertum est; neque vel Rhegino, vel Æmilius, quos Bellarminus testes laudat, usquam tradunt, (quod iste iis parum verecundè affingit) Pipinum Regem Græcorum errorem contra sacras imagines confutasse. Illa verò, quam hic quinto loco affert, Caroli & Adriani amicitia, atque conjunctio, non video

*Bell. de Imag.
c. 15. §. quarto.*

Ib. §. quinto.

cur Carolum magis à scribendo, quam à mittendo hoc volumine detertere debuerit; ut cum ab eo missum concedat Bellarminus, nihil sit cur ab eodem componi non potuisse contendat. Duo illi Scriptores fateor alter alterius sententiam haud perfunctoriè impugnant; sed ita tamen, ut mutuam sibi inter se reverentiam præstent; utque Carolus de Adriano, deque ejus sede magnificè ubique, multâque cum laude loquitur; sic Adrianus de Carolo, deque ejus majestate ac pietate præclarè semper & honorificè memorat; idque eas arguit incolumi amicitia de hoc argumento dissensisse, & quamquam diversa dogmata tuentes in cæteris conjunctos mansisse; quod sæpe numero inter sapientissimos quosque Principes usu venire nemo nescit. Hodie certè palam est nonnullos cum Romano Pontifice amicitiam colere, quibus tamen nondum ille persuadere potuit, ut Tridentinum Concilium susciperent. Bellarminus postremò à stylo, & dicendi genere argumentatur, *Certum est, inquit, Carolum hominem Gracè & Latinè peritum, prudentem, & ingeniosum fuisse; libri autem isti hominis barbari, imperiti, levis, ac pene stulti esse videntur. Sed non animadvertit Bellarminus se, dùm huic scriptori tam*

im-

Bell. ib. §. Denique.

impotenter maledicit, Carolum quoque ipsum, totumque illud sæculum eadem contumeliâ involuere. Libros istos à Carolo compositos negat: certe ad Adrianum, amicissimum, & conjunctissimum hominem missos non negat; (id enim disertè affirmat ipse Adrianus) certè in Caroli & Ludovici successoris aulâ servatos, celebratos, lectitatos non negat; (id enim supra ex Hincmaro, oculato teste, didicimus.) Hæc Bellarminus concedit; prætereaque addit (quamquam hoc quidem falsò, & imperitè) hos libros *scriptos videri in Concilio Francofordiensi, & acta Synodi Francofordiensis continere.* Quæ cùm ita sint, nonnè honorificè de istorum captu & judicio sentit, qui vult Francofordienses quidem Patres *hominem barbarum, imperitum, ac pene stultum* colligendis suæ Synodi actis potissimum delegisse? Carolum verò ejusdem scriptum Romam usque per ministrum fidissimum ad Pontificem misisse? eumque fuisse Ludovici, qui Carolo successit, totiusque Aulæ stuporem, ut tam ineptum volumen servarint, ac foverint? ac Hincmari denique, Rhemensis Archiepiscopi, tam pingue ingenium, ut in legendis hujusmodi nugis bonas horas malè perdere, & ex iis capita aliquot suis disputatio-

Id. Ib. c. 14. §. Primo.

392 DE IMAGINIBVS
nibus tota inferere voluerit? Neque ipse
Adrianus, ille ter maximus Pontifex, (si
stat Bellarmini de hoc scriptore judi-
cium) ab hujus sive imprudentiæ, sive
stultitiæ crimine immunis erit; qui ope-
ram collocarit in tam misero scripto con-
futando; neque Carolum de se, deque
totâ Ecclesiâ optimè meritum Principem,
vel uno verbo monere dignatus sit
de intolerabili librorum istorum stulti-
tia, atque barbarie? Profecto hic neces-
sario confitendum est, vel Carolum, &
Adrianum, & Hincmarum, Patresque
Francofordienses sensu omnes communi
caruisse, vel (quod potius reor) Bellar-
mini judicium causæ studio corruptum,
atque occæcatum fuisse. Quod præter
debitam tantis nominibus reverentiam
res ipsa quoque si penitiùs consideretur,
omninò suadere videbitur. Quisquis
enim quatuor istos de imaginibus libros
purâ ab affectibus, & studiis mente lege-
rit, comperiet haud paulò meliores esse,
quàm censet Bellarminus; ejusque po-
tius bili, quam ipsorum merito imputan-
da, quæ iste se in iis vidisse putat vitia;
eosque si cum aliis eorundem tempo-
rum scriptis accuratè comparaverit, fa-
cile intelliget vel præstantissimis illius sæ-
culi ingeniis, Caroloque adeo ipso, ne-
quaquam

quaquam indignos esse. Illud quidem affirmare non dubitem, quantumvis rudes, atq; inconditi fingantur, meram elegantiam, meramque eruditionem eos esse præ Adriani epistolâ; cujus tanta est in singularum partium collocatione perturbatio, tanta in sensibus ignavia, tanta in probando imbecillitas, in refellendo imperitia, in argumentando oscitantia, in eloquendo rusticitas, in recitandis denique testimoniis infidelitas, ut si ex stilo, dicendique genere de istorum operum auctoribus judicandum sit, multò minus hæc epistola Pontifici tribuenda sit, quam illud volumen Regi. Equidem non ignoto quantum sit discriminis inter illius sæculi tenebras, & nostrorum temporum lucem; tamen si (quod confidentissimè pronunciat Bellarminus) Carolinus iste liber pro *barbari, imperiti, ac pene stulti hominis* scripto haberi debet, non video quo loco, ac numero censenda erunt ipsius Bellarmini opera, quæ plurimis paralogismis, aliisque non paucis hujusmodi generis vitiis ac nævis laborare nemo est adeo ejus studiosus, qui negare possit. Sed jam ea expendamus, quibus nititur tam atrox, tamque arrogans Bellarmini censura. Scriptor ille *Constantinopolim* inquit, *urbem notissimam, in Bithynia esse dicit,*

Bell. de imag.

c. 15. §. Deniq.

cum nemo nesciat esse in Thracia, nisi forte (nam etiam facetus eo loco esse voluit Bellarminus) *quia frequentes ibi terramotus fiunt, solum mutaverit;* in eâque urbe Concilium pro cultu imaginum celebratum asserit, cum tamen Nicææ celebratum nemo sit, qui nesciat, nisi qui nihil legit. Tum quædam de Eucharistiâ dicta Patribus Nicænis tribuit, quæ non ipsorum, sed adversariorum erant. Hæc omnino sunt, quæ iste Carolinorum librorum scriptori objicit; & propter quæ eum *barbarum, imperitum, levem ac pene stultum,* appellandum existimavit. Quasi homo, in ultimo Occidente natus atque educatus *sine barbarie, & stultitia* nescire nequeat in Thraciane an in Bithyniâ sita sit Constantinopolis; Byzantii ne, an Nicææ celebrata sit ab Irene coacta pro imaginibus Synodus. Si tantum est hoc crimen, quid plerisque Patribus, etiam laudatissimis fiet, qui sæpe non levius, nonnunquam etiam gravius peccant? *Barbarusne & imperitus* censendus erit vel Basilus, qui Rhenum in Pyrenæis oriri facit? vel Epiphanius, qui Gangis ostia in freto Gaditano collocat, schismaque Meletianum planè aliter narrat, quam rerum veritas poscebat? Apage tam rigidos censores. Ne ipse quidem Bellarminus, partam scribendi

Basil. hom. 3. in Hexaem.

Epiph. in Anchor. in Pan. bar. 69.

scribendi laboribus doctrinæ atque acuminis famam tuebitur, si hac severitate cum eo agatur. Adriano quidem Papæ multo mitius fuit jecur, qui ista, quæ jam tragicè exagitant purpurati ipsius nepotes, adeo contempsit, ut ne attingenda quidem, vel notanda putaverit. Merito, ut mihi quidem videtur; quod hujus generis peccata, nihil aliud sint, quam mentis non satis attentæ hallucinationes, vel infirmioris memoriæ lapsus, qui sæpe numero etiam optimis eruditissimisque ingeniis excidunt. Quod verò hic scriptor Nicænis Iconoclastarum de Eucharistiæ orationem tribuit, in eo fateor, gravius peccavit, non sic tamen, ut idcirco calumniæ accusari, tamque inhumane excipi debuerit. Clamat enim ipse ejus liber non integrum Synodi Nicæni codicem, sed quædam tantum excerpta legisse eum, quæ præcipua Synodicorum actuum capita continerent; inter quæ fieri potuit, ut imprudens hunc de eucharistia articulum conjecerit quisquis eorum auctor fuerat; & per incogitantiam ea verba Nicænorum esse putaverit, quæ revera sunt iconomachorum. Nam etiam in iis, quæ nunc Græcè Latineque extant illius Concilii Actis cum Iconomachorum definitione ita permixta est Nicæ-
norum

norum confutatio, ita-que conferta & continuata utrorumque oratio (nullo alio discrimine, quam quòd Iconoclastarum verba à Gregorio quodam recitantur, Nicænorum verò ab Epiphanio diacono) ut quamquam librorum typis excusorum distinctiones longè clariores hodie sint, quàm olim fuerunt manusccriptorum, tamen in iis discernendis facile etiam sit nunc labi, nisi quis magnâ cum attentione totam illam operis partem legat. Quis ergo non videt ingenio suo abuti Bellarminum, causæque studio indulgere, dùm sic invidiosè peccatum exaggerat, quod non ab ipso Carolinorum librorum scriptore, sed ab eo, undè Nicænæ Synodi excerpta habuerat, & eo quidem ipso imprudente admissum fuisse verissimilimum est? Dolum enim abfuisse, res ipsa satis indicat; quippe cùm ex iis verbis, quæ Nicænæ Synodo tribuit, nihil ipsius causæ accedat, nihil adversariorum decedat. Quod verò ultimo loco Bellarminus objicit Carolinum hunc librum primò prodiisse sine editoris, vel impressoris, vel loci, ubi impressus est, nomine; id inquam jam à nobis supra discussam fuit. Quasi verò hic parvus ideo spurcius, aut illegitimus censerì debeat, quod tamdiu hominum vel ignorantia;

*Bell. de imag. c.
15. §. Accedat.*

rantia, vel fraude occultatus latuerit, neque eâ pompâ, quæ tanti parentis fœtum decebat, in lucem editus sit. Itaque cum futes sint, & vanæ omnes istæ Bellarmini cavillatiunculæ, tandem aliquando concludamus quod Vaticanum, & Tilianum exemplar præfert, hoc de imaginibus opus vere Caroli esse, hoc est Caroli vel manu, vel certè jussu atque auctoritate conscriptum; eâdem fortasse ratione, quâ Ecclesiasticorum institutorum codices ejus, & Ludovici Filii auspiciis, atque imperio confecti, hodieque, quod nemo nescit; de ipsorum Principum nomine *Caroli, & Ludovici Capitularia* appellantur. Nam Carolum hos libros vel exarasse ipsum, vel dictasse, non lim equidem contendere vehementius; quod rem obscuram, & vetustam difficile sit certò atque indubiè explorare. Sed quid nos Bellarminum vitiligantem moramur, cum ipse Carolus disertè ac palam suum esse hoc opus non fateatur modo, sed etiam elamet, ac prædicet, contra quem nefas est quemquam audiri, vel admitti repugnantem? Librorum enim istorum auctor Caroli personam ubique gerit, neque aliter, quàm Carolus ipse loquitur; In primâ statim totius operis præfatione, *Quoniam*, inquit, *in Eccle-*
sia

fiæ sinu regni gubernacula Domino tribuente suscepimus, necesse est, ut in ejus defensione, & ob ejus exaltationem Christo auxiliante, toto annisu certemus. Mox; quod opus, inquit, aggressi sumus cum cohibentia sacerdotum in regno à Deo nobis concesso catholicis gregibus Prelatorum, non arrogantia supercilio, sed zelo Dei, & veritatis studio. Tùm libri primi capite sexto Pipinum Regem venerandæ memoriæ genitorem suum appellat, illustrissimum atque excellentissimum virum; cujus, suâque curâ effectum ait, ut Gallicanæ, aliæque Occidentis Ecclesiæ in psallendi ordine publicâque modulatione Romanæ copularentur. Meminit etiam alicubi Legatorum sive suis, sive patris temporibus in Orientem destinatorum. Quis ullum alium credat, præter ipsum Carolum, aut aliquem ex ejus ministris ipso volente ac jubente, hæc loquuturum fuisse? Quis impostorem adeò perditum extitisse ullum putet, qui venerando tanti tamque gloriosi Principis nomini, ac majestati tam proterve illudere non dubitaret? tamque insolens drama ipsi offerre auderet? qui ejus neque os factum vereretur? neque iram & indignationem extimesceret? Fingamus tamen (quod nequaquam est credibile) adeò vilem fuisse hujus Regis apud suos majestatem, ut

reperiri

L. 1. c. 6.

L. 2. c. 3.

reperiri tum potuerit, qui ludos istos ei faceret: Quid? ipsumne etiam Carolum celeberrimæ sapientiæ Principem, tam fungum fuisse putabimus, ut accepto libro crassam impudentissimi impostoris fraudem non modo non senserit, aut vindicarit, sed etiam deosculatus fuerit, barbarique nebulonis facinus sinu, regalique purpurâ exceptum Romam usque ad Pontificem Adrianum, & quidem per intimæ familiaritatis virum, Engilbertum, suum olim in Berthâ filiâ generum miserit? Quod si Carolo tam facile fuit imponere, quâ factum ut ne Adriano quidem ipsi quicquam de illâ, quæ fingitur, fraude suboluerit? Isne vel obesæ adeo naris fuit, ut quod octo post sæculis animadvertit Bellarminus, id deprehendere non potuerit? vel tam duri & inhumani cordis, ut Carolum admonere gravatus, sit, verba ipsi data esse ab *homine barbaro, imperito, pene stulto*? Quis non videt Bellarmino alterutrum necessario incumbere, ut vel nobiscum fateatur, Caroli vere esse hos libros, vel certè defendat nihil vel inter Principes Carolo, vel inter Pontifices Adriano obtusius, atq; crassius unquam fuisse? Absit verò, ut quicquam huiusmodi de viris tanti nominis aut loquamur, aut cogitemus. Dispereant omnes

Bel-

Bellarminus argutiæ, atque cavillationes, potius, quam ut tanti Regis nomini tam fœda inuratur macula. Neque dubito, quin ipse Bellarminus longè malit omnem sibi subtilitatis laudem perire, quàm carissimi Pontificis probro redemptam fervari. Cùm ergo hos de imaginibus libros pro suis Carolus agnoverit; cum id nomen præferre passus sit; cum ad Papam Adrianum miserit; neque vel Adrianus vel quisquam alius litem iis de auctore intenderit; cum eos denique hoc titulo insignitos tota Ludovici, Caroli filii, & successoris aula foverit, doctissimique eorundem temporum Præsules lectitarint, ut ex Hincmari Rhemensis Archiepiscopi exemplo didicimus; conclusum tandem esto illos Caroli, eo quem diximus sensu, ut dicuntur, sic etiam revera esse. Bellarminus quicquid contra pugnet, rem tamen ita habere sibi conscius, duo hic objectat, ut eorum auctoritas nobis in hac causâ inutilis fiat; quorum alterum est, *etiamsi constaret Carolum hunc librum scripsisse, nihil nos aliud habituros, quam testimonium unius hominis laici, & militis.* Sed ille hic oblitus videtur, quod suprâ tamquam verisimile posuerat, contineri hoc volumine acta Synodi Francofordiensis. Solus ne Carolus Synodo

*Bell. de imag. c.
15. §. Quod si
etiam.*

*Ib. c. 14. §. Pri-
mo.*

nodo illi interfuit? Qui eò convenerunt, trecentos episcopos pro nihilone habet Bellarminus? Sed fac libros istos nullam fuisse Francofordiensis Synodi partem; eò tamen minimè fiet, ut non ii contineant de Gallicanæ, Germanicæque Ecclesiæ sententiâ insigne, atque omni exceptione majus testimonium. Quis enim Carolum, Principem eruditissimum, atque religiosissimum, vel scripturum, vel certè auctoritate suâ confirmaturum id opus fuisse putaverit, quod Ecclesiæ Catholicæ, in cujus ille communionem tantâ cum gloriâ vivebat, sensum, atque fidem oppugnaret? Quis si fecisset, tot tantosque Præsules, quibuscum reverenter, atque amicissime quotidie versabatur, tantum ejus peccatum dissimulatueros, ac non reprehensuros fuisse crediderit? præsertim cùm Francofordiam paucos post annos convenissent magno numero, Nunciorumque, ut loquuntur, Apostolicorum præsentia munirentur? Quis denique sibi persuaserit Adrianum, si Carolum seorsim aliquid sentientem animadvertisset, non ipsum admoniturum fuisse, ut suorum antistitum sententiam unâ cum cæteris Ecclesiæ membris amplecteretur? Palam enim est hos libros antequam Francofordiense

*Car. l. de imag.
Praef. Gesta
præterea est
firmè ante
triennium &
altera Synodus
illis in parti-
bus.*

Concilium haberetur, jam extitisse; cùm eos constet triennio post Synodum Nicænam scriptos fuisse (quod est à nobis supra jam observatum) adeoque triennio vel etiam quadriennio ante Francofordiense Concilium; omninoque verisimile videtur Francofordiensibus Patribus oblatos, approbatos, Synodicisque actis insertos fuisse; Romam postremò ad Adrianum missos, ut ex eo disceret, quibus maxime rationibus adducti secundam illam Nicænam Synodum repudiandam existimassent. Continent igitur hi libri non, (quod ait Bellarminus insigni Caroli contumeliâ) *unius hominis laici, & militis testimonium*, sed communem omnium Galliæ, & Germaniæ Ecclesiarum vocem; quibus tanti Principis calamo tanquam efficacissimo ac potentissimo quodam organo uti placuit ad ea quæ de hoc fidei capite sentiebant majori cum dignitate, atque auctoritate pronuncianda. Alterum verò Bellarmini objectamentum est, qualiscumque tandem sit istorum de imaginibus librorum auctoritas, nihil nos tamen indè consequuturos; quòd eorum auctor disertè oppugnet *nostra fere omnia dogmata*; apertè docens ad Romanum Pontificem pertinere ultimum iudicium de fidei controversiis,

*Bell. de Imag.
c. 15. §. Sed esto*

orandum esse pro defunctis, Sanctos invocandos, reliquias venerandas, &c. *Si ergo volunt*, inquit, *nos credere huic auctori, cum docet Nicenam Synodum errasse, credant eidem ipsi, cum asserit tam multa, quæ jam enumeravimus.* Tu verò Bellarmine, qui hæc quæ enumerasti, hujus scriptoris dogmata admittis, cur non pariter admittis, quod is de Nicænâ Synodo censuit, & quod alicubi de Eucharistiâ infantibus dandâ tradidit? Si qua per te valent istius testimonia; cæteris cur tu idem fidem abrogandam censes? Dices eo te discrimine habere illa hujus auctoris placita, quod Romana Ecclesia (cujus vox est summa atque unica tuæ fidei norma) illa quidem priora probaverit, hæc verò posteriora rejecerit. Ego verò itidem respondeo me ea, quæ de Nicæna Synodo ab hoc scriptore affirmantur, recipere; ista alia, quæ diversis locis inserit, repudiare; quod illa quidem rationi, & Scripturarum veritati (quæ una est religionis meæ regula) consentanea sint, hæc verò non item. Si verum amamus, fatendum est, adversarii, neque nos, neque vos sanè (quamquam interdum aliter ad fucum rudibus faciendum jactatis) vel hunc Caroli librum, vel alia antiquitatis monumenta pro fidei regula habere. Nos

*Car. Mag. de
imag. l. 2. c. 27*

quidem in iis simpliciter, ac bona fide
 quærimus, quæ superiorum sæculorum
 fuerit de illis religionis capitibus senten-
 tia, quæ hodie invitis ac repugnantibus
 summâ vi ab Ecclesiæ Romanæ homini-
 bus obtruduntur; ut sic liqueat, utrum
 verius sit, idne, quod isti imperitis per-
 suasum cupiunt, eundem jam inde ab
 initio fuisse Christianismum, qui nunc
 apud eos est, an quod nos docemus, pau-
 latim hominum vitio incrustatam, corru-
 ptamque fuisse traditam ab Apostolis do-
 ctrinam, in eam aliunde admissis variis
 partim vanis & inanibus, partim etiam
 falsis, & perniciosis opinionibus. Ac nunc
 quidem de imaginum, qui à Romanis ur-
 getur, cultu disquiro. Esto ergo Caroli-
 nus liber nobis in cæteris inutilis, esto
 etiam in multis adversus; Non eo tamen
 efficitur, ut, quod nunc probandum sus-
 cepi, non validissimè conficiat, nimirum
 novam tum temporis apud Christianos
 fuisse opinionem, quam vos nunc de
 imaginum adoratione tuemini, ipsosque
 illos, quibus ne vos quidem *Catholicorum*
 nomen negare audetis, eam tum, sic ut
 nos hodie, oppugnasse; Carolum in-
 quam, totumque una Germaniæ, ac Gal-
 licanæ Ecclesiæ clerum. Hoc mihi in
 præsentia satis est. De aliis capitibus, in
 quibus

quibus scriptorem istum nobis adversari contenditis, aliàs fortasse, si Deus dederit, videro; ac de Eucharistiâ abundè jam à nostris hominibus, & aliàs sæpè, & nuper à reverendis viris Falcario & Albertino præstitum; qui Carolum hunc vestræ non magis transubstantioni quàm imaginum adorationi favere, satis, ni fallor, demonstrarunt. Nunc quidem in susceptâ de imaginibus causâ pedem figemus, quod nobis ad ea, de quibus disputatur, aperienda, ac in clarâ luce ponenda, necessarium esse videatur, ut singula controversiarum capita seorsim, ac suo quæque ordine, ac loco pertractentur, omnisque rerum confusio, ac perturbatio, quoad fieri potest, sedulò vitetur. Verum, ut eò nostra redeat, unde deflexerat oratio, nihil est in omni hac Bellarmini adversus Carolinos libros disputatione in speciem gravius, quàm quod objicit eorum authorem Francofordiensi Synodo imposuisse, duoque insignia mendacia de Nicænis Patribus, quo ipsis invidiam conflaret, per summam calumniam obtrusisse; Vnum quidem, quod ii Synodicum decretum sine consensu Papæ Romani fecissent; alterum verò, quod definivissent, imagines cultu latriæ adorandas esse. Ac ad prio-

*Bell. de imag.
c. 14. §. Neque
obstat.*

rem quidem criminationem quod attinet, fateor Adrianum legatos ad Synodum Nicænam misisse, & quicquid in ea de imaginibus decrerum fuit, non modo admisisse, sed etiam scriptis ad Constantinum litteris, ut decerneretur, summa vi, atque contentione annisum esse; ideoque alicubi affirmasse Synodi, ut vocant, Parisiensis auctores, *ex hujus Adrianicæ epistola textu Imperatorem, & clerum, simulque & populum Orientis auctoritatem sumentes Synodum fecisse.* Quod verò addit adversarius hoc Carolini operis scriptorem negavisse, contrariumque affirmasse, id equidem, quod meminerim, nusquam apud eum legi. Memini quidem Hincmarum, quadraginta circiter annis post editum à Carolo hoc opus scripsisse, *Nicænam Synodum de imaginibus definiuisse sine auctoritate Apostolica Sedis.* Sed si deliravit Hincmarus, justumne est ideo plecti Carolum, alienumque peccatum præter fas luere? Neque illud sane dissimulo Carolini operis auctorem de Romanâ Sede magno semper cum honore loqui, sexto adeo primi libri capite demonstrandum suscipere, *quod ea Ecclesia cæteris prælata fuerit, quodque pro causis fidei, cum quæstio surgit, omnino sit consulenda.* Sed quod hæc ita scripserit, non ex eo efficitur affirmasse illum

*Syn. Paris.
p. 627.*

*Hincm. Rhe.
contr. Hincm.
Land. c. 20.*

illum sine Papæ consensu decretam à Nicænis fuisse imaginum adorationem. Synodi Parisiensis Patres (quod infra suo loco luculentius explicabitur) quamquam Romanam Sedem effusissimè laudent, nihilo tamen secius pronunciant Adrianum imaginum cultui favisse, eumque autoritate suâ confirmasse; quod etiam indiscretè ab eo factum liberè profitentur. Sed quid ego Pariensem Synodum loquor? Nonne is ipse Carolinorum librorum scriptor, qui arguitur, quasi subdolè atque calumniosè Francofordiensibus persuaferit in Nicæna Synodo nullas fuisse Pontificis Romani partes, nonne inquam ille ipse scriptas à Constantino & Irene de hoc argumento ad Papam Adrianum litteras differtè nominat? Nonne ejusdem Adriani cum Tarasio, Constantinopolitano Patriarchâ, primario imaginum patrono, conjunctionem memorat, cujus in hoc ipso opere verba interdum confutat? Nonne presbyterum quemdam Joannem nomine gravissimè objurgat, quod *is temerariè & adulatoriè in participatione* Adriani & Tarasii hunc è Psalmographo versiculum inflexo & detorto Sancti Spiritus sensu protulisset, *Misericordia & veritas obviaverunt sibi; justitia & pax se complexæ*

*Car. Mag. de
Imag. l. 2. c. 4.*

sunt? Hæccine iste commemoraturus erat si (quod ab adversariis fingitur) hominibus persuadere cupivisset Adrianum imaginum adorationem improbasse, eamque à Tarasio, & cæteris Nicænæ Synodi Patribus, Adriano vel invito, vel nesciente, constitutam fuisse? Scivit ergo hic scriptor Adrianum cum Nicænis consensisse, eorumque errorem approbasse; Id ipsum tamen (fateor) constantissime reticuit, neque uspiam disertè Adriano exprobra-
vit, quin & eum ipsum ejusque sedem magno ubique cum honore memoravit, laudibusque non paucis exornavit. Sed hujus rei ratio minime obscura est. Nam cum hoc suum de imaginibus opus Adriano Papæ mittere, eumque ab errore ad veritatem leniter revocare, atque reducere vellet; quis non intelligit omnino hoc ab isto exegisse prudentiæ rationes, ut ita cum Papâ ageret? satisque ad eum corrigendum fuisse errorem, quo laborabat, in Græcis castigare, alienoque ei, ut quidam ait, nomine de ipso fabulam narrare? Eodem spectat, quod hominem laudat, nimirum, ut sic delinitus se se libentius Carolo daret; quod errasse eum dissimulat, ut errorem, tamquam nihil ad se pertinentem, tantò facilius desereret. Sæpe enim accidit, ut falsus quidam

& iniquus pudor homines in errore confirmet; dum eum egerare vel ob id ipsum cunctantur, ne errasse videantur. Eadem arte Chalcedonensis Concilii Patres ante cccxli. annos apud Leonem, unum ex Adriani majoribus, usierant; cum de iis privilegiis, quæ Constantinopolitanæ sedi, frustra intercedentibus ejus legatis, decreverant, magnâ cum reverentiâ ad eum scriberent, & hanc istorum contradictionem callidâ, & admirabili quadam interpretatione sic acciperent, quasi eo animo à Leonis Legatis facta esset, non quo institutus in Synodo Chalcedonensi ordo turbaretur, vel everteretur, sed ut eum Leo ipse princeps in Ecclesiâ constitueret, neve alius quisquam hanc ipsi pulcherrimi facti laudem præriperet. Sequutis mox temporibus Parisienses Patres Ludovico Caroli filio, auctores fuerunt, ut id quoque prudentiæ temperamentum in hac eadem de imaginibus causâ adhiberet; nimirum ut Papam Eugenium multis laudibus ornatum sibi, quoad fieri posset, conciliaret; solosque Græcos reprehenderet, ac objurgaret; *Credimus itaque (inquebant illi) quod illos reprehendendo, illisque compatiendo, istos verò demulcendo, laudando, & præferendo, eorumque auctoritatem magnis laudum præconiis efferen-*

*Syn. Par. in ep.
1. ad Imp.*

do, & Sanctæ Romanæ Ecclesiæ condignam laudem deferendo, veritatem tamen ex testimoniis Sanctarum Scripturarum, & sententiis Sanctorum Patrum in medium proferendo, & veraciter, sobrieque exponendo, poterit sanctissima vestra devotio, sicut optat, utrisque consulere. Inde ne concluderis Patres istos Ludovico persuadere voluisse Romam à Græcorum errore immunem fuisse? Minimè vero. Ibidem enim paulò antè satis disertè significaverant, Adrianum in Nicænâ Synodo tantum ad constituendum illud de imaginum cultu dogma contulisse, ut ejus auctor existimari posset: & quo tempore hæc ipsa scribebant, ajunt *partim veritatis ignorantia, partim pessima consuetudinis usu, hujus superstitionis pestem illis in partibus* (Romam autem & Italiani intelligunt) *inolevisse*. Ergo neque ex eo, quod Carolus eadem arte, atque œconomiâ hac eadem in causâ usus videtur, consequens est, ut hominibus persuadere voluisse putetur, sine Adriani consensu factum fuisse Nicænum de adorandis imaginibus decretum.

Jam ad alterum hujus scriptoris crimen venio, quo veram Nicænorum de hoc argumento sententiam occultasse, contrariamque iis, ut invidiam conflaret, affinxisse dicitur. Hoc Bellarminus ut prober,

Ibid.

probet, aliquot loca recitat ex Synodi Nicænæ Actis, in quibus illi Patres negant se imagines latriâ colere, quod ea soli Deo debeatur; Carolinum verò librum ait imaginibus planè cōtra iis tribuere, quod Sanctorum eum cultum deferant, quo adoratur sanctissima Trinitas; atque inde concludit eum quisquis fuerit, scriptorem atrocissimæ calumniæ manifestum esse; subjicitque minimè id mirum videri debere, cū nunc Magdeburgenses, & Calvinus scribere audeant Romanæ communionis homines colere imagines divinis honoribus, plane ut Deos, quantumvis ii & in libris editis, & in ipso Concilio Tridentino, disertè clament contrarium. Atque hæc quidem Bellarminus. Ego verò respondeo Carolum bonâ fide ea in medium sincera, atque integra attulisse, quæ in excerptis ex Nicænâ Synodo ad se missis habebantur; neque tolerabilem esse istorum audaciam, qui longè optimo Principi, tot jam sæculis in Domino quiescenti, nunc demum tantum, tamque immane crimen impingere non verentur. Ipse qui extat liber ejus innocentiam satis superque demonstrat. Nicæni non semel negaverant, se imagines, ut Deum, adorare. Sane; sed neque id dissimulavit ipse scriptor; aperteque

Ibid. §. Neque mirum.

teque & sine fūco commemoravit hac
eos distinctione uti solere; *Errorem, in-*
quit, *illi videntur plebibus ingerere palliatum.*

Car. M. de Im.
l. 3. c. 17.

Ajunt enim, Non adoramus imagines, ut
Deum, nec illis divini servitii cultum impendi-
mus; sed dū illas aspicimus, & adoramus, illō
mentis nostræ acumen defigimus, ubi eos, quo-
rum illæ sunt, esse non ignoramus. Idem alibi

Id. l. 1. c. 14.

de iisdem verba faciens; Ajunt enim; Be-
nedixit Iacob Pharaonem, sed non ut Deum be-
nedixit. Adoramus nos imagines, sed non ut
Deum adoramus. Nicæni iidem quem ima-
ginibus tribuunt cultum, eum condecen-
tem honorem, & amplectibilem adorationem
vocant; quo à cultu uni Deo debito se-
cernant. Neque hoc item tacuit Caro-
lini voluminis auctor, qui hæc Euthymii
Sardensis episcopi in eâ Synodo verba
recitat; Ex toto corde suscipio venerandas
imagines cum condecienti honore, & amplecti-
bili adoratione. Iidem Patres ad tuendum
suum dogma adorandi vocabulum accu-
ratè interpretantur, quod ex etymi ratio-
ne nihil aliud esse volunt, quàm osculari,
aut amplecti. Neque hoc Carolini ope-
ris scriptor prætermisit; sed disertè com-
memoratum refellit libri quarti capite
viceſimo tertio. Iidem imaginem ab eo
quod refert exemplari distinxerant, ut ex
hujus dignitate illius honorem & cultum
con-

Id. l. 3. c. 18.

constituerent. Hoc quoque referendum ac refutandum putavit idem scriptor. Nam etsi à doctis quibusque, inquit, vitari possit, quod illi in adorandis imaginibus exercent, qui videlicet non quod sint, sed quid innuant venerantur; indoctis tamen quibusque scandalum generant, qui nihil aliud in his præter id, quod vident, venerantur & adorant. Iidem denique Patres, ut ostenderent sui nequaquam fuisse consilii, ut debitus Deo cultus imaginibus exhiberetur, eum honorem commemoraverunt, quem rebus vasisque sacris, templis, reliquiis, cruci &c. passim tribuebat Ecclesia. Hæc ipsa quoque scriptor iste, uti supra demonstratum est, accuratè confutat, prolixèque disputat ne eum quidem imaginibus convenire honorem, quem hujusmodi rebus tribuere solebant. Hæc Nicænorum mysteria qui tam candidè, tamque ingenuè promittit omnia, qui nihil eorum, quibus isti errorem suum fucari, aut incrustari posse putant, dissimulavit, aut prætermisit; quo jure malæ fidei accusant adversarii, quasi istis scelerata vafricie aliud affinxerit, quàm quod re verâ senserunt? Sed urget Bellarminus; ab hoc scriptore introduci Constantinum Constantiæ Cypri episcopum, in Nicænâ Synodo plane aliena

Id. l. 3. c. 16.

*Bell. de imag.
c. 14. §. His
duobus.*

Car. l. 3. c. 17.

ab ejus sententiâ censentem. His enim verbis usum fuisse Constantinum istum à Carolo refertur; *Suscipio & amplector honorabiles, sanctas, & venerandas imagines secundum servitium adorationis, quod consubstantiali & vivificatrici Trinitati emitto.* Enimverò si errori, quod solet, accidit, ut pugnantia loqueretur; si tot inter episcopos unus repertus est, qui longiùs quàm cæteri progressus id ipsum simpliciter ac bonâ fide confessus est, quod alios pudor dissimulare, ac negare subigebat; cur id taceret Carolus? cur tam stultè adversariis faveret, ut quod in eorum oratione durissimum, atque absurdissimum inveniebat, id ipse quasi minime dictum præteriret? Nam ut hoc scriptoris hujus commentum esse credamus, qui verba illa, cum ea minime extarent in iis quæ habebat Concilii Nicæni excerptis, ipse pro libidine finxerit, Constantinoque per meram calumniam tribuerit; ut sic inquam sentiamus, neque Caroli Magni nomen (cujus verum & genuinum esse hunc fœtum supra demonstravimus) neque ipsius operis contextus, atque series sinunt. Sed neque credibile est, ab ipso excerptorum auctore commissam fuisse hanc fraudem. Primum enim & ex rei ipsius circumstantiis, & ex Hincmari, quod

quod infra afferemus, testimonio, omnino verisimile videtur, quæ Carolus habuit Nicænæ Synodi sive acta, sive excerpta, ea Româ allata fuisse, qua in urbe, non est quod suspicemur, quicquam in fraudem imaginum fictum fuisse. Præterea ex his, quæ sunt à nobis proximè disputata, manifestum est auctorem istorum excerptorum, quicumque tandem fuerit, ea optimâ fide retulisse, quibus Nicæni Patres imaginum cultum à Dei adoratione, atque servitio distinxerant. Præfecto qui hæc non tacet, eum neque illa finxisse verisimile est; qui si finxisset numquam ista commemoraturus, aut in lucem prolaturus fuisse videtur, cum istis quæ finxisset, palam pugnantiâ. Tum si hæc Constantino à Carolinis libris falsò affecta fuissent, Adrianus Papa in responsione haud dubiè de calumniâ adeo horrendâ Carolum monuisset, & vel hoc argumento docuisset, quàm infana, quamque scelerata esset eorum, qui Nicænæ Synodo adversabantur, audacia atque improbitas. Atqui ille nihil hujusmodi ad hunc locum reponit; sed descripto titulo, qui in opere Carolino capiti decimosextimo libri secundi præfixus etiam hodie legitur, ubi ea habentur Constantini verba, quæ nuper recitavi-

*Adr. resp. ad
Car. c. 9.*

mus, hæc tantum responsionis vice sub-
jicit; *Ex prava revertentes hæresi totis nisibus
eorum tentaverunt Sanctæ catholica, & Apo-
stolica in ipsorum confessione satisfacere Ecclesiæ,
& ideo talem adorationem confessi sunt, pro sa-
cris imaginibus credere, qualis in definitione
Synodi constituta est inter cetera; quo loco
illam ipsam affert Nicænæ Synodi defi-
nitionem, quam supra exhibuimus. At-
que hæc quidem est Adriani responsio,
quæ (si bene ejus mentem capio) hoc si-
gnificare videtur, istos episcopos, qui
Iconoclastarum errorem ejerabant ut
omnem ex audientium animis suspicio-
nem abstergerent, cultum, quem imagi-
nibus tribuendum putabant, efficacibus
atque emphaticis verbis expressisse; sed
ita tamen, ut eorum sententia sit ex ipsius,
cui intererant, Synodi definitione inter-
pretanda; neque adeo illam Constantini
episcopi orationem, quantumvis duram,
atque horridam, fraudi esse debere Con-
cilio, cujus clara est & indubitata senten-
tia infra latriam esse eum honorem, qui
imaginibus defertur. Sed sive hic, sive
alius sit Adriani responsionis sensus (ne-
que enim causa est, cur de eo laboremus,
aut contendamus vehementius) eam cer-
tè quæ Constantino à Carolo tribuitur
orationem, cum neque mendacii, neque
calumniæ*

calumniæ accuset, satis superque verè ei tributam esse confitetur. Denique ipsa rerum, de quibus agitur, natura repugnat; ne vel à Carolo, vel ab iis, undè excerpta Nicænæ Synodi habuerat, admissam credamus tam crassam, tamque immanem fraudem, quæ, cum factum esset recens, nullo negotio detegi, atque revinci poterat. Neque Bellarminum, ut ei assentiamur, quicquam juvat, quod hic obtrudit Magdeburgensium, & Calvini exemplum. Nam quos hic comparat, ii si res ex ipsius sententiâ æstimetur, plurimum inter se differunt, cum Calvinum & Magdeburgenses pro hæreticis habeat, Carolum verò, hujus libri verum parentem, in Sanctorum numero censeat, atque invocet, aut certe invocantes ferat. Huc accedit, rerum etiam, quam personarum majus discrimen. Nam verum quidem est Calvinum, & Protestantes scribere divinos honores imaginibus à Romanæ Communionis hominibus exhiberi; Sed falsissimum est quemquam eorum orationem alicui adversariorum de hoc argumento tribuisse, quæ ab eo nunquam esset habita. Hoc quidem si facerent à mendacio (fateor) excusari non possent. Illud verò, quod ajunt, *adversarios Sanctorum imagines divinis honoribus*

colere calumniâ vacat. Nam dùm sic loquuntur, honores, qui imaginibus ab istis exhibentur, *divinos* esse, significant, non ipsorum qui illos exhibent, confessione, sed in sese, & re ipsa, quicquid isti de eorum naturâ, veroque elogio vel sentiant, vel loquantur. Itaque si, quos adversarii imaginibus exhibent honores, ii re verâ divini non sunt, nostri quidem homines, qui *divinos* esse ajunt, erraverint, falsi fuerint, & decepti, qui quod non est, id esse putaverint; mentiti, & calumniati minimè profectò fuerint, qui quod sentiebant, id sincerè & bona fide loquuti sint. At in Caroli negotio res planè contra habet. Is enim non ex proprio sensu loquens ait Nicænos imaginibus latriæ cultum exhibere; sed Constantinum unum ex istis inducit ipsum disertissimis verbis affirmantem, quam defert imaginibus adorationem, eandem cum illâ esse, quam sanctissimæ Trinitati emittebat; quæ (si quidem nihil iste Constantinus dixit hujusmodi) calumnia est usque adeo immanis, ac prodigiosa, ut vix sit credibile eam ulli homini vel communi sensu prædito in mentem unquam venisse, nedum Carolo Magno. Hæc igitur dixisse in Nicæna Synodo Constantinum affirmanti Carolo, potius quam n-

ganti Bellarmino , ipsius pace , credere nobis liceat. Duo sunt tantum quæ contra objici posse video; atque hoc quidem prius quod in iis quæ hodie extant Synodi VII. Actis nusquam comparent illa Constantini à Carolo allata verba; sed hæc cum illis ex adverso pugnancia, *Suscipio & amplector sanctas & venerandas imagines,*

καὶ τὴν λατρείαν προσκυνοῦσιν μόνῃ τῇ Syn. 7. Act. 3.

ἐπερσίου καὶ ζωαρχικῇ τεράδι ἀναπέμπτω, & adorationem , quæ fit secundum latrariam tantummodo supersubstantiali, & vivifica Trinitati emitto; pro quibus verbis videri possit exemplar, quo usus est Carolinorum excerptorum auctor, hæc habuisse καὶ λατρείαν προσκυνήσεως ἣν τῇ ὁμοσίῳ καὶ ζωαρχικῇ τεράδι ἀναπέμπτω, *secundum servitium adorationis, quod consubstantiali & vivifica Trinitati emitto.* Sed hæc lectionis di-

versitas minimè efficit, ut à Constantino habita non fuerit oratio, quam ei Carolus tribuit; cùm ista Nicænæ Synodi acta multipliciter immutata, atque corrupta fuerint, ut ex eâ varietate apparet, quæ etiam hodie in ejus exemplaribus cernitur. Nam Actione secunda, in Adriani ad Constantinum epistolâ, plurima habet Anastasii versio de Romanæ sedis auctoritate, deque *Universalis* titulo, magnifica, quæ neque in Græco contextu, ne-

que in Latinâ veteri versione leguntur. Sicejusdem Adriani ad Tarasium epistola planè alia est apud Anastasium, quam quæ in utraque illâ editione legitur. Actione verò quintâ *Episcopi universalis* elogium, quo Tarasius in Græco, Latinoque veteri exemplari insignitur, deest apud Anastasium. Si hæc, aliaque ejusdem generis hujus Concilii Actis aut adjecta, aut detracta fuerunt; quidni etiam illa à Carolo recitata Constantini verba, quod non viderentur cum aliorum ejusdem Synodi Patrum subtilioribus & calidioribus sententiis cohærere, immutata & emollita fuerint? Anastasii in Sedem, atque imagines Romanas studium satis superque notum est. Vtrumque sit, cum hujus dicti fides inter Carolum, qui id affirmat, & hodiernos Concilii codices, qui negant, dubia & ambigua pendeat, nulla causa videtur, cur tanti Principis testimonio eorum exemplarium auctoritatem anteferamus, quæ tam multas præferunt corruptionis notas. Sed aliud etiam est, quod objicitur; nimirum cæteros Nicænæ Synodi Patres tam accuratè, tamque perspicuè eam, quam imaginibus decernunt adorationem à debito Trinitati cultu distinguere, ut non videatur verisimile, vel Constantinum,

vel

vel quemquam alium in eodem Concilio verba ista pronunciaſſe , quæ cum iſtis tam manifeſte , tamque adverſâ fronte pugnant. Sed in promptu eſt reſponſio. Primùm enim qui errorem aliquem defendendum ſuſceperunt, iis raro inter ſe convenit. Quanta eſt inter ipſos adverſarios de hoc eodem argumento opinionum diverſitas? Alii negant omnino adorandam imaginem ; ipſum tantum coram imagine exemplar adorari volunt. Qui verò ipſam etiam imaginem venerantur , ruruſum alii inferiore quodam cultu proſequendam putant, alii, & quidem nobiliſſimi, eundem omnino honorem imagini & exemplari tribuunt. Atque his quidem nulla religio eſt affirmare, ac defendere Domini Chriſti imaginem latriâ adorandam eſſe. Jacobus certè Nanclantus , Clodiensis in Italiâ epiſcopus , fatendum eſſe ait *fideles in Eccleſia adorare imaginem ſine quo voluerit ſcrupulo , quin & eo illam venerari cultu , quo & prototypum ejus ; propter quod ſi illud , inquit , habet adorari latria, & illa habet adorari latria ; quæ proſectò oratio omnino, ſi ſenſum ſpectes , eadem eſt cum illâ Constantini Cyprii ſententiâ, quàm Belarminus concoquere non poteſt. Si inter Romanæ communionis homines hæc*

*Jac. Nancl.
ant. in ep. ad
Rom. c. i.*

opinionum , atque orationis diversitas locum habet , cur non eadem inter Nicænos Patres habere potuerit ? ac si ea, quominus illi ejusdem religionis , atque fidei censeantur, minimè efficit ; cur prohibebit hujus Constantini singularis , & à cæteris discrepans oratio , quominus Nicænorum verus ac germanus frater habeatur , quorum sententiam non tam evertit , quam extendit , atque amplificat , & quæ ex eâ consequuntur , simpliciter , ac rotundè explicat ? Nam in iis sanè, quæ hodie extant , Concilii Nicæni actis , disertè ponit Joannes , Sedis Antiochenæ legatus, unam eamdemque esse imaginis , & exemplaris adorationem ; undè illud porro consequi videtur, ut eodem , quo sanctissima Trinitas adoratur, latræ cultu adorandæ sint ipsius saltem Trinitatis, Christique Domini imagines ; *Hic Pater* (inquit , de Basilio loquens) *ostendit non duas adorationes, sed unam esse, & imaginis , & principalis & δεχέσθαι* *cujus imago est.* Præterea utut dura sit illa supra recitata Constantini sententia, non tamen usque adeò recedit à cæterorum sensu , ut non facilè possit recentes Romanæ Scholæ distinctiones , atque limitationes capere , iisque emolliri , & ad communem Nicænorum mentem infle-

cti.

Syn. Nic. 2.

Act. 4. p. 649.

cti. Neque aliæ quærendæ sunt, quàm
 quas ipse nobis Bellarminus & quidem in
 hac ipsâ disputatione suppeditavit. Is
 enim quamquam neget secundum rei
 veritatem dici posse *adorari latria imagi-*
nes, tamen *per accidens vel improprie* id dici, *Bell. de Imag.*
l. 2. c. 22. §.
Sexto.
 posse concedit. Quid ni ergo Constan-
 tinus duriores illam suam elocutionem
 sic purget, atque mitiget, ut quæ dixit ea
 se, non *per se ac proprie*, sed *per accidens &*
improprie, intellexisse caussetur? Fateor
 Bellarminum id ipsum, quod dici posse
 non negat, vetare tamen ne dicatur, præ-
 fertim in concione ad populum. Sed is
 indignè ferre non debet, quod lata tam
 multis post sæculis à se legi minus parue-
 rit Constantinus; præsertim cùm hanc
 orationem, non apud populum, cujus
 iste scandalum præcipuè veretur, sed
 apud episcopos in mediâ Synodo habe-
 ret. Atque ex his satis, nisi fallor, appa-
 ret nihil omnino causæ esse, cur Nicænæ
 Synodi, de imaginum cultu sententiam,
 à Carolo dissimulatam, vel ad invidiam
 aliter, quam dicebat, acceptam & expli-
 catam fuisse putemus. Sed contra pugnat
 Bellarminus, allato alio quodam testi-
 monio quod ait in librorum Carolino-
 rum præfatione haberi atque affirmari,
 Græcorum Synodum statuisse, *ut qui ima-*
Bell. ib. c. 14.
§. His duobus.

424 DE IMAGINIBVS
ginibus Sanctorum, ita ut deificæ Trinitati ser-
vitium, aut adorationem non impenderent,
anathema judicarentur. Ad hæc ego pri-
mum respondeo locum istum ad præsen-
tem libri Carolini causam minimè per-
tinere. Verba enim hæc sunt non Caroli
in præfatione libri de imaginibus (quod
Bellarminus videtur existimasse) sed
Francofordiensis Synodi, quod postea
fusiùs demonstrabimus. Itaque siquid
calumniosè ea Nicænis affingunt, tota
hujus criminis invidia non in Carolum,
qui hæc nusquam scribit, sed in Patres
Francofordienses conferenda est, apud
quos capite Synodi secundo ista à Bellar-
mino recitata leguntur. Præterea secun-
do loco respondeo, istis verbis simplici-
ter ac bonâ fide explicatum esse, quænam
esset Francofordiensium de Nicænæ Sy-
nodi dogmate sententia, non autem quæ
Nicænorum ipsorum de sua definitione
oratio. Decreverant Nicæni religiosum
cultum imaginibus exhibendum; saluta-
tionis & adorationis honorem deferen-
dum, incensa & lumina offerenda, alia-
que ejusdem generis. Hoc quidem apud
utrosque, Nicænos inquam & Franco-
fordienses, pariter in confesso est. Cæte-
rum nova inde inter eos controversia ex-
surgit; nimirum utrum iste cultus, quem
modo

modo descripsimus, quemque à Nicænis constat imaginibus decretum fuisse, idem sit, nec ne cum eo cultu, qui Deo exhibetur. Eundem esse, negant Nicæni; ajunt Francofordienses; quod tùm ex supra descriptis eorum verbis patet, tùm ex Caroli testimonio (qui in eâdem proculdubio erat cum iis sententiâ.) Is enim difertè testatur nullum alium se religionis cultum agnoscere præter eum, qui Deo summo defertur; *Non mediocris error est*, Car. M. l. 1. de Imag. c. 2. inquit, *cùm aliud adoratur religionis cultu, quàm is, qui dixit, Dominum Deum tuum adorabis, & illi soli servies.* Itaque cùm Francofordienses Patres hic ex animi sui sententiâ, suo loco ac nomine verba faciant, nulla causa est cur insimuletur calumniæ hæc eorum oratio, quâ à Nicænis constitutum ajunt, *ut imaginibus Sanctorum ita ut deificæ Trinitati, servitium aut adoratio impenderetur.* Ipsi enim ita sentiebant, cultum à Nicænis imaginibus decretum ejusdem omnino generis esse cum eo, qui Trinitati defertur; quamquam Nicæni aliter præ se ferrent. Hanc eorum fuisse mentem satis arguunt vel ipsa hæc quibus utuntur verba, *imaginibus Sanctorum ita ut deificæ Trinitati, servitium aut adorationem impendere;* Hæc enim, ut cuivis manifestum est, minimè significant, *credere aut*

profiteri imagines Deos esse, vel sanctissimæ Trinitatis personas, sed cultum, qui Trinitati exhiberi solet, eum imaginibus deferre. Jam procumbere, caput aperire, manus in obsecrantis morem obtendere, incensa & lumina offerre, preces coram fundere, & cætera hujusmodi, nonne ad eum cultum pertinent, qui Deo exhiberi solet? Ergo cum Nicæna Synodus eos, qui hæc imaginibus deferre nolunt, anathemate feriendos putaverit, clarum est eam (ex Francofordiensium quidem Patrum sententiâ) reverâ excommunicasse, qui imaginibus servitium ita ut Trinitati non impenderent. Atque hæc Francofordiensium Patrum de Nicænis oratio planè cum Protestantium quorundam de hodiernâ Romæ Ecclesiâ sermone convenit, qui scribere & affirmare non dubitant, divinos eam honores imaginibus tribuere. Neque enim qui sic loquuntur, hoc volunt, Romam ipsam profiteri vel concedere divinos esse quos imaginibus largitur honores; Ab eo verò tantum absunt, ut ipsi ultro testentur hoc strenuè negare illarum partium Doctores; contraque pugnare, easque rationes, atque exceptiones in medium proferant, excutiant, atque confutent, quibus illi hanc causam tueri solent, nitique, ut

proben

probenſt divinum nequaquam eſſe, quem imaginibus exhibent cultum. Quis ergo tandem eſt ejus quâ iſti utuntur orationis ſenſus? Hic nimirum, quos Roma imaginibus exhibet honores, eos utut ipſa reclamet, ac reluctetur, re verâ tamen divinos eſſe, atque hujusmodi, qui uni Deo deferendi ſint. Hac enim in cauſâ duo ſunt, quæ quæruntur; prius quidem, an res ipſa ſit; nimirum an Romanæ communionis homines, ea loca religioſè in- viſant, in quibus habentur conſecratæ imagines, an ante eas procumbant, ac ſupplicent, & donaria offerant, lumina accendant, thura adoleant. Tum quid & quale hoc ipſum ſit; cultusne religioſus, an alterius generis, adoratio ne latriæ an ſecus. Ac de priori quidem nulla eſt inter partes controverſia; neque enim negant Romani ſe iſta, quæ modò commemoravimus, & facere ſolere, & facienda putare. De poſteriore verò omnis eſt, quæ inter eos verſatur lis, atque diſſenſio; cultum iſtum, quem imaginibus tribui conſtat, divinum eſſe, atque hujusmodi, qui Deo ſoli in religione debeatur, hinc quidem affirmantibus Proteſtantibus, inde verò negantibus adverſariis. Vtriſque igitur in hac diſputatione concedendum eſt, ut ex animi ſui ſen-

428 DE IMAGINIBVS
sententiâ loquantur ; cultumque illum,
de cuius genere ac definitione inter se
dissentiant , ex suo quisque , non autem
ex oppositæ partis sensu , atque arbitrio
indigent. Vndè consequitur vanam ,
& iniquam esse , quam Bellarminus Cal-
vino, ac Magdeburgensibus scribit syco-
phantiæ dicam , quod dixerint imagines
ab adversariis divinis honoribus planè
ut Deos, coli; nec justius adeo , aut ve-
rius esse, quod Francofordiensibus itidem
impingit calumniæ in Nicænos crimen;
præsertim si, quod iste velle debet, eadem
in hoc argumento libertate versati sunt
Nicænæ Synodi Patres , quam hodie in
Romanis scholis obtinere cernimus ; in
quibus constat Magistros extitisse neque
ignobiles, neque gregarios, qui Dei cru-
cisque imaginibus latriæ adorationem
tribuendam esse palam (ut est à nobis in
superioribus observatum) contendere
non dubitarint.

CAPUT IV.

*Secundi in Nicæa Concilii de imaginibus definitio
anno 794. à Synodo Francofordiensi abrogatur;
Explicatur ejus Synodi decretum & ab adversa-
riorum cavillationibus vindicatur.*

SED cum hætenus Carolini operis
auctoritatem abundè asseruerimus,
jam ad ipsum Francofordiensem Pa-
trum decretum veniamus. Carolus enim
quarto post confectum illud volumen
anno, numerosissimam Synodum Fran-
cofordiæ ad Mœnum habuit; convocatis
ex Galliâ, Britanniâ, Germaniâ, atque
Italiâ cœ minimùm Episcopis, qui da-
mnatâ in primis Elipandi Toletani, ac Fe-
licis Vrgelitani episcoporum, aliorum-
que aliquot Hispanorum hæresi, de ima-
ginibus postmodùm egerunt, & quod in
earum gratiam Græci præfules in Nicæâ
nuper ab Irene coacti decreverant, id
gravissimis verbis notatum hunc in mo-
dum abrogaverunt. *Allata est in medium*
questio de nova Græcorum Synodo, quam de
adorandis imaginibus Constantinopoli fecerunt,
in qua scriptum habebatur, ut qui imaginibus
Sanctorum, ita ut deificæ Trinitati servitium,
aut adorationem non impenderent, anathema
judicarentur. Qui suprâ sanctissimi Patres no-
stri omnimodis adorationem, & servitutem re-
nuentes

*Syn. Franc.
Can. 2.*

nuentes contempserunt, atque consentientes condemnauerunt. Atque hoc quidem fuit Synodi Francofordiensis de novâ Nicænorum definitione iudicium ; quod Carolini operis supra recitatis sententiis ad amissim congruit. Hîc verò magna est adversariorum trepidatio , atque æstuatio, quod eam Synodum, quæ apud ipsos septimæ universalis numero , ac nomine censetur, cuiusque decreta , veluti totidem fidei canones summo in honore habentur, eam longè nobilissimi, atque amplissimi conventûs voce adeò exsertè rejici, ac damnari vident. Sed hominibus sua per fas , nefasque ad ultimum tueri, ac tenere certis nequaquam in hoc disputationis articulo deest solennis ubique audacia , frontisque duries. Cæterùm (quod eorum semper fatum est, qui verum oppugnant) inter se discordes in diversissimas sententias abeunt. Is enim (de quo à nobis suprâ memoratum est) Alanus Copus negat Synodum illam ab Irene , & Tarasio Nicææ ad restituendum imaginum cultum habitam , illam inquam negat à Francofordiensibus Patribus damnatam fuisse. Confirmatam imo ab iis pertendit homo immanis confidentiæ ; neque aliam in isto Concilio rejectam fuisse Synodum , quam quæ ab
Icono-

Al. Cop. Dial.

4. c. 18. & 19.

Dial. 5. c. 12.

& 13.

Iconoclastis anno Christi DCC LIV. Constantinopoli tribus & triginta ante Nicænam annis ad evertendas imagines celebrata fuerat. Alanum sequitur Gregorius de Valentiâ. Bellarminus verò, & Baronius, cum paulò impudentiorem esse animadverterent hanc respondendi rationem, meritòque vererentur nè adeò projecta audacia in desperatæ causæ argumentum ab adversariis raperetur, ad aliam technam sibi confugiendum esse putarunt. Concedunt enim isti, quod apertius est, quàm ut negari queat, in Synodo Francofordiensi verè reprobata[m] fuisse Nicænam secundam Synodum, sed per errorem, & ut loquuntur, materialiter id factum contendunt; cum boni Patres à malevolis hominibus, maximè autem ab auctore librorum Carolinorum, ut vult Bellarminus, decepti crederent in Synodo Nicænâ definitum fuisse, ut imagines adorarentur cultu latriæ, idque decretum à Græcis sine consensu Papæ Romani factum fuisse; Non esse mirandum, quod his duobus mendaciis pro veritate habitis, Nicænam Synodum, tamquam profanam, & illegitimam reprobarerint; longeque aliter facturos fuisse, si quæ verè fuerit Nicænorum sententia, intellexissent; nimirum imaginibus rela-

tivum

*Greg. de Val.
de idol. l. 2.
c. 7.*

*Bell. de Imag.
c. 14. §. Neque
obstat.*

tivum tantum & honorarium cultum esse tribuendum, cum ipsi quoque idem reverâ sentirent. Perronius eandem quoque stropham in hac causâ adhibet, suorumque hominum commentum, vel certè conjecturam, in historiam commutans, seriò nobis narrat *execrabili Iconoclastarum artificio, atque calumnia conficta, & in Occidente disseminata fuisse Nicane Synodi excerpta*; remque non aliter adfirmat, quàm si eam vel ipse præsens inspexisset, vel à gravi aliquo & idoneo illius memoriæ teste accepisset. Gabriel verò Vasques, & Franciscus Suares Jesuitæ, Biniusque Colonienſis Canonicus, qui Concilia nuperrimè edidit, repudiato hoc figmento, quòd absurdum, atque incredibile videretur, Alani responsionem præferunt, & monstrum à duobus Cardinalibus confossum, atque profligatum, suscitare, ac in vitam postliminiò revocare moluntur. Neque enim isti satis habent diversas, & à se invicem discrepantes sententias sequi, sed, quo majorem, credo, à nobis ineant gratiam alii aliorum placita haud segniter evertunt; quo in conflictu sic se gerunt, ut justus quidem ac fœlix sit singulorum in alienis oppugnandis, ac diruendis labor; inanis verò omnium in suis constituendis atque defendendis

Du Perr. Reflex. p. 170.

dendis conatus. Nos eorum certamina spectabimus, neque sic tamen feriabimur, ut non etiam ipsi conseramus manus, si quando hanc à nobis operam vel mendacii confutatio, vel veritatis confirmatio postulabit. Bellarminus in aciem princeps prodit, qui Alani responsionem refellere aggreditur, hæc civiliter sane, & urbanè præfatus, *Hanc sententiam*, inquit, *optare me esse veram, sed tamen suspicor esse falsam.* Tùm tribus argumentis probat Synodum de imaginibus in Concilio Francofordiensi damnatam, eam verè esse Nicænam. Primò quidem, quod libri Carolini sine dubio tempore Caroli, & quidem (ut videri ait) in Synodo Francofordiensi scripti, verè Nicænam Synodum refutent. Secundò quod auctores antiqui omnes in hoc conveniant, quod in Concilio Francofordiensi sit reprobata VII. Synodus, quæ adorandas imagines decreverat. Ac de libris quidem Carolinis, à quibus primum argumentum ducit Bellarminus, suprà abundè dictum puto. Alterius verò argumenti confirmatio exigit, ut veteres aliquot scriptores hoc loco excitemus de Francofordiensi Synodo testimonium dicturos. Quorum primus esto auctor vitæ Caroli Magni à Clar. viro P. Pithoeo publicatus. Is,

*Bell. de Imag.
c. 14. §. Mult.
ti autem.*

Vita Car. M.

quo loco de Concilio Francofordienſi memorat, diſertiſſime affirmat in eo re-
jectam fuiſſe Græcorum pro imaginibus
Synodum. Nam præfatus Carolum Pa-
ſcha Francofordiæ egiſſe, Et ibi, inquit,
congregata eſt Synodus magna epiſcoporum Gal-
liarum, Germanorum, Italarum in præſentia
ejus. Ibi fuerunt miſſi Domini Apoſtolici Adria-
ni Theophylactus, & Stephanus epiſcopi, & ibi
tertiò damnaverunt hæreſim Felicianam; quam
damnationem per auctoritatem ſanctorum Pa-
trum in libro conſcripſerunt, quem librū omnes
ſacerdotes propriis manibus ſubſcribendo confir-
marunt. Ibi obiit Faſtrada Regina, & ad S. Alba-
num ſepulta eſt. Pſeuſynodus Græcorum, quam
falsò ſeptimam vocabant pro imaginibus, rejecta
eſt à Pontificibus. Id ipſum ad ann. D CC XC-
IV. iiſdem pænè verbis teſtantur Annales
Francorum ab anno Chriſti DCCIV. ad
DCCCLXXXIII. continuati; Synodus habita in
Francofurt, in qua hæreſis Felicianæ coram epi-
ſcopis Germaniarum, & Galliarum, Italarumq;
præſente magno Principe Carolo, & miſſis Adria-
ni Apoſtolici Theophylacto, & Stephano epiſcopis,
tertiò damnata eſt, & rata ſtipulatione damna-
tio roborata. Faſtrada Regina moritur, & Mo-
guntia apud Sanctum Albanum honorificè ſe-
pulta eſt. Pſeuſynodus Græcorum pro ado-
randis imaginibus habita, & falsò ſeptima vocata,
ab epiſcopis damnatur. Adhelmus Benedi-
ctinus

*Ann. Franc.
ad an. 794.*

Ctinus de Synodo Francofordiensi eadem in Annalibus loquutus, Synodus etiam, inquit, quæ paucos ante annos Constantinopoli sub Helena, & Constantino Filio ejus congregata, & ab ipsis non tantum septima, verum etiam universalis est appellata, ut nec septima, nec universalis diceretur, habereturque, quasi supervacua, in totum ab omnibus abdicata est. Eadem in Annalibus, & Chronicis ad annum DCCXCIV. produnt Strabus, Fuldenſis Monachus, Regino Prumiensis, Vrſpergenſis Abbas, & Hermannus Contractus. Hincmarus Archiepiſcopus Rhemenſis, quem quinquageſimo, aut circiter poſt Francofordienſem Synodum anno floruiſſe conſtat, in epiſtolâ ad Hincmarum nepotem, Septima, inquit, apud Græcos vocata univerſalis pſeudoſynodus de imaginibus, quas quidam confringendas; quidam autem adorandas dicebant, neutra verò pars intellectu ſano diffiniens, ſine auctoritate Apoſtolice Sedis non longè ante noſtra tempora Conſtantinopoli eſt à quam plurimis epiſcopis habita, & Romam miſſa, quam etiam Papa Romanus in Franciam direxit. Unde tempore Karoli Magni Imperatoris, juſſione Apoſtolice ſedis generalis eſt Synodus in Francia, convocante præſato Imperatore celebrata, & ſecundum Scripturarum tramitem traditionemq; majorum, ipſa græcorum pſeudoſynodus deſtructa,

*Adhel. Bened.
ad an. 794.*

*Hincm. opuſc.
ſſ. cap. cap. 26*

*& penitus abdicata : de cuius destructione non modicum volumen , quod in palatio adolescentulus legi, ab eodem Imperatore Romam est per quosdam episcopos missum , in cuius voluminis quarto libro hæc de Vniversalis nomine scripta sunt . Quo loco describit Hincmarus ex opere Carolino libri quarti caput xxviii. omninò quale hodie extat in codicibus editis. Vndè manifestum est, quæ Francofordiæ damnata est Synodus, eam ipsam esse, quam Carolus in his libris exagitat, & refellit, hoc est (quod omnes confitentur) Nicænam illam secundam , quæ cultum imaginum constituit. Ado Viennensis, qui non amplius quàm quinquaginta annis post Francofordiensis Synodi tempora vixisse perhibetur, postquàm in Chronico pauca de eâ dixit, deque Fælicis Vrgelitani condemnatione, hæc subicit: *Sed pseudo-synodus, quam septimam Græci appellant, pro adorandis imaginibus, abdicata penitus.* Idem etiam produnt Chronicum Missiacense, desinens in annum Domini dccc viii. Annales Cœnobii Bertiniani, qui desinunt in annum Domini dccc lxxxii. & Metenses, cœnobii Sancti Arnulfi, qui in annum dcccc iii. Quibus addendi sunt Francorum annales manuscripti Tili ab anno Domini d cc viii. ad dccc-*

VIII. Annales item Francorum ex manuscripto Petavii ab anno DCC LXIX. ad DCCC VI. Annales Francorum ex manuscripto Loifelli ab anno Domini DCC XLI. ad annum DCCC XIV. Annales Poëtæ Saxonici libro quarto ad annum Domini DCC XCIV. Annales Eginhardi; Caroli vita ab Ademaro, Sancti Eparchii monacho, scripta, ac postremò Aimoinus, libro quarto, capite LXXXV. & Aventinus. Atque hi testes, qui sunt omnes xx. quique plerique temporibus Carolino sæculo proximis vixerunt, unâ voce ita de Synodo Francofordiensi affirmant. Jam vide quæso, quæ sit eorum hominum frons, qui tam claro, tam idoneo, tam ab omni parte confirmato testimonio reclamare non verentur, ac præter omnium veterum fidem contendere Nicænum Concilium à Francofordiensi confirmatum fuisse; Vide an non meritò tam impudentem audaciam exhorruerint Belarminus, ac Baronius Cardinales. Sed pugnant illi tamen, tantamque auctoritatem levibus argumentis labefactare conantur. In primis verò obijciunt, quod ex istis scriptoribus nonnulli, ut Adhelmus, ut Urspergensis Abbas, ut Aimoinus, ut ipse etiam Hincmarus, ajunt

quod reiectum est à Francofordiensibus Concilium, id Constantinopoli habitum fuisse. Sed hæc obiectio nihili est. Nam primò fieri potest, ut auctores isti *Constantinopolim*, pro Orientalis imperii provinciis, quarum Constantinopolis erat caput, usurpaverint, ac si dixissent istam Synodum in Oriente fuisse celebratam, ut solent sæpè Romæ, Babylonis, aliarumque principum civitatum nomina sumi pro totis imperiis, quæ iis subiecta sunt. Arque hæc est clariss. viri, ac venerandi in Christo fratris Davidis Blondelli, quem honoris causâ nomino, de his scriptorum istorum locis sententia. Bellarminus verò aliter respondet, conceditque per errorem *Constantinopolim* ab iis pro *Nicaea* nominatam; sed ita tamen, ut eam ipsam Synodum, quæ Nicææ habitata est, in animo habuerint; vultque erroris illius fontem fuisse Carolini operis Scriptorem, qui cùm vel lapsu memoriæ, vel ex imperitiâ Synodum hanc Constantinopoli habitam fuisse scripsisset, indè in cæteros manasse errorem. Quibus adjici potest eò proclivior hinc fuisse lapsus, quod ea Synodus Constantinopolim primò indicta fuisset, undè mox Nicæam ob militum, & populi tumultum, ex occasione translata est. Ac de Carolo quidem

*Bell. de Imag.
c. 14. §. Neque
obstat.*

dem ambigi non potest, quin is Nicænam Synodum intellexerit, cùm ei, de quâ loquitur, Synodo cultum imaginum tribuat; cùm Nicænorum Patrum nomina, & sententias passim toto opere referat, ac confutet; cùm alibi disertè, nec semel testetur, quam oppugnat Synodum Nicææ in Bythiniâ fuisse habitam, & ex eâ occasione illam satis prolixam, de quâ supra memoravimus, comparisonem instituat Nicæni hujus posterioris Concilii cum priore, in quo Arius olim damnatus fuerat. Quemadmodum igitur quod is scriptor, quam refellit Synodum Constantinopoli celebratam fuisse per incogitantiam dixit, id minimè prohibet, quo minùs eum omnes significasse confiteantur Synodum illam, quæ vulgò VII. universalis dicitur, quæque imaginum cultum constituit; ita sanè neque cæterorum, qui itidem peccaverunt, error nos commovere debet, quin ipsos de eadem illâ Synodo, nimirùm Nicænâ, intellexisse sentiamus. Hanc enim suam verè fuisse mentem, ipsi satis, superque clamant. Nam Vrspergensis Abbas, Adhelmus, & Aimoinus, itidemque Eginhardus, Poëta Saxonicus, & Parisiensis Synodus dicunt id, de quo loquuntur, Concilium sub Constantino, & Irene

*Car. M. l. 4. de
de Imag. c. 13.*

celebratum fuisse; quod Nicænæ soli, nequaquam verò Constantinopolitanæ Iconoclastarum Synodo convenit. Hincmarus similiter eam, de quâ verba facit Synodum Caroli Magni tempore celebratam fuisse significat, & à Papâ Romano in Franciam directam; quæ in Nicænam quidem Synodum optimè conveniunt, quam regni Carolini anno xxvi. habitam fuisse constat; minimè verò in Constantinopolitanam, quæ regnante Pipino celebrata fuerat, annis tredecim antequàm Carolus regnare cœpisset. Præterea quod tradit Hincmarus illam à Francofordiensibus abdicatam Synodum à Carolo magno eo ipso volumine, quod etiam nunc extat, confutatam quoque fuisse; id inquam, dubitare nos non sinit, quin illis verbis Nicænam intellexerit. Denique scriptores isti pænè omnes affirmant eam, quæ Francofordiæ reprobata est, Synodum cultum imaginum decrevisse; id verò de nullâ aliâ, præterquàm de Nicænâ, dici potest; minimè verò omnium de Constantinopolitanâ, quæ imperante Copronymo imagines non modo adorandas non censuit, sed frangendas atque abolendas esse decrevit. Quid ad hæc adversarii? Eorum verò neque studium usquam est, quàm hoc loco, im-

impotentius, neque major aut iniquior
pervicacia. Nam fronte perfriktâ au-
dent in omnes istos scriptores cornua
obvertere; & alii quidem pertendere mi-
nimè eos vel sensisse, vel scripsisse, quæ
modò summo consensu loquentes, te-
stantesque audivimus; alii verò scripsisse
quidem, sed falso, vel hallucinatos, vel
alienâ fraude deceptos, atque circum-
ventos. Priores igitur illi quæcumque
laudavimus veterum testimonia ea vel
perperam intellecta, vel corrupta & vi-
tiata, vel denique ficta & commentitia
esse contendunt. Inter ea, quæ malè ac
præter auctorum mentem accipi à nobis
ajunt, Adonis Viennensis locum hunc
recensent, *Pseudosynodus, quam septimam
Græci appellant pro adorandis imaginibus ab-
dicata penitus.* Ajunt enim illa vocabula
pro adorandis imaginibus non esse conjun-
genda cum præcedentibus; sed cum sub-
sequentibus interposito commate hoc
modo, *Pseudosynodus, quam septimam Græci*
appellant, pro adorandis imaginibus abdicata
penitus; ut sensus sit penitus abdicatam
esse in defensionem adorationis imagi-
num. Sed quod isti prædicant hujus re-
sponsionis acumen, id verò crassum, &
obtusum est, atque hujusmodi quod ne-
que cum Latinæ linguæ usu, neque cum

T. 6. Conc. An-
not. in Concil.
Francof.

historiæ veritate consistere potest. Vbi enim umquam vel apud ipsum Adonem, vel apud ullum alium Latinum scriptorem hujusmodi phrasim legerunt, *abdicata est penitus pro adorandis imaginibus*, hoc sensu, *eo animo atque consilio abdicata est, ut adorarentur imagines*? Quis verò est usque adeò hujus causæ studio occæcatus, qui non intelligat illa Adonis nuper recitata verba, vel omnino cassa, & inania esse, vel hoc quod diximus significare, nempe penitus abdicatam fuisse eam Synodam, quæ à Græcis pro imaginum adoratione habita erat? Et Reginonem quidem, Adonis propemodum æqualem, hoc sensu ejus verba cepisse ipsi fatentur adversarii, eoque volunt in errorem inductum hæc, quæ apud ipsum leguntur, scripsisse, *Pseudosynodus Græcorum, quam pro adorandis imaginibus fecerant, à Pontificibus rejecta est*. Quasi vero credibile sit homines novitios septingentis post illam ætatem annis natos, adhæc notissimi in hanc causam studii, meliùs Adonis mentem percepisse, quàm Reginonem iisdem cum illo temporibus viventem? vel quasi Regino, quæ de Synodo pro adorandis imaginibus à Græcis quidem factâ, à Francofordiensibus verò abdicatâ scripsit, ea non aliunde, quam ab uno Adone habere potuerit?

rit? quasi postremò non multò sit probabilius hæc Reginonem ab illo Francicorum Annalium scriptore accepisse, quem ipse sequuturum se profitetur, quemque unum ex Caroli Magni consiliariis fuisse ait. Hi verò Annales qui sint, difficile est certò & indubitatò affirmare. Illud quidem certè constat quæcumque de hoc negotio sunt à Reginone prodita, ea totidem verbis haberi in illâ Caroli Magni vitâ, quam Clariss. Pithoeus publici juris fecit; ex quâ qui suprà à nobis allatus est locus omninò idem est cum hoc Reginonis testimonio, si unam & alteram voculam exceperis. Sed quæ Adonis verbis affertur vis, ea non modò Grammaticæ leges, verùm etiam multò magis historicorum fidem quatit, atq; subvertit. Nam (quod nos postea fusè demonstrabimus) testantur plerique illorum temporum scriptores Gallis nostris non benè cum Romanis de imaginum causâ convenisse; usque adeò ut Anastasius, Papæ Bibliothecarius, an. æræ Christianæ DCCC. LXXX. (hoc est post Francofordiensem Synodum pænè nonagesimo) de eorum à cæteris in hoc capite dissensione conqueratur. Si verò (quod ponit adversariorum interpretamentum) decreta, atque confirmata erat in Francofordiensi Concilio

Concilio imaginum adoratio; profectò nulla causa fuit, cur Gallis succenseret Anastasius. Et siqui fuissent imaginibus infensi, iis haud dubiè Francofordiensis Synodi auctoritatem objecisset, quam summo apud istos loco fuisse constat. Postremò fac neque Grammaticæ, neque historiæ rationes cum mirâ hac adversariorum glossâ pugnare; adeoque Adonis verba merâ ambignitate laborare, quis non videt eorum sensum, non ex præiudiciis nostris, sed ex vetustorum scriptorum testimoniis petendum fore, qui Adonis ævo vixerunt, quosque multò quàm nos meliùs accertiùs scivisse constat, quæ tùm apud Francofordiam à Patribus gesta sunt? Atqui non modò Regino, sed & eorum annalium auctor, quos suprâ laudavimus, disertissimè testatur, quæ Francofordiæ damnata est, Græcorum pseudosynodum *pro adorandis imaginibus habitam fuisse*. Itaque superest, ut ex consueto linguæ Latinæ usu, ex historiæ, ex scriptorum illius ævi fide, atque auctoritate concludamus Adonis locum, ut nos interpretamur, ita esse accipiendum, hoc nimirum sensu, *eam pseudosynodum, quam pro adorandis imaginibus habitam, septimam Græci appellant, penitus fuisse abdicatam*; non autem, quod isti præter omnem rationem

nem pertendunt, idcirco fuisse abdica-
tam, ut defenderetur atque constituere-
tur imaginum adoratio. Cætera verò
loca, quæ disertiora sunt, quàm ut aliò
detorqueri possint, vel vitata, vel planè
ficta, & supposita esse respondent. In
hoc numero censent illum Adhelmi lo-
cum, qui pronunciat quæ est damnata
Francofordiæ Synodus, eam *sub Irene, &
Constantino filio celebratam fuisse*. Ait enim
Copus hæc verba ab aliquo Iconoma-
cho insulta fuisse hujus auctoris testimo-
nio; idemque apud Reginonem pro eo,
quod in omnibus exemplaribus inveni-
tur, *Pseudosynodus Græcorum quam pro ado-*
randis imaginibus fecerant, legendum per-
tendit, *Synodus quam pro non adorandis ima-*
ginibus fecerant; fingens particulam *non* vel
incuriâ, vel malitiâ librariorum fuisse
sublatam. Sed dum sic agunt adversarii,
nonnè palàm Deo, hominibusque illu-
dunt? Jubent nos veterum monimenta
adire, ut indè discamus, quæ illorum fue-
rit de religione sententia. Codices ipsi
ex suis bibliothecis promunt; in quibus
octingentis, nongentisve retrò annis as-
servati delituerant. Paremus; libros con-
sulimus. Mox si quis, quæ istic legimus,
eamquam vera, & idonea de illis, quæ
tùm vel agebantur, vel credebantur testi-
monia,

monia, habere, atque citare voluerit; tum illi ipsi, qui libros tradiderunt, qui veterum fidem indè petendam monuerunt, mutatis repentè animis clamant, *Cave feceris. Vitiati sunt isti codices; innumeris mendis scatent.* Moxque arreptâ virgulâ censoriâ veterum libros pro libidine dispungunt, tota in iis cola delent, orationem affirmantem in negantem commutant; denique invertendi, fingendi, ac refingendi non antè finem faciunt, quàm nihil superesse cernant, quod cum Romanæ Ecclesiæ placitis vel leviter pugnet. Fidem vestram, adversarii. Quibus tandem documentis utemini ad tuendam eam, quam suscepistis, de religione sententiam? Obscuræ sunt Dei scripturæ: vitiatæ sunt Patrum litteræ. Vobis omnia tenebræ. Si librorum id est fatum, ut quid ii affirmant, quid negent, ne tùm quidem constare possit, cùm omnia viginti auctorum, tum manu, tum typis descripta exemplaria, rem unam, eandemque pariter testantur; quid in omni hoc genere fixum, certumque habituri deinceps sumus? Quod si id juris sumitis, ut in iis locis, quibus urgeri, & oppugnari vestram de religione sententiam intelligitis, aliquot voces impunè vobis liceat inducere, insertisque negandi particulis

ticulis totam orationem in sensum planè contrarium invertere, & alia hujuscemodi præter omnium codicum fidem, nullâ aliâ ratione audere, quàm quod vobis id expedit; cur non eadem quoque vestris adversariis concedetur licentia, si quando id exigat causæ, quam agunt, usus, atque ratio? Hoc verò si utrisque jus, fasque est (quod vestrum illud exemplum necessariò conficit) quid facimus? quid frustra tempus in scrutandis veterum monumentis terimus, cùm in iis, hac quidem viâ atque methodo constitutâ, nemo non sit facilè privatam, ac singularem suam opinionem inventurus? in ipso etiam Athanasio hæresim suam Arianus? Et hanc sanè cavillationem Bellarminus, fateor, hoc loco explodit, *Dicere, inquit, hos omnes mentiri, vel libros eorum esse corruptos, ut Copus dicit, videtur mihi paulò durius; quamquam & ipse alibi, quod suprâ notavimus, æquè ac Copus illiberaliter, atque inverecundè nobiscum agit, ubi objectum Epiphagianæ cujusdam ad Joannem epistolæ locum totum rescandum pertendit, tamquam isti epistolæ alienâ manu assutum. Idem quoque eorum est, qui Concilia Coloniae ediderunt, de hac Copi responsione judicium, Difficilis est (inquiunt) cùm id probari non possit. Quod*

verò

*Bell. de imag.
14. §. Secundo,
quia.*

*Annot. in Cont.
Franc. p. 187.
F.*

verò isti ad Hincmari testimonium respondent, id cæterorum omnium, quæ hæctenus audivimus, impudentiam, atque absurditatem facile superat. Negant enim præfractè id Hincmari esse, *quia nec liber ille Hincmari, unde sumptum dicitur, extat; neque ad nos (inquiunt) pervenit, nisi ex relatione Illyrici heretici, cui nullam fidem adhibemus, neque scimus undè fragmentum illud decerpserit*. O immanem vel impudentiam, vel certè imperitiam! Atqui jam anni sunt propemodum triginta, à quo in publicâ hominum luce versatur ille Hincmari liber, Lutetiæ Parisiorum cum Regis Christianissimi privilegio, typis Sebastiani Cramoissii, ex manuscripto codice ampliss. viri Jacobi Augusti Thua- ni excusus, & ab optimo, atque integerimo Cordesio, Lemovicensi Canonico editus; cujus viri eruditio, fides, atque humanitas omnibus fere litterarum studiosis abundè perspecta est. Sed & Baronium nemo est, qui nesciat hunc ipsum, de quo quæritur, Hincmari locum in Annalibus adduxisse totum, & quidem quadam clausulâ vel maximè ad hanc causam pertinente auctiorem, quàm qui in Cordesianâ editione legitur. Quæ cum ita sint, quæ ista est impudentia, hujus testimonii fidem sollicitare, idque quasi

Ibid. B.C.

ab Illyrico confectum, & suppositum vellicare? Sed & rationes afferunt novi de Periclis scholâ rhetores, quibus sensuum nostrorum fidem expugnent, ne, quem locum in Hincmaro legimus, eum Hincmari esse credamus, *Sunt enim* (inquiunt) *in illis verbis multa falsa, & inter se pugnantia, vel parùm probabilia. Primum, quod asserit in quadam VII. Synodo Græcorum, quosdam dixisse imagines esse confringendas, alios verò esse adorandas. nam hoc non in una Synodo, sed in diversis accidit. Deinde quod ait Synodum Nicenam sine auctoritate Papæ fuisse habitam, & Romam missam. Rursus quod ait Romanum Papam illam Synodum Nicenam ad se missam in Franciam direxisse, ut ibi examinaretur, vel corrigeretur. Denique quod ibi dicitur de volumine contra Nicenam Synodum edito, & ab Imperatore Romam misso per quosdam episcopos. Verùm hoc unum jam quaeritur, an hic, qui allatus est, locus Hincmari sit, nec ne. Eum Hincmaro tribuit Baronius; Eum Thuaneus codex in ipso Hincmari opere exhibet, nec non ex eodem codice descripta Cordesianæ editionis exemplaria. Quid aliis argumentis in re clarâ opusest? An verò falsa sint, quæ illic velut gesta narrantur, id aliò pertinet. Hoc quidem scio, de istis multò certiùs, atque justiùs Hincmaro, Rhe-*

mensi Archiepiscopo , illis temporibus
 proximo, credi, quàm sexcentis Biniis, &
 Suaresiis , quàmque universis Jesuitici
 ordinis sodalibus; hominibus novis, octa-
 vo demùm sæculo post istorum , de qui-
 bus quæritur , memoriam exortis. Sed
 videamus tamen qualia tandem ista sint,
 quæ huic Hincmari loco obijciuntur. Is,
 inquiunt , confundit duas Synodos. Ita-
 ne verò ? Atqui nihil hîc apud eum aliud
 lego , nisi *Græcorum quosdam imagines con-*
fringendas , quosdam autem adorandas dixisse.
 Hæc autem verissima esse ex duarum illa-
 rum Synodorum actis patet; quarum al-
 tera , quæ Constantinopoli habita est,
 imagines confringendas decernit ; alte-
 ra, quæ Nicææ , adorandas. Quod sub-
 jicit Hincmarus *neutram partem sano in-*
tellectu diffinivisse, id non ad rei gestæ veri-
 tatem, sed ad ipsius de re iudicium perti-
 net. Cæterùm diversas istas, atque inter
 se pugnantes de imaginibus sententias
 in unâ , eademque Synodo vel agitas,
 vel decretas & constitutas fuisse (quod
 sanè vehementer absurdum esset) id ve-
 rò neque hîc , neque usquam alibi affir-
 mat Hincmarus . Synodum Nicænam
 in Franciam à Papâ Romano missam ait.
 Fateor; neque in eo quid absurdi sit , vi-
 deo. Missam , *ut examinaretur , vel corri-*
geretur

geretur (quod sanè cum Romano fastu non bene conveniret) neque ait , neque significat Hincmarus ; totumque id , quantumcumque est , ab istorum officinâ est. Nulla enim causa est , cur Hincmarus innuere voluisse credatur Acta Nicænæ Synodi in Franciam à Papâ missa fuisse , ut corrigerentur potius , quàm ut reciperentur , atque publicarentur . Denique neque illud capio , cur quod ait Hincmarus , *non modicum volumen ab Imperatore Romanam esse per quosdam episcopos missum* , cur id inquam cum eo pugnare cœnendum sit , quod *Adrianus refert Carolum misisse ad se librum per Engilbertum Abbatem*. Videntur potius ista sibi inter se vim , lucemque mutuò affundere . Nam neque negat Hincmarus Engilberti , ex intimâ Principis amicitia ministri comites fuisse istos de quibus memorat episcopos ; neque adfirmat Adrianus , solum sine illis episcopis ad se venisse Engilbertum . Tum verò si homini obiter , & aliud agendo rem narranti per imprudentiam nomen *episcoporum* pro *Abbatibus* vocabulo excidisse concederemus ; non id sanè videtur adeo grave crimen , ut in Hincmarum cadere non potuerit . Idemque dictum velim de eo , quod scribit , *sine auctoritate Apostolicâ* (ut loquitur) *Sedis* illam in Græciâ Syn-

nodum habitam fuisse, quâ in parte seu lapsu memoriæ, seu incogitantia scriptorem hunc largiter peccasse non nego. Atque ita hætenus defendimus xx. illa testimonia, quæ sunt à nobis in hac causâ adducta, eaque demonstravimus neque conficta, neque vitiata, neque in alienum sensum detorta esse; quò adeò efficitur, Græcorum Synodum Francofordiæ à Carolino Concilio condemnatam, ipsissimam illam esse, quæ paulò ante Nicææ pro adoratione imaginum celebrata fuerat. Neque adversarios quicquam juvat, quod Platina, Blondus, Sabellicus, ac Paulus Æmilius dicunt reprobata fuisse Synodum de tollendis imaginibus. Primùm enim omnes isti (quod est à Bellarmino optimè observatum) recentiores sunt, nullo pacto, quod ad testimonii pondus, atque auctoritatem pertinet, cum xx. istis supra à nobis in hac causâ laudatis scriptoribus comparandi; quorum pars major intra centesimum à Francofordiensi Synodo annum vixere. Deindè (ut idem quoque Bellarminus verè ac prudenter respondet) quod isti dicunt non pugnat cum antiquorum historicorum dictis. Nam in Synodo Francofordiensi duæ Synodi reprobata fuerunt, nimirum Constantinopolitana contra imagines, &

Nicæna

*Bell. de imag.
c. 14 §. Neque
obstat ultimo.*

Nicanâ pro imaginibus, ut patet ex libris Carolinis, & ex Hincmaro. Patres enim Francofordienses imagines servandas putaverunt, contrâ quàm censuerant Constantinopolitani; neque tamen adorandas, contrâ quàm decreverant Nicæni. Itaque mirandum non est, quod recentiores isti scriptores, in Romanâ Ecclesiâ nati, atque educati, cùm hæc duo Synodi Francofordiensis judicia fuisse apud veteres reperirent, alterum quidem, quod sui sæculi, suæque Ecclesiæ moribus, atque institutis congruebat, commemorandum existimaverint; alterum, quod cum iisdem pugnabat, tacuerint. Sed neque postremò disertissimæ xx. testium, & quidem idoneorum affirmationi opponi debet vel Jonæ Aurelianensis, vel Valafridi Strabonis silentium; quorum neuter meminit damnatæ à Patribus Francofordiensibus Synodi Nicænæ. Nam, ut hoc priori loco dicam, non omnes omnia tradunt, aut commemorant; abiitque jam in vulgare apud omnes proverbium, non esse ab auctoritate, nisi affirmativè argumentandum. Tùm quorsum Jonas Francofordiensem Nicænæ Synodi condemnationem commemorasset, quæ nihil ad eam causam facit, quam contra Claudium Taurinensem

agebat?

agebat? Erat enim iste Claudius Iconoclasta. Eadem sanè ratione, ac multò etiam probabiliùs, atque efficaciùs confici posset Francofordiæ minimè reprobata fuisse Constantinopolitanam Synodum; quòd hujus rei (quæ ad illam causam plurimùm pertinebat) nullam Jonas mentionem fecerit. Nemo tamen est, qui contra veterum scriptorum fidem ideò negandum putet, Iconoclastarum Synodum à Francofordiensibus fuisse repudiatam. Valafridus verò Strabò rem ipsam illustrare, ac explicare satis habuit, ommissis, quæ adferri poterant, auctorum ac Synodorum testimoniis, & quæ sub Ludovico Pio gesta in Galliâ erant, obiter tantum, summâque brevitate perstrinxit. Cæterùm neutram Græcorum Synodum vel Jonæ, vel Straboni placuisse constat. Ambo enim (quod postea diligentius explicabitur) imagines sic retinendas censuerunt, ut minimè adorandas putent; quod magno argumento est, vel id ita à Francofordiensi Synodo decretum, vel certè nihil ab eâ contrâ definitum fuisse. Neque enim fit verisimile tales viros quicquam de fide sensisse, quod cum iis pugnaret, quæ ab Occidentali in quâ florebant, Ecclesiâ, amplissimo, atque frequentissimo conventu paulò

lò ante constituta fuissent. Vasques Jesuita, qui Nicænam Synodum à Francofordiensi damnatam negat, tot argumentis victus, concedit quidem Hincmarum, omnesque illos, quos suprà memoravimus, veteres scriptores, id affirmasse; sed id, quod ii affirmant, falsum esse contendit; vultque omnes falsâ Pseudocaroli relatione deceptos hoc mendacium litteris mandasse, & ad posteros propagasse. Sed hæc Vasquis responsio tam absurda est, tamque ab omni veri specie abhorrens, ut Suares itidem Iesuita, & cum eo Binius eam acerbè exhibitam, multisque argumentis confutatam exploserint. Quis enim unius Jesuitæ, hominis nudiustertius nati, testimonio tantùm tribuendum putet, ut solâ ejus fide, atque affirmatione contentus, credat tam multos, tamque graves viros, pænè omneis ante septem sæcula mortuos tam crassum, tamque illiberale mendacium uno consensu tradidisse, atque disseminasse, eâ præsertim de re, quæ vel ipsorum memoriâ, vel paulò ante in celeberrimo, longeque illustrissimo confectu gesta erat, eoque præsentè Principe, quo majorem à Constantino neminem nostrer Occidens viderat? Si, quod cum cæteris vult Vasques, Francofordiæ pri-

*Vasq. de ador.
l. 1. disp. 7. c. 7.*

*Suar. T. 1. disp.
34. Sect. 3. Bini
Ann. in Cons.
Franc.*

mum probata, indèque ab omnibus passim Ecclesiis recepta fuit secunda illa Nicæna Synodus, quâ factum, ut ii auctores Carolinum opus, in quo, si istis creditur, narrationem reperiabant tam absonam, tamque à suâ fide, & ab omnium Ecclesiarum usu alienam, non excusserint, atque examinaverint diligentius? non amplius inquirendum putaverint? non majores natu interrogaverint, à quibus nullo negotio rem totam doceri poterant, quòd ad eorum ævum Francofordiensis Synodi memoria recens, ac pænè adhuc viva in hominum animis, sermonibusque permanisset? Quid multis opus? Auctores isti, quod produnt damnatam à Francofordiensibus Synodum Nicenam, id vel ex uno Caroli libro hauserant, vel ab aliis acceperant. Si ab aliis, frustra laborat Vasques, ut quam conflare studet huic narrationi invidiam, eam in unum Carolinum opus conferat. Sin ab eo uno acceperant (quod ipsum tamen ab omni veri specie procul est) frustra Vasques, frustra Vasquis sodales hujus operis fidem, atque auctoritatem convellere conantur. Neque enim nudâ istorum affirmatione persuaderi nobis potest, ut quem librum à plurimis, gravissimisque viris, iisque eo sæculo viventibus, quod

&

& veri fontibus proximum erat, & à studiis hodiernarum partium procul aberat, lectitatum atque receptum ipsi confitentur, cum nos velut falsum, ac mendaciis plenum repudiemus. Si veteres illi fidem Carolino operi habendam putarunt, non video, cur nos Iesuitarum auctoritas deterrere debeat, quominus antiquum exemplum sequuti fidem ipsi quoque huic operi habeamus. Atque ita eò tandem evadunt præclaræ illæ Vasquis artes, ut quod ipse evertere studet, id ipsum confirmet, contrà que haud segniter evertat, quod in primis confirmatum cupit. Sanè, etiam seposito testium, quos nuper audivimus, consensu, vel unus ille Caroli liber, quem Vasques, cæterique ex eodem grege adeò contemptim, atque contumeliosè habent, abundè suffecerit ad id, quod contendimus, probandum; nimirum secundam Nicænam Synodum verè fuisse in Francofordiensi Concilio damnatam, cum nihil omninò afferatur, ut est à nobis in superioribus fusè demonstratum, quod illius operis auctoritatem labefactet. Ac tametsi Belarminus minimè librum istum eo, quo decebat, loco atque numero censeat, non existimavit tamen indignum, cujus testimonio hanc ipsam causam confirmarer,

quemadmodum paulò antè memoravimus. Sed quid opus est contra frigidam Copi, ac Vasquis cavillatiunculas argumentis, ac testimoniis docere, quod qualeve fuerit Synodi Francofordiensis de hac causâ iudicium? Extat etiam nunc ipsum illud decretum à Ioanne Tilio Meldensi episcopo, ab iis item, qui Alcuini opera ediderunt, ab ipso postremò Sirmundo publicatum, ex quo supra à nobis descriptum fuit. In eo disertè habetur *allatam in medium questionem fuisse de nova Græcorum Synodo, quam de adorandis imaginibus fecerant. Tùm extremus Canon, Qui suprâ, inquit, sanctissimi Patres nostri omnimodis adorationem, & servitutem renuentes contempserunt, atque consentientes condemnaverunt. Quo tandem nomine eorum audacia donanda est, qui in tantâ rerum luce persuadere nobis cupiunt à Francofordiensibus Patribus confirmatam, atque approbatam fuisse eam Synodum, quæ Nicææ ad constituendam imaginum adorationem à Græcis habitata erat? qui tam immane mendacium non modò tuentur, atque propugnant, sed etiam in publicis, maximèque authenticis Conciliorum editionibus ostentant, eoque Francofordiensis Synodi titulum ornare, atque insignire non dubitant?*

Hanc

Hanc enim isti Concilio inscriptionem præfixerunt: *Concilium Francofordiense provinciale approbatum, quo ccc circiter episcopi Elipandum & Felicem, eorumque hæresim quæ Felicianam nominatur, condemnarunt, ACTA-QUE CONCILII NICÆNI II. IN CAUSA IMAGINVM CONFIRMARVNT;* plane ac si quis Nicænæ Synodi prioris acta hoc titulo ederet, *Concilium Nicænum I. universale, quo ccc xviii. Episcopi Arii dogma contra Filii homoousion confirmarunt.* O tempora! ô mores! Proh Dei, atque hominem fidem! Sed Jacobus Sir-mundus Iesuita, vir istius ordinis longè doctissimus, atque modestissimus, tam fortiter, tamque ingenuè palàm nuper veritatem confessus est, ut omnis de hac causâ inter nos concertatio supervacanea deinceps futura videatur. Is enim in altero Gallicanarum, quas edidit, Synodorum Tomo, Francofordiensis Concilii Canones sex, & quinquaginta exhibuit, quorum secundus is ipse est, quem suprà descripsimus. Operi admonitionem ad Lectorem præfixit, quâ & Carolinos de imaginibus libros IV. & hos ipsos Francofordienses Canones veros, & legitimos esse agnoscit, iisque Nicænam Synodum secundam peti confitetur. Viri eruditissimi verba adscribere operæ præ-tium

T. 6. Conc. edit.
Lutet. apud
Morel. a. 1636

*Sirm. T. 2.
Conc. Gall.
Eccl. p. 191.
admonit. ad
Lect.*

tium videtur; Nunc verò, inquit, & Synodi (Francofordiensem intelligit) canones, librosque Caroli pro legitimis omnes ferè agnoscunt, & de Synodo Nicana quæstionem fuisse, quod ex libris ipsis patet, similiter consentiunt. Ac de libris sanè Caroli, ut Hincmarum omit- tam, qui hos à se lectos testatur, inficiari nemo potest, nisi qui Hadriani Papæ ad eosdem libros responsioni, seu confutationi, quæ in omnium manibus versatur, fidem detractam velit. De Canonibus verò, qui sequuntur, quin ii quoque veri, sincerique sint, nobis certè propter antiquissimi codicis auctoritatem ambigere non licet, ut de multis ejus sæculi scriptoribus nihil dicam, qui dùm septimam Synodum à Francofordiensi rejectam tradunt, secundum hunc canonem, de quo agimus, tacitè significant.

Atque ita satis, ni fallor, demonstra- tum est eam, quæ à Francofordiensibus damnata est, Synodum verè Nicænam fuisse, quæ paucis ante annis imaginum cultum in Oriente constituerat; quæ etiam est Bellarmini, Baronii, Perronii Cardinalium sententia. Jam videamus, quid hi objiciant, quo tanti, tamque v- nerandi Concilii auctoritatem elevent; in quo & ccc. episcopi ex omnibus Oc- cidentis provinciis delecti convenerant, & Carolus ipse aderat, Galliarum æter- num decus, imperii instaurator, & (quod omnibus

omnibus titulis potius est) Christianismi
 columnen, infidelitatis atque hæreseos fla-
 gellum; cui Papa Hadrianus per Theo-
 phylactum, & Stephanum episcopos
 præerat, Româ ad hunc cætum convo-
 candum missos; in quo denique hæresis
 Elipandi, & Felicis, Nestorianismi pro-
 pago, obtrita & profligata est, tam fœli-
 citer, ut ejus de hoc quidem capite decre-
 tum vel ipsa Roma pro verâ ac legitimâ
 Ecclesiæ definitione semper habuerit.
 Quid possunt adversarii in tam illustrem,
 tamque eminentem auctoritatem affer-
 re, cui nihil omninò eorum defuisse vide-
 tur, quibus sit, (existorum quidem sen-
 tentia) ut sit hujusmodi conventuum in-
 fallibile., atque ἀναμάρτητον judicium?
 Respondent, quod jam suprâ attigimus,
 omneis illos optimos, & sanctissimos Pa-
 tres, de Fœlicis quidem negotio verè, at-
 que ἀναμάρτητως decrevisse; de Nicæ-
 nis autem falsò & perperam *per errorem,*
& materialiter, cum Nicænorum factum
 decepti ignorarent, jus ipsum tenerent.
 Nam (inquit Bellarminus) auctor librorum
 Carolinorum imposuit Synodo, duoque men-
 dacia illi obtrusit. Vnum mendacium fuit, in
 Synodo Nicæna definitum fuisse, ut imagines
 adorarentur cultu latria: alterum, decretum
 illud factum à Græcis sine consensu Papæ Roma-
 ni.

*Bellarmin. de Imag.
 c. 14. §. Nequa
 obstat.*

ni. His duobus mendaciis pro veritate habitis, Synodus Francofordiensis reprobavit, & merito, Nicenam Synodum tamquam profanam, & illegitimam. Hæc est istorum defensio, quorum omnis deinceps labor in eo consumitur, ut duo ista, quæ commemorarunt, tum falsa fuisse probent, tum etiam Patribus Francofordiensibus propinata, atque persuasa. Nos quidem Caroli fidem à tam immani crimine suprâ jam abundè vindicavimus; idque unum ad refellendam, & evertendam totam hanc responsionem sufficit, quæ non alio, quàm putri hoc, & inani fundamento nititur. Nunc verò illud etiam superioribus adjicio, si (quod nequaquam verum, aut credibile est) duo illa vel maximè scripssisset auctor Carolini operis, non tamen eo effectum iri, ut probabile sit Francofordienses, quod verè fuisset Nicæni Concilii de hac causâ decretum, ignorasse. Id verò commentum tam crasum, & absurdum est, tamque *καυὸς πρᾶ-
φον*, & ab omni veri specie, & à singulis rei circumstantiis alienum, ut illorum, qui id defendunt, neque purpura, neque eruditio, aut subtilitas, aut fama, vel ipsos earumdem partium homines detertere potuerit, quominùs palam obloquerentur. Ii certè, qui Concilia Caloniæ edi-
derunt,

derunt, totum hoc figmentum adeò non probarunt, ut scribere non sint veriti *id nulla ratione esse credibile*, & eam quæ illud sequitur, sententiam, præfati se, *quam-
quam prope invitos, rationibus ab ipsa abduci,* masculè oppugnent, patresque purpuratos liberrimâ disputatione verberent; indignati, credo, quod ab iis vicissim pulsam viderent, quam ipsi tuentur, responsionem. Et in hac quidem parte merito à suis Cardinalibus dissentiunt. Quis enim est adeò ineptè credulus, qui sibi, quod isti fingunt, persuaderi patiatur? in trecentis Præsulibus, qui ad maxima Ecclesiæ negotia toto Occidente lecti, atque missi fuerant, neminem fuisse, qui sciret, quid in Nicænâ nuper Synodo decretum, ac definitum esset? Nondum totum septennium effluxerat, à quo illa, de quâ quæritur Synodus, in mediâ Græciâ tanto hominum concursu, tantoq; plausu habita fuerat, ut nihil ad summam celebritatem deesset. Nam & ii aderant, quorum longè maxima erat in orbe Christiano auctoritas, Constantinus Augustus, Irene Augusti mater, Adriani Pontificis legati; ad hæc ccc. episcopi; & is rei exitus fuerat, ut nihil potuerit in Christianâ republicâ majus, aut illustrius geri. Nempe, si adversariis credimus, gravissimo

*Annot. in Com.
Francof.*

vissimo atque acerbissimo jugo liberata erat omnis Orientis Ecclesia; tæterrima Iconoclastarum hæresis, quæ jam annos xxxiii. crudelissimè grassabatur, fœlicissimè profligata, veritasque veluti postliminiò in lucem revocata fuerat. Tàm latæ, tàmque magnificæ rei nuncius quâ celeritate in omneis Christiani orbis oras, atque angulos ferri, ac penetrare debuit? Quanto cum animorum ardore, & à Græcis sparsam, & à cæteris Christianis haustam, atque acceptam fuisse par est tàm optati eventus famam? Et in hoc tamen tanto, tàmque universali hominum concursu, aliorum quidem narrantium, aliorum verò auscultantium, omnium præ animi gaudio gestientium, atque exsultantium, tàm bardi, tamque hebetes, ac stupidi fuisse finguntur, non Galli modo nostri, sed & omnes Occidentales Christiani, ut ex cunctis eorum episcopis ne unus quidem repertus sit, qui certò ac verè didicisset, quid in Græciâ gestum esset. Sed esto sanè; Locorum longinquitas, maximisque spatiis à se invicem divisa populorum commercia effecerint, ut hæc nostros homines fama menses aliquot latuerit. Quis crediderit totis sex annis nihil veri, nihil certi ad eos perlatum esse? Pace istorum liceat eloqui;

qui; Et majores nostros profungis, & stipitibus habet, qui raptum iis stuporem tribuunt, & nos pro pueris, ac fatuis, quibus tam ineptam, tamque insulſam fabulam narrare non dubitant. Fingamus tamen, quod iſti affirmant, neminem ex Occidentis episcopis quicquam certi à Græcis Catholicis accepisse, idque vel illorum stupore, vel horum ſocordiâ, atque negligentia contigisse; quis tamen conceſſerit Adrianum, illum, ut jaçant, Christianorum omnium, maximè Occidentalium parentem, tam duro, atque immiti fuiſſe in liberos ſuos animo, ut dulciſſimum tantæ rei nuncium iis inviderit? ac ne Carolum quidem, hominem (quod nuper Bellarminus prædicabat) conjunctiſſimum, tanti gaudii participem fecerit? Id verò, niſi mentis inops, communisque ſenſûs expers, quis credat? Quâ in cauſâ eo impenſiùs Bellarmino ſuccenſeo, quòd majores nostros, nequid deſit contumeliæ, deceptos vult non à vaſtro aliquo, aut verſuto artifice, ſed ab

homine barbaro, imperito, levi, ac pane ſtulto.

His enim elogiis alibi exornat ipſum illum Carolini operis ſcriptorem, quem nunc contendit Francofordienſi Synodo impoſuiſſe. Hujus tam gravis, tamque præclari teſtis voce, atque auctori-

*Bell. de Imag.
c. 15. §. Denique certum eſt.*

tate impulsos vult tùm Carolum, tùm
 ccc. qui aderant, episcopos id de totâ
 Orientis Ecclesiâ sibi persuasisse, quod
 ne de ipsis quidem hæreticis, vel de quo-
 quam, qui fidem Christi profiteatur, exi-
 stimandum putat Binius; nimirum Ec-
 clesiam illam publicè, ac palàm frequen-
 tissima Synodo errorem eum definivisse,
 qui tam crassus, atque immanis est, ut vix
 in Gentileis ipsos cadat. Quid enim de
 Nicænis Francofordienses sensisse putat
 Bellarminus? Nùm eos fortasse Christi,
 Sanctorumque imaginibus analogicum
 latriæ, duliæque cultum decrevisse? Nùm
 simpliciter definivisse, ut aliquæ imagines
 latriâ colerentur? Si illud prius putaret,
 neminem accusaret calumniæ; Eam enim
 verè fuisse existimat, non Nicænorum
 modò, sed ipsorum etiam Francofor-
 diensium sententiam. Si hoc posterius
 censeret, ne sic quidem scriberet Fran-
 cofordienses meritò Nicænam Synodum
 ita sentientes, tamquam profanam re-
 probaturos fuisse, cùm nondum ab Ec-
 clesiâ Romanâ excommunicati fuerint,
 vel Thomas, vel Bonaventura, vel Mar-
 filius, aut Cajetanus, aliique non pauci,
 quos ipse Bellarminus tradit Christi, cru-
 cisque imaginem cultu latriæ adorandam
 putasse. Quid ergo tandem illud est, quod
 vult

*Annot. in Con.
 Francof.*

*Bell. de Imag.
 c. 20. §. Secun-
 da opinio.*

vult Bellarminus de Nicænâ definitione
 sensisse Francofordienses Patres ? Ille ve-
 rò eos contendit ita de Nicænis existi-
 masse, ut ipsos putaverint imagines, tam-
 quam totidem Deos, adorandas, eoque
 nomine ipso illo cultu, qui Trinitati de-
 betur, directè, proprièque prosequendas
 decrevisse. Nonne, si huic creditur, mi-
 ra fuit tum Caroli, tum illorum Antisti-
 tum caritas, qui tam immanem tamque
 prodigiosam insaniam toti Orientalium
 Ecclesiæ tribuerint ? Nonne eximium
 acumen, qui tam horrendam, tamque
 iniquam calumniam sibi persuaderi passi
 sint *unius hominis, & quidem barbari, impe-
 riti, levis, ac pene stulti* auctoritate, atque
 testimonio? qui, quod unus Iesuita annis
 post rem gestam octingentis deprehen-
 dere potuit, id universi cum res pænè ad-
 huc præsens & ob oculos esset, animad-
 vertere nequiverint ? nimirum vanum
 fuisse & ineptum eum, qui ipsis impone-
 bat, testem? Nonnè postremò admira-
 bilem facit adversarius istorum Patrum
 sapientiam, ac gravitatem, nonne dignis-
 simam, quæ in orbis, atque Ecclesiæ tribu-
 nali sederet, quos fingit unius nebulonis
 vocem sic transversos egisse, ut nullâ ac-
 curatori disputatione, nullâ de re tanti
 momenti adhibitâ percontatione Con-

cilium amplissimum, id est cccl. episcopos, & omneis, quorum nomine conuenerant, Orientis Christianos, turpissimi ac pænè portentosi criminis confestim nihil cunctati damnaverint? Quod si hæc Bellarmini, Baronique cavillatio in solos Gallia, Germanique episcopos contumeliosa esset, eam equidem minùs mirarer. Illud verò planè stupendum videtur, quod homines dignitatis Pontificiæ studiosissimi, ne Adriani quidem legatis parcendum putaverunt, quos hoc suo figmento velut in totidem truncos, mutasque ac surdas effigies commutant. Hi enim (si habenda est istis fides) nefariam, ac pestilentem calumniam sanctissimo, reverendissimoque cœtui propinari, pronisque omnium auribus hauriri stupentes, atque attoniti spectarunt; impostorem impunè grassari passi sunt; non eum ad pœnam depoposcerunt; non sycophantiæ, non mendacii accusarunt, vel saltem insinularunt; non, quod communis omnium Christianorum caritas, sui-que inprimis res Pontificis exigebat, de verâ Nicæni Concilii sententiâ eam, cui præerant, Synodum admonuerunt. Hoc enim eos fecisse quidem, sed frustrâ, momentiumque voces & Carolum, & Patres aspernatos esse, quis credat? cùm & hinc
arctif-

arctissima esset tùm Regis cum Pontifice, tùm Gallicanæ Ecclesiæ cum Romanâ conjunctio, & illinc summus sycophantiæ stupor, summaque levitas, atque imperitia? Siquo in errore versati essent Francofordienses Patres, dubitandum non est, quin Theophylactus & Stephanus eum pro virili suâ depulsuri fuerint, & veriora omnia edocturi; neque id si præstitissent, credibile est Patres in errore mansuros fuisse, vel certè, quod in Nicænâ Synodum paraverant decretum promulgaturos. Atqui neque ii sententiam, quam animis præceperant, mutarunt; neque suum de Nicænâ Synodo abdicandâ decretum vel omiserunt, vel aliquo temperamento molliverunt; sed (quod Bellarminus, Baroniusque & Peronius ultrò concedunt) illius Synodi de imaginum cultu definitionem exsertissimè damnarunt. Pariter itaque confitendum est, neque præsentis Papæ Legatos præceptæ eorum de Nicænâ definitione opinioni contrâ ivisse; undè porrò consequitur verè eos, non falsò, de re totâ existimasse, edoctos vel Græcorum, vel Hadriani, vel etiam (quod probabilius est) utrorumque litteris. Sed quid ego argumentis scrutor, benè, an secùs de Synodi Nicænæ Actis edocti fuerint Fran-

cofordienses Patres, undèque rerum illie gestarum cognitionem accepissent? Nonnè id nobis veteres disertè, ac sine ambagibus tradunt? Nonne Hincmarus, Rhemenſis Archiepiſcopus, ante annos ſeptingentos ſcripſit Græcorum Synodum à Romano Pontifice in Franciam directam eſſe? eamque fuiſſe cauſam, cur Caroli tempore, juſſione ſedis Apoſtolice celebrata fuerit Francofordiæ generalis Synodus? Quà fide jam nobis obtruditur inſuſum de deceptis Francofordienſibus commentum? Quo pudore finguntur in errorem eos induxiſſe, vel Carolini libri, vel illa Iconoclaſtarum excerpta, quæ nemo vel veterum, vel recentiorum memoravit, quæque univerſum hominum genus hætenus ignoraverat, donec Perroniano cerebro, talium monſtrorum feraciſſimo, ea tandem noſtrâ memoriâ ſomniare libuit? Ait Hincmarus Carolum, Gallicanæque Eccleſiæ antiſtites ab Hadriano, Romano Pontifice, Synodum Græcorum accepiſſe, id eſt vel omnia Synodi acta, vel, (quod potius reor) actorum excerpta, ſummaque tantùm capita. Contendunt novitii Cardinales eos deceptos fuiſſe. Id ſi verum eſt, neceſſariò ergò fateri debent Adrianum fraudis auctorem fuiſſe; Adrianum

noſtris

Hincm. c. 20.

op. 55. capitulum

nostris hominibus imposuisse, ac persuasuisse divinum imaginibus cultum, & quidem sine suo consensu à Nicænis Patribus decretum esse. Quod si, ut est, sic esse videtur absurdissimum, atque incredibile, & ab ipsâ veri specie, & ab adversariorum multò, magis opinione alienum, quid restat, nisi ut isti nobiscum, & verò cum non paucis suorum confiteantur Francofordienses nequaquam deceptos fuisse, sed tùm Græcorum, tùm (quod ab Hincmaro proditum est) ipsius Adriani litteris edoctos probè scivisse veram Nicæni Concilii de imaginibus definitionem? Equidem invitus facio, quod in configendo tam absurdo, tamque incredibili commento immoror diutius. Sed pergendum est tamen, quando id etiam ipsis Bellarminis, & Perroniis, hoc est illustrissimis & florentissimis illarum partium ingeniis, arripere libuit. Fingamus igitur, quod isti volunt, nostris majoribus, neque id obtigisse, ut vera ac sincera Nicænæ Synodi acta nanciscerentur, neque tantum ingenii fuisse, ut crassum barbari ac imperiti sycophantę mendacium detegere, ac repudiare possent. Fingamus Adriani legatos ita cæcos fuisse, ut tantam imposturam præsentibus minime animadverterint, ita hebetes, ut

quid ex eâ consequuturum esset non intellexerint; ita denique mutos, ut fraudem coarguere, ac revincere (cùm id vel uno verbo fieri facile posset) nequiverint; Illud certè non puto negaturos adversarios, Carolum, & qui cum eo sentiebant, Galliæ ac Germaniæ antistites illo, quem ipsis affingunt, mentis errore tandem liberatos fuisse, postquam Adriani scriptam ad regem de hoc argumento epistolam acceperunt, in quâ is fusè ac disertè docet Nicænam Synodum, neque se vel invito, vel ignaro celebratam esse, neque divinum imaginibus cultum decrevisse. Nam si quæ Nicænorum fuit de hoc negotio sententia, eam in Ecclesiâ jam indè ab incunabulis haustam & acceptam ipsi quoque animo retinebant; si non secus ac Nicæni, imagines ipsi quoque colendas, adorandas que censebant, neque aliam ob causam in istorum Synodum, ac definitionem exarserunt, quàm quod per summum mentis errorem planè aliam fuisse eam putaverant, quàm quæ reverâ fuit; si hæc inquam ita se habuerunt, clarum est, ubi depulsâ erroris nebulâ, solutâque illâ ut sic dicam, fascinatione, sanatis oculis lucem aspexerunt, debuisse eos evigilare, ac resipiscere, ana-

thema quod in fratrum immerentium capita imprudentes contorserant revocare, atque rescindere; barbarum sycophantam, cujus scelere, atque impietate in tantum flagitium impulsus erat, exsecrari, ejusque libros comburere, palamq; ac publicè de hominis fraude testari, omnibusque Occidentis episcopos, tùm præsentes, tùm in posterum futuros monere, ut ab impuro calumniatore sibi caverent. Iamverò constat nihil horum omnium ab istis factum. Allatam Adriani Papæ epistolam nulla in Carolo, nulla in cæteris, qui Francofordiæ Synodum habuerant, nulla denique in cisalpinis Ecclesiis animorum conversio, aut commutatio secuta est. Post id temporis non reflexum, non temperatum, non ullatenùs immutatum est Francofordiense decretum; non combusti, non suppressi, non damnati, qui Caroli nomine scripti erant, quatuor contra Nicænam Synodum libri. Quin imo eadem iis mansit apud homines gratia, idemque honos. Constat enim eos insecutis temporibus etiam in aulâ regiâ servatos, lectitatosque, & in pretio æque fuisse ac antea. Id *volu-*
men (inquit Hincmarus, nobilissimus illius sæculi scriptor, Rhemenfis apud nos Archiepiscopus) *in palatio adolescentulus*

legi; tantique id opus ipse facit, ut totum ex eo caput, quod suprà monuimus, describere non sit gravatus. Quæ ista malum est tam insolens, tamque inaudita rerum omnium perturbatio, ut Adriani Pontificis (cujus tùm apud omneis Occidentis episcopos, tùm inprimis apud Carolum regem summa fuisse prædicatur auctoritas) neque lumina, neque fulmina, neque monita, neque comminationes, hominis idiotæ librum iis vel excutere, vel de manibus extorquere valuerint? Tùm (quod Bellarmini, cæterorumque commentum planè evertit) satis constat, neque Adriani, neque aliorum, qui cum eo sentiebant, vel admonitione, vel objurgatione, vel denique auctoritate deterreri potuisse Galliæ, Germaniæque antistites, quo minus in susceptâ sententiâ perseverarent, Nicænamque Synodum, ac definitum ab eâ imaginum cultum constantissimè repudiarent. Si, quod volunt adversarii nulla apud eos opera requirebatur alia, nisi ut de verâ Nicænæ Synodi sententiâ docerentur; adeòne vel inhumani, vel rudes & imperiti fuerunt, qui tùm Romæ sederunt Pontifices, ut id præstare vel noluerint, vel nequiverint? Atqui hanc operam contendunt maturè ab

Adriano

Adriano iis navatam fuisse, monitumque Carolum Regem, Nicænos imaginibus non latrariam, sed religiosam tantum venerationem & quidem se conscio, atque consentiente decrevisse. Cùm itaque constet, nostros homines, etiam post istam Romani Pontificis commonefactionem nihiloseciùs Nicænum decretum contempsisse, atque repudiasse, necessario efficitur eos, non *per errorem*, & *materialiter*, ut loquitur Bellarminus, sed scientes, prudentesque, ex certo veroque animi consilio Nicænam illam Synodum apud Francofordiam reprobasse, atque condemnasse.

CAPUT V.

Francofordiensis Synodi decretum in Gallia, Germaniæque Ecclesiis valuisse, servatumque esse. probatur primum quidem Agobardi, Iona, Dun-gali, & Valafridi testimonius.

IAM verò Occidentalis Ecclesiæ præfules, etiam post illa tempora, defensionem in Carolinis libris sententiam tenuisse, omnemque omninò imaginum venerationem constanter repudiasse tam est manifestum, ut Baronius, & ii, qui Patrum Bibliothecam ediderunt, nobilissimos illius memoriæ scriptores in eâ fuisse
opinione,

opinione, quamquàm inviti, atque indignantes fateantur. Quam in rem nolo hîc adhibere ejus, quem suprà ex Hincmaro descripsimus, loci clausulam quamdam, quæ sic habet: *Auctoritate hujus (Francofordiensis) Synodi nonnihil repressa est imaginum veneratio. Sed tamen Adrianus, & alii Pontifices in sua opinione perseverarunt, & mortuo Carolo suarum pupparum cultum vehementiùs promoverunt.* Hęc enim, quamquàm Hincmari nomine ab ipso Baronio allata, & sugillata, velut inconsultè ac temerè dicta, ego tamen Hincmari verè esse non arbitror. Nam cùm manuscriptum illius, ex quo afferuntur, operis codicem vetustissimum diligenter inspicerem, planè ea illic desiderari animadverti, neque quicquam aliud reperiri præter ea, quæ sunt à Clariss. viro Cordesio optimâ fide in Hincmari editione præsentata. Et sanè si verum amamus, fatendum est istà minimè cohærere cum illius loci, cui sunt perperam affuta, vel consilio, vel partibus. Itaque re accuratiùs perpensâ eò tandem deveni, ut ambigendum non putem, quin ista sint Magdeburgensium Centuriatorum verba, qui post descriptum, quem suprà memoravimus, Hincmari locum, hæc ipsi insuper monent, de suo, non de auctoris,

Bar. ad A. Ch.
794. sect. 63.

toris, quem laudant, penu; quætùm
 Baronius, tùm ex nostris hominibus non
 pauci, continuâ ac nusquam interruptâ
 orationis serie decepti perperam pro ve-
 ris, ac genuinis Hincmari verbis impru-
 dentes habuêre. Sed alia non desunt ve-
 ra, atque indubitata testimonia, quibus
 id clarissimè evincamus, quod jam pro-
 bare instituimus. Nam id inprimis ex
 Agobardo apparet, Lugdunensi Archie-
 piscopo, viro inter suæ ætatis doctos, &
 illustreis homines non postremo, quem
 constat regnante quidem Carolo na-
 tum, Ludovico verò Caroli filio impe-
 rante mortuum esse, non autem sub Lu-
 dovici filiis, quod is opinatus est, qui
 ejus opera, sæpiùs deinceps excusa, pri-
 mus anno Christi MD CV. in lucem edidit
 Papirius Massonus. Agobardus igitur
 non modò Nicænæ Synodi sententiam
 repudiavit, sed librum insuper, qui nunc
 etiam extat, conscripsit, in quo de toto
 hoc argumento disputavit, eoque inter-
 dum progreditur, ut ad Iconoclastas,
 quos vocant, proximè accedere videat-
 ur. Nam à decalogo exorsus, recitatif-
 que verbis, quibus vetatur, ne ullam si-
 militudinem faciamus, *Non de solis, inquit, Agob. de pict.*
similitudinibus alienorum Deorum intelligitur & imag.
dictum, sed & de cœlestibus creaturis, aut que
in

in honore creatoris humanus sensus potuit excogitare. Mox ex Deuteronomio descri-

Deut. 4. 12. 15

Agob. ibid.

*pto insigni loco, quo Moyſes Iſraëli-
tas admonet nullam formam ab iis vi-
ſam, cùm Deum in Oreb loquentem au-
diderunt, hæc ſubjicit; In quibus verbis, in-
quit, ſummopere notandum eſt, quia ſi opera
manuum Dei non ſunt adoranda, & colenda
nec in honore Dei; quanto magis opera ma-
nuum hominum non ſunt adoranda & colenda,
nec in honore eorum, quorum ſimilitudines eſſe
dicuntur? Quam ſententiam variis ratio-
nibus, Scripturæque ac Patrum, in pri-*

Ib. multò poſt.

*mis Auguſtini, testimoniis confirmat;
multisque exſecutus, quantum viſibilia no-
ceant ad inviſibilia capienda, & quantum amor
corporearum rerum, etiam bonarum, ad ſpiri-
talia contemplanda, tandem concludit, ho-
minem fidelem, ut proficiat, ab exterioribus in-
trorſum trahendum eſſe, non ab interioribus
exteriùs projiciendum, ut deficiat. Tranſire
enim, inquit, debet de carne ad animam, de
corpore ad ſpiritum, de viſibilibus ad inviſibilia,
de mundo ad Deum. Et iſte dicitur proſectus ſi
ad meliora quis tranſeat, non ad deteriora.
Melius verò eſſe animum, deterius corpus, emi-
nentius ſpiritum, infimam carnem, notum ex
Auguſtino eſſe ait. Multò autem, inquit, hiſ
deteriora eſſe, quæ humana, & carnalis præ-
ſumptio fingit, etiam ſtulti conſentiunt. In quo*

*Ib. aliquantò
poſt.*

Ibid. mox.

genere

genere ista quoque inveniuntur, quas sanctas ap-
 pellant imagines; non solum sacrilegi ex eo, quod
 divinum cultum operibus manuum suarum ex-
 hibent, sed & insipientes sanctitatem eis, quæ
 sine anima sunt, imaginibus tribuendo. Nec
 hoc solum, sed sanctificationem quoque quam
 per verbum Dei fieri testatur Apostolus, eis quæ
 numquam loquuta sunt simulacris dementer
 concedendo. Tum postquam ex Scripturis,
 & Patribus probavit religiosum cultum
 nulli præterquam Deo deberi, sic dispu- *Ib. paulo post.*
 tar; Cum omnium, inquit, una sententia sit
 cultum religionis soli Deo deberi, quid superest
 fidelibus, nisi ut purgatis ab omni figmentorum
 profana servitute animis, totis viribus decerte-
 mus, quatenus veraciter illud, quod scriptum est,
 dicere valeamus? Non enim in errorem induxit
 nos hominum malæ artis excogitatio, nec um-
 bra pictura, labor sine fructu, effigies sculpta
 per varios colores, cujus aspectus insensato dat
 concupiscentiam, & diligit mortuæ imaginis
 effigiem sine anima; malorum amatores sunt,
 qui spem in talibus habent, & qui faciunt illos,
 & qui diligunt, & qui colunt. Ac ut omnem
 imaginum patronis erroris colorem, at- *Ib. continuo. p.*
 que excusationem eripiat, Dicit, inquit, ^{237.}
 forsitan aliquis non se putare imagini, quam
 adorat, aliquid inesse divinum, sed tantum-
 modò pro honore ejus, cujus effigies est, tali eam
 veneratione donare; Cui facilè respondetur, quia
 si

si imago, quam adorat, Deus non est, nequaquam veneranda est, quasi pro honore Sanctorum, qui nequaquam divinos sibi erogant honores, sicut multis jam supra testimoniis est ostensum. Quo loco ex Ecclesiasticâ historiâ memorat, destructis apud Alexandriam delubris ac simulacris idolorum, crucis vexillum ubique pictum fuisse, non aliquam vultus humani similitudinem. Si enim, inquit, Sanctorum imagines hi, qui demonum cultum reliquerant, venerari juberentur, puto quod videretur eis non tam idola reliquisse, quam simulacra mutasse. Quod verò pertinet ad imagines Apostolorum, & ipsius Domini, respondet ob amorem potius & recordationem, quàm ob religionis honorem, aut aliquam venerationem more gentilium ab antiquis expressas fuisse; idque ex Eusebii supra allato à nobis loco firmat, in quo narratio de Paneadensi Christi statua habetur. Tum ex gestis Sylvestri Papæ refert Constantinum Imperatorem, necdum fonte vitæ renatum, sanctorum Apostolorum Petri & Pauli vultus, ostensis à prædicto Papa tabulis, in quibus utriusque Apostoli effigies antiquitus ad memoriam expressa servabatur, sicut visione nocturna sibi ostensi fuerant, cognovisse & illico adorasse; Sed, inquit, numquid hac auctoritate Constantini adorare Sancti alicujus imaginem debemus? cùm idem Imperator magis

hæc

16. paulò post.

17. continuò.

16. paulò post.

p. 241.

hoc ex consuetudine idololatriæ pestifera fecerit, quam ex consideratione verissimæ rationis, quam necdum ipse cognoverat? Mox paucis interjectis non obscure eorum sententiam probat, qui ab adversariis Iconoclastæ appellantur, Si serpentem aneum, inquit, quem Deus fieri præcepit, quoniam errans populus tamquam idolum colere cæpit, Ezechias religiosus Rex cum magna pietatis laude contrivit; multò religiosius Sanctorum imagines (ipsis quoque Sanctis faventibus, qui ob sui honorem cum divinæ religionis contemptu eas adorari more idolorum indignantissimè ferunt) omni genere conterenda, & usque ad pulverem sunt eradenda, præsertim cum non illas fieri Deus jusserit, sed humanus sensus excogitaverit. Tum ex Augustino demonstrat vel ipsos Paganos agnovisse, quod Deus castius absque simulacris veneretur; multisque aliis contra imaginum cultum observatis, Nemo se fallat, inquit, nemo se seducat; nemo se circumveniat: Quicumque aliquam picturam vel fusilem, sive ductilem adorat statuam, non exhibet cultum Deo, non honorat Angelos, vel homines sanctos, sed simulacra veneratur. Agit hoc nimirum versutus, & callidus humani generis inimicus; ut sub prætextu honoris Sanctorum rursus idola introducat, rursus per diversas effigies adoretur, ut avertat nos ab spiritualibus, ad carnalia verò demergat; ac per omnia simus digni ab Apo-

Pag. 343.

Ibid.

Ib. post multa
p. 252.

stolo audire, O insensati, quis vos fascinavit, & sic stulti estis, ut cum spiritu coeperitis, nunc carne consummaminini? Ipse enim Satanas, sicut dicit idem Apostolus, transfigurat se in Angelum lucis. Tùm paulò post; *Aspiciamus, inquit, picturam, quasi picturam vita, sensu, & ratione carentem. Pascatur hac visione oculus; Deum verò veneretur animus. Mox: Habuerunt namque & antiqui sanctorum imagines vel pictas, vel sculptas (sic etiam superius est ostensum) sed causa historiae, ad recordandum, non ad colendum; ut verbi gratia, gesta synodalia, ubi pingebantur catholica * veritate fulti, & victores; haeretici autem pravi dogmatis mendaciis detectis convicti, & expulsi ob recordationem firmitatis catholicae fidei, juxta morem bellorum tùm externorum, cum civilium ad memoriam rei gestae, sicut & in multis locis videmus. Sed nullus antiquorum Catholicorum umquam eas colendas, vel adorandas forte existimavit. Adhæc supra allatum Eliberitanæ Synodi decretum laudat, Placuit picturas in Ecclesiis esse non debere; cujus clausulam sic legit, nec (non autem, ut nos nunc habemus, ne) quod colitur & adoratur in parietibus depingatur. Tùm de sui sæculi hominibus conqueritur, qui veterum terminos prætergressi, super ejusmodi figmenta missas celebrarent. Necdum enim, inquit, error emerferat, quo nunc de carbonibus,*

Ib. p. 253.

Ibid.

** catholici.*

Ib. paulò post.

*Ib. paulò post.
p. 254.*

bus, minioque, vel sinopide figurata effigies, sanctæ imagines vocarentur, & adoranda prædicarentur. Nec iterum ad sua latibula fraudulenta recurrat astutia, ut dicat se non imagines Sanctorum adorare, sed Sanctos. Clamat enim Deus Gloriam meam alteri non dabo, nec laudem meam sculptilibus. Sed hæc quidem ex Agobardo satis. Totus enim ejus libellus nobis esset à capite ad calcem describendus, si quæcumque habet huc pertinentia adferre vellemus. Iisdem verò temporibus Claudius quidam Hispanus ortu, sed in aulâ Ludovici Imperatoris educatus vixit, qui eum, ut Italica plebi, (quæ magna ex parte à sanctorum Evangelistarum sensibus procul aberat, sacre doctrina consultum ferret, Taurinensi præfulem subrogari fecit Ecclesiæ, ut ait Jonas in præfatione operis, quod in eum scripsit. Iste ergo Claudius idem planè de hoc argumento, quod Agobardus, sentit. Nam cum Taurinensem plebem picturarum cultui superstitionissimè addictam esse animadverteret, ut tanto malo mederetur, eam rationem sequutus est, quam Serenus Massiliensis ante ducentos annos, & recentiori memoria Constantinopolitana in Oriente Synodus probaverant, sublatis ex omnibus Ecclesiis parœciæ suæ imaginibus. Theodemiro Abbati, hoc ejus institutum

*Ion. Aurel.
præf. in libr. i.
Bibliot. SS. Pp.
T. 4. p. 1. pag.
536.*

tum reprehendenti liberrime respondit; scripto etiam in hoc argumentum libello; ex quo Ludovicus, cum is ad se delatus esset, excerpta quædam ad Jonam, Aurelianensem episcopum misit. Jonas excerpta examinavit, tresque libros in Claudium scripsit, qui etiam nunc extant; ac Francofordiensis Synodi decretum, Gregoriique, & Caroli sententiam sequens, damnat ille quidem Claudii facinus, velut intemperantiæ, ac audaciæ plenum; cæterum ubique cum eo consentit nullatenus adorandas esse imagines, quas in Ecclesiis non alium ad usum servari atque abhiberi vult, quàm ad sacrarum ædium ornamentum, ad rudiorum oblectationem, & instructionem, rerumque præteritarum memoriam. Fa-

Id. l. 1. p. 537. b

Ib. p. 538. b.

Ib. l. 2. p. 572. b

tetur enim *superstitiosam esse & perniciosam imaginum adorationem*; notat nonnullos *Orientalium sceleratissimo isti mancipatos esse errori*; item nonnullos *Italicarum* (nam de iis loquitur) partium plurimum eo laborare. Nostros verò Gallos, Germanosque eâ labe infectos esse negat. *Qui quæso te sunt isti*, inquit, *qui agnos pictos velint adorare? Numquidnam Galli, atque Germani, qui cuicumque pictura adorationem non solum deferre detrectant, sed & adorantibus libera voce resultant, eosque quanta possunt inve-*

ctione

tioneredarguunt? Suprà jam dixerat omnes *Ibid. l. 1.*
 sanctæ catholicæ & Apostolicæ Ecclesiæ
 sincerissimos cultores Galliam, Germa-
 niamque incolentes ab hac superstitione
 immunes esse. Ac de Galliâ loquens,
Quæ, inquit, utique imagines Sanctorum ob *Ib. p. 547. C.*
præmissas causas & habet, & habere finit, eas
verò adorari, & in demonum cultum venera-
ri, magna detestationi, & abominationi habet.
 Ex quibus clarissimè efficitur veteres illos
 Ecclesiæ Gallicanæ præfules, neque (quod
 contendit Bellarminus) Italiæ cum Græ-
 ciâ in hoc errore consensum ignorasse;
 neque Italiam adeò infallibilem & ἀνα-
 μάτητον putasse, ut ab ejus sententiâ at-
 que instituto discedere nefas existima-
 rent. Nam Italiam pariter ac Græciam
 hoc morbo laborare testantur, & Galliæ
 Germaniæque Ecclesias ab Italicis hac in
 parte sedulò ipsi separant, atque semo-
 vent. Jam verò Jonam de imaginibus
 cum Carolo sensisse totus liber clamat.
 Primùm enim exsertè semper, absolutè-
 que ac simpliciter earum adorationem
 condemnat, neque usquam vel distin-
 guit, ve excipit cultum, qui possit iis le-
 gitimè deferri. *Imagines, inquit, se ea ado-* *Ib. l. 1. p. 540. B*
ratione adorantes, quæ Deo soli debetur, ana-
thema efficiunt. Tùm aliquantò post, *Ve-*
rum est inquam, sanæque fidei congruentissi-

mum nullam prorsus similitudinem omnium,
 quæ in cœlo, vel quæ in terra, vel quæ sub ter-
 ram sunt, faciendam, cui cultus, aut adoratio,
 quæ soli Deo debetur, quodam modo exhibea-
 tur. Mox; Creaturam verò adorari, eique
 aliquid divine servitutis impendi, nefas duci-
 mus. Eadem ubique est hujus scriptoris
 oratio; nullâ usquam mentione, aut ex-
 ceptione ullius religiosi cultus, qui sit ima-
 ginibus exhibendus. Præterea Italicos
 (id est eos, qui cum Pontifice Romano
 Synodum Nicænam susceperant) errasse
 non diffitetur; tantum pertendit non
 adeo gravem illorum fuisse errorem, ac
 putabat Claudius. *Sed credibile est, inquit,*
quod licet & in cultu, & adoratione imaginum
ignorantia fallente aliquid temporis insumpse-
rint, nullo tamen pacto ab unitate fidei Catho-
licæ defecisse, & ad idola conversi esse credendi
sint. Adhæc imagines, non aliter quàm
 Gregorius, & Carolus, ad solam præte-
 ritarum rerum memoriam retinendas
 censet. *Sinantur, inquit, à te imagines San-*
ctorum & historia quæque Sanctorum, non ut
adorentur, sed potius ut quamdam pulchritudi-
nem reddant, & quarundam præteritarum
rerum memoriam sensibus imperitorum inge-
rant, in Ecclesiis depingi. Alibi cùm Clau-
 dius adversariorum fucum detegeret, ac
 reprehenderet, qui ad suum errorem mu-
 niendum

Ib. p. 541. d.

Ib. p. 542. a.

Ib. p. 539. e.

Ib. p. 542. a.

niendum respondebant, *Non putamus im-*
gini, quam adoramus, aliquid inesse divinum,
*sed tantummodò pro honore, * cujus effigies, * videtur de-*
tati eam veneratione adoramus; Jonas testa-
tur neque sibi hanc istorum orationem
probari; Vna autem, inquit, reprehendi-
mus ac detestamur; quia cum eorum scientiam
non subterfugit, imaginibus nil inesse divini,
majori digni sunt invectione, eo quod debitum
honorem divinitati impenderint infirmo, &
egeno simulacro. Sic aliquantò post cum
hanc sententiam posuisset Claudius, Si
opera manuum Dei non sunt adoranda, & co-
lenda; quantò magis opera manuum hominum
adoranda, & colenda sunt? prorsus nec in ho-
nore eorum, quorum similitudines esse dicuntur;
respondet Jonas, In hujus sententia sensu no-
biscum sobrie sapis. Præterea cum adderet
Claudius, Si imago, quam adoras, Deus non
est, nequaquam veneranda est honore Sancto-
rum, qui nequaquam divinos sibi arrogant ho-
nores, Jonas itidem ait, Omnino approba-
mus, congruumque fidei Catholica judicamus.
Denique sententiam suam plane eodem
modo, quo Carolus, definit, Nos figmen-
ta, inquit, & imagines non colimus. Ima-
gines tamen & habemus, & habentibus non
præjudicamus. Dungalus, qui in Claudium
iisdem quoq; temporibus stilum strinxit,
satis testatur hanc fuisse de eo argumento

Ib. p. 547. A.

* videtur de-
esse, ejus.

Ib. p. 550. A.

Ib. B.

Ib. B.

Dung. ad.
Claud. Taur.
T. 4. Bibl. Pp.
2. p. 155.

Gallicanæ Ecclesiæ sententiam. Claudium enim in eo opere, quod in ipsum scripsit, quodque etiam hodie extat, nusquam reprehendit, quod nullam Sanctorum imaginibus adorationem, vel venerationem deferendam putaret; Culpat tantum, quod eas confregerit; ac ut haberi, seruarique à Christianis Sanctorum imagines fas esse probet, ea laudat, quæ ad Serenum Massiliensem Gregorius, quæque de Sancti Fælicis picturis Paulinus, Nolæ episcopus, scripserant. Cæterum adorandas imagines nusquam pertendit; & si fecisset; apertè discessisset à Gregorii sententia, qui (quod suo loco suprâ demonstravimus) eas ad imperitorum tantummodò instructionem, præteritarumque rerum memoriam habendas existimavit; Atque id ipsum disertè profitetur Dungalus; *Ex hoc ergo, inquit, reprehendendi non sunt, qui sanctas habent picturas, divinas per eas recolentes historias ad laudem, & honorem Dei.* Eadem quoque sensisse palam est Valafridum Strabonem, eruditum, & antiquitatis peritum scriptorem, in libro de rebus Ecclesiasticis, in quo caput unum de hoc argumento habetur. Nam in primis hoc præstruit, *imaginum varietatem nec quodam cultu immoderato colendam esse, ut quibusdam,* inquit,

ib. p. 157. E.

*Valaf. Str. de
reb. Eccl. c. 8.
T. 10. Bibl. Pp.
p. 668.*

inquit, *stultis videtur; nec iterum speciositatem ita esse quodam despectu calcandam, ut quidam vanitatis assertores existimant; cujus sententiæ priore quidem parte Nicæni, posteriore Iconoclastæ non obscurè perstringuntur. Tum contra hos disputat picturis, sculpturisque loca sacra ornari fas esse; Sed & contra illos negat ullum honorem, cultumve divinum rebus ab homine factis exhibendum, sive eæ ad aliquid mysticum significandum institutæ sint, quo in genere censet universam veteris tabernaculi, ac templi structuram, sive ad præteritarum rerum memoriam, qualis est historiarum pictura, sive denique ad virorum præstantium recordationem excitandam, altiùsque in spectantium animis infigendam, quò Christi, Sanctorumque icones pertinent. Atque hucrefert illa divinæ legis verba, Non adorabis ea, neque coles. Vnde, inquit, ^{Ibid.} intelligamus in his faciendis devotionem, & utilitatem, qua commoveri, vel instrui appetimus, non esse culpandam, sed in his colendis superstitionem, & bebetudinem, qua spirituales cultum ad corporalia traducere erronei nituntur, esse damnandam. Mox Orientalis Ecclesiæ de hoc argumento dissidia, atque certamina tangit; Claudiumque Taurinensem acriter exagitat, quod Iconoclasta-*

Ib. p. 669. B.

rum sententiam renovare tentaverit; testatusque Deum unum adorandum, & colendum, concludit; non esse omnimodis honestos, & moderatos imaginum honores abjiciendos, hoc est, ut mentem ipse suam verbis continuò sequentibus aperit, non ideo conculcandas esse, & delendas picturas, quasi non necessarias, vel nocivas, quia nonimus non adorandas, nec colendas iconas. Docet, quis sit earum usus, nimirum ad instruendos rudiores, ut ex iis discant, quæ in Scripturis legere ob imperitiam non possunt. Sed ille nihil de relativâ illâ, ut vocant, seu adoratione, seu veneratione, quam Nicæni, ac Romani imaginibus tribuendam censent; quamque hoc loco omis-
 furus non erat, si idem cum illis sensisset; Totum denique caput his verbis concludit: Sic itaque imagines, & pictura habende sunt, & amanda, ut nec despectu utilitas annullectur, & hac irreverentia in ipsorum, quorum similitudines sunt, redundet injuriam. Nec cultu immoderato fidei sanitas vulneretur, & corporalibus rebus honor nimie impensus arguat nos minus spiritualia contemplari. Hanc autem, quem significavimus fuisse Valafri-
 di sensum, confitetur ultrò iisdemque argumentis docet Baronius; Ejusdem planè sententia fuisse, inquit, reperitur Valafridus Strabo ejusdem saculi auctor, &c. Nam cujus
 ipse

ibid. D.

Bar. ad a. Chr.
 794 §. 41.

ipse farina fuerit liquidò est aspicere, dùm & illum tantum honorem docet sacris imaginibus tribuendum, si non dejiciantur, & conculcentur; & paulò post concludit docere eum imagines conservandas tantùm ad ornatum, & ad instructionem populi historica veritatis. Hæc Baronius.

CAPUT VI.

Idem secundo probatur ex libro, qui inscribitur Parisiensis Synodus; cujus veritas, & auctoritas contra adversarios asseritur.

E Nim vero, quæ Ludovico Caroli filio imperante de hoc imaginum negotio Lutetiæ acta sunt, & quorum ipse ille Jonas, quem paulò ante memoravimus, pars fuit, ea tam clarè totam hanc causam illustrent, atque patefaciant, ut nullus dubitandi relictus sit locus. Quæ ut penitùs intelligantur, inprimis observandum est Nicæni Concilii decreto non sic constitutam in Oriente fuisse imaginum venerationem, ut planè afflicta & oppressa sit veritas, nihil ve amplius negotii errori facefferit. Ipse enim ille Constantinus quo puero habitum Nicææ Concilium ostendimus, adultus de adorandis imaginibus decretum abrogavit. Leo vero V. Armenus natione, anno Christi

Christi DCCC XIII. Orientis imperium adeptus, Constantinopolitanam Synodum restituit, & ex ejus definitione imagines ex templis sustulit, quique eas defendebant ac retinebant Episcopos dignitate summovit. Cujus instituti hanc occasionem refert Zonaras: *cum aliquando divina Eſaie verba illa in Ecclesia recitarentur, Cui aſſimilaſtis Dominum? Num imaginem ejus facit faber? aut aurifex ſimilitudinem ejus paravit? & reliqua, acceſſiſſe Theodorum Patriarcham, & imperatori in aurem dixiſſe. Audi Prophetam Domine, & ei obtempera. ex eo, inquit Zonaras, citra verecundiam Leo ſectam illam (Iconoclaſtas intelligit) ſectabatur. Leoni de vivis ſublato, Michaël cognomento Balbus in imperio ſucceſſit anno Domini DCCC XX. Is cum ſciſſos varia in ſtudia, variasque in partes populos videret, imagines aliis cum Synodo Constantinopolitanâ exſecrantibus, aliis cum Nicænâ adorantibus, anno imperii ſui quarto legatos ad Ludovicum, Lotariumque ejus filium in Occidente regnantes miſit; epiſtolamque ſcripſit, qua primùm docet, ut imperium ſit adeptus, ut variis bellis exercitatus, ut Thomam quemdam, Saracenorum ductorem, fideique Chriſtianæ deſertorem aliquot præliis fractum oppreſſerit. Tum*

quæ

Zonar. T. 3. p.
105. 106. 107

Mieb. Balb. ep.
ad Lud. Syn.
Par. p. 613.

quæ sit Orientalis Ecclesiæ perturbatio significat; multos de Ecclesiasticis, seu & laicis viris alienos de Apostolicis traditionibus factos, & neque paternos terminos custodientes factos esse inventores malarum rerum. Primum quidem, inquit, honorificas, & vivificas cruces de sacris templis expellebant, & in eadem loca imagines statuebant, ponebantque lucernas coram eis, simul & incensum adolebant, atque eas in tali honore habebant, sicut honorificum & vivificum lignum, in quo Christus verus Deus noster crucifigi dignatus est propter nostram salutem. Psallebant & adorabant, atque ab eisdem imaginibus auxilium petebant. Plerique autem lintheaminibus easdem imagines circumdabant, & filiorum suorum de baptismatis fonte susceptrices faciebant. Alii religiosum habitum monasticum sumere volentes, religiosiores personas postponebant, qui prius comam capitis eorum suscipere solebant, abhinc imaginibus quasi in sinum earum decidere capillos illorum sinebant. Quidam verò sacerdotum, & clericorum colores de imaginibus radentes, immiscuerunt oblationibus, & vino, & ex hac oblatione post missarum celebrationem dabant communicare volentibus. Alii autem corpus Domini in manibus imaginum ponebant, unde communicare volentes accipere fecerunt. Nonnulli vero spreta Ecclesia, in communibus domibus, tabulis imaginum pro altariis utebantur,

& super eas sacrum ministerium celebrabant;
 & alia multa his similia, & nostræ religioni
 contraria in Ecclesiis fiebant, quæ à doctioribus
 & sapientioribus viris satis indigna esse vide-
 bantur. Quibus de causis statuisse ait ortho-
 doxos Imperatores, & doctissimos sacerdotes
 locale adunare Concilium ad inquisitionem su-
 per his habendam; quique convenerant eos com-
 muni consilio talia ubique fieri prohibuisse;
 imagines de humilioribus locis efferrî fecisse, &
 eas, quæ in sublimioribus locis posita erant, ut
 ipsa pictura pro scriptura haberetur, in suis lo-
 cis consistere permisisse, ne ab indoctioribus &
 infirmioribus adorarentur, sed neque eis lucernas
 accenderent, neque incensum adolerent, prohi-
 buisse; Seque ipsum ita sentire, & tenere, eos-
 que de Ecclesia Christi abjicere, qui hujusmodi
 malignis inventionibus student. Vnde, ut
 obiter hoc moneam, concludendum
 esse videtur Græcos Caroli Magni, Sy-
 nodique Francofordiensis sententiæ ob-
 secutos de Constantinopolitanæ Synodi
 rigore aliquid remisisse. Nam cum hæc
 imagines confringeret, omninoque ex
 ædibus sacris ejiceret, Michaël, ut appa-
 ret, cum suis earum quidem veneratio-
 nem, cultumque repudiat, imagines verò
 ipsas retinet; easque tantum ex Ecclesiis
 summovet, quæ quod locis humiliori-
 bus, obscurisque collocatæ essent, homi-
 num

num adeò instructioni inutiles , ad hoc tantum institutæ fuisse videbantur , ut adorarentur. Sed ut ad rem redeam , pergit Michaël , ac subjicit , *quosdam illorum , qui noluerunt suscipere Concilia localia , & à veritate redargui , fugisse è Græcia , & venisse Romam , injuriam & calumnias Ecclesiæ inferentes , & veræ religioni detrahentes.* Istorum omissis blasphemiiis profitetur se symbolum sex universalium Synodorum & prædicare , & inviolabiliter corde tenere ; ejusque symboli summa capita exponit. Monet se legatis mandasse , ut Romanam eant , suasque Papæ litteras unà cum aliquot munusculis tradant. Ludovicum rogat , ut eos ad illud iter juvare , suoque favore sublevare velit ; & Papæ jubere , *ut* *Ib. p. 620.*
si amodò manifesti fuerint quidam seductores Pseudochristiani Ecclesiæ calumniatores , illuc eos expellere. Ludovicus , his acceptis litteris , tam præclaram uniendæ Ecclesiæ occasionem nactus , Freculsum episcopum , & Adegarium Romam misit , qui Orientalium legatorum negotium procurarent , ac promoverent. Verùm cùm illi Romanorum animos longè aliter quam decebat affectos esse cernerent , à Papâ petiverunt , ut Ludovico per eum *liceret* *Ib. p. 629. 630.*
unà cum suis Episcopis tantæ rei veritatem familiariter querere. Hac ille licentiâ impetrata ,

trata, viros aliquot è clero, qui tum Ecclesiæ præerat, doctissimos selegit, ac Lutetiam convocavit, totam hanc causam accuratissimè quoad fieri posset, scrutari, atque definire iussos. Ii verò cùm ad Kalend. Nov. anno Christi DCCCXXIV. convenissent, re deliberatâ, longam ad Ludovicum, Lotariumque Imperatores epistolam scripserunt, quâ docent se, quò rem totam meliùs accertiùs cognoscerent, primùm legissè *Adriani Papæ litteras pridem pro imaginibus erigendis Constantino Imperatori, & Irene matri ejus ad eorum deprecationem directas*; ac eum quidem justè reprehendere illos, qui imagines Sanctorum temerario ausu in illis partibus confringere, & penitùs abolere præsumpssissent; indiscretè verò fecisse, in eo quòd superstitiosè eas adorare jussierit, & pro earum etiam causâ Synodum congregari præceperit, & suâ auctoritate sub jurejurando censuerit, ut erigerentur, & adorarentur, & sanctæ nuncuparentur, cùm eas erigere licitum, adorare verè nefas sit. Adhæc notant, & meritò quidem, Adrianum *inseruisse in illa epistola quadam testimonia sanctorum Patrum, valdè absona, & ad rem, de qua agebatur, minimè pertinentia*. Addunt ex hujus epistolæ textu Imperatorem, & Clerum, simulque & populum,

lum, auctoritatem sumentes Synodum fecisse; in qua, sicut illi multum deviauerant, qui imagines Sanctorum in illa alia Synodo, quæ sub Constantino aro memorati Constantini facta est, penitus abdicandas esse decreverant; sic istos non mediocriter erravisse, qui eas non solum coli, & adorari, & sanctas nuncupari sanxerunt, verum etiam sanctimoniam ab eis se adipisci professi sunt. Tùm istius Synodi, id est Nicænæ, Patres ajunt quædam sanctarum Scripturarum testimonia, & Sanctorum Patrum dicta ad suum superstitiosum errorem confirmandum videntur sumpsisse; quod quidem quàm verè ab iis notatum sit, Acta Nicæni Concilii, quæ etiam hodie exstant, satis superque docent. Atque hic exponunt, ut Carolus, hujus ad quem scribunt Ludovici patens, cùm eandem Synodum coram se, suisque perlegi fecisset, & multis in locis ut dignum erat, reprehendisset, quædam capitula, quæ reprehensioni patebant, prænotasse, eaque per Engilbertum Abbatem eidem Adriano Papæ direxisse, ut illius judicio & auctoritate corrigerentur. Adrianum verò rursus favendo illis, qui ejus instinctu tam superstitiosa, tamque incongrua testimonia memorato operi inferuerant, per singula capitula in illorum excusationem respondere, quæ voluit, non tamen, quæ decuit, conatum esse. Talia quippè quædam esse, quæ in illorum objectionem opposuit, quæ re-

motapontificali auctoritate, & veritati & auctoritati refragantur. Hominem tamen excusant, nec tantum scienter, quantum ignoranter in eo facto à recto tramite deviasse ex eo colligunt, quod licet in ipsis objectionibus aliquando absona, aliquando inconvenientia, aliquando etiam reprehensione digna testimonia defensionis gratia proferre nifus sit, in fine tamen ejusdem Apologia sic se sentire, & tenere, & predicare, ac precipere de his, quae agebantur, professus sit, sicut à B. Papa Gregorio institutum esse constabat. Hic memorant Freulfum Episcopum sibi viva voce exposuisse, qualiter ipse & Adegarius socius illius, de hac re cum Papa & ministris illius egissent; seque relatu illius cuncta cognovisse, qualiter partim veritatis ignorantia, partim pessima consuetudinis usu, hujus superstitionis pestis illis in partibus (id est Romæ, & in reliquâ Italia) inolevisset. Justum Imperatoris dolorem ex eo ortum laudant, quod illos à recto tramite quoquomodo conspiceret deviare, qui summa auctoritate præditi, deviantes quosque debuerant corrigere. Ejusdem Principis zelum extollunt, qui cum duos in periculo constitutos conspiceret, & à via regia declinantes, unum scilicet ad sinistram in abruptum confringendarum imaginum prolapsus; alterum verò ad dexteram in supersticiosam videlicet earundem imaginum adorationem

Ib. p. 629.

Ib. p. 630.

rationem proclivem, voluerit se affectu pietatis medium opponere, & utriusque partis morbo salutiferam medicinam conferre. In primis verò ejus prudentiam, atque solertiam deprædicant, quòd cùm superstitioni suffragari videret eam partem, quæ debuerat errata corrigere, licentiam ab eadem illa impetrasset tantæ rei cum suis quærendi familiariter veritatem, quatenus (inquiunt) sancto vestro desiderio, ac vigilantissimo studio veritas patefacta, dùm se in medium ostenderet, etiam ipsa auctoritas volens, nolensque veritati cederet, atque succumberet. Tùm consilium suum aperiunt qua ratione Imperator tam difficile, tamque spinosum negotium tractare debeat; nimirum sic illi temperandam esse hanc operam, ut quicquid reprehensione in utrisque partibus dignum cognoscitur ad Græcorum personam potiùs referatur, qui libere admoneri poterant, & quorum scandalum, si pro veritate ortum fuerit, faciliùs tolerari posset. Papam verò demulcendum esse, laudandum, & præferendum, ejusque auctoritatem magnis laudum præconiis efferendam, Romanaque Ecclesiæ condignam laudem deferendam; sic tamen ut veritas ex testimoniis sanctarum Scripturarum, & sententiis sanctorum Patrum in medium proferatur, & veraciter sobrièque exponatur. Tali modo videri sibi Imperato-

Ib. p. 631.

rem utriusque partis salutem prodesse posse; neque Papam, quamquam superstitionis consuetudini faventem, credibile esse quicquam aliter quam auctoritas, & veritas se habet, mandare in aliquam partem præsumpturum; veritatem enim Ludovici potestatem, auctoritatem Sedis, & testimonia veritatis. Denique licet in aliquo aut isti, aut illi deviare voluerint, ejusque saluberrimam admonitionem, quæ tota ex auctoritate veritatis profertur, audire contempserint, non minorem ob id à Domino ipsi recompensationem factum iri, quia totum secundum verba B. Elie Prophetæ, quod ejus fuit, facere studuerit. Tùm ajunt se in unum convenientes, & pro captu intelligentiæ suæ familiariter conferentes testimonia ex auctoritate divinâ, & sententias sanctorum Patrum, prout temporis angustia permittit, collegisse; & quicquid de negotio, de quo agebatur, necessarium, aptumque judicarunt, & in unum congerere studuerunt, imperiali potentiae per venerabiles viros Halitgarium, & Amalarium dirigere. Excusant temporis angustiam, quod ea exclusi nec quanta voluerint, nec quanta potuerint, collegerint, sacris ejus jussionibus totis nifibus parere nisi sint. Eò accessisse, quod quidam è suo numero de longè venien-

Ib. 632.

Ib. p. 633.

tes non habuerint spatium quærendi; quidam verò nec causam, pro quâ ad illum conventum venire iussi sint, donec pervenerint, veraciter nosse potuerint; Moduinus verò infirmitate detentus venire nequiverit; Tamen in his, quæ collecta sunt, summam hujus negotii discretè comprehensam esse, ita ut unusquisque fidelis ea perlegens animadvertere queat, quod *imagines Sanctorum stulta præsumptione non sunt confringendæ, & ad injuriam Sanctorum abolendæ, & penitus despicienda, nec assertionem superstitiosa colendæ, aut adorandæ; sed potius hujusmodi superstitione remota, juxta veram religionem, memoriæ & amoris causâ, ob recordationem eorum, quorum imagines, habendæ, sicut à beatissimo Gregorio satis catholicè, perspicuèque dictum declaratur.* Cæterùm se cùm Paparum erga Ib. p. 634. imagines superstitiosam venerationem quidam visu, omnes verò aliorum relatu cognoscant, voluisse primùm contra illos sententias ponere, qui imagines præsumptuosâ temeritate confringere præsumperunt, quatenus inde isti animati aliorum errata valentiùs cum Imperatore corrigerent, & ad suam superstitionem agnoscendam veritatis testimonia suscipienda animum facilius flecterent. Eademque de causâ, quod jam præmise-

runt, id etiam nunc censere, sermonem Ludovici contra illos usquequaque dirigendum à quibus illi directâ erat superius memorata epistola; quoniam ejus textus utramque partem reprehensione dignam demonstravit, & illam scilicet; quæ indebito, ac superstitioso cultu imagines venerabatur, & illam, quæ ab inferioribus locis easdem imagines evertere, ac delere præcepit; seque ita existimare, quamquam cætera alia secundum auctoritatem veritatis sicut in suis scriptis continetur idem Imperator (id est Michaël) fecerit, propter hoc tamen factum quosdam illarum partium infirmos scandalizasse, nec non quosdam urbis Romane perturbasse.

ib. p. 635.

Hæc præfati variorum locorum ex diversis Patrum libris collectionem satis prolixam Ludovico exhibent in certa capita distributam; quorum primum ex instituto & supra memorato ordine illud occurrit, quod est contra eos, qui imagines non solum ab ædibus, sed etiam à sacris vasis indiscretè abolere præsumunt. Atque hic nonnulla ex iis adferunt, quæ solent hodie ab adversariis in hac causâ adduci, quæque suo loco sunt à nobis in superioribus expensa; quale illud est ex Eusebio petiti de Christi statuâ Paneade à muliere positâ; item alia ex Sylvestri vitâ, ex Paulino, ex Gregorio Nysseno, & Augustino.

Eo,

Eo, quod sequitur capite ex variis Gregorii Papæ locis, quæ sunt etiam à nobis supra recitata, ostendunt, *qualis discretio sit* 1b. p. 641.
tenenda erga Sanctorum imagines habendas, & historiarum picturas. Tertio capite in eos stili mucronem convertunt, *qui indebito* 1b. p. 645.
cultu imagines colunt, & adorant, & sanctas nuncupant, & sanctimoniam se per eas adsequi fatentur; ita enim insertum inuenisse in illa Synodo Græcorum; Nicænam autem intelligunt. In eodem argumento versantur sequentibus porro capitibus ad quintumdecimum; & quæ in hac causâ adhibuimus testimonia, eadem ferè laudant, ac inter cætera Epiphanii de Anablatensi imagine narrationem; planèque ut Carolus, Nicænorum objectiones, atque exceptiones refellunt; verbi gratia, de fastigio virgæ Josephi à Jacobo patriarchâ adorato, de Nathane itidem à Davide adorato, de Cherubinorum, & arcæ cultu, ac veneratione, aliaque ejusdem farinæ. Capite decimoquinto ad Iconoclastas iterum redeunt, quos variis veterum testimoniis confutare aggrediuntur, nonnullis etiam apocryphis, plerisque ex Nicænorum disputatione haustis; ex quâ capite decimosexto longam, ac putidam de Sarantapechy quodam Judæo fabulam describunt, quem ipsi fran-

gendarum, ac exterminandarum imaginum primum auctorem fuisse volunt. His ejus epistolæ, quam à Ludovico ad Pontificem Romanum scribendam censebant, exemplar subjiciunt; in qua ille ob eas rationes, quæ supra sunt expositæ, Papam primò effert magnis laudibus, ejusque sedem, atque auctoritatem mirificè extollit, ac deprædicat; deinde ei cum maximæ humilitatis significatione suadet, ut de imaginibus ad Orientales scribat; verecundèque hanc suam audaciam excusat, se id aggressum, *non ut sanctæ & à Deo data ejus sapientiæ altius, sublimiusque progrediendi terminum ponere præsumpserit, sed ne id, quod exinde sibi omnipotentis Dei misericordia conferre dignata, est silentio tegeret.* Se enim non Synodum congregando, sed quemadmodum à Papa postulaverit, licentiamque agendi perceperit, unà cum suis familiaribus considerare studuisse quid ejus almitati de tantâ necessitate significare posset, qualiter idem Græcorum populus ad veram concordiam revocari posset. Huic epistolæ exemplar alterius cujusdam addunt, quam à Papâ Romano ad Michaëlem, & Theophilum Orientis Imperatores scribi cupiebant; in quâ id, de quo supra diximus, consilium explicatur de tollenda

tollendo schismate, ac reconciliandis in unam Ecclesiam Orientis populis; cujus hæc summa est, *ut qui volunt pro pia memoria, vel sana doctrina in locis competentibus absque ullo illicito cultu pictas, vel fictas habeant imagines; qui autem nolunt, absque ullo illicito contemptu taliter habentes, vel habitas imagines nullatenus spernant.* *ib. p. 73.*

Ludovicus acceptis his episcoporum litteris ad Eugenium scribit, qui illis temporibus, Romanæ Ecclesiæ præerat; Principiò commemorat, quid auditis Orientis legatis gesserit; Docet suos episcopos juxta concessam ab ipso Eugenio licentiam de libris sanctorum Patrum sententias quæsiuisse, atque collegisse, quæ ad causam imaginum veraciter definiendam convenire possent; Quæ ab iis acceperit se Eugenio mittere legenda, atque examinanda, per legatos Jeremiam, & Jonam, venerabiles episcopos, in sacris litteris admodum eruditos, & in rationibus disputatoriis non minimum exercitatos; adeo ut si dignum duxerit, ipse cum iis de legatione in Græciam mittendâ non inutilem, sed potius proficuum collationem habere possit. Testatur eos à se non ejus docendi gratiâ directos, sed juvandi, siquid auxilii in præsentibus negotiis ferre possint. Ro-

gat, ut curam, & diligentiam adhibere dignetur, eamque legationem in Orientem mittere, quæ & sacratissimâ illa Sede digna sit, & ad extinguendum funestum illud, quod de imaginum negotio fervebat, dissidium, idonea. Siquos à se etiam legatos Constantinopolim mitti cupiat, prolixè suam operam defert. Has ad Eugenium litteras Ludovicus supra memoratis episcopis, Jonæ nimirum & Jeremiæ, Romam perferendas, misit; monens ac præcipiens, ut anceps atque lubricum negotium exquisitâ prudentiâ, solertiâque tractent, *patienter ac modeste cum Papa de hac causa disputationem habeant; ut summopere caveant ne nimis ei resistendo eum in aliquam irrevocabilem pertinaciam incidere compellant; sed paulatim verbis ejus quasi obsequendo magis, quam apertè resistendo ad mensuram, quæ in habendis imaginibus tenenda est, eum deducere valeant.* Jubeat eum interrogari, an ei placeat è Francia legatos cum suis in Græciam mitti; Si annuerit, ea de re se quam primùm certiorem fieri vult, ut Halitgarius, & Amalarius ad illud iter se se mature parare queant. Atque hæc omninò sunt, quæ Synodi Parisiensis codice continentur; quem ego librum à Bellarmino, cæterisque earumdem partium explodi, atque

que exhibilari , minimè miror. Eos enim vehementer oppugnat , omnesque illas , quas in Francofordiense Concilium , librosque Carolinos parabant exceptiones , atque defensiones , planè disjicit , atque evertit. Nam clarissimè testatur nostri Occidentis Principes , & præsules Nicænæ Synodi de imaginibus decretum verè repudiassè , ipsasque imagines neque latriâ , neque adoratione ullâ relativâ colendas putassè , easque non aliter habendas , aut retinendas censuisse , quam ad rerum memoriam , rudiorumque instructionem. Illud item apertissimè docet non ignorassè nostros , quæ Adriani , quæ cæterorum Romæ Pontificum partes in hoc negotio fuissent , iisque non alio consilio pepercissè , & eorum in hanc causam studium dissimulassè , nisi ut calidâ hâc , solerti que œconomiâ facilius eos ab errore ad veritatem , à superstitione ad religionem traducerent ; quos alioqui locis , temporibusque idoneis liberrimâ voce non verentur accusare. Nam hic rotundè & sine ambagibus pronunciant Adrianum *indiscrete fecissè* , idque quod *erat nefas censuisse* ; eundemque ajunt in utraque quam de imaginibus tùm ad Constantinum , tùm ad Carolum scripsit epistolâ , *quædam testimonia*
sanctorum

sanctorum Patrum valde absona, superstitiosa, atque incongrua inseruisse, & quæ voluit, non tamen quæ decuit respondere conatum esse.

Ex eo quoque libro manifestum est vanos fuisse Adriani conatus, ipsosque tùm Imperatores, tùm episcopos Occidentis in Francofordiensis Synodi sententiâ constanter permanisse, & à Papâ exegisse ut in eandem ipse quoque concederet, repudiato Nicænorum errore. Ex quibus necessariò conficitur nihil iis fingi posse stultius, aut mendacius, quæ supra pro certis ac compertis narrabant adversarii; nimirum ideo Nicænam Synodum damnasse Francofordienses, quod eam per summum mentis errorem, & sine Romani Pontificis consensu celebratam, & imaginibus latriæ cultum decrevisse falsò sibi persuaderent. Nihil ergo mirum, aut ab ingenio, & more suo alienum facit Bellarminus, cum hunc librum eadem audaciâ rejicit, quâ cæteros solet suæ sectæ placitis adversantes. Hoc verò mirum, & indignum merito, mihi quidem, videretur, si istorum hominum contracta ex nimio causæ studio cæcitas cuiquam dubiam, & incertam efficeret ejus libri fidem, cujus tam clara est, tamque explorata veritas. Primum enim is excusatus est ex exemplari, quod ex Pithœi codice

codice manuscripto summâ fide descriptum fuerat, clarissimi viri, in Ecclesiæ Romanæ communione nati, educati, mortui; in quâ ille sic vixit, ut non eruditione modo & litteris, sed etiam probitate, candore, ac sapientiâ, cæterisque bonis omnibus artibus excelluisse existimatus sit. Manu exaratum exemplar in membranis egomet inspexi; quod omnes magnæ, ac venerandæ antiquitatis notas præ se fert; ut hic usurpare liceat, quod Sirmundus supra in simili argumento scribebat, *De hoc libro, quin verus, sincerusque sit, nobis certè propter antiquissimi codicis auctoritatem ambigere non licet.* Jam quin ex eo codice verè ac fideliter descripta fuerint edita à Bongarsio, Christianissimi Regis tùm in Germania oratore, exemplaria, dubitari non potest. Nam si quid vel dolo, vel imprudenter mutatum esset, homines haud dubie de peccato illo monuissent, qui codicem manuscriptum habuerunt, vel nunc habent in potestate, nimirum olim quidem Pithæus, nunc verò amplissimus Thuanus, ambo Ecclesiæ Romanæ sacris atque communioni addicti. Atqui nihil hætenus tale factam est, quamquam anni plures, quam quadraginta quinque effluxerint, à quo tempore Francofordiæ editus

editus est. Res verò ipsæ, & facta, quæ eo libro continentur, hujusmodi sunt, ut de plerisque diserta extent veterum scriptorum testimonia. Græcorum enim hanc ad Ludovicum legationem memorant Eginhardus, Annales Bertini, & Metenses. Aimoini verò continuator, rem totam penè sigillatim exsequitur; Conventum Rothomagi à Michaëlis legatis Ludovicum; eique traditas Michaëlis litteras cum munusculis; ac inter cætera legationis capita quæsiuisse eos de imaginibus quid factò opus esset. Papamque sibi de ea causâ, Romæ consulendum dixisse. Auditos, responso dato, curasse Ludovicum Romam deducendos. Ex quo loco videtur Platina quæ hac de re tradit, nonnihil interpolata hausisse. Scriptoris illius verba (quæ etiam habentur apud Athelmum in *Analibus* ad annum Domini *DCCCXXIV.*) si quis desiderat, hæc habeto: *Rotomagus civitatem, ubi conjugem se operiri jusserat, ad XV. Decembris Imperator reversus est. Nam & illuc legatos Michaëlis Imperatoris sibi occurrere jusserat, cum quibus & Fortunatus, Patriarcha Gradenſis, regressus ad ejus præsentiam venit. Sed legati Imperatoris litteras & munera deferentes pacis confirmandæ causa se missos esse dicentes, pro Fortunato nihil locuti sunt.*

*Aimoin. de
gest. Franc. l. 4.
c. 112.*

Plat. in Eug. 2.

sunt. Inter cetera tamen ad legationem suam pertinentia, quadam de imaginum veneratione protulerunt, propter quæ se Romam ire, atque Apostolicæ sedis præfulem consulere debere dixerunt. Quos cum, legatione eorum audita ac responso reddito, absolveret, ut se velle dicebant, Romam ducere iussit. Disquisitionem autem Ludovici, & Lotarii filii iussu de imaginibus ab Episcopis factam omnino videtur in animo habuisse Dungalus, quo loco aduersus Claudium Taurinensem scribens prodit de imaginum pictarum ratione inquisitionem diligentius ante biennium apud gloriosissimos, & religiosissimos Principes habitam esse in palatio, ubi (inquit) diuina Scriptura, sanctorumque librorum, & probatissimorum, qui eos scripserunt, virorum, exemplis atque auctoritate cum quanta & quali moderatione, ac discretionem sint habenda, inventum, confirmatum, satisque evidenter definitum est. Idem quoque testatur Valafri-
 dus mortuo jam Ludovico scribens, Ipsa denique querela Græcorum, inquit, temporibus bonæ memoriæ Ludovici Imperatoris in Franciam perlata ejusdem Principis providentia scriptis Synodalibus est confutata. Synodaliū istorum scriptorum codex vetustissimus manu exaratus in membranis repertus est nostrâ memoriâ, non in Protestantis alicujus, sed in Romanæ communioni

*Dung. Resp. ad
 Claud. Taur.
 Bibl. Pp. T. 4.
 p. 2. p. 155. C.*

*Valafr. Str. &
 reb. Eccles. c. 8.*

512 DE IMAGINIBVS
munioni addicti hominis bibliothecâ;
cujus in eruendis antiquitatis monumen-
tis solertiam, judicium ac fidem omnes
laudent; Ipse liber ita scriptus est, eas-
que tum in stilo, tum in disputandi ra-
tione vetustatis notas præ se fert, tam-
que ab hoc nostro sæculo alienas, ut ve-
luti clarâ voce testetur se non nostro, sed
ipso illo, cui attribuitur, tempore na-
tum. Quid tandem afferre possunt ad-
versarii, quo sic undique munitam, tam-
que ab omni parte cohærentem hujus
scripti veritatem labefactent? Hic ve-
rò Bellarminus in aciem prodit; magnâ-
que voce minitatur mox se effecturum,
ut qui libellum ediderunt *oleum & operam*
se perdidisse doleant. Qui autem Concilia
nuper publicarunt iis hic Bellarmini la-
bor adeo arrisit, ut totam ejus de hoc ar-
gumento disputationem operi suo inse-
rendam putaverint, quo loco legi debue-
rat ipsa Parisiensis Synodus. Experiamur
ergo quid iste sit præstiturus.

*Bellarmin. ad
l. de Im. c. 1.*

*Quid dignum tanto feret hic promissor
hiatu.*

Ibid.

Principiò indignatur Synodum dici quæ
hoc libello continetur, in quâ nulla con-
spiciantur decreta, nulli Canones, nul-
la episcoporum subscriptio, nulla deni-
que Synodi mentio; ipsum libellum
hujus

hujus tituli vanitatem apertè redarguere, quo loco Ludovicus ad Eugenium scribens negat se Synodum congregasse. Sed sit ita sanè, quando hoc Bellarmino placet. Quid enim refert, quo titulo sit hic liber, dùm constet eo haberi sententiam plurium episcoporum, à Ludovico olim Lutetiam ex Eugenii Papæ concessione atque licentiâ convocatorum, ut unâ de omni hac imaginum causâ diligenter cognoscerent? Si communi præsulum istorum definitioni, atque sententiæ *Synodi* nomen invident, per nos licet; Nequè enim ita ineptè morosi sumus, ut de unâ voce pugnandum putemus. Satis habemus, quod hæc fuit Freculfi, Adegarii, Jonæ, Jeremiæ, Amalarii, aliorumque principum Ecclesiæ Gallicanæ antistitum de imaginibus sententia, & quidem à Ludovico, Regum optimo, atque mansuetissimo, probata, & executioni mandata. Narrat deinde Bellarminus Michaëlem istum Bal-^{ib. c. 2.}bum, cujus in hoc libro epistola habetur religiosi studii plena, Principisque Christianissimi pietatem spirans, sceleratissimum fuisse latronem, pessimis artibus, nefariâque Leonis cæde, imperium adeptum. Equidem non sum nescius quàm parùm in hac causâ fidei merean-

K k

tur,

tur, quos hic auctores sequitur Bellarminus, nimirum Zonaras, & Cedrenus, homines notissimi in imagines, quas Michaël iste in Oriente infectatus est, studii. Fingamus tamen istum omnino talem fuisse, qualem eum nobis describit Bellarminus; quam vim hoc habebit ad id, quod iste vult, probandum, nimirum suspectum esse & supposititium hunc librum? Testantur veteres Michaëlem ad Ludovicum scripsisse, & quidem de imaginibus. Bellarminus negat hanc esse ejus epistolam. Quid ira? Quia, inquit, Michaël impius & scelestus fuit; qui vero in hac epistolâ inducitur, is oratione utitur honestissimâ, & studii religiosi plenâ. O acutam argumentationem! Quid? Hunc cine hominem sperabas, Bellarmine, probra ipsum sua, animique scelera resecturum, ac palam professurum? Adeonè fraudis & sceleris ingenium ignoras, ut impios numquam putes fidem & pietatem mentiri? Sed neque illud ferre potest adversarius, quod narrat Michaël fuisse in Græciâ homines, qui quas recenset superstitiones, vel ineptias in cultu imaginum exercerent; easque meras calumnias atque imposturas esse, non tantum ait, sed etiam ex eo probat, quod Nicænum Concilium, an-

*Id. c. 2. §. Quod
verò.*

nis quinque & triginta ante illud tempus celebratum, nihil hujusmodi præcepisse deprehendatur. Quid tu istis feceris, qui quid in Græciâ ante annos octingentos fieret meliùs & certius scire se profitentur, quàm eos, qui ipsis illis temporibus vivebant? Quid verò ad hæc Concilium Nicænum, de quo Michaël verbum facit nullum, sui tantum temporis peccata, & superstitiones commemorans? His egregie gestis nos Bellarminus invicto hoc dilemnate urget; *Vel Franci, qui Ludovico à consiliis erant, fidem habuerunt litteris Michaëlis, vel non habuerunt. Si fidem habuerunt, circumventi sunt, atque decepti. Si non habuerunt, abusi sunt litteris illis ad permovendum summum Pontificem, ut majorum suorum acta rescinderet. Sed nullo fundamento nititur hæc Bellarminianæ argumentationis consecutio. Fac enim istos Michaëlis litteris fidem habuisse; undè tu deceptos fuisse concludis, qui nondum probasti quicquam fuisse falsum in Michaëlis litteris? Fac eosdem fidem non habuisse; non ex eo sequitur voluisse eos Papam circumvenire; qui quod ipsi proponunt consilium, id plurimis optimis, & certissimis rationibus confirmant, & quidem ab iis, quæ in Michaëlis epistolâ narrantur, planè*

Ibid. c. 3.

alienis. Sed utcumque se res habeat, siue decepti sint isti, siue decipere voluerint, sic concludit hoc caput Bellarminus, ut dicat nihil attinuisse libellum hujusmodi edere, *qui nihil utilitatis, detrimenti autem plurimum afferre poterat.* Nimirum istis inutile est, quicquid rem Romanam minime iuvat; damnosum, quicquid ejus rationibus adversatur. Bellarminus indè ad Præsulum Gallicanorum epistolam venit, quos graviter accusat, quod non solum Adriani epistolas, sed & ipsam Nicænam Synodum secundam carpere, atque sugillare ausi sint, eoque istos ait *audacter iudicium sibi de scriptis Apostolicis desumpsisse, iudicemque suum, & totius mundi judicasse, & uniuersorum doctorem docuisse; qua temeritate nullam majorem cogitari posse* scribit. Fateor equidem istos præsules, si eadem illorum fuit, quæ Bellarmini est, de Papâ Romano sententia, immeritò ac præter jus ita cum eo egisse; temereque fecisse, qui Doctorem summum atque *ἀντιπᾶντων*, Ecclesiæque universalis magistrum, atque monarcham infallibilem scilicet, docere ausi sint. Cæterùm istos longè aliter de eo existimasse hoc ipsum quod ita cum illo agunt, maximo argumento est. Jam verò an illi rectè verèque senserint, qui Papam errare, fratrumque admonitione corrigi

corrigi posse putarunt, non est præsentis instituti quærere. Nobis nunc quidem satis est, quod ii non censuerunt imagines adorandas, liberèque & Synodos, & Pontifices, à quibus id decretum fuerat, reprehenderint. Neque enim aliud est, quod in præsentī disputatione agimus. Notat mox Bellarminus multa testimo- *Ib. c. 4.*
nia parum appositè ad eam, quam agebant causam, ab istis adducta; qualia sunt Basilii & Gregorii Magni dicta supra à nobis suo loco excussa; aliaque non pauca ineptè atque inscitè huic collectioni, ut censer, inserta. Ego verò ista non defendo; ultroque confiteor multa istos peccare; neque miror, cùm eo sæculo vixerint, quo litteræ pænè oppressæ in tenebris jacebant; ut nihil dicam de ea, quam ipsi etiam excusant, temporis angustia. Sed si peccata hujus generis omnem libris auctoritatem demere censenda sunt, non video quo loco & numero habendæ erunt istorum, de quibus modo Bellarminus, *mundi judicium* epistolæ, ipsaque illa Adriani, quam hic *doctissimam* appellare non dubitat; pleræque tam multis ineptiis differtæ, tot tantisque paralogismis scatentes, stilo adeò agresti, ac barbaro conscriptæ, ut heroicâ quadam patientiâ iis sit opus, qui totas à capite ad

Ib. c. 5.

calcem legere voluerint. Sed nihil Bellarminus fert indignius, quàm quod isti, ut vocat, collectores ausi sint epistolæ, ab Eugenio Papâ ad Michaëlem & Theophilum Imperatores mittendæ, exemplar conscribere. Quod eorum factum imprudentiæ merito damnari, non nego, si Papam perinde ut Bellarminus, pro oraculo ἀναμαρτήτου habuerunt. Cùm verò illi planè aliter senserint, Papamque & hominem esse, & labi atque errare, & doceri atque discere posse putaverint; equidem non capio, cur hoc eorum consilium ineptum & indecorum potius existimari debeat, quàm Cypriani Carthaginensis, aut Cyrilli Alexandrini, quorum ille Cornelium, hic Celestinum toties monent de iis quæ vel facienda, vel dicenda aut scribenda videbantur. Nam Cyprianus quidem, quantumvis egregius, unus tamen fuit episcopus; Cyrillusque similiter; nostri verò isti Galli plures erant; neque de his monere aut scribere aggressi sunt, nisi postquam à maximo, Christianissimoque Principe Ludovico, impetratâ ejus rei ab Eugenio facultate, convenire jussi sunt, ac de re totâ seriò atque accuratè cognoscere. Huc accedit, quod libertatem illam suam tam prolixis, tamque demissis excusationum

num ambagibus temperant; ut totam eorum orationem, adeò sunt multæ, non parum involutam, atque impeditam reddiderint. Sed quædam in hac epistolâ notat Bellarminus, quæ Papam non videntur decere. Quæ si ita esse concesserimus, non video quid hoc ad præsentem causam faciat. Inspiciamus tamen sigillatim, quæ objicit adversarius. Primum ergò conqueritur, quod *hæc epistola Pontificem summum faciat adulatorem Imperatoris impudentissimum*, dùm ita loquitur, *O venerandi mundi Principes, cum universa sancta Dei, quam Domino disponente, & committente gubernatis, Ecclesia*. Et infra, *propter adunandam, quam Domino Deo ordinante regitis, Ecclesiam*. Reprehendit Bellarminus, quod sæcularis Princeps *Ecclesiam gubernare, ac regere*; quod scelestus Princeps, qui hero ac domino suo interfecto tyrannicè imperium invaserat, *Deo disponente ac gubernante regnare dicatur*. Id invidiosissime exagitat adversarius, neque aliter paratragædiat, quam si actum esset de re Christianâ. Ad prius respondeo, nihil esse causæ, cur Græcis, aliisque Orientis populis Michaëlis imperio subjectis, *Ecclesia* nomen invideat Bellarminus; quos Christianos fuisse, & quidem baptizatos, negare non potest. Talibus ne Syna-

gogæ potius nomen tribuendum fuisse putat, quàm Ecclesiæ? Neque item video, quid hoc Episcoporum auctoritati, munerique detrahat. Nam si quis Davidem dixerit *populum Dei rexisse*, & *gubernasse*, non is opinor, Pontificis maximi, aliorumque apud Hebræos sacerdotum munia, ac dignitates ea oratione vel extinxerit, vel imminuerit. Vnum eundemque populum, unam eandemque Domini Ecclesiam, sed aliter, atque aliter regunt tùm Principes, tùm episcopi; hi ut sic dicam, spiritualiter, rationibus ac mediis spiritualibus; illi civiliter civilibus mediis ac rationibus. Vtcumque sit, non est hæc durior oratio, quàm quâ alibi usus est Amalarius ita Ludovicum

Amal. Præfat.
in l. 1. de offic.
Eccles. T. 10.
Bibl. Patr.

Synod. Par. an.
D. 829. habita
in præfat. T. 6.
Conc. p. 321. e.
edit. Par. anno
1636.

Imperatorem alloquens, *Cum sciamus*, inquit, *vos rectorem esse totius Christianæ religionis, quantum ad homines pertinet*. Sic etiam Synodus Parisiensis sexta ait *Christum Ecclesiam, quam suo proprio sanguine redemit, suis orthodoxis famulis Ludovico, & Lothario, gloriosis Augustis, regendam, tuendamque committere occulta sua dispensatione voluisse*. Ad id verò, quod secundo loco objicit Bellarminus, respondeo Deum parricidia quidem & cædes vetare, ac detestari; sed nihil secius regna, ac respublicas curare & dispensare, deque iis statuere; Itaque tametsi

rametſi Michaël iſte *contra Dei voluntatem* ſe geſſiſſet, non tamen *præter Dei voluntatem* imperium adeptus erat, hoc eſt non citra ejus decretum, & permiſſionem; adeo ut non improbando ſenſu dici poſſe videatur Deo diſponente, committente, & ordinante regnaſſe; maximè cùm ab hujusmodi phraſi minimè abhorreat Scriptura, quæ ait Deum Jeroboamo *decem tribus* dediſſe, quarum ille imperium peſſimis artibus, ſummâque Roboami injuria raperat. Miror Bellarmino non hic veniſſe in mentem Gregorii ad Phocam litteras, diro & nefario parricidio imperium itidem adeptum, cùm herum, atque Dominum ſuum Mauricium unâ cum fratre, & quinque liberis crudeliſſimè interfeciſſet. Mundo, ac Eccleſiæ impii prædonis dignitatem, ac regnum gratulatur optimus, ſanctiſſimusque Pontifex; *Cælos letari jubet, exultare terram,* *ac de Phocæ benignis actibus univerſa reipublicæ populum hilareſcere;* hucque refert, quod Scriptura docet Deum *mutare tempora, ac transferre regna, & dominari in regno hominum, ipſumque cui voluerit dare illud.* Ad Leontiam parricidæ illius uxorem de eodem argumento ſcribens, *Quæ lingua* (inquit) *loqui, quis animus cogitare ſufficiat, quantas de ſerenitate veſtri imperii omnipo-*

1. Reg. 11. 31.

Greg. l. 11. ep.
36. & ep. 43.
44.

*tenti Deo gratias debemus, quod tam dura longi
 temporis pondera cervicibus nostris amota sint,
 & imperialis culminis leve jugum subiit, quod
 libeat portare subjectis? Reddatur ergo crea-
 tori omnium ab hymnidicis Angelorum choris
 gloria in cœlo; & quæ sequuntur. Post hæc
 exempla fuitne Collectoribus illis no-
 stris verendum, ne dùm Eugenium ita
 ut supra audivimus, loqui faciunt, ora-
 tionem ei tribuisse viderentur Papali san-
 ctitate indignam? Id etiam illis vitio ver-
 tit Bellarminus, quod in eadem episto-
 lâ non semel repetatur hoc argumen-
 tum, *Si nulla umquam picta, vel ficta fuisset
 imago, nihil periret de fide, spe & caritate, qui-
 bus ad regnum pervenitur æternum.* Sed cur
 isti non id scripsissent, quod verum esse
 existimabant? quodque in hac causâ, cæ-
 terisque ejusdem generis vel maximè
 considerari decet? Nam imaginum ve-
 nerationem, etiam si ea, quod non est, li-
 cita & libera suapte naturâ esset, tamen
 cùm non esse necessariam omnes fatean-
 tur, omitti deceret, propter turbas, quas
 in Ecclesiâ excitavit, & scandala quæ fi-
 delibus, atque infidelibus plerisque ob-
 jicit. Quod verò ait adversarius eo ar-
 gumento effici imagines omninò de medio esse
 tollendas, quod isti tamen nolebant, non video
 quæ sit istius consecutionis necessitas.*

Non

Non enim inutile est quicquid non est necessarium, multaque sunt, quibus carere alioqui possemus, ob tempora, ob loca, ob personas, quibuscum agimus, retinenda. Vt fidelium imaginibus infestorum ratio à cæteris Christianis exigebat, ne eas adorarent, sic eorum, qui imagines fovebant, usum atque ædificationem ab aliis vicissim flagitasse, ut eas in Ecclesiis tolerarent, putarunt nostri illi Collectores. Quod autem adjicit Bellarminus, *quamvis nihil periret de fide, spe, & caritate si nulla picta, vel ficta esset imago, tamen quando picta vel ficta est, peccare in fidem, qui eam negat esse venerandam*, id sanè consequens esset, si quod ille ponit verum foret, deberi nimirum imagini cultum religiosum. Id verò clarum est numquam ei concessuros fuisse veteres illos Gallos, quum is proprie esset illius, quæ ab istis oppugnabatur, causæ cardo. Neque hanc Bellarmini hypothesin probat, quod *honor imaginis ad prototypum refertur*. Primum enim ea sententia in iis tantum imaginibus locum habet, quæ ab eo vel institutæ, vel certe minimè prohibitæ sunt, quem honorare cupis; Tum neque si hoc Sanctorum imaginibus conveniret, ideo tamen sequeretur eas religiosâ veneratione colendas esse; Nam neque homines,

nes, quod ii sint Dei optimi maximi vivæ, spirantesque imagines, idcirco religiosè veneramur; neque eorum, quos vel amamus, vel colimus, omnibus simulacris assurgimus, aut ea inflexo genu, nudatoque capite salutamus; Ac denique ut ista, quæ ineptissima & absurdissima esse nemo non videt, verissima & certissima essent, tamen non absolutè neque semper vera futura manifestum est; quod ea incidere possent tempora, quibus honores istos omitti tutius, atque utilius foret; verbi gratiâ æneo serpenti ex hac Bellarmini sententiâ cultus, veneratioque debebatur; Et is tamen propter abusum plebis, ab Ezechiâ Rege summâ cum laude non modo non cultus, & honoratus, sed etiam disiectus, ac confractus est. Sic quotidie in republica impunè conscinduntur, imo etiam funduntur nummi adulterini, quibus tamen insculpta inest Principis effigies. Sed & palam nobis illudit, dùm sic agit adversarius. Hoc enim nunc quæritur, repudiaverint-ne Nicænum Concilium Gallicani Patres, non autem jure ne an injuria repudiaverint. Illo omisso Bellarminus in hoc digreditur. Pugnet ergo ille de jure, si libet, cum venerandis istis Patribus. Nobis nunc quidem satis est, quod de eorum facto constat.

constat. Postremò hoc quoque criminatur Bellarminus, *quod in eadem epistola reprehenditur Constantinus, & mater ejus Irene, quod edicto suo jusserit sacras imagines, juxta Concilii generalis decretum, cum veneratione esse habendas; eam enim reprehensionem à summo Pontifice, nisi plane amente, scribi non potuisse.* Sed ille more suo, quod in quæstione versatur id tamquam verum, ac certum supponit. Nam si, quod Bellarminus putat, Adrianus Nicænique Patres jure merito religioso cultu prosequendas imagines decreverunt, sique, quod ille quoque itidem credit, infallibile oraculum est os Pontificis Romani; si hæc inquam, ita habent, fateor neque Eugenium, quæ sunt à Bellarmino notata, scribere debuisse, neque ut ea scriberet, satis prudenter, satisque verecundè flagitasse Ludovicum & episcopos. Sin contra gravissimè peccarunt tùm Adrianus, tùm Nicæni, dùm imaginibus tribuendam venerationem censuerunt, profectò negari non potest, quin & Constantinus, Ireneque reprehendi mereantur, quod iniquum decretum executioni mandaverint, & Eugenius id eorum factum vituperare potuerit; nisi fortè fingatur istos Pontifices suorum majorum facta decretaque, quantumvis stulta, iniqua, atque periculosa

losa numquam tamen reprehendere debere. Jam utrum horum de Adriano, deque Concilio Nicæno secundo senserint Ecclesiæ Gallicanæ Episcopi, satis ex iis patet, quæ suprâ sunt à nobis disputata. Fas ergo iis fuit optare, ut hac de re sic scriberet Eugenius; quem neque aliter loquentem inducere potuerunt nisi suam ipsi causam proderent. Hæc sunt scilicet horrenda illa tela, quibus statim effecturum se minabatur Bellarminus, ut hujus libelli editores oleum & operam se perdidisse dolerent. Sed cum satis tibi ipsi esset conscius, quàm verus sit & incorruptus hic liber, neque, quod ait, *confictus, vel depravatus & auctus*, tandem concludit *sive sit verus, sive confictus, sive partim sincerus, partim adulterinus, illud quidem certè constare non esse hunc librum dignum, in quo legendo tempus conteratur. αὐτὸς ἐφά.* Magister Bellarminus dixit. Hoc satis. Sic enim isti venerandam illam, quam tantopere colere se & laudare mentiuntur, antiquitatem, despiciunt, atque despuunt, quoties ea ipsorum causæ adversatur. Nos verò pace Bellarmini credimus libellum hunc verè, quod præfert titulus, continere complurium episcoporum Lutetiæ olim congregatorum communem de imaginibus sententiam; neque verò nos de

Bell. ib. c. 6.

de hujus operis veritate dubitare sinunt vel stilus, & scribendi ratio, vel ejus è qua prodiit, bibliothecæ fides, atque probitas; præsertim cùm nihil contra afferant adversarii, quod sit ullius momenti. *Dictio*, inquit hic Bellarminus, *barbara est, sententiæ insulsa, ordo perversus, eorumdem testimoniorum crebra repetitio*. Esto sanè; pluribusque etiam aliis vitiis laboret hic liber, si ita istis placeat. Hoc certè nomine eum suscipio, atque ex osculo libens, lectuque dignissimum judico, quod ex eo, quantumvis cætera inepto, atque insulso, clarissimè id discimus, quod & ad veram antiquitatis fidem illustrandam maximè pertinet, & ab adversariis pertinacissimè oppugnatur, nimirum Ludovicum Augustum, illustrissimosque, qui tùm Ecclesiæ Gallicanæ præerant episcopos, Amalarium, Jonam, Alitgarium, Trevolfum, Adegarium, Freulfum aliosque consentientibus omnes animis rejecisse, atque explosisse ab Adriano Papâ probatum Nicænæ Synodi de imaginibus decretum, quod hodieque ab istis pro verâ & authenticâ universalis Ecclesiæ lege obtruditur. Id verò tam evidens est, ut Baronius fateatur maximos quosque Galliæ nostræ viros Ludovici, Carolique temporibus florentes, Nicæni concilii

cilii de imaginibus sententiæ adversatos esse, quo in numero illos omnes recenset, quorum nomina nuperrimè recitavimus, eosque homo animi impotens, cùm non aliud succurreret, quod huic telo opponeret, multis maledictis obrutos, insanixque damnatos contumeliosissimè dimittit; Mirandum planè, atque dolendum est (inquit) præclariores hujus sæculi ejus provincix viros, nominatim superiùs recensitos, sub duobus Imperatoribus, Carolo & Ludovico, adeò contentiosè, & animo penitùs refractario, pertinaci studio, indefesso conatu, inflexibili proposito voluntatis, adversus adorationem sanctarum imaginum contra septimam Synodum obstrepuisse, clamasse, & pace eorum dixerim, insaniisse, & nihil reveritos œcumenicæ Synodi majestatem, neque tot pro ea pugnantium Romanorum Pontificum potestatem. His enim iste flosculis exornat, quotquot suis illis ter maximis Pontificibus contra ire audent, quocumque ii sæculo, quocumque in gradu vixerint.

Baron. ad an.
Ch. 794. Sect.
55.

C A P V T VII.

*Concilii Francofordiensis decretum diu in
Gallia servatum fuisse.*

Q Vis autem fuerit missæ à Ludovico Rege ad Eugenium Papam legationis eventus, quoque animo Romæ excepta,

pta, & an indè Constantinopolim quas Gallia præfules cupiebant mitti litteras; eæ missæ sînt, difficile est statuere, cùm altum sit de his apud veteres omnes scriptores silentium. Tantum hæc apud Athelmum ad annum Domini DCCCXXXVIII

invenio: *Halitgarius Cameracensis episcopus,*

& Aufridus Abbas monasterii Nonantula, Con-

stantinopolim missi, à Michaele Imperatore sicut

ipse inde reversi retulerunt) honorificè suscepti

sunt. Quibus ego pænè inducor, ut cre-

dam Michaëlem, qui (ut ex ejus ad Ludo-

vicum litteris apparet) multum jam de

pristino Iconoclastarum rigore remisera-

ad Gallorum tandem temperamentum

omnino devenisse, imaginesque sic in

Ecclesiis retinuisse, ut eas adorari prohi-

beret. Sanè apud Theodorum Studitem,

monachum imaginibus addictissimum,

quidam diversæ partis testatur suos sim-

plicioribus, ut pote imperfectioribus, pi-

cturas habere permisisse. Illud quidem

certò constat, tùm Michaëlem Balbum,

tùm Theophilum ejus filium Nicænam

Synodum summâ vi semper oppugnasse,

omnibusq; imagines colentibus infestos

fuisse. Cùm verò anno Christi DCCCXLII.

mortuus esset Theophilus, uxore ejus The-

odora cum Michaële Bardâ filio impube-

re rerum potita, nihil antiquius habuit,

Athelm. Ann.

ad A.Ch. 828.

eadem habet

Eginard. Phi-

losoph. in vitâ

Ludov. Pii.

Theod. Stud.

l. 2. ep. 172.

Zon. Ann. T.

3. Cedr. hist.

comp.

Ioann. Anach.

in Act. Ioan.

Cyrop. Cedren.

quàm imaginum cultum restituere ; Ita veluti quodam fato huic errori fœminæ potissimùm faverunt , primùm quidem Irene, postremò verò Theodora. In Occidente nostro Francofordiensis Synodi temperamentum diu obtinuit. Hincmari, Rhemenfis Archiepiscopi , qui ultra annum noni sæculi septuagesimum vitam produxit , suprâ testimonium recitavimus. Anastasius verò Bibliothecarius in præfatione ad Papam Nicolaum II. quam anno Christi circiter DCCCLXXX. Nicænæ Synodi versionis Latinæ præfixit, satis clarè significat ejus Concilii definitionem nondum à Gallis illo tempore receptam fuisse ; Nam quæ (inquit) *super venerabilium imaginum adoratione præsens Synodus docet, hæc Apostolica Sedes vestra, sicut nonnulla scripta innuunt, antiquitus tenuit, & universalis Ecclesia semper venerata est, & hætenus veneratur, quibusdam duntaxat GALLORVM exceptis, quibus utique nondum est harum utilitas revelata. Atque ex his Anastasii verbis patet, (ut hoc quoque argumentum cæteris supra à nobis explicatis addamus) quàm iniqua sit eorum pervicacia, qui pertendunt non aliâ de causâ damnatam fuisse à Francofordiensibus Nicænam Synodum, quàm quod veram ejus de imaginibus sententiam ignorarent. Nam hunc*

*Anast. Bibl.
Præf. in VII.
Synod.*

hunc istis, qui affingitur, errorem (si nihil aliud fuit) satis superque eripere potuerunt anni sex & octoginta, (tot enim fuerunt inter Synodi Francofordiensis, & Anastasii hæc tempora) & veram eos Nicænorum definitionem docere. Sed & diutius etiam tùm in Galliâ nostrâ, tùm in ipsa quoque Germaniâ mansisse, Nicetas Choniates auctor est cum anno MCLX. Philippopolim ingrederetur Fridericus Ænobarbus, solos Armenios in urbe remansisse, & Alemannorum transitum, non hostium incurfionem, sed amicorum adventum judicasse; Nam (inquit) & commercia inter se se agitant, & in plerisque religionis dogmatibus consentiunt.

*Nicet. Choniât.
l. 2. de imp.
Aug. Angel.
p. 199.*

Quippe apud Alemannos, & Armenios sacrum imaginum adoratio æquè interdicta est, & azymis in sacris utrique utuntur. Gallorum verò nostrorum quæ de hoc argumento fuerit sententia, satis testatur Aimoini continuator Monachus, quo loco de Synodo (ut quidem adversarii numerant) VIII. anno Christi DCCCLXIX. Constantinopoli celebratâ, verba facit; In qua Synodo (inquit) de imaginibus adorandis aliter, quàm orthodoxi Doctores antea diffinierant, statuerunt, & quedam pro favore Romani Pontificis, qui eorum votis de imaginibus adorandis annuit, & contra ipsam suam Synodum consti-

*Aimoin. de
gest. Franc. l. 5.
c. 28.*

tuerunt, sicut qui eamdem Synodum legerit, patienter inveniet. Jam cum hic scriptor anno Christi MCL. vixerit, hinc constat illis adhuc temporibus Gallos nostros imaginum adorationem tertio octavæ illius Synodi canone constitutam, inter ea censuisse, quæ cum præcedentibus orthodoxorum Doctorum definitionibus pugnant. Atque hic obiter castiganda est adversariorum in hujus causæ studio impotentia; quæ eò processit, ut in hujus scriptoris editione Lutetiæ anno hujus sæculi quinto apud Druartum à Jacobo quodam de Brueil monacho procuratâ, insignem hunc ejus locum pessimo dolo totum corruperint, verbis iis substitutis, quæ sensum auctoris menti planè contrarium efficiunt; Sic enim ibi legitur; De imaginibus adorandis secundum quod orthodoxi Doctores antea diffinierant, statuerunt. Atqui locum planè ut nos descripsimus, exhibent omnes tùm manuscripti, tùm excusi alii codices; ipseque etiam Baronius, Annalium Tomo decimo, ubi eum citat. Potest. ne fingi vel improbior, atque impudentior perfidia, vel fraus capitalior? Ab hoc uno crimine discendum, quæ sit istorum in tractandis veterum monumentis fides, atq; religio. Sed ut ad rem redeam, Papæ Romani potentia, cum paulatim in immensum crevisset,

*Aimoin. ubi
supr. edit. Par.
an. 1605.*

*Baron. T 10.
ad an. 863.
sect. 79.*

creviffet, hunc errorem tandem in Occidentem propagavit, receptamq; dudum Romæ, & in Italiâ imaginum adorationem in cæteras indè gentes derivavit; non ita tamen, ut nulla planè superfuerint in Galliâ, ejus, quæ à majoribus fufcepta & probata fuerat, doctriinæ veftigia, quod Clariffimus Pithæus his verbis obfervavit, *Sanè fi verum* (inquit) *feriò volumus, nuper admodum noftri homines imaginofi effe cœperunt.* Certè Durandus Mimatensis epifcopus, quem extremo decimo tertio fæculo vixiffe conftat, hæc habet in Rationali divinatorum officiorum; *Nec ipsis (de Sanctis, & Angelis loquitur) adorationis fervitus, fed foli Deo impenditur; nè fi fecus fiat, non theofebia cultus exhibeatur, fed idololatriæ crimen incurratur, fervièdo creaturæ, tamquam creatori, & mutando gloriam incorruptibilis Dei in fimilitudinem corruptibilis hominis.* Si igitur nec homines, nec Angeli adorandi funt, attendant, quid agunt, qui fub prætextu cujufdam religionis, feu pietatis diverfas adorant imagines. Non enim licet aliquid manu factum adorare. Hactenus Durandus. Cæterùm cùm fuperftitio & Romanæ auctoritatis favore, & naturali hominum propenfione confirmata glifceret, ineunte fæculo decimo quinto, Joannes Gersonus Parifienfis Vniverfitatis Cancellarius, hæc

*Petr. Pith.
Præf. in Hift.
Pauli Diac.*

*Dur. Rat. l. 4.
part. 2. rubr. de
4. parte canonis.*

Gerf. T. I. De-
clarat. defect.
Ecclesiast.
num. 67.

illorum temporum antistitibus propone-
bat; *Iudicate (inquit) si tanta imaginū, & pi-
cturarū in Ecclesiis varietas expediat, & an plures
simplices nonnumquā ad idololatriā pervertant.*

CAPV T VIII.

*Errori culmen ab Ecclesiâ Rom. additum, quæ præ-
ter Nicænâ Synodi definitionem, universumque
Græcorum usum, tum sculptilia, tum Dei ima-
gines admittit.*

ATque hæc quidem velut ultimæ mo-
rientis paulatim libertatis voces ne-
quicquam displosæ ærem irritæ verbera-
bant; imaginum verò cultus in eum tan-
dem modum constitutus est, quem initio
hujus operis expressimus; nonnihil etiam
auctior, atque cumulator, quam qui
fuerat in Nicænâ illâ Synodo definitus,
& à Carolo, nostrisque majoribus tantâ
cum detestatione repudiatus. Primùm
enim cùm Nicæni, eorumque discipuli
pictas duntaxat imagines habuerint, Ro-
mani nostri sculptas etiam, fusasque, &
quavis alia arte ac ratione effictas admi-
serunt. Et cùm illi vel naturam, vel per-
sonas sanctissimæ Trinitatis effingere, aut
repræsentare ullâ imagine nefas putarint;
nulla his hodie hujusmodi religio est.
Duo hæc superstitiosi cultûs velut aucta-
ria paucis antequam hanc disputationem
con-

concludamus, prolixitatis veniam deprecari, persequemur.

Itaque ut à priori ordiar, videntur sanè imagines, qui primi adorandas censuere, non alias habuisse, quàm coloribus, & penicillo expressas. Nam etiam hodie, apud Græcos hic usus mansit, qui sculptilibus, fusilibusq; repudiatis, solas eas, quæ pictæ sunt, in religione adhibent. Germanus verò, Constantinopolitanus episcopus, antiquus, ac facile princeps imaginum patronus, eoque nomine ab Iconoclastarum, quos vocant, Synodo disertè excommunicatus, satis testatur se idem, quod hodie Græci sequuntur, de sculptilibus sensisse. Nam in eâ, quam ad Thomam Claudiopopolitanum episcopum scripsit, epistolâ, ubi hanc causam imaginum ex professo agit, cùm historiam de statuâ aeneâ Christo Paneade à muliere hæmorrhousâ positâ recitasset, statim veluti per quamdam epanorthosim addit, *Non autem hoc dicimus nos, ut statuas aeneas facere studeamus*; quæ verba addere nihil erat opus, si eam, quam hodie defendunt Romani, sententiam ipse quoque sequutus esset. Synodus sanè Nicæna in definitione non aliarum imaginum usum constituit, quàm *ἐν χρωμάτων ἢ ἐν ψηφίδι* &, ex coloribus & tessellis, id est vel coloribus, vel opere

*German. ad
Claud. ep.
Thom. 7. Syn.
Act. 4.*

Syn. 7. Act. 7.

musivo expressas ; Vndè intelligitur ,
quàm vana sit, quàmque impudens Græ-
culi nescio cujus , sed corrupti , in co-
dicis Romani margine annotatio , scri-
bentis , *vel ex ipsa hujus Synodi definitione*
clarissimum esse piū esse, neque ab Ecclesiæ Ca-
tholica consuetudine alienum sacras statuas eri-
gere. Quod verò pertinet ad superstitioni-
sum pingendarum personarum sacrosan-
ctæ Trinitatis morem , qui jam passim in
Ecclesiæ Romanę communione obtinet,
& verò à Bellarmino, Cajetano, Cathari-
no, Payva, Sanderò, Valdensi, aliisque de-
fenditur , neque eum ab iis probatum
fuisse patet, qui ante hæc ultima tempora
imagines in Græciâ , atque alibi venerati
sunt. Germanus enim in eâ ipsâ, quam
modo laudavimus epistolâ, commemo-
ratis atque expensis variis Scripturæ testi-
moniis, quibus imaginum usus omninò
videtur interdictus, fatetur iis vetari, ne
Deum pingamus: *Hæc omnia* (inquit) *ma-*
nifestum habent sensum , quod divina natura
sempiterna sit, atque incomprehensibilis , nulli-
que similis æstimanda eorum, quæ cernuntur; ut
nequis conjecturis, & suspicionibus ducatur ad
corporeas conceptiones. Idem in aliâ ad Joan-
nem Synadensem episcopum de eodem
argumento epistolâ, disertissimis verbis
suam hanc sententiam expressit ; Neque
enim

Syn. 7. Act. 4.
p. 527. B. edit.
Rom.

Bell. de Im. c. 8
§. Ego dico.
ubi loca habes
auctorum hic
commemora-
torum.

Germ. ep. ad
Thom. Claud.
Syn. 7. Act. 4.

enim (inquit) invisibilis Deitatis imaginem, & similitudinem, vel schema, vel figuram aliquam formamus, quam ne ipsorum quidem Sanctorum Angelorum sublimes ordines considerare, & investigare penitus valent. Damascenus vero alter istarum partium coryphæus etiam exsertiùs idem pronunciat; *Invisibilis*, (inquit) incorporei, incircumscripti, cuique nulla figura est, quis potest representationem facere? Summi igitur furoris, impietatisque fuerit figurare numen. Ipse Gregorius, Pontifex hujus nominis secundus, quamquam (quod supra demonstravimus) hanc imaginum causam summo animi studio tueretur, hunc tamen Dei pingendi usum repudiavit priore ad Leonem Augustum epistolâ; *Cur tandem* (inquit) *Patrem Domini nostri Iesu Christi non oculis subjicimus, ac pingimus?* Quoniam quis sit non novimus, Deique natura spectanda proponi non potest, ac pingi. Palam est eandem quoque fuisse Nicænorum sententiam. Actione enim quinta Joannis cujusdam Thessalonicensis episcopi locum afferunt satis prolixum; ubi ille Pagano homini eum cultum obijcienti, quem Sanctorum Deique ipsius imaginibus à Christianis exhiberi ait, respondet se imagines facere eorum, qui homines fuerint, Sanctorum videlicet Dei servorum, & corpora ferentium; Ne-

Id. ep. ad Ioan. Symad. Syn. 7. Act. 4.

Damas. orth. fid. l. 4. c. 16.

Greg. II. ep. 1. ad Leon. in Conc. Tom. ante Syn. 7.

Syn. 7. Act. 5.

que enim (inquit) agimus secundum vos; neque ullorum incorporalium corporales characteres demonstramus. Domini verò Jesu imagines facere Christianos concedit quidem, sed ejus, quemadmodum visus est super terram, & cum hominibus conversatus est, non autem ut intelligitur natura Deus. Quæ enim (inquit) similitudo est, vel qui habitus incorporei, & sine figura Verbi Patris? pauculisque interjectis; Humanitatem (inquit) ejus pingimus, non incorporalem deitatem. Vrgente Pagano, atq; objectante Angelos, tametsi $\nu\omicron\epsilon\pi\acute{\alpha}\varsigma$ & $\alpha\iota\omega\mu\acute{\alpha}\tau\epsilon\varsigma$ intelligibiles, & incorporeos, tamen à Christianis pingi; respondet bonus episcopus intelligibiles quidem eos agnoscere Catholicam Ecclesiam, non tamen, quod sentiebant Pagani, usquequaque incorporeos, & invisibiles; subtiles autem corpore, & aereos & igneos; Solam enim divinitatem incorpoream & incircumscriptam esse. Ex his Joannis dictis clarum est ex ejus sententiâ ea tantum pingenda, quæ corporea sunt, certâque ac circumscriptâ mole, formâ ac figurâ constant; Deumque adeò, istorum omnium expertem, planèque incorporeum, ac invisibilem, pingi nefas esse. Hoc verò testimonium, publicè in illa Synodo lectum, Tarasius, cæterique omnes illius Concilii Patres, approbarunt. Alibi verò, qua in parte Iconoclastarum (ut vocant) Synodum

dum refellunt, postquam sibi per summam calumniam affingi conquesti sunt, quod naturam incomprehensibilem circumscriberent, hæc continuò addunt, *Christiani invisibilis & incomprehensibilis naturæ imaginem numquam fecerunt; sed secundum quod Verbum caro factum est, & habitavit in nobis, ea quæ humanæ dispensationis ejus sunt, pingunt & imaginibus exprimunt.* In eadem quoque sententiâ fuerunt, qui hujus Synodi de imaginibus decretum sequuti sunt, ut inter cæteros auctor libelli de imaginibus, in priore Tomo Bibliothecæ Patrum Græcolatinæ; Is enim Imperatori, quem alloquitur, Iconoclastæ fatetur nefas esse Deum immortalem pingere, eoque refert divinæ legis capita, quibus imagines fieri prohibentur; *Legislator (inquit) solius Dei imagines facere atque instituere vetuit; idque itidem repetit. Neque imagine pingendum, inquit, id quod non potest cerni. Numen enim specie caret, & figura, neque videri potest, neque est eorum, quæ videntur, atq; oculis humanis cognoscuntur quicquam; verum mente sola contemplandum; si tamen & hoc quisquam possit.* Mox paucis interjectis ait, *Non esse faciendum imagines Dei; imo si quis quod simile attentaverit, hunc extremis suppliciis, veluti Ethnicis communicantem dogmatis, subjici.* Tum ad objectam Christi imaginem respondens,

Syn. 7. Act. 7.
Tom. 4.

De usu sacr.
imag. T. 1. Bib.
Pp. gr. lat. p.
734. A. B. C.
736. d. 737. b.
738. d. 739. c.

ib. p. 737. d.

spondens, Atqui non qua Deus est (inquit) Christum pingimus, neque eo respectu imagines ei constituimus. Sed quia idem homo est, & in terris visus est, ejus utimur imaginibus. Neque id quod est visibile, & circumscriptum invisibilitatis, & incircumscriptionis aptamus mensuris, ne salute excidamus. Neque id, quod tangi nequit, aut videri, aut circumscribi, tactus, circumscriptionis, visus rationi aptantes furiosè forma quam exprimere aggredimur. Atque hactenus quidem ille. Bellarminus verò omnia hæc veterum testimonia uno velut flatu disjicere se, & in ventos spargere posse confidit. Narrat ergo nobis tribus modis posse aliquid pingi, Vno modo ad exprimendam perfectam similitudinem formæ, & naturæ rei ipsius: Altero modo ad historiam aliquam oculis exhibendam; quomodo si quis (inquit) pingere vellet expulsionem Adami de paradiso, pingere deberet Deum formæ hominis ambulantes, & Adamum atque Evam nudos inter arbores se occultantes, ac demum Angelum in forma humana gladium gestantem, & Adamum cum conjuge expellentem. Tertio (inquit) potest aliquid pingi extra historiam ad explicandam naturam rei, non per immediatam, & propriam similitudinem, sed analogiam, sive metaphoricam, mysticasque significationes. Quemadmodum pingimus Angelos juvenes, alatos, formosos, nudis pedibus, &c. ad significandum eos semper viribus pollere, celerrimè moveri,

*Bell. de imag.
c. 1. §. Pro solutione.*

moveri, splendore gratiæ, & virtutum præditos.
eoque modo pingi ait Christum in forma ovis.
 Ex his respondet à memoratis auctori-
 bus, aliisque eas Dei picturas reprobari,
 quæ sunt primi generis, non autem quæ
 secundi, vel tertii. Ego verò præter unam
 Bellarmini, siqua est, auctoritatem, nul-
 lam aliud video vel in rebus ipsis, vel in
 Patrum, de quibus hic agitur, dictis atque
 sententiis, hujus responsionis fundamen-
 tum, vel firmamentum. Non in rebus
 ipsis. Nam de picturâ ipsâ hic quæritur,
 non autem de pingentium consilio. Fa-
 teor picturas fieri, vel ad eorum, quæ pi-
 cturâ repræsentantur, memoriam, vel ad
 earum actionum, quas aliquis gessit, hi-
 storiam, vel denique ad aliquid mysticè
 spectantium animis exhibendum, ad
 quod analogicè refertur id quod in pi-
 ctura expressum est. Sed pictura tamen
 omnis, quocumque animo, & consilio
 fiat, ejus subjecti, cujus imago est, for-
 mam, ac figuram repræsentare debet. Ita-
 que si qua Dei est imago, ea Dei ipsius
 formam repræsentet necesse est. Alioqui
 Dei imago non erit, quantumvis voluerit
 pictor Dei vel actionem, vel proprieta-
 tem aliquam repræsentare. verbi gratiâ,
 etiamsi leo fortitudinis, gallus gallinacens
 vigilantix symbolum sit, non ideo tamen
 quis-

quisquam sic ineptus erit, ut leonis, vel galli effigiem, Alexandri, vel Cæsaris imaginem esse putet, quod isti viri fortissimi, atque vigilantissimi fuerit. Esto ergo quod jubet Bellarminus; Pictor aliquis, seu alterius jussu, seu proprio consilio agnum pingat, ad Christi passionem mysticè significandam; non ideo tamen illa agni effigies Christi Domini imago & simulacrum vel erit, vel rectè & verè dicitur. Secundus verò picturæ, qui proponitur modus, multò etiam magis à re præfenti alienus est. Quis enim id Bellarmino, quod ipse supponit, concesserit, licere nimirum ad historiam aliquam repræsentandam iis, quæ in eâ inducuntur, subiectis eas formas tribuere, quibus nihil sit cum iis re verâ commune? Si velim, inquit, pingere Adami de paradiso expulsionem, pingendus erit Deus formâ hominis in paradiso ambulans. Ita-ne? Atqui nihil necesse est. Sic enim id ipsum ponitur, quod in quæstione versatur, licere nimirum Deum pingere, quodque ex ipsâ Bellarmini confessione impossibile est. Pictor quidem pro artis suæ licentiâ, quidlibet audendi potestatem sibi sumet. Patres verò eâ libertate, quam Bellarminus concedit, usos esse neque ipse probat, & quæ recitata sunt loca apertissimè negant.

gant. Breviter, non hic quæritur pingi- ne possint res naturales, quarum est aliqua ad supernaturales analogia, quò spectantium animi per objectas sensibus istorum symbolorum species ad ea cogitanda excitentur, ad quæ ista referuntur mysticè. Omnis in eo controversia versatur, liceat- ne Dei imaginem, vel simulacrum effingere. Cum ergò id pingi, aut effingi dicatur, cujus vel penicillo, vel cœlo similitudo fit, cum species, forma, & lineamenta, quæ sunt in ipsâ re, ea in imagine ducuntur, atque exhibentur, cumque constet nullam esse Dei speciem, nullam formam aut figuram, nulla denique lineamenta, profectò ex iis quoq; evidentissimè conficitur Deum pingi neque posse, neque adeò debere, quicquid nobis Bellarminus de suis illis historiis, atque analogiis narret. Jam videamus nùm ejus responsio melius cum auctorum dictis, quàm cum rerum ipsarum naturâ congruat. Ac primum quidem illud meritò mirandum occurrit, si veterum idem fuerit, qui istius est de hoc argumento sensus, eademque mens, cur eorum nemo quicquam umquam hujusmodi dixerit, vel scripserit? Illi, quoties hac de re sermo incidit, exsertè negant se ullam Dei imaginem, vel schema, vel figuram formare; ajunt singularis

laris cuiusdam esse amentiae, summæque impietatis, numen effingere vel figurare; Christum se, quatenus is homo fuit, repræsentare, non autem quatenus Deus; neque se ejus Patrem oculis subjicere, ac pingere. Cur nemo ex adversariis sic hodie loquitur? Quia nimirum satis intelligunt callidi homines hujusmodi orationem cum publico Ecclesiæ suæ usu, manifestissimè pugnare. Si veterum erat eadem sententia, cur ii generales illas, periculi atque offensionis plenas propositiones non restringebant, & addita aliquâ distinctione intra suos veluti terminos coercèbant? Cur non alicubi saltem moneant, eas sic esse accipiendas, quo modo Bellarminus docuit? nimirum ita ut significant Deum non quidem absolutè & simpliciter pingendum non esse, sed ea tantum ratione, si quis id facere velit ad exprimendam perfectam similitudinem formæ & naturæ ipsius; cæterum si quis Deum, ad historiam aliquam oculis exhibendam, vel ad explicandam ejus naturam analogicè, non immediatè, pingere instituat, id verò se neque impossibile, neque nefas ducere? Cur apud Patres nihil istorum omnium legitur? Tum quæ ista est quæso, quamque admirabilis interpretatio? *Nullam* (inquit Germanus)

invisibilis

invisibilis deitatis imaginem, vel similitudinem, vel schema, vel figuram formamus; id est (inquit Bellarminus) multas quidem & prope modum innumerabiles Dei imagines, & similitudines, & figuras formamus, sed nullam eo consilio, atque animo, ut eam perfectam similitudinem formæ & naturæ Dei exprimamus. O prodigiosum acumen! Jam quidem tutò jurare si libeat, poterit Bellarminus, nullam à Romanæ communionis hominibus vel fieri vel haberi Mariæ Virginis Sanctive ullius imaginem, similitudinem, vel formam; neque enim opinor, istorum imagines fiunt ad exprimendam perfectam similitudinem formæ & naturæ ipsorum. Licuit & Paganis, hac quidem cautione, vere dejerare nullum se facere Deorum immortalium simulacrum; Nam & ipsi sanè ultrò profitentur ista se nequaquam fecisse ad exprimendam perfectam similitudinem formæ, & naturæ ipsorum. Hæc suprà erat Nicænorum disertæ oratio; Christiani invisibilis, & incomprehensibilis naturæ imaginem numquam fecerunt. Si Patres isti id, quod pertendit Bellarminus, voluerunt, nullam fecisse Christianos Dei imaginem ad exprimendam perfectam naturæ divinæ similitudinem; cur hoc negato non illud alterum statim posuerunt; quamquam eam interdum ad historias si forte oculis exhibendas, vel

ad aliquid de ea analogicè significandum pingere soleant ? Atqui neque hos, neque eorum temporum quemquam huiusmodi aliquid dixisse comperimus. Nicæni verò priori illi orationis parti hanc subjiciunt: Sed secundum quod verbum caro factum est, & habitavit in nobis, ea quæ humana dispensationis ejus sunt, pingunt & imaginibus exprimunt. Quibus verbis clarissimè significant humanæ Christi naturæ fuisse apud se imagines; Verbi, quâ Verbum est, aut Spiritûs Sancti nullas fuisse. Alioqui diluta & inanis foret ea antithesis, quæ hîc instituitur inter picturas ipsas, non inter picturarum modos. Id ipsum verò clariùs etiam apparet ex eo de imaginibus libello, quæ postremo loco laudavimus. Ait enim ejus scriptor Legislatorem solius Dei imagines facere vetuisse. Amabò, iste ne existimavit Deum sub veteri Testamento concessisse quidem, ut ipsius imago pingeretur? vetuisse tantum ne ad exprimendam perfectam formæ & naturæ suæ similitudinem pingeretur? Si res ita habuit, Judæi sanè non videntur rebellionis, aut peccati fuisse damnandi, qui vitulum aureum in deserto conflaverunt; Neque enim tam stultos, aut insanos fuisse putandum est, ut illius animantis effigie perfectam divinæ formæ & naturæ similitudinem exprimere voluerint. Idem

ille scriptor *siquis Dei imaginem facere attente-averit*, eum Imperatori quem alloquitur Iconomacho *puniendum, extremisque suppliciiis afficiendum*, tradit, atque ultro concedit. Nonne homini illud it, si eum tantummodo puniendum intelligit, qui Dei imaginem, ad exprimendam perfectam formæ & naturæ divinæ similitudinem, fecerit? Nam non est credibile ulli umquam homini tam stultum, tamque prodigiosum consilium in mentem venisse. Prætereà longè aliam fuisse veterum istorum mentem clarissimè docet Nicephorus libro Historiarum xviii. quo loco Armenios reprehendit, quod ii Patris, & Spiritus Sancti imagines pingerent, idque per absurdum esse ait, *Imagines enim (inquit) corporum sunt, quæ videri & circumscribi possunt; non eorum, quæ invisibilia sunt, & intelligentia comprehendere nequeunt.* Jam cum Armenios constet minimè Anthropomorphitas fuisse, aut Deo naturam corpoream tribuisse, clarum est eos Patrem & Spiritum simpliciter repræsentare voluisse, non autem perfectam naturæ & formæ eorum similitudinem exprimere; quod consilium non cadit nisi in ejus mentem, qui sanctissimas illas personas corporeas, & divisibiles sibi fingit. Itaque cum nihil seciùs Armenios reprehendat Nice-

Niceph. Cal. l.
18. c. 53.

phorus, profectò necesse est, ut tùm ipse, tùm alii ejusdem memoriæ atque Ecclesiæ Patres simpliciter & absolutè absurdum esse putaverint Dei imaginem, vel simulacrum effingere, quocumque demum animo id fiat, siue ad exprimendam perfectam formæ & naturæ divinæ similitudinem, siue secus. Atque hæc ita se habere ipse etiam Baronius agnovit, velis certe, quisquis fuit, qui Baronianis Annalibus marginales annotationes apposuit. Is enim quo loco describuntur illa à nobis supra commemorata Gregorii II. verba, *Cur tandem Patrem Domini nostri Iesu Christi non oculis subicimus, ac pingimus?* is inquam hæc ibi in margine annotat, *Postea usu venit, ut pingatur in Ecclesia Deus Pater, & Spiritus Sanctus*, quibus verbis fatetur quæ nunc Dei ac Spiritus Sancti imagines in Ecclesiâ Romanâ habentur, atque approbantur, eas ipsas illas esse, quæ olim nullo apud eam in usu erant, quæque tum ab ipsis Pontificibus repudiabantur, ac reprobabantur. Sed neque in ipsâ Romanæ Ecclesiæ scholâ defuere, qui eam superstitionem concoquere non possent; quo in numero Tostatus fuit, celeberrimus Abulæ episcopus; *Venit (inquit) Deus non solum imaginem aliquam adorari, sed etiam se ipsum adorari in imagine; Ibidemque, In ima-*
ginibus

*Bar. ad Ann.
Chr. 726.*

*Abul. in Deut.
4. 9. 5.*

ginibus (inquit) signantibus Deum purè, scilicet Trinitatem, duo inconvenientia sequi possunt. Primum idolatria, ne etiam imago colatur. Secundum error, & hæresis, scilicet attribuere Deo corporietatem & essentialem differentiam, qualem tres illas figuras signare conspiciamus. Durandus à S. Porciano, vir maximi, & illustrissimi ingenii, vel ipso Bell. teste, in eadem quoque sententiâ fuit; Imago (inquit) aut representat Christum secundum quod homo est, aut est facta ad representandum Patrem, vel Filium quo ad deitatem, vel Spiritum Sanctum, sicut pinguntur quedam imagines, quarum una representat Deum Patrem, & alia Filium crucifixum, & tertia Spiritum Sanctum, quasi columbam, procedentem à Patre in Christum. Tùm concessio earum imaginum usu, quæ prioris sunt generis, Secundo autem modo (inquit) fatuum est imagines facere, vel eas venerari; quorsum etiam laudat supra à nobis descriptum Damasceni locum, Summi igitur furoris impietatisque fuerit figurare numen. Quin etiam exustos Ioannis xxii. iussu fuisse, tamquam hæreticos, eos qui Trinitatem pinxerant, apud Aventinum in Annalibus Boiorum legimus. Lucas verò Tudenensis in iis libris, quos contra Albigenes olim scripsit, quosque nuper à Iesuitis publicatos in ultimâ Bibliothecæ Patrum editione inserere adver-

*Durand. in 3.
sent. 8. 9. q. 2.*

*Aventin. An-
nal. Boior. l. 7.*

sariis libuit, is inquam Lucas testatur
 suis temporibus hujus generis picturas
 pro hæreticorum figmentis habitas fuisse,
 Hæretici (inquit) plerumque per pi-
 cturarum falsarum etiam novitatem plurimos
 decipere moliuntur. Depingunt enim imaginem
 deificæ Trinitatis, Patrem senem, Filium junio-
 rem, Spiritum Sanctum in columbæ specie, vel
 filio minorem, ut per hoc simplices tres Deos unius
 voluntatis credere compellantur; pravo intellectu
 seducti, ut propter hoc dicatur unus Deus, cum
 sint tres, quia unius sunt concordie voluntatis.
 Et paulò post, In Anthropomorphitarum
 namq; hæresim cadere est (inquit) eum qui incir-
 cumscriptè implet omnia, intra corporea linea-
 menta concludere. Alibi negat Trinitatis ima-
 ginem vel debere, vel posse depingi. Sed nequid
 ad summam in hoc genere superstitionem
 deesset, hæ etiam picturæ tandem in
 Ecclesiam Romanam publico usu receptæ
 sunt, atque palmariis, nobilissimisque
 ejus Doctoribus palam approbatæ, atque
 defensæ, quorum principes initio hujus
 disputationis commemoravimus.

Atque ita nisi fallor, satis demonstra-
 vimus sacrarum, quas vocant, Christi, san-
 ctorumq; imaginum venerationem, rem
 apud Christianos novam, non ab Apo-
 stolis traditam, non publicâ, aut universali
 veteris Ecclesiæ lege institutam, sensim
 irrepsisse,

*Luc. Tnd. adv.
 Albig. err. l. 2.
 s. 9. T. 4. Bibl.
 Pp. part. 2.*

Id. ibid. c. 20.

irrepſiſſe, furtivoque progreſſu paulatim ſerpentem, ac gliſcentem, cum unam erroris partem unum ſæculum admitteret, alteram ſequens decerneret, tandem in eam molem quę hodie cernitur, excreviſſe. Primis enim tribus Chriſtianismi ſæculis in ſacris Eccleſiæ ædibus nullas omnino inveniri hujusmodi formas, aut ſimilitudines, quæ Chriſti, Sanctorumve imagines rectè, ac proprie dici poſſint; Tribus verò ſequentibus ſæculis introduktas fuiſſe à Chriſtianis, ſed in eum tantum uſum, ut locis ſacris ornamento, rudibus atque imperitis inſtructioni eſſent, præteritarumque rerum memoriam conſervarent; Quæ mox ſucceſſerunt quatuor ſæculis, poſt multa, magnaque tum in Oriente, tum in Occidente certamina, tandem imaginibus tributam religioſam venerationem, hoc tamen temperamento, ut nullæ Dei picturæ fierent; donec rerum potitus Pontifex Romanus iis quæ ad patrum noſtrorum memoriam fluxerunt temporibus, cum omnia pro libidine adminiſtraret, errorem poſtremò eo, quo jam habetur, loco conſtituit. Cæterum quotquot fuere, qui in eam, quam Papa invaſit, immanem, atque immenſam poteſtatem inſurrexerunt, ejuſque communem refugere, atque adverſari

552 DE IMAGIN. LIBER IV.
aufi sunt, ii omnes hanc quoque ejus de
imaginibus doctrinam, atque usum repu-
diaverunt; quales extitere undecimo,
duodecimoque sæculo Valdenses, deci-
motertio Viclefus cum discipulis, ineunte
quinto decimo Hieronymus Pragensis,
& Hussitæ, & post annos centum Luth-
erus, Melanchthon, Zuinglius, Calvinus,
omnesque Protestantium Ecclesiæ, quos
adversarii confictis ad invidiam nomini-
bus *Lutheranos, & Calvinistas* appellare so-
lent; quantumvis ii sanctè profiteantur
non alium se fidei, atque disciplinæ suæ
auctorem, & principem agnoscere, quam
Dominum Jesum in divinis litteris lo-
quentem; cui cum Patre & Spiritu San-
cto, uni vero Deo, sit laus & gloria in sæ-
cula sæculorum, AMEN.

F I N I S.



CANDIDE LECTOR,

Æquè tuâ ac nostrâ interesse arbitramur , ut , antequam hos de Imaginibus libros perlegere aggrediaris, qua per absentiam Autoris inter excudendum errata typographica irrepperunt, & absoluto jam opere ab ipso Autore animadversa ac notata sunt , prout ea subjungimus, adhibito calamo prius corrigere , pro aq̃uitate ac candore tuo, ne graueris.

Pag.	Lin.	Errata.	Corrige.
24.	26.	motu	metu
27.	14.	vilissimæ	vilissimæ
33.	14.	amissuri	omissuri
34.	37.	applaudente	applaudente
40.	23.	differtissima	disertissima
48.	18.	hominibus	honoribus
56.	4.	Negat Christ.	Negat Celsus Christi
57.	16.	est	est
53.	27.	definiunt	definit
60.	7.	usurpatur	usurpantur
69.	26.	Leontio	Leontii
71.	24.	divinas	divinos
75.	18.	hunc	huic
79.	10.	utriusque	utrinque
87.	10.	alteram	alterum
98.	18.	nihil interf.	nihil aut parum interf.
98.	26.	tam necess.	tamque necessar.
105.	4.	eorum	earum
119.	28.	portendunt	pertendunt
121.	25.	intendictam	interdictam
122.	7.	Theorani	Theoriani
123.	19.	graviter	gnaviter
125.	25.	videat	rideat
135.	8.	rumperet	corrumperet
143.	18.	affertur	afferunt
149.	22.	adhærent	adhærerent
156.	27.	eundem	eandem
161.	9.	profuisse	præfuisse
182.	7.	conterendæ	contexendæ
184.	23.	apparet	appareret
185.	29.	ducentissimo	ducentesimo
187.	15.	isa	ista

Pag.	Lin.	Errata.	Corrige.
188.	19.	quas	quos
192.	6.	Epiphanium	Epiphanium vixit
209.	26.	accipiat	arripiat
234.	24.	ista	ita
252.	28.	hic	hinc
354.	27.	illa	ulla
256.	24.	latæ	latæ
273.	28.	adhoc	adhæc
278.	4.	pingendo	pingenda
284.	23.	Effigiem	effigiem
285.	10.	accipiunt	arripiunt
290.	9.	fi	sic
290.	21.	Amatienſis	Amasienſis
297.	19.	cæteraque	cæteræque
301.	25.	neque	nequa
304.	25.	eos	eas
308.	9.	fugillatum	fuggilatum
308.	18.	antiquis	antiquis codicibus
311.	14.	dum	dam
312.	23.	trahant	trahunt
320.	29.	Pagani	Paganos
320.	30.	proſequutas	proſequutos
324.	26.	ſancti	fanciti
334.	7.	odorari	adorari
344.	ult.	quidem	quidam
350.	15.	conſilia	conſimilia
352.	3.	poſteriorum	poſterioſem
360.	26.	Cum	Tum
364.	11.	offuciis	officiis
370.	8.	conſervatione	conſecratione
372.	13.	fuſcata	fucata
374.	8.	quo	quæ
375.	5.	Si	Sic
379.	2.	inſenſatus	inſenſatas
380.	17.	teſtatur. Henr.	teſtatur Henricus
382.	6.	de imaginibus	dele
384.	24.	more	mox
386.	20.	cupitularē	capitularē
387.	9.	Ponſicem	Pontificem
389.	12.	Conſilio	Concilio
390.	14.	eas	eos
393.	15.	ignoto	ignoro
397.	21.	vitiliganſem	vitilitiganſem
400.	1.	Bellarminus	Bellarmini
407.	10.	Parienſem	Parienſem

Pag.	Lin.	Errata.	Corrige.
411.	5.	imaginibus	transfer hanc vocem in l. 6. in- tio, ante vocem Sanctorum.
413.	25.	fidei accusant	fidei eum accusant
416.	26.	Adrianæ	Adrianæ
423.	25.	dicebat	decebat
Ibid.	29.	affirmari	affirmare
457.	4.	cum	eum
465.	2.	habet	habent
490.	25.	hanc	hunc
497.	13.	videntur	videri
503.	19.	patrîcha	patriarcha
509.	28.	factam	factum
515.	12.	dilemnate	dilemmate
535.	15.	scultilibus	sculptilibus
542.	4.	fuerit.	fuerint
551.	ult.	communem	communione
Ibid.	ult.	adversari	aversari

Pag. 248. lin. 1. 2. boni pastoris parabolam in calicibus vi-
treis depinxerunt, efficitur ab illis quoque, vel in. *deleantur ista*
frustra & ineptè repetita.

Pag. 252. lin. 1. *post Sanctorum, adde hæc perperam omissa* : vi-
rorum simulacra habuisse & coluisse Iudæos ex eo concluderet,
quod sacris Iudaici templi vasis, & instrumentis aliquæ fortè
figuræ ad ornatum insculptæ fuerint; sic etiam adversarios pessimè
colligere palam est, dum apud veteres Catholicos perinde ut nunc
Romæ Sanctorum

F I N I S.

JOANNIS DALLÆI A P O L O G I A

Pro

ECCLESIIIS REFORMATIS.

In qua demonstratur eas falsa &
inique schismatis idcirco accusari, quod
a Papæ Romani communione
secesserint.

2 A P P E N D I X.

3 *De fidei ex Scripturis demonstratione.
adversus novam methodum.*

4 Appendix ex Theodoreti Cyri
Episcopi antè annos 1200 editis
opusculis.



A M S T E L O D A M I

Apud JODOCUM JANSONIUM, 1652.

1000000

1000000

1000000

1000000

1000000

1000000

1000000

1000000

1000000

1000000

1000000

1000000

1000000

1000000

1000000

1000000

1000000

1000000

1000000

Index Capitum.

- I. *Disputationis occasio & necessitas.* p. 1.
- II. *Necessariam esse fidelium inter se unionem.* p. 2.
- III. *Licere interdum, fasque esse ab iis etiam societatibus secedere, quæ Christianum nomen usurpant ac profitentur.* p. 4.
- IV. *Non temerè, neque sponte, vel sinè summâ necessitate a Romæ communione discessisse parentes nostros.* p. 8.
- V. *Rationes nostræ a Romanâ communione discessionis, ex eo natæ, quod diversa sit utriusque partis de religione fides.* p. 12.
- VI. *Secessionem nostram, non ex privatis quorundam hominum factis, vel dictis, sed ex publicis, & communibus totius Latinorum Ecclesiæ placitis, ac ritibus exortam, adeoque a veteri Donatistarum in Africa schismate plane alienam esse.* p. 18.
- VII. *Errores duorum esse generum; alios Christianæ fidei fundamento evertere, & ad secessionem obligari: alios non item. Prioris generis esse Papales, quos rejicimus, errores; posterioris, quos in Lutheranorum fratrum sententia denotamus.* p. 25.
- VIII. *Eucharistiæ adorationem apud Romanos receptam Christianæ, ex sententia*

Index Capitem.

- noſtra , pietatis , adeoque ſalutis funda-
mentum quatitve atque ſubruere. p. 38.
- IX. Diluitur obiectio ab dogmate petita ,
quod nos in Lutheranorum fratrum ſen-
tentia ferendum eſte ducimus: oſtenditur-
que ex eo dogmate Euchariftia adoratio-
nem neque ex jure, neque de facto (ut lo-
quuntur) conſequi. p. 46.
- X. Sacramenti dignitatem minime prohibe-
re quo minus ejus adoratio grave , leiſa-
leque crimen ſit. p. 52.
- XI. Quod Latini de Euchariftia ſentiunt id
nullam vim habere , ut hoc ſacramen-
tum impune ac ſine crimine adorari
poſſit. p. 63.
- XII. Graviter eos errare, qui ſe putant ho-
ſtia Romana poſſe ea qua a Latinis
decreta ſunt, ſolemnia ſic deferre , ut eam
tamen minime adorent. p. 78.
- XIII. Qui Euchariftia ſubſtantiam vere
panem eſſe credit ; eum qua huic ſacra-
mento apud Romanos exhiberi ſolenne
eſt , præſtare non poſſe, quin perfidia, at-
que hypocrifeos manifeſtus ſit. p. 86.
- XIV. Quisquis eos ritus, cultusque uſurpa-
verit , ac faſtitarit , quos apud Romanos
hoſtiæ deferri ſolenne eſt, eum hoc ipſo te-
ſtari ac profiteri hoſtiã a ſe adorari, & pro
Deo ſuo, vero & eterna, haberi. p. 92.
- XV. Sol-

Index Capitum.

- XV. *Solvitur obiectio, quæ ex Naamanis facto adversus superiora afferri posse quibusdam videtur.* p. 103.
- XVI. *Martyrum judicium, divinamque constantiam non obscure ab iis sugillari, qui putant licere falsæ, & a conscientie nostræ sensis alienæ religionis sacra, caerimoniaeque, & ritus usurpare.* p. 113.
- XVII. *Hanc istorum in pietatis negotio simulationem esse a Domino in Scripturis damnatam.* p. 117.
- XVIII. *Illa in pietatis negotio simulatione gravissime & in Dominum Deum, & in homines, id est proximos nostros peccari.* p. 123.
- XIX. *Multa alia esse Ecclesia Romana dogmata, quæ nostræ & fidei, & salutis fundamenta convellunt, ut de imaginum veneratione, de Episcopi Romani monarchia &c.* p. 133.
- XX. *Operis conclusio. Qui de religione eadem nobiscum sentiunt, eos a Romanorum communione discedere debere; qui vero dissentiant, iis suam fidem ante constituendam ac demonstrandam esse, quam nostram ab ipsis discessionem damnandam.* p. 136.

Appendicis summa.

DE Samosatēnīanīs a cōmunionē Prote-
stantiū capite Apologia septimo ex-
clusis epistola duae.

*Adversus Episcopi Aurelianensis de Apo-
logia ejusque auctore Cleri Gallicani no-
mine querentis invektivam.* p. 172.

*De ultimō Psalmi 19 secundum Græcos, 20
secundum Hebræos versu, ejusque legi-
timō sensu epistola duae.*




Reve-

Reverendo, Clarissimoque Viro,
DAVIDI BLONDELLO,

*Fidelissimo Christi servo, sacrarum disciplina-
rum Professi apud Amstelodimenses eximio,
Fratri in Domino colendissimo*

JOANNES DALLÆUS

S. P. D.

UM hos primùm libellos
antè annos octodecì
patria linguâ vulgarem,
præstantissime Blondelle, frater
ac conserve in Dominò colendis-
sime, minimè cogitabam futu-
rum, ut quos in nostrorum ho-
minum usum scripseram, ii essent
aliquando cum exteris gentibus
communicandi. Sed tua me nunc
sententia aliud inire consilium
subigit. Nam, qui tuus est in nos,
& nostra amor, leve opusculum,
& pingui, quod ajunt, Minerva
contextum putasti etiam aliis ex-
tra nostram Galliam fratribus
nonnihil fortassis prodesse posse;
eoque flagitasti non semel, ut
communi & publica, id est Lati-

P R Æ F A T I O.

na lingua donatum iterum edere-
rem Feci, quod a nobis expetivi-
sti (quid enim tuo vel iudicio, vel
amori negarem?) & nunc novum
de veteri opus ad te mitto, Gal-
licumque mare expertus alia jam
æquora tuis iussis tentare audeo.
Libello tamen, quo tutior navi-
get, nomen ecce tuum præfigo,
toto hoc quem ingredimur, cur-
su notissimum, ac in paucis vene-
rabile. Nemo enim fere est eru-
ditorum, sacra præsertim tractan-
tium, qui vel ex ipsis tuis doctissi-
mis, laudatissimisque lucubratio-
nibus non perspexerit, vel ex fa-
ma saltem non didicerit, quanta
tua sit in omni litterarum genere
excellencia, & quam accurata
antiquitatum, maxime Ecclesia-
sticarum, notitia; quarum tu o-
mnium auctores sic trivisti, o-
mnes sinus, atque anfractus sic
explorasti, omnia sæcula, tempo-
ra, ac pæne momenta sic ad un-
guem

P R Æ F A T I O.

guem indagata calles, ut prodigii instar sit unum hominem res tam abditas eruere, tam involutas explicare. tam diversas, tamque innumerabiles animo omnes complecti, ac memoria tenere potuisse. Ad has mentis & ingenii dotes accedit humanitas singularis, & omnibus exposita ac profusa bonitas, atque facilitas, qua nos summo nostro cum fructu assidue, quamdiu licuit, uti sumus; nequid nunc dicam de pietate tua in Deum, de invicta in retinenda, ac tuenda veritate constantia. de egregiis in Ecclesiis nostras meritis. Itaque cum Gerardus Joannis Vossius, sui sæculi Polyhistor, locum, quem Amstelodami in nobilissimò, atque felicissimò illo, non rerum modò & mercium, sed artium etiam & litterarum omnium emporio, complures annos labore indefesso & magnâ gloriâ tenuerat,

P R Æ F A T I O.

rat, eum hinc a Deo in meliorem vitam evocatus vacuum reliquisset, amplissima ac sapientissima civitas meritò in te oculos coniecit; te unum ex tantâ doctissimorum virorum copiâ meritò delegit, quem ex Galliâ hac nostrâ accitum tanti, viri successoris designaret.

Odyss. 5. Καὶ σὺ λέν' ἐνθά καὶ θισας ἐπὶ θρόνῳ
ἐνθεν ἀνέστη

Ἑρμείας.

Quod & tibi & clarissimæ civitati, & universæ Dei Ecclesiæ felix faustumque sit precor. Eâ quidem spe, quod ingens nobis discedens reliquisti, tui desiderium nunc absentes lenimus, ac solamur; teque plurimum rogamus, ut tui nominis, quam deposcimus, tutelam non gravatè his nostris opusculis commodes, nosque, quod facis, ames tui observantissimos. Vale Frater ac conserve in Domino Christo colendis.

P R Æ F A T I O.

diffime; a quo tibi opto ex animo
prolixam vitam, firmam valetu-
dinem, ac securum otium, quò
spirituales illas opes, quas im-
mensis multorum annorum vi-
giliis, atque laboribus congeffi-
sti, in publicos Ecclesiæ usus pro-
mere atque explicare possis. Dat.
Lutet. Paris. a. D. 1651. d. 22. De-
cembr.

Illustrissimæ Mulieri

MARIÆ LANOVIAE


Francisci Lanovii ex Odeto Filio Nepti Pontii

Lauzerii Theminti Marchionis Franciæ

Marescalli Vxori viduæ,

JOANNES DALLÆUS

S. P. D.

UPIENTI mihi, quod
invictis rationibus in hoc
opusculo demonstratum esse
confido, id illustri aliquo exemplo con-
firmare, tu statim occurrusti, DOMI-
NA, quam Evangelicæ veritatis con-
scientia ita nuper affecit, ac permovit,
ut te neque mundi splendor & illece-
bræ tenere, neque nostri gregis squa-
lor, & humilitas deterrere potuerint,
quo minus relictis Romani Pontificis
partibus ad Christum nostrum palam
redires, & hujus spinas, ac crucem,
illius purpuræ, ac deliciis anteferres.
Tua hæc avito Lanoviorum nomine
ac sanguine plane digna virtus omni
nostra oratione luculentius ostendit,
quod nos in hoc libello probare insti-
tuimus; nempe quicumque Dei pace,
neque

P R Æ F A T I O.

neque divinæ vel gratiæ sensu, vel
gloriæ spe frui posse. Hæc enim sola
& apud eos, a quibus discessisti, desi-
derasse te, & apud nos, ad quos tran-
sisti, quævisse apparet cum cæte-
ra, id est sæculi bona, & apud illos
abundare, & nobis deesse palam sit.
Tu vero margaritam illam Evangeli-
cam, quam Deo faventē invenisti,
cum intelligeres unam plures esse,
quam omnia humana, merito statui-
sti eam tibi cæterorum vel jactura,
vel certe discrimine potius esse redi-
mendam, quam ut boni tanti posses-
sionem aliorum amor, aut cupiditas
in periculum aliquod conjiceret. San-
ctissimum ac sapientissimum conci-
lium & suscipere & exequi donavit
idem Deus, unus tuæ & lucis & vir-
tutis auctor. Itaque pulcherrimum
factum & Angeli de cælis plausum,
& fideles in terris gaudio, ac trium-
pho suo prosequuti sunt. His enim
quid in sæculi corruptissimi rubigine
lætius, & ad consolationem inter tam
multa,

P R Æ F A T I O.

*multa, quæ vel patiuntur, vel certe
 extimescunt adversa opportunius ac-
 cidere poterat, quam quod te vide-
 runt & nobilissimo loco natam, &
 pluribus, iisque eximiis tum animi,
 tum corporis, ac (ut vulgus loquitur)
 fortunæ ornamentis instructam, E-
 vangelium, cujus jam multos passim
 pudere cæpit, aperte ac libere profi-
 teri & pauperi Christi Ecclesiæ ad-
 jungi, & ad eam, sub qua milita-
 mus, crucem incunctanter advolare?
 Illi ipsi profecto, qui consilium hoc
 tuum non probarunt, tui tamen ani-
 mi magnitudinē una nobiscum admi-
 rantur. Neque enim nesciunt eximiæ
 cujusdam esse ac plane singularis for-
 titudinis opus, humanis omnibus con-
 temptis unius conscientiæ legem se-
 qui, ejusque paci ceteras vitæ ratio-
 nes post habere. Ad hanc nostrorum
 lætitiā, adversariorumque admi-
 rationem accedit insignis utilitas,
 quam utrosque ex tuo hoc exemplo
 percepturos confido. Id enim eam
 vim*

P R Æ F A T I O.

vim habet ut & nostros in suscepta religione confirmare, & exterorum in eam odia vel omnino placare, vel certe mitigare valeat. Atque hac potissimum ratione adductus fui, ut huic nostro opusculo, illustrissimum nomen tuum præscriberem, quod ejus auctoritas disputationi nostræ multum lucis, ac dignitatis additura esse videatur, lectoresque tacite adhortatura, ut cœlestia tecum missis terrenis si qui discant, & spēs eternitatis fluxis & evanides sæculi pompis tandem aliquando anteferendas putent. Te vero DOMINA, per pietatem tuam rogo atque obtestor, ut huic meo consilio faveas, neve ægre feras, quod te in hujus libelli limine salutare, ac appellare ausus sim. Hanc venam si (quod equidem spero) a bonitate tua impetravero, Dominum Deum supplex venerabor, ut Christum J E S U M) in quo uno sita est omnis nostra fœlicitas) tibi cum suis thesauris magis magisque

PRÆFATIO.

*que in dies communicare, tuæque
confessionis obsequium uberrimis u-
triusque sæculi benedictionibus nunc
& olim coronare dignetur. Vale. Dat.
Lutet. Paris. a. D. 1633. Kal. April.*



IOAN-

1

JOHANNIS DALLÆI,
A P O L O G I A

Pro
ECCLESIIS REFORMATIS.

In qua demonstratur eas falso
& iniquè schismatis idcirco
accusari, quod à Papa Roma-
ni communione secesserint.

C A P U T I.

Disputationis occasio & necessitas.

A Nimadverti nihil ferè esse in ea
quæ de religione nobis est cum
Romanæ communionis homini-
bus controversia, quod hi vel in-
cuscant gravius, vel insectentur
invidiosius, quàm quod à Pontificis sui sede,
subjectisque ipsi Ecclesiis secesserimus.
Queruntur enim, eo scissa à nobis ipsa Iesu
Christi viscera, nefarieque discerptum,
quod ille suo sanguine efformaverat, san-
ctissimum Ecclesiæ corpus; quo scelere haud
scio an vel eorum impietas major fuisse cen-
senda sit, qui Dominum in crucem agere,
ejusque latus, pedes, ac manus ferro ex se-
crabili violare ausi sunt. Ac cum cætera di-
scipline nostræ capita non aliis, quam adver-
sariis displiceant, hujus nostri consilii id fa-
tum fuit, ut etiam in multorum reprehensio-

nem incurrerit, qui nobis alioqui favere ac bene velle videntur; quales ii sunt, qui cum fidem, sensumque de ipsa religione nostrum probent, hoc tamen unum non laudant, quod ex Ecclesia (ut vocant) Romana discesserimus. Itaque quo utrisque una, eademque opera satisfiat, facturum me operæ pretium putavi, si totum hoc, cuius arcesimur, crimen paulò accuratius expendere, immeritoque ac præter rem in nos conferri demonstravero. Sic enim & qui eadem de religione nobiscum sentiunt, intelligent nihil sibi esse rationis, cur communionem vel nostram refugiant, vel adversariorum colant; & qui à nobis plane, penitusque aversi sunt, ii videbunt in disceptanda tota hac de fide controversia ipsam causæ arcem petendam esse; neque ultra in hoc invidioso quidem, sed tamen iniquo ac vano crimine frustra immorandum. Id ego argumentum hoc opusculo pertractandum sumpsi; quod si qui lecturi sunt, eos in primis rogatos velim, ut animos omnis studio vacuos, & in unum rerum ipsarum, sepositis personis, momentum intentos ad hanc disputationem afferant.

C A P. II.

Necessarium esse fidelium inter se unionem.

PRincipio igitur illud libentes confitemur, eam esse Christi Domini voluntatem, eam salutis ac incolumitatis nostræ rationem, ut omnes Christiani mutua in-
ter

ter sese communione conglutinati in unum corpus coalescant. Ac ut, in hac societate atque communione, eorum incolumitas ac foelicitas sita est, neque absque ea caritas, quæ Christianos efficit, constare potest; ita scissione ac divisione nullum esse vel malum tætrius, vel crimen gravius; quam quicumque vel moliuntur vel fovent, eos neque maledictionem à Domino non semel denunciata effugere, neque cœleste regnum non aliis, quam qui caritate, quâ isti carent, præditi sunt repositum, adire unquam, vel consequi posse. Quemadmodum enim omnis naturalium corporum integritas ac perfectio, partium, ex quibus conflata sunt, unione constat; qua semel soluta, eorum non formam tantum, ac decus, sed vim, atque vitam ipsam concidere, ac interire necesse est; ita eandem plane esse societatum rationem, quæ ex hominibus inter se certis quibusdam legibus compositæ ac coagmentatæ corpora metaphorice dicuntur ob similitudinem cum corporibus naturalibus. Harum enim vis omnis, atque excellentia, ex una membrorum, quibus constant, unione pender. Civitates quidem ac respublicas vigere, ac florere tamdiu cernimus, quamdiu civium inter se concordia manet, dilabi ac pestum ire, simulatque discordia grassari, aliorumque ab aliis animos atque studia divellere, ac in diversa trahere cœpit. Neque hoc malo ullum aliud est nocentius, aut pestilentius, quo ipsa civitatum fundamenta labefactantur, ipsique publicæ salutis atque

incolumitatis (ut sic dicam) fontes inficiuntur, ac corrumpuntur ; quo satis constat neminem in rempublicam gravius peccare, quam eum qui seditiones, ac dissidia inter cives ferit, concordiamque qua cohærent, divellere atque profligare molitur, Itaque cum Ecclesia cœlestis quædam sit, atque æterna Iesu Christi civitas, qua nulla alia umquam in terris vel oculis usurpata, vel etiam ipsa mentis cogitatione efficta, atque efformata est pulcrior, atque admirabilior ; omnino statuendum est, qui eam divulsis à communi, qua constat, societate membris labefactant ac pessumdant, eorum scelus tantum esse, ut cætera omnia mortalium peccata facile superet. Hac de re nulla nobis est cum quoquam controversia. Nihil adversarii vel tam magnifice de unionis bono, vel tam invidiose de scissionis malo dicent unquam, quod non laudare, atque approbare, & si ea sit nobis in dicendo copia, etiam augere, atque amplificare parati simus.

C A P. III.

Licere interdum, fasque esse ab iis etiam societatibus secedere, quæ Christianum nomen usurpant ac profitentur.

SEd tametsi summopere sit & exoptanda unio, & aversanda scissio ; non eo tamen efficitur, ut nunquam nobis ab ulla earum societatum secedere jus fasque sit, quæ Deum colere se profitentur. Quis hoc
in

in ea disciplina dixerit, cujus tam multa sunt in contrariam partem & præcepta & exempla ? cujus nobilissimi magistri doceant *hæreticum hominem post unam & secundam correptionem devitandum* ; non testō excipiendum, non salutatione dignandum, qui ad nos veniens doctrinam à sua alienam attulerit ? Ipsos Apostolos, ipsos quinetiam de cœlo Angelos-repudiandos, ac velut quædam anathemata, exsecrandos, si nobis euangelizaverint, præter id quod accepimus ? mature de Babylone *exeuendum*, ut ne *participes simus delictorum ejus*, neve de plagis *ejus accipiamus* ? Ipse vero etiam Dominus & Ephesios laudat, quod *Nicolaitarum facta oderint*, & Pergamenos objurgat, quod eorundem doctrinam tolerarent. Sed & notum est quanta cura, quantoque studio se suosque Ecclesia ab hæreticorum, Samozatenianorum puta, Arianorum, & aliorum ejusdem commatis, omni consortio atque communione jam inde à primis Christianissimi temporibus segregaverit. Ergo ex hac disciplina palam est, interdum non licere modo, sed etiam necesse esse à quarundam societatum communione secedere, quæ Christianismum profitentur ; culpandosque non omnes simpliciter ac in genere, qui ab aliis secesserint, sed qui temere, ac vel nulla, vel levi de causa, vel etiam injuste ac præter veras pietatis & caritatis rationes secesserint. Sed & rerum ipsarum ratio idem confirmat. Cum enim rerum unitarum salus atque conservatio verus sit unionis finis, apparet eam nonnisi cum iis, qui

Tit. 3.
10.

2. Ioan.
10.

Gal. 1. 8.

9.
Apoc.
18. 4.

Apoc. 2.
6. 15. 16.

ad hunc finem usui esse possunt, ineundam esse & colendam; & hætenus quidem, quatenus eo conducunt. Siqui ergo sint, qui honesto Christi nomine & Christi ipsius doctrinam atque auctoritatem, & nostram, quæ inde pender, salutem subruant, ac subvertant; adeo non est cum huiusmodi hominibus vel ineunda, vel fovenda religionis societas, ut plane contra ab iis secedere-necesse sit; quibus scilicet coniungi, vel adhærere nihil aliud sit quam a Christo, & a sancto ejus corpore discedere, & pro salute, æternum exitium quærere. In sæculo quidem, quoties vel civitas, vel provincia aliqua suos ad ea obstringit, quæ communis Principis & Majestatem lædunt & obsequio adversantur, ab ea se continuo dividunt quotquot sunt boni cives; & consceleratum consilia repudiant, molimina averfantur, & si vires, si copiae sint, etiam pro sua virili oppugnant. Hanc enim omnibus universi orbis partibus etiam ratione ac sensu carentibus, legem ab ipsa natura alte, penitusque infixam esse videmus, ut res unaquæque eorum, quæ sibi similia sunt, societatem vehementer appetat; quæ adversa, ac inimica sunt, eorum consortium, ac vicinitatem summa ope refugiat. Itaque & Christianæ disciplinæ, & societatum civilium, imo & naturæ ipsius leges id nobis pariter concedunt, ut ab eorum omnium communione discedamus, qui Christianismum quocumque demum nomine id fiat, labefactare ac subruere non verentur. Quid dixi eas hoc concedere?

Imo

Imo vero id exserte jubent atque imperant, & tanta quidem necessitate, ut huic officio deesse non possimus, quin & Deum gravissime offendamus, & proximis scandalum objiciamus, & nobis ipsis denique ultimam perniciem afferamus. Atque hoc cum apud omnes Christianos clarum sit, & indubitatum, tum vel maxime ab iis defenditur atque urgetur, quos in hac ipsa disputatione habemus adversarios. Nemi enim est ignotum, quanta cum severitate, atque acerbitate eorum communionem Romana Ecclesia semper fugerit, ac damnaverit, quoscumque a se dissentire in religione intelligit. Illa vero jam ab ipsis Christianismi primordiis, cum nondum exivisset alterum a nato Domino sæculum, florentissimas Asiæ Ecclesias anathemate percellendas vel una hac de causa putavit, quod Pascha paulò aliter, quam ipsa solebat, celebrarent; & postremis temporibus nostra ac parentum memoria igni ferroque persequendos, ac exscindendos instituit quicumque summæ illi, quam in rebus Christianis sibi vindicat, potestati vel leviter obloquerentur. Ac tamen de sua cum Orientalibus, Australibus, & Borealibus Christianis tum in fide, tum in cultu paritate, ac conformitate prolixè gloriatur; eorum tamen Ecclesias jampridem & quidem ante aliquot sæcula præfractè abjecit, suasque sibi res habere jussit. Quin & istorum tam tenerum est, tamque superbum in his palatum, ut quæ principes nunc apud eos sunt Monachorum familiæ, ea

ante annos quadraginta & quod excurrit, Venetorum finibus excedere, in exilium ire, eaque fana, ac delubra, in quibus & Latina quotidie fides personabat, & Latina sacra assidue fiebant, deferere maluerint, quam videri augustissimi illius Senatus consilia probare, de religione quidem eadem omnia cum Pontefice Paulo V. Sentientis; cæterum fortiter, sed tamen modeste repugnantis; ne sibi a maioribus accepta, & subditos cœrcendi, & leges ferendi potestas, insana impotentissimi hominis libidine, atque injuria eriperetur. Ergo si omnis a quavis Christianorum societate discessio crimen est; omnino necesse est istos fateri se hoc ipso crimine teneri, inique adeo facere, qui cujus se criminis reos esse intelligunt, id ipsa nobis per summam impudentiam obijcere non verentur.

C A P. I V.

Non temere, neque sponte, vel sine summa necessitate a Romæ communione discessisse parentes nostros.

SED illi fortasse causabuntur se merito, & ob rationes idoneas discessionem siquam fecerunt, fecisse. Ergo & hinc quoque in nostra hac causa exordiendum est rationesque cur ab ipsis discefferimus prius expendendæ, quam de ipsa discessione iudicium feratur. Mittamus illa invidiosa schismatis & divisionis vocabula; neque ea sane cuiquam, nisi merito, exprobremus.

Nam

Nam si nulla nobis ratio fuit, cur ab Ecclesia Romana discederemus ; Si nihil illa a nobis exegit, quod cum fide nostra, vel cum cultu Deo ex animi nostri sententia debito pugnet ; si vel levia sunt in quibus ab ea dissentimus, atque hujusmodi quæ citra conscientiæ culpam dissimulari ac tolerari potuerint ; equidem non repugnabo, quin parentes nostri vere schismatis rei censeantur, reineritatisque damnentur, eorumque omnium malorum, quæ nostram hanc a Latinis discessionem consecuta sunt, auctores habeantur. Si vero quæ ab illis exigebantur, cum ipsorum & fide & conscientia vehementer pugnabant ; si ipsi quod talia respuerent, hæreseos damnati, Christi & Ecclesiæ perduelles judicati, crudelissimeque proscripti, & unam hanc ob causam fortunis, honoribus, ipsa denique vita spoliati sunt ; quis non videt qui hæc perpeffi sunt eos communi generis humani commiseratione potius quam odio dignos esse ? & quod ab iis, a quibus hæc immania per summam injuriam perpetiebantur, discesserunt, id juste, & ex omni divino ac humano jure, legitime atque necessario fecisse ? Iam vero res ipsa clamat summam fuisse vim, quæ eas ad hanc secessionem coëgit ; & eas fuisse hujus consilii rationes, quas qui secesserunt gravissimas ; omninoque ineluctabiles ex intimo conscientiæ suæ sensu judicarent. Cui enim fiat verisimile, si aliter judicassent, id consilii capturos fuisse, a quo, si unam conscientiæ vim exceperis, cætera omnia vehementer eos deter-

rebant? Nempe quod ab Ecclesia Romana discederent, eo ipso statim quæcumque sunt apud homines gravia ac tristitia, in sua suorumquæ capita accersebant, civium odia, Principum ac Magistratuum offensam fortunarum, honorum, amicorum, patriæ jacturam. Cui discessio placeret, ei & vitæ dulcibus carendum; & acerba necessario subeunda erant; paupertas, infamia, exilia, supplicia, cæteraque ejusdem generis omnia. Quis homines crediderit neque mente captos, neque sensus communis expertes ultro ac sponte sua, nulla necessitate, sed ex sola animi libidine se suaque in tantum discrimen conjecturos fuisse? Fac eos (quod non est credibile) adeo cæcos, dementesque fuisse, ut hæc consilium illud de discessione suum consecutura non viderint; nos quidem certe qui nunc vivimus, quid fuerit judicandum ipse rerum eventus satis superque docere potuit; Neque enim nobis ignotum esse potest, quam acriter illi majorum nostrorum a Romanis sacris discessioni orbis pæne universus intercesserit; quam nihil intentatum reliquerit, seu vim, seu artem spectes, quo nostri ab hoc incœpto deterrentur, & Romanæ sedi quomodocumque reconciliarentur. Non est ergo dubitandum, quin & nos & majores nostros, ad consilium rebus, commodisque nostris evidentissime adversum compulerit potens aliqua & efficax ratio, quæ inviros ut sic dicam, subegerit & quæ natura appetimus, aspernari, & quæ iidem exhorrescimus, perferre. Quod vero non-

nonnulli objectant nos ex mera quadam protervia, animique lascivientis insania, insueta solennibus, singularia communibus antehabuisse; id inquam sic ab omni veri ratione abhorret, ut vix refutatione dignum sit. Utinam civibus nostris illæsa conscientia in hoc negotio obsequi, ac morigerari, & quæ illi de divino cultu malunt, eadem absque animarum discrimine servare nobis liceret! Scimus profecto quanti sit & eorum amor, & Principum terris cœlitus præpositorum favor. Absit, ut gratis, ac sine aliqua necessaria, & ineluctabili causa, eorum voluntati repugnemus, quorum est tanta in utramque partem potestas; maximè cum de rebus agatur, quas illi & divinas putant, & pro suo singulari in pietatis negotium affectu, summo studio, summaque cura prosequuntur. Neque vero nescimus quid hæc in religione diversitas & damni in rem Christianam intulerit, & scandali vel infidelibus, vel infirmis objecerit. Ac tamen multa de nobis secius & suspicentur, & jactent adversarii, Dei tamen gratia vere ac libere profiteri possumus nos & in Dei gloriam, & in hominum salutem sic esse animatos, ut publica illa mala, non minus, quam privata, quæ in nos ex hoc fonte redundarunt, incommoda vel persentiscamus, vel defleamus.

C A P. V.

Rationes nostra a Romana communione discessionis, ex eo nata, quod diversa sit utriusque partis de religione fides.

Quid ergo tandem est (inquis) quod vos ista, quæ ipsi consideranda atque attendenda confitemini, spernere tamen & negligere, & res rationesque vestras aliter, quam hæc suadebant, instituere coëgit? Si favorem Principum; si benevolentiam civium, si pacem & tranquillitatem tum publicam, tum vestram, si Dei gloriam, hominumque ædificationem magni facitis, verisque votis, quod profitemini, concupiscitis; & scandala ex hac vestrorum hominum discessione exorta odistis, atque exhorrescitis; cur non eo reditis, unde illi discesserunt? Roma quidem, ex qua illi exeundum sibi esse putarunt, vos enixe revocat, & ambas ulnas offert redituris; neque adeo dura est aut immitis, ut neque conditiones ullas audire, neque quicquam eorum, quibus vos maxime commoveri, ac offendi causamini, in vestri gratiam mollire, ac mitigare velit. Quid in fide, cultuque Romano usque adeo dirum & immane est, ut vetustissimis sanctissimisque majorum fanis ac delubris, solennibus populorum cœtibus, religiosisque synaxibus orbis denique totius concordia carere, & ultima quæque perferre ac perpeti malitis, quam Ecclesiæ Romanæ communicare?

re? Atqui Roma eundem illum Christum colit, quem vos vestræ religionis principem, atque auctorem jaçtatis. Christi unam personam, naturas duas confitetur; Christum æternum, Patrique & Spiritui Sancto consubstantialem Deum ante sæcula extitisse, verum inde hominem, nostrique excepto peccato, per omnia similem ex beatissimæ Virginis carne in tempore factum, vere, quem prisca oracula promiserant, Emmanuelem, docet. Christi sanguine vere in cruce fuso expiatum humani generis peccatum, Christi morte quæsitam partamque orbis salutem proficitur. Christum peracto in terris certamine, triumphata morte in cœlos evectum ad Patris dexteram in summa gloria consedis- se, indeque supremo die venturum ad judicandum orbem, beatamque post renovata sæcula ab ejus unius munere expectandam immortalitatem prædicat. Roma suos & baptismate initiari, & Eucharistia pasci & pietate adversus Deum, & caritate in homines imbui, ex Christi utique disciplina, jubet. Roma Christi Evangelia, Apostolorumque epistolas in venerando divinorum librorum censu haberi præcipit; & siquid aliud sit in Domini disciplina præcipuum atque capitale, id vobiscum suscipit, ac defendit; & quicumque vel olim vel nuper Christianæ religionis fundamenta aliqua hæresi quaterere & labefactari aggressi sunt, eorum & nomen & memoriam abominatur. Nos vero inquam, non negamus sanctissima hæc, & verissima,

fima, quæ commemorata sunt dogmata, etiam hodie confiteri Romanam Ecclesiam; Deoque Opt. Max. gratias ex animo agimus, quod ea non sit passus in tanta temporum, ac rerum confusione deleri. Sed utinam istis nihil de suo Romani adjecissent! Utinam quæ primis Christi discipulis ad salutem satis, fuerunt, ea nobis quoque satis esse vel passi fuissent, vel nunc certe paterentur! Si intra hos, ut par erat, fines steterisset Romæ fides; nulla parentibus, nulla nobis ratio futura erat, cur ab ea discederemus. Nulla mentes religio prohibitura erat, quominus ejus dogmata profiteri, sacris interesse, cultus celebrare liceret; In hac enim brevi quidem, sed tamen perfecta planeque admirabili divinæ sapientiæ regula, abunde inest quicquid ad fidem, & ad mores, pertinet; neque præter ea quicquam desideratur vel ad mentis vel ad voluntatis perfectionem, quo ad summam, quæ in Christo reposita est, felicitatem perveniamus. Sed enim quis nescit his Christianæ fidei capitibus, quæ & in Scripturis divinis clarissime atque disertissime expressa, & ab Apostolis magna ubique cum auctoritate prædicata, ac constituta, omnes omnium temporum ac locorum Ecclesiæ summo consensu admittunt, ac profitentur, multa insuper alia Romanos & adjecisse jampridem, & nunc pari omnino cum cæteris religione urgere ac commendare? dira fulmina siquis dubitaverit minari? & qui contra hiscere audeat, eos palam insectari ac oppugnare, velut

velut hostes & perduelles, omniaque & sacra & profana ad miserorum exitium moliri? Christum, inquis, Roma confite-
tur, humani generis Mediatorem, Eccle-
siæ Sacerdotem, & caput supremum. Sed
illa, inquam, præter hunc sanctos quoque
cœlites pro Mediatoribus, Presbyteros suos
pro Sacerdotibus, Papam pro Ecclesiæ ca-
pite & Sponso habet, & ab omnibus ha-
beri jubet. Præter crucis sacrificium, alta-
rium quoque suorum oblationes ac sacri-
ficia obtrudit. Præter Domini sanguinem
peccatorum expiationem Martyrum quo-
que sanguine ac perpeffionibus, & ignis
cujusdam, ut illa quidem fabulatur, sub-
terranei vi perfici docet. Præter Baptismi
lavacrum, Eucharistiæque alimentum, sui
quoque olei, balsamique unctionem, &
auricularis confessionis mysterium necessa-
rio a fidelibus expeti atque adhiberi im-
perat. Summum Deum sic adorat & pre-
catur, ut Eucharistiæ sacramentum una
quoque adorari, Angelos & sanctorum ho-
minum superstites spiritus invocari ab
omnibus velit. Cultum Euangelicum ita no-
biscum probat, ut multiplices insuper cæ-
rimonias, quorundam ciborum abstinen-
tiam, dierum ac temporum observationem,
imaginum venerationem, aliaque hujus
generis non pauca suorum conscientis im-
ponat, & pro veris Dei cultibus venditet.
Præter sacras Scripturas, quas nobiscum
censet in sacro canone, eadem quoque fi-
de ac veneratione suscipi cogit, quascum-
que ἀγράφως traditiones admisit. Præter
cœle-

cœlestis regni requiem, quam piis promittit, aliam nescioquam infantibus absque sacro baptismo mortuis in limbo vitam constituit. Denique præter paratum impiis in gehenna cruciatum, ipsos quoque pios, sive fideles, similes & congeneres pœnas in purgatorio luere affirmat. Hæc & alia ejusdem farinæ dogmata veræ, certæque antiqui Christianismi fidei ab hominibus perperam adjecta, nos Ecclesiæ Romanæ communicare, non sinunt; quæ scilicet addititia ista (ut omnes norunt) & in suis Synodis accuratissime jampridem definivit, & in scholis, ac templis diligentissime quotidie commendat, & singulis confitenda ita anxie ac morose obtrudit, ut quicumque vel omnino, vel aliqua in parte dissentiant, eos hæreticos, Christi hostes, ipsis infidelibus deteriores & sæpissime ante hac judicavit, & nunc quoque ad fastidium pronunciare, repetere, inculcare, non desinat. Quo loco hoc, quod gravissimum videtur, non pigebit annotare, ista & similia, non Ecclesiastarum modo voce ac lingua doceri, sed usu quoque, ac praxi assidua hominum mentibus sic insculpi, ac insigi, ut talium observatio Latini Christianismi dimidiam partem faciat. Cultuse enim istorum religiosus, plurimum, & magna sui parte versatur in Angelis & cœlitibus invocandis, in adorando sacramento, in venerandis imaginibus, in altaris sacrificio vel celebrando, vel participando, in confessione facienda, in aliis cærimoniis exercendis. Atque hæc quidem Romani.

Nos

Nos vero de istis longe aliter sentire, etiam pueris notum est. Una Domini Jesu oblatione, intercessione, & monarchia contenti, sacerdotum sacrificia, Sanctorum invocationem, Papæ primatum repudiamus; neque quemquam in horum titulorum societatem cum Christo admittere sustinemus, cui uni in scripturis triplex illud decus tribui scimus. Nobis unus Christi sanguis ad peccatorum purgationem satis est; quem unum cœlestes Dei tabulæ prædicant, neque uspiam docent vel Paulum, vel cæteros sanctos pro nobis crucifixos fuisse, neque eorum, qui in Domino moriuntur, animas alio, quam ad quietem transferri, vel evocari. Neque vero alia præter Baptismum ac Cœnam Domini, sacramenta desideramus; qui nunquam ex verbo Dei audivimus vel in aurem presbyteri immurmuranda fidelium peccata, vel Episcopi balsamo inungendas eorūdem frontes. Fas non putamus vel panem, quem frangimus, vel calicem, cui benedicimus, adorare; quod eum cultum Deo uni deberi apud omnes constet; neque nobis licere credimus, vel creaturas absentes religiosa prece invocare, vel ante imagines venerationis ergo procumbere; quod in scripturis hoc quidem disertissime verum, illud vero neque præceptum neque factum usquam reperiamus. Quod ex Dei verbo minime audivimus; ne in fidem quidem nostram admittere audemus; non si id Apostolus, non si de cœlo Angelus evangelizet. Cum igitur neque certorum ciborum abstinentiam, neque dierum discrimina,

mina, vel observationem temporum, vel alias hujus generis pœnè innumerabiles cærimonias, neque limbum infantium, neque purgatorium ignem usquam confirment divinæ illæ litteræ; confitemur nondum nobis persuadere potuisse hæc & alia ejusdem commatis esse creditu necessaria.

CAP. VI.

Secessionem nostram, non ex privatis quorundam hominum factis, vel dictis, sed ex publicis & communibus totius Latinorum Ecclesiæ placitis, ac ritibus exortam, adeoque à veteri Donatistarum in Africa schismate plane alienam esse.

POSSEM si libèret, alias non paucas haud leviores afferre de religione controversias. Sed hoc specimen satis demonstrat, quæ, qualesque fuerint nostræ à Latinorum communione discessionis causæ, atque rationes. Unde patet, quam inique, ne dicam stulte ac præpostere, nonnulli nostram hanc causam cum veteri Donatistarum schismate comparent. Nihil enim Catholica illa Ecclesia, à qua Donatistæ secesserunt, docebat quod ab ipsorum fide discreparet. Apud utrosque unum idemque dogma erat; iidem legebantur libri, idem observabatur cultus. Nihil Donatista apud Catholicos vel in fide, vel in disciplina offendeat, quod non jam didicisset, vel vidisset apud suos. Nobis si Latinorum

norum communionem inire placet, dogmata erunt admittenda, quæ apud scripturas nulli unquam didicimus; sacramenta suscipienda, quæ nostris ignota sunt, venerandæ erunt imagines, quas à Deo prohibitas, novimus; pro Deo adorandum quod Deum esse nescimus; pro Ecclesiæ capite & sponso colendus, is quem nudum, merumque hominem scimus; conscientia mortali-
 bus subjugandæ, uni hætenus Deo cedere ac parere ex nostra disciplina suetæ, doctæque. Quod vero Donatistæ obtendebant **Fœlicem Cæciliani** Carthaginensis Episcopi ordinatorem scripturarum traditorem olim fuisse; id si vel maxime verum fuisset (quod strenue negabant Catholici, & certis, iisque non paucis documentis viri innocentiam ab omni hoc crimine luculentissime purgabant) quis non videt ne sic quidem eorum causam quicquam cum nostra commune habituram? Id enim non dogma, sed actus quidam erat, isque non totius Ecclesiæ Africanæ communis, sed unius viri id est **Fœlicis** proprius; ut nullam hinc causam Donato extitisse planum sit, cur non modo Africanæ Ecclesiæ, sed vel ipsius etiam **Cæciliani** communionem refugeret. Fac enim **Cæciliani** ordinatorem **Fœlicem** in hoc peccatum (quod Donatus volebat) re vera incidisse; illud quidem certe constat, nunquam eum docuisse, licere homini Christiano Scripturas infidelibus tradere; sed quod rem à se admissam negabat, quod se accusatus purgabat, eo ipso clare confessum liquet, admittere eam sine crimine non posse. Itaque Do-

natistis licuit, sine ulla vel fidei, vel morum suorum labe, ei communicare quorum conscientis nullam vim afferebat, ut ex ipsius societate, aliquid secus quam eorum animus ferebat, vel credere, vel facere cogerentur. Sed, quod etiam multo incredibilius, & plane liquidoque falsum est, fingamus tamen Cæcilianum palam docuisse licere Christianis sæviante persecutione Scripturarum codices Ecclesiæ hostibus tradere; eumque viri errorem exitialem, & cum vera fide insociabilem esse concedamus; ne sic quidem quicquam causæ erat, cur Donatistæ abhorrent vel à Cæciliani successorum, vel ab aliorum Africae Episcoporum communione, qui una omnes fide, ac voce sentiebant, docebant, prædicabant hujusmodi facinus homine Christiano plane penitusque indignum esse, & quicumque ejus convicti essent eos publicæ poenitentiae ex communibus Ecclesiæ legibus severissime subiciebant. Quicquid finxeris, hoc unius Fœlicis, vel si forte etiam Cæciliani; nullius præter hos crimen fuit. Ecclesia quidem non modo à crimine, sed etiam ab omni criminis suspicionem libera & immunis fuit; ut Donati, & gregalium singularem, planeque intolerabilem pervicaciam, iniquitatem, superbiam, atque amentiam fuisse necesse sit, qui ob privatam unius hominis labem ab universa Ecclesia abhorrebant. Utinam vero vobis cum Papæ Romani societate res nunc eodem loco forent! Utinam esset universa ipsa Ecclesia à crimine immunis, totaque hæc, de qua nos conquerimur, labe in paucis

paucis ejus Pastoribus resideret ! vel ad solos eorum mores, non etiam ad fidem ipsam pertineret ! vel postremo quæ respuimus dogmata, ea non omnium, sed quorundam tantummodo essent ! Si res ita se haberent, nos apud eam etiam nunc hodie viveremus. Nunquam majores nostri ab ea discessissent ; vel si qua eos animorum inufitata, atque incredibilis perturbatio cæcos & improvidos in schisma Donatiano simile egisset ; illud quidem certe ex animi nostri sententia testamur nos eorum exemplum nequaquam secuturos, sed explorato & repudiato errore communionem Latinorum missa omni mora ac tergiversatione repetituros quamprimum fuisse. Fatemur enim extremæ esse iniquitatis, quæ hominum sunt, ea disciplinæ quam profitentur, imputare, & in religionem conferre quæ illi contra ipsas religionis leges peccant. In hujusmodi causa locum habere debet sanctissimum ac saluberrimum Domini Christi de iis qui super cathedram Moyfi sedebant decretum ; *Omnia quæcumque dixerint vobis, servate & facite ; secundum opera eorum nolite facere ; dicunt enim, & non faciunt.* Ab hujusmodi hominum culpis, pura est, & immunis Ecclesia ; quas diserte ac palam præconum suorum, imo etiam nonnunquam eorum ipsorum qui peccant, ore ac prædicatione, condemnat. Quod isti (inquit) apud me peccant, non est quod me idcirco refugiatis. Neque enim hanc mecum communicantibus legem fero, ut eorum quæ isti peccant, mei quoque, omnes necessa-

Matth.
23. 3.

rio participes sint. Ego vero meos ab hac morum cum istis societate, qua licet, absterreo. Ne ipsi quidem illi qui apud me peccant, quemquam cogunt sua delicta imitari; Aliud sæpe præcipiunt; & lingua emendant quod moribus vitiaverant; orationisque auctoritate corrigunt, quod peccatorum suorum exemplis perverterant, adversus sua ipsi venena quædam oris antidota providentes, ac ministrantes. Sed neque hæc sane nobis causæ fuerunt, cur a Romæ communione discederemus; non Fælicis alicujus lapsus, vel Cæcilianæ ordinationis vitium, non Antistitum avaritia, non Monachorum intemperies, ac labes, non ~~aulæ~~ Romunæ sordes, non summorum Pontificum mores. Hæc enim sacræ disciplinæ flagitia tametsi Roma nimium patienter ac molliter ferret, certe non præcipiebat vel laudabat palam; & sceleratos quidem ac flagitiosos indulgentius habebat, ita tamen, ut neminem sceleratum aut flagitiosum esse compelleret; neque quemquam, quod sciam, ad hoc ut communione sua frui posset, ad ea vitia, cogeret, quæ passim apud se regnabant. Apud eam licebat juste, honesteque vitam instituere; neque ita unquam grassata est impietas, ut scelera, ac flagitia publicâ legum auctoritate sancirentur. Etiam difficillimis, calamitosissimisque temporibus aliqua semper apud istos, quamquam exilis interdum, atque obscura, vox audita est, quæ mundi impietatem, peccatorumque furias damnaret, sæpeque accidit, ut quorum vita pessimis exemplis sca-

tebat,

tebat, eorum ipsorum cathedra sanis præceptis, rectisque ac probis documentis personaret. Nos vero Romæ, non exempla, sed dogmata; non propria quorundam facta, sed communia cunctorum præcepta; non singularis in paucos vel patientia, vel indulgentia, sed publicæ omnibus latæ leges; non morum denique, sed fidei labes commoverunt, & ab ejus communione discedere coëgerunt. Eucharastiæ enim adorationem, sanctorum invocationem, cultum imaginum religiosum, & cætera quæ nuper recensuimus, Romani non ut mala tolerant, sed ut recta, ac vera, laudant ac defendunt, neque velut dubia excusant, aut in medio relinquunt, sed velut certa, ac salutaria constituunt, atque præcipiunt; neque domi, & in angulis factitant, sed in publica concionum luce e sacro ipso suggestu, tamquam æterna immotaque fidei suæ capita celebrant ac prædicant; Quo constat non aliter nos posse in Romanæ Ecclesiæ communione vivere, nisi & hæc ipsa nos credere, atque suscipere profiteamur; hoc est nisi per summam, meritoque omnibus execrandam hypocrisin ea ore testemur atque agnoscamus quæ ab omni animi, cordisque nostri sensu plane abhorrent. Quod si hæc non omnis istorum Ecclesia, sed aliqui tantum apud eam Theologi sentirent; nulla sane nobis futura esset religio cum ipsa Romana societate communionem colere; Neque enim æquum est privatorum sententias universæ societati imputari; quod sæpe contingat, ut singuli multa opinentur, ac sentiant,

tiant, etiam præter ejus, apud quam aliqui vivunt, Ecclesiæ auctoritatem. Ita olim in communi Judaismi lege, sua Sadducæis, sua & Pharisæis erant privata ac propria dogmata; in quæ nemo ad hoc ut Iudæus esset, necessario jurare cogeatur. Ac ut longinqua mittam, in illa ipsa Romæ unde nos discessimus, societate, habent privatas, sui que ordinis proprias quasdam de religione sententias Dominici Monachi; habent & Franciscani suas, itidemque & suas Iesuitæ, aut Ignatiani. Si par esset eorum, quæ nos averfamur ratio; hoc est si ea unus tantum aliquis hominum ordo apud Romanam Ecclesiam affirmaret, ac defenderet; cæteris vel repudiare, vel suscipere liberum, solutumque esset; fateor, vix haberet nostra discessio, quo se tueri, ac purgare posset; quod eos a quibus discesserimus, si his legibus nobiscum agant, nihil urgere constet quod conscientiæ nostræ adverteretur. Sed palam est longe alterius esse generis totam hanc nostram causam. Quæ enim respuimus, ac repudiamus capita, ea non arcana, sed publica; non quorundam propria, sed omnium communia dogmata, sunt in Synodis generalibus communi totius Papalis orbis suffragio atque auctoritate definita; in quæ universi ac singuli, laici, clericique, monachi & sæculares, viri foeminaeque nullo discrimine jurare coguntur; decreto in eos anathemate quicumque aliter docuerint, vel senserint. Neque hoc satis fuit. Adeo sacra, sanctaque est horum apud Romam fides, ut aliter sentientes, non his

his modo Ecclesiasticis fulminibus feriat, sed etiam velut omnium bipedum scelestissimos, aqua & igni interdicat, ferro flammaque, & quacumque alia peste grassari valet, vivos mortuosque infectetur. Ex his satis apparet cum Donatitarum causa nostram nihil habere commune; quæ tota ex publicis ac universalibus Ecclesiæ Romanæ dogmatis exorta est, cum Donatistæ ab unius hominis, & quidem non confessum, neque probatum, sed obscurum & ambiguum crimen a tota Afrorum Catholicorum communione discesserint. Ac illis quidem ea, quam refugiebant, Ecclesia nihil in fide, nihil in cultu suo proponebat, quod ab ipsorum dogmate, ac religione abhorreret; Nos vero Roma, ex qua discessimus, ad ea & credenda & facienda cogit, quæ cum animorum nostrorum sensu ac sententia irreconciliabiliter pugnant.

C A P. VII.

Errores duorum esse generum; alios Christianæ fidei fundamenta evertere, & ad secessionem obligare; alios non item. Prioris generis esse Papales, quos rejicimus errores; posterioris, quos in Lutheranorum fratrum sententia denotamus.

Quid ergo? inquis. Simulatque Ecclesia aliqua dogma a fide nostra alienum publice prædicaverit, licebitne nobis ab ejus communione discedere? Qui fovendæ

publicę pacis causa etiam malos hominum mores ferri vult Dominus Iesus, est ne credibile eum nobis concedere, ut ab iis ipsis ob falsa dogmata secedamus? Fac Romam, quod vos pertenditis, aliquid iis adjecisse, quæ nobis fuerant a primis Christi discipulis tradita. Ideo ne æquum fuit tantis hæc motibus a maioribus vestris excipi? Nonne satius erat ut vitæ, sic & fidei Romanæ labes patienter a vestris tolerari? Si prius illud concordie Spiritus a vobis (ut ipsi professi estis) exigebat; quidni & hoc posterius itidem exegerit? Ego vero in primis respondeo diversissimam esse eorum rationem quæ in vita & quæ in doctrina peccantur, & horum, quam illorum longe majus esse momentum, quod Ecclesia pro fidei ac morum norma suam nobis non vitam, sed doctrinam proponat. Sed tamen secundo loco fateor non quosvis errores ejus esse momenti, ut quicumque eos docent statim sint a nobis fugiendi, neque ulla in religionis negotio communionem dignandi. Iubet enim nos Apostolus eum *assumere, qui in fide infirmus est*; Quia & ipse prævit exemplo, nonnullos summa lenitate ferens tametsi aliter in quibusdam sentientes; *Qui eumque* (inquit) *perfecti sumus hoc sentiamus; & si quid aliter sapitis, & hoc vobis Deus revelabit.* Dubitandum non est, quin error aliquis fuerit tum illa *fidei infirmitas*, tum hæc *sentendi sive sapiendi diversitas*; quam utramque tamen ferri vult Paulus. Atqui idem alibi *anathemate* eos percellit, quicumque nobis *evangelizaverint præterquam quod ipse nobis evangelizavit.*

Rom. 14.
1.

Phil. 3,
15.

zavit. Omnino ergo statuendum est qui incidunt de religione errores, eos duorum esse generum; alios quidem, qui in iis, quibuscum vivimus ac communicamus ferri possunt; alios, qui non possunt; idque discrimen ex vario ac diverso ipsorum errorum ingenio pendere. Eadem enim erroris est quæ & veritatis ratio. Iam quæcumque sunt in religione vera ea non sunt omnia unius, ejusdemque ad fidem, & salutem momenti; Quadam ita præcipua, ita absolute necessaria sunt, ut qui ea nescit, regni cœlestis hæres esse non possit; Alia utilia quidem sunt, non tamen ita necessaria ut absque eorum cognitione non possit vel Deus coli, vel salus haberi. Ergo & errorum eadem ex adverso ratio est. Alii perniciosi sunt & exitiabiles, qui cum vera pietate consistere non possunt; alii minus nocentes, qui non necessario vel a salute abducunt, vel in exitum agunt. Idque discrimen Paulus non obscure significat, quo loco postquam dixit *fundamentum neminem aliud posse ponere præter id quod positum est, quod est Christus Iesus*, subjicit *qui superædificaverint super fundamentum hoc ligna, fœnum, stipulam, eos operis quidem detrimentum passuros, quo die hominum opera probantur; cæterum salvos ipsos futuros, sic tamen quasi per ignem*; id est ægre, ac velut ex incendio quodam ereptos, ex quo nudi rebus suis igni absumptis evaserint. Unde patet quosdam errores esse, quorum ne ipsi quidem auctores salute multabuntur, nedum ut alios, qui eos ab auctoribus hauserint, perituros existimare debeamus, si modo

I. Cor. 3.
13. 15.

modo fundamentum integrum & illæsum
servarint. Neque sanè obscurum est erro-
res quosdam ita quidem comparatos esse,
ut ipsa Christianismi fundamenta appetant,
atque evertant, & in ea nos recta ducant.
quibuscum salus consistere non potest; sed
& alios quosdam esse, a quibus hæc pestis
abest. Verbi gratia, si quis sit, qui putet at-
que statuatur Solem esse adorandum, ejus
errorem ad prius illud genus pertinere cla-
rum est. Cum enim creaturarum adorato-
res, quos Scripturæ *idololatrias* vocant, a re-
gno cœlesti excludantur; constat non posse
eum salutem adipisci, qui Solem, qui mera
creatura est, adorandum definit. Ita se cæ-
teri errores habent, quicumque ex prima-
riis, necessariisque Christianæ religionis
fundamentis sive unum, sive plura quatiunt
atque subruunt. Qui vero sibi olim persua-
debant Ecclesiam post primam (ut opina-
bantur) resurrectionem aliquandiu in his
terris cum Christo mansuram; eorum pro-
fecto error neque nostræ vel in Deum pie-
tati, vel in proximum caritati, adversari vel
obesse, neque ullum ex cæteris capitibus,
quibus Evangelium, nostraque in Domino
salus continetur, recta pulsare videtur; ta-
men si is, mea quidem sententia, & cum Pau-
linis aliquot dictis pugnet, & regni Christi
ingenio parum sit consentaneus. Dici non
potest, quam utile, quamque necessarium
sit hoc inter eos errores, qui de religione
existunt, discrimen observare; ne in quo-
rundam bonorum quidem, sed tristium &
severiorum morbum incidamus, qui omnia
in

in hoc genere eodem loco ac numero habent, & quæcumque a sua de religione sententia vel minimum discedunt, ea diro anathematis fulmine inexorabiliter feriunt; neve altera ex parte in profanam eorum facilitatem delabamur, qui nullo discrimine, omnia de religione dogmata, etiam tæterrima, censentes, omnibus se se accommodant, ferunt, camelosque, quod est in Evangelio, æque cum culicibus glutiant. Nos vero si sapimus, ab omni quidem omnino errore & cavebimus ipsi diligenter, proximos, quo ad a nobis fieri poterit, vel deterrēbimus, vel liberabimus; quod nullus sit error adeo exiguus, aut levis, qui non aliqua veri vel ignorantia, vel contradictione, (hoc est aliquo malo) implicatus teneatur; humanamque adeo mentem & dedecet, & aliqua saltem labecula aspergar. Sed non ideo tamen errores promiscue eodem numero censebimus, hancque eorum distinctionem sedulo tenebimus, ut & alios aliis nocentiores ac periculosiores esse meminerimus, & ex hoc discrimine magis minusve fugiendos, atque exhorrescendos judicemus, pro ut magis, minusve noxios esse animadvertemus. Siquis sit, qui in priori errorum genere versetur, id est in iis qui Christianismi fundamenta pulsant, atque labefactant, dabimus quidem sedulo operam, omnemque & prudentiam, & diligentiam, quatenus per dona & vocationem licet, adhibebimus, ut hominem liberemus verioraque doceamus. Sed si conatus minime successerit, tum certe quod superest, nobis

nobis ipsis consulemus, & ab hominis in pestilenti atq; exitiabili errore obstinati communione discedemus. Ita a veteribus Christianis cum Paulo Samosateno Antiochiæ Episcopo primum; ita postea cum Ario presbytero Alexandrino, actum olim fuisse accepimus; quod uterque Christum verum esse & æternum Deum negantes totum Christianismum pestilenti, meritoque execranda hæresi funditus subverterent. Sin alicujus error alterius generis, atque ordinis fuerit, id est hujusmodi, quocum fidei & salutis fundamenta consistere queant; ne hunc quidem contemnemus, aut negligemus, & si eo fratrem liberare possimus, magnum operæ pretium fecisse nos reputabimus; (est enim optandum, ut fratres ab omni omnino errore sint immunes) Sin is vel ingenii tarditate, vel præjudiciis suis præpeditus verioribus assentiri nolit, non idcirco abjiciendus, vel refugiendus erit; sed leniter ferendus, quod id, in quo a nobis dissentit, hujusmodi sit, quod ipsius saluti non nocet; nedum ut nostram lædat. Ut enim in vita communi eorum societatem, atque consuetudinem vitamus, qui aliis hujus generis capitalibus, ac palmariis criminibus laborant, quod talium amicitia nostrum nomen, nostramque famam atque existimationem pollui, ac contaminari intelligamus; eorum vero nævos summa lenitate atque mansuetudine ferendos merito putamus, qui cætera probi ex humani tamen ingenii infirmitate non omnibus usquequaque vitiis carent; sic etiam in religionis nego-

negotio eorum quidem communio fugienda est; quorum errores ita sunt rætri ac immanes, ut cum pietatis Christianæ fundamentis consistere una non queant; aliorum, quorum sana est in præcipuis quibusque & ad salutem necessariis fides, retinenda, ac fovenda societas est, etiam si in cæteris quæ minus gravia, minusque momentosa sunt, ab omni se errore plane immunes præstare non potuerint. Veteres, quod eorum pace dictum sit, hoc interdum loco æquo tristiores, morosioresque fuisse videntur, qui de rebus levibus, ac per se innoxiiis non raro paratrægædiant, & qui a se, etiam de nihilo, dissentiebant, in eos non aliter sæviunt, quam si de summa Evangelii actum esset. Nonnulli ita sibi in hoc lusu indulserunt, ut nullus fere sit error, quem non in hæresim mutant; nullum peccatum, ex quo non faciunt scelus. Magna est in hoc genere Philastrii cujusdam Brixienfis, Ambrosii æqualis, importunitas. Is enim eo usque provectus est, ut qui epistolam ad Hebræos non Paulo, ut vulgo fit, sed Clementi, aut Barnabæ tribuunt, vel qui centum & quinquaginta psalmos omnes a Davide scriptos ac compositos fuisse negant, vel qui stellas globis cœlestibus infixas inhærere docent, eos omnes in hæreticorum album dirus Censor retulerit. Sed omnium qui unquam fuerunt in excommunicandis hominibus temeritatem facile ii ipsi vicerunt, qui hodie nos accusant, quod temere ab illis discesserimus. Mitto Victoris in Asiam, Stephani in Africam, aliorum urbicorum in alios, sæpe obrecu-

1. de hæ-
res. Bibl.
Patr. T.
4. Parte
1. p. 22. c.
39.

Conc.
Trid. ses.
24. can.
23. fess.
23. can.
6. fess. 21.
can. 2.

reculas exigui, ac pæne nullius in religione
momenti vel parata & expedita, vel etiam
excussa vibrataque fulmina. Si vel ultimam,
Tridenti avorum memoria habitam ab istis
Synodum perlegas, videbis nullos unquam
mortales fuisse anathematum liberaliores.
Non ut cœli, ita & istorum fulmina, ce-
dros & summos duntaxat montes feriunt.
Nullam in adversariorum agris adeo humi-
lem, aut despicabilem stirpem viderunt,
quam de suo hoc cœlo tangendam non pu-
tarint. Qui dubitant num matrimonium sit
sacramentum, num Ecclesia in consanguin-
itatis, vel affinitatis gradibus a Moyse pro-
hibitis dispensare possit, an Episcopus pre-
sbytero superior sit jure divino, qui dixe-
rint Romanam Ecclesiam non causis justis
& rationibus adductam fuisse, ut laicos at-
que etiam clericos non conficientes sub pa-
nis tantummodo specie communicaret, ii
Tridentino anathemate non minus feriun-
tur, quam si vel Christi æternam divinita-
tem, vel veram carnis resurrectionem ne-
garent; tametsi difficile sit intelligere, quid
illa, quæ tam severe sancita sunt, etiamsi
vera essent (sunt autem omnia falsissima)
ad pietatem & salutem conferant. Ego hic
non disputo quomodo cum ea lenitate, æ-
quitate, & mansuetudine, quam nobis
Christi disciplina tantopere, commendavit,
consistere possit rigida hæc & inhumana
durities, atque inclementia, quæ nunquam
flectitur, nihil suffert, nullis parcit; sua-
que illa fulmina sæpe liberaliter, in errores
omnis generis, levissimos æque ac gravissi-
mos

mos nullo discrimine profundit verius, quam mittit. Hoc unum nunc dicam, si nos istorum exemplo tueri, & ad hanc normam nostra exigere vellemus, facile futurum omnem hanc nostrorum hominum causam uno verbo expedire. Si enim matrimonium quæ sacramentum esse negat, anathema iis, qui ajunt, merito est, quæso te qui Eucharistiam panem esse ait, quo loco, quove numero eos censere debet, qui eam & panem esse negant, & ipsissimum Deum esse cœli ac terræ creatorem, affirmant, ac contendunt? Si, quod presbyterum Episcopum ex divino jure parem, atque æqualem defendo, eo commerui ut me Roma devoveret, suaque communione proscriberet; quanto illa mihi justiore ab ejus sacris abstinendi causam præbuit, quæ suum Episcopum supra Ecclesiam universam, & quicquid in terris Christianorum Regum est, efferre non dubitavit? Sed absit a nobis, ut nostram innocentiam in adversariorum criminibus collocemus. Nos vero ultro confitemur aliud esse charitatis Christianæ; aliud Latini zeli ingenium. Hic concitatus & præceps cæco impetu ruit; Illa certa ratione, actus suos regit; cuncta abunda & sollicita omnia prius tentat atque explorat, quam ad ultima hæc veniat; etiam ea interdum fert quæ non laudat; neque alios abs se vel dimittit, vel repellit, nisi quos absque manifesto pietatis & salutis discrimine tolerare non potest; Adeo vero abest ab illo Tridentinorum actu Christianos homines ob res nihili excommunicantium, ut

eam facile toleraturam putem in fidelibus de cæteris recte sentientibus illud Græcorum de Spiritus Sancti processione dogma, quod a plerisque tam vehementer exagitatum scimus. Nam tamen si errare eos concedam, dum putant Spiritum Sanctum, non a Patre Filioque (quod nos credimus) sed a Patre per Filium procedere (quod malunt Græci) fateor tamen mihi videri dictum, intellectuque difficile, quid is error pietati Christianæ detrimenti afferat. Atque huc quoque pertinet tristis illa controversia, quæ nobis cum iis fratribus est, qui Lutheri disciplinam in Germania sequuntur. Fateor equidem, quod illi fratres statuunt Domini Jesu corpus in Eucharistiæ pane realiter esse, id nos certa fide credere non magis posse, quam mentis cogitatione assequi. Sed quod dogma in hoc religionis capite neque credere, neque capere possumus, id ego nos in eorum doctrina ferre, sive tolerare, & posse & vero ex caritatis legibus debere existimo. Hæc enim, quam illi retinent, opinio, dum in his finibus consistat; neque extra eos evagetur, veneno carere videtur; quæ neque sacramenti naturam abolet; neque signum, quo id constat, tollit, neque ipsum vel adorat, vel dividit, aut mutilat, aut in sacrificium peccatorum expiatorium commutat, quæ denique & sacramento naturam, atque vim suam omnem tribuit ac relinquit, neque Christo recta, & immediate, præciseque ac formaliter (ut in scholis loquuntur) substantiam, vel proprietates suas adimit; tantum ait eum, quo nobis

nobis mortis suæ ac (ut ait Paulus) *corpus & sanguinem suum* , id est utriusque vim ac fructum , communicet , illic etiam secundum corpus modo quodam , (quod ipsi profitentur) ineffabili atque incomprehensibili præsentem adesse. Hæc sane hypothesis , quamdiu se intra has terminos continet , nihil videtur ponere aut jubere , quod vel pietati , vel caritati , Dei honori , vel hominum saluti adversetur ; eoque tolerari debet. Atque ita nostri semper de ea judicarunt ; quod etiam nuper publice testatæ sunt Ecclesiæ hujus regni Reformatæ in Synodo Nationali Carentonæ A. D. 1631. habita ; ubi decretum est fratres istos , qui *Lutherani* vulgo dicuntur , a nostra communione , mensaque sacra minime prohibendos , siqui velint accedere , etiamsi & hoc , quod commemoravimus , dogma , & pauca quædam alia minoris momenti seorsum a nobis sequantur. O lenitatem vere Christianam ! dignam profecto , quam & omnes qui hodie vivunt pii , sedulo imitentur , & qui olim vivent posteri grata recordatione , cum laude perpetuo celebrent. Hoc vero tam illustri documento nostræ Ecclesiæ quanta sua sit hac omni in causa simplicitas , atque innocentia luculentissime , ut mihi quidem videretur , comprobarunt. Nam si , quod quidam fingunt , non alio quam proterviæ , ac contumaciæ , furorisque Spiritu agimur , quid ergo est , quod aliter sentientes tanta cum lenitate ferimus ? & quidem eos , apud quos multos reperiri non nescimus qui sive quodam causæ studio abrepti , sive nonnul-

lorum calumniis decepti de nobis & pessime judicant, & contumeliosissime scribunt, ac loquuntur? Quicquid de nobis vel commentus vel suspicatus fueris, id hoc exemplum abunde refellit, docetque nullo caritatis defectu, sed gravi aliqua, planeque diversa causa factum esse, ut ab Ecclesiæ Romanæ communione discesserimus. Nam si, quæ nobis de religione sunt cum Latinis controversiæ. ejusdem essent ordinis, ac generis, cum iis, in quibus a fratribus Lutheranis dissentimus; apparet nos illis haudquaquam difficiliore futuros, quam his sumus. Quis enim crediderit qui etiam exteros ferimus, a civibus ultro fuisse discessuros? vel qui hominum solo nobis Christianismi nomine conjunctorum communionem integram, atque incolumem tueri studemus, eorum societatem sponte deserturos ac violaturos fuisse, quorum in manu opes, fortunæ, viteque ipsæ nostræ sunt? Quis denique sibi persuaserit nos adversus Principes Magistratusque nostros in quorum ditione atque imperio nati, atque educati sumus, quorumque beneficio stamus & vivimus, minus obsequentes, ac propensos futuros, quam adversus eos homines fuimus, qui nullo civili nexu nobis conjuncti a patriæ nostræ moribus, legibusque haud propius quam finibus absunt? Omni-
no horum alterum statuendum est; vel furere nos, ac mente captos desipere (quod quidem quemquam, qui sanus sit, objecturum nobis non puto) vel certe gravem aliquam, necessariamque nobis causam fuisse,
cur

cura Latinorum communione discederemus. Id vero nunc discutiendum, atque dispiciendum est, in quo sane hujus disputationis caput situm est. Nam si ea Latinorum dogmata ob quæ ab iis discessimus, ejusdem sint cum propriis Germanorum fratrum placitis naturæ, atque ingenii; si tolerabilia, atque hujusmodi sint, quæ integro ac illæso conscientiæ nostræ sensu ferre licuerit; equidem fatebor nostram hanc a Romanis discessionem, si non temerariam (apparet enim sine aliqua ratione factam non fuisse) certe iniquam ac injustam fuisse; quod nulla scilicet in hoc genere ab aliqua societate discessio iusta censenda sit, nisi quæ necessaria eadem sit. Sed nos sane in Dei summi judicis, mortaliumque omnium conspectu, ac præsentia sanctæ ac fidenter testamur, nobis ea, quæ Romani exigunt, præstare, eorumque hac in parte voluntati obsequi, ac morem gerere non aliter licere, nisi & conscientiarum nostrarum turbemus pacem, & ea disjiciamus, ac subvertamus, quæ ex animi nostri sententia vera sunt, & immota Christianismi fundamenta. Non enim de paucis rebus, sed de plurimis; non de levibus, sed de longe gravissimis, inter nos controversia est; de ipso totius Ecclesiæ capite, de fidei fundamento, de salutis æternæ causis, de divino cultu, deque legitimo ejus objecto, de statu conscientiarum in hoc sæculo, animarum in altero.

CAP. VIII.

Eucharistiæ adorationem apud Romanos receptam , Christianæ ex sententia nostra pietatis , adeoque salutis fundamentum quaterere , atque subruere.

NON est animus omnia harum controversiarum capita excutere , minutatimque expendere , quam singula vim , quod in religione momentum habeant ; quæ disputatio & destinatum huic opusculo modum excederet , & lectori fortasse tædium afferet. Eam certe causa ipsa non requirit ; quam paucis ac faciliori longe negotio defendere , atque agere licet. Nam si inter tam multa , de quibus dissentimus , vel unum sit caput huiusmodi , ut eo Christianismi fundamenta labefactari constet ; id unum , qualiacumque sint cætera , satis est ad probandam discessionis a Latinis nostræ necessitatem ; quod nemo cuiquam cum pietatis , ac salutis suæ fraude communicare debeat. Missis ergo nunc quidem cæteris , ad quorum fidem Roma nos invitos ac repugnantes compellit , unum ejus de *oblata* (ut loquuntur) *hostiæ* adoratione , longe maximi (ut mihi quidem videtur) momenti decretum consideremus ; breviterque ac perspicue demonstremus id a nobis suscepti vel admitti aliter non posse , nisi subverso pietatis ac salutis nostræ fundamento.

Principio hoc certissimum est , & communi

muni omnium piorum qui jam inde ab orbe condito ad hæc tempora extiterunt consensu receptum atque firmatum, summam illam cultus, honorisque speciem, quam vulgo *adorationem* dicimus, nulli alii deferendam esse, nisi uni Deo Opt. Max. cœli ac terrarum Creatori, nostroque per Christum Redemptori. Hoc veteris per Moysem constitutæ disciplinæ fundamentum est, hoc primum & primarium ejus legis caput, quam ipse Deus & fulminea de cœlo voce pronuntiata, & tabulis lapideis incisam, atque insculptam Israël olim tradidit; *Non habebis* (inquit) *Deos alienos coram me.* Longus sum, si ex Prophetis ea huc comportare voluero, quæcumque ad hanc de nostra in Deum religione legem vel illustrandam vel commendandam ac sanciendam apud eas leguntur. Sed & idem quoque est maximum ac præcipuum Evangelii fundamentum; Ioh. 17.
Hæc (inquit Christus) *est vita æterna, ut cognoscant te solum Deum verum & quem misisti Iesum Christum.* 3. Hæc enim Dei, Christique cognitio ipsum quoque, qui iis debetur, cultum complectitur. Iam qui ita nos docuit Deus, idem sexcentis Scripturæ locis testatur, quicumque suum hoc mandatum violaverint, se eos hostes, rebellesque, fœditi fragos, atque desertores judicaturum, pœnisque tanto scelere dignis & in hoc & in futuro sæculo inexorabiliter affeductum; quippe cui sua gloria ita cordi est, ut eam in alium impune transferri aut transcribi nunquam sit passurus. Ac quo expressius ac clarius nobis ob oculos ponat quanta sit hujus

jus criminis atrocitas, id solet eorum scelerum imagine adumbrare, quibus nihil in omni humana vita, turpius, foediusque, ac flagitiosius committi posse censetur. Nam qui sic peccant eos comparat cum perditissimis scortis, mulieribusque adulterio pollutis, & ad omnes libidinum furias, spurcitiisque, & ad ea quæ sunt in hoc genere maxime inhonesta ac infamia, projectis; ea interdum verba in hoc argumento usurpans, quæ vix absque rubore legi possunt; Sic enim voluit mentibus nostris penitus infigere quam obscœna, quam turpis, ac pudenda, quam piorum omnium honestate indigna sit hujus peccati ignominia. Sane quando ea fuit Domini bonitas, ut nos ad sui communionem vocaverit, foedusque nobiscum ita arctum ac sanctum inierit, ut se ipse maritum nostrum, nos sponsam ac conjugem suam nuncupare dignatus sit; nemo non intelligit qui cultum Deo debitum alii deferunt, eorum crimen ac scelus ejus esse geminum, quo se matrona obstringit, dum genialis thori sacrum ac inviolabile jus viro alieno prodit. Ergo ut criminum quæcumque contra conjugii foedus admitti a matrona possunt, ultimum longeque cæterorum omnium gravissimum est adulterium; ita neque nos in Dei foedus turpius aut flagitiosius peccare possumus, quam dum cultum uni ipsi debitum creaturæ alicui, quæcumque tandem illa sit, exhibemus. Ac ut adulterio conjugium ipsum solvitur; ita & Dei nobiscum foedus eorum crimine dissipari ac frangi censendum est, qui

qui creaturam adorant, idque alia etiam in hoc argumento solenni similitudine illustrari, ac probari potest. Deus Rex noster est, supremusque Dominus; nos Dei subditi ac servi sumus. Ut ergo subditus in Principem gravius peccare, aut quam ei debet fidem, atque subjectionem apertius negare, ejerareque non potest, quam si alteri alicui honorem, ac cultum, qui ei hoc nomine convenit, tribuat, atque exhibeat; ita neque Dei majestas atrocius unquam violatur, ac læditur, quam si Dei Domini-que nostri nomen, quod ejus est unius proprium, cultumque, ac honorem, tanto nomini debitum, in aliud transcribamus. Hoc Gentilium capitale crimen fuit, quo miserrupto Dei fœdere, iras primo, minasque cœlestes, omniaque hujus sæculi mala, inde æternam etiam mortem in se accersiverunt. Docet Paulus totam hanc, quantacumque est, maledictionem, inde in eos effusam profluxisse, quod *coluerint, & servierint creaturæ potius, quam Creatori*: idemque alibi expressissime negat eos *regnum Dei possessuros, qui idolis serviunt*; quo in genere omnes scriptura censet, qui creaturam quamcumque adorant. Ita & Joannes *idololatrarum partem in stagno futuram ait ardenti igne & sulphure; quod est mors secunda*. Sed nihil necesse est plura verba in eo confirmando consumere, quod nemo negat. Nam ex iis omnibus, quæ in divinis veteris ac novi fœderis libris continentur, nihil est aliud quod vel sæpius clariusque & luculentius a Spiritu Sancto confirmatum, repetitum, inculca-

Rom. x.

25.

1. Cor. 6.

10.

Apoc. 21

8.

tum fuerit, vel ab hæreticis timidius reje-
ctum & oppugnatum, vel ab omni Ecclesia
constantius, atque alacrius defensum, ac
prædicatum; a qua semper proscripti da-
mnatique sunt qui Dei cultum creaturæ ali-
cui quocumque demum nomine tribuere ac
vindicare ausi sunt. Roma ipsa, de qua que-
rimur atque exspostulamus, vix ac ne vix
quidem repugnat, quominus vera censean-
tur, quæ hæctenus constituimus. Nam
quamlibet magnos, eximiosque honores
variis creaturis deferat, nunquam tamen
negavit certam esse quandam religiosi cul-
tus speciem, unius Dei ita propriam, ut
alii quam ipsi tribui sine sacrilegio non pos-
sit. Eum cultum *latriæ* nomine vulgo vo-
cant Latinorum Theologi, ut ab ejus hono-
ris, cultusque sive gradibus, sive generibus
distinguant, quo etiam id, quod natura
Deus non est, coli sine crimine posse statu-
unt. Siquod ergo est Christianæ fidei ca-
put, quod interpretatis, salutisque nostræ
fundamenta censendum sit, negari profe-
cto non potest quia hoc ipsum imprimis, de
quo diximus, eo loco ac numero haberi de-
ceat; neque temere ullum aliud reperi-
as, quod pii omnes majori fide ac studio custo-
dire, & posthabitis omnibus, quæ sunt in
vita carissima, integrum atque inviolatum
ad ultimum usque spiritum tueri ac servare
debeant. Atqui hoc ipsum, quod tantum,
tamque sanctum ac necessarium in religio-
ne est nos Roma temerare, ac violare cogit,
ut sua communione uti ac frui liceat. Omnes
enim qui sibi in sacris communicant ipsam
illam

illam summi cultus speciem, quam *latriam* vocat, quamque unius Dei propriam atque eximiam esse confitetur, Eucharistiæ, quam nos non Deum, sed meram creaturam esse & scimus & credimus, deferre severissime atque exsertissime jubet. A nobis exigit, ut rem, quam sacram quidem, & sanctam esse confitemur, sed ita tamen ut & sensui, & rationi & scripturis divinis panem esse affirmantibus, & assentiamur & credamus, ejerata atque abdicata tantorum, tamque veracium testium fide eam & panem esse negemus, & summum Deum, cœli ac terrarum Creatorem, generisque humani Redemptorem esse sentiamus, atque profiteamur. A nobis exigit, ut huic rei omnem nostræ creationis ac redemptionis laudem, omnemque summo nostro Domino debitam gloriam tribuamus, corporaque exinde, & ipsos animos ad aras, in quibus eam ostentari cernimus, humillime prosternamus, & in vicis, ac plateis, ubi frequenter a sacerdotibus gestatur, occurrentem flexo genu adoremus, & ei consecratum solemnem diem pro Dei nostri sc̃sto quotannis celebremus; & in eos denique omnium dirissimum anathema maranatha pronunciemus, quicumque hoc suum dogma, huncque suum ritum vel refutant, vel etiam spernunt. Ego vero hoc loco vel eos ipsos, qui Romanis partibus sunt omnium addictissimi, adire tamen atque consulere, iudicesque in mea hac causa legere ac constituere non dubitabo; Vos quidem, ô boni, me jubetis Eucharistiæ sacramentum latræ cultu adorare,

Conc.
Trid.
Sess. 13.
c. 5.

rare. Ego vero me confiteor de hoc sacramento ita sentire, ac persuasum habere, ejus, quam vos dicitis substantiam, rem esse creatam, & quidem sensu, atque anima omni carentem; neque hactenus impetrare ab animo meo potuisse, ut quem panem esse & sensus mei intelligunt, & ratio mea confirmat, & Dei Scriptura testatur, ac clamat, eum ego panem esse non credam. Dicite quæso, quid me, qui sic credo atque sentio, facere deceat? An adorabo, quam creaturam meram esse non dubito? Atqui creaturam adorari vetat summus Deus; & adoranti mortis æternæ pœnam constituit. Alio me Dei, alio vestra auctoritas trahit. Ille mea quidem sententia, exserte id ipsum vetat quod vos vehementer jubetis. Quid faciam in hoc rerum articulo deprehensus? Ego vero non dubito, quin hominem de istis ita sentientem atque judicantem de suis ipsi altaribus derepturi, atque advocaturi sint: Neq; enim credo, cuiquam auctores futuri sunt, ut id ipsum adoret ac colat, cujus ullum esse numen neque vult, neq; potest confiteri. Suos certe ad colendam, adorandamque *oblatam* illam (ut loquuntur) *hostiam* non alia de causa obstringunt, quam quod eam pro ipso Iesu Christo, summo ac in sæcula benedicto Deo habent; neque eam unquam nisi hoc sibi persuasissent, vel adorarent ipsi, vel alios adorare juberent: Me ergo qui aliter judico ac sentio, eadem tamen religione defungi nefas putabunt; & si fecero, rimiditatis in pietate non ferendæ damnabunt, quem hominum metus id ipsum facere

cere subegerit, quod ex animi mei sensu nefarium, Deoque invisum esse judicabam. Neque hic mihi vestrum illud solenne occinas, falli me in eo quod de Eucharistiæ substantia sentio. Non enim nunc quæritur an Eucharistia panis vel sit, vel non sit; Alio pertinet illa disputatio. Quæritur an quis sine crimine ac sacrilegio adorare Eucharistiam possit, qui eam idem vere panem esse credit. Si non posse concesseris (ut ex his quæ nuper disputavimus omnino concedendum videtur) id ego, quod cupiebam, sum assecutus. Nempe hoc ita constituto, liquebit nos a Romanis jure merito discessisse; quod nobis Eucharistiæ, cujus substantiam panem merum esse credimus, id quod illi deferri jubent, tribuere non liceat, quin id creaturæ tribuamus, quod uni Creatori debetur. Ita concidit omnis illa de schismate invidiosa magis, quam vera criminatio. *Schisma* enim non alia discessio vocatur, quam quæ absque necessitate facta est. Atqui id, cujus gratia a vobis discessi hujusmodi cum sit, a quo me & ipse conscientiæ meæ sensus, iræque divinæ, & æternæ damnationis metus vehementer deterret, palam est me a vobis nulla animi libidine, nulloque studio, sed summa necessitate compulsum, atque coactum discessisse. Ut vobis liceat fidem, ac religionem meam reprehendere, discessionem certe ipsam culpæ vel criminari non licet. Stuporem si ita placet meum, exagitate atque irridete, qui adeo habes sum atque obtusus scilicet, ut assentiri vobis non possim definientibus

cor-

corpus, quod in cœlo versatur, mille in terra locis eodem temporis momento simul semelque adesse, vel uniuersam unius hominis molem in unius puncti spatiolum contrahi, vel non panem, sed mundi Creatorem esse, quem & sensus omnes mei renuntiant, & ratio omnis intelligit vere panem esse, cuique *panis* & nomén, & naturam non semel a Deo ipso in sacris litteris tribui reperio. Ingenii mei infœlicitati, ineruditæque mentis tarditati quantum libuerit illudite, qui vestra illa mysteria capere, vel in animum admittere non possum, illud certe reprehendere, aut damnare non debetis, quod a vobis, qui hoc sum sensu, & hac fide, discesserim. Illud mihi nunc satis est, quod demonstravi discessionem a vobis meam cum Christiana caritate minime pugnare, cujus lege nemo cogitur ea in proximorum gratiam credere, vel facere, quæ ipse & Deo ingrata, & sibi perniciosa esse intelligit, ac certo statuit.

C A P. IX.

Diluitur objectio ab dogmate petita, quod nos in Lutheranorum fratrum sententia ferendum esse ducimus: ostenditurque ex eo dogmate Eucharistia adorationem neque ex jure, neque de facto (ut loquuntur) consequi.

SEd quoniam maximum esse hujus causæ in re Christiana momentum semper existimaui, quo luculentius res explicetur, libet

ea paulo accuratius conquirere atque expendere quæcumque videri possunt aliquid ad hoc conferre, ut illa Eucharistiæ adoratio tolerabilior censeatur, quam nos revera esse demonstravimus. Primo ergo fortasse objectabunt illam adorationem nobis usque adeo duram & horrendam videri non debere; cum de Eucharistiæ sacramento quædam ab hoc dogmate non admodum abhorrentia sequantur ipsi illi fratres Lutherani, quorum communionem minime nos defugere nuper testati sumus. Illi enim, quod omnibus notum est, statuunt Domini Iesu corpus in pane sanctificato vere, atque realiter adesse. Atqui hoc semel constituto omnino consequens videtur, ut sacramentum adoretur. Itaque quod hanc opinionem ex qua sacramenti adoratio sequitur, ferendam tamen conseamus, existimabit aliquis ipsam, quæ ex ea elici, atque concludi videtur, sacramenti adorationem non ita præfracte ac rigide repudiandam esse. Ego vero respondeo vanum & inanem esse hunc omnem colorem. Maxima enim sunt, eaque evidentissima utriusque dogmatis inter se discrimina. Ego ea notabo, quæ ad rem nostram pertinent. Principio constat Lutheranos fratres, quæcumque eorum de cætero sit in toto hoc argumento sententia, illam certe Eucharistiæ adorationem ac *latriam* neque exercere ipsos, neque aliis ad se venientibus præcipere, neque denique ulla ratione approbare; quo fit, ut quæ a toto hoc cultu abhorret mea conscientia, nihil in eorum communione reperiatur, quo meri-

to hac in parte offendi, vel premi lædique possit. Apud Romanos alia omnia; qui hunc cultum velut sanctissimam Christianæ disciplinæ partem, & accurata ac pœne morosa religione exercent; & ab omnibus qui apud se versantur ac degunt, observari summo studio jubent, ac curant; tanta vi atque severitate, ut quorum animos ad hostiæ illius suæ adorationem inflectere non potuerunt, eos ipsos tamen corpora ad eam, quoties occurrit, demittere, & incurvare iis locis fere cogant, quæ ipsorum ditioni parent. Itaque vel hinc liquet quam immanis sit eorum paralogismus, qui a Lutheri de Eucharistia opinione ad Papæ Romani sententiam argumentantur, cum tam manifesta sit earum differentia; quarum altera suam conscientiæ meæ libertatem finit intactam, nullum a me sacramenti fidei meæ repugnantem cultum exigens; altera me invitum id adorare cogit, quod meram esse creaturam plane credo, atque sentio. Jam quod addunt ex Lutheranorum de sacramento dogmate legitime consequi ac concludi, ut hoc adorandum esse confiteamur; primo id nego. Nam quod Christum Dominum realiter in sacramento præsentem adesse opinantur, eo non fit, ut sacramentum Christum ipsum realiter esse statuunt. Contra nobiscum sentiunt, atque defendunt vere panem esse sacramenti hujus substantiam; idque consecratione effici ajunt, non ut panis naturâ convertatur aut immutetur, sed ut Christi caño, pane significata, adsit, & iis, qui panem sumunt, exhibeatur, atque

que communicetur. Ex his autem ita ut illi sentiunt constitutis apparet non sequi, ut ipsum adorandum sacramentum concedant. Quis enim ex eo quod omnes confitentur Deum in omnibus creatis rebus essentia sua præsentem esse, concluderit res omnes creatas esse adorandas? quis non eum qui aliquid præter ipsum Deum adorare hac de causa præsumpserit, idololatriæ reum censuerit? Spiritum Sanctum in cuiusque fidelis corpore inhabitare constat ex Paulo, qui scribit *membra nostra templum est- 1. Cor., 6.19.* *Spíritus Sancti, qui est in nobis.* Ideone adoranda fidelium corpora dixeris? Romanorum hostia est in altari; est in sacrario; est in ore, & in ventriculo eorum qui communicaverunt. An propterea concessuri sunt, ut altare, ut sacrarium, ut os, ut ventriculum fidelium adorare vel oporteat, vel liceat? Atqui ne ipsi quidem eum ferrent, qui hæc adoranda inde concluderit, quod in iis hostiam præsentem esse constet. Cum ergo ex his appareat non siquid adoratione dignum sit, eo fieri ut in quocumque id præsens fuerit, illud ipsum in quo est, adorandum quoque sit; jam omnes intelligunt Dominici corporis realem in sacramento præsentiam ita statuere ac defendere licere, ut non ideo necesse sit sacramentum ipsum adorandum concedere; imo sic, ut necesse sit non adorare. Unde postremo sequitur fratrum Lutheranorum dogma, realem Dominici in eucharistiæ sacramento corporis præsentiam simpliciter affirmantium, sacramenti ipsius adorationem non modo non

efficere atque constituere, sed etiam refutare, atque respuere. Præterea & hoc quoque secundo loco respondeo, etiamsi (quod non ita est) ex fratrum dogmate legitime ac necessario concludi posset sacramentum esse adorandum, tamen quod hanc ipsi conclusionem adeo non concedunt, ut etiam mecum oderint, atque abominentur, id mihi satis esse, quominus eorum communionem refugiam. Fieri enim potest, & vero sæpe fit, ut qui thesin aliquam vel concedit, vel etiam defendit, idem tamen ea vel neget, vel certe minime tueatur, aut agnoscat pro suis quæ ex thesi tamen consequuntur. De iis nondum fortasse cogitavit; vel si cogitavit, quid sequatur vel tarditate, vel studio, vel aliqua alia causa præpeditus non vidit. Hodie quidem omnes (quod sciam) Christianorum scholæ concedunt hominum animos mortales fore, si ex parentum substantia in liberos per traducem propagentur; quod scilicet ea in esse (ut loquuntur) suo a materia pēdere necesse esse videantur, quæcumque in fieri ab eadem pendeant. Tunc ideo putes neminem unquam esse opinatum hominis animam esse ex traduce, qui non idem mortalem quoque esse senserit? Absit, ut hoc putes. Ecce enim & Tertullianus, & alii auctores gravissimi, in quorum sententiam apertissime propendet ipse quoque Augustinus, & prius illud statuunt, & hoc posterius negant. Ita & Hilarius, qui Christum dolorem ullum in passione sensisse negavit, id quod hoc negato negandum quoque videbatur non negavit tamen, Christum

stum scilicet sua passione nos vere non redemisse. Exempla ejusdem generis complura in hanc rem colligere possem. Sed hæc duo satis sunt, ad id, quod nuper dixi, confirmandum, qui thesin tuetur non ideo statim ei imputandum quicquid ex thesi legitime concludi, atque confici potest. Fac ergo (quod non ita est) ex fratrum Germanorum dogmate sequi adorandum esse Eucharistiæ sacramentum; non ideo tamen hoc ipsis consecrarium jure & vere tribueris, quod ipsi adeo non admittunt, vel agnoscunt pro suo; ut etiam strenue id refutent ac refellant. Ac ut priorum sæculorum fideles graviter in Christianam caritatem peccassent, si Tertulliano, & Hilario tætra illa & impia, quæ utriusque memoratas a nobis sententias consequuntur, invitis licet ac reclamantibus impegissent, atque imputassent, & hoc nomine eorum communionem refugissent; ita nunc perperam, ac inique facturi viderentur, si qui Lutheranis fratribus sacramenti adorationem, quam ipsi clara voce inficiantur fortiterque ac palam abs se abdicant, tribuerent, eaque de causa ab iis secedendum putarent; etiamsi eam (quod non est) ex illorum de Eucharistia dogmate legitime confici ac concludi finxeris. De Latinis res longe aliter se habet. Illi enim non modo id, ex quo sacramenti adoratio necessario sequitur, sed ipsam illam sacramenti adorationem disertissime docent. Ac prius quidem clarum est. Nam si ejus rei, quæ *Eucharistiæ sacramentum* dicitur, natura atque substantia, non panis, (quod nos sen-

D 2

fibus,

sibus, rationi, & Scripturis credimus; sed (quod illi sciscunt ac definiunt,) ipsum Christum corpus est; cum corpus Christi omnes adorandum confiteantur, nemo non videt Eucharistiam eadem quoque ratione adorari & posse & debere. Sed de consecratione disputare supervacaneum est; Illi enim sacramenti huius adorationem usque adeo non inficiantur, aut inficiendam putant, ut nihil sit in tota eorum disciplina, quod vel apertius, atque luculentius profiteantur, vel acrius & severius præcipiant, vel denique sanctius, aut religiosius factitent, atque exerceant. Cum igitur hoc de adorando sacramento dogma ipsi quidem tum ex suæ sententiæ (ur sic dicam) *jure*, tum ex publica Ecclesiæ suæ praxi profiteantur ac defendant; fratres vero Germani neutro modo id admittant, sed diserte repudient; profecto quod horum communionem colendam, fovendamque putamus, eo minime fit, ut illos quoque, eodem loco, ac numero habere debeamus.

CAP. X.

*Sacramenti dignitatem minime prohibere
quo minus ejus adoratio grave, lethaleque
crimen sit.*

Sed utcumque ista (inquis) se habeant, durum tamen videtur, quæ nunc a Romanis Eucharistiæ defertur adoratio eam illis cultibus comparare, quos olim vel Pagani,

gani, vel prævaricantes Judæi creaturis exhibebant. Hi enim idola colebant; Eucharistia, quam adorant Romani, sanctissimum est Christi sacramentum; ut cum tantum sit inter utriusque cultus objecta discrimen, vos frustra & temere videamini homines terrere, torquentes in Romanos, quæ Scripturæ in veteres illos sive Paganos, sive Judæos passim fulminant. Absit vero a nobis hæc in Dominum nostrum contumelia, ut rem ab eo institutam Paganicis idolis, atque figmentis exæquemus, vel comparemus. Nos Dei gratia longe sanctius, ac reverentius de Eucharistia sentimus, & eam, quod re vera est, sanctissimum Dominici corporis ac sanguinis sacramentum esse docemus ac confitemur; proque sacro ac pretiosissimo quodam gratiæ divinæ instrumento habemus, quo rite legitimeque celebrato communicentur nobis omnes cœlorum thesauri, hoc est Domini caro & sanguis, peccatorum remissio, conscientiæ pax, animæ sanctificatio, & jus beatæ immortalitatis. Ac tantum ab eo absumus, ut profano ac infami *idoli* vocabulo Eucharistiam appellemus; ut ne id quidem simpliciter dicere sustineamus, quod per se tamen verum est, *nihil aliud eam esse quam merum panem*; & si quando nostrum alicui hoc excidat; id veluti de sola rei substantia ac natura intelligendum est; non autem de sacramenti virtute, atque dignitate; quo sane respectu Eucharistiam aliquid esse censemus pane longe excellentius; ut hæc nostrorum, sicubi occurrat, oratio eodem

in Bapt.
Chr.T.2.
p.803.

Id. ibid.
p.801.c.
& Orat.
Catech.
c.33.

modo dicta fuisse censeatur, quo Gregorius Nyssenus in argumento simili baptismalem *aquam* dixit *nihil aliud esse quam aquam*, το ἕδωκε ἑδεν αἷον ἱερῶν καὶ ὕδαρ nempe quod pertinet ad naturam sive substantiam nihil aliud quam aqua est; Nam quod spectat ad *gratiam*, longe aliud esse quam aquam & scripturæ docent, & credunt omnes Christiani, & ipse Nyssenus non uno in loco tradit. Nos ergo Eucharistiæ quæcumque vere sunt ejus præcipua ac decora, integra atque illibata servamus. Cæterum si Eucharistia (quod nos firmissime credimus) vere creatura est, quicquid ipsi dederis dignitatis atque excellentiæ, id te si eam adoraveris, nihil juvabit, aut ab eorum crimine, purgabit, qui res creatas adorant. Deus enim adorari vetat, non modo res vel viles, vel vanas, ut Ægyptiorum allia, & cæpe, & feles, ut multa aliorum Paganorum inania numina, quæ nunquam vel in natura, vel alibi quam in falsa, deliraque eorum imaginatione extiterant; sed in genere & absolute creaturas, quæcumque & ubicumque fuerint, sive in cœlis luceant, sive in aquis nātent, sive in aëre volitent, animata, visibilia, & invisibilia, corporea, spiritualia, sacra, profanaque omnia; ac una eademque damnatione, velut ejusdem criminis reos, iisdemque pœnis obnoxios involvit, quicumque creatum aliquid religiosa adoratione coluerint. Nam cum hujus adorationis honos symbolum sit, quo Dei Opt. Max. summam majestatem, supremumque in nos & creata omnia

omnia jus profitemur atque agnoscimus , cumque id officium intimo illi amoris atque cultui respondeat , quem casta matrona uni marito defert , ac debet ; quis non intelligit crimen esse ingens aliquid aliud præter summum illum Deum adorare , quodcumque demum id fuerit quod adoratur ? Rerum inter se differentia nullius hoc quidem loco momenti est ; quæ qualescumque de cætero sint , eo certe pares cunctæ , quod earum nulla est , quantumvis præcellens , & reliquis præstans , quæ Deus sit , cui uni cultus iste debetur ; imo a summa Dei eminentia omnes immensis infinitisque spatiis sejunctæ , ac semotæ sunt. Caroli Borbonii Cardinalis eximia dignitas , & quo Henrico nepoti gloriosissimæ memoriæ Principi proxime adhærebat consanguinitatis nexus eorum non purgat crimen , qui ipsi Regis nomen & cultum in his nostris Galliis parentum memoria detulerunt. Neque quod Regis esset patruus , eo minus noxii fuisse ; vel in Majestatem levius peccasse censendi sunt , qui in illum , summi imperii apicem ac titulum nefario scelere transtulerunt. Neque Potiphari uxorem quisquam , credo , crimine absolverit , quod is quem ardebat , Josephus , summa floreret apud ejus virum gratia , atque dignitate , princepsque ab eo esset totius familiæ constitutus. Quod nequissima mulier amorem uni marito debitum in alium transfert , eo ipso adulterii manifesta tenetur. Nihil necesse est quærere , quem amet. Satis est ad crimen , quod quem illa deperit , maritus ejus

non est. Ergo & tu quoque in diverso, quidem, sed tamen simili genere reus es, si Deus summus non est, quicquid tandem illud sit, quod latriæ cultu adoras. Nihil ad causam pertinet rei natura, vel dignitas. Unum quæritur, an quod colis id summus ille sit Deus, cui tu uni tuum cultum debes. Si non est; evadere non potes, quin maiestatem summi Domini læseris, & sanctissimi fœderis, quo te sibi tam imparem jungere dignatus erat, fidem ac sacramentum omne fregeris. Tu in Regem tuum perduellis; in sponsum tuum perfidus es. Tanti criminis, neque infamiam, neque pœnam aliter effugies, nisi culpam & veris lachrymis, & forti pœnitentia emendaveris. Sin aliter esset, absolvendi aut certe excusandi essent, qui Solem adorarunt, orbis oculum, summi Dei, cujus præcipuus, ac maxime admirabilis in tota natura minister est, non leviter adumbratam, sed quibusdam sapientiæ atque potentiæ suæ radiis clarissime expressam imaginem præ se ferentem; defendendus esset cultus, quem olim Israëlitarum æneo serpenti incensum adolentes detulerunt; quod is serpens non cassum & inane idolum esset scilicet, sed eximium divinæ in hanc gentem beneficentiæ monumentum, bonitatisque instrumentum, & quoddam gratiæ veluti sacramentum a Moyse Dei ipsius jussu quondam positum, ac institutum. Laudandæ essent Collyridianæ ab Epiphanio memoratæ mulieres, quæ Virginem Mariam adorabant, quod institutus ab iis cultus scilicet, non alicui de stramineis

neis Paganorum numinibus, sed mulieri longe omnium beatissimæ, sanctissimæ, atque excellentissimæ exhiberetur, quæ Servatoris mater, ac tabernaculum gloriæ ejus fuit, atque vas quoddam electum, varia ac multiplici gratia, & benedictione refertum. Non essent Ariani eo nomine denotandi, vel reprehendendi, quod Christo suo summum patriæ honorem tribuerent, quem nimirum ita fingeant, ut eum etiam si meram creaturam facerent, omnibus tamen quæcumque creata sunt multum præstitisse, atque excelluisse statuerent, primariumque æterni Patris ac longe nobilissimum tum in creando, tum in redimendo orbe instrumentum fuisse dicerent. Jam vero non effecit vel harum rerum dignitas, vel ea, quam ad Deum habebant, ratio, quo minus quicumque eas adorarunt, veluti creaturarum cultores, verique nominis idololatriæ damnarentur. Quis enim nescit inter nobilissimos idololatrias apud Dei Scripturas locari censerique quicumq; Solem, ac Lunam, cæteraque cœli sidera coluerunt? piisque omnis memoriæ summa semper cura divinitus vetitum esse, ne hujusmodi exempla imitarentur? Quis nescit laudatissimum Regem Ezechiam ænei serpentis cultum ita esse abominatum, ut ad eum abolendum, illud ipsum divinorum miraculorum monumentum confringere non dubitaverit, nomenque ejus immutare, ac *Nehustan* per contemptum appellare, quasi vile ac inutile ærumentum dicas? Collyridianarum vero mulierum factum tamen

Vide Job.
26. 27. 28
Deu. 4. 19
& 17. 2.
3. 2. Reg.
23. 5. 11.

2. Reg.
18. 4.

Epiph.
hæret. 79.
p. 100. c.
1061. b.

Athan.
Orat. 1.
contr.
Arian. T.
1. p. 297.
a. Orat.
3. p. 385.
c. Orat. 4.
p. 468.
Cyril. in
Ioan. 1.9
c. 41.
Thes. 1.2
c. 1.

ad honorem Mariæ Virginis pertinere videretur (cujus laus maximo semper in pretio apud Christianos fuit) adeo tamen exhorruit vetus Ecclesia, ut hoc earum institutum, αἵρεσιν εἰδωλοποιὸν & ἐπιηδύνμα εἰδωλοποιὸν, *hæresim idololatricam, & institutum cum idololatria conjunctum* vocaverit; & contra hunc errorem adhibuerit quæcumque de unius Dei adoratione in divinis litteris extant vel documenta, vel exempla. Neque quam Ariani suo Christo tribuebant dignitatem ea sanctos illius memoriæ Theologos deterruit, quominus hæreticos istos & idololatriæ accusarent, & idololatrias diserte nominarent; quod scilicet Christum, ut & alii Patres passim omni excellentiæ genere ornarent, postremo tamen meram creaturam esse contenderent; ut merito velut creaturæ adoratores traducerentur, qui quem creaturam esse fingeant, ei debitos uni Deo honores cultusq; nihilo secius deferrent. Sed quam vana frivolaque sit ista cavillatio, ex eo etiam apparet, quod optimi ac laudatissimi quique Dei servi adorationis delatum sibi cultum constantissime semper non sprevisse modo, sed etiam vehementer aversati reperiuntur. Ut enim Joseph impurissimam dominæ suæ cupiditatem exhorruit, & quæ unius mariti erant, sibi alieno prodere, ac in manus tradere molientem repulit, & cum sapientissimis monitis turpem libidinosæ mulieris ardorem restinguere non posset. etiam postremo fugit, quasi se flagitiosæ manus tactu pollui ac contaminari crederet; ita fideles Dei servi eos semper abs se acriter indi-

gnan-

gnantes rejecerunt, qui sibi deferre tentarunt cultum uni Domino suo debitum; hujusque honorē generis pro summa contumelia habuerunt. Angelo arcana sibi cœlestia revelanti cum cæco quodam animi impetu abreptus semel atque iterum Joannes adorabundus accidisset, semel atque iterum a Sancto Dei Ministro rejectus est, ne hic sibi honos exhiberetur constantissime abnuente, ac deterrente; *Vide* (inquit) *ne feceris*; *Con-* Apoc. 19
10. & 22
8.9.
servus tuus sum, & *fratrum tuorum habentium testimonium Iesu*; *Deum adora*. Ita & Centurionem Cornelium Petrus Apostolus sibi ad pedes procidentem, seque adorantem, pariter quoque repellens elevavit, & *Sur-* Act. 10.
26.
ge (inquit) & *ego ipse homo sum*. Sic Petri collega Paulus, & Barnabas, cum sibi viderent Lycaonios divinos honores parare, & quæ numinibus solebant, sacrificia offerre velle, rem adeo indignam putarunt, ut velut durum scelus averfantes, tunicas suas conscinderent, exclamantes, *Viri, quid hæc facitis*? *Et nos mortales sumus similiter vobis homines*. Neque dubitandum est, quin sibi delatosa Gentilibus cultus & Sol, & sidera, & cætera sensus atque animæ expertia pari cum dolore atque indignatione repudiatura fuerint, si hos motus eorum natura caperet. *Si Sol* (inquit Augustinus) *indignari potest, acerbius indignatur contra falso honorantem, quam contra contumeliosum*. Quod vero in Psal.
93. Præf.
contra hæc afferri posse nonnullis fortasse videbitur, Angelos interdum ab hominibus piis adoratos legi, id inquam frustra ac inutiliter objici palam est. Nam & ex ipsis
Scri-

Scripturis constat, & apud omnes Christianos confessum est, vel Angelum qui adoratus legitur, Dei unigenitum Filium fuisse, qui Patribus Angeli modo ac specie nunquam veteris testamenti temporibus apparuit, vel si is ex creatorum Angelorum ordine vere fuit, adorationem quæ illi a piis delata esse dicitur, honorem fuisse eo cultu longe inferiorem, qui Deo debetur, & vulgo a Latinis, hominibus *latræ* nomine censetur. Aliter fatendum esset a piis (quod absurdum est) violatū fuisse primum ax maximum totius legis caput; quo severissime cavetur ne cui præter unum Deum, hæc cultus species deferatur. Eadem est illorum locorum ratio, in quibus Latinus Scripturarum inter pres vetus arcam Mosai- ci fœderis vel *adorandam*, vel *adoratam*, fuisse dicit. Nam vel hæc ex Ebræorum codicum (quod a nostris factum est) ita accipienda sunt, ut simpliciter significant fideles *ad arcam adorasse*, id est ante eam prostratos Dominum Deum adorasse; ex illorum scilicet temporum disciplina, quibus Dei cultum arcæ, & locis in quibus ea erat, suo quodam modo affixum fuisse scimus; vel si ipsam etiam arcam *adoratam* fuisse placet, eo confugiendum erit, ut dicamus illam arcæ *adorationem*, quæcumque demum fuerit, honorem fuisse ea cultus specie, qui uni Deo debetur, multo inferiorem; vel erit hîc usurpanda Augustini subtilitas, qui per *scabellum pedum Dei*, quod Psaltes *adorari* apud Latinum interpretem jubet, humanam Christi naturam intelligit

Filio personaliter unitam, eoque ipso vere ac proprie adorandam: vel denique quidvis potius admittendum erit, quam ut everso omnis religionis, ac pietatis fundamento concedamus unquam summam adorationem cuiquam legitime deferri posse, nisi uni summo Deo. *Relativa vero ac mediata adoratio*, nuper a Latinis Theologis inventa quo minus ullum ad hanc disputationem momentum afferre possit, obstant tres imprimis causæ. Primo quod hæc religiosi cultus in *absolutum & relativum, in mediatum & immediatum* distinctio, merum ingeniosorum hominum commentum sit, quod rectis & probis conscientiis minime satisfacit. Nam tametsi qui legatis & signis exhibetur honos, is ad personas, quarum sunt & legati, & signa, referatur; quo fit ut & Princeps in suis legatis, & Deus in ministris ac sacramentis suis honoretur; alium tamen esse palam est honorem, qui his, alium qui illis tribuitur ac defertur. Id in vita communi obviam est. Quis enim eum ferat, qui Regis nomen magistratibus & ministris tribuat, quod illi in suis muneribus majestatem Principis repræsentent, & auctoritatem exercent? Ad principem redundat fateor, qui iis habetur honos; sed alius tamen ab eo est qui Principi ipsi defertur, ac debetur. Eadem sacramentorum, quæ in religione usurpantur, ratio est. Reverentia, qua sacrum baptismus suscipimus, Christum haud dubie & Spiritum Sanctum respicit; quod scilicet ab illo quidem vim & primam institutionem, ab

ab hoc verò omnem efficacitatem habet. Non ideo tamen quisquam vere Christianus concesserit eadem illa adoratione quæ Christo & Spiritui debetur, ipsum quoque baptisma coli debere. Ne ipsi quidem adversarii id dixerint. Sed nihil opus est distinctionem istam accuratius hoc quidem loco excutere; qua ne ipsi quidem Latini in præsentī disputatione uti solent. Eucharistiæ enim, de qua nunc quærimus, non mediatam, aut relativam, sed immediatam & absolutam deferri jubent; quæ scilicet recta in ipsam illam rem fertur atque desinit, quæ istic sub panis & vini speciebus adest; quam illi summo mentis errore realiter ac personaliter esse volunt æternum Dei Filium. Ergo etiamsi hujus distinctionis usus cultum meræ alicui creaturæ delatum purgare posset (quod tamen non concedimus) illud quidem certe constat nihil eam conferre ad molliendam, aut minuendam ejus adorationis religionem, quam isti nos sacramento suo exhibere jubent. Denique etiam si finxeris aliquem esse posse etiam in hoc negotio apud alios, puta apud adversarios, allatæ distinctionis usum, nos quidem, ut palam est, nihil juvabit, qui eam futilem atque vanam putamus, vereque idololatriæ & divinæ maledictionis reos esse arbitramur, quicumque hunc summum unique Deo debitum adorationis cultum creaturæ quolibet nomine & quacumque ratione deferunt; sive is in re adorata stet, ac (ut sic dicam) conquiescat, sive hanc transvolans, & prætergrediens ultra ad
aliam

aliam tendat, ac tandem feratur; Non aliter quam adulterii merito rea & est & censetur, quæcumque mulier alii viro, quam suo, amorem & thorum conjugalem prodit; quicquid vel de suo in hoc admittendo facinore consilio, & animo, vel de ratione, qua eo impulsæ sit, vel de cæteris actionis circumstantiis causata fuerit. Atque ita satis jam, ni fallor, demonstravimus, si Eucharistia vere (quod nobis est persuasissimum) panis est, ejus neque utilitatem atque excellentiam (quam in religione magnam esse concedimus) neque relationem ad Domini corpus & sanguinem (quam pariter quoque confitemur) eo valere posse, ut quisquam vel idololatriæ crimine purgetur, vel iis pœnis, quæ sunt idololatriæ divinitus constitutæ, liberetur, si nobiscum sentiens id huic sacramento cultus atque adorationis detulerit, quod Romani a nobis exigunt.

C A P. XI.

Quod Latini de Eucharistia sentiunt id nullam vim habere, ut hoc sacramentum impune ac sine crimine adorari possit.

Sed hic fortasse excipiet aliquis, Latinos quod adorant sacramentum, id non creaturam nobiscum, sed ipsum Christum, gloriæ Dominum, verum & æternum, ac Patri consubstantialem Deum, adeoque adora-

adoratione dignum esse sibi persuadere ; ut etiam si eorum opinioni error insit , absit tamen a cultu crimen , cum id , quod adorant , si id esset , quod ipsi putant , quin adorandum quoque sit negari non possit. At ipsi primum Latini quam nihili faciant hanc erroris in hoc argumento excusationem , satis eo demonstrant , quod statuentes (tametsi hoc quidem illi remere ac falso sumant) omnibus præteritis sæculis adoratam semper fuisse a Christianis Eucharistiam , negant *cuiquam dubium esse posse si nihil in Eucharistia præter panem sit , quin tota Ecclesia jam per quindecim annorum centenarios idololatra fuerit , ac proinde quotquot ante nos hoc sacramentum adoraverunt , omnes ad unum esse damnatos ; qui creaturam panis adoraverint Creatoris loco*. Ac merito quidem dicerent , si verum esset , quod ponunt , Ecclesiam quindecim retro sæculis Eucharistiam adorasse. Nam si religiosus cultus ex hominum de re , cui eum deferunt , opinione æstimandus est ; vix reperiēs , quem idololatriæ damnare , merito possis. Pagani quidem negabunt se , quod iis objicit Paulus , creaturam adorasse , vel iis serviisse , qui Dii natura non sunt. Afferent enim se ita sensisse , Iovem illum , cui summam adorationem detulerunt , summum Deum fuisse , universi conditorem , ac conservatorem , hominum , ac Deorum parentem , quod ejus apud Poetas nomen esse omnes sciunt ; itaque cum nemo neget his nominibus adorationem deberi , se quod Iovem adoraverint , cui hæc nomina vere convenire putaverint ,

Joa. Fischen.
Roff. I.
I. contra Oecolamp. c. 2
fol. 3. b.

Rom. I.
25. Gal.
4. 8.

verint, idololatriæ falso ac immerito accusari. Jam si Israëlitæ (quod adversariorum Theologi concedere plærique videntur) vitulum illum aureum ipsum Deum revera fuisse crediderunt, qui eos ex Ægypto eduxerat; poterant eadem illa adhibita strophæ cultum, quem ei in deserto detulerunt, omni crimine purgare, causantes; scilicet se hunc putasse Dominum suum fuisse; errorem sane fuisse, quod signum conflatile Deum esse crediderint; idololatriam non fuisse quod id, de quo ita existimarent, adoraverint. Ita & Collyridianis mulieribus a quibus adoratam fuisse B. Virginem diximus, licuit se ab Epiphaniæ, idololatriæ eas accusantis, criminatione tueri, ac purgare, si quod tradit Baronius, sanctissimam Virginem non hominem, sed numen esse putarunt. Esto enim error fuerit, quod Mariam Deam esse existimaverint; Certe quod eam de qua ita existimarent, adoraverint, si stat objecta hypothesis, culpandæ, vel idololatriæ idcirco damnandæ non videntur; quæ nihil egerint, quod non esset errori suo consentaneum, cum summum cultum nemo ei deferendum nature neget, in Psal. 93. Præf. cujus ipsæ Mariam esse opinabantur. Augustinus testatur hæreticos fuisse, qui Solem adorarent, & Iesum Christum esse dicerent. Et his licuerit eadem quoque ratione quem Soli exhibebant cultum defendere, negareque eum a se creaturæ tribui, qui scilicet hunc, cui tribuerent, Christum verum Deum esse crederent. Jam vero certissime constat & Iovi a Paganis, & vitulo

ab Israëlitis delatos honores *idololatriam*, & ipsos Paganos, atque Israelitas, *idololatrias* a Spiritu Sancto ubique censer; & exinde Collyridianarum mulierum *hæresim idololatriam*, & *institutum idololatricum* ab Epiphazio vocari; & honorem, quem Soli hæretici exhibebant, velut Creatori contumeliosum ab Augustino damnar. Itaque qui creaturis divinos cultus tribuunt, hi frustra ac nequicquam suum de eorum, quæ colunt, natura errorem excusant. Deus vanum colorem rejicit; & quidem merito. Nam si valet, nullum erit crimen tantum, quod purgari non possit; quod nullum sit scilicet omnis omnino erroris expers. Qui excusso legitimi Principis jugo Tyrannum in solum extulerint, & nefariæ conjurationi adhæserint, rebellionem sic purgabunt, ut dicant se eum, qui tyrannus est, putavisse verum ac legitimum regni dominum fuisse; itaque huic suo errori infame rebellionis nomen falso imponi. Eadem cæterorum criminum ratio erit; ex quibus nullum reperire est, cui non sit erroris aliquid admixtum. Ignorantiam fateor merito excusari; sed involuntariam, cum id, quod nescimus, hujusmodi est, quod scire & cognoscere etiam si & voluerimus vehementer, & omni adhibita cura ac industria cenati simus, non potuerimus tamen; ut si pro Principe obtrudatur is, qui Principis ita similis est, ut discerni atque internosci non possit; cives sane, qui debitum Principi honorem cultumque, huic detulerint, venia digni sunt. Ignorantia vero,

vero, quæ non a rei ipsius difficultate vel obscuritate, sed a nostra vel nequitia ac dolo, vel negligentia ac supinitate oritur, adeo crimen non elevat, aut minuit, ut etiam augeat; cum & ipsa vere crimen sit. Qualis eorum apud nos error fuit, qui civilis belli temporibus Borbonium Cardinalem pro Galliarum Rege habuerunt; quos non ipsa rerum obscuritas, sed pravum animi studium in errorem induxit, id sponte nescientes quod in clarissima veritatis luce positum ante omnium oculos versabatur; non Carolum scilicet, sed Henricum Borbonium, qui Magni cognomen postea ex rerum gestarum gloria nactus est, verum ac legitimum fuisse hujus regni hæredem, ac Dominum; ut minime possit hic istorum error efficere quominus ii ex omni humano divinoque jure gravissimi criminis, rebellionisque nomine ac pœnis dignissimi, rei censerentur, atque haberi debeant. Atqui hujus plane generis, imo etiam deterioris eorum est error, qui creatum aliquid pro Creatore habent atque adorant. Quid enim obsecro vel in Iove suo Pagani, vel in conflatili vitulo Israëliæ reperiabant, quod utrumvis suaderet summum esse cœlorum conditorem, universique orbis rectorem ac Dominum Deum? Imo vero quid in utroque occurrebat, quod non confiteretur, testaretur, atque palam (ut sic dicam) vociferaretur nihil minus istos fuisse, quam ingens illud, optimum, maximumque numen, cujus illis nomen, cultumque & insignia amentissimi homines

extrema quadam, atque incredibili vasa-
 nia perciti tribuebant? Collyridianæ vero
 mulieres quid tandem afferre, vel causari
 poterant, quominus id didicissent quod &
 recta hominum ratio, & sacra Dei Scri-
 ptura luculentissime utraque docet, Ma-
 riam scilicet non Deam, sed mulierem es-
 se? Et qui Solem adorabant; quid cau-
 sæ habuerunt cur eum Christum Dominum
 fuisse non dico crederent atque constitue-
 rent, sed vel levissime suspicarentur? Si
 unam pravitatem, insanumque studium de-
 mas nihil vel in rerum natura est, vel in
 Dei Scripturis, quod istos in errorem adeo
 absurdum ac ridiculum abducere potuerit.
 Horum itaque omnium voluntariam, &
 sponte potius quæsitam, quam ex ulla ne-
 cessitate obortam fuisse ignorantiam li-
 quet; quam scilicet non rerum obscuritas,
 sed unum hominum vitium induxit. Ex
 quo nunc videre est stulte eam ac frustra
 excusari; qua cultuum creaturis delatorum
 impietas adeo non purgatur, aut minuitur;
 ut ipse ille error, ipsaque illa rerum divina-
 rum, quæ prætexitur, ignorantia unum
 sit ex istorum criminibus, judicandum o-
 lim suprema die; cum quærat Deus cur ea
 nescierint, quæ a se tam clare, tamque
 clementer erant omnibus mortalibus ma-
 nifestata. Iam ergo, ut hæc tandem ad
 institutum nostrū referantur, si Eucharistiæ
 substantia vere est panis (quod nos ex sen-
 suum fide, ex rationis lumine, & ex Scri-
 pturæ testimonio firmissime credimus) di-
 versa Latinorum opinatio hoc sacramen-
 tum

tum, non panem, sed Dominum Christum esse putantium, non profecto efficiet, ut consentaneum errori suo deferunt cultum is non vere sit creaturæ cultus, eo loco, & ordine dignus, quo divinæ litteræ ejusdem generis cultus censere atque habere solent. Si cum degeret Christus in terris, fuisset in Iudæa iisdem temporibus aliquis vultu, & voce & omnibus lineamentis corporis, Domini Iesu simillimus, sique hunc unus forte ex discipulis nactus Iesum esse ob formæ similitudinem putans adorasset imprudens, error venia (fateor) dignus, actioque ipsa criminis expers fuisset. Vel si fingamus Latinorum *oblatam* (ut vocant) modo a Sacerdote, etiam sine intentione, missificatam adorari impune posse; certe qui aliquam adhuc a pistoris ferro calentem, necdum ab ullo sacerdote tractatam, in altari tamen positam adorarit, neque is ut videtur, jure damnari posset, veluti impii cultus reus, quia scilicet non negligentia neque pravo aliquo animi studio in hunc errorem incidisset, sed innocenter ob summam ipsarum rerum inter se se similitudinem, atque paritatem, quæ efficit ne una ab altera discerni possit. Qui vero Eucharistiam Christum esse imaginantur; eamque pro Christo habent, eorum error omnis a studio est quo tenentur ipsorum animi, non ab ulla re, quæ extra mentem sit. Quid enim est obsecro inter duo illa usque adeo simile, ut horum unum nobis alterum videri possit? Imo quid in utroque est, quod alterum ab altero non secernat, ac dividat? quod nos,

si vel leviter attendamus, non doceat, atque admoneat res esse diversissimas, totoque (quod ajunt) cœlo, a se mutuo sejunctas, ac disparatas. Eucharistia (Latinorum quidem certe, de qua quærimus) crustulum est rotundum, totum unius formæ, sensus omnis, motusque expers. Christus humano corpore præditus est, in membra distincto, sensibus instructo; & cæteris, quæ in nostra natura sunt, excellenter ornato. Eucharistia crustulum est ex farina, in eam quam videmus formam, hodie vel nudius tertius pistoris arte effectum. Christi corpus substantia est eximia, & omni creatura longe nobilior ac diviniore ex sanctissimæ Virginis carne ante annos mille & sexcentos & quod excurrit, ab ipso Dei Spiritu formata. Sacramentum manibus frangitur, dentibus conteritur, in ventriculo consumitur. Christi natura immortalis est, & gloriosa & impassibilis. Cætera mitto. Huc accedit, quod & Apostoli docuerunt, & omnes Christiani credunt atque confitentur Dominum in cœlis versari, indeque suprema mundi die venturum, Christusque ipse cavendum admonuit, ne eorum nos sermonibus decipi pateremur, siqui dicerent, *Ecce, hic Christus est, aut illic*; *Ecce in deserto est; ecce in penetralibus*; quæ vel si nihil aliud esset, satis sunt, ut eorum, qui Christum in illo crustulo inesse atque delitescere sibi fingunt, error omnis confutetur, & plane inexcusabilis fiat. Quam enim isti quærenti Christo sui in re & per se clarissima, & plurimis iisque disertissimis

Matth. 24
28, 26.

argumentis ac testimoniis confirmatissima tam crassi erroris causam, quem colorem afferre possunt? Hominibus quidem suum illud, *Hoc est corpus meum*, occinunt, seque ita satistos jactant; neque miror. Domino vero cordium scrutatori, in tanta rerum luce, non est credibile tam infirmam, tamque parum probabilem defensionem objecturos. Qui enim Paulum non semel affirmantem *Ecclesiam esse Christi corpus* audiverunt, neque sibi idcirco credendum aut statuendum putarunt *Ecclesiam transsubstantiari*; vel *creaturam esse desinere*, *Deumve fieri*; cur iis quæso ex eo, quod Eucharistia *Christi corpus* esse dicitur, argumentari licet Eucharistiam *transsubstantiari*, *Deumque summum ex pane fieri*? Si quod *Ecclesia corpus Christi* dicitur, eo tamen effici minime existimant, ut *Ecclesiæ summus latriæ cultus* deferri debeat; cur Eucharistiæ pari hanc adorationem necessario deferendam inde colligunt, quod ea itidem *corpus Christi* dicatur? Vel cur his verbis errorem de Eucharistia suum excusari, & adorationem quam ei tribuunt, purgari ac constitui volunt, qui illis negant ejus opinionem ac factum defendi posse, si quis sit qui propterea *Ecclesiam & Deum* esse putet, & latria uni Deo debita colat? Si hunc etiam si Paulus dixerit, *Ecclesia est corpus Christi*, inexcusabiliter tamen peccaturum confitentur; cur iidem quæso, se ipsos excusabiles ideo futuros putant, quod Christus de pane dixerit, *Hoc est corpus meum*? Si hujus locutionis ratio Eucharistiam adorandam esse confi-

1. Cor. 12
27. Eph.
1.23.

1. Cor.
10.4.

cit; eadem profecto conficiet petram, ex qua Moyses aquam in deserto elicit, ipsam quoque adorari debuisse, quæ teste atque auctore Paulo, *Christus fuisse* dicitur. Erunt & corpora fidelium adoranda, quæ pariter idem quoque Paulus non dubitat affirmare *membra Christi esse*. Neque si hæc valent, causâ erit cur eos hæreticos damnemus, quos tradit Augustinus *Solem adorasse*. Nempe & Solis nomen Christo itidem in sacris litteris tribui scimus. Cum ergo negent Latini, siqui ita erraverint, eos ullum habituros in his Scripturæ locutionibus sui erroris præsidium, eosdem profecto confiteri necesse, neque sibi in his, verbis, quæ Christus eodem modo locutus est, *Hoc est corpus meum*, ullam esse idoneam rationem, cur Eucharistiæ, de qua ista dicta sunt, latræ cultum putent esse tribuendum; Quod sane satis diserte consentientur nobilissimi eorum Theologi, dum scribunt Christi verba suam sententiam per se adeo non constituere, ut etiam concedant nihil prohibere, quo minus illa eo ipso, quem nos sequimur, sensu accipiantur, præter Ecclesiæ id est (ut ipsi quidem sentiunt, atque interpretantur) urbici Episcopi, & Concilii ab eo probati auctoritatem; cuius unius vi, atque imperio *transsubstantiatio*, unicum adorationis hostiæ fundamentum, ex iis verbis elicitur. Atque ex his patet præter cæcum & obstinatum Latinorum studium, nihil uspiam, vel in cœlis, vel in terris extare, nihil in hominum sensu, atque ratione, nihil in Dei litteris, atque arcanis reperiri, quod eos non

Cajer. in
3. Thom.
9.75. a. 1.

non dico cogere, sed vel leviter impellere aut commovere debuerit, ut Eucharistiam quod omnis rerum natura confitetur ac docet, panem vere esse vel negarent, vel dubitarent; quo fit, ut quæ hic ab illis suæ culpæ, prætexitur veri ignoratio ea omnis voluntaria, ac sponte quæsitæ sit; omninoque hujusmodi, quam excusare non licet ad purgandum eum cultum, quæ Eucharistiæ nulla plane alia de causâ tribuere deprehenduntur, quam quod ipsis ita de ea sentire atque existimare libuit. Neque hoc omiserim, hujus generis excusationem nulli minus, quam huic loco convenire; quo de summa adoratione summoque cultu quæritur, id est eo actu quo nullus alius est in omni religione sanctior, aut magis eximius, atque singularis; quemque adeo nulli unquam deferre vel decet, vel licet, nisi ei uni quem certissime sciamus Deum ac Salvatorem nostrum esse. Non satis est id suspicari. Res certo tenenda est. Ut matrona non alium in conjugalem thorum admittit, quam quem conjugem suum esse certissime novit; Si de quo dubitat, eum nihilominus admiserit, liquet, temerariæ fidei ream esse; Ita & nostra hic cum Deo ratio est. In summi cultus consortium nemo admittendus est, nisi quem nobis Deum vere esse constiterit. Atque hic non possum non laudare veteris cujusdam Monachi Ægyptii judicium, qui cum quædam veluti Christi species se ei offerret, atque objiceret intuendam, adeo eam non adoravit, ut ne aspicere quidem voluerit, sed

Apoph-
thegmi
mon.

Ægypt.

I. 15. c. 7.

T. 9. Bibl.

Patr. p.

286.

Ibid. c. 71

Ibid. c. 69

clausis statim oculis, *Ego hic* (inquit) *Christum nolo videre, sed in illa vita*; ac si diceret Christum quamdiu in terris sumus, satis esse si spe ac fide amplectamur; non alibi quam in cœlis beatissimo ejus aspectu divinaque præsentia fruituri. Quid? non est veritus, ne Dominus, si is forte vere esset, hanc repulsam ad injuriam suam pertinere censeret? Nam probabile est, qui ei apparebat, Spiritum, Christi formam, ac lumen, orationemque sic imitatum esse, ut facile Christus ipse videri posset. Sed ille nihil istorum metuit; qui Christum probe nosse intelligeret hanc suam repulsam, non ab aliquo in ipsum vel odio vel contemptu, sed a justissimo metu proficisci, ne quod ejus unius esse sciebat, quodque ei uni integrum atque inviolatum servare cupiebat, id alii alicui imprudens tribueret; quod animi nostri consilium atque studium non potest Domino Christo non esse gratissimum. Eodem pertinet alterius de eodem genere Anachoretæ sapiens dictum, qui dæmonibus an Christum videre vellet rogantibus, *Vobis quidem* (inquit) *anathema, & ei de quo dicitis. Ego vero meo Christo credo, dicenti, si quis vobis dixerit, Ecce hic Christus, aut ecce illic, nolite credere.* Neque ab hac cautione alienum est, quod iidem Ægyptii anachoretæ dixisse memorantur, *Vel si pro veritate, Angelus tibi appareat, non suscipias facile, sed humilia temetipsum dicens, Non sum dignus Angelum videre vivens in peccatis.* Ergo si vel aliqua esset ratio credendi Christum adesse præsentem inhibendus tamen animus, neque

que ei legitima adoratio ante deferenda esset quam plane penitusque essemus de eo certi; quod hic longe sanctissimus atque religiosissimus cultus nulli temere unquam exhibendus est; & qui temere eum cuiquam defert, is gravissime peccat, seque parum reverenter religionem habere testatur. Atqui nihil adversariis in omni hoc negotio vel offertur, vel occurrit, quod non apertissime doceat Eucharistiam, non universi Dominum, sed panem esse. Ergo quod ipsis de eucharistiæ natura imaginari libuit, id multo etiam minus eo valet, ut cultus, qui hoc nomine sacramento tribuitur, ulla ratione constitui, aut excusari possit. Sed & aliud est quod secundo loco respondeo; nempe Romanorum de Eucharistiæ natura opinionem, etiam si (quod non est) aliquam vim haberet ad eum cultum, qui ipsi ab illis tribuitur, vel defendendum, vel certe excusandum, in hac tamen disputatione frustra, atque inutiliter afferri; in qua, non de Romanis qui Eucharistiam ipsum Dei Filium realiter ac personaliter esse credere se profitentur, sed de nobis quæritur, qui sacramenti hujus substantiam vere panem esse, certissime, constantissimeque & credimus Dei gratia, & confitemur. Neque sane est cur ea de re dubitemus, quam & sensus demonstrant, & ratio persuadet atque confirmat, & Scriptura postremo docet; qui tres omnino sunt certissimi, atque probatissimi, omniumque de quibuscumque scire, & cognoscere possumus, fontes. Horum trium, si vox & testimonium spernitur, nihil supererit in rebus,

bus, de quo certum aliquid sentire aut affirmare queamus. Cum hæc itaque de Eucharistiæ natura fides atque sententia mentibus nostris penitus infederit; palam est nos quidem eam adorare non posse, quin quæcumque Dei præcepta de non adorandis creaturis extant, ea omnia turpiter violemus, mortesque & maledictiones incurramus, quascumque creaturarum cultoribus in omnibus Scripturis constitutas, gravissimisque atque atrocissimis verbis sancitas scimus. Aliorum conscientias nunc mitto; neque enim in eo sum, ut de eorum factis sententiam feram; quos olim Deus iudicaturus est; & quæ modo diximus satis sunt, ut illi intelligant esse, quod de his serio tandem aliquando cogitent. De me loquor; qui quam meram creaturam esse certissime credo eucharistiam, eam sane hac fide & conscientia adorare non possum quin simul & Dei leges proculcem, & pietatis fundamenta evertam. Ac etiamsi res per se aliter haberet, quam fert fides mea (quamquam hæc quidem tot, tantisque & humanis & divinis firmamentis nixa, vana esse non potest) etiamsi eucharistia (quod non est) Christus Dominus realiter esset; constat tamen si eam hoc, quo sum animo, ac sensu, adorarem, meum omnem illum cultum impium, atque idololatricum futurum; qui scilicet non Deo, cui uni debetur, sed creature delatus esset, in Dei locum errore mentis meæ translata, atque substituta. Itaque Arianos vetus Ecclesia idololatriæ constanter accusavit, & cultum quem

quem illi suo Christo divinum tribuebant, *idololatriam* & censuit, & vocavit, & quidem merito. Nam tamen & ipse Christus Deus, æternus, Patri consubstantialis, mundi conditor, Ecclesiæque Redemptor, vere sit; & cultus, quem qui hac fide sunt, ei istis nominibus deferunt, verus quoque sit, ac legitimus, in divinis Scripturis, non (quod absit) vetitus, aut improbat, sed jussus, ac luculentissimis verbis præceptus, atque commendatus; tamen qui Christum meram creaturam vel ante, vel post constitutum mundum, ex nihilo, perinde ac cætera, a Patre conditam, pestilenti mentis errore putant, ii quoties huic summam adorationem exhibent, toties, ut liquet, ea creaturæ tribuunt, quæ sunt unius Dei propria. Nempe divinum illum cultum; non Iesu nostro, vero ac æterno ejusdem cum Patre substantiæ Deo, sed nescio cui a se fictæ, & fabricatæ creaturæ deferunt; ut effugere non queant, quin gravissimi illius criminis rei sint, quod Dominum in Scripturis tam sæpe, tamque vehementer abominari, ac damnare cernimus. Cum ergo & divinarum litterarum veritas, & veteris Ecclesiæ auctoritas, edicant non licere nobis ea, quæ creata fuisse credimus, adorare; & si fecerimus, manere nos eas pœnas testentur; quæ sunt sanctissimis legibus in eos decretæ, qui ereptam Deo gloriam suam in aliud transfulerint; certo statuendum est neque Romanorum opinionem, neque quicquam aliud esse, quod nos ab his cœli fulminibus
arque

atque anathematis liberari possit, si Eucharistiam, quam vere panem esse, non ipsum (quod absit) Christum indubitato ac certissime credimus, eodem tamen cultu ac ritu cum Romanis (qui plane aliter de ea sentiunt) adoraverimus.

C A P. XII.

Graviter eos errare, qui se putant hostiæ Romanæ posse ea quæ ipsi a Latinis decreta sunt, solennia sic deferre, ut eam tamen minime adorent.

SEd erunt fortasse, qui concedant quidem Eucharistiam a nobis ita de ea sentientibus atque existimantibus adorari sine gravissimo crimine, mortali que in Deum peccato non posse; pugnent tamen iidem, ac contendant quæ huic sacramento solennia sunt a Romanis attributa, quæque ab illius communionis hominibus passim ac vulgo usurpantur, ea sic a nobis fieri ac præstari posse, ut ipsum tamen sacramentum (quod isti faciunt) minime adoremus. Qui enim Eucharistiæ sanctissimum sacramentum esse putatis ac confitemini, a Domino Christo in religione institutum, quæ vobis (inquiunt) religio est eam de geniculis sumere, omnemque illum cultum, atque adorationem, non sacramento ipsi, quod meram creaturam esse censetis, sed Christo ejus auctori deferri, quem orbis conditorum ac Dominum, omni cultu, omni que adora-

adoratione dignum, ut par est, creditis? Siquis apud vos adultus catechumenus baptizaretur an hunc si sacramentum initiationis Christianæ de geniculis suscepit, a quam adorasse, putabitis? Non potius existimabitis hanc honorificam corporis demissionem, atque inflexionem multo magis, quam ullam aliam, huic sanctissimo ritui convenire ad significandam animi nostri in Dominum reverentiam, a quo sacrum fœderis novi sigillum, & adoptionem nunc accipimus? Ipsos vero Pastores manus impositionem, qua ad sacrum munus apud vos ordinantur, nonne de geniculis suscipere solenne est, quos tamen credo, nemo suspicatur vel ordinatores suos, vel certe, qua ordinantur, eorum manum adorare? Quid ergo est, quod vereamini Eucharistiam sumentes pariter quoque ingeniculari? quæ & ipsa æque cum baptismo sacramentum est, ab eodem Domino, & ad similem finem institutum? non alio discrimine, quam quod hoc regeneramur, illa nutrimur? hoc in Ecclesiam ingredimur, illa in Ecclesia firmamur, & munimur? Quid hinc refugitis, quasi metuendum sit, ne in laqueum aliquem incidatis, & eorum, qui Eucharistiam adorant crimine ac poenis involvamini? Atque hæc illi hæctenus; quæ confiteor quidem non sine aliqua veri specie dici, ut incautos etiam non paucos fallant, atque inducant, se se ad externos & solennes Romanorum in eucharistia ritus inflectere, atque componere, animo interim eadem de rebus ipsis nobiscum sentire.

se ac

se ac retinere dictitantes. Cæterum ista quantumvis primo aspectu infirmis blandiantur atque arrideant, tamen (si tractaveris) cassa. futiliaque omnia esse facillime deprehendes. Quod ut demonstrem, inprimis respondeo nos Dei gratia melius ac sanctius in Christi schola fuisse institutos, quam ut putemus aliquam esse religionem Eucharistiam de geniculis sumere. Ita sumunt vicini in Anglia fratres; neque nos, siquando cum iis communicamus, eodem ritu sumere piger; totaque res ita apud nos libera censetur, ut quamquam stantes sacro epulo vescamur ipsi, pro fratribus tamen & habeamus & colamus etiam qui vel sedentes, vel ingeniculati eucharistiam accipiunt. Itaque si nihil a nobis aliud Latini postulassent, quam ut sacramentum de geniculis simpliciter sumeremus; fateor nullam nobis ab iis discedendi futuram fuisse causam satis idoneam; quando quod postularent, id hujusmodi est quod a nobis integra atque illæsa conscientia fieri posset. Sed non ita est profecto; & vel stupidos esse necesse est, qui nihil aliud Romanos a nobis postulare credunt, vel hypocritas, qui hoc ita se credere, cum aliud intelligant, prudentes simulant. Novit orbis universus hoc a nobis Romanos in primis petere, postulare, atque exigere, ut quod apud eorum aras, & in sacerdotum manibus videmus id credamus vere, ac (ut loquuntur) realiter æternum Dei Filium esse; neque ullam aliam, quam ipsam ejus substantiam sub istis, quæ sensus deprehendit accidentibus esse vel delite-

litescere; Tum ut rem illam eandem ex hac præcepta de ejus natura opinione adoremus, ad eamque & corporis in genua incurvati, & animi tota cogitatione summissi inflexionem, atque humiliationem ita referamus, ut in eo veluti adorationis nostræ centro omnis actus illius veneratio, omnis honos, cultusque defigatur, ac conquiescat. Adhæc quicumque de hujus vel sententiæ veritate, vel adorationis sanctitate minimum dubitant, eos Latini palam, & quidem exsertissime excommunicant. Hic tu mihi Synodorum decreta, atque canones lege; fidei expositiones evolve; ministrorum prædicationem ausculta; plebium religiones, & sacros cultus inspice; praxin denique omnium qui Romanam communionem sequuntur, observa; duo ista quæ dixi, ita luculente, atque multipliciter ubique inscripta, insculptaque, & adeo eminentibus expressionibus incisa reperiēs, ut nullum fere extet aliud fidei Romanæ caput, vel clarius atque disertius expositum, & explicatum; vel severius rigidiusque imperatum. Sacramentum, inquis, cum religiosa quâdam reverentia sumam; non tamen adorabo. Imo, etiam abs te adorari, inquit Romanus, volo ac jubeo. Ac ne adorationis ambiguo aliquam te occultare posse putes, venerationem summa inferiori ex eo genere, quod etiam creaturis citra Creatoris injuriam deferre licet, *Latria* (inquit) *cultum qui vero Deo debetur, in veneratione Eucharistiæ exhibeto.* Sit ita sane, inquis. Sed hunc ego, quem a me exigis

Cone.
Trid.
sess. 3.

cultum, ipsi Domino qui in coelis est, non dominici corporis sacramento, quod est in terris, deferam, atque destinabo. Non hæc, inquit ille, mihi mens est. Quem tulatriæ cultum, dum Eucharistiam sumis, exerces, hunc ego *huic ipsi sacramento* in veneratione *exhiberi* volo. Vide quam diligenter, quam accurate, quam anxie ac sollicitè sensum hunc suum expresserit? quam caute obsepserit? quam religiose omnes a suo alienos excluserit? Si dixisset debere fideles Christum in sacramento adorare, tametsi quæ mens ejus esset, cætera, quæ docet, dubitare nos non sinerent; hæc tamen oratio ad eum sensum inflecti posse videretur, quo a nonnullis scriptoribus est usurpata, sic ut significet adorandum esse, dum Eucharistiam sumimus, Dominum Christum, cujus nos scilicet per Eucharistiam participes sumus: quo constituto liceret fortasse negare nos a Romanis ad creaturæ cultum cogi. Isti ergo, ut huic interpretationi viam præcluderent, aliis verbis consulto usi sunt, dicentes *illum latræ cultum huic sanctissimo sacramento exhiberi*. Hic vero nullus superest dubitandi vel tergiversandi locus. Quid enim est, quod isti *sanctissimum hoc sacramentum* vocant? Christus-ne quatenus in coelis versatur ad Patris dexteram constitutus? Minime gentium. Quid ergo est? Quasi vero non omnes intelligant nihil aliud istos *sanctissimi hujus sacramenti nomine* significare, nisi hoc unum, quod apud aras a sacerdote primum benedicitur, mox in ora fidelium immittitur,

immissum denique ventriculo excipitur: Hoc ergo illud ipsum est cui tuam a te adorationem proprie dirigi ac destinari, ad quod & genuum inflexionem, & totius corporis abjectionem, & interiorum mentis cultum referri volunt. Si aliò respicis, si genu ob aliud aliquid inflectis, illi te anathema esse jubent, hereticum ac perduellum, ira Dei, gehennæ poenis dignum iudicant. Ac ut demonstrent non ejus, quæ in hoc mysterio celebratur, actionis sanctitatem, sed ejus proprie rei, quæ istic ostendatur ac cernitur honorem a se respici, hanc (quod notum est) non modo in sacra ipsa communione, sed etiam extra eam, in viis ac plateis, ac ubicumque denique occurrit, submisit ab omnibus obviis coli atque adorari imperant: quo argumento patet hanc eorum vere esse, quam ipsi eloquuntur mentem; nimirum ut eam rem, quæ ab ipsis conficitur, gestatur, atque ostendatur, pro summo omnium ac singulorum Deo habeamus, eique exinde omnes summo numini debitos honores, ac cultus exhibeamus. Si ergo rem istam ex animo credis meram esse creaturam; Deo & nobis aperte illudis, teque ipsum misere falsis, qui sic sentiens idem tamen causaris te ea ipsa, quæ in hoc negotio exigunt Romani, facere ac præstare posse, neque tamen id adorare, quod ex tua sententia creatura est. Baptismum, cujus exemplum est in medium allatum suscipere de geniculis fateor adultis citra crimen licere. Sed si te Ecclesia ad quam accederes, primo quidem juberet credere

quod in hoc sacramento aquæ specie videtur, id, non aquam esse, sed ipsissimam Christi, cœlorum ac terræ creatoris *substantiam*; tum vero cogeret ipsi huic rei adorationem, sive cultum latræ exhibere, eoque sine atque animo in genua procumbere; si inquam ita se res habeat, nego te huiusmodi mandato patere, & id quod iuberis, exsequi posse, quin & conscientiæ tuæ vim afferas, & sanctissimam Dei legem impudenter violes, teque postremo ipsum vero idololatræ crimine implices, atque involvas. Eadem est ratio & ministrorum qui apud nos per manus impositionem ordinantur, & fidelium qui sive in Anglia sive alibi eucharistiam in genua procumbentes sumunt. Si enim Ecclesiæ apud quas ista fiunt, affirmarent illis quidem Pastores, a quibus manu imposita ordinabuntur, his vero sacramenti, quas accepturi sunt, particulas, vere ac substantialiter esse summum & æternum Deum; si eadem deinceps vel illos, vel has genibus in terra fixis adorari juberent; quis dubitat, quin nostram fidem palam negaturi essent, si qui postquam ita docti ac iussi fuissent, genua tali tempore ac loco flecterent? Sed apud Ecclesias nostras nihil huiusmodi docetur; Absit. Nullam ministris divinitatem affingimus, quos meros homines, merasque creaturas esse & sentimus & profiteamur; ut nulla ratione possit genu flexio, qua ordinandus fungitur, haberi; cum omnis Ecclesiarum nostrarum doctrina atque professio, non minus quam ipsa rerum quæ geruntur natura,

ra, ab hoc delirio plane, penitusque aliena sit. Ita & Ecclesia Anglicana palam agnoscit, diserteque docet; Eucharistiæ substantiam vere panem esse; itidemque eam negat adorari citra impietatem posse; ut quæ in eucharistiæ celebratione apud eam, usurpatur genuflexio; pro panis adoratione accipi non possit, neque aliud censi nisi ipsius Christi in cœlis regnantis cultus. Si Romana Ecclesia pariter quoque senserit, publiceque docuerit Eucharistiam vere ac substantialiter panis creaturam esse, non autem aliquid latriæ cultu dignum; tum sane nulla nobis erit religio apud eam communicantibus genua ad Domini mensam flectere. Quandiu vero, quæ nunc docet, tenebit; quandiu genuflexionem illam, velut veram sacramenti adorationem exiger; manifestum est nos obsequi ac parere huic ejus mandato non posse, quin adorata creaturæ rei, propriæ conscientiæ judicio teneamur, ac damnemur; qui sacramentum, quod Romani jubent adorari, meram creaturam ex animo ac fide nostra censemus:

CAP. XIII.

Qui Eucharistie substantiam vere panem esse credit, eum quæ huic sacramento apud Romanos exhiberi solenne est, præstare non posse, quin perfidia, atque hypocriseos manifestus sit.

Sed jam iis quoque occurrendum est, qui aliter elabi conantur. Satis, inquit, novimus eam esse Romanorum mentem, ut hanc genuflexionem, & hanc cuius illa symbolum est, adorationem sacramento istic prostanti destinemus, atque dirigamus. Sed quid nos prohibebit mentem alio intendere? oculosque & corda, & affectus & cogitationes sursum habere, & in uno Christo apud Patrem supra cœlos sedentem defigere? Ita fiet, ut nos quidem una cum Romanis hominibus flexis genibus adoremus; sed aliud tamen quam illi adoremus; Nempe Christum, quem verum Deum esse confitemur, ex animo adorabimus; eucharistiam, quam meram creaturam esse scimus, absit ut adoremus. Sed hæc omnis istorum excusatio nihil aliud est, quam falsa, ac inanis, & quidem, quod multo gravius est, longe periculosissima, carnis cavillatio; quæ, si bene reputes, hypocrisi & impietati latam portam aperit, & ipsis religionis fundamentis exitium ac stragem minatur; quod ut liquido intelligatur, rem paulo altius reperemus. Cum
Deus

Deus opt. max. noster sit ex affe & Creator
 & Redemptor, id est cum non solos ani-
 mos, sed & corpora, quibus constamus,
 & condiderit, & servarit; iustissimum, om-
 nique rationi atque æquitati consenta-
 neum est, ut nos ei (quod sane a nobis me-
 rito postulat ac flagitat) non una naturæ no-
 stræ patre, sed utraque hoc est & animo &
 corpore serviamus; *Glorificate Deum* (inquit
 Paulus) *in corpore vestro, & in spiritu vestro, quæ* 1. Cor. 6.
sunt Dei. 20. Ac ut in iis, quæ ad proximos re-
 feruntur, sinceros nos esse jubet Deus. sic
 ut eos & interiori animi affectu diligamus,
 & opere exteriori ædificemus; ita & in pie-
 tate, quæ ad ipsum pertinet, animum &
 corpus una conjunctim adhibere nos præ-
 cipit. Ac ut eum odisset, qui proximum,
 quem corde amaret, eundem vel lingua,
 vel manu læderet, vel qui contra, cui
 eleemosyna nam manu daret, eidem animo
 maleveller; ita neque eum probare potest,
 qui se arcana quidem mente veneratur, ac
 colit, lingua vero blasphematur; vel qui e
 contra sibi cum ore benedicat, corde ma-
 ledicit. Frustra vel hic animæ, vel ille cor-
 poris officia afferret, ad purganda alterius
 partis peccata. Ea enim est corporis cum
 spiritu conjunctio, ut quoties hic valet,
 suasque partes implet, illud officio suo
 deesse non possit. Itaque si quis sit, qui
 cum Deum vel proximum lingua proscin-
 dat, affirmet tamen se, quem sic lædit, ve-
 re & ex animo diligere, is profecto nobis
 illudit, aperte & inverecunde mentiens,
 dignus qui suæ non modo blasphemix, sed

etiam impudentiæ pœnas det. Ex his, quæ sunt apud omnes indubitata, nostri esse officii, quæcumque sunt, nobis a Deo de religione revelata, ea non modo in pectus admittere, & corde, quod est apud Paulum, credere, sed etiam ore profiteri. Altera itidem ex parte, quæ falsa atque impia, divinæque veritati contraria sunt, ea nos non modo non credere, sed neque profiteri, necesse est. Nam si fatis est veritatis notitiam atque amorem corde retinere, si eam nonnunquam ore apud homines negare licet; nihil ergo peccavit Petrus, cum Dominum in ædibus summi sacerdotis negavit, (neque enim dubitandum est quin, quem lingua negabar, eum corde atque animo Dominum suum agnosceret.) Ergo nullum crimen erit Christum apud homines negare; Ergo neque necessaria erit oris in religione confessio. Hæc vero quam falsa sint omnes intelligunt. Nam & Petri factum in Evangelio diserte denotatur, apertissime reprehenditur; eumque etiamsi alia deessent, vel suæ lacrymæ gravissime in Deum peccasse fatentur. Qui vero se apud homines negaverit, eum Dominus Christus disertissime ipse contestatur se olim apud Patrem cœlestem (hoc est suprema mundi die in magno illo iudicio) negaturum, id est ut liquet, neque pro suo agniturum, neque cum suis beata immortalitate donaturum. Pauli denique est hæc apertissima, ac luculentissima sententia; *Si confitearis in ore tuo Dominum Iesum, & in corde tuo credideris, quod Deus illum suscitavit a mortuis, salvus eris; Corde*

Matth. 10
33.

Rom. 10,
9, 10.

de enim creditur ad justitiam ; ore autem confessio fit ad salutem. Vides, quo salvi esse possumus, exigi a nobis, non hoc modo, ut in corde nostro credamus, sed etiam illud ut in ore nostro confiteamur. Iam iisdem rationibus conficitur, erroris quoque atque impietatis, non modo opinionem & credulitatem, a corde nostro, sed etiam ab ore professionem abesse debere. Errorem enim profiteri cum impietate conjunctum (id est eum, qui pietatis, sive religionis fundamenta convellit) id clarissime est fidem negare. Ergo cum ex his æternæ maledictionis reus sit, qui errores, quos corde damnat atque abominatur, ore idem profitemur; liquidum certumque est quicumque Romanorum de suæ hostiæ adoratione dogma errorem esse, & quidem a pietatis fundamentis alienum, credunt, eos si hoc ipsum dogma ore profiteantur, & Christi præceptum violare, & in animas suas exitium, ac damnationem æternam accersere. Quis enim est vere Christianus, qui de Eucharistiæ sacramento interrogatus, an sit adorandum; si id meram creaturam esse firmissime crediderit, respondere tamen vel velit, vel audeat *adorandum videri*? quemque si vel metu, vel studio, vel alia perturbatione victus ita responderit, non statim gravis facti poenitentia subeat? *Adorandum* vero id *Sacramentum* nemo clarius dicit, nemo disertius, vel vehementius pronuntiat, quam qui palam, non uno aut altero teste, sed coram toto populo, abjecto in terram corpore, Romanæ hostiæ eum ipsum externi cultus actum

desert, qui est apud istos sollemnis, & quo hæc sacramenti adoratio & significatur, & censetur, & constat. Adorandum (inquis) lingua non pronuntiavit. Primo vel hoc ipsum his quidem temporibus effugere difficile est; quod raros (imo vere, ni fallor, dixerim nullos) Romani ad suam communionem admittant, quos hæc & ore & manu, id est & viva voce & subscriptione confiteri non cogant. Tum quid te juvat id non esse lingua confessum, quod toto (ut sic dicam) corpore confessus es? Fune estis enim sacris interesse, genua venerabundum inflectere, alia cultus illius solennia facititare; etiam multo majus est, quam adorandam hostiam una lingua fateri. Quod animus clam & in arcano negat, atque refugit, id aperto totius corporis actu palam & in publico, confessus es. Nam, ne erres, *confiteri* in hoc negotio, est edito exteriori aliquo signo testari, te aliquid vel probare, vel reprobare, vel credere, vel falsum & iniquum existimare; siue id verbis, & voce fiat, siue manu, & scripto, siue nutu, siue quocumque alio signo usitato, & apud homines, noto. In vita quidem communi nemo est ita vel stultus, vel impudens, qui quæ signo aliquo suæ mentis esse significavit, ea se confessum ideo negandum putet, quod eadem quoque non fuerit voce ac verbis testatus; veluti si quis eum cui *homagium* (ut loquantur) præstitit, ideo neget a se pro rei suæ domino agnitum; quod hoc fortasse voce & verbis non sit testatus. Atqui solennes illi actus, quibus talia significari, atque agno-

agnosci mos est , signa & sunt & censentur non minus quam verba ; imo etiam verbis aliquanto valentiora , atque efficaciora ; ut qui iis utitur & mentem aperire , & quid sibi animi sit , significare , disertius atque sanctius videatur , quam si verbis egisset. Iam ante Romanam hostiam in genua procumbere , & ad nolæ ad sonitum caput aperire , & in terram corpus mittere , & die qui ei festus agitur , publice procedere , & qua gestatur tectorum anteriora aulæis , & linteis velare , & alia hujus generis solennia , ea vero omnia totidem signa sunt , & quidem clara atque illustria , quibus homines significant & testantur hostiam illam suum esse summum numen , totidemque (ut sic dicam) *homagia* , quæ ei hoc nomine præstantur ; ut apparet ex eorum mente ac voluntate ; qui hæc in Ecclesia Romana vel primum instituerunt , vel nunc quotidie faciunt. Qui ergo ante Romanam hostiam vel genua flectit , vel die ejus festo procedit , vel ad ipsius festi pompam suam domum exornat , is profecto se hostiam illam pro suo summo numine habere , censereque , non autem pro creatura , non minus clare diserteque testatur , significat , ac confitetur , quam si id ipsum voce ac lingua totidem verbis distincte enuntiaret.

CAP. XIV.

Quisquis eos ritus, cultusque usurpaverit, ac factitarit, quos apud Romanos hostiæ deferri solenne est, eum hoc ipso testari ac profiteri hostiam a se adorari, & pro Deo suo, vero & aeterno, haberi.

NEque est, quod respondet, tamen hæc istorum actuum vulgo sit apud Romanos significatio, se tamen eos longe alio sensu usurpare; neque sibi, dum hæc facit, mentem esse, ut illud ipsum testari atque exprimere velit, quod ista solent apud suos significare. Hæc vero responsio non modo vana & absurda, sed etiam, quod gravius est, periculosa est, ea inducens ac constituens, quæ sunt tam religioni, tum civili societati funesta atque perniciosa. Quæ enim signa ad res sive naturæ, sive religionis significandas sunt ab hominibus instituta, ea ex communi ac publico usu interpretanda sunt, non ex arcana, privataque unius, atque alterius mente: plæraque fateor, per se & ex suo ingenio non hoc magis quam illud significant; & si qua sunt, quæ ad ea, quæ significant, per se & tacito quodam ipsius naturæ nata referri videantur, eo tamen non ita necessario referuntur, quin ab initio ad aliud significandum traduci potuerint. Verum postquam hæc semel communis hominum consensus, talium ut plurimum magister, certæ alicui significationi dedi-

dedicavit, ac quomodo consecravit; isque consensus usu publico testatus est, & confirmatus; ea jam ad aliud significandum in communi vita usurpare, temeritatis profecto est, atque stultitiæ non ferendæ; neque qui id rursus fecerit, vel inepti, vel certe falsi ac mendacis hominis crimen apud æquos, cordatosque rerum judices effugiet; sic exempli causa, quibus nunc verbis ad aperiendas, atque explicandas mentis cogitationes utimur, ea nullam per se naturaque sua vim habebant ad hoc potius, quam illud significandum. Tam enim potuisset *patris* vocabulum, vel lapidem, vel aquam, vel ignem, significare, quam quod nunc significat longe ab istis diversum; vicissimque ipsa illa *lapidis*, *aquæ*, & *ignis* nomina *patrem* non minus quam ea, quæ nunc significant, per se significare poterant. Et istis & cæteris ejusdem ordinis verbis, quacumque in communi sermone habent significandi vim, eam non a natura datam, sed hominum voluntate attributam fuisse constat. Sed illa postquam publicus Latinorum usus his, quas nunc significant, rebus addidit, nemini Latine loquenti jus vel olim fuisse, vel nunc esse, ea aliter usurpare, & *patrem* verbi gratia pro *lapide*, vel *ignem* pro *patre* dicere. Iam eadem plane eorum quoque actuum, atque rituum ratio est, quos ex hominum voluntate, instituto, atque usu, vel in civili societate, vel in religione ad certum aliquid significandum adhiberi solenne est; ut est homagium ad ejus, cui fit, dominium testandum; ut est apud quas-

quasdam gentes annulus & osculum ad mulierem conjugio (ut sic dicam) oppignerandam; ut erat olim servorum apud Hebræos aurem subula perforandam hero præbere, quo demonstrarent se ei æternum servire velle; quamquam hic mos non hominum simpliciter, sed Moyfi, ipsiusque Dei voluntate fuerat institutus. Ita hodie apud Romanos a Cardinalibus Conclavi inclusis in altari collocatur, atque adoratur, quem significant se pro summo suo Pontifice agnoscere; Ad eundem quoque censum pertinet genuflexio coram hostia; quo testantur se eam latria colere, proque summo suo numine habere. Itaque hæc & alia ejusdem generis infinita fateor equidem per se, & a prima rerum ipsarum origine, non hæc pro quibus nunc accipiuntur, magis, quam alia longe diversa significasse, & si sic libuisset institutionum auctoribus, potuisse ad alium sensum atque usum transferri. Sed postquam & institutorum voluntate, & communi ac publico hominum usu earum rerum propria facta sunt, quibus nunc significandis adhiberi solent; nemini privato licet aliter ea usurpare, quam fert communis eorum, apud quos in usu sunt, sensus. Ac ut si quis Latine loquens dicat *se credere atque confiteri Papam Romanum Ecclesie Christiane caput & Monarcham esse*, omnino eum ipsum sensum clarissime atque disertissime expressisse intelligitur, qui his verbis apud Latini sermonis homines significari solet, ut siquid ipse aliter de Papa Romano revera sentiat, non possit qui sic locutus fuerit,

rit, non haberi vel stultus, vel certe mendax; ad eundem quoque modum, si quis coram Romana hostia in genua procubuerit, vel ad diem ejus festum de Latinorum more processerit, vel domus suæ parietes ad eam excipiendam aulæis & tapetibus ornaverit; is inquam quodam sermonis genere, diuerso quidema superiori, non tamen obscuriori, neque minus disertio, significavit se hostiam illam pro suo Deo, vero & æterno rerum conditore, hominumque Redemptore habere, atque adorare. Quod si alius est viri de his sensus, si alia in animo subest fides; omnino necesse est fateri istum, qui aliud sentiens sic tamen se gesserit, aut emota ac perturbata mente fuisse, aut certe splendide atque insigniter meritum esse; dum externis corporis sui actibus id se credere, atque sentire palam significavit, ac (ut sic dicam) juravit, a quo tamen interea vehementer abhorrebat ejus mens, atque animus. Ac ut prioris impudentia omnium sibilis & cachinnis digna esset, si mendacii accusatus responderet se, cum *Papæ Romani* monachiam confessus est, significare voluisse non urbis Romæ Episcopum (qui communis & publicus est illorum verborum sensus) sed alium quemdam nempe Christum Iesum; ita neque hujus posterioris cavillatio ferenda est, qui ut hanc corporis sui ab animo diversitatem crimine purget, causatur se ante hostiam genu cum Romanis flexisse & alia hujus generis solennia fecisse, non quo significaret se

se hostiam adorare, & pro numine habere (quæ horum actuum communis est & recepta apud Romanos significatio) sed ut testaretur se Christum in cœlis sedentem colere atque adorare. Quod si frigidis istis cavillationibus locum damus, ut unicuique signa publica pro privata libidine pervertere, & ab eo sensu, quem illis communis hominum ac gentium usus imposuit, ad alium nescioquem transferre; actum est de publicis, & domesticis, civilibusque ac religiosis societatibus. Omnia miscebit, ac velut in antiquum chaos convolvat atque complicabit nova ista Satanæ *ps. 90. d. 1. a.* Nulla constabit apud homines fides; nulla erunt certa fœdera; nulla vel publicorum, vel privatorum contractuum securitas. Nam si verborum nulla certa ac statuta significatio est; si iis, pro sua cuique re, ac novos libidine sensus affingere licet, & præter publicum usum loqui; una quoque pessumabit omnis, & promissionum ac contractuum fides, & jurisjurandi religio; qua utraque nescio an quicquam sit ad constituendam ac fovendam hominum societatem utilius ac salutaris. Ita fidem quam quis mulieri dederit se *eam sponsam* accepturum, licebit frangere, caussanti se *sponsæ* nomine, non id, quod hoc verbum in usu communi significat, sed *concubinam* dixisse, atque intellexisse. Et qui apud judicem juratus aliquem a reo *occisum* non fuisse testatus fuerit, a quo vere occisus sit, negabit se perjurii teneri, quod *occisum* quem negavit, eum præter vulgarem verbi sensum, *servatum* negare voluerit;

CAP. XVI.

Martyrum iudicium, divinamque constantiam non obscure ab iis sugillari, qui putant licere falsa, & a conscientia nostra sensu alienæ religionis sacra, caerimoniaeque, & ritus usurpare.

SEd huic uni Naamanis exemplo, quod & ex veteris testamenti temporibus repetitur, & perperam sine ratione objicitur, nos omnium sanctorum, qui sub utroque fœdere floruerunt, fidem, praxinque perpetuam merito, & cum ratione opponimus. His enim constat summam semper religionem fuisse, non modo errores veræ pietati contrarios lingua, aut voce confiteri, sed etiam actuum & rituum, qui eo ab erroris Patronis atque cultoribus referrentur, aliquem apud eas exercere, vel usurpare. Nempe ita iudicabant viri sapientissimi, apostatas, & fidei desertores non minus esse censendos, qui eam falso, & impio, illegitimoque cultu incestassent, quam qui diserta erroris professione negassent. Quod nisi hanc sententiam Hebræi illi apud Babylonem adol-
Dan. 3.
 ecentes animo penitus perceptam, infixamque habuissent, nunquam profecto Regis potentissimi, patroni ac domini sui optime meriti iram atque odium provocare, fortunisque & honoribus omnibus spoliari, ac in fornacem denique mitti, & flammis, acerbissimo & ignominiosissimo

H suppli-

supplicio, absumi maluissent, quam auream Principis effigiem in terram procumbentes adorare. Facile iis erat se tanto discrimini subducere, si id quidem quod erat a Rege imperatum, sed alio animo, & alio, quam imperatum erat, sensu fecissent; adorationem que suam, non statuæ, sed Deo creatori mente destinassent, ac detulissent. Sed generosissimi adolescentes de turpi & illiberali techna ne cogitarunt quidem; animoque sua pietate digno, missa omni tergiversatione, atque deliberatione, statim fortiter atque intrepide negarunt se statuam adoraturos;

Dan. 13.
18.

Notum tibi sit, Rex (inquiunt) quia Deos tuos non colimus, & statuam auream, quam erexisti, non adoramus. Intelligebant scilicet, cum quæ exigebatur adoratio, pro religiosissimi cultus, & ejus, qui numini debetur, honoris symbolo vulgo haberetur, & ab omnibus acciperetur, se statuam illam inanimem adorare non posse, nisi per idololatriam, atque perfidiam, & gravissime in Deum peccarent, & proximos immani scandalo implicarent. Eadem est excellentissimum, atque illustrissimorum virorum ratio, qui a Christo manifestato ad hæc usque tempora magna virtute ac gloria, neque exiguo numero, cœlestem Domini veritatem suo sanguine obsignarunt. Nam si fas esset virum bonum & pium sic hominibus illudere, impiosque & superstitiosos ritus impune exercere, si modo arcana animi sui cogitatione ad Deum Creatorem referat, quæ cæteri mortales creaturis consecrarunt; quid obsecro, causæ fuit cur sanctissimi ac beatissimi Domi-

Domini testes se se tot tantisque certaminibus objicerent? Quæ erat religio paucula thuris grana præfente ac jubente Principe in ardentem acerram mittere? Cur non mittebant, sed ea (quod facile fuit) mente, non ut idolo, cum cæteris, sed ut Deo Creatori adolerent? vel certe, ut Principi qui aderat, non ingratum odorem incenderent? Si potuit hæc argutiola efficere, ut hic actus vel laudē mereretur, vel crimine certe vacaret; quis iste, fuit maximorum virorum tantus, ac tã incredibilis stupor, ut iis tali tempore res tam facilis, tamq; obvia non venerit in mentem? Planum est omnem sanctissimorum Martyrum virtutem, si his sophistis credimus, nihil aliud fuisse, quam stultam & puerilem pertinaciam. Quis enim eos vel pueros & quidem tardos atque hebetes fuisse non censeat, si stropham tam obviam non viderunt, sed certe stultos, si eã cum intelligerent, tam necessario tempore contemnendã putarunt, fortunaſq; omnes suas, & quicquid est in vita dulce, vel carum, ac vitã deniq; ipsam profundere & perdere maluerunt, quam id facere, quod homines quidem vehementer flagitarent, Deus vere non vetaret? Sed præter manifestam stultitiam (siquidẽ vera sunt, quæ isti narrant) etiam grave fuit Martyrum crimen, quod sibi, suisque rebus tam male consuluerint. Sanguinem enim & vitam sponte & gratis, nulla causa necessaria profundere, ac veluti abjicere, id insigniter in Deum peccare est, qui cum nos vitam proximi violare vetet, nostram nobis multo magis commendat; quiq; cum iis, qui mor-

tem aliis quocumque modo machinati sint, infensus infestusque sit, qui eam sibi ipsis conciverunt eos multo magis odisse putandus est. En quo Martyrum, id est hominum ex omni piorum genere sanctissimorum, ac laudatissimorum gloria, si istos audimus, recidat! Sed prohibeat a nobis Deus impias, & ingratas mentes, ut quos viros omnis Christianorum memoria magnis semper laudibus in cœlum extulit, eorum nos nomen turpissimæ infamiæ labe commaculare audeamus; & qui longe sapientissimi, atque optimi fuerunt, iis stultitiæ, atque immanitatis crimen per summum scelus imponere studeamus, in gratiam timidorem nescio quot hominum, qui quod Evangelicam veritatem, quam in abdito pectoris oppressam, ac conclusam tenebant, palam ac publice efferre, atque profiteri præ animi angustia non sustineant, ne sua hæc ignavia pro merito damnetur, vel lent quorum ipsi dissimillimi sunt, eorum fortitudinem pro temeritate haberi, ac traduci. Illi vero ab omni temeritate procul abfuerunt, recteque ac sapienter judicarunt, qui se, nisi ultima hæc Dei putu ac lege oblata discrimina pro Christi nomine atque confessione adirent, neque susceptas Christiani hominis partes implere, neque eam vel infamiam, vel poenam effugere posse existimarunt, qua digni sunt omnes sanctissimæ disciplinæ desertores.

CAP. XVII.

Hanc istorum in pietatis negotio simulationem esse a Domino in Scripturis sacris damnatam.

SUMMUS enim ille Deus, a cujus uno iudicio omnis hæc causa pendet, fuitiles argutias contemnit; neque inanes carnis strophas, quæsitosque timidorum hominum colores moratur; qui omni hac minuta, frivolæque subtilitate id unum student, ut ignavia suæ dedecus utcumque obumbrent. Deus vero ut bona fide nobiscum agit; ita neque pro suis agnoscit, nisi qui pariter bona secum fide, simpliciterque ac rotunde, sine dolo ac fraude, agunt. Ille versutos istos, qui inter Christum ac mundum ambigui fallere, & animi vitium ingenio fucare, ac tegere se posse sperant, *in astutia eorum* (quod ipse profitetur) *indubie comprehendet*. Hos enim apud eos dimittet, quorum in partibus hæserunt; quorum sacra, & ritus, etiam repugnante conscientia sensu, sectari ac profiteri, quam Christi opprobrium perferre maluerunt. Olim apud Israël, cum Achasi, & Jesabelis furore immissa in religionem idololatria longe, lateque grassaretur, non est dubitandum, quin multi tyranni persecutione ac minis fracti genua ante Baal non sponte, sed inviti curvarent, illaque ipsa idola quæ prostrato in terram corpore victi metu venerabantur, in cordis arcano interim devoverent, ac detestarentur. Ne tum quidem defuisse crediderim, quorum animos hæc quoque cogitatio solaretur se ab idolo-

Rom. 11.
4. ex
2. Reg.
(Lat. 4.)
19. 18.

latræ & crimine & pœna immunes futuros, qui suas scilicet mentes castas, ac illibatas Deo servarent, eique uni omnem cultum atque adorationem, interiori quidem certe animi voto destinarent ac deferrent. Atqui etiam hos Deus, spreta omni ista carnis sibi ipsi blandientis causificatione, ex servorum suorum numero excludit, neminem hoc nomine censens, nisi qui nunquam ante idola procubuisset; *Reliqui mihi* (inquit) *in Israël septem millia virorum, qui non curvaverunt genua ante Baal.* Ergo cæteros, qui genua ante Baalis simulacrum curvaverant, Dominus pro idololatrâ, ac perfidis, & a sua communione alienis desertoribus habuit. Multis antea temporibus, cum esset factus in eremo vitulus aureus, non est credibile Israëlitas usque adeo crassos, ac vâcordes fuisse, ut quam ipsi & quidem ipso illo die conspici viderant, pecudis effigiem, eam vere esse putarent summum illum Deum, a quo nuper ex Ægypto educti, ac liberati fuerant. Clamant omnes narrationis circumstantiæ hanc eorum de aureo illo simulacro mentem, atque opinionem fuisse, ut id pro visibili quodam numinis symbolo esset, eodem apud se loco ac numero, quo Moyses (quem periisse putabant) paulo ante fuerat, cæterum sic, ut ad Deum referrentur, ejusque proprie ac potissimum essent quicumque huic simulacro exhiberentur honores. Sed quod hi jam tum cultus ubique terrarum, maxime vero in ea, unde exhibant, Ægypto, idololatræ solennes, ejusque veluti propria quædam insignia essent, Deus Israëlitas, insuper habitis, quæ

Exod. 32

quæ de mente atque consilio in his causari poterant, tanquam veros germanosque idololatrias, & habuit, & vero punivit; quo nomine Paulus quoq; eorum crimen narravit, ac definivit, ubi de ipsis verba faciens; *Neq; idololatræ* (inquit) *efficiamini, sicut quidam ex illis.* Quo etiam loco divinus ille Apostolus adeo non concedit nobis, ut aliquid eorum usurpemus, aut exerceamus, quæ superstitionis solennia sunt, ad testandam suam in ea, quæ colunt, reverentiam atque religionem, adeo inquam ab eo abest, ut etiam Corinthios exserte vetet eorum animalium carnibus vesci, quæ idolis immolata fuisse noverint; & si vescantur, non dubitet pronuntiare demoniorum participes, a Christo vero sanctaque ejus mensa alienos fore. An ergo Christianis, dū talibus vescerentur, animus erat vel dæmonia, vel idola colere? Nihil minus. His perinde ut aliis, si qui appositi essent, cibus eo simpliciter utebantur, ut corpora reficerent. Sed quod hujusmodi cibos idololatræ sacros, & ex altarium suorum contactu quodammodo sanctificatos censerent, & quod iis in conviviis vesci passim ab omnibus ita acciperetur, ut qui vescerentur eo ipso testari, significareque crederentur se vel idola, & dæmonia, quibus oblati erant, venerari, vel certe purum, atque innoxium censere cultum, in quo essent adhibiti; ideo vult Apostolus Christianos iis abstinere, neq; una cum idololatriis vesci. At (inquis) non eo animo vescor, ut iis sanctificer. Cogitationes, laudes, benedictionesq; meas, non ut Pagani idolis, ex quorum altaribus carnes istę dere-

1. Cor.
10. 7.

1. Cor.
10. 11.
20. 29.

ptæ sunt, sed uni Deo Creatori, ac Servatori nostro, destinabo ac dicabo. Cave tibi, inquit Apostolus. Nolo enim te participem esse demoniorum. Scio idolum nihil esse in mundo, Scio tibi eo loco ac numero esse, quo esse decet. Sed ut recte de idolo senseris, quæ tamen sunt Paganis in ejus honorem ac cultum solennia, ea tu exercere vel usurpare non potes, quin contamineris, & Domini mensa ac calice indignus fias. Atque hanc disputationem Paulus sic ingreditur, ut in ipso statim limine (quod est diligenter observandum) his ad fideles verbis præfandum putaverit; *Propter quod carissimi mihi, fugite ab idolorum cultura.* Clare significat idolorum cultura reos esse, qui aliquem eorum actuum exercerent, quos solennis idololatræ mos erat usurpare ad testandam suam in idola religionem. Jam cogita, quid istis expectandum fuerit, nisi diem Domini vera pœnitentia anteverterent. Constat enim nullum esse hominum peccatum, cui gravior & atrocior pœna sit apud Dei Scripturas constituta, quam idololatræ. Sed ne eo sibi blandiantur, quod se idololatræ negent (tamen si id quidem, ut ex Paulo apparet, falso negent) ecce ut iis eadem Scriptura eandem damnationem alio quoque nomine denuntiet, quod ipsis adeo clare, proprièque convenit, ut id inficiari, ne si velint quidem, possint. *Timidis (inquit) & incredulis, & execratis, & homicidis, & fornicatoribus, & veneficis, & idololatræ, & omnibus mendacibus, pars illorum erit in stagno ardenti igne, & sulphure; quod est mors secunda. Cogitent quæso,*

quinam timidi isti sint, quos hic vident una cum deterrimis, ac sceleratissimis peccatoribus in æterna gehennæ supplicia præcipitari: Ego quidem non intelligo, quis hujus loci possit esse sensus, nisi *timidorum* nomine eos significari statuamus, qui mundi odium ac sævitiam timentes, vitæ suæ exteriora, id est os & linguam & corporis actus ita componunt, ut se se probare atque suscipere eos ritus, cultusque simulent, quos apud se tamen & interioris conscientiæ judicio agnoscunt ac sentiunt impios ac perniciosos esse. Constat inprimis non id hominum genus hic a Spiritu Sancto notari, qui apud sæculum *timidi* vocantur; id est qui in discriminibus bellicis parum forti sunt animo. Neque enim Scripturæ inter ea, quæ nobis sunt ad cœlestem hereditatem adeundam necessaria fortitudinem illam militarem, & animi in acie imperterriti vim recensent, quæ ab hominibus hujus sæculi plurimi fieri solet. Sed neque eos Spiritus hic intelligit, qui errorem palam sectantur, & creaturas aperte, atque ex animo ita colunt, ut nihil in hoc genere exterius faciant, quod non interius quoque probent ac velint. Non enim hi (quod sciam) timidi usquam dicuntur. Qui sunt hujusmodi, eos vero proprioque nomine idololatrias statim vocat. Neque sane hypocritas significat, qui veritatem Evangelicam, quam verbis palam profitentur, operibus negant, turpem & sceleratam vitam sub decora hac larva agentes. His non *timidorum*, ut liquet, sed *mendacium*, quod mox sequitur, nomen ad amussim congruit.

Neque vero hoc *timidorum* vocabulo profanos, & atheos homines, apertosque ac manifestos peccatores significari dixeris. Quis enim huic generi, *timidorum* nomen unquam dedit? Qui-nam ergo sunt isti tandem infœlices *timidi*, in prima damnatorum acie ante cæteros omnes gehennæ hæredes locati? Profecto reliquis expunctis soli supersunt, qui hoc nomine venire possint, illi ipsi, de quibus jam disputamus; scilicet aliquo carnis metu victi, vel quam corde vident veritatem, ore palam apud homines non audent profiteri, vel quem corde cernunt atque oderunt errorem, palam tamen apud homines profitentur, aut certe profiteri se simulant. Fuit ergo Christianorum Martyrum summa, non quod isti *timidi* mentiuntur, imprudentia, sed sapientia; quod mortem & cruciatus acerbissimos pati maluerunt, quam veros animi sui vel de pietate, vel de errore sensus vafre dissimulare & occultare. Fuit eorum in se ipsos, non (quod iidem frustra objectant) crudelis aut immanis, sed humanus & amantissimus animus, qui satius esse iudicavit vitam ipsam profundere, quam aliqua cultuum Paganicorum superstitione pollui; Prudenter hæc isti inquam, & plane amice ac benevole statuerunt, non minus quam fortiter; scilicet nisi ita statuerent, multo omnibus mortibus atque suppliciis diriores gehennæ cruciatus effugere non poterant *timidis* irrevocabiliter a Deo constitutos. Neque si bene reputes, ullos esse reperies nostris istis suo iudicio calli-

callidis, atque astutis versipellis vel stultiores, vel etiam in se ipsos crudeliores, qui impios cultus & profiteri & exercere se simulant, ut mundi pace fruantur; piorum libertatem ac communionem subdole refugiant, ne persecutionem cum Christi Ecclesia patiantur. Ut enim viri prudentis est minus bonum vel abjicere, vel spernere quo majus vel quærere, vel tueri possit; ac ut ejus est, qui se ipsum vere amat, malum modicum. ut verbi gratia chirurgici scalpelli ictum, vel cauterii, aut mordacis alicujus pulveris molestiam ferre, quo vitam a letali morbo eripere possit; ita & stultitiæ ultimæ est, bonum ut modicum retineas, summum amittere; & crudelitatis, atque immanitatis extremæ perire in æternum malle, quam leve ac breve seu incommodum, seu detrimentum perferre.

C A P. XVIII.

*Illam in pietatis negotio simulatione gravissime
& in Dominum Deum, & in homines,
id est proximos nostros peccari.*

Sed nequis hoc Dei in timidos judicium nimix severitatis accuset, age quantum ac quam grave sit eorum crimen breviter expendamus. Ille quidem primo turpissimi mendacii ita manifesti sunt, ut nulla ratione purgari, vel
ex-

excusari possint. Suis enim actibus ea se credere, ac sentire profitentur, quæ tamen re vera minime credunt aut sentiunt. Qui verbi gratia ante hostiam Romanam flexis genibus procumbit, is palam fatetur, claraque veluti voce clamat, eam se numen adoratione dignum censere; quæ est illius actus in communi, vulgarique eorum hominum usu significatio, apud quos iste versatur. Idem tamen clam in aurem nobis affirmat se nihil dubitare, quin hostia mera creatura sit, & quidem animæ, sensusque omnis expers, nihil denique minus, quam Deus. Quis non hic animadvertit huius hominis linguam cum ejusdem animo vehementer pugnare, corporisque actum cordis sensui turpiter adversari? Ac tametsi & Deo summo opere invisum, & bono ac ingenuo viro indignissimum per se sit quodvis mendacium, hoc tamen præ cæteris omnibus insigniter turpe est, illiberaletque & horrendum. Cum enim de re gravi multo sit turpius mentiri, quam de levi & ludicra; quid flagitiosius ac scelestius eo homine fingi potest, qui de religione ipsa, qua nihil est in rebus humanis gravius, ac sanctius, palam mentitur, & quidem in eo actu, quo nullus habetur in ipsa religione augustinior, ac venerabilior; in quo scilicet id agitur, ut summo numini summus cultus exhibeatur? Iste vero, ut vides, & summam in primis Dei Opt: Max: majestatem sanctissime in suis litteris testantis nihil se æque odisse ac animam mendacem, & Angelorum, qui actuum nostrorum testes ac spectatores sunt,

sunt, sanctitatem, & hominum, qui natura nobis sunt conjunctissimi, dignitatem contemnit, ac pro nihilo ducit; quibus scilicet præsentibus id confiteri, atque affirmare non veretur, quod ab animi sui sententia plane est alienum; nempe se pro suo creatore ac Redemptore id ipsum habere atque agnoscere, quod tamen re vera credit ab hac dignitate multo longius quam terram a cœlo abesse. Etiam perditissimi homines nonnunquam erubescunt, & graves conscientiae morsus experiuntur, si quando apud judicum tribunalia animi cupiditate victi suos esse jurarunt, qui alterius erant, boves. Nempe cum animo recurſat, & Senatus majestas, & confessus dignitas, & loci ipsius sanctitas, tum manus ad cœlum elata, & lingua totius perjurii ministra, hæc cognitiones furdo verbere perjuratorum impudentiam frangunt, pœnasque violatæ veritatis ab iis exigunt; adeo penitus præcordiis nostris ab ipsa natura infixus hæret mendacii horror. Tibi ergo post perjurium longe omnium scelestissimum; atque impudentissimum, quid nunc animi esse debet? Tu non in paucorum Senatorum confesso, sed in frequentissima totius Ecclesiæ concione, sub ipsius Dei oculis, præsentibus atque inspectantibus Angelis, mentitus es de re non levi, sed omnium gravissima, quæ ad vitam pertinet, non hanc fluxam & evanidam, sed illam immortalem, & æternam; ac de ea quidem ita mentitus es, ut quod cum animi tui sensu pugnat id affirmaris, non obscure, tacito quodam linguæ murmure in funestas voces ægre

ægre erumpentis. sed clare ac diserte, apertissimo totius corporis gestu, & eo denique adhibito ritu quo nullus alius est in omni civium tuorum religione luculentior, aut sanctior. Tunc post tantum scelus lucem aspicere, & oculos in cœlum tollere audes? Non te mens, non conscientia, non anima pungit, aut vulnerat? non ulciscitur veri, quos cœlitus sibi insculptos gerebat, sensus, per vim nefariam compressos, atque violatos? Illa vero si in te hæc infanda ausum non sævit, si parcit, si cessat, atque feriat, haud dubie & ipsa quoque periit, tuo una tecum scelere profligata, ac extincta. Sed præter mendacii fœdum per se atque atrox crimen, id insuper hujus generis peccatis inest, quod iis summum Dei in nos jus contumeliosissime proditur, ac violatur, & quæ ipsi a nobis hoc nomine debetur reverentia, ea indignissime proculcatur. Quid enim quæso civis in Principis sui dignitatem gravius committere possit, quam si nomen, honoremque ejus unius proprium in alium aliquem transcribere se palam testetur, atque profiteatur? Non jam quæro, quis ejus sit, qui hoc profitetur, animus. Si rectum probum (quod tamen difficile est) fuisse concessero; ne sic quidem nocens non erit. In hoc enim genere ad crimen satis est, vel verbis, vel etiam nutu defectionem simulasse, & præ se tulisse; quod potestatum summarum majestas ita sit sacrosancta, ut eam ulla ratione minui, vel violari, vel etiam levissime perstringi sit nefas, quocumque id, qui audent, animo se fecisse causentur. Jam vero

vero iis rebus, quarum tu naturam divinam esse non putas, cultus deferre, qui his eo ipso nomine ac titulo a civibus tuis vulgo ex communi quodam publicoque usu decreti sunt, id inquam, est clara voce testari te alii, quam Deo, tribuere honorem, qui ejus unius est. Itaque ut exemplum ex hac ipsa causa petatur, qui ante Romanam hostiam vel genua venerabundus flectit, vel domum tapetibus, atque aulæis exornat, is proficitur ac testatur se illi Dei nomen, atque cultum tribuere. Non jam ajo te hostiam adorare; Etiam concedo, imo statuo, mentem tuam ita de ea judicare, ut meam creaturam esse & norit, & credat, & ad Deum unum cultus, sensusque suos referat. Sed utcumque se mens tua in arcano pectoris habeat, tu certe dum corpus ante hostiam illam venerabundus abjicis, hoc ipso testaris, profiteris, ac præ te fers, eam te pro Deo tuo habere ac censere. Nonne nunc vides, quanti sit criminis tam impium, tamque horrendum scelus, non dico committere, ac patrare, sed vel præ se ferre? Neque verò est, quod eo confugas, ut neges hoc præ se ferre, qui ante hostiam venerabundus procumbit; Supra enim est a nobis abunde demonstratum, hanc & hujus, & aliorum ejusdem ordinis actuum, veram, claram, ac propriam esse significationem, neque eos aliter vel usurpari, vel intelligi, aut accipi posse, nisi omnium, quæ sunt in humano genere, vel civilium, vel religiosarum societatum leges, jura, atque vincula solvantur & con-

vel-

vellantur. Denique ad hæc & illud accedit, quod non in Deum modo, sed præterea etiam in homines gravissime peccare deprehenduntur, quicumque solennes hujus generis cultus, ritusque præter animi sui sensum ac fidem faciunt, vel eorum sunt aliquo modo participes. Primo enim constat hominem fallere, aut ei illudere, præsertim vero in re gravi, nefas esse; idque si quis ausus fuerit, hunc sanctas & æternas illius caritatis leges violare, quam homines hominibus, omnes omnibus, mutuo debemus; tum ob Dei imaginem, quæ in omni rationali creatura insculpta cernitur, tum ob hanc ipsam naturam, quæ nobis est cum cæteris omnibus communis. Iam vero nemo homines turpius fallit, nemo iis illudit splendidius, quam is, qui cum se fingat ac simulet, & id ipsum, quod illi colunt, adorare, & quos solennes exercent cultus, veros ac salutes censere, alia tamen omnia habet in animo, & id, quod illi colunt, meram creaturam esse judicat, & quos ei tribuunt cultus, vanos ac impios, Deoque exosos credit. Quis vero non intelligit quibus sic illudimus, eos a nobis gravissimam, & cum insigni contumelia conjunctam injuriam accipere? Quod si veros animorum nostrorum sensus sub illa, quam ad eos fallendas induimus, persona reclusos atque delitescentes cernerent; dubitandum non est quin essent indignaturi, nosque velut impudentissimos impostores, pro talibus meritis excepturi. Ac si quidem ut iis prodessemus, ita fingemus, vel si saltem nostra illa simulatio nihil

rit; impudentia illius non absimili, qui cum apud Anglicanum tribunal Londini interposito jurejurando interrogatus esset *num fretum trajecisset*, fidenter negavit, & cum postea trajecisse certo deprehensus esset, perjurium, cujus arguebatur, sic purgavit, ut diceret se *fretum*, non *Caletense*, de quo & rogaverant judices, & omnes qui aderant, rogatum crediderant, sed *Gaditanum*, de quo nemini in mentem venire poterat, intellexisse. Denique si his artibus sit locus, omnis hominum sermo, quo nihil habet nostrum genus ad communem societatem præstantius, non jam erit fidele ac salutare mutux inter nos animorum ac sensuum communicationis instrumentum, sed insidiosa quædam fraudis, ac illusionis machina; neque quisquam jam proximi cogitationes oratione explicatas intelliget, vel ei de ulla re affirmanti aut neganti tuto credet; eruntque omnes homines peregrini ac barbari, ac si Babylonica illa vetus confusio hominum iterum labia divisisset, & singulorum a singulis voces mentesque alienasset. Eadem rerum sequetur perturbatio; si actus, quibus aliquid significari solenne est, alio quam quo eos publici consensus auctoritas destinavit, transferre ac traducere liceat. Qui sui Regis hosti homagium quod vocant præstiterit, hujus perfidiæ labem sic eluet; ut ex hac arte causetur se hoc actu non fidem suam tyranno obstringere, sed eum duntaxat civiliter salutare voluisse. Et qui olim apud Israellem se in perpetuam servitutem dare

(ut mos erat) perforata addixerat, ei datam hero fidem frangere licuisset, pertendenti mentem hanc sibi fuisse, ut eo actu servituti renuntiaret, non ut ei sese addiceret. Ita miles in bello gestata hostis insignia, vel dictum ei sacramentum, eadem techna eludet. In sacris vero eo nocentior atque pestilentior erit hæc cavilandi fallendique disciplina, quo sanctiorem atque inviolabiliorem apud homines esse oportet sacrorum religionem. Nihil enim ulla hominum religione ratum fidumque supererit, si actus ejus solennes alio sensu, quam fert communis usus, factitare atque usurpare cuivis privato conceditur. Ut enim tu tibi hoc sumis, ut genua ante Romanam hostiam flectas, neque tamen eam adorasse censearis; ita alius aliquis id quoque sibi concedi postulabit, ut ante imagines procumbere, & accensos cereos iis offerre liceat; neque tamen idcirco imagines veneratus esse putetur. Erit & fortasse alius, qui pertendet sibi licere Turcarum sacris interesse, & externos eorum cultus factitare; neque ideo se Mahumedismi reum fore. Hos enim (inquiet) cultus, non Mahumedis Deo, sed Domini Jesu Patri defero, atque destino. Ad hoc exemplum audebit & qui apud Sineneses deget, ante barbarorum simulacra venerabundus procumbere; atque ita factum tueri, ut dicat se non idolum illud, ante quod gentilibus mixtus jacuit, sed verum ac sempiternum Deum adorasse. Quod si res, atque actus hominum

ab

ab usitata significatione ad alienam ita transferre liceat ; cur non & verba licebit ? Utraque enim signa sunt , & quidem ejusdem naturæ , ab iisdem auctoribus , nempe ab hominibus , & ad eosdem fines instituta ; eo tantum disparia , quod verborum , quam actuum . & rituum natura multo obscurius ad ea refertur , quibus significandis sunt instituta ; ut si utraque inter se contendas , etiam verborum quàm actuum minor videatur esse debere religio. Ergo ex horum cavillatorum artibus licebit homini Protestanti (ut vocant) vel Reformato integra conscientia profiteri , & quidem cum jurejurando , *hostiam sibi adorandam videri*. Quidni ? cui parata ex hujus technæ legibus erit excusatio , se *hostiæ nomine* , non Romanum sacramentum . ut vulgus , sed Christum Iesum in cruce pro nobis patientem intellexisse. Interrogatus a Magistratu Christianus , libere , ac intrepide , pro re nata , & ex suo commodo respondebit se vel Musulmannum esse , vel etiam Iudæum , etiam , si libuerit , Ethnicum ; & quidem jurabit ita esse , si urgeatur ; apud suos perfidiam hanc postea ex mirificæ hujus disciplinæ præceptis sic fucaturus , ut affirmet , se hæc verba alio sensu accepisse quam vulgo solent ; Musulmannum cum dixit , *credentem* , vel *fidelem* (id enim valet nominis illius etymon) intellexisse , & quidem Christi , non Mahumedis fidelem ; itidem Iudæum , non carne recutitum , sed spiritu Christi regnitum , ex illo Iudæorum censu ,

cenſu, quorum laus a Deo in Chriſto Ieſu;
Gentilem deniq; quod ſe ſit profeſſus, non de
religione (abſit) ſed de origine accepiffe; qua
ratione & ipſum & nos omnes *Gentiles* di-
ci poſſe nemo negaverit. Cur enim mihi (in-
quier) non æque in verbis ac tibi in rebus
ludere licebit? Tu quidem dum ante hoſti-
am Romanam genua flectis, negas eo ſi-
gnificari te hoſtiam Romanam adorare. At-
qui hanc adorationē ille actus in communi
Romanorum uſu tam proprie, tam clare,
tam denique univerſaliter ſignificat, quā
in publico ſermone *Muſſulmanni*, *Judæi* &
Gentilis vocabula ſectarum iſtarum homi-
nes. Ergo tam mihi iſtis vocibus, quam
tibi illo actu ad aliud ſignificandum abuſi
licet. Unde poſtremo quivis intelligere
poſteſt, quam periculofa, ac pernicioſa
futura ſit hæc (ſi admittatur) licentia. Sed
nèque certe hæcenus apud ullas paulo ho-
neſtiores vel civitates, vel diſciplinās rece-
pta eſt. Abſit hæc ab humano genere per-
fidia atque inſœlicitas. Siqui ſint, qui
funèſtis hiſce artibus uti velint, eos divinæ
atque humanæ leges vel pro illuſoribus, vel
pro perfidis, atque traditoribus habent,
graviffimisque pœnis, velut nocentium de-
terrinos, puniunt. Humanorum quidem
tribunalium auctoritas in hunc maxime ſi-
nem & inſtituta eſt, & viger; ut integra
conſervetur verborum, & aliorum ſigno-
rum fides, quibus in pactis, fœderibus,
aliisque civilibus negotiis mentem noſtram
teſtari, atque exprimere ſolemus. Siquis
de muliere in uxorem ſibi conjugenda ſi-
dem

dem obstrinxerit, postea de liberanda fide in jus vocatus, ita sit impudens, ut causetur se quam *uxorem* ducturum erat pactus, *concubinam* intellexisse, & *uxoris* verbum hoc sensu, quantumvis a vulgari usu alieno, usurpasse; is ab omnibus non perfidus modo ac perjurus, sed etiam stultus, ac frigidus illusor habebitur; Neque dubitandum est si nulla alia habeat causæ suæ præsidia quin statim sit a iudicibus damnandus. Neque vero vel civis, qui tyranno homagium præstiterit, neque miles, qui hosti sacramentum dixerit, imminutæ majestatis, proditionisque ac perfidiæ vel crimen vel poenam ideo effugient, si dixerint mentem sibi rectam fuisse, & in fide mansisse; seque externa quidem illa fecisse, sed longe alio animo alioque sensu, quam vulgo apud homines & fieri & accipi solent. Hæc vero absurda, impudensque excusatio reorum peccatum & infamiam adeo non elevabit; ut etiam apud sapientes & æquos iudices ad cumulandum ea poena istorum supplicium valitura sit, quam profligatus pudor mereatur. Quod si vel hominum justitia hujusmodi cavillationes non modo aspernatur, ac repudiat, sed etiam iis offenditur; seque a reis, si quos eas adhibere non puduerit, irrisam, contumeliaque affectam & quidem merito, judicat quæ spes esse potest, Deum, cujus iudicium multo est, quam quorumvis hominum purius, gravius, atque sanctius, hujusmodi illusores impune habiturum, vel dimissurum, præsertim ubi de ipsius veritate atque cultu quæritur, quæ

causa est omnium longe gravissima? Ac eum quidem, qui *creaturam* latriæ cultu *adorandum* esse simpliciter ac diserte dixerit, nemo erit profecto, qui ita purgari ac evadere posse concedat, si causatus fuerit, se, dum ita loqueretur, *creature* nomine non rem aliquam creatam, sed *Creatorem* intellexisse, significareque apud auditores voluisse. Crassior est, atque inverecondior hæc caussificatio, quam ut eum quisquam vel impudentissimus usurpare, vel stultissimus admittere velle putetur. Etiam illi ipsi, qui tamen nobiscum de fide sentiant, sibi tamen licere volunt ante hostiam genu flexo procumbere, religione tamen aliqua deterrentur, ne sibi liberum esse censeant diserte pronuntiare atque profiteri *hostiam esse adorandam*. Atqui & horum verborum, & actuum illorum ad religionem pertinentium eadem plane est (quod jam diximus) natura, atque ratio. Utraque signa quædam sunt, sive symbola ad significandos animorum nostrorum sensus inventa, atque instituta. Cum ergo ex communi omnium Christianorum consensu satis superque constet, in confessionibus, sive expositionibus fidei nostræ, quas vel viva voce vel litteris scriptis expressas edimus, nefas esse verba alio sensu usurpare, quam quem fert publicus usus, receptaque eo, quo utimur, sermone loquentium consuetudo; certo quoque atque indubitato statuendum est neque nobis licere eos actus, atque ritus qui sunt aliqua in religione solennes, apud homines, qui eam colunt, ad aliud significandum

dum facere & adhibere, quam quo ab ipsis in communi suorum sacrorum usu referri solent. Itaque, ut concedunt quibuscum nunc proprie disputamus, gravissime peccare si quis hostiam, quam meram creaturam esse credit, pronuntiet tamen *latræ cultu esse adorandam*, quocumque sensu id a se dictum caussetur; ita necessario confiteri debent se quoque ejusdem sceleris reos teneri, qui ante hostiam, de qua eadem cum isto, quem damnant, sentiunt. genua flectere venerabundi non dubitant, quacumque id mente faciant. Cum enim ipse ille actus, quo fungi non verentur, communi ac publico hominum apud quos versantur, usu ad hostiæ adorationem significandam atque exerendam dedicatus sit atque consecratus, profecto quod eum cū illis usurpant, hoc ipso *adorandam esse hostiam etiam multo* clarius atque disertius loquuntur, quam si hæc ipsa verba totidem syllabis palā pronuntiarent.

C A P. X V.

Solvitur objectio, quæ ex Naamanis facto adversus superiora afferri posse quibusdam videtur.

NEque vero istorum causam hilum juvat quod plurimū in ore habent, Naamanis Syri exemplum, qui cum ab errore Gentilium, ut est in divinis litteris traditum, ad veri Dei cognitionem esset conversus, tamen si quando Regem, herum suum, officii causa ad templum comitaretur, etiam tum flexis genibus ante aras & simulacra falsorum numinum procumbere erat solitus, quo Regi vel supplicanti, vel sacra

facienti ministrarer. Nolo hic eorum expositiones referre, qui locum illum Scripturæ ad sensum inflectunt, ab hoc, qui legentibus primum occurrere videtur, plane alienum. Nos vero istis, id quod maxime cupiunt, concedamus, nempe & Naamanem petivisse, ut sibi cum bona Domini Dei venia templum Remonis una cum Rege ingredi, & se illic, quod Rex manu sua niti soleret, ad hoc officii incurvare liceret, & Elisæum hoc ipsum Dei nomine Naamani condonasse, adeoque non pugnasse hunc ejus actum, siquando eo fungeretur, vel cum pietate in Deum, vel cum caritate in proximum; his concessis ne sic quidem quicquam effici hinc poterit, quod causam vel istorum sublevet, vel nostram feriat. Non enim Naaman sibi hoc simpliciter condonari postulat, ut se in Remmonis templo venerabundus incurvet. Absit, ut hoc petiverit, quod cum divina lex clarissime ac disertissime vetuerit, nunquam si petivisset, a sanctissimo Propheta impetraturus fuit. Ille vero hoc unum sibi a Deo cōcedi rogat, ut Regi id, quod solebat, officium exhibere ac præstare porro possit, nempe ei apparere, & manum, qua nitatur, commodare (sic enim solent Principes ac magnates viri ministrorum ex intima familiaritate manu, vel humero honoris causa inniti) quod siquando Rex hujusmodi aliquid in Remmonis hoc est, idoli templo requirat; hoc servitio apud herum fungi id sibi ne crimini, vel fraudi apud Deum sit. Iam hunc actum, si paulo accuratius inspe-

xeris.

xeris, multum ab eorum, de quibus disputamus, natura atque ingenio differre comperies. Nam de quibus actibus nunc querimus, hi ad unum earum rerum, quas sibi adorandas homines statuunt, cultum atque honorem absolute ac simpliciter pertinent; Ille vero, qui objicitur, Naamanis actus, ad Regis, ejusdemque heri ac domini, servitium, recta, proxime, ac immediate referebatur. Hi in communi publicoque hominum usu nihil plane aliud significant, nisi eorum, quibus attributi ac consecrati sunt, cultum, atque adorationem. Ille vero contra, præcipue directeque significabat Naamanem pro suo hero ac Domino eum habere æque agnoscere, cui id servitii exhibebat. Quantum ergo est inter creaturæ adorationem, & heri servitium discrimen, tantum hic Naamanis actus ab iis, quos isti sibi licere concediq; volunt, differt. Deus quidem nusquam vetat servos id ministerium heris exhibere; Id est manum, qua se regant, vel humerum, quo innitantur, commodare, vel in genua se summittere, quo facilius ac commodius id obsequii dominis suis præstent. Imo vero omnes societatis civilis gradus inviolatos atque incolumes servari Scripturæ divinæ clarissime instituunt; diserteque in primis servos cavere jubent, ne pietatis, cujus cognitione divinitus donati sunt, nomine sibi licentius cum heris agendum putent; quasi terrenæ servitutis jura vel tollat vel imminuat cœlestis gratia. Sed qui hæc ita constituit Deus, creaturarum idem adorationem se-

verissime, constantissimeque damnat, ac vetat. Non ergo si ea usurpare licet, quibus prior illa fervorum adversus dominos suos subjectio significatur; eo fit, ut & actus eos exercere fas sit, quibus homines suam erga res creatas *latrîam* atque adorationem testari solent. Hoc unum fateor, cum Naaman Regi servitium hujusmodi in Remmonis exhibebat, ex loci circumstantia tum accidisse. ut ejus actus alio, quam quo fiebat, sensu accipi potuisse videatur. Cum enim actus, quo iste Regi, Dominoque suo ministrabat, re, ac (ut in scholis loquuntur) *materialiter* idem cum eo esset, quo idololatræ Remmonem suum colebant; adhæc cum eodem loco, ac tempore uterque fieret; potuisset fortasse, spectantium aliquis suspicari Naamanem, non Regi super manu sua innitenti, sed Remmonis, cujus simulacrum, quod illic exstabat, cæteri omnes adorabant, illam genuflexionem, vel incurvationem suam detulisse quoque ac destinasse. Atque hinc exortam crediderim eam, quam Naaman de actu hoc suo testatus est, religionem esse. Tametsi enim ipse quidem, non alii, quàm Regi, honorem, eumque civilem exhibere in animo haberet; & vero consuetum, receptumque esset ad civilem illum honorem Regi habendum hujusmodi actus adhiberi; tamen quod intelligeret ex illo temporis, ac loci cum idololatrarum cultibus concursu, fieri posse, ut de suo actu aliter judicarent homines; idcirco non putavit usquequaq; criminis expertem futurum; eoque factum est, ut Dei venia, atque indulgentia

gentia opus sibi esse existimaverit ad hoc ministerium Regi suo deinceps exhibendum. Hoc vero id ipsum est, quod ei Elizæus videtur his verbis concedere ; *Vade in pace* ; ^{2. Reg.} Quia nimirum siqui sibi ex his persuaserunt ^(Lat. 4.) Naamanem idolum tum adorasse, cum Re- ^{5. 18.} gi suo in templo ministraret, eorum opinatio nulla certa, ac necessaria ratione, sed argumento fallaci, ac futili nitebatur. Cum enim Regem super Naamanis manu inniti viderent, satis causæ erat, cur eum ad heri servitium potius, quam ad idoli cultum adesse suspicarentur. Quod Regi hoc momento serviret, eo ipso probabile erat hunc actum ad Remmonis cultum non destinari; quod neque fas, neque mos, vel usus sit sacros religionis actus inter immortale numē, & hominem mortalem partiri. Vel hoc unum satis docebat, Naamanem non religioni numinis, sed heri sui servitio, isto loco, ac tempore vacasse. Neque vero erat, cur ejus actus, qui hominis usui ac commodo potissimum impendebatur, laus ac merces, tamquam veri, legitimique cultus, a numine exspectaretur, si vel Naaman idololatra, vel Remmon sensu aliquo, ac ratione præditus fuisset. Ut si forte vir nobilis, dum Principi, ac Domino suo supremo *homagium* (quod dicitur) facit, unius ex suis familiaribus in genua ad eam rem procubentis manui interim innitatur, nemo erit, qui ideo putet hunc ejus familiarē isto actu Principi homagium quoque fecisse, seq; ejus clientem professum esse. Ille vero nihil hic aliud gessit, nisi quod Nobili amico ministravit. Ac ut id liquido intelligatur, fin-

finge & hunc ipsum in ejusdem Principis
 clientela esse, ob feudum quod in ejus di-
 tione possidet. An eum Princeps homagio,
 quod suo hoc nomine proprie debet, ideo
 functum putabit, quod amico simili apud se
 officio in pari causa fungenti affuerit, atque
 ministraverit? Minime vero; sed homagium
 suo nomine debitum, ab ipso erit de integro
 præstandum. Unde liquet diversos, & a se
 invicem distinctos esse duos istos, quam-
 quam alioqui similes, ante Principem pro-
 cumbendi actus; alterum, quo ei ideo acci-
 dis ut cultum debitum exhibeas; alterum,
 quo genua non alia gratia flectis, quam ut
 amico eum proprie colenti ministres; Con-
 similis erat Naamanis ratio. Syrorum qui-
 dem Rex Remmoni cultum religiosum ex-
 hibebat. Naaman vero hero ministrabat,
 non Remmoni, falso & iniquo heri sui Do-
 mino. Huc & alia accedebant non pauca,
 quæ illum Naamanis actum omni crimine
 abunde purgabant. Is enim in idoli tem-
 plum nunquam alias ingrediebatur, nisi
 cum id ministerii hero suo exhibere necesse
 erat. Una hac causa excepta ad funestam
 illam ædem nunquam accedebat; nunquam
 ante idolum consistebat, nulla ei sacrificia,
 nullos omnino cultus ipse per se suoque no-
 mine offerebat. Ex quibus constare pote-
 rat, eum istic, siquando adesset, nulla suæ
 alicujus in idolum religionis, sed una mi-
 nisterii hero suo exhibendi ac præstandi
 causa adesse. Præterea ille non solum fal-
 sis & impiis cultibus abstinebat, sed & pa-
 lam atque aperte tum verbis, tum rebus
 ipsiis

psis profitebatur se verum illum Deum, qui apud Israëllem colebatur, agnoscere, timere, atque adorare. Id apud Elizæum Prophetam disertissime testatur; *Vere scio* (inquit) *quod non sit alius Deus in universa terra, nisi tantum in Israel. Non faciet ultra servus tuus holocaustum aut victimam Diis alienis, nisi Domino.* Quæ cum ita se haberent, apparet siquando Naaman in Remmonis templo se hero suo ministraturus in genua incurvaret, eas fuisse omnes actûs hujus singularis circumstantias, quæ omni ambiguitatis sublata causa, eum criminis suspicione liberarent, clareque docerent non fuisse hanc Remmonis, hoc est idoli, adorationem. Ut ergo in communi sermone licet viro bono etiam ea verba usurpare, quæ res diversas significant (qualia in omnibus linguis non pauca sunt, quæ Grammatici *ambigua*, & *πολύσημα*, Dialectici *homonyma*, vel *equivoca* vocant) modo iis sic utatur, ut quid significet, satis ipse aperiat, neque videri possit vocum ambiguitate mentem suam de impustria celare, auditoremque fallere voluisse; ita & Naamani licuit ad exhibendum hero servitium, testandumque suum ei obsequium etiam hunc actum exercere, tamen si ex loco & tempore, quo exercebatur, non nihil ambiguum, quando cætera hominis & vita & oratio quicquid suberat ambiguitatis satis discutiebat, apertissimeque docebat hanc ei, siquando in æde Remmonis se se incurvaret, mentem esse, non ut idolum adoraret, sed ut hero suo simpliciter ministraret ac serviret. Atque his ita

ab

ab omni eorum, quos refellimus, causa hic Naamanis actus alienus. Primo enim sibi volunt licere ante Romanam Eucharistiam cū illius communionis hominibus genua flectere, nulla unquā diserta atque aperta professione docent, quid de ea vere & ex animo suo sentiant. Naaman vero Deum Israëlis palam colebat, eique sacrificia offerebat; claque testabatur sibi Deum non videri istū Remmonem cuius sacris aliquando interesse cogebatur, ob eam, quam Regi suo debebat, servitutem. Hi nostri plane contra, in Romanorum, qui Eucharistiam adorant, communionē permanent, eorumque religionem palam profitentur, neque unquam vel verbo, vel opere, ejus rei cultui renuntiant, ad quam venerabundi se se inclinare, atque incurvare sæpe cernuntur. Quis ergo istos, nisi divinus sit, aliud de his sentire suspicari possit, vel hanc illorum ad hostiā genuflexionem, corporisque dejectionem aliud esse putare, quam adorationem, & sinceram de objectæ rei divinitate & cultu testificationem? Præterea cum isti ante hostiam genua flectunt, vel domus suæ parietes exornant, non possunt hi eorum actus aliud significare, nisi adorandæ hostiæ consiliū; qui scilicet in communi ac recepto eorum hominū, apud quos versantur, usu uno hoc sensu usurpari solent; Naamanis vero, ut docuimus, actus, officium servile erat, hero ex servitutis jure debitum. Nostrorum, ut liquet, plane alia causa est; quorum vel manibus, cum genua ad hostiam flectunt, inniti, vel tectum, cum id exornant, subire nullum dominum, nullum herum vide-

videmus. Nihil in sacris, vel in pompa, præter unam hostiam occurrit, quo hi istorum actus referri, vel ad quod aliqui ex his usus; fructusve redire possint. Ergo neq; hi aliter accipi, haberique; vel possunt, vel debent, nisi pro totidem religiosi in hostiam cultus symbolis, quibus isti clare sancteque testantur, atque affirmant se eam pro vero numine habere, & adorare. Itaque isti, si sapiunt, intelligent tandem aliquando illo Naamanis exemplo se non tam purgari, aut excusari, quam coargui, atque confutari. Qui enim actum illum, licet tam multis modis ornatum, & ab idololatriæ suspitione non uno nomine immunem, tamen ob loci circumstantiam ita extimuit, ut eum aggredi animi religione deterritus non ante ausus sit, quam veniam a Domino deprecatus esset; quid facturum illum putas, si ea incidisset, quæ nunc agitur, causa? quantoq; cum horrore ea repudiaturum, atque abominaturum fuisse, quæ isti nunc detrectanda non censent, cum tamen nihil aliud sint, quam nuda, meraq; religiosi in creaturam cultus symbola, ac testimonia? Neque ex Naamanis facto aliud (quod ad hanc quidem causam pertinere videri possit) aliqua cū veri specie concluderis, nisi hoc unū, piis scilicet Regum, Magnatumq; servis, ac ministris licere dominorum suorum, etiā a fidei veritate alienorū, sacris interesse, modo tamē & ad servitii, munerisq; sui rationē pertineat is actus, quo tali loco, ac tempore funguntur, & ipsi itē nō obscure & ambigue, sed aperte ac palā profiteantur se unum Dominū Deū timere, neq; id, quod in hujusmodi

di

di sacris colitur, pro numine habere aut agnoscere. Cæterum haud satis scio an vel huc usque nunc extendere illius exempli auctoritatem nos sinat, novi, sub quo versamur, fœderis a veteri, cuius temporibus vixit Naaman, magnum ac perspicuum discrimen. Multa enim Deus in illa populi sui infantia vel indulgit, vel toleravit, quæ in hac Evangelii luce plane penitusque interdixit. Nimirum tanta nunc a nobis, tamque suis numeris absoluta exigitur caritas, ut omnia potius perpetienda sint, quam quicquam admittendum, quo vel minimam scandali occasionem proximis præbeamus. Itaque tutissimum ego quidem esse censuerim, eas dignitates, quæ nos ad aliquid vel inducunt, vel obligant, quod cum nostra religione vel in speciem pugnet, mature dimittere, iisque carere malle, quam ut vanum & umbratilem honorem retineamus, cuiquam mortalium offendiculum obicere.

is noceret; esset sane, quod se a nobis falli minus ægre ferrent. Nunc longe aliter est. Nam illa simulatio magno iis scandalo est. Sic fingere, sic veram mentem abdere, & aliam iis falso prætere, nihil aliud esse videtur. quam personam ad hoc, ut in incautos ignotus, eoque tutus impune grassetur, assumere. Quibus enim præsentibus, ac spectantibus impios & superstitiosos cultus exerceas, eos tu ad eandem superstitionem imbuas, ac (ut eleganter dixit Paulus) *edificas*, & in errore confirmas; quem tuum scilicet exemplum, multo, quam ulla oratio, potentius suadet, ac commendat. Ut cum verbi gratia genua venerabundus ante Romanorum hostiam flectis; quid tuus hic cultus agit? quid oris, ac oculorum species, ac motus significat? quo totius corporis actus pertinet? Negare non potes, quin omnia Romanum de hoc religionis capite errorem longe gravissimum doceant, atque confirment. Tu hoc ipso, quod ante hostiam sic procumbis, omnibus, qui te vident, auctor es, ut eam colant. Si tacet lingua, corpus certe ad terram incurvatum loquitur, & quodam sermonis genere, multo, quam est oris sonus, clariori atque efficaciore, obtestatur & clamat; & hostiam illam creaturam quidem esse negat, summum vero numen esse affirmat, adorandam definit; eique cultum unius Dei proprium decernit. Hæc actus ille tuus significat; hæc spectatores quidem certe docet. Quidquid de mente dixeris, hinc illi nihil aliud discere, nihil in iis, quæ vident, aliud perspicere, atque

intelligere possunt. Itaque qui apud animum tuum, certum, atque indubitatum habes hanc ipsam hostiam meram esse creaturam; negare jam profecto non potes, quin tu istis, quantum in te fuit, adorandæ creaturæ, hoc est tætri atque exitialis erroris auctor, suasorque fueris. Tu incautus id, quod venenum esse non dubitas, porrexisti; quæque ultima est, ac longe sceleratissima perfidiæ fraus, letale poculum, ut cæteri incunctantius, & fidentius haurire auderent, ipse gustare te simulasti. Jam si venefici, qui corporum saluti insidiantur, omnium nocentium tæterrimi, atque perditissimi merito habentur; vide quæso quantâ sit tui sceleris atrocitas, qui in tuorum civium, non corpora, sed animas ipsas grassaris, pharmaciis propinans, etiam tuo ipsius iudicio, letalia. Si vero qui *unum de pusillis in Christum credentibus scandalizaverit*, eum poenæ manent adeo graves, ut Christo teste ac iudice, satius ipsi fuerit *suspensa ex collo mola in profundum maris demergi*; tu cogita, quid merueris? quibus fulminibus, quaque gehenna dignus sis, qui non uni fratri, sed toti cœtui, tantum, tamque exitiabile scandalum obiecisti? Qui creaturam errantes pro Creatore colunt, ii tamen apud Deum sunt inexcusabiles; quod supra demonstravimus; Quam tu ergo veniam sperare potes, qui quod creatum esse non nescis, id ipsum tamen incurvaro in genua corpore colis? Nota enim est Domini Christi ea de re sententia; *Ille (inquit) servus, qui cognovit voluntatem Domini sui, & non præparavit, & non fecit*

secun-

Matth.
18. 6.

Luc. 12.
47.

secundam voluntatem ejus, vapulabit multis; qui autem non cognovit, & fecit digna plagis, vapulabit paucis. Atque hoc judicio nihil æquius, justius-ve fieri posse, assentitur etiam communis hominum sensus. Cum igitur qui cultus, quos ipsi impios esse ex animi sui sententia putant, exercent tamen, tam multipliciter & in pietatem, quæ Deo, & in caritatem, quæ proximo debetur, peccent; non est mirandum, quod eos Dominus, qui sic peccant, & damnet inexorabiliter, & æternis pœnis addicat. Ille vero nisi naturam ipse suam, & quod ei Scripturæ constanter ubique tribuunt, ingenium exuat, fieri nequit ut aliter instituat. Primo veritatis pater non erit, si mendacium inultum finit. Gloriæ suæ zelotes non erit, nisi in sui contemptum vindicet. Generis postremo humani neque judex, neque princeps erit, si nullis suppliciis in eos animadvertit, qui miseris mortalibus & contumeliosissime illudunt, & periculosissima scandala objiciunt. Nunc vero quibuscumque est aliqua æquitatis ac rationis cura, iis judicandum relinquimus, an genua ante hostiam Romanam flectere, an domos exornare, an cætera ad ejus cultum instituta, solenniaque factitare nobis ullo jure liceat, qui hanc, non (quod volunt adversarii) summum numen, sed meram creaturam esse certissime (Dei gratia) credimus; an non contra ex perpetuis Christianæ disciplinæ legibus, ad ultima quæque potius perferenda, ac perpetienda obligemur, quam ut unquam aliquid eorum, quæ a nobis hoc in loco exiguntur, vel præste-

mus, vel simulemus. Si nobis ad hoc, ut pacem cum civibus retineamus, licet aliquando vel mentiri, & aliud ore profiteri, quam quod corde credimus, vel gloriam summo Domino, Deoque nostro ereptam, creaturæ tribuere, vel denique homines fallere, & eos exemplo nostro, in tætros, ac pestiferos errores inducere, inductosve confirmare; fatebor equidem culpa non carere, quod honores istos Romanæ hostiæ in gratiam civium, proximorumque nostrorum, qui hoc a nobis impense flagitant, deferre noluimus. Sin constat, divinæque omnes leges ita jubent, quidvis potius esse patendum, quam horum quicquam committendum, quorum nihil ab homine committi sine maledictionis, ac gehennæ reatu potest; manifestum est nos, qui de Romana hostia sic, ut dixi, sentimus, attributos ei ab adversariis cultus exercere, vel aliqua ratione cum ipsis hætenus communicare non posse quin & iram Dei provocemus, &, quod inde consequens est, animas nostras æterno exitio involvamus. Ergo si vel hæc una esset inter nos controversia, ea vero satis esset ad id, quod nos defendimus, demonstrandum; nos scilicet ab adversariis, non (quod hi falso & inique dicuntur solent) mera animi protervia ac libidine gratis incitados, sed summa atque ineluctabili necessitate compulso, atque coactos, adeoque jure ac merito discessisse; quod quæcumque necessaria discessio est eadem quoque justa est.

C A P. XIX.

*Multa alia esse Ecclesie Romane dogmata,
quæ nostræ & fidei, & salutis fundamen-
ta convellunt, ut de imaginum venera-
tione, de Episcopi Romani monarchia &c.*

SED præter hoc de adoranda hostia dogma, plæraque alia, ad quorum fidem, ac praxin Romani Theologi nos invitos ac renitentes compellunt, tanti sunt in religione momenti, ut ea non magis, quam hoc ipsum, de quo disputavimus, vel profiteri, vel observare possimus, quin & conscientiarum nostrarum sensum violemus, & in Deum graviter peccemus, & gratiæ postremo, gloriæque divinæ, quæ fidelibus utraque promissa ac reposta est, jacturam faciamus. Nam (ut nonnulla breviter exempli causa attingam, qui summo Christi beneficio scimus ac credimus nihil imaginibus inesse divinum, quique ex Scripturis tenemus Deum exserte vetuisse, ne nos ipsos ante simulacra incurvemus, alioqui futurum, ut eum gloriæ suæ zeloten ac vindicem cum maximo & nostro & posteritatis damno experiamur; qua fide, quave mente possumus ante consecratas passim a Romanis imagines procumbere, genuave flectere, vel apud eas aut cereos offerre, aut thura adolere, aut vota facere, aut ipsas vestibus lineis, sericisve ornare, cæteraque hujus generis innumerabilia facere, quibus isti ex novitiæ disciplinæ legibus suum in sacra hæc

Optat. 1.
3. T. 4.
Bibl.
Patr. p.
336.

(ut quidem ipsi vocant) signa, honorem, religionisæque venerationis cultum profitentur & præstant? Cum olim in Africa sparsus esset apud Donatistas rumor *venturos esse* in eas partes *Paulum & Macarium* Catholicos, qui interessent Eucharistiæ celebrationi, & cum altaria sollemniter operarentur, proferrent illi imaginem, quam in altari ponerent primo, sic sacrificium offerretur, hoc (inquit narrationis auctor Optatus) cum acciperent aures, perculsi sunt & animi, & unusquisque lingua in hæc verba commota est, *Qui inde gustat, de sacro gustat*; hoc est (ut ego quidem interpretor) de idolothyto. Hæc exsecutus Optatus; *Et recte* (inquit) dictum erat, si talem famam talis veritas consequeretur. Ex his patet sanctissimos illos Patres Donatistis concedere, ut Ecclesias, velut pollutas, & Eucharistiam, velut funestum ac contaminatum cibum fugiant, si qua in altaribus posita imago deprehenderetur. Quis ergo eos, qui ita senserunt, probaturos unquam putet, ut Romanorum vel altaribus communicemus, vel sacra colamus, vel Ecclesias ipsas adeamus, in quibus non ex incerto rumore, sed ex certa oculorum & sensuum nostrorum fide, scimus omnia imaginibus referta esse; & veteribus, & nobis, & plebem quotidie videmus ante eas venerabundam procumbere? Præterea qui certa fide credimus unum Jesum Catholicæ Ecclesiæ caput esse, & sponsum; quomodo tandem augustissimos hos titulos, dignitatemque iis significatam urbis Romæ Episcopo tribuemus, vel ei hoc nomine pedum osculum deferemus, & cæteros eodem per-

pertinentes honores, ut isti volunt, exhibebimus? Sed neque nos, qui cœlestis doctrinæ veritatem unum novimus fidei nostræ fundamentum, consentaneum est eam ex Synodorum auctoritate suspendere; quod isti tamen adeo vehementer urgent; ac jubent, ut ipsam divinitus inspiratam Scripturam ab iis (quod ad nos pertinet, sive fidei nostræ respectu) pendere contendant. Neque intelligo, quo animo Romani sacrificii & necessitatem, & efficaciam credere ac profiteri possimus, qui unius a Christo in cruce oblatae victimæ vi atque merito perfectissime expiata omnia nostra peccata agnoscimus, ac defendimus. Neque item fieri ulla ratione potest, ut qui & religiosam per preces invocationem cultus divini partem esse non ignobilem statuimus; neque vero ex Scripturarum cœlestium schola alium præter unum Deum invocandum didicimus, iidem tamen hominibus mortalibus, & quidem jampridem mortuis, sacras preces, religiosasque invocationes ex Romano dogmate & ritu deferamus; ac præter cæteros, qui sunt propemodum innumerabiles, etiam Dominico monacho, etiam Ignatio Loyolæ, etiam Carolo Borromæo Mediolanensi nuper Archiepiscopo, & aliis hujus commatis heroibus; quos, dum viverent, hanc ipsam sanctissimam fidem, qua nos in Domino gloriamur, & acerrime odisse, & crudelissime insectatos esse scimus. Hæc & alia non pauca, quæ brevitatis causa prætermitto, Romanorum hominum placita, ex iis, quæ de Eucharis-

stix adoratione fufe supra disputavimus, apparet ipsa fidei ac pietatis nostræ fundamenta convellere, adeoque huiusmodi esse, ut qui hæc aperte publiceque sequuntur ac profitentur, cum iis in religione communionem fovere, ac colere nobis minime liceat.

C A P. XX.

Operis conclusio. Qui de religione eadem nobiscum sentiunt, eos a Romanorum communione discedere debere; qui vero dissentiunt, iis suam fidem ante constituendam ac demonstrandam esse, quam nostram ab ipsis discessionem damnandam.

ATque ita hætenus discessionem a Romanis nostram satis, ni fallor, purgavimus, ac defendimus. Unde videre est, quam miseranda sit eorum conditio, qui de quorum fide ac cultu eadem nobiscum sentiunt, eorum tamen communionem colunt, & nobis, quod discefferimus, dicam scribere non verentur, idque veluti verum crimen incusare, ac denotare. Quod enim pestilens, ac letale esse iudices, id fugere, non superstitionis profecto, ut isti dictitant, vanæ atque otiosæ, sed cautæ, ac necessariæ prudentiæ est; quod vero & Dei gloriæ, & hominum ædificationi adversari, & cum tua denique salute pugnare sentias, id tamen quotidie facititare, atque exercere, supinæ est, & plane inexcusabilis oscitantæ, ac negli-

gligentia. Quod si istos, qui in tam periculoso errore versantur, convenire hoc loco, atque affari nobis licet, eos ego per suam in Deum pietatem, perque eam, quam suscipere, ac gerere debent, tum suæ, tum alienæ quoque salutis curam, obsecro atque obtestor, ut de hac omni causa serio apud se cogitent; & quorum fidem non probant, eorum relicta tandem aliquando societate iis se ocius adjungant, quorum omnem de religione sententiam veram, ac cœlestibus litteris consentaneam esse non dubitant. Neque vero sibi de eo blandiantur, quod Romani, apud quos hærent, Apostolorum Symbolum, & summa fidei Christianæ capita, profitentur, atque in ore habent. Non enim sunt nescii, ad ista, quæ vera sunt, plurima Romanos adjecisse falsa & vana; non pauca etiam pestifera & letalia. Jam ut qui præsens venenum in alia cœnulæ particula immixtum sumpsit, non ideo peste, quam in viscera admisit, liberatur, aut evadit, quod alios insuper cibos, bonos ac salubres ededit; ita neque te, si perniciosum & letalem errorem in fidem tuam receperis, hac peste & hoc exitio eripiet vera ac sana doctrina, siquam in cæteris religionis capitibus retinisti. Non est mali eadem quæ boni hac in parte ratio. Illud quam hoc & multo latius serpit, & agit longe validius. Neque enim servat vel veritas, vel virtus, nisi pura ac sincera fuerit, nullis perniciosis admista; Error vero & vitium etiam eos perimunt, quos aliqua tantum ex parte infecerint. Ac ut qui castus, & modestus est, non ideo tamen ser-

vabitur, si idem avarus, aut maledicus fuerit; ita neque evadet, qui præcipua fidei Christianæ capita confitetur. Atque hæc quidem ad istos hætenus. Sed nunc ad eos quoque oratio convertenda est, qui Romanæ Ecclesiæ communionem simpliciter ac bona fide colunt, omniaque ejus dogmata ex animo probant, ac sequuntur. Vos ergo, qui ita sentitis, per humanitatem atque æquitatem vestram rogo, ut si ea, quæ docemus, non probatis, de nostra certe a vobis discessione moderate, ac benigne judicetis; neve crimini id nobis vertatis, quod ineluctabili quadam necessitate factum videris. Testem habemus Deum, quam inviti huc compulsi fuerimus; quamque ægre a Principum, civium, & propinquorum nostrorum sacris discesserimus, quos summo semper studio & coluimus hætenus, & in posterum constanter cum bono Deo colemus. Sed in hoc acerbissimæ necessitatis articulo deprehensi quid faceremus? vel qua nos ratione ex his angustiiis expediremus? Nos quidem (quod vobis ignotum, aut dubium esse non potest) conscientia nostra urget, terret, excitat, omnibus modis laceffit, ac permovet; cælum hinc & beatam immortalitatem ostentans; inde gehennam, & æterna supplicia, & quæ etiam pluris quam hæc ipsa, facienda est, Dei optimi atque clementissimi Patris voluntatem, ac legem. Scitis hæc a nobis non fingi; eamque esse videtis fidei, ac sententiæ de religione nostræ rationem, quam hæc omnino, necessarioque consequuntur. Quid ergo? Hæc-

cine-

cine talia ac tanta contemnemus, ut vobis obsequamur? An conscientiiis nostris vim inferemus? An infœlices animas, erepta luce ac pace, tenebris ac fluctibus æternis immergemus, summique Dei legem violabimus, ne hominibus displiceamus? Illius- ne ita imprudentes, ac volentes incurremus, ut horum commotiunculam caveamus? ac, ut paucis omnia complectar, Deumne, quam homines minus vel verebimur, vel diligemus? Ne vos quidem, sat scio, id probaveritis; quibus hæc in Deum impietas, ac ignavia non potest non summopere displicere. Nam & vos quoq; scitis, verboque ac exemplo docetis, quid quantumque illud sit; quod homines Deo debemus, in iis, quæ ad conscientiarum religionem pertinent. Date hanc ergo nobis, quæsumus, veniam, ut vestris, nostrisque cupiditatibus optimi, sanctissimiq; numinis voluntatem, ac gloriam anteferamus. Absit, ut Deo primum hunc, quem ei meritissimo jure in affectibus, studiis, atque caritatibus nostris tribuimus locum, homines, & quidem Christiani invideatis. Hoc unum (quod est profecto justissimum) si nobis concesseritis, cætera omnia in quibus non pugnat cum Dei cultu obsequii vestri ratio, vobis & deberi ultro profitemur, & libenter offerimus; parati quæcumque habemus in terris carissima, sanguinem ipsum, ac vitam in vestri gratiam profundere. Unam nobis conscientiam donate, vel (ut verius dicam) Deo, cujus unius illa est, dimittite. In hac ille regnet; in quam quemquam alium regnare Dei contumelia est. Denique si nos, quod de
hac

hac causa ita judicamus, falli & errare putatis, vestrum est, ut videtur, errorem hunc nostrum leniter coarguere, ac revincere. Nos vero non patienter modo, sed etiam libenter, ac studiosè audiemus; & mentes ad hanc disceptationem afferemus dociles, atque benevolas, vestraeque victoriae faventes; quod nostra multo etiam magis, quam vestra interesse non nesciamus, ut in eadem religionis societate, atque communione nobis integra conscientiae pace vivere una vobiscum liceat. Sunt in medio apud utrosque sacrosanctae, caelestes tabulae, summa Dei providentia, fidei leges ac regulae Ecclesiae & initio datae, & hactenus servatae. Demonstrate nobis in divinis illis Scripturis vel ea ipsa dogmata, quae nobis, veluti vera ac necessaria, credenda proponitis; vel certe ea principia, ex quibus haec clare, ac legitime concludantur. Si hoc praestiteritis, non repugnabimus, quin schismaticos jure censeatis, qui ita docti, convictique in hoc discessionis consilio permanserint. Sin aliter est; si hoc quod profecto aequissimum est, neque praestatis, neque vero praestare (siquid judico) potestis; quod superest quodque & rationi, & pietati consentaneum est, hanc nostram a vobis discessionem ferte, aequi, bonique consulite; neque nobis deinceps invidiosum schismatis crimen impingite, quod non aliis convenit, nisi iis, qui per voluntariam quandam pertinaciam, vel similitate, vel ambitione, vel odio, vel simili animi perturbatione abrepti, a ceterorum Christianorum Societate, nulla vera ac necessaria causa, secedunt.

F I N I S.

Appendicis

P R Æ F A T I O.

NEscio quo meo fato accidit, ut hi duo libelli, quanquam mitissime scripti, & ab omni verborum acerbitate, quantum cave-ri potuit, alieni in varias diversorum reprehensiones incurrerunt. Ac opuscula quidem ipsa nemo, quod sciam, justa ac legitimâ disputatione oppugnare aggressus est. Multi vellicarunt; & quædam ex iis hinc inde pro sua libidine decerpta lacerare satis habuerunt; ea maxime, quæ de communionis Ecclesiasticæ ratione in Apologia constituimus. Fuit nonnemo, qui nos nimium severos putaret, quod Samosatenarios nostræ societatis jure excluderimus: Alii contra nimium faciles existimarunt, quod Lutheranos admittendos cendas censuerimus. Hanc partem Pontificiî invaserunt, & acerbissime suo more tractarunt; mihi ut invidiam conciliarent, quædam

*dam partim horrenda, partim etiam
ridicula per immanem calumniam
affingentes. Utrisque quoad potui,
breviter, simpliciterque satisfeci. Sed
quæ de hoc argumento scripsi, omnia
hic reponere longum ac fortasse super-
vacaneum foret. Placuit duas seligere
defensiones meas, nondum antehac
editas; quarum prior est de Samosa-
tenianis rejectis; posterior de Luthe-
ranis admissis, ac de aliis quibusdam
capitibus, quæ Gallicani Cleri Con-
ventus invidiosissime exagitavit. U-
tramque hoc loco, velut superiorum
libellorum appendicem, subjicere ope-
ræ pretium duximus; quod multa
contineat, quæ lucem aliquam iis af-
ferre posse videntur quæ sunt a nobis
disputata. Tu lector, inspicere quæso,
& judica.*

*De Samosatēnianis Ecclesiæ commu-
nitione cap. Apologiæ 7^o. exclusis.*

E P I S T O L A I.

Eruditissimo Viro, N.

JOH. DALLÆUS
S.



Uæ ad Apologiam meam obser-
vastî, cætera quidem levia sunt,
de quibus facile tecum transigi
potest; Illud vero gravissimum,
nec sine vehementi animi motu mihi le-
ctum, quod ferre non potes novos Samo-
satēnianos nostrâ in sacris communione, ac
confœderatione submoveri, totusque in eô
laboras, ut pax etiam cum iis colatur, non
aliter quam cum Lutheranis servandam,
colendamque censeo. Ac errare quidem
eos videris confiteri; errantes expelli debe-
re, illud verò est, quod pernegas. Itaque
pæne indignaris, quod eos *Christianismum*
subvertere dixerim; quod *idololatriæ* reos pe-
regerim; quod *æternam* iis *salutem* ademe-
rim. Quod ut immeritò a me factum pro-
bes; affers primò plurimos ex istorum grege
eâ veri ignorantia laborare, quam ego ipse
non abnuo excusandam; quippe qui nobis-
cum sacrarum Scripturarum codicem ve-
nerantur, ex eoque unò doceri, ac redar-
gui volunt; meliora, si edocti fuerint, sequi
parati. Quod verò nos solemus iis impingere
præ-

præjudicatorum opinionum studium, ipsos vicissim nobis exprobrare, deque nostrò dogmate perindè judicare ac nos de eorum sententiâ ; nimirum id planè alienum esse a Scripturis ; quò locò etiâ putasti quædam Socini recitanda , in quibus ille gloriatur, homines suæ de Christi naturâ sententiæ permultos extitisse primis Ecclesiæ Christianæ temporibus , eosque scilicet cum numero , tum auctoritale cæteris aliquandò Christianis superiores fuisse. Hæc sunt , ni fallor , quæ in primò defensionis tuæ articulò posuisti ; ad quæ sic ego breviter respondeo.

Principiò fateor aliquam esse veri ignorance , quæ eadem & veniâ digna sit, cum res, quæ nesciuntur , tam sunt obscuræ & abditæ, ut sciri & indagari, certoque explorari nequeant. Sed eò locò ac numero censenda esse , quæ Sociniani nesciunt, ego quidem hætenùs videre non potui. Quid enim? An non Scripturæ in apertissimâ luce posuerunt quæ isti negant , Domini Jesu antequàm is ex Virgine nasceretur, *τὴν ἑωραγμένον* ? An non clarissimè testatæ sunt, ejusdem , quam illi sugillant , divinitatem, atque æternitatem , & eam , quam isti tantoperè exagitaverunt, satisfactionem? Quid de baptismi necessitate atque efficacîâ ? quid de hominis in salutis negotiò infirmitate? quid de Dei præscientiâ, atque infinitudine ? quid de cæteris, quæ infauitissimus ille Faustus aut palàm , aut certè per cuniculos oppugnavit? Equidem si sunt ista in Scripturis obscura, quid in iis clarè ac perspi-

spicue traditum dici possit non video. At homines minime mali profitentur se Scripturas suscipere, se quicquid ex iis docebuntur, sincerâ fide amplexuros. Quasi verò non sit eadem omnium sectariorum excusatio. Tu putas a Papistis secedendum. Atqui Papistarum illa etiam vox est. Ille ipse Christianus Franken, quem Socinus tanquam Semichristianum (sic enim eum indigerat) proscribit, quod is Christum negarit adorandum, ille ipse inquam eadem, quæ Socinus, de Scripturis causabatur; ut intelligas etiam ex istius hominis, quem tu aspernandum non putas, iudicio, justas interdum esse ac necessarias causas ab eorum communione secedendi, qui Scripturas se se admittere profitentur. Quid ergo est? Nimirum non est simpliciter spectandum, quid quisque profiteatur (Nemo enim hactenus in iis, qui Christiani videri volunt, usque adeò stultus repertus est, qui & rationis & Scripturarum vel odium, vel contemptum præ se ferret) sed quod quisque profiteatur, quàm verè id profiteatur, attendendum. Itaque si ea est, quam ipsi præ se ferunt, Sonianorum in Scripturas reverentia, haud equidem requigno, quò minus ii in nostrorum fidelium album admittantur. Sed quis non videt omnem istorum iactationem nihil aliud esse, quàm inane verborum ludibrium? Cum enim quæ in Scripturis clarissimè, ac frequentissimè tradita sunt, atque commendata, isti tanquam falsa ac periculosa non modò rejiciant, sed etiam infensis animis, infestisque signis oppugnent;

eos nemo non intelligit Scripturas re verâ
 contemnere, ac ludibrio habere, earumque
 adeò nomen, atque auctoritatem falsò
 ostentare. Quod enim sperat Faustus omni-
 bus, quibus est integer & a fascino liber
 animus perspicuum ex novi Testamenti li-
 bris fore Apostolos, non putasse Christum,
 antequàm ex Mariâ nasceretur, in rerum
 naturâ extitisse, id verò immane est homi-
 nis causæ studio inebriati *βαλανευμα*; quod
 nemo ferendum putabit, qui clarissimas eâ
 de re tum Domini ipsius, tum Apostolorum
 sententias expenderit; unaque spinosas il-
 las, ac portentosas cavillationes examinarit,
 quibus iste tenebrio tantum Sòlem obscu-
 rare, malâ fide, pessimis artibus nequic-
 quam molitur. Quod verò gloriatur de suo-
 rum hominum in alios olim Christianos im-
 periò, id equidem dictum non miror à vi-
 rò (quod ex ipsius scriptis apparet) Christia-
 næ antiquitatis imperitissimò: A te, qui
 doctus es, descriptum non laudo. Nam
 quis vel mediocriter in veterum monumen-
 tis versatus nescit, neque Pauli Samosate-
 ni, neque Photini Sirmienensis sectam admo-
 dum nobilem fuisse? in ipsis pænè cunabulis
 elisam, atque oppressam? scèdissimam, nul-
 laque specie commendabilem hæresim
 summâ vi oppugnantibus, non tantùm Ca-
 tholicis, sed etiam. Arianis? Arianorum la-
 bem latius grassatam fateor sub Constan-
 tiò, & Valente Principibus; moxque non-
 nihil repressam erupisse in Africâ, & alibi
 sæviùs sub Gothicis, & Vandalis. Sed nihil
 ad Socinum Ariani; quos ille passim
 exa-

exagitat tum in librô de mortalitate *Adami adversus Puccium*, tum in colloquiô, quod cum Joanne Erasmi totâ hac de causâ habuit, aliisque subindè locis; ipse vicissim, ab Arianis explosus, ut vel ex Ariminensi Arianorum Symbolô satis liquere potest.

Sed tibi, ut video aliqua religio est homines simplices, & innoxios, vitæque ac moribus probos, maladicto figere, salutisquæ extorres pronuntiare. At ego nunc quidem in istorum dicta, factaque inquirere supersedeo. Satis mihi, quod monuit Apostolus, quod ipsa experientia luculentissimè testatur, etiam malos dæmones lucem aliquandò induere, & honestissimam fucatæ sanctitatis speciem sceleratissimæ, perniciosissimæque menti obtendere. Vide in eô, quem damnas, Papatu quam multæ oberrent Angelorum larvæ, quibus, si externa spectes, nihil ad absolutissimam innocentiam deesse videbitur. Quamquam equidem vix capio, quæ possit esse istarum Fausti gregalium sanctimonia, qui pietatem, unicum omnis sanctimonix fundamentum, subruunt, qui de naturâ Dei, de Christi majestate, amore, atque meritô tam abjectè, tamque illiberaliter sentiunt; qui animos nostros interire, atque extinguere somniant, qui hanc, quam nunc gestamus, carnem negant eandem numerô resurrecturam; affirmant alii nescio cui, velut de Epicuri intermundiis, suffecto homini suorum certaminum laureas, ac premia cessuram; qui vivaces inferorum ignes, tormenta que in mor-

Jud. v. 2.

ruos sævitura intulerunt; qui denique (nam longum est omnia persequi) Deo paucissima, nobis ipsis plæraque nos debere putant. Quod vero Michael Archangelus nè diabolo quidem ausus est iudicium inferre, id alioforsum spectat; nimirum nè potestates a Deo institutas, quanquam suâ auctoritate abutentes, temerè aspètnemur, sed eâ, quâ par est, reverentiâ prosequamur. Nam siquid valeat in hac causâ id exemplum, conficiet profectò nullius omninò hæretici aut sententiam, aut consuetudinem esse damnandam; cum eo, cui a Michaele parcitum est, nemo scelestior, vel impudentior esse possit: quæ conclusio, quam falsa sit vides, quam perniciofa, quam sanctissimæ Apostolorum disciplinæ contraria, qui hæreticos & repulerunt ipsi acerrimè, & verò repellendos, vitandos, omni sacrorum consortiò arcendos, denique anathematizandos, quique tandem fuerint, vel si de cœlo delapsi spiritus, luculentissimè edixerunt. Illud libens fateor summâ semper caritate prosequendos homines, etiam qui turpissimè, & perniciosissimè errant, omnemque movendum lapidem, quò ii melius, ac sanctius instituantur. Sed quemadmodum non obstat ille, quem etiam flagitiosissimis peccatoribus debemus, amor, quò minus liberrimè eos pronuntiemus nihil cum Christo commune habituros, qui in adulteriis, rapinis, aliisque ejusdem notæ sceleribus vitam degunt; ita neque prohibet illa dilectio, quam hæreticis, quin & Judæis ipsis, atque Musulmannis impenden-

dendam concedimus, quò minus eorum falsa de religione dogmata liberò anathemate feriamus, iisque omnibus certissimam pernicien denuntiemus, qui in illorum fide ac cõmmunione viuunt. Itaque frustrà hic adhibitus est omnis iste ignorantia, ac sanctimoniae color, quò tu istorum hæresim incrustari, ac fucari posse putasti. Nam si ex Scripturis certò, liquidoque constet le-talia esse, quæ ii profitentur dogmata, illique aut pietati in Deum, aut caritati in proximum contraria, quæ nobis est ad consequendam beatam immortalitatem necessaria; planè liquebit ipsos meritò vapulasse, iustissimaque de causâ fuisse ab Ecclesiis nostris exterminatos. Quod tu ipse non obscure videris agnoscere, qui relictò hoc argumentò aliò confugis, pertendens trium in unâ Dei essentiâ personarum, itidemque duarum in una Christi personâ naturarum fidem non esse ad salutem necessariam. Obsecro, agamus bonâ fide. Si de verbis ac formulis intelligis, nolim equidem acrius certare; quanquàm & istas certorum verbornm formulas non fuisse temerè, neque sinè gravissimis, iustissimisque rationibus in Ecclesiam inuectas & sciam & defendam. Sin de re ipsâ loqueris, quid clarius, quàm inter primaria Christianæ fidei capita censendum esse utrumque hoc de Trinitate, deque duabus Christi naturis dogma? Tu verò eos mihi objicis, qui Christo Domino adhuc in terris degente crediderunt, quique non videntur hæc capita habuisse perspecta, cùm nemo sit tamen, qui de eo-

rum salutē dubitet. Sed non vides eā te ratione pariter confecturum nē nunc quidem esse ad salutem necessarium Dominum Jesum pro Christō agnoscere? Nam ex eō ipsō, quod tu hīc refers Christum Apostolis mandasse, nē cuiquam inter prædicandum hoc arcanum revelarent, ex eō inquam, patet potuisse tum contingere, ut quis plenā certaue fide omnem Apostolorum prædicationem susciperet, atque adeo salutis fieret compos, qui tamen idem Domini Jesu dignitatem atque officium nesciret. Itaque si, quod tu sumis, id obtinet, nihil jam nobis ad hoc, ut Christiani simus, cognitu esse necessarium, quod non istos quoque tum temporis scire oportuerit, vides profectō ne nunc quidem vehementer contendendum, ut vel credant homines, vel confiteantur Dominum Jesum esse verum Messiam; quippè qui ex tuā hypothēsi pro veris Christianis habendi sunt, etiamsi illam fidei nostræ partem ignorent; quod quàm sit absurdum, atque detestandum, quamque a disciplinæ Christianæ rationibus alienum, vel ipsi Socino judicandum permiserim, qui quanquàm facilis, ac profusus, sui tamen copiam non facit, nisi iis, qui Jesum pro Christō colunt, & quidem eodem cultus genere, quem bonus Theologus Deo Patri exhibendum putat. Quid igitur est? Nimirum tu communi quidem & tralatitiō; sed tamen gravi multorum errore confundis diversarum Dei dispensationum rationes. Nam certum est Dei revelationem humanæ fidei regulam esse ac modum; adeo

ut quisque ea modò cognoscere atque credere teneatur, quæ sunt divinitùs clarè & evidenter patefacta. Jam variam fuisse divinæ illius revelationis lucem, variosque lucis gradus, & Apostolus exsertè pronuntiat, & totius Biblicæ historiæ series reapse comprobat. Nam quis non videt, quàm leviter atque tenuiter ante diluvium micuerit illius sapientiæ radius? quàm lentè mox accreverit hoc lumen primò Abrahæ, indè Mosi, tum aliis ex ordine Prophetis affulgens, neque tamen eâ copiâ, ut justum, ac plenum diem efficere posset? Noctem dicerès primùm raris sideribus, dehinc lunâ ipsâ illustrem. Venit tandem Christus in terras; sed qui regnum cœlorum priùs fundaret, quàm prædicaret. Itaque quamdiù, hæsit in terris, neque Mosi disciplinam solvit, neque suam palàm, ac plenè promulgavit, neque Apostolorum animos, aut crassis illis, quas tu denotas, ignorantix tenebris plane liberavit, aut perfectâ mysteriorum suorum cognitione imbuìt. At postquam consummatò redemptionis nostre opere in cœlos enisus, vim divini Spiritùs largissimè effudit in Apostolos, Mosique abrogato Euangelium suum suffecit; tum verò longè alia esse cœpit fidelium conditio. Antea quidem cùm pauca revelata essent, pauca cognoscere satis erat. Nunc cùm multò plura Dominus patefecerit, non possumus citrà gravissimæ ingratitude criminis, fidem iis quæ patefacere dignatus est, negare. Undè jam clarissime nisi fallor, perspicis, quàm infirmum sit tuum illud argumen-

tum, quò sufficere nobis hodiè generalem quandam Messiaë fidem ex eò colligis, quod hujusmodi fides iis olim suffecerit, qui Christo adhuc in terris versante, necdum planè penitusque revelatò vivebant. Ego verò ex eà comparatione mihi videor multò validiùs concludere posse Ecclesiæ sententiam. Nam cùm eorum temporum fideles non possent citrà gravissimum crimen ea quæ ab Apostolis audiebant, respuere; quis non intelligit neque jam nobis licere cætera abjicere, quæ humano postmodum generi ab Apostolis summò Dei beneficiò annuntiata sunt?

Tertia restat tua pro Samosatēnianis velitatio, in quâ labefactare conaris, quod ego dixeram eos *idololatrias* videri, qui Christum, quem creaturam putant, adorant tamen. Atque hic primùm objicis non eundem illos cultum Christo tribuere, quem Patri; ac in eam rem profers quædam Socini verba, quibus iste negat cultum, qui Christo debetur, esse æqualem cultui qui debetur Patri. Atqui vel ex ipsis illis verbis liquet ejusdem tamen generis esse utrumque cultum; quique Christo impenditur ab eò, qui Patri debetur gradu tantùm & ordine, non etiam statu & specie differre. Alioqui cur iste defendit passim gloriam omnem, quam sibi se uni servaturum profitetur Pater, etiam cum Filio fuisse communicatam? Cur & tam acriter de hoc argumentò cum Christiano Franken, & Franciscò Davidis concertat? Eadem planè olim fuit Arianorum de hoc Chastì cultu sententia. Itaque qui ab illis Christo con-

conceditur cultus idem reapse est cum eò, quem Patri deberi consentiunt, summâ mentis demissione, fide, invocatione, gratiarum actione, & cæteris hujusmodi constans, quæ soli vero Deo, nulli autem creaturæ convenire ipsi ultrò profitentur. Hoc tantum volunt, eum honorem atque cultum primò & per se Patri convenire, & ex ipsius rei naturâ; Christo verò non ex suâ naturâ, sed ex Dei voluntate atque beneplacitò, cæterum necessariò esse tribuendum, postquam Christus a Patre *Deus* factus est per inaugurationem in munus suum, per resurrectionem, & ascensionem in cœlum. At vel ipsa Socinianorum Catechesis docet in expositione Decalogi interdicti a Dominò non modò nè quem præter ipsum pro summò Deò habeamus, sed etiam nequem præter ipsum divinis honoribus afficiamus. Undè colligunt (meritò meâ quidem sententiâ) eum cultum, qui sanctorum manibus a Pontificiis tribuitur, illicitum & idololatricum esse. Ergo quicquid illi de cultûs istius differentiâ garriant, manifestè rei sunt *idololatriæ*, & quidem *ἀντοκατακρίτοι*, cùm cultum, qui ipsis fatentibus, uni Deo debetur, Christo tamen deferunt, quem ipsi *Χριστὸν ἀνθρώπον* esse autumant. Vel hoc certò constituendum, vel fatendum est fumos esse & nugas quæcumque sacræ litteræ tam atrocibus verbis in creaturarum cultores detonât. Sed hîc vereris nè ego istis hominibus Pontificiisque adeò ipsis, distinctionis illius, quam inter cultus religiosos statuunt, usum firmaverim, quò locò arcam

a veteribus suô quodam modô, adoratam fuisse concedere videor. At tu observare potes me eô locô, non ex animi mei sententiâ, sed ex aliorum hypothefi loqui; quorum sententiam a nostrorum hominum expositione difertiffimè discrevi, eam non quidem veram, sed tamen illâ alterâ minùs incommodam pronuntians, quæ λατρείαν arcæ delatam fuisse ponit. Tum & illud velim ut memineris, illam arcæ adorationem, siquam ponerem, eam æquivocè me fuisse intellecturum pro illô honoris & venerationis genere, quod sacris religionis instrumentis, puta sacramentis, & aliis ejusdem ordinis deberi apud omnes in confessô est; a quô ad latrîam immanis est intercapedo. Quod verò Pontificios largiùs, graviusque peccare contendis, quàm aut nostri temporis Samosatenarios, aut veteris Arianos, per me quidem id licet; qui de utriusque pestis comparatione parùm sum sollicitus, dum modò utramque pestem esse constet, & quidem letalem, necessarioque vitandam. Quô locô mihi monendus es te perperàm cepisse, quæ in Apologiâ in hæc verba expresseram; *Non sum in alienam conscientiam curiosus; neque jam in eô sum, ut de aliorum factis sententiam feram. Illos olim Deus judicaturus est* &c. Ista enim perindè accipis, ac si ego simpliciter statuerem nobis nefas esse de cujusquam dictis, factis, aut fide judicare; quod a me portentum avertat Deus. Quid enim? Anne de latronum quidem, & sicariorum, & parricidarum sceleribus, de Mahumedanorum & Sinensium idololatra-

c. p. 18.

trarum, de Pontificiorum & hæreticorum fide judicare licebit? Absit. Sed si attentius me legas, videbis hanc mihi eò locò mentem fuisse, non exigere eam, quam illic ago causam, ut qualis sit Pontificiorum de Eucharistiæ negoriò sententiâ, vera-ne an falsa, anxie inquiram; Satis esse ad meum institutum, quod mea fides ab illorum dogmate planè sit aliena; Hoc enim semel constitutò liquere, mihi nefas esse invitâ ac repugnante conscientiâ cultum, quem illi edicunt, Eucharistiæ deferre. Quod addis *Deo suas judicis partes committendas*, assentior, Id verò quid faciat ad tuam hypothosin, non video. Nam idem ille Paulus, qui Deo integram de hominibus sententiam relinquit, Corinthium tamen illum thori patet-ni violatorem, mucrone Spiritûs ferire non dubitat; non dubitat iis anathema minari quicumque resurrectionem negant, aut ex lege justificari student, aut quicquam denique *præter suum Evangelium annuntiant*. Sed & priscos veteris Ecclesiæ doctores fugillas, quod Arianis *idololatriam* exprobrarent, ipsi in Sanctis, utique creaturis, æquè superstitiosi. Sed quod pace tuâ dictum sit, istorum sæculorum Patres cultum, quem Ariani Christo, eundem sanctorum manibus detulisse, neque tu probas, neque sanè verimile est. Eum verò, quem tu in hanc rem laudas, *de sanctissimâ Deiparâ Κεκυνηκὸν*, non esse Athanasii res & oratio clamat, & Baronius, ac Bellarminus fatentur; neque ullum contrà iturum arbitror, qui genuina Athanasii opera aliquò cum studiò ac judicio

ciò legerit. Sed neque cæteros illius ævi Patres in eâ fuisse, quam te ipsis affingis, sententiâ, vel ex eò ipsò satis constare potest, quod hoc argumentum contrà Arianos non unus, aut alter, sed plærique, imò omnes (quantum quidem meminisse possum) adhibuerunt. Quis enim credat viros non hebetes, neque infrunitos id tam constanter, tamque vehementer adversariis fuisse objecturos, quod in ipsos retorqueri nullò negotiò poterat? Enimverò, quid argumentis in re clarâ opus? Nam Augustinus, quod tu ignorare non potes, luculentissimè testatur, & quidem non unò in locò, sanctos vitâ functos eò dilectionis ac honoris genere a Christianis cultos fuisse, quò homines fide ac sanctimonia insignes, adhuc in hac vitâ constitutos prosequi solemus. Si Arius olim, si nuper Socinus nihil aliud Christo suo deferunt, fateor me iis immeritò tribuisse, quod Christum illum suum adorent. Jam quæ subjicis de mente ac voluntate, retexere piger. Sic enim de his disputas, quasi nullum sit in humanâ mente peccatum. At infidelitatem, ac perfidiam, illamque mentis cæcitatem, quam toties tam graviter Christus Pharisæis exprobrat, tunc crimina fuisse negaveris? Tunc sceleratorum numerò eximes stultos illos, ac dementes, quos Scriptura passim, maximè in Salomonis Proverbiis, exagitat? Tu ne pertendes eò non peccasse sapientes sæculi, quod Christi sapientiam non cognoverint; quod saluberrima ejus monita repulerint; neque eam lucem in animum admiserint?

Atqui

Atqui miseri eam mentis ignorantiam, atque cæcitatem gravissimis olim suppliciis luent. Quô jure, si ea peccatum non fuit? Non est ergo quod in his aliquod præsidium quæras novarum, quas tu ais (de Ephraimitidum credo, genere) *columbarum stultitiæ*. Merirò eas censura nostra vexavit, Oze. 7. 11. quæ in tam fœdum errorum barathrum seque, & alios non paucos per summam insipientiam præcipitarunt. Nam ut cætera missa faciam, in quibus Sociniani *columbarum* tuarum pullities, evidentissimè desipiunt, tam clara sunt Scripturæ testimonia contrà istorum dogma *de Christi naturâ & cultu*, ut neque Socinus pro Christianô habeat; qui non ex Scripturis didicerit Christum esse adorandum, neque Franken ex eadem disciplinâ edoctus, pro non idololatrâ, qui Christum meram creaturam putans, adorat tamen. In his claram ac perspicuam esse Scripturam vel una hujus Bitii cum isto Bacchio digladiatio comprobat; in quâ cum neuter ictus adversarii ullâ arte satîs declinare possit, uterque postremò alter alterius telis confossi ruunt. Quid ergo superest, nisi ut vel istorum disputationibus docti, neutrum nos pro Christianô habeamus, neque qui Christum non putat colendum, quem ut Deum coli Scripturæ exsertissimè imperant, neque qui cultum Deo & Christo debitum putat creaturæ impendendum, quam Scripturæ coli non minus clare exserteque prohibent? eum vero demum pro germano Christiano habeamus, qui cultum neque Christo impera-

peratum negat, neque creaturæ impendit veritum? qui Christum adeo, quem serio colit, vere & ex animo, non creaturam, sed *Deum magnum, & in sæcula benedictum*, ut est, ita esse credit? Nam si quod isti causantur se hoc ex Scripturis hætenus videre non potuisse, id eos crimine liberat, non video quod jam crimen vel in Ecclesiâ, vel in Republicâ jure damnari queat, cum nemo sit nocentium, qui non possit similem errorem suo sceleri obtendere. Ubi est in apertô veritas, frustra occlamat reus se eam videre non potuisse. Ipsa illa ignoratio, quam prætextit, crimen est. Quid enim obstitit, quò minùs legem a Dominò suo clarissimis veris conceptam ac promulgatam intelligeret? Atque de istis quidem hætenus; quò locò mihi temperare non possum, quin te pro nostrâ amicitîâ obsecrem atque obtester nè de Domini nostri *Jesu* contemptoribus tam molliter sentias; ut qui Christo æternitatis, ac veræ deitatis gloriam per summum nefas eripere moliantur, cum iis tu habere sustineas, vel in hoc, vel in alterò sæculò, ullum vitæ ac religionis commercium. Neque verò illud ex pestilenti istorum scholâ occinas, non debere nos esse sollicitos quis qualisque sit in se aut Deus, aut Christus. Fateor summa illa esse magnâ religione tractanda, & hoc ipsò istorum impudentiam merito abominor, qui nobis Dei & naturam & scientiam & potentiam circumscribere, Christique Domini mysterium, tanquàm aliquod de Stoâ, aut Academicâ dogma, scrutari, excutere, & pro

libi-

libidine refrigerare insolentissimâ temeritate ausi sunt. Sed tamen illâ modestiæ, & humilitatis specie, vel stuporem pecuniarum, vel Academicam licentiam quidvis de Deo opinandi, in Ecclesiam induci non patior. Quasi verò nihil ad pietatem interfit, utrum Deum corporeum & finitum fingas, an incorporeum & infinitum credas? Christum utrum verè Deum, vereque hominem, an vel Dei, vel hominis larvam esse statuas? Certè si hæc placent, tandem etiam concedendum erit profanis hominibus, ut & Deum & Christum cucurbitam esse somnient. Huc etiam pertinere video, quod sollicitas verba illa mea, quibus *corpus Christi adorandum* duxi. Sed res plana est. Nam si homo ille, Christus scilicet Jesus, e Mariâ Bethlehemini natus, & in cruce a Pilatò interfectus, verus est ac æternus Deus, Creator cœli & terræ, quod omnis apertissimè & docet Scriptura, & credit Ecclesia; non video quò modò committi possit meum hoc pronuntiatum cum illò alterò, quò unum Creatorem adorandum definitio. Fateor, quod homo iste divino honore colitur, id non deberi ejus vel corpori, vel natiuitati, Si tamen homo iste Deus est, & quidem æternus, negari non potest quin divinò honore coli & possit & debeat; tantumque abest, ut hoc posterius dictum cum illò superiori pugnet; ut contrà ex eò evidentissimè conficiatur. Nam si (quod prior locò posui) summum illum Deum, Creatorem cœli & terræ fas est adorare; quis non intelligit, & hunc hominem de Mariâ

natum

natum, adorandum esse (quod dixi posteriori locò) quandò is ille ipse est æternus Deus, qui omnia ex nihilo creavit ? Eadem mihi mens, quæ Danæo, quæ aliis orthodoxis in hoc argumentò versantibus. Quod postremò annotas de vocabuli *substantie* homonymiâ, quod aliis pro essentiâ, aliis pro personâ usurpatum, verum est; neque negandum Athanasio maximam deberi laudem, quis logomachiam olim in Ecclesiâ indè ortam sapientissimè repressit. Atque utinâ Socini grex tantùm hæctenus a nobis diffideret, ut de verbis tantùm controversiam faceret; res ipsas intactas sineret! Sed nisi nos ipsi volentes fallimus, confitendum est longe alius esse generis, quàm nobis movit litem. Homo enim impurissimus, & quò post veteres Gnosticos nemo judiciò meò unquam extitit audacior, non verba nobis aut syllabas, sed res ipsas, & quidem gravissimas, ac pænè universas, vocat in controversiam. Quid enim reliquit intactum, qui non Christo, non ipsi Deo pepercit? qui omnia Christianæ religionis dogmata aut evertit planè, aut certè labefactavit? ut nil aliud pensi habuisse videatur, quàm ut quæ omnes omnis memoriæ Christiani sanctissimè crediderant, unus aut velut falsa elideret, aut velut dubia & incerta derideret? Vale, & amorì in te meo condona, quod hanc causam fortassè paulò, quàm soleo, commotior tecum egerim, Dat. Lut. Par. a. D. 1634. Non. April.

Epistola I I.

JOH. DALLÆUS

Viro Eruditissimo N.

S. P. D.



Pistolam tuam accepi d. 15. Maii datam; tam variè temperatam, ut mihi aut faciliè fuerit de tuo sensu atque animò statuere; ita disputationi parænesin, assensui objurgationem ubique permisces. Ego, missis quæ de humilitate, lenitate, aliisque sanctimonix Christianæ partibus omnibus confessa aspersisti, quid mihi sit mentis in singulis controversiæ nostræ capitibus breviter, ac bonâ fide repetam, quæque contrâ affers, ea pro virili explicare conabor.

Novos Samosatenarios Ecclesiæ communione proscribendos censueram. Tu meam hanc sententiam reprehendendam putavisti, Ego eam, quoad potui superioribus litteris meis confirmavi, & quæ ei impingebas inhumanitaris, & immodestix crimina, ut mihi quidem videtur, depuli. Tu quid ad hæc? Perstas in sententiâ tuâ, & meam etiam quam antea acrius exagitas, Cæterum nihil, quod equidem animadverterim, novi affers quò vel mea evertas, vel tua affirmes. Nam quod tu mihi invidiam facis, velut Dei munus invadenti, ac de alienis servis præter fas judicanti; id verò frustra ac immeritò mihi objectari, jam satis erat

L

demon-

demonstratum. Nam si isti, quod defendo, sunt idololatriæ rei, profectò patet non meum, sed Dei esse iudicium illud, quod tibi visum est asperius. Neque verò hos subleuat ea, quam obtendis, ignorantia, cum homines in sacris litteris assiduòs quæ tam clarè istic revelata est, Christi Domini divinitas, atque æternitas minime latere debuerit. Quod si licèt salvâ pietate illud Christianæ religionis caput in novi fœderis luce ignorare; non video quidnam tandem creditu necessarium dici possit: Nam & sanctimonix documenta similibus nominibus labefactabunt homines sæculo addictiores, eoque tandem deveniendum erit, ut qui vel pluribus mulieribus polygamix prætextu miscentur, eos in Ecclesiâ feramus, quod boni viri, & quidem aliò quodam Italò, ipsò quoque Senensi, † duce, sanctissimè dejerabunt se hætenùs ex novò testamento intelligere non potuisse id genus flagitii a Deò prohiberi. Scio *Dominum irrideri non posse*. Sed an isti & ejusdem farinae alii *Dominum irrideant*, id vero est, quod quæritur. Nam si ex verbis, si ex professione reverentiæ in sacras litteras res decernenda est, proctò non hi magis quàm Sociniani damnandi erunt. Sin verò ex factis, & rebus ipsis (quod nemo, ut puto, negaturus est) non Socinianos magis, quàm istos absolvi par est. Aut de Scripturæ sensu certum aliquid & immotum constituendum est, quod ab ipsâ rerum veritate, non ab hominum iudiciò, atque opinione pendeat; aut fatendum est (quod absit) Scripturam inanem nihil aliud

† Bern.
Occhino

aliud futuram, quam atque inutilem verborum strepitum. Illa quidem exsertè verbi gratiâ pronunciat *idololatrias regni cœlestis ex-
torres esse*. Profectò constituendum est *idololatriæ* vocabulò rem aliquam certam significari, quæ quotiès adsit, homines, qui eam admittunt, facit *idololatrias*, quicquid tandem aut ipsi de se, aut alii de iis sentiant. Nam si ad hoc, ut aliquis pro *idololatra* habeatur, id prætereà requiritur, ut ipse se verè *idololatram* esse & sentiat, & confiteatur; clarum est neminem eò nomine donari posse; cum non modò Pontificii, sed ipsi etiam Pagani, quantumvis eos cultus exerceant, quos Scriptura hoc vocabulò censet, putent tamen ac jactent se ab idololatriæ crimine longissimè esse remotos. Itaque si vis efficere Socinianorum communionem esse tolerandam, tibi horum alterum probandum incumbit, aut non adorare istos creaturam, aut certè creaturæ adoratores non esse ab Ecclesiæ communione arcendos. Nam si hæc duo vera sunt, quicquid ipsi de se vel senserint, vel dixerint, certissimum est eos ab Ecclesiæ communione citrà ullam temeritatem, aut immodestiam proscribi posse; imò etiam debere. Neque eò, quod sic sentio, puto me ullum in alios imperium sumere, aut verò singularem aliquam Dei revelationem, aut eximiam denique morum sanctimoniam mihi arrogare; quod si facerem, meritò sane illa in me vibrares, quæ paulò commotior stilo pærè declamatoriò interrogas, *An a vobis sermo Dei profectus est?* & cætera, quæ apud te sequuntur. Fateor

enim ultrò me neque ullò esse singulari ingenii acumine, neque verò eâ morum excellentiâ, ac puritate, cui solet Deus Paracliti sui lucem eximiam affundere, neque denique eâ in Scripturis versandis diligentia, quæ non quemvis deceat mei ordinis hominem. Sed quantumvis cætera penitiùs introspicere tum ingenii tarditate, tum peccatorum labe præpeditus non potuerim, illud tamen mihi videor ex Scripturis per Dei gratiam hausisse atque didicisse, nullum esse religionis commercium cum iis hominibus habendum, qui creaturam aliquam divinis honoribus prosequendam putant. Fateor Christum frustra jactari ab iis, in quorum moribus & vita nulla elucet caritas. Sed neque iis propitium fore Christum arbitror, qui pietatem Deo debitam in alia transcribunt, quantalibet affulgeat in eorum vitâ caritatis atque honestatis species. Neque sanè adduci possum, ut credam eos Scripturas verè & ex animò venerari, qui tam liquidum, tamque constans earum dogma aspernantur. Itaque quos tu tibi fingis Socinianos eam, quam verbis profitentur, reverentiam verè & re ipsa Scripturis exhibentes, eos ego habeo pro tragelaphis. Ii enim si Scripturas ex animò venerarentur, eam, quam istæ totiès, tamque clarè depredicant, Christi nostri æternitatem confiterentur. Sed ais istos nobiscum in plurimis consentire. Quasi verò ulla fuerit unquam vel hæreticorum, vel etiam Paganorum secta, quæ non complura nobiscum communia habeat. At (inquis) ea de quibus

bus consentiunt, fundamentum sanctimon-
niæ magis constituunt, quàm ea in quibus
dissentiunt. At (inquam ego) fundamen-
tum sanctimonniæ eò planè evertunt, quod
pietatem uni summo Deo debitam, alicui
creaturæ putant exhibendam; Non enim
eum, credo, pro sancto habebis, qui idem
sit impius. Sanctimonniæ illud, quod ais, fun-
damentum ex pluribus dogmatis constat,
quorum si vel unum labefactaris, ipsam in-
dubiè sanctimoniam subruisti. Itaque quod
Socinus aliqua ex pietatis & sanctitatis
fundamentis integra servavit, eo non est ma-
gis ab isto, de quo agimus, crimine immu-
nis, quàm qui subversò unò, atque alterò
ædificii fundamentò reliqua sivit intacta.
Sed & ipsa illa, quæ retinuit Socinus, quàm
miserabiliter deformavit? Christo ut divi-
nitatis, sic mediationis titulum non invidit
(fateor) rem ipsam planè sustulit. Quod
autem Christo in hac parte reliquit, id ad
sanctitatem aut nihil, aut parùm valet. Nam
is, qui Christo debetur amor, & quò unò
præcipua sanctimonniæ pars continetur,
idem ipse est cum cò, qui debetur Deo
Opt°. Max°. At quæ Christo tribuit Soci-
nus, illa (fateor) eò valent, ut Christum
tanquàm magnum aliquem, & sancti-
tate ac virtute præstantem virum diliga-
mus, ac vereamur; Ut verò eum tanquàm
Deum, amemus, atque colamus, eò certe
non valent, teste ipsò Franken, & aliis ex
istorum grege, qui quod de Christi naturâ
paria cum Socinò sentiant, honores ei divi-
nos præfactè negant. Sed veras me alicubi

istius cum Faustô dissidia in hanc causam trahere, nè scilicet Pontificii nostrorum cum Lutheranis certamina in suam quoque scenam inducant. Equidem assentior nemini exprobrandum, quod non omnibus place-re potuerit. Scio veritati id sæpè, ac pænè semper contingere. Neque verò mihi mens fuit Frankenî a Socinô divortium, tanquàm idoneum totius causæ elenchum afferre. Tantùm id volui, quod dixi, vel ipsas istorum inrer se disputationes nos monere Christum æternum esse Deum. Haftenùs de communione Socini. Virum ipsum dixi antiquitatis imperitum. Quid-ni dicerem? Sic enim mihi visus est, dum ipsum legerem. Neque aliud suaserunt paucula, quæ interdum ex Ignatiô (ni fallor) & Irenæô & Justinô, & Lactantio aspergit. Nam si pro antiquariis habendi quicumque hujusmodi flosculis opera sua coronant, profectò nemo non erit hoc quidem sæculô antiquarius. Sanè quod tu ex Sozomenô adfers Photinum ingeniô, & quâ valebat facundiâ multos ad se pellexisse; vides ipse quàm id longè absit ab eô quod jactabat Socinus fuisse olim tempus quô sui commatis homines numerô atque auctoritate cæteris Christianis anteirent nonnullis in regionibus. Jam ad illud veniô, quod dixeram, quodque tu aliô in locô putasti vexandum, diversas fuisse Dei cum humano genere salutis dispensandæ rationes. Objicis *Christum Iesum unum & eundem esse heri & hodie, & in sæcula*; neque aliud nomen datum sub cælo, in quo sit salus. Sed quis id negat? Non ego quidem

dem certè ; qui firmissimè credo neminem unquàm mortalem , nisi per unum Christum , servatum esse ; quod profectò non credit Socinus. Hoc tantùm volo , salutem illam , quæ & unica , & ab unò Christò est , variis temporibus diversimodè hominibus fuisse revelatam , *πολυμερῶς καὶ πολυτρόπως* ; Itaque (quod exigebat præsens causa) non omnium temporum & locorum homines ad eadem aut credenda , aut agenda fuisse omnes pariter obstrictos. Cæterùm quæ Deus semel clarè in verbò suò revelavit , quæque credi iussit , ea homines , quibus illius verbi fit copia , credere debere , neque posse sinè gravi peccatò veritatem revelatam respuere , ego quidem arbitror. Tu verò id-ne concedas , an neges , scire velim. Tua enim omnis oratio ita hoc locò perplexa mihi visa est , ut mentem tuam penitiùs perspicere nequiverim. Huc etiam pertinet , quod in extremâ epistolâ mones nè ex novi quidem testamenti libris apparere excellentiorem jam a nobis exigì caritatem , quàm quæ olim a fidelibus sub Mosis disciplinâ exigebatur. Certe & a fidelibus illis exigebatur caritas , & quidem ejusdem cum nostrâ (ut loquuntur) *speciei*. Omnium enim fidelium , quotquot unquàm extitere , sanctimonia sita est in sincerò & eximiò Dei & proximi amore. Sed neque obscurum est diversos esse illius sanctimoniz , veluti lucis diurnæ , gradus ; & a nobis sub novò testamento accuratiorem quandam , magisque exquisitam sanctimoniam posci , quàm quæ a veteribus requirebatur ; idque

equidem miror abs te fuisse negatum. Nam cui plùs concessum est gratiæ & lucis, ab eò quoque plus deberi amoris & obsequii satis constat. Nobis verò plùs gratiæ & lucis sub novò Testamentò, quàm Judæis olim sub veteri, donatum esse, & tu ultro confiteris, & verò res ipsa clamat. Sunt enim nobis referara quæ cæteris generationibus fuerant ab æternò clausa immensæ Dei misericordiæ mysteria. Christus per *Euangelium vitam & incorruptionem illuminavit*: Summum ac pænè incredibile divini in nos amoris specimen exhibuit, peccati fœditatem planissimè patefecit, viam immortalitatis disertissimis præceptis, ac luculentissimis exemplis munivit; omnia denique argumenta, quibus animus humanus aut a vitiis absterreri, aut ad sanctitatem incitari potest, in lucem multò, atque incomparabiliter, quàm unquàm antea, majorem protraxit, omnibusque mortalibus ob oculos posuit. Itaque nos Deo multò nunc arctiorem, atque accuratiorem, quàm unquam antea, fidem debemus, ideoque & ardentiorum proximo caritatem, cum gemini hujus amoris eadem sit ratio. Undè est quod Paulus veteres illos *servis*, nos *liberis*; illos *pueris*, nos *adultis* comparavit. Jam ab adultis, quàm a pueris sanctius atque nobilius obsequium exigere nemo nescit. Sed cætera propero. Dixeram immeritò castigari Pharisæorum cæcitatem, si mentis error peccatum non est. Tu responderi isto tam ignorantiam doli & arrogantiam minimè fuisse expertem. Ego, inquam, istorum ar-

ro-

rogantia (si tamen ea voluntatem infecit) reprehendi debuit; ignorantia (si ipsa peccatum non est) aut laude, aut certè commiseratione, non autem animadversione, digna fuit. Atqui ea reprehenditur, & quidem gravissimè. Eam itaque ipsam peccatum fuisse necesse est. Rogas, quid sit peccati in simplici mentis opinione? Quasi verò non peccet, qui Deum opinatur aut injustum esse, aut mendacem. Boni, malique nomina habituum moralium complexonem in homine denotant, quorum sedes partim in mente, partim in voluntate. Eò fit, ut neque bonos, neque malos dicamus, quibus mens sola aut viget, aut laborat. Sed nè eos quidem istis nominibus appellamus, quorum sola voluntas aut sana, aut ægra. Fingamus enim (si tamen fingi potest animò tam horrible portentum) fingamus, inquam, hominem qui in Deum, rectaque omnia cœcò quodam appetitu feratur, non secùs ac belluæ in objecta suæ naturæ congrua, sinè ullâ intellectûs & cognitionis luce. Is profectò non erit bonus. Is enim demùm bonus est, qui virtutem atque sanctitatem, non impetu, sed judiciò, non brutò instinctu; sed certâ ratione sectatur. Hoc unum fateor, quod non semel monui, tum minimè noxiam esse ignorantiam, ubi vel res in obscuro latent, vel deest acies, quâ cernantur in apertò positæ. Quò spectat illa Domini vox, *Si cæci essetis, non haberetis peccatum.* Nam si Pharisæis vel nulla, vel obtusa mens fuisset; si nullâ divinorum oraculorum cognitione imbuta; si omnibus iis

copiis, atque opibus destituta, quibus Christi divinitas certo deprehendi poterat; quis dubitat, quin eorum in repudiandô Christô peccatum, longè levius futurum fuerit? At in tantâ lucis copiâ tam clarè fulgentem veritatem ignorare, gravissimum fuit scelus; quô nomine & *cæci* alibi dicuntur; quod licet in ipsô meridie positi res objectas nihilò magis cernerent, quàm si oculis ac mente capti fuissent. Ex his jam vides, quàm vel ἀπεσδιόνοια, vel infirma sint, quæ sub-
jicis; Vbi non est lex, ibi non est transgressio. At mihi lex non est, quæ mihi non innotuit, quam-
cumque adhibuerim orando & laborando operam. Nam si de iis agatur, quæ vel planè abdita in mentis divinæ mysteriis delitescunt, vel ram obscuris, tamque involutis verbis expressa sunt, ut (quod Aristotelem de suis opusculis dixisse ferunt) *pro non editis haberi possint*; haud equidem pugno, quò minùs talia sinè crimine ignorentur; dummodò revelationis vel obscuritatem, vel perspicuitatem ex ipsis rebus, atque ex iis, quibus explicatæ sunt vocabulis, non autem ex hominum judiciis atque sermonibus metiamur. Nam vitilitigatoribus Sol ipse obscurus est; ut repertum olim ferant, & quidem de philosophorum gente, qui juraret atram sibi nivem videri, Quò minùs mirere si nostri illi de Socini schola sophistæ sanctissimè dejerant nullis se unquàm laboribus, nullis lucubrationibus, aut studiis in Scripturâ deprehendisse, quam cæteri pænè omnes mortales nullo negotio statim in ea pervident, Christi nostri divinitatem. Sanè
neque

neque Christi cultum atque adorationem in eadem videre Franken potuit, quantumvis facem præferente & allucente Socinò. Nimirum homines vel suis præjudiciis jam excæcati, vel gloriæ studiò, vel pravò aliò affecta præpediti Scripturas ideò evolvunt, non ut earum magisteriò divinam sapientiam addiscant, sed ut clarissima quæque & maximè in iis obvia suis offuciis obscurant & implicent. Una hæc eorum cura; unus labor; Eò collineant omnes istorum lucubrationes; quod vel Socini testimonio satis liquet alicubi narrantis suam illam longe absurdissimam, atque impudentissimam in Johannis 8. 58. cavillationem, multis jejunis, multisque lacrymis, atque orationibus suo nescio cui præcentori Lælio constituisse. Quæ postremo subjicis de inscrutabili numinis naturâ, ea lubens exosculor, dummodo nè præclarò illò ἀκαταλυσίας nomine Deum nobis *fungum*, aut Christum *crustulum* somniare concedas: quod Augustinus, fat scio, nunquam fecerit, quantumvis in Deò indagandò sobrius. Nam & illa *Dei posteriora*, quorum intuitu te tuosque posteros beari cupis, atque etiam optas, non video cur tota ad nos referri censenda sint; non autem aliquatenus ad ipsum etiam Deum, qualis in se est, pertinere. Utcumque sit, illud certè non negabis fas esse nobis pro certò & exploratò habere Christum esse verum hominem, & verum Deum; quod mihi satis est ad jugulandam totam hanc ruam de Samosatēnianorum communione disputationem. Vale. Dat. Lutetiæ Paris. d. 9. Kal. Sext. a. D. 1634.

Ad Aurelianensis Episcopi orationem

Responsio

A P O L O G E T I C A.

De admissis ad communionem nostram Lutheranis, ac de aliis quibusdam capitibus. a. D. 1636. scripta Gallice, neque antehac edita.



Uper prodiit oratio D. Nicolai Denets Episcopi Aurelianensis, die xvii Februarii proxime elapso, Cleri Gallicani nomine apud Regem habita; in qua ille de sui ordinis in nos lenitate, caritate, ac *συμπαιδεία*, deque sua moderatione quædam diserte præfatus, Ecclesias nostras trium insignium ac capitalium criminum reas sane haud leniter agit; primo quod leges publicas effræni licentia violare ausæ sint; tum quod nullas in suis Psalmis preces pro Principis salute atque incolumitate concipiant; denique quod res sacras multis modis prophanare, ac blasphemii impetere non dubitent. Gravis accusatio, si res verbis responderet. Sed non adeo obscura est nostra innocentia, ut una adversarii affirmatione possit vel obrui, vel etiam in suspensionem vocari. Ac id imprimis quod queritur Episcopus leges pu-
bli-

blicas a nobis violari, ne speciem quidem ullam habet. Cui enim fiat verisimile siquid hujusmodi a nobis tentaretur, id impune in eo regno futurum, cujus magistratus sunt & vigilantissimi, & a nostra pæne omnes religione, ab omni adeo in nos gratia, aut favore alieni? Pugnat tamen accusator nos edicti Regii, sub cujus umbra ac tutela vivimus, fidem ac legem violasse; quod ut Regi persuadeat, narrat primo Synodum Nationalem a. D. 1631 a nostris Carento-
p. 12.
 næ habitam decrevisse, ut Lutherani ad sacrae Cœnæ communionem apud nos admittantur; Tum addit Dallæum, Carentonensis cœtus ministrum, multo longius postea progressum, Græcorum de Spiritus Sancti a solo Patre processione errorem elevare, & Romanam religionem cum Genevensi permiscere, & ex omni hæreseon colluvie non plures, quam octo quasdam sectas rejiciendas, ac proscribendas, cæteras omnes, velut adiaphoras, ferendas, & sine discrimine habendas edicere. Hæc sunt, quibus Episcopus calcatam a nobis demonstrat edicti Regii majestatem; ob quæ Principis in nos animum inflamat; ob quæ ignem & ferrum expediri, & in nos velut omnium nocentissimos animadverti deponit. Nos jam ad singula consistamus, & horum unumquodque quam vanum, ac futile sit demonstremus.

Quod de Lutheranis primo loco objicitur, ita se habet. Lugduni (quam civitatem nemo nescit peregrinis hominibus tum ob situs opportunitatem, tum ob mercaturas,
 & alias

& alias artes, abundare) cum Germanus quidam vir pius, & in nostrorum cœtibus frequens, ex eo Protestantium ordine, quos Lutheranos vocant, testatus esset se cætera doctrinæ ac disciplinæ nostræ ita probare, ut etiam nobiscum communicare & cum quodam e nostris affinitate conjungi paratus esset, modo nequam apud suos hausede Dominicæ in sacramento præsentia ratione sententiam mutare cogeretur; fratres, qui in nostri ritus Ecclesia istic præsident, quod nullum aliud simile exemplum vidissent, & scirent brevi tertio aut quarto abhinc mense habitum iri Synodum, rem dignam censuerunt, de qua ad eam referrent. Itaque Synodus, quæ Carentonæ eo ipso anno, hoc est 1631. cum bona Principis venia, præsentē V. Clariss. Augusto Gallando, Regio, ut loquimur, Commissario, convenit, a Burgundicarum Ecclesiarum, in quibus Lugdunensis censetur, Delegatis ea de re consultā, in hunc modum respondit, ut ex Actis Synodi patet, quorum verba ipsa hic describere operæpretium putavi; *Quæsierunt provinciæ Burgundicæ fratres, an Germanos, & alios Augustanæ confessionis fideles in Ecclesiis nostris liceat absque prævia eorum, quæ aliter quam nos sentiunt, abjuratōe ad contrahendum cum nostris mulieribus matrimonium, & ad offerendos ad sacrum baptismum parvulos admitti; Synodo placuit, Quando Augustanæ confessionis Ecclesiæ cum cæteris Reformatis de veræ religionis principiis, fundamentalibusque capitibus consentiunt, & cultu utuntur puro; & ab omni idololatria, & superstitione*

stitutione immuni. ut si qui dictæ confessionis fideles ad publicas religionis nostræ collectas cujus caritatis, veræque pacis spiritu conveniant, & cum nostris communicare cupiant, eos liceat absque prævia abjuratone ad sacram mensam participandam, ad matrimonia cum nostræ confessionis personis contrahenda, & ad parvulos ad baptismum offerendos admittere; ita tamen, ut apud presbyterium sancte spondeant nunquam se hujusmodi personas vel directe vel indirecte ad quicquam sollicitaturos, quod cum recepta apud Ecclesias nostras doctrina non congruat. Hæc omnino fuit illa Synodi nostræ sententia, quam nunc adversarii tantis clamoribus exagitant; quam universus Cleri Gallicani conventus apud ipsum Principem deferendam, dirique criminis atrocibus verbis accusandam existimavit; veluti eâ ex composito ac meditato scelere manifeste contumelioseque violata sit a nostris edicti Regi majestas. Hic in primis mirabile est Synodi crimen manifestum, ac (ut ipsi loquuntur) notorium fuisse; non fuisse tamen a Gallando, viro universi nostri juris consultissimo, notatum: Ille, cum procax, & in Principis edictum contumeliosa sententia rogaretur, cum diceretur, cum pronunciaretur, cum in tabulas referretur, præsens in Synodo aderat; pro Principis jure ab ipso lectus & missus cum amplissima potestate, vigilabat. Non intercessit; non est questus violari publicas leges. An jus nescivit? Atqui ei omnes edicti apices melius noti, quam vel suæ Episcopis mitræ. An Principem volens prodidit? Atqui hoc de viro fidei toties a Principe in hujus generis negotiis probatè, laudatèq; ne ipsi

Orat.
p. 11, 12.

ipsi quidem Episcopi suspicabuntur. Sed quid ego in Gallando hæreo? Ille soluto conventu omnia Synodi acta statim ad Principis Consistorium detulit; cum Comitibus Conistorianis, viris amplissimis, communicavit, & in sacris scriniis deposuit. Ne eorum quidem quisquam fuit, qui hoc ingens scilicet, & *notorium* crimen in Synodo notarit, prehenderit, nobis exprobrarit, ad Regem, cujus res agebatur, detulerit. Totos annos quatuor ignotum jacuit, ac latuit Synodalis sententiæ crimen. Soli id Episcopi anno demum quinto prehenderunt; imo ne ipsi quidem prehenderunt, sed a Francisco Verono, notissimi pudoris ac judicii homine, crebro moniti & excitati tandem exclamarunt. Sed & Ministros Regios (quod non est prætermittendum) idem ille Veronus non minus antea fatigarat quam nunc fatigavit Episcopos; apud cancellos Principis, apud Cognitorem Regium assiduus fuerat; in concionibus, & circulis tumultuatus erat; libellis in vulgus sparsis Synodum laceraverat; neque tamen quemquam Ministrorum Regionum commovebat. Ergo velex his liquet Synodalis sententiæ crimen *notorium* non fuisse; imo ne fuisse quidem ullum, quod si fuisset aliquod, fieri profecto non potuisset, ut Gallandum, ut Regios ministros, juris, edicti, legum studiosissimos tamen lateret. Totum id crimen unus pro sua sapientia, pro suo pudore, pro suo in nos amore finxit Veronus. Fraudem ac imposturam hominis facile vidissent ipsi Episcopi, nisi inveterata quic-

quorundam in nos odia obstitissent; quibus
 quicquid contra nos dicitur, statim verissi-
 mile, verumque est. Quod enim est, obse-
 cro, nostrum illud tam invidiose vexatum
 crimen? Quam hæc Synodi sententia le-
 gem pulsavit? Quod edicti regii caput,
 quem apicem violavit? Lutheranos ad sacra
 nostra admisimus. Quæ lex id vetuit? E-
 volve totum regiarum de nobis legum codi-
 cem. Nullum paragraphum reperiēs, quo
 id sit interdictum. Certe Synodis ex e-
 dicto licet, quæ ad Ecclesiæ nostræ disci-
 plinam pertinent, ea tractare, definire, con-
 stituere. Jam quis non videt ad Ecclesiæ
 disciplinam id pertinere, de quo quæsi-
 runt fratres, an Augustanæ confessionis ho-
 minem ad communionem nostram a nobis
 admitti fas sit? Ergo Synodus quod hanc
 quæstionem vel tractavit, vel definivit, eo
 nihil in edictum commisit, sed plane ex e-
 dicti lege se gessit, dum potestate sibi a
 Principe in edicto concessa usa est. At vo-
 bis (inquit accusator) ex edicto Regio unam
 vestram religionem in Francia exercere li-
 cet; cujusquam alterius exercitium indu-
 cere non licet. Synodus autem vestra aliud
 statuit, dum Lutheranos admittit. Hæc spar-
 sisse, ac suggestisse Veronum, non miramur;
 Eadem Episcopos jactare, merito, ut nobis
 quidem videtur, indignamur. Nam illum
 quidem, qui rationi nuntium remisit & bel-
 lum publice indixit, ea cogitare ac lo-
 qui, quæ a vero, & a ratione abhorrent,
 consentaneum est; Hos, quibus ipsa status
 sui dignitas veritatem, ac gravitatem com-

Orat.
 p. 111

mendat , non decebat homini vanissimo credere , & quæ ille temere mero calumniandi studio somniavit , ea arripere , & apud Regem ipsum proferre. Quid enim vanius , aut mendacius dici potest , quam quod his suggessit Veronus , Synodum scilicet *aliud religionis exercitium apud nos induxisse ? Aliam religionem , aliud religionis exercitium inducere* , est , ut liquet , eâ desertâ , quam hætenus secutus ac professus eras , aliam diversam sequendam ac profitendam discernere , vel aliis certe tua auctoritate concedere , ut a recepta religione desciscant , & ab ejus cœtibus discedant , alios ipsi seorsum instituant , in quibus diversa a solennibus sacra faciant. Palam est Synodum nihil hujusmodi tentasse. Nullum in tota ejus sententia verbum est de alia religione apud nos inducenda ; nullum de re ulla præter consuetum apud nos ritum innovanda. Non aliam , quam quæ hætenus apud nos fuit ; vel Cœnæ Dominicæ , vel publicarum , solenniumque collectarum formam , aut rationem instituit ; Nihil suo loco vel ordine movet , omnia intègra & intacta finit. Neque vero Lutheranos e sedibus suis excitos in Galliam nostram evocat , vel iis concedit , ut hic proprias ac peculiare , sui nominis , suive seorsum ritus Ecclesias deinceps habeant , & tertium quoddam religionis corpus constituent ; quod si faceret , in Regem , cujus hæc unius potestas est , graviter (fateor) peccaret. Sed neque istorum quicquam vel fecit , vel dixit , vel cogitavit Synodus. Hoc unum tantum , quod sui ex edicto

dicto juris est, decernit, *siqui ex Augustanæ confessionis fidelibus* (iis nempe qui apud nos, permittente Principe, vel sedes fixerunt, vel certe peregrinantur, & ad tempus commorantur) *siqui*, inquam, *ex istis, cum caritatis, ac pacis Spiritu* publicas Ecclesiarum nostrarum in hoc regno collectas frequentent, & ad eas conveniant, & cum iis communicare cupiant, ut hos ad sacram cœnam admitti fas sit. *Collectas* dicit, sed nostras: non sectæ alicujus recens superinductæ occultas, sed Ecclesiarum nostrarum *publicas*. Cœnam itidem intelligit, non alienam, sed nostram. Hæc ergo sacra, quorum nobis exercendorum potestas edicto Regio facta est, manere vult immutata & illibata; nihil aliunde superinduci patitur: Ad hæc ipsa, non ad ulla alia, Augustanæ confessionis homines admittit. Ac eos quidem (quod observandum) ad hanc communionem non cogit invitos, non urget abnuentes, non allicit incautos, non de aliis cogitantes sollicitat, sed ultro venientes suscipit, suoque se judicio ac voluntate offerentes colligit. Non concedit, ut in diversam communionem coeant; sed cupientibus suæ copiam facit. Quid modestius, quid sanctius fieri poterat, aut ab omni novandæ religionis consilio remotius? Quo & illud pertinet, quod ne alios quidem admittit, quam qui *caritatis & pacis Spiritu* præditi, adeoque ab omni turbarum, ac novitatum studio alieni sunt, ut siqui ex istorum genere lites ferere, constituta convellere, composita dividere, aut novum aliquid inducere velint, vel conen-

tur, eos Synodus procul a nobis, & a nostris faceffere jubeat. Quin & illud diferte infuper cavet, ne iſtis fas fit *noſtros directe a doctrina apud Eccleſias noſtras recepta avocare, vel abducere.* Ex quibus jam conſtat falſiſſimum eſſe, quod Veronus Episcopis per immanem calumniam ſuggeſſit, ac perſuaſit, hac Synodi ſententia *religionem a noſtra diverſam apud nos contra publicas leges induci, & Lutheraniſmi, vetite ſecte exercitium, in Galliam admitteri.* Atqui nullius religionis, præter quam noſtræ, vel collectas, vel ſacra, vel ullum omnino publicum, ac ſolenne exercitium a Synodo vel inſtitui, vel concedi, vel etiam nominari, aut ſignificari, palam eſt. Quod vero negant adverſarii Lutheranos recte a Synodo ad ſacrorum noſtrorum communionem admiſſos eſſe; id alio pertinet, & ab invidioſo edicti violati crimine procul abeſt. Illa enim quæſtio, *an Reformatus Lutheranum ſecum in ſacris communicare volentem a menſa ſua arcere, an ad eam admittere debeat;* Theologica eſt, non politica; in ſcholis non in Principis conſiſtorio; vel apud judicum tribunalia, agenda ac ventilanda. Hanc decebat Episcopos, ſi noſtræ Synodi decretum minùs probabant, graviter ac modeſte agitare, ſuæque nobis ſententiæ rationes placide, ac ſedarè explicare; non, quod fecerunt, nos apud Principem iniquiſſima, atque odioſiſſima accuſatione immerentes, ac innocentes inſectari. Sed quando omnis iſta invidia jam ſatis a nobis depulſa eſſe videtur; age nequid ſuperſit in hac cauſa dubium, vel obſcurum, breviter nunc duo quæ-

quædam refellamus quæ adversarii huic Synodi de Lutheranis judicio objiciunt ; quorum prius quidem inde petitur , quod Lutherani de quibusdam religionis capitibus, maxime vero de Eucharistia , aliter quam nos, sentiant ; posterius vero a majorum nostrorum auctoritate, sumitur, quos isti aliter de Lutheranis olim judicasse volunt, quam nostram nuper Synodum ; priorem objectionem Synodus ipsa occupavit, dum in hoc suum decretum ita præfata est, *Quando Augustanæ confessionis Ecclesiæ cum cæteris Reformatis de veræ religionis principis, fundamentalibusque capitibus consentiunt, & cultu utuntur puro, & ab omni idololatria & superstitione immuni &c.* His enim verbis tria quædam suæ sententiæ sapientissime præstruit ; quorum primum est, Ecclesiarum Christianarum dogmata ac instituta non esse omnia unius ejusdemque generis ; sed alia quidem ad ipsius salutis fundamenta ita arctè pertinere, ut absque iis haberi non possit salus ; alia vero non ita cum salute, & fide, quæ ad eam necessaria est, cohærere, ut qui ea vel nescit, vel etiam repudiat, servari non possit. Secundum est, qui prioris generis dogmata evertunt, nullam cum iis in sacris communionem esse vel colendam, vel ferendam ; qui verò aliquod posterioris generis dogma vel nesciunt, vel etiam respuunt, si modo ipsa veræ religionis fundamenta teneant, & nobiscum vivere, nostraque societate frui animo placido velint, eorum communionem tolerandam esse, non aspernandam. Tertium denique est Lutheranos ip-

sa Christianismi fundamenta nobiscum Dei gratiâ retinere omnia ; neque quicquam vel docere , vel sequi , quod ea per se ac recta fronte oppugnet, vel evertat. Ex his porrò ita positis, necessario ac evidenter sequitur , quod Synodus postremò decernit, nimirum siqui Lutherani sint , qui ex vera sinceraque caritate nobiscum placide vivere, nostrisque sacris uti ac frui velint, licere eos ad communem Domini mensam admittere, tametsi de paucis quibusdam aliter sentientes; jam nemo non videt , quam casta fluxaque sit adversariorum objectio. Quod enim afferunt, istos, quos mensa nostra dignamur, aliter quam nos de Eucharistia, deque aliis nonnullis minoris momenti sentire; id nunc omnes intelligunt nullam per se ad hoc, quod inde concludunt , conficiendum vim habere posse, nisi prius demonstraverint, vel cum iis solis esse communicandum , qui nobiscum plane de omnibus , etiam minimis in religione , consentiunt ; vel certè non esse ea , de quibus Lutherani a nobis dissentiunt, ex eo rerum genere, in quibus aliqua , etiam inter fratres , dissensio ferri possit. Prius pugnat non modo cum recta ratione , sed etiam cum omnium Christianorum praxi ; quorum vix ulla unquam fuit societas, quæ non ferret aliquos aliter de quibusdam sentientes. Paulus, cujus exemplum lex nobis est , tradit fuisse quosdam , qui licere sibi non putabant omnibus vesci , & hos tamen ab iis , qui omnia manducare licere sibi credebant, sperni vetat. Idem alibi discrete præcipit, nè
eos

Rom. 14.

2, 3.

Phil.

3, 15.

eos abjiciamus, qui aliter quam nos, sapiunt. Justinus Patrum, quorum scripta supersunt, Clemente excepto, vetustissimus, testatur nonnullos Christianos suo adhuc tempore Mosaicos ritus observasse; quos non dissimulat a quibusdam ita reiectos fuisse, ut neque hospitii cum iis communionem habere auderent (Neque enim unquam ferè defunt tales præservidi ingenii zelotæ) Quid ad hæc Sanctissimus Christi Martyr ? Ille vero se profitetur hanc severitatem minime laudare; statuitque oportere ipsos illos Judaizantes, si modo de cætero in Christum credant, & Evangelicam disciplinam teneant, & cum aliis Christianis, & fidelibus vivere velint, neque eos secum Judaizare cogant, recipere, & ad communionem rerum omnium, ut eorumdem viscerum homines, ac fratres admittere, *παραλαμβάνειν καὶ κοινωνεῖν ἀπ' αὐτῶν ὡς ὁμοσπλαγχνοῖς καὶ ἀδελφοῖς.* Lutheranorum a nobis diverfitas non modo non major, sed etiam multò minor est quam istorum a Justino, & ab aliis Christianis fuit. Merito ergo sanctissimi viri lenitatem Synodus in Lutheranos æmulata est. Scimus proximis post Justinum temporibus Polycarpum ab Aniceto Romæ Episcopo, tametsi aliter de Paschate sentientem, ad sacram mensam, non modo admissum, sed etiam invitatum fuisse. Et cum paulo post ab Aniceti lenitate discederet Victor, scimus non fuisse ab eximio, vereque sui nominis viro, Irenæo laudatam ejus severitatem. Sed & secutis temporibus Dionysium Alexandrinum legimus plurimorum Patrum, qui vel paulo

Just.
Dial.
cum
Tryph.
edit.
Comme.
p. 206.
lin. 20. &
seqq.

Euseb.
Hist. l. 5.
c. 26.
edit. Gr.
ibid.

ibid. l. 7.
c. 23, 24.

ante vixerant, vel tum etiam florebant, de millenario apud Hierosolymam regno errorum strenue refutasse; quemquam ob eum errorem excommunicasse non legimus. Cypriani par fuit in dispari causa caritas, qui Stephanum, & alios multos de ministratio ab hæreticis baptismo, plane contra quam ipse cum suis Afris docebat, sentientes, ferendos tamen, neque a sua communione rejiciendos existimavit. Hieronymus, tametsi alias acris & ardentis animi, Dionysii tamen moderationem non paucis post eum annis, est imitatus, Chiliasmum somniantes sic refellens, ut etiam demulceat, pæne timens ne eorum amicitiam multetur. Eandem Hieronymo mitissimus Augustinus reverentiam exhibuit, sic in nonnullis ab eo dissentiens, ut communionis & fraternitatis, jura integra servaret. Dies me deficiet si hujusmodi Christianæ antiquitatis exempla omnia referre voluero: ex quibus cuivis constare potest veteres illos purasse (quod alicubi est apud Augustinum) præter ea, *quæ ad ipsa fidei fundamenta pertinent* (in quibus scilicet omnes consentire necesse est) alia esse, in quibus inter se aliquando doctissimi, atque optimi regulæ Catholicæ defensores salva fidei compage non consonant, & alius alio de una re melius aliquid dicit, & verius. Sed nihil opus est vetera & aliena referre, cum palam sit & nos, & adversarios ita instituere & factitare, ut etiam apud utrosque multi ferantur diversa sentientes. Apud hos quidem de Dei gratia & auxiliis aliud Jesuitæ, aliud Dominicani, & Oratorii Presbyteri sentiunt

Ang. l. i.
contra.
Julian c.
6. T. 7.
p. 370.
edit. ult.

tiunt ac docent. Notum est quanta apud eosdem fuerint, quantaque etiam hodie sint Canonistarum cum Sorbonicis, *de Papæ supra Concilium potestate*; quanta Franciscanorum cum Dominicanis *de B. Virginis conceptione certamina*. Et nunc fervent Sorbonæ *de Episcopatus in qualibet Ecclesiane necessitate*, deque *Confirmationis sacramento*, & aliis non paucis nobilissimæ adversus Jesuitas disputationes. Quid Theologorum cum Canonistis *de Papæ in temporalibus potestate*, quid Episcoporum cum Monachis *de religiosorum statu*, quid Thomistarum & cum aliis *de crucis adoratione*, & cum Scotistis de omnibus fere religionis capitibus lites, rixas, ac digladiationes memorem? Tanta sententiarum est apud istorum Theologos de rebus sacris diversitas, ut Pareus noster ad 239. quæstiones numeravit, de quibus illi inter se dissentiant. Et tamen hi omnes, licet inter se discordes, in unius, ejusdemque Ecclesiæ communione feruntur; unius ejusdemque, religionis Catholicæ (ut loquuntur) Romanæ esse dicuntur; Neque suum altare, vel Jesuitæ Dominicanis, vel Theologi Canonistis, vel hi illis invident. Quo exemplo patet non omni sententiarum de rebus Theologicis atque Ecclesiasticis diversitate statim perimi, vel dissolvi ipsius fidei, ac religionis unitatem; & sæpe fas, interdum etiam utile, & necessarium esse aliud de quibusdam capitibus sentientes in nostram communionem suscipere. Unde jam liquet, quam temerè, quàm falsò, quàm denique contrà suam ipsorum sententiam, ac praxin

Iren. c.
26.

clament accusatores *aliam* a nobis *religionem* eo induci, quod Lutheranos non plane de omnibus eadem nobiscum sentientes ferendos, & ad nostræ Synaxeos sacra admittendos censeamus. Nam si Jesuitis altare suum cum Dominicanis, tametsi secum *de gratia* certantibus, communicare licet, si Episcopos, & presbyteros fas est multos ex Monachorum ordine, quanquam secum non una de re litigantes, sacrorum suorum participes facere; quæ obsecro, invidia est nos Lutheranismum nobiscum de omnibus fidei fundamentis accuratissimè consentientem, de unô tantùm aut alterô doctrinæ Christianæ non *fundamento*, sed *apiculo*, diversa sequentem complecti, & mensa non tam nostra quam Christi dignari? Quorum par, atque idem factum est, eos profecto pariter vel absolvi, vel damnari decet. Jam nemo illos accusat vel *violatarum legum*, vel *scissæ unitatis*, vel *inductæ apud suos peregrinæ, aut novitiæ religionis*. Nos igitur qui nihil aliud designavimus, quam quod isti quotidie faciunt, horum criminum reos agi, iniquum & indignum est. Ac istorum quidem eò major est in omni hac accusatione iniquitas, quod non nesciant hoc & nobis placere, ut cum iis Ecclesiastica communio colatur, quicumque Christianæ pietatis fundamenta verè ac sincerè retinent, etiamsi de nonnullis levioris momenti quæstionibus aliter, quàm nos sentiant. Neque enim ignorant Anglos, quorum de cæteris eadem est nobiscum sententia, presbyteri cum Episcopo paritatem quam nos affirmamus, negare. Et Anglos

tamen sciunt mensâ nostrâ Ecclesiasticâ vel a nobis, vel a majoribus nostris nunquam fuisse vel exclusos, vel rejectos. Palam illi, ac frequenter cætibus nostris inter sunt, & cœnam Dominicam nobiscum sumunt. Nemo nos adversariorum de hac nostra cum Anglis communione hætenùs pulsavit. Nemo nobis ea de re crimen apud Principem intendit. Nemo conquestus est *novam a nobis religionem* præter patrias leges induci; aut hierarchiam in Ecclesias nostras præter majorem nostrorum consuetudinem invehî. Ipse Princeps hanc nostram cum Anglis in religione communionem adeò non nescivit, vel ægrè tulit, ut viros amplissimos ex Angliâ apud se legatos ad Ecclesiæ nostræ conventum regiô ipsô curru vectos aliquandò fuisse meminerimus. Sed negabit fortassè accusator eandem esse utriusque controversiæ rationem; concedensque hanc, quæ nobis *de Hierarchiâ* cum Anglis est ferri posse, contendet, illam, quæ cum Lutheranis *de Eucharistia* est, alterius generis esse censendam. Hæc (si ita statuit adversarius) probare, & clavis argumentis demonstrare debuerat. Neque enim nescit nos planè aliter sentire, existimareque Lutheranorum *de Dominicæ in eucharistiâ præsentie ratione* dogma cum Christianæ salutis fundamentis consistere posse; quæ quoniam sunt a nobis in Apologiâ fusiùs disputata nihil necesse est hoc locò reperere. Quod verò accusator, obiter & aliud agens, significat Lutheranum illud dogma, quod nos ferendum putamus, *nostra ab Ecclesia* (id est, ut ille

Apol. c.
7. 9.
Orat. p.
12.

ut ille intelligit , a Pontificis Romani communione) *discessionis præcipuam causam fuisse*, id inquam falsò , & temerè affirmari clarum est. Si enim hoc vult Orator, nos a Latinò Papà ideò discessisse , quod is in genere credat Christum verè præsentem esse sacramentum suum manducantibus, & qui id digne sumunt , eos Dominici corporis ac sanguinis verè atque realiter fieri participes, sciunt omnes nos semper ita sensisse, & nunc etiam Dei gratiâ sentire, ac docere. Si verò hanc Dominicæ carnis præsentiam propriè ac in specie intelligit adversarius, quam Papa Romanus definivit, eam nimirum, quæ per *panis & vini transubstantiationum* fieri fingitur , fateor equidem peregrinum hoc & prodigiosum dogma causam, vel , ut verius dicam , unam ex causis fuisse , cur ab ejus communione discedendum putaverimus, & nunc etiam putemus. Id verò dogma, quod a Lutheranis unà nobiscum explodi, atque oppugnari notum est , quis Lutheranis sanus tribuerit? vel, quod ipsorum neque est, neque verò fuit unquam , id in iis a nobis ferri dixerit? Non ergo demonstravit adversarius Lutheranam sententiam esse ex eò opinionum genere, quas in Ecclesiâ diximus sinè salutis discrimine ferri non posse. Undè & illud quod initio posuimus, liquidò conficitur , nempe nullâ eum ratione Synodum nostram accusasse, quod Lutheranos, siqui nobiscum communicare voluerint, ad sacra nostra admittendos decreverit. Neque aliud probant duæ a Veronò contrâ allatæ rationes , quarum prior
indè

indè ducta est, quod nostri olim Lutheranis objecerint, istò eorum dogmate naturam Christi humanam suis veris, ac necessariis proprietatibus spoliari. Nos enim etiam adhuc hodiè hæc eadem illis objicimus, quotiès de istâ controversiâ disputamus: cæterum non ita objicimus, quasi hoc sit unum ex eorum dogmatis, quod iis sanè non potest sinè calumnia imputari, qui hoc, quod Eutychis fuit dogma in Chalcedonensi Synodò damnatum, nobiscum rejiciunt & abominantur; Sed hæc iis objicimus, ut absurda, quæ ex ipsorum de cœnâ dogmate necessariò sequi judicamus, ac (ut nobis quidem videtur) validè probamus; quò talium consequentiarum horrore a suò illò dogmate abducantur. Atqui non eandem esse rationem dogmatum, quæ in thesi ab aliquò affirmantur, & eorum, quæ indè per consequentiam quidem deducuntur, sed a Theseos tamen assertoribus negantur, & nos alibi docuimus, & ipsa adversariorum praxis confirmat; apud quos Dominicanæ de gratiâ sententiæ sectatoribus Iesuitæ strenuè objiciunt *Deum per eam fieri peccati auctorem*, neque eos tamen a suâ communione arcent; quod ista scilicet non ab ipsis ponantur aut defendantur, sed ex iis tantùm, quæ ponuntur, vi ratiocinationum deducuntur. Non enim est dubitandum, quin eos Romana omnis Ecclesia excommunicatura esset, si dirum illud portentum, quod eorum dogmati objicitur (*Deum scilicet auctorem esse peccati*) ipsi in thesi rectà, exserteque docerent. Eadem nostra

Apol.
c. 9.

nostra est, ut liquet cum Lutheranis ratio. Sed & hoc secundò locò objicit Veronus, quod ego alicubi scripserim *neminem nobiscum communicare posse nisi qui Ecclesiam nostram pro verà fidelium societate habeat.* At Lutherani (inquit) Calvinianos, non fideles, sed Satane filios censent. In hac ille objectione exultat, & nescio quot loca ex Lutheranorum Theologorum libris, seu vera, seu ficta recitat, in quibus nostrę communionis homines miris coloribus depinguntur. Sed non vidit subtilis disputator suò hoc palmariò argumentò totam hanc accusationem, cujus ipse unus fons est, planè penitusque everti. Nam si (quod iste decernit) Lutherani omnes nostram Ecclesiam habent pro diabolicorum hominum societate; planum est Synodum nostram nullos ad suam mensam admittere Lutheranos; quæ non alios admittit scilicet, quàm *qui cum caritatis & pacis spiritu ad nostras collectas conveniunt, & communicare nobiscum cupiunt*; quod qui cupiunt, ii profectò nos non habent pro *Satane filiis*; neque adeò Lutherani sunt, ex Veronò quidem. Itaque falsa & iniqua est omnis illa invidia, quæ nobis & a Veronò, & ab Episcopis non alià de causâ creatur, quàm quod Lutheranos ad sacram cœnam admittimus, quos tamen (ipsò decernente, ac definiente Veronò) nullos planè ad cœnam admittimus. Ita gladiator nimium animosus suò se ipse vel gladiò confodit, vel laqueò implicuit, ac strangulavit. Ego verò & scio & doleo nimium multos & fuisse, & fortassè etiam nunc esse Lutheranos, quibus averfissimus

simus est a nobis animus, & lingua in nos
 sæva. Sed quid facerem? Si me fratres ode-
 runt, non ideò & mihi eos vel odisse vel in-
 ficiari licet. Etiam si me consciderint & cal-
 caverint, germanitatem doctrinæ nostræ
 negare nec possum, nec volo. Ac quamquàm
 omnes purgare, vel excusare nolim, non
 dubito tamen quin plærique non tam cari-
 tatis, quàm notitiæ defectu peccent. Ode-
 runt, quia nonnullorum maledictis decepti
 putant nos de rebus divinis horrenda quæ-
 dam sentire; quod si, ut ipsis persuasum est,
 verum esset; non sanè esset injustum eorum
 odium. Fieri potest, ut nos quoque pecca-
 verimus; neque satis ea, vel quibus fratrum
 offensio excitata est, caverimus, vel quibus
 certè excitata mitigari ac tolli poterat, cu-
 raverimus. Meum votum est, ut meliorem
 utrisque mentem donet Deus; & iis quæ
 utrimque peccata sunt, benignè propter
 Christum Iesum remissis, sic nos Spiritu suò
 lucis & pacis afficiat; ut tandem omnes,
 qui verè simus, inter nos agnoscamus. Do-
 nec id fiat, manifestum est Veronianos illos
 Lutheranos siqui sunt, (utinam verò nulli
 sint!) ad mensam nostram, neque accessu-
 ros ipsos, neque sanè a nobis, quamdiù hoc
 in nos animò erunt, admitti posse. Nam &
 Iustinus suprà, & Iustinò major Paulus,
 ipsos illos Iudaizantes, quos, (si mites fue-
 rint, & secum vivere voluerint) admittebant
 & ex caritate ferebant, hos inquam ipsos,
 si superbire, & fratres ad Iudaizandum co-
 gere cœperint, repudiant, & a se facessere
 jubent. Cæterum in tantâ honestorum, pio-
 rum,

p. 12.

Ibid.

rum, sanctorumque hominum, qui Lutherani audiunt, copiâ fieri non potest, quin sint non modo aliqui, sed multi leniori & amiciori in nos animo. Spero & plures in posterum futuros. His sciat Veronus aditum ad mensam nostram a Synodô permitti. Aliis, ea quæ fastidiunt, certè non desiderant, absit ut invitis ingeramus. Nunc ad alterum venio, quod Synodico decreto ab adversariis objici dixi, *quod scilicet pugnet cum hætenus apud nos recepta de Lutheranis sententiâ*. Itaque Orator *novitatem* esse ait, quod Lutheranos ad sacra nostra admittamus. Sed qui novam esse apud nos hanc Synodi sententiam affirmant, eorum erat demonstrare communionis nostræ homines vel hic olim, vel etiam nunc alibi de Lutheranis aliter vel statuisse, vel statuere. Atqui nihil hujusmodi in medium attulit vel Orator, vel is, qui totam hanc calumniam Episcopis suggessit, Veronus. Nullum in utriusque libellis reperi vel majorum nostrorum, vel certè fratrum exterorum seu antiquum, seu recens decretum, quò Lutherani mensâ nostrâ prohibeantur. Ait Orator *multa & a nobis in Lutheranos, & in nos vicissim a Lutheranis excussa ac vibrata esse fulmina; multum utrimque profusum sanguinis, quò partes opinionibus suis pondus darent*. Ego vero hanc accusatoris orationem, qui grandem ac terrificam esse confiteor, veram esse pernego. De Lutheranis quærere supersedeo; quorum dicta factaque, siquid in me peccarint, præstare non debeo. Nostros verò homines fulmina in Lutheranos, & quidem non semel misisse

miſiſſe, vel cum iis bella geſſiſſe, ferroque & cruore ſuam ſententiam confirmariſſe, velim equidem ſcire ex quibus Annalibus hauſerit facundiſſimus Epiſcopus. Nobis ſanè hæc fulmina, hæc fraternò ſanguine redundantes acies, hæc bella, hæc dira prælia neque lecta hætenùs, neque audita fuerant, quæ ſuo ſibi commodo finxit accuſator, ut in his grandior atque alacrior exſultare poſſet oratio. Quod verò narrare auſus eſt Veronus morem antehac apud nos fuiſſe, ut Lutheranis liceret quidem cœtibus & concionibus noſtris intereſſe, & ſermones, ſiqui ad plebem de ſuggeſtu haberentur, audire; id inquam totum immane eſt, & hoc homine planè dignum mendacium. Sciunt omnes noſtri, ſciunt quicumque de exteris apud nos aliquandò verſati ſint, ſcit ipſe fabulæ pater Veronus, qui Carentonæ, qui alibi frequens ſacris noſtris interfuit, nunquàm apud nos viſum, nunquàm auditum, ut Lutheranis, vel ullius ordinis homines de cœtibus noſtris exire jubeantur, quò tempore Cœna Dominica fidelibus diſtribuitur. Neque verò novum eſſe apud nos, ut Lutheranis ad ſacra noſtra admitti poſſe putentur, ex eò rectè concluſeris, quod id in Synodò Carentonenſi annò demum 1631 decretum ſit. Non enim nova eſſe, neceſſe eſt, quæcumque recenti memoriâ in cœtu aliquò definiuntur, aut decernuntur. Interdum de rebus etiam vetuſtiſſimis decreta apud Synodos recèntes ſunt. Aliter nova eſſet rota Papæ Romani religio; de quâ nuper tam multa Tridentini parentum noſtrorum memoria facta

sunt decreta. Ea scilicet sæpè incidunt, quæ Synodos cogunt res etiam receptas novis decretis ac definitionibus confirmare, vel illustrare. Atque ita accidisse in præsentī negotiō ex iis satis patet, quæ statim initio diximus. Cū enim, quod nondum fortassè antea contigerat, quidam ex Lutheranorum numerō testatus esset se nobiscum communicare velle; ex eā occasione factum est, ut quæstio ad proximam Synodum deferretur, Synodus de quæstione propositā decerneret: Hoc verò Synodi iudicium, non modò (quod temerè & sinè ullā ratione affirmant accusatores) novum & ab aliorum Reformatorum sensu alienum non esse, sed communi eorum omnium sententiæ ac disciplinæ congruere, & ex eā ita necessario atque evidenter sequi, ac profluere, ut Synodus aliter judicare non potuerit; quin & a majorum, & a cæterorum fratrum iudiciō discederet; ego nunc paucis demonstrabo. Atque hic illud in primis pono, quod a nemine Christianō negatum iri arbitror, quem tu pro tuō in Christō fratre censeas, atque agnoscas, ei licere fasque esse tecum ad eandem mensam accumbere, communisque Domini ac patris epulum tecum unā gustare. Ergo an Lutheranos pro fratribus in Christō suis, & majores nostri, & alii omnes Reformati habuerint, atque agnoverint, nemo dubitare poterit, quin ex eorum mente atque sententiā decretum sit, Lutheranos, siqui nobiscum communicare voluerint, ad Domini mensam esse admittendos. Jam verò & majores

jores nostros, & cæteros cum ipsis consentientes reformatæ religionis professores eò semper locò ac numerò habuisse Lutheri discipulos, manifestissimum est. Principio cum annò superioris sæculi 29 utriusque partis principes Marpurgi convenissent, ac de cæteris quidem consensissent, de hoc verò unò capite dissentirent, nihilominus ita discessum est, ut utrique sponderent unam partem alteri Christianorum dilectionem, quantum cujusque conscientia ferret, *declaturam*; nostri verò, id est Oecolampadius, Zuinglius, Bucerus, & Capito, hoc insuper cuperent, atque urgerent, *ut a Lutherò fratres agnoscerentur & haberentur*. Atque hanc Oecelampadii in illa sententiarum diversitate mentem jam ab initiò fuisse, patet ex libro, quem a. 1525, de genuinâ verborum Domini, *Hoc est corpus meum*, expositione ad Suevos fratres peramanter scripsit; in quo hoc inter cætera disertè constituit, *Error* (inquit) *condonari potest, modo fides adsit in Christum*. Jam quanti Lutherum Johannes Calvinus fecerit, notum est; quamque non refugerit ejus communionem vel indè constare potest, quod & Augustanæ Confessionis se libenter subscripsisse ipse testetur; & a. D. 1541. unâ cum Augustanæ confessionis fidelibus Ratisbonæ in colloquio federit. Sequutis temporibus eò res in Poloniâ & Lithuaniâ processit, ut quæ sunt in illis partibus tum Reformatorum, tum Lutheranorum Ecclesiæ, in unum corpus Ecclesiasticum coaluerint, suam quidem singulæ de Eucharistiâ sententiam retinentes,

c. 4. op.
edit. Jen.

Calv. ep.
188. Be-
za in
Calv.
vita.

sed tamen amicè inter se & fraternè in sacris communicantes, quæ unio a. D. 1570. in Sendomiriensi primùm Synodò constituta, diversis postea Synodis Cracoviæ, Petricoviæ, Vlodislaviæ, & Toruni tandem a. 1595. Inculentissimè confirmata est; ut ex Actis & in ipsâ Poloniâ primùm publicatis, & postea Harmoniæ Confessionum apud nos excusæ insertis patet. Polonicarum Ecclesiarum exemplum sequutæ sunt a. 1575. quæ illis temporibus in Bohemiâ erant Lutheranorum, & nostrorum Ecclesiæ, earumque tamdiù mansit in illò regnò unio, quandiù utrisque fuit religionis suæ libertas. Nostrorum in Germaniâ idem quoque fuit in Lutheranos animus. Nam & Gaspar Peucerus, & Henricus Mollerus, & alii Melanthonis discipuli, quos de Eucharistiæ negotiò idem nobiscum sensisse constat, ultrò tamen & constanter cum Lutheranis quotiès & quamdiu per hos licuit, communicarunt. Ludovicus quidem 8. Elector Palatinus, nostræ confessioni addictissimus, cùm Polonorum Evangelicorum unionem ex eorum litteris. a. 1578. d. 28. Febr. datis intellexisset, rescripsit se plurimùm illis de eâ cum munione gratulari, optareque ut Ecclesiæ Germanicæ pari quoque inter se concordiam aliquandò gaudeant. Illusterrimum quidem hujus, qui nunc vivit, Palatini Electoris avum rem tentasse constat, deque ineundâ cum Lutheranis concordia ad Neuburgensem Palatinum, ad magnæ Britanniæ Regem Iacobum, & ad fœderatos Belgii Ordines a. D. 1607. scri-

Vide
hist.
carc.
Peuc.

Par.
Iren. c.
23. pag.
125. 134.

scripsisse. Idem quoque in suæ ditionis provinciis tentasse Electorem Brandenburgicum, qui nostram confessionem proficitur, certum est. Sed nihil necesse est singulas Germanorum Reformatorum sententias persequi. Locupletissimum de universis testem habemus Davidem Pareum, virum inter nostros magni suò meritò nominis, sacrarum litterarum in Heidelbergensi quondam Academiâ professorem celeberrimum, cujus de hoc unò argumentò insigne extat opus a. D. 1614. *Irenici* titulò scriptum, atque editum; in quò fusè ille atque accuratè quæcumque ad hanc rem pertinent, exsequitur. Demonstrat enim primò nos de præcipuis, ac necessariis fidei capitibus cum Lutheranis planè consentire. Tum Lutheranorum proprium *de modò ac ratione Dominicæ in Eucharistiâ præsentiae* dogma hujusmodi esse, ut eò nullum ex nostræ salutis fundamentis evertatur rectà ac per se aut labefactetur; Itaque non obstare hanc illorum a nobis dissensionem, quò minùs inter nos optimà interim fide communicemus, donec utrosque clementissimus Dominus ad unam eandemque de hoc etiam capite sententiam Spiritus sui luce ac gratiâ perduxerit; postremò verò quæcumque contrà obijciuntur, ea diligenter ac copiosè dissolvit. Jam quæ nostræ sunt in Belgiò Ecclesiæ libellò eà de re a. D. 1579. editò factis testatæ sunt quantoperè ipsæ quoque in hoc unionis consiliò cum Germanis conspirent, quamque optent, ut inter utrosque, Reformatos scilicet ac Lutheranos,

Grot.
Apol.
pag. 69.

Irenic.
p. 66. 68.
69. 285.
286. 298.
219. 331.
332. 333.
337. 338.
340. 342.
343.

Grot.
Apol. p.
69.

quæ in Poloniâ inita erat societas ac confœderatio, ea in Germaniâ pariter iniretur ac constitueretur. Sed & Britannicæ Ecclesiæ idem jam olim fuisse, idemque nunc esse tota hac de re iudicium, patet. Nam olim quidem Iuellus, Satisburiensis Episcopus, in Apologiâ Ecclesiæ Anglicanæ nomine scriptâ, atque editâ, & a Petrô Martyre maximis, verissimisque laudibus ornatâ, quô locô de Ecclesiæ unitate differit, & nostris a Pontificiis Theologis objectam religionis inter nos diversitatem solvit; *Illi quidem (inquit) quos isti contamelix causâ appellant Zuinglianos, & Lutheranos, re autem verâ sunt utriusque Christiani, & inter se amici ac fratres, non de Principiis, aut de fundamentis religionis nostræ, non de Deo, non de Christo, non de Spiritu Sancto, non de ratione justificationis, non de æternâ vita, tantùm de unâ, nec ea ita gravi aut magna, questione inter se dissentiunt.* Hæc Iuellus. Idem ex eô quoque constat; quod Elizabethæ illustrissimæ Anglorum Reginae legati a. D. 1577. utriusque nominis Protestantes (id est Lutheranos & Reformatos) Francofurti ad concordiam inter se in Germaniâ ineundam cohortati sunt, & ad eam conciliandam ac promovendam operas suas contulerunt. Quid verò hodiè iudicet magnæ Britannicæ Ecclesiæ, clarissimè docet trium illustrium Episcoporum, Satisburiensis, Dunelmensis, & Exoniensis antè hoc biennium scripta, Londinique excusa, atque edita sententia. Illi enim de hac questione ab eruditissimô quodam virô consulti unô atque eodem animô pariter respon-

Pag. 61.
edit.
Londin.
a. 1581.

Grot.
Apol.
pag. 69.

spondent, negantes propriis quibusdam Lutheranorum opinionibus convelli, aut subrui Christianæ religionis fundamenta, eoque affirmantes mutua inter nos & Lutheranos communionis jus liberum esse. Ex his liquet, exteris omnes, quotquot sunt Evangelici nominis, Ecclesias constanter, jam ab initio ad hæc usque tempora, in eo consensisse, ut a nobis Lutherani fratrum loco ac numero censeantur. Nunc ad nostras Ecclesias venio, id est eas quæ in Gallicani imperii ditione sunt. Nos-ne ergo Reformatorum soli Lutheranorum antehac communionem refugimus? vel iis anathema diximus? Profecto hic tantus aliorum omnium Reformatorum, quibuscum in cæteris conjunctissimi semper fuimus, de proposita quæstione consensus satis, si vel nulla alia argumenta extarent, doceret quod nostrorum fuerit de his judicium. Neque enim credibile est Gallos nostros de Lutheranis tristius aut immitius sensisse, quam vel Polonos, vel Germanos, vel Anglos fratres: sed & ipsi adversarii, quæ nostrorum antehac fuerit de hac quæstione sententia ab Hieremia Ferrerio discere poterant, de suis uno, & quidem hujusmodi, qui cum apud nos diu & sacro ministerio functus, & Theologiam in Nemausensi Schola professus esset, Ecclesiarum nostrarum sensum & mentem optime omnium calleret: is enim in spisso illo volumine, quod ante annos viginti lingua patria de Antichristo contra nos effudit, inter cætera nostris hoc nominatim objicit, quod ipsi,

C. 8. p.
109. 110.
111.

qui Pontificios, a quibus invitantur, refugiant, Lutheranos, a quibus repudiantur, present, atque appetant, eorumque communionem cupidissime ambiant. Jam quam vere hoc de nostris testatus sit Ferrerius, multa demonstrant. De Calvino, quem adversarii Patriarcham nostrum nominant, jam dixi supra. Theodorus Beza ejus discipulus, Lutheranorum Theologis, quibuscum erat de religione in Montispelicardi oppido collocutus, societatem ac fraternitatem Christianam discedens obtulit, tametsi de quibus actum erat doctrinæ capitibus vehementer alioqui ab iis dissentiens. Adhuc accedat scriptor apud nos nobilissimus Antonius Sadeel, id est Chandæus, qui fuisse docet, quis nostrorum esset, quo tempore scribebat, id est a. D. 1583 de Lutheranis sensus. Primum enim eos ad veram, quæ una est, Ecclesiam pertinere defendit; tum confessus eos a nobis in capite de cœna Domini nonnihil dissentire, mox id a Jesuita Posnaniensi, cujus theses refellit, objectum solvens, *Sed tu-ne (inquit) ob illam dissensionem nobis vel unitatem Ecclesiæ, vel verum nomen Ecclesiæ eripies? Primum nego, quod ad hanc controversiam attinet, ullam esse dissensionem in ipso fidei fundamento. Omnes enim sacrosanctam cœnam a Iesu Christo servatore nostro institutam, & pie summaque reverentia fidelibus celebrandam, & in ea fideles corporis pro nobis traditi, & sanguinis Domini pro nobis fusi vere fieri participes credimus. De re igitur constat; de modo controversia est, quod alii ipsum Christi corpus non tantum sacramentaliter, sed etiam*

Refut.
Assert.
Posnan.
p. 366.
167.

etiam re ipsa adesse cum pane existiment; alii doceant ipsum Christi corpus re ipsa & essentialiter nunc alibi non esse, quam in cælo, sed symbolis usque adeo efficaciter nobis representari, ut nihilo minus per Christi potentiam ac virtutem credentes fiant spirituali modo, per fidem illius corporis & sanguinis vere participes, non ut corpora nostra corpus Domini contingant, sed ut ex ipso vitam æternam hauriamus. Tum multa & veteris Ecclesiæ, & communionis ipsius Romanæ exempla profert, quibus demonstrat hujus generis dissensione minime tolli Ecclesiæ unitatem. Possem Chandæo alios non paucos partium nostrarum scriptores adjungere. Sed unum habeo omni exceptione majorem testem, hujus ipsius edicti, quod accusator hac Synodi sententia violatum clamat, conditorem, Henricum Magnum gloriosissimæ memoriæ Regem Ejus extant in illustrissimi viri Philippi Mornæi Plessæi commentariis mandata quædam ad Jacobum Segurium Pardallianum, Navarrenæ domus præfectum, suum in Angliam & Germaniam Legatum, in quibus luculentissime docet, quid ipse, qui tunc temporis religionem nostram profitebatur (sunt enim ista a. D. 1583 scripta) quid nostri homines, quid omnis nostra, quæ in Gallia erat, Ecclesia de Lutheranis judicaret; Segurium enim inprimis, jubet suo nomine Protestantium Principes ac Civitates obtestari atque urgere, ut primo quoque tempore Synodus habeatur ad procurandam ac constituendam nostrorum cum Lutheranis pacem, atque concordiam; interea vero, dum exoptata illa illu-

Mem. de
du Pless.

Ibid.
p. 118.

Ibid.
P. 118.

ceseat dies, ut partium utrarumque homines velut amici ac fratres, unius patris liberi, partæque a Christo salutis una heredes, amice ac fraterne inter se degant. Jubet Daniæ nominatim Regem docere ac monere (Lutheranæ confessionis Principem) *se in eadem cum eo reli-*

Ibid. 8.

gione a Deo conjunctum, atque unitum esse; jubet apud Lutheranos imperii Germanici Principes testari, hoc omnibus vere Christianis esse persuasissimum, quod nos idem cum ipsis de religionis fundamentis sentiamus: nempe de gratuita peccatorum remissione uno Christi veri Dei filii, ac unici hominum Mediatoris sanguine credentibus omnibus quæ sita. Quin & *invectos in Ecclesiam a Papa Romano ejusque asseclis errores & supersticiosos ritus palam esse communibus utrosque argumentis, ac rationibus impugnare; in illo etiam ipso, de quo uno controversia est, Eucharistiæ negotiò, ipsam sacramenti rem, ac substantiam utrosque pariter tenere (apud utrosque enim juxta certum ac confessum esse, Christi corpus fidelibus vere communicari) Quibus ergo una tantum superest de præsentie modo controversia, indignum, & intolerabile videri eos in querendo modo nullum adhibere modum, modum omnem excedere.* Itaque dum Synodus ad hanc componendam litem, pacemque plane constituendam haberi possit, *consultissimum sibi videri, ut interim contentionibus & invektivis abstinenceatur, & acerbis seu libellis, seu etiam orationibus silentium utrimque imponatur; amicitia, VNIO ac FRATERNITAS, inter utrosque, tametsi de hoc capite aliter, atque aliter sentientes, maneat, seduloque ac religioso colatur & observetur. Se quidem tum suo, tum Ecclesia-*
sia-

Ibid.
P. 220.

siarum Gallicarum nomine spondere, ac a suis diligenter summaque fide præstitum iri, seque ut ita fiat, daturum enixe operam. Quod autem Rex hic ait de Ecclesiis nostris, id in aliis ad eundem Segurium mandatis disertius explanat, narrans totum suscipiendi, tractandique hujus negotii consilium in Nationali nostrorum Synodo, quæ Vitæi in Armoricis a. 1583 habita est, communibus omnium, ut loquuntur, Deputatorum suffragiis initum ac conclusum fuisse. Acta Synodi manuscripta extant, in quibus ea de re, quæ describenda hic putavimus, verba hæc leguntur, Cum relatum esset de procuranda Ecclesiarum Germanicarum cum nostris unionē & concordia; placuit Synodo, ut Antonius Chandæus in Germaniam ad eam rem curandam mittatur, vel certe Ioannes Serranus, si Chandæo detrectandæ professionis causa idonea fuerit; utque Salvartus re cum I. V. Philippo Mornæo Pleßæo diligenter communicata, litteras sacri hujus conventus nomine atque auctoritate ad Germaniæ Proceres, ac Theologos perscribat, easque Chandæo perferendas in Germaniam tradat. Ex eorumdem Actorum sectione proxime præcedente, apparet Phil. Mornæum tunc temporis Vitæi fuisse, a Serenissimo Navarra Rege ad Synodum missum. Atque ex his jam, ni fallor, omnes intelligunt Carentonensem de admittendis ad sacram mensam Lutheranis sententiam, non unius nostræ gentis propriam ac singularem, sed omnium omninô Reformatorum communem; neque recens natam, sed jam inde a primis majorum temporibus ductam, neque, quod fingunt malevoli sophistæ, ex

Ibid.
P. 212.

A&Syn.
Nat.
Vitæ.
Fa&.
Partic.
s. 27.28.

Ibid.
s. 26.

septen-

septentrionalis nescio cujus, venti afflatu, sed ex perpetuis, constantibusque religionis ipsius principiis haustam ac perceptam fuisse. Cum enim a nostris parentibus jam ante annos quinquaginta publice in Nationali Synodo decretum fuerit, & a Rege maximo testatum, atque approbatum, ut cum Lutheranis, tamen si in pauculis illis capitulis a nobis dissentientibus, *unio tamen, & amicitia & fraternitas colatur, atque observetur;* nos profecto, qui nunc vivimus, & paterna illa lex, & Regis pro nobis apud Lutheranos agentis, ac spondentis, fides, eo necessario obstringunt, ut eos benigne ad sacra nostra admittamus, quicumque ex illo hominum ordine *cum caritatis & pacis spiritu* ad nos accedunt. Neque hujusmodi hominibus mensam nostram, aut aliam ullam sacri & Ecclesiastici commercii partem negare possumus, quin eadem opera & a majorum sententia desciscamus, & decretum ab iis factum abrogemus, & novitatem denique in religionem inducamus. Regem verò sapientissimum, qui hunc in Lutheranos sensum atque animum, & sibi olim ipsi cum apud nos versaretur, fuisse optime meminisset, & nobis omnibus etiam nunc esse probe sciret, non est credibile cum publicata edicti sui lege nobis retinendæ exercendæque avitæ religionis libertatem concessit, non & una illud quoque concessisse, quod ad eam pertinere intelligebat, ut cum Lutheranis, volentibus quidem ac cupientibus, in sacris communicare liberum nobis, & solum esse putaremus. Cum ergo satis demon-

demonstratum sit nihil Synodico de Lutheranis ad sacram mensam admittendis decreto inesse, quod vel edicti Regii auctoritatem pulset, vel a recta ratione Christianæ caritatis lege abhorreat, vel denique ab avita majorum nostrorum disciplina discedat; ad alia jam veniamus, in quibus violatas esse a nobis affirmant publicas nostris hominibus a Principe latas leges.

Altera autem hæc primæ Episcopalis accusationis pars me unum tota petit; in qua sibi Orator ita indulgit, ut nesciam intemperantiusne ac licentiùs, an futiliùs ac debiliùs se gerat. Me quidem passim sic despuat, ac proculcat, sic probris & maledictis perfundit, ut eum credidisse appareat sibi, non cum homine, sed cum luto rem esse. Magnifica oratio horribili atrocium criminum, grandiumque convitiolorum sono perstipit. Sed ea, ut inane tonitru, in unum aërem disploditur, ac defævit; Me, cui minatur, adeo non ferit, ut Oratorem nostra; quæ tam indignis modis lacerat, ne legisse quidem, aut vidisse credam; adeo a meis aliena sunt quæcumque in nos jactat vel epicheremata, vel crimina. Maledicta quidem ejus mitto, quæ etiam a Pontifice audire immerentem, si est apud homines probum, apud Christum certe, cui nos uni vivimus, lucrum est. Satis verò erit ipsa crimina, quæ mihi accusator impingit, depellere, & a calumniis innocentiam meam purgare. Prima ergo criminatio ea petit, quæ in Apologia de Græcorum errore dixi;

Apol.

c. 7.

Dallæus (inquit Episcopus) eo processit impuden-

Orat.
P. 13.

dentia, ut ausus sit Ecclesiam nimiae severitatis infimulare, Græcos erroris, & hæreseos ideo damnantem, quod Spiritum Sanctum negent a Filio æque ac a Patre procedere. Hunc ille errorem temere audacterque pronuntiat, nihil fidem ledere; negat si res consideretur attentius, capi animo posse, quodnam is error pietati præjudicium faciat; cum tamen verissimum sit, planeque constet augustum Trinitatis mysterium eo errore everti; quo scilicet divinarum in se personarum oppositio, adeoque consequenter etiam distinctio solvitur. Hactenus Episcopus. Ego vero antequam objecta refello, duo quædam observo; quorum prius est, totum hoc, quodcumque est crimen, nihil ad violatum Edictum pertinere; quo vetari fateor nequis novam religionem; & a duabus, quæ in Gallia obtinent diversam inducat; vetari nego, nequis suam in Theologica disputatione de aliquo diffidentium errore sententiam aperiat. Errorem Græcorum ferendum putare, si modo cætera eorum dogmata sana sint, nemo non videt longe aliud esse, quàm novam & peregrinam in Gallias religionem invehere, ejusque palam ac publice exercendæ jus schismaticis attribuire. Secundo hoc quoque observandum est, utcumque se res ipsa habeat, falso tamen & immerito Dallæi audaciam & impudentiam denotari; quasi scilicet hoc unius Dallæi proprium sit ac singulare pronuntiatum. Ille de Græcorum errore neque solus, neque primus in hunc sensum scripsit. Similia ante eum scripserunt insignes apud nos Theologi; e quibus unus Molineus, quem honoris causa nomin-

no,

no, in opere celeberrimo, omnemque nostram Galliam longe lateque pervagato, non ita dudum edito, hanc Græcorum cum Latinis controversiam disertissime dixit *imaginariam potius quam veram esse controversiam, eamque solo partium studio ali ac foveri*. Nemo nobilissimum Theologum ex tam multis adversariis, quos infensissimos experitur, violati Edicti, vel cujusquam alterius criminis, quod hæc ita scripserit, apud Regem accusandum putavit. Sed nostros mitto. Ipse Romanæ scholæ magister Lombardus ante annos 540, & quod excurrit, hunc Græcorum errorem in verbis, non in rebus situm esse scripsit; & Scotus, & alii celeberrimi Latinarum partium Theologi eadem (quod mox docebo) tradiderunt. Nulla ergo fuit invidia Dallæum eum errorem scribere ex Christiana caritate ferri posse, quem tales viri in nudis verbis situm esse dixerunt; nulla fuit ejus *audacia*, nullo *impudentia* id audere sequi, in quo præstantissimi utrarumque partium viri præiverant. Nunc ad ipsam criminationem accedamus; in qua primo id evidentissime falsum est, quod me iis succensere ponit Episcopus, qui hoc Græcorum dogma *erroris* damnant. Ego-ne hoc dogma ab errore absolvi? O singularem accusatoris confidentiam, qui me ea negare fingit, quæ eo ipso in loco, quem accusat, non modo non negata, sed etiam apertissime affirmata leguntur! Hæc enim in loco, quem ex Apologia mea sugillat, totidem verbis scripta extant; *tametsi enim error sit negare Spiritum Sanctum ex filio procedere &c.*

Nouv.
du Pap;
l.6.c. 56.
p. 197.
edit. ult.

Apol.
c. 7.

Ergo

Ergo qui Græcos erroris damnant usque adeo non reprehendi, ut eos ipse quoque disertissime *erroris* damnassee comperiar. Sed & hanc Græcorum opinionem *erroris* eo ipso satis insinulavi, quod eam scripsi caritate Christiana ferendam mihi videri. Nam si veram, si ab omni errore liberam esse putassem, profecto non dixissem *verendam eam videri*, neque ad hoc ut feratur, Christiana caritate opus esse concessissem. *Ferentur* enim, non quæ recta & firma sunt, sed quæ alia ex parte laborant; *feruntur* errores; non quæ veræ & rectæ sunt sententiæ. Quid ergo est? Nempe ego dixeram durius & immitius cum Græcis mihi actum videri, qui ob hunc errorem diro anathemate perculsi sunt. Jam vero omnes intelligunt dogma aliquod anathemate defigere longe aliud esse, quam idem erroris simpliciter damnare. Dominicani Molinistarum de auxiliis dogma erroris damnant: non ideo tamen & anathemate feriunt; neque ejus assertores Iesuitas Ecclesiæ communione excludunt. Impostura ergo est accusatoris non ferenda, qui Græcorum dogma erroris a me ideo absolvi affirmat, quod ego id anathemate dignum non putaverim. 2. Sed & illud est in accusatoris oratione falsissimum, quod Ecclesiam a me dicit nimis severitatis reprehensam. Ego Ecclesiam neque nominavi, neque sane intellexi. Et hanc severitatem si Ecclesiæ tribuissem, falso profecto tribuissem; quæ, ut mox dicemus, hunc ipsum errorum olim magna lenitate, & caritate in quibusdam tulit. Dixi *hunc errorem*

rimus sæculis diro anathemate perculsum fuisse; ab Ecclesia perculsum fuisse non dixi. Viderit Eugenius, si quod in hunc errorem anathema vibravit. Nihil ad Ecclesiam pertinet Eugenii & ultimorum sæculorum severitas. 3. Id quoque falsum esse vel ex inspecta Apologia mea patet, quod ait adversarius me audacter pronuntiare fidem hoc Græcorum errore minime ledi. Et quidem non simplex, sed gemina deprehenditur in his tam paucis verbis falsitas; prior quod me ad invidiam fingit accusator prætoriam auctoritatem invadere, & velut de tribunali decernere, vel ex tripode profari, quid sit omnibus de hoc Græcorum errore sentiendum. Omnino enim hanc in lingua Francica vim habent ea quæ hic usurpat verba Dallæum audacter pronuntiare. Atqui ego toto hoc loco nihil decerno; nihil edico; nihil, si proprie loquendum est, pronuntio; Tantum, quod cuivis de vulgo jus est, quid mihi videatur, simpliciter, ac bona fide aperio; Nimirum me ita sentire confiteor, ut putem Christianam caritatem non ægre eum Græcorum errorem in homine cætera fidei ac pio laturam, atque toleraturam esse, qui ultimis sæculis diro anathemate tanta cum severitate percussus est. Omnino hæc nostra fuit de Græcorum errore oratio; quæ quam summissa, quamque modesta sit, quam ab illa audacia, & a prætorio illo pronuntiandi fastu, qui ei ab accusatore affingitur, aliena, facile omnes videre possunt. 4. Sed & illud liquido falsum est, quod ait adversarius me negasse fidem hoc Græcorum errore læ-

Rom.
14. 1. 2.

di. Inspiciatur quæso, Apologiæ nostræ, quæ accusatur, codex. Hæc verba nusquam istic occurrent quæ mihi Episcopus de suo, ut alia ferè omnia, commodavit. Sed hac ejus liberalitate ego quidem libens carebo. Absit enim, ut *fidem errore lædi* negem. Nullus est error usque adeo levis, qui non sit vero aliqua in parte adversus, & incommodus. Hoc unum duntaxat defendo, non omni errore fidem ex æquò lædi. Est error, qui salutarem fidem plane evertit; est & qui lædit; est denique qui levissime perstringit verius, quam vulnerat. Quos Apostolus capite 14 epistolæ ad Romanos commemorat, eorum error fidem lædebat; quam si plane non læsisset, nihil causæ fuit, cur ipsos hunc ipsum ob errorem Paulus *fide infirmos* diceret. Sed hic tamen error fidem usque adeò non evertebat, aut letaliter vulnerabat, ut Apostolus istos qui eo laborabant, non abjici, sed *ferri*, non excommunicari, sed assumi præcipiat. Ergo quod Græcorum errorem ferendum putaverim, id Orator perperam, ac præter mentem meam ita est interpretatus, ac si illo errore putarem fidem nullo modo lædi. Eo fidem lædi fateor, qui ne error quidem esset, si fidem nulla ex parte læderet. Eo fidem lædi letaliter, equidem non puto, quem si hujusmodi esse putarem, ne ulla quidem Christiana caritate *ferri* vel posse, vel debere concederem. Atque hoc id ipsum est quod verbis ab adversario allatis confirmare studei, dum hunc errorem esse confessus, statim adjeci, *vix ac ne vix quidem capi animo pos-*

posse quoddam is error pietati detrimentum allaturus vel (ut Gallica sonant) *præjudicium factururus sit. Pietatem* dixi cultū Deo a nobis debitum ; cui quid noceat mente præceptus Græcorum error, ne nunc quidem intelligo. Quod enim illi Spiritum Sanctum a Patre procedere putant, id quantum quidem cogitatione possum assequi, nullam ad hoc vim habet, ut illi vel Patrem, vel Spiritum Sanctum (quos unum, verum, ac æternum Deum, optimum atque sanctissimum omnium bonorum datorem, ac largitorem esse una nobiscum confitentur) vel parcius, atque malignius, vel remissius atque ignavius colant, ac diligant, quam coli ac diligere & per se justum est, & in sacris litteris præceptum. Sed objicit accusator *verum esse, planeque constare augustum Trinitatis mysterium eo errore everti.* Ego vero respondeo hoc mihi frustra & præter rem objici ; qui de eo errore loquor, quatenus Græcorum est, qualisque ab iis docetur ac defenditur, ab iis consequentiis præcisus, quas ex eo fortasse Latini quidem concludi affirmant, ipsi vero Græci negant. Quodcumque enim ac qualecumque sit, quod tu ex eo conficis, id ad Græcos nihil pertinet, qui tuas istas consequentias non modo non admittunt, sed etiam ex sua fide rejiciunt, & nobiscum abominantur. Cum ergo tuę istę consequentię non aliorum magis pietatem vitient, aut cului noceant, quam eorum, a quibus eę admittuntur, ac defenduntur ; manifestum est eas Græcorum, a quibus rejiciuntur, pietati nihil officere. Esto, quod tu sumis; San-

tissimæ Trinitatis mysterium per hujus erroris consequentias vere evertatur. Siquis errorem hunc ita erret, ut hoc, quod ex eo vere sequitur, una tueatur ac defendat; nempe nullam esse in Deo personarum Trinitatem; equidem fatebor istius pietatem, ac religionem una etiam hinc necessario eversum iri. Siquis vero errorem quidem ipsum teneat, sed ita ut id quod ex eo sequi & tu vis, & ego nunc dono, repudiet atque exsecretur, constanterque sanctæ Trinitatis mysterium credat, ac confiteatur, & quidem ita arcte, ut errorem, si eo revera Trinitatem per consequentias solvi putaret, statim sit dimissurus; hujus profecto pietati nullam (ut vides) ejus erroris, quem errat, consequentiæ labem, aut detrimentum allaturæ sunt. Jam nemini est ignotum hunc ipsissimum esse Græcorum in hoc errore sensum. Illi enim sanctæ trinitatis mysterium pure atque constanter credunt, docent, confitentur; neque eorum hac in parte fidem vel ex ipsis Latinis quisquam luggillavit. Quo loco prætermittere non possum insigne quoddam Iacobi Davyi Peronii Cardinalis testimonium, quod plane ad rem, quam agimus, pertinet; *Plerique (inquit) Scholastici clamant Græcorum de Spiritus Sancti a solo Patre processione dogma Trinitati per consequentias repugnare, & eo semel posito consequens futurum, ut non plures sint quam duæ in Deo personæ. Et tamen certum est neque Græcos unquam de sanctissima personarum in essentia divina Trinitate dubitasse, neque eos quemquam hæcenus alicujus in ea res perfidiæ ve-*

De col-
loq.
Font.
Blaudi
p. 132.
b. edit.
a. 1607.

*accusasse, vel citrà manifestam calumniam accusare posse, & mox; Græci (inquit) non vident ex suâ de Spiritûs a solô Patre processione sententiâ ullam personarum Trinitati contrariam, aut perniciosam consequentiam, vel fluere, vel ratione exprimi posse. Hactenùs Perronius. Cum ergo Græcorum error nihil in eorum animis vel hoc iudice commune habeat cum illâ Trinitatis dissolutione, quam Aurelianensis Episcopus metuit, quamque ego omni Christianæ pietati non modò noxiam, sed etiam extriabilem, atque perniciosam esse confiteor; cùm inquam, ab eâ religionis peste longè apud Græcorum mentes alienus sit ac dissitus; apparet meritò me dixisse hunc errorem, (qu. scilicet, qualisque apud ipsos defenditur ab omni impiarum, consequentiarum colluvie secretus, ac semotus) nullam ad vitiandum Dei cultum vim habere. Sæpè enim contingere, ut qui aliquid tuentur, ex quò aliud longè deterius sequitur, ii id quod ex hoc, quod tuentur sequitur repudient tamen & aversentur, & hoc Græcorum exemplò, & multis aliorum tum veterum, tum recentiorum experimentis satis superque comprobatum est. Atque hæc quidem hactenùs ita disputavi, quasi constare concedam de illâ consequentiâ, quam adversarius ex Græcorum errore nectit. Atqui hoc non ita est. Respondeo enim secundò, falsissimum id esse, quod accusator temerè, & parùm verecundè affirmat, nempè *verum esse, planeque constare augustum Trinitatis mysterium errore Græcorum everti. Cùm enim planè constare non**

alia in Theologorum scholis dicantur, quàm ea quæ tota schola sic unò consensu recipit, ut de iis nemo probabilis magister dubitet; quis de illâ Græcanici erroris consequentiâ plane constare dixerit, quam veteres Ecclesiæ Christianæ Patres non viderunt, & celeberrimi scholæ ipsius Romanæ magistri rotundè negarunt, & tota Orientis Ecclesia a septem & ampliùs sæculis præfractè repudiat atque explodit? Theodoretus, Cyri Episcopus, vir sui sæculi eruditissimus, olim negavit *Spiritum Sanctum a Filiò, vel per Filium subsistere*; & longiùs etiam progressus, eorum, qui id affirmarent, opinionem *blasphemam ac impiam esse* scripsit. Nemo Catholicorum Theodoretum ideò reprehendit, non Leo, non Chalcedonenses Patres, non ipse Cyrillus, haud mollis aliàs adversarius; qui ad hunc Theodoreti locum hoc unum respondet *Spiritum Sanctum non esse a Filiò alienum*; quod & Græci ipsi facilè admittunt. Joannes Damascenus, doctissimus & ipse Theologus, hodiernam Græcorum sententiam apertissimè sequitur. Græcos post ejus mortem idem dogma passim, ac pænè publicè defendisse, vel ex iis planum est, quæ de Photii P. CP. cum Latinis circa a. D. 863. & sequentes certaminibus narrantur*. Neque tamen eam istorum opinionem vel quintò, quò Theodoretus floruit, Christianismi sæculò, vel quatuor proximè consecutis ab ullâ Catholicorum Ecclesiâ anathemate perculsam legimus. Quinimò cum apud Gallos de processione Spiritus Sancti semel

Refut. A.
nath.
Cyr. A.
nath, 9.

Cyr.
Resp. per
An. 9. l. I.
de fid.

* Vid.
Bar. a. D.
863. s.
38. & a.
869. s.
49.

femel atque iterum in Synodis Gentiliacensi primum sub Pipinô; postea & Aquisgranensi sub Carolô contrâ Græcos actum esset, additæque ex eâ, ut videtur, occasione, essent veteri CP°. Symbolo quatuor syllabæ *Filioque*, constat Leonem tertium hujus nominis Romanum episcopum a Caroli missis circa a. D. 809. consultum, ad conditionem illam vehementer improbasse; ac ut certum suæ sententiæ monumentum posteris relinqueret, *pro amore* (ut ipse agebat) & *cautelâ fidei orthodoxæ*, duas tabulas argenteas ad confessionem B. Petri affigi curavisse, (Lombardus tradit unam post altare B. Pauli positam fuisse) in quarum alterâ Latinè, in alterâ Græcè descriptum Symbolum extabat, sic ut in utraque fides in Spiritum Sanctum his verbis expressa esset, *Et in Spiritum Sanctum Dominum & vivificatorum ex Patre procedentem*, absque viculâ illâ *Filioque* a Gallis, & Hispanis additâ. Id ipsum testatur & Photius P. CP. in Epistola * ad Patriarcham Aquileiensem, his verbis; *Leo junior* (inquit) *pietatis servens zelator, ut nullo pacto barbarâ lingua corrumpetur immaculata fidei nostræ doctrina, Græca lingua Occidentalibus S. Trinitatem glorificandam, & celebrandam tradidit. Et non solum sermone & mandato id faciendum curavit; verum etiam quibusdam ancilibus, velut clypeis, constructis, & columnis erectis illam inscripsit, & in conspectu omnium statuens ad Ecclesiæ valvas collocavit; ut hoc pacto facile & incorrupte possent omnes pietatem discere.* Hactenus Photius; in eo tamen deceptus, quod Leonem cum

Bar. a. D.
809. s.
53. 44. ad
62. Løb.
l. 1. Sent.
d. 11. B.

* apud
Baron. a.
D. 883.
s. 5. &
seqq.

Græcis suis de hac quæstione sentire putavit. Illis enim ancilibus, sive scutis incisum est sine additione *Filioque* Symbolum; non quod Leo Spiritum a *Filio* procedere negaret (id enim jam a vetustissimis temporibus vulgo sensisse ac scripsisse plærosquæ Occidentalis Ecclesiæ Theologos clarum est) sed quod Græcos (quos aliter sentire sciebat haud dubiè) eâ additione expressâ a suâ communione arcere, iisve offendiculum, & turbandæ pacis occasionem præbere noller. Atqui si (quod nunc Aurelianensis Episcopus *planè constare* putat) veteres illi existimassent hoc Græcorum errore Trinitatis mysterium certo, liquidoque convelli, atque everti; planè est incredibile eos tantâ cum lenitate (nè socordiam dicam) tam pestilens dogma impunè apud Græcos grassari passuros fuisse; vel Theodoreto, de cujus famâ non semel in Synodis actum est, hanc tam gravem insaniam non fuisse exprobraturos. Sed & Leonis illius tertii cujus nuperrime meminimus diserta extat veterû litteris perscripta sententia, perspicue judicantis hoc de Spiritus S. processione Latinorum dogma non sic esse necessarium, ut citra salutis periculum nesciri non possit. Cum enim Bernarius, Jesse, & Adalardus, Caroli M. Imperatoris Missi, eum de Spiritus S. processione consentientem his verbis interrogassent; *Si ita est, si quis hoc nescierit, vel ita non crediderit; num salvus esse poterit?* Leo in hunc modum respondisse traditur; *Quisquis ad hoc sensu subtiliore pertingere potest, & id scire, aut*

Ratio de
Symbo-
lo habita
inter
Leonem,
& missos
Caroli.
T. 2. con-
cil. Gall.
p. 257. &
apud Ba-
ron. a. D.
809. s. 55

ita sciens credere noluerit; *salvus esse non poterit. Sunt enim multa, e quibus istud unum est, sacræ fidei altiora mysteria, subtilioraque sacramenta ad quorum indagationem pertingere multi valent; multi vero aut etatis quantitate, aut intelligentiæ qualitate præpediti non valent. Et ideo ut prædiximus qui potuerit & noluerit salvus esse non poterit.* Hactenus Leo multis concedens hoc dogma citra salutis periculum nescire. Itaque quicquam ea de re Symbolo addendum, eoque hoc dogma inter universalialia, planeque necessaria fidei Christianæ capita referendum esse, constanter negavit; modestè conquiescens in Patrum Constantinopolitanorum auctoritate ac sapientia; quibus satis fuerat *Spiritum a Patre procedere* in fidei expositione sua definire; nullo addito de ejusdem a Filio processione verbo, *Tu & tui videte* (inquit ad Missos) *quid sentiat de vobis. Nam & ego, me illis (patribus) non dico non præferam sed etiam illud absit mihi, ut coequare præsumam.* Hæc Leo, & alia non pauca in eandem sententiam. Id ipsum ego quoque sensi, dum Græcorum ea de re errorem ferri posse scripsi; anathemate feriendum esse negant. Eum enim Leo extra anathematis ictum hoc ipso clarissime statuit, quod contrariam scilicet sententiam, etsi veriore inter publica tamen ac communia fidei Christianæ capita censendam esse tam vehementer negat. Jam de ipsâ adversariorum scholâ quid dicam? in quâ usque adeò non constat Trinitatis mysterium positò Græcorum dogmate subverti, ut ipse totius scholæ princeps, ac magister

l. i. Sent.
d. 11. D.

Lombardus scribere non dubitavit, *cum Græci confiteantur Spiritum Sanctum esse Filium, sicut & Patris, videri etiam in hoc* (id est etiam in quæstione de processione Spiritus Sancti) *in eandem nobiscum fidei sententiam convenire, licet in verbis dissentiant.* Lombardo succinit Scotus, conjectans, si res sepositò utrimque partium studiò ex solò veritatis amore tractaretur, fore ut tandem deprehenderetur *ipsam contrarietatem* (Græcorum scilicet a Latinis) *non esse veraciter realem, sicut est vocalis.* Petrus de Aquilâ ex Alexandrò dicit *procedendi* vocabulum in hac quæstione aliò a Græcis, aliò a Latinis sensu usurpari; ideoque in margine annotat inter Latinos & Græcos esse tantum differentiam verbalem. Eadem sequitur Melchior Flavius, Pii V. R. Pontificis Pœnitentiarius in Resolutionibus a Ioanne Forfanò editis; *Hoc* (inquit) *pactò possunt conciliari Græci cum Latinis, qui licet in verbis dissentiant, secundum rem tamen in eandem nobiscum fidei scientiam convenire videntur.* Atque hîc accusatores meos, siquid habent pudoris, erubescere necesse est, qui me *audaciæ & impudentiæ* damnare non sunt veriti, quod eam doctrinam, quam ipsi scholæ Romanæ Theologi & quidem celeberrimi, *verbalem & voralem esse, non veraciter realem,* a caritate Christianâ ferri posse dixerim. Neque verò de ratione, quâ Episcopus ex Græcorum thesi *Trinitatem* necessario everti concludit, magis quam ipsâ conclusione constat. Ait negatâ Spiritus ex Filio processione personarum oppositionem, adeoque & distinctionem

nem solvi. Non jam objiciam vel veteres, quibus ista ratiocinatio planè incognita fuisse videtur, vel ipsos Græcos, a quibus vehementer negatur; Sed an vel suos, id est Latinæ scholæ magistros, Spiritûs Sancti a Filiô processionem arctissime retinentes, secum habet de hujus consecutionis vi consentientes? Atqui eam & Henricus *a* & Scotus, *b* & Petrus de Aquila, *c* & OcKam, *d* & Alliacensis, *e* & Gabtiel, *f* & Nicolaus Denise, *g* & ex recentissimis Johannes Marius Scribonius *h* & negant, & ex professô refellunt. Alliacensis, qui Cardinalis Cameracensis fuit, vir acutissimus, quanti eam fecerit vel hinc patet, quod ita scribat; *Illa* (inquit) *consequentia non magis valet, Spiritus Sanctus non procedit a Filiô, Ergo distinguitur ab eo.* Sed & rationes a Gregoriô Ariminenfi (quô nullus fere est in schola subtilior) ad illam consequentiam probandam allatas dicit omnes petere principium, ut patet intuenti; imò (inquit) *essent derisorie apud unum Græcum, qui negaret Spiritum Sanctum procedere a Filio.* Idem quoque observat Gabriel, rationem scilicet, quâ probatur consequentia, non valere contrà Græcos; quia supponit, quod spiratio activa & filiatio sint in Filio; hoc autem (inquit) non concederent Græci. Et plerique ex istis Doctoribus, ut Alliacensis, docent Filium distingui a Spiritu Sancto etiam per hoc, quod est a Patre nascendo, & Spiritus Sanctus a Patre non nascendo, sed procedendo. Igitur non præcisè per hoc Filium distingui a Spiritu Sancto, quod ipse spiret Spiritum Sanctum. Item doctrina est OcKami & Gabrielis omne habens

a Quodlib. 5. q. 9
b in 1. d. 11. q. 2.
c in 1. d. 11. q. 2.
d in 1. d. 11.
e in 1. d. 11. & seqq.
f in 1. d. 11. q. 2.
g Resol. Theol. de concern. per. Sp. S. concl. 3.
h in sum. tit. Gno. sichea q. 2.

aliquod reale sibi intrinsicum & essenziale distinguui a qualibet re cui tale non est intrinsicum, & essenziale. Itaque cum filiatio realiter distinguatur a spiratione passivâ, ipsa filiatione distinguui Filium a Spiritu Sanctô. Cum ergo Græci concedant Spiritum Sanctum a Patre procedere, etiam si negem a Filio, posito eorum dogmate, Filius a Spiritu Sanctô distinctus manebit emanationis modô & ordine; *modo*. quia a Patre generatur, Spiritus verò procedit; *ordine*, quia Filius est secunda persona, Spiritus tertia. Jam si semotâ adversantium auctoritate, ipsam demonstrationem, quâ consequentia illa probatur, inspexeris, & paulò diligentius consideraveris; videbis Thomam, Durandum, Aureolum, & ex recentioribus Bellarminum, Vasquem Gamacheum,* & alios tantâ arte, ac subtilitate, tamque longè petitis rationibus, per tam perplexas ambages in hoc argumentô sudare ac eniti, ut sis haud dubiè miraturus, quod se nobis Aurelianensis tam faciliè persuasurum speraverit, de negotiô, etiam apud suos tam involutô, tamque obscurô, *plane constare*. Multò cautiùs atque prudentiùs de hac consequentia loquitur Perronius, quam non, ut hic noster, velut *planè constantem* venditat, sed velut a plerisque icholæ Theologis probatam memorat. Atque ita satis, ni fallor, patefacta est primæ hujus criminationis vanitas; quæ & ab accusationis scopô aberrat, & non mea mihi verba affingit, & mea ad alienum sensum torquet, & quæ dubia ac parùm certa sunt, pro *veris & planè constantibus* sumit,

* in I.
Thom.
q.35.5.2.

mit, & eâ ratione contrâ Græcos utitur, quæ
nè in ipsis quidem Latinorum scholis extrâ
controverſiam eſt.

Sequitur ſecunda mei criminatio, etiam
hac priori multò & iniquior & futilior, ſed
in quâ tamen maximè exſultat maledicen-
tiſſima accuſatoris oratio. Ille verò præfa-
tus tam multos, tamque diros eſſe meos in
quodam *de fide in ſcripturis fundatâ* libel-

Orat.
pag. 13.

lô errores, ut ſibi facilè fuerit, niſi Regis tæ-
dium eſſet veritus, *me velut hæreticorum
omnium, qui unquàm extiterunt, inſolentiſſimum
atque peſtilentiſſimum repræſentare*; hæc in-
quam humana ac benigniſſima, ut omnes
vident, ita civiliter præfatus, mihi duo quæ-
dam mirifica, ac pænè incredibilia porten-
ta tribuit; vel, ut ſimpliciùs ac veriùs dicam,
gratis affingit; quæ a me in illô libellô *vel*
diſertis, ac (ut loquitur) *formalibus verbis*, *vel*
certè per conſequentias ſecundùm doctrinam me-
am inſallibiles doceri affirmat. Prius eſt. Ro-

Ibid.
pag. 14.

manam credere ea quæ Geneva docet, & Roma-
nam fidem eam ipſam eſſe fidem, quam Carento-
nenſis noſtrorum cætus profitetur, & Regis planè
eandem eſſe cum noſtrâ religionem ac fidem.

(Hoc enim locò, aliàs triftis ac ſeverus, &
interdum etiam pænè truculentus Orator
facetus eſſe voluit) Alterum verò, quod mi-

hi tribuitur, non minùs tætrum prodigium
eſt, ſi Sabellium, ſi Samofatenum, Arium, Pho-
tinum, Manichæum, Pelagium, Neſtorium, &
Eutychem exceperis, cæterorum omnium hæreti-
corum ac ſectariorum hæreſes eſſe opiniones merè
adiaphoras, quas nullo vel veritatis, vel Evangelii

Ibid.
pag. 15.

ab omni veneno immunes, quod animas inficere, vel corrumpere queat; Vno verbo modò unum Deum, æternum, infinitum, omnipotens, unumque *Ἰησοῦν Χριστόν* Iesum Christum, mortem pro expiandis peccatis nostris passum, & alia quædam in Apostolico symbolo expressa confiteamur aliam quamvis doctrinam, persuasionem, ac credulitatem nullius esse posse ad veram fidem, salutemque discriminis; neque leves hujusmodi oppositiones efficere, ut non in unius religionis, atque Ecclesiæ sinu maneamus. Ad deferendam verò, quam quisque profitetur, sectam, adeò neminem obligari, ut etiam nefas sit quemquam ex suâ discedere. Hæc Episcopus mea esse ait omnia, hæc a me nuper inventa doceri, defendique pronuntiat; neque aliò a me animo scriptum fuisse vel publicatum a. D. 1634. illum nuper memoratum libellum, quàm ut hæc horrenda omnium oculis exponerem. Atque hîc in primis observanda est Aurelianensis Oratoris in criminis, cujus me accusat, elogiò summa vel in cogitantia, vel certè inhumanitas. Hoc enim, quod mihi tribuit, eandem esse nostram & Romanorum religionem, hæresin esse ait, & quidem pestilentissimam, animadversione, & supplicio dignam. Dallæus (inquit) hæreticus est, & quidem omnium, qui unquàm extiterunt, pestilentissimus. Quid ita? Quia (inquit) docet Romanam fidem, ac religionem eandem esse cum Genevensi, Regis cum suâ eandem. Atqui si quis affirmaret eandem esse vel Latinorum & Græcorum, vel Abyssinorum & Turcorum religionem, eum omnes falli, delirare, desipere merito

(fa-

Ibid.
pag. 13.

Ibid.

(fateor) dicerent; hæreticum esse, nemo (ut opinor) idcirco diceret. Dallæum ergo, si is ad hunc modum scripserit hodiernam Romanorum religionem, quam a Genevensi muliùm distare omnes, vel pueri, sciunt, eandem esse cum Genevensi, errare quidem, & si placet, stupere, vel si mavis, etiam insanire non immerito dixeris; *hæreticum* esse, & quidem *pestilentissimum* non ideò dixeris; nisi tu fortassè omnes, qui de rebus humanis aliquid a verò alienum tradunt, aut narrant, *hæreticos* esse putes. Sed & alia observanda est accusatoris in me deferendò non levior iniquitas. Cùm enim *hæreseos*, cujus est longè turpissimum, ac probrosissimum crimen, neminem deceat, non dico damnare, vel accusare, sed vel suspectum habere, nisi qui dogma hæreticum non obscuris, sed claris & disertis verbis, non obiter & aliud agens, sed ex professò disputans docuerit, neque docuerit tantùm, sed etiam pertinaciter defenderit; me accusator, *hæreseos pestilentissimæ*, non *suspectum*, sed *reum*, & quidem *manifestum*, non ab aliquò de vulgò homuncione, sed a maximò Rege, summò meò post Deum Dominò, haberi vult, propter quædam, quæ ipse ex iis, quæ scripsi, concludi ac ratiocinando colligi posse putat. Nam quæ mihi impingit, ea a me doceri dicit, non simpliciter *disertis formalibusque verbis*, sed cum hac alternativa particulâ, *vel disertis verbis, vel per consequentias*. Ergo clarum est istum hoc velle, ut *hæreseos* etiam ob ea damner, quæ tametsi nusquam sint a me affirmata, pos-

sunt

Ubi su-
pra.

sunt tamen ex iis, quæ affirmavi, per consequentias deduci. Atqui hoc velle, quam sit iniquum, atque immane, res ipsa per se loquitur; quod scilicet fieri possit, & verò sæpè, sicuti diximus, fiat, ut qui aliquid docet, ea tamen, quæ ex eò, quod docet, legitime consequuntur, vel non animadvertat, vel etiam aversetur ac repudiet. Id verò ex notissimò exemplò patet. Putat noster Orator *planè constare*, eo Græcorum errore, de quò nuper diximus, Trinitatis mysterium per consequentiam everti. Græcis tamen *si quis imputet quod de Trinitate dubitent, eum Cardinalis Perronius calumniæ manifestum pronuntiat. Ut enim aliquis scriptor* (inquit celeberrimus ille Cardinalis) *de hoc, aut illo dogmate dubitasse dicatur, non est satis eum ea posuisse, ex quibus admoto ratiocinationis organo concludi possint ejusmodi consequentiæ, quæ illi dogmati repugnent, aut præjudicent; sed prætereà requiritur, ut ipsas illas consequentias auctor & animadverterit, & necessarias esse agnoverit.* Itaque iniquissimum est, & Sycophantarum, Perroniò judice, proprium id quod accusator noster postulat, ut mihi etiam eæ hæreses imputentur, quæ tametsi nusquam a me positæ vel agnitæ sint; ex iis tamen, quæ alicubi a me posita sunt, consequi ac concludi posse videntur. Ad intendendum hæreseos crimen non sunt tuæ vel suspensiones, vel ratiocinationes, sed apertæ nudæque res, & disertæ claræque voces afferendæ. Huc ad iniquitatis cumulum accedit, quod accusator in tam gravi, tamque atroci crimine, non modò mea di-

serta,

ferta, & formalia verba nulla recitat, sed nè ea quidem ponit, vel annotat, ex quibus illa, quæ mihi tribuit atque imputat, prodigia necessariò per consequentias arguendo confici ac concludi contendit. Nullum ex librò, quem accusat, locum vel laudat, vel saltèm in orationis suæ margine indicat. Sibi adversario, sibi accusatori simpliciter de his affirmanti credi dignum putat. Nullam probationem, nullum testimonium, nullam vel levissimam argumentationem in omni hac, quantumvis gravi, causa adhibuit. Suam nudam, ac simplicem affirmationem satis ad me accusandum, damnandum, atque obruendum valere sibi persuasit. Nam quod convictionem meam in aliud tempus quodam locò rejicit, id non alio spectat, quàm ut pondus interim accusatio aliquod habeat. Utcumque sit, ego quidem certè hujus, quam mihi concedit, dilationis, atque ampliationis beneficiò non utar; neque meam ut ille convictionem in aliud tempus differt, ita ego purgationem protelabo, aut comperendinabo; sed nunc statim clarissime, ut spero, demonstrabo totum hoc, quod a Veronò inventum est, & Episcopis suggestum crimen; meram esse, eamque non iniquam modò & malignam, sed etiam crassam, ac ineptam calumniam, incredibili quadam stultitiâ atque improbitate ab illò nostrò inimicò confictam, ut dolorem, quem ex suæ Methodi clade cepit, a nobis in illò, qui accusatur, libellò afflictae, atque profligatae, aliquâ ratione ulcisceretur. Nam etsi Episcopus nullum li-

Orat.
pag. 15.

belli caput indicet, video tamen quò spectet; neque ita sum apud me ipsum peregrinus, ut non faciliè intelligam quæ disputationis meæ loca petat, atque in animò habeat; Sed & Veronus, sycophantiæ totius parens, ea ipsa jam non semel in famosis illis, quas quotidie effundit, chartulis, indicavit, omneque nostræ hujus accusationis mysterium aperuit ac vulgavit. Ego verò hic in primis simplici Episcopi affirmationi sanctam negationem oppono; Christumque Dominum ac Redemptorem meum testor mihi nè in somnis quidem unquam vel hoc, vel illud, quod objicitur, portentum in animum venisse; neque me cujusquam vel scriptionis, vel etiam cogitationis mihi esse conscium, quæ struendæ tam immanis in me sycophantiæ justam viris gravibus & veracibus occasionem præbere potuerit. Neque dubito, quin vel ipse Aurelianensis, vel certè ex iis, quorum ille nomine verba fecit, Episcopis aliqui faciliè fuerint calumniam deprehensuri, si vel me quem accusant, vel libellum ipsum meum, ex quò accusationem instituunt, vel cum mediocri attentione ac diligentia prius considerare, quàm atrocissimi criminis apud Regem deferre voluissent. Nam ut ab eò crimine incipiam, quod priori locò posuerunt, quid dici vel fingi poterat incredibilius, quàm me docere *Papæ & Romane communionis fidem eam ipsam esse, quam nos Carentonæ profitemur?* Ego enim, ut cæteras vitæ, ac ministerii mei partes ab hac infantiâ abhorrentes taceam, ego certè inquam, is ipse

ipse sum, qui in alterô libellô ; quem etiam nuper accusabat Episcopus, defendi *nostræ fidei hominibus non licere cum Ecclesiâ Romana communicare* ; quod illa multa doceat, ac inter præcipua religionis Christianæ capita censeat, de quibus nos planè aliter sentimus ; quo loco exempli causâ illud nominatim attuli, ac diligentissimè, quoad potui sum persecutus, quod Ecclesia Romana id summo latriæ cultu adorandum esse præcipiat, atque urgeat, quod nos sic a nobis coli non posse sentimus, quin Deum gravissimè ledamus, nosque ipsos æterna salute ob creaturæ adorationem multemus. Egone qui hæc ita scripsi, multisque fusè disputavi, idem tamen sentiam ac defendam Romanam fidem eandem esse cum Carentonensi ? Certe fides Romana est, cultum latriæ uni Deo debitum, esse etiam Eucharistiæ sacramento deferendum. Ergo ne & hanc nostri apud Carentonam cœtus fidem esse, ego dixi, qui & vivâ voce, & hoc nuper editô libellô, Romanam illam sententiam non semel confutavi ? Mirus homo sim, si tantam insaniam capere possim. Atqui accusatores me *hæreticum*, &, si Deo placet, etiam *hæresiarcham* faciunt; quod genus certè stulti esse non solent. Me verò quid stultius, quid crassius, aut pinguius esse posset, si res tam inter se contrarias, ac repugnantes non sentirem modò, aut cogitarem, sed etiam scriberem, atque ederem? Jam quid de illo ipso libellô, qui vexatur, dicam? Certè difficile est animò assequi, quomodò qui eum legerit, auctorem putare possit hujus criminis reum. Id enim unum totus a capite

† Parte
2. tot.

* Part.
3. tot.

Part. 3. c.
2. tot.

P. 3. c. 3.
& seqq.

P. 3. c. 15

ad calcem agit , ut demonstret religionem quidem nostram divinis Scripturis omnem niti, & in iis esse fundatam ; † Romanam verò magnâ ex parte ab iis alienam sola vel traditionis non scriptæ, vel Papalis decreti auctoritate fuisse constitutam.* Ergo totus liber non, quoniam isti ajunt, eandem, sed planè diversam esse loquitur istorum a nostrâ fidem ac religionem. Quid ? quod eorum in librô disertè, neque semel scripsi, Eucharistiæ transsubstantiationem, sacrificium, adorationem ; operum meritum ; purgatorium ignem, Sanctorum invocationem, imaginum venerationem, quinque præter baptismum & eucharistiam, addititia sacramenta, confessionis arcane necessitatem, Pape monarchiam, Clericorum immunitatem, & alia non pauca a Romanis quidem constitui, doceri, ac pro necessariis religionis capitibus haberi ; a nobis verò non modò eò locò ac numerò minimè censerì, sed etiam repudiari ac refutari? Tum verò fusè disputo istorum nihil vel in Scripturis, vel e Scripturis haberi ; eaque argumenta quibus hæc Romani Theologi ex divinis litteris confirmare conantur, sigillatim solvo. Quin & longiùs progressus ista ostendo Scripturis adeò non congruere, ut etiam cum ipsis pugnent. Estne quisquam adeò vel odiò mei, vel causæ studiò excæcatus, qui si hæc legerit, dubitare possit, quin ego adversariorum fidem ac religionem a nostrâ diversam esse credam ? Jam neque res est obscurior de alterò illò opinionis prodigiò, quod mihi invidiosissime tribuunt, quasi omnes hæreses, octò duntaxat exceptis, liberæ esse & adiaphoras cen-

cenſeam. In hac enim criminatione primò artificis, a quò eam habent Epifcopi, ingenium prodit ipſius calumniæ τὸ κακο-
 πλάστον, dum prodigioſum illud, quod mihi affingitur, delirium ex duabus propoſitionibus inter ſe pugnantibus inepte compingitur. Nam ſi ſtat, quod priori loco poſuerunt, & Marcionem & Valentinum, & omnem Gnoſticorum colluviem, & alios præne innumerabiles, qui ſcilicet ex illis octò exceptis ac memoratis nulli ſunt, nihil verabit meos eſſe conſecratos. Sin obtinet, quod ſtatim attexunt, illorum nemini locus in meâ Eccleſiâ eſſe poterit; quas conſtat vel Chriſtum Creatoris Filium, vel alia in Symbolò deſinita ac recensita negare. Huc accedit illa octò tantum ex omni hæreticorum multitudine planè faceta, ac jocularis exceptio; quaſi credibile ſit quemquam ita deſipere, ut cùm Neſtorium & Eutychem exhorreſcat, idem tamen Marcionem & Valentinum admittat; & cùm Pelagium refugiat, idem tamen Colarbaſianis, Cataphrygibus, Heracleonitis, Priſcillianiſtis, & aliis id genus ſui copiam faciat, a quibus horrenda doctrinæ ac vitæ turpitudine, vel ſuperatam, vel certe exæquatam fuiſſe conſtat omnem octò illorum, quos ſolos ejeciſſe de meâ communione fingor, vel infaniam, vel infamiam. Hæc adeò ſtulta ſunt, ut in hominem, qui quidem ſanus ſit, & communi hominum ſenſu præditus, cadere non poſſint. Sed etiam ſi me accuſatores mei tam craſſum fuiſſe dixerint, ut

talia absurditatum portenta concoquere
 potuerim, ab hac certè calumniâ illa me
 apertissimè liberant, quæ antè annos tres in
 Apologiâ de *communione Ecclesiasticâ jure* di-
 sputavi, quò locò disertissimè distinxî duo
 errorem genera, unum eorum, qui cum
 verâ pietate sic pugnant, ut viam ad salutem
 necessariò intercludant; quique vulgo *fun-*
damentales idèò dicuntur, quod aliquod ex
 Christianæ religionis fundamentis evertant;
 alterum eorum, qui non sunt tanti ad pie-
 ratem & sanctimoniam momenti, ut non
 possit unâ cum iis consistere, & sincerus
 Dei cultus, & æterna in Christò salus. Hos
 ferendos esse, quoad a nobis fieri potest,
 concessi; illos vitandos cavendosque, & a
 societate, quæcumque eos palàm docet ac
 profitetur, discedendum necessariò esse de-
 finivi. Hæc a me lex atque regula ex con-
 stanti ac perpetuâ Ecclesiarum nostrarum
 doctrinâ, in eò libellò fixa, atque constitu-
 ta est; ex quâ perendus est meus de omni-
 um a nobis in religione dissentientium er-
 roribus sensus. Ille locus quæstionis erat; in
 quò eam ex professò tractavi; in alterò ve-
 rò de fide libellò nè attigi quidem uspiam,
 nedum ut tractarim. Ergo ad hunc Apolo-
 giæ locum, velut ad certissimum canonem,
 exigenda erant siqua alibi de eâ quæstione
 obiter fortassè a nobis dicta sunt. Hinc ve-
 rò clarissimè certissimeque constat me ne-
 que hæreses ex nomine vel numero cense-
 re, neque ridicula illâ & commentitiâ, quæ
 mihi affingitur, ogdoade concludere quic-
 quid est necessariò a religione nostrâ reji-
 cien-

ciendum; sed ea omninò dogmata & a fide & a communione nostrâ necessariò exterminanda decernere, quæcumque cum pietate & salute pugnant, cujuscunque de cæterò sint vel auctoris, vel nominis. Marcione an Sabellius, Macedonius an Photinus ea docuerit, parùm refert. Mihi ad hoc nè ferantur satis est, quod a salute abducunt, nequè cum fide ad salutem necessariâ consistere possunt. Jam hic obsecro, nulli-ne unquam hæretici præter illos octò, Christianæ pietatis ac salutis fundamenta subverterunt? Si negas, delirus es; vel historiæ Ecclesiasticæ plane ignarus. Si ais; ergo inquam, & alios quam octò illos proscribo, qui eorum nemini parcendum edixi, quicumque suis dogmatis fundamenta pietatis subvertunt. Ea subvertebant Marcion & Valentinus, qui expunctò Creatore peregrinum & inauditum numen inferebant. Subvertebant Collyridiani, qui *creaturam adorabant*: & Priscillianistæ, & Macedoniani, & alii plurimi, quos recitare longum est. Subvertunt hodiè Sociniani, & Anabaptistæ fanatici, & (si mihi concedis ut liberè ea dicam quæ sentio) subvertit etiam multis modis Papa Romanus. Ergo ex me quidem neque cujusquam ex istis ferendi errores, neque cum iis colenda aut fovenda Ecclesiastica communio; quorum tamen nemo, ut vides, in tuâ illâ mirificâ ogdoade occurrit. Irà nunc non modò ex meâ negatione atque inficiatione, quæ in hoc causæ genere satis esse poterat, sed etiam ex claris certisque sententiæ meæ documentis,

tis, liquidò constat me ab utroque illò, quod mihi tribuitur, diliriò longissimè abesse; ut qui me vel hujus, vel illius accusant, calumniatores esse necesse sit. Nunc quid contrà tantam innocentia meæ lucem objiciant, videamus. Scio enim quid allaturus sit Episcopus, etiamsi nihil eorum, quibus me convinci posse putat, aperuerit. Ac ille primo quidem fortassè mirabitur me non modò fidenter constanterque negare, sed etiam validè facileque refellere, quæ a me doceri, jactarique & non occultari, sed publicari, & in quibus me panè gloriari a Veronò suò acceperat. Mox verò audiendum me negabit, cujus aperta manifestaque convictio sit in manibus. Habere enim se ab optimò virò Veronò disertas meas voces, ac litteras; seque ex iis velut ex obsignatis tabulis mecum agere. Tum denique proferet aliquot ex libellò de fide meò loca, a Veronò excepta descripta, ac suggesta, eaque recitari jubebit. Ac de priori quidem deliriò, quo defendere dicor *Romam ea credere, quæ Geneva docet*, constare dicet ex meis istis quæ illic leguntur verbis; *De iis* (fidei scilicet nostræ capitibus) *ne Roma quidem ipsa illam nobis controversiam facit; sed ea se nobiscum credere profitetur. Item; Quis negare potest vel Ecclesiam omnium sæculorum Catholicam hæc* (fidei nostræ capita) *habuisse? vel ipsam etiam Romam ea adhuc hodiè habere? Item; Omnes ex consequenti veri Christiani, tum veteres, tum recentiores, sunt meæ religionis. Mox; Et hi sunt termini, in quibus sumus cum Romanis* (sic enim habent nostra gal-

De fide
in Scr.
Parte 3.
cap. 1.

Ibid.

Ibid.

gallica) Denique; Fidei meæ capita, ô adversarii,
non sunt controversa. Jam de alterô illô com-
mentô, quô ab istis fingor omnes (octô tan-
tùm exceptis) hæreses liberas & adiapho-
ras in Ecclesia esse defendere; hæc mea ex
eodem libellô verba clariora esse contender,
quàm ut tergiversari possim; Nulli nobis de
his (scilicet fidei nostræ capitibus) controver-
siam faciunt, nisi Sabellius & Paulus Samosate-
nus, Arius & Photinus, Manichæus & Pelagi-
us, Nestorius & Eutyches; hæretici omnes antè
multa sæcula universalis Ecclesiæ fulminibus ob-
triti, & obruti. Soli isti horum probationes a nobis
requirunt; quæ ceteri omnes una nobiscum cre-
dunt. Hi omninò sunt fontes, ex quibus ca-
lumniam derivavit Veronus. Nihil aliud in
totô de Fide in Scripturis fundata libello (quem
nominatim a se peti disertè professus est
Orator) nihil inquam aliud a me in eò librô
scriptum est, quod ad hanc accusationem
vel pertinere, vel trahi possit. Neque alia
sanè quàm ista, a Veronô, totius calumniæ
architectô, jactata sunt. Itaque si hunc u-
num libelli locum, in quô hæc leguntur, pur-
gavero, & ab iis deliriis, quæ mihi per sum-
mam injuriam imputantur, immunem esse
demonstravero; eadem opera, totam fundi-
tus calumniam disjecero, atque dissipave-
ro. Itaque in hoc unô mihi nunc laboran-
dum esse intelligo, ut planum faciam qui ve-
rus sit ac legitimus loci illius sensus; quod
ut præstem inprimis lectorem meminisse
volo me in ipsius libelli limine, ut Metho-
di Veronianæ (quam tot â hac disputatio-
ne refellere institui) iniquitatem & amen-

Ibid.

Orat.
P. 13.

tiam ostenderem, ea quæ in confessione nostrâ continentur in duo genera distinxisse; alia quidem *affirmativa, ac positiva*, quibus id, quod nos credimus, & affirmamus, credendumque & affirmandum docemus, definitur atque exponitur; alia *negativa & exclusiva*, quibus ea exponentur, quæ Romani quidem Theologi affirmant, ac veluti necessaria religionis capita urgent, nos verò negamus, & a fide nostrâ, velut falsa, aut incerta, rejicimus. Ut res clarius fieret, utriusque ordinis specimen dedi; Ac *negativis* quidem in postremam operis partem rejectis, in quâ ostendi nihil eorum, quæ a Romanis posita nos repudiamus ac negamus, in Scripturis extare; in priori parte affirmativâ illa confessionis nostra capita, non quidem fortassè accuratè ac præcisè omnia (quod non erat hoc locò necessarium) sed tamen pleraque recensui, & in aliquot titulos digesta ex Scripturis singula demonstravi. Hanc partem exsecutus in eò ipso locò, qui accusatur, observo hæc confessionis nostræ, scilicet *affirmativa*, a me recensita, & ex Scripturis demonstrata capita, hujusmodi esse, ut ea omnes quidem omnium temporum orthodoxi Christiani admiserint; hæretici vero soli rejicerint, aut in dubium revocaverint; ut ipsi etiam hodiè Romani nominis homines ea se admittere ac credere profiteantur; Unde colligo nullam a me Romanos horum probationem exigere debere; (de quibus scilicet nulla inter nos est controversia) sed eorum, quæ

quæ ipsi quidem affirmant, nos verò negamus, & undè ortam omnem inter nos controversiam esse constat, probationes ipsos afferre debere ex divinò verbò claras, atque solidas. Hic omninò est illius ex libellò meò decerpti loci sensus, ut cuivis cordato locum ipsum non oscitanter legenti statim apparebit; undè jam liquet quantum ratio atque æquitas accusatores meos fugerit, & quantoperè a meâ & oratione & mente absit hæc omnis eorum calumnia. Nego inprimis totò hoc locò quicquam eorum, quæ mihi imponunt, *disertis formalibusque verbis* doceri. Legatur totum illud libri mei caput. Nihil eorum, quæ jactantur, *disertè formaliterque* (ut loquuntur) istic scriptum occurrit; non quod priori locò posuerunt, *Romam credere ea, quæ Geneva docet; Romanam fidem eam ipsam esse, quam nos Carentonæ profiteamur; Regis religionem & fidem eandem certò planeque esse, quæ Ministrorum est.* Ista verò quæ adjecerunt, multò etiâ minus in libellò meò *disertè formaliterque* expressa reperiuntur; nempe omnes *hereses, octò tantummodò exceptis, opiniones esse liberas, quæ sinè ullò veritatè & Evangelii præjudiciò recipi, aut rejici possunt; & cætera prodigiosa, quæ suprâ descripsimus.* Ergo falsum est quod accusator rotundè affirmavit, ista vel omnia, vel saltè eorum partem *disertis & formalibus terminis a me doceri.* Nam si hoc noluit significare; cur non dixit simpliciter *ista a me per consequentias doceri?* Cur & hoc alternatim posuit, *ista a me vel disertis, formalibusque terminis, vel per consequentias* doce-

doceri? Sed & hinc jam secundò locò clarè intelligitur me ab accusatoribus falso & iniquè *hæreseos* postulari; qui istarum quas mihi obijciunt hæreseon, nullam in *terminis* (ut dicitur) id est disertis verbis unquam posui, aut scripsi; aut ex iis, quæ posui ac scripsi, necessario sequi agnovi. Cùm enim ei, qui aliquid defendit, id quod ex eò quod defendit, sequitur, sinè calumniâ imputari non possit, nisi ipsam illam consequentiam viderit, atque agnovit, ut paulo antè ex Perroniò Cardinali docuimus; Veronum profectò & alios hujus accusationis fautores calumniari me, nè ipse quidem Perronius negaret; dum mihi hæreses, quas nunquàm agnovi aut professus sum, ideò imputant, quod eas ex quibusdam verbis meis, me vel nesciò, vel iavirò ac repugnante concludunt. Sic depulsâ invidiosâ illâ *hæreseos* calumnia, jam verba illa mea ab istis recitata simpliciter consideremus; & videamus deinceps, an ex iis saltèm per consequentias confici ac colligi possint tætra illa deliria, quæ illic *disertè formaliterque* nulla extare vel ex ipsis oculis suis quilibet lectores discere queunt. Nego igitur secundò duo illa immânia, ac prodigiosa deliria, quæ mihi objecta sunt, vel saltèm eorum alterum posse ex illis verbis meis legitimâ illa ratiocinatione concludi. De priori priùs videamus. Accusator ait *me docere quod Roma, credat, quæ Geneva docet.* Ubi animadvertendum est, hanc ejus rationem, etsi *indefinita* sit, si verba spectes, sensu tamen auctoris pro-

universali, non pro *particulari* esse sumen-
dam; planè ac si dixisset me ita sentire ac
docere Romam credere *quæcumque Geneva*
docet; vel *nihil docere Genevam quod non credat*
Roma. Nam si quædam tantum ex iis quæ
docet Geneva, a Romanis credi intelligit,
apertè nugatur; Hoc enim, quod omnes
verissimum esse vident, docere me nulla sa-
nè invidia fuerit; totaque accusatoris scena
ridicula erit, qui mihi id crimini & quidem
atroci vertit, quod nè ipse quidem negatu-
rus sit. Tum si particularis hæc enuntiatio
fuerit, illa quæ sequuntur *fidem & religionem*
Romanam eandem esse cum Genevensi ac Caren-
tonensi, inania quoque & absurda erunt. Non
enim si Romani quibusdam ex iis, quæ do-
cemus, assentiuntur, eò fit, ut illorum fides
ac religio eadem cum nostrâ censeretur, dici-
ve debeat. Judæi ac Turci quædam eorum
credunt quæ Christiani docent; Neque ta-
men eum opinor; accusator ferendum pu-
taverit, qui Judæorum & Turcorum ean-
dem cum Christianâ fidem ac religionem
esse dixerit. Ergo conclusum hoc esto, Dal-
læum accusari, non quod quædam eorum,
quæ docet Geneva, sed quod omnia quæ do-
cet Geneva, eadem & Romam credere docue-
rit. Jam quæro, non ubi hoc disertè dixerim,
(nihil enim me istorum disertè dixisse nuper
ostendi) sed quid dixerim, undè hoc conclu-
di possit? Negavi Romam de *fidei nostræ capiti-*
bz controversiam nobis facere; dixi Romam pro-
fiteri se ea nobiscum credere, Deniq; dixi Romam
ea *fidei capita adhuc hodiè habere*. Sed quænam fi-
dei nostræ capita hîc intellexi? omniane sim-
pli-

pliciter, quæ in confessione nostrâ continentur, an quædam tantùm certi ordinis, ac generis? Ipse verò liber loquatur, & de meò sensu testimonium dicat. Facile est (inquit) probare illa dogmata, *QVÆ NOS EX SCRIPTURIS* modò demonstravimus, omnium Christianorum esse communia; quæ veteres in symbolis, ac Synodis suis exposuerunt, atque illustrarunt; quæ recentiores, licet tam variè mutata religione retinuerunt; quæ omnia orbis Christiani climata summò consensu receperunt; quæ nè ipsa quidem Roma nobis facit controversa; sed ea se quoque credere profitetur. Ergo ea istic a me religionis capita, quæ in superioribus erant ex Scripturis demonstrata, intellecta esse planum est. Si quæris, quænam demonstrata fuerint, adi superiorem libri partem; reperies istic ex Scripturis ostendi Deum unum esse, æternum & immensum, optimum, ac justissimum, sapientissimum, omnipotentem, rerum omnium conditorem; item hominem ad imaginem Dei fuisse initiò creatum, peccatò ex eò statu, in quo erat creatus, excidisse; posterosque omnes suos originali labe vitiauisse & morti ac maledictioni subjecisse; Christum, æternum Dei Filium, ad servandum nostrum genus in terras venisse; & cætera, quæ plurima illic suò quæque ordine divinarum litterarum testimoniis comprobata legi possunt, omnia ex eorum genere, quæ nuper affirmativa sive positiva a nobis dicta, & a negativis distincta ac divisa esse docuimus. Hæc ergo, non alia, Romam nobiscum admittere dixi; de his, non alijs, ullam nobis a Romanis controversiam fieri negavi. Sophisma est igitur accusa-

culatoris crassum ac non ferendum, qui ut me calumniaretur, ea quæ de quibusdam confessionis nostræ capitibus, affirmativis scilicet a me demonstratis dixeram, sic accepit veluti de omnibus omninò tum affirmativis, tum negativis dicta essent. Dixi quæ Geneva ponit, ac affirmat credenda, ea nè Romam quidem ipsam negare. Tu indè conficis me & hoc simpliciter velle, *quæcumque docet Geneva, ea ipsa Romam quoque credere.* Quò jure? cujus Dialectices legibus? Geneva docet non modò ea credenda esse, quibus vera & salutaris fides constituitur, ac continetur, sed & ab iis cavendum, quibus ea evertitur; verbi gratiâ, Docet Geneva *Deum patriæ cultu adorandum*; Docet eadem *non esse adorandam cultu patriæ eucharistiam.* Docet *Christum esse Ecclesiæ caput & sponsum*; sed & docet *neque Papam, neque ullum alium nudum hominem Ecclesiæ caput & sponsum esse.* De priori utriusque doctrinæ parte Roma se cum Genève consentire proficitur. De posteriori, nemo nescit quam præfactè neget. Non ergo si quæ sunt in Genevensi confessione positiva atque affirmativa, credere se Roma profiteatur, eò fit ut quæcumque docet Geneva, eadem credat & Roma. Undè quivis videt calumniam esse immanem mihi, quod illud scripserim, ideo quoque tribuere, quod hoc docuerim. Eadem est ejus, quod sequitur, ratio. Scripsi *fidei meæ capita non esse apud Romanos controversa.* Sed quæ? nempe ut ex toto locò apparet, *affirmativa*, quibus propriè continetur vera ac salutaris fides. Ergo (inquit

quit accusator) docuisti Romanorum fidem eandem esse, quæ & Genevensium est. Ridiculè; quasi eo ipsô locô, quô Genevensis fidei capita controversa esse negavi, non statim affirmarim *Romanae fidei capita controversa esse*; quasi utrumque clarissimis exemplis non docuerim. Ut sit simpliciter eadem utrorumque fides, non est satis Romam ea confiteri, quæ credit Geneva; hoc quoque necesse est, ea Genevam confiteri quæcumque Roma credit, & creditu ad salutarem fidem necessaria esse statuit. Quod absit, ut dixerim unquam; aut vel somnians cogitarim. Ipse, qui accusatur, liber, & quidem proximô statim capite, profitetur non posse nos ullâ ratione admittere plurima, quæ Romani inter præcipua & maximè necessaria fidei Christianæ capita censent. Idem est accusatoris lusus in postremô hujus criminationis articulô. *Dallæus* (inquit) *docet planè certoque eandem nostram esse cum suâ religionem*. Primùm nusquàm hoc, nusquàm quod huic simile sit quicquam scripsi. Verba enim illa nostra, ad quæ accusator alludere videtur, *Quod ad meam religionem pertinet, hoc est meam fidem, quam ex Scripturis nuper demonstravi, palàm est de eâ consentire omnes veros tum veteris, tum recentioris memorie Christianos, eosque adeò ac consequenter meæ religionis esse*; tametsi ego quidem non planè penitusque sim ejusdem opinionis, cuius illi esse in multis deprehenduntur. Illi quidem quicquid ego credo, id ipsum tenent; tametsi confitear fieri posse, ut non iis in omnibus, quæ opinantur, usquequaque assentiar; hæc inquam, verba mea de se, aut suis dicta

dicta frustrà putat adversarius; quæ non de Romanis, sed de veris ac orthodoxis Christianis quicumque vel nunc sunt, vel olim fuerunt, aliquid præter communem cum iis nostram fidem, ferendum, opinantes, intelligenda esse; ista quæ continuo sequuntur, clarissimè demonstrant; *Iam verò eadem nostra est cum Romanis causa ac ratio.* Nam & hi profitentur se ea, quæ nuper exposuimus, capita credere. Quæcumque est inter nos controversia, ea ex aliis capitibus nascitur; quæ illi quidem ponunt; nos verò negamus; quæ secum illi quidem ut admittamus, pro suâ virisi cogunt; quæ nos nè admittamus, repugnamus, ac omnibus modis contendimus. Hic vides Romanos clarissimè ab illis superioribus, quos religionis nostræ esse dixi, apertissimè distingui, tametsi nostram cum utrisque parem atque eandem hætenùs esse causam confitear, quod cum utrique ea, quæ nos ponimus atque affirmamus, confiteantur, multa tamen utrique, varia licet ac diversa ponunt, atque affirmant, in quibus nos nequaquàm consentientes habent. Sed fac me (quod non dixi) id dixisse, Romanos de mea mecum religione id est de ea fide, quam istic ex Scripturis demonstravi, consentire, esseque adeò ac consequenter meæ religionis; indè-ne sequetur Romanorum religionem cum mea simpliciter atque absolutè eandem esse? Nihil minùs. Id tantùm, ut omnes vident, sequetur istorum de capitibus illis, in quibus mecum consentiunt, fidem hætenùs meæ fidei & religioni congruere (quod ne ipse quidem accusator negare potest.) Non sequitur, cum no-

ſtra planè penitusque eſſe eandem, illorum religionem quorum ſcilicet fidem ad alia multa præter iſta, de quibus nobiſcum conſentiunt, extendi patet, eaque velut neceſſaria ac capitalia complecti, a quibus nos abhorrere notum eſt. Si Romani in iis, quæ a Chriſtò & ab Apoſtoliſ tradita ſunt, & quorum plæraque ſum a nobis in ſecundâ libelli parte ex Scripturis demonſtrata, nobiſcum conquieſcerent; ſi his nulla alia ad- jicerent; proſectò illorum religio cum noſtrâ eadem eſſet. Nunc quando prò dolor, res longè aliter ſe habent; quando iſtis a Dominicâ Scripturâ poſitis non contenti alia inſuper innumetabilia in religionem ſuam invexerunt, quæ eodem locò ac numerò cum ſuperioribus, de quibus conſentimus, cenſent; quis non intelligit ex eò, quod iſti religionis meæ haſtenùs ſunt, quatenùs ea, quibus religio noſtra tota ferè continetur, univerſa concedunt, ac profitetur, minimè tamen ſequi illorum religionem eandem eſſe cum meâ? Mea quidem religio illi Romanæ religionis parti, de quâ utrique conſentimus congruit; Romana verò religio in iis, quæ fidei Chriſtianæ de ſuò addidit, a mea, quæ eam puram & ſinceram colit, multipliciter, neque ſanè mediocriter diſcrepat; quò fit ut una eademque cum meâ ſimpliciter dici ſinè immani mendaciò non poſſit. Qui enim eadem eſſe poteſt, quæ hoſtiam, quam nos *panem* eſſe credimus, pro *ſummò Deò* adorat? quæ Sanctos eâ cultus & invocationis religione proſequitur, quam nòs ſoli Domino deſe-

deferendam scimus? quæ Papam velut Ecclesiæ Catholicæ caput & sponsum veneratur, quem nos dignitatem unī Christo debitam istis titulis rapere existimamus? Cætera discrimina notiora sunt, & verò a nobis in ipsò illò opusculò, de quò nunc agitur, fusiùs disputata, quàm ut ea hīc persequi necesse sit. Neque verò est, quod putet accusator illa Apostolicæ doctrinæ adjecta dogmata a me pro opinionibus liberis haberi, quas quis possit vel negare, vel admittere sinè pietatis discriminè. Jam satis in Apologiâ ostendi me de istis Ecclesiæ Romanæ erroribus planè aliter sentire, existimareque plærisque ea ipsa religionis fundamenta everti, quæ illa se alioqui credere atque admittere profitetur. Quale est verbi gratiâ, quod cùm unum Deum adorandum confiteatur, hostiam tamen, quæ Deus non est, adorandam, & Sanctos unà cum suis imaginibus religiosò quodam cultu colendos decernit; quod cum Christum unum suum caput agnoscat, Papam tamen, qui Christus non est, pro verò ac supremò suò capite agnoscit. Itaque siquandò vel nos, vel nostri *Christianæ religionis fundamenta apud Papæ communionem haberi, vel retineri* concedimus; id de professione intelligendum est (quod Romani scilicet verbis profiteantur se ea, quæ sunt Christianæ religionis fundamenta, vera esse credere) non autem de re ipsâ; quasi religionis fundamenta pura, integra, atque illæsa servaverint. Nam vel ex his pauculis patet, hæc eos, quæ profitentur se nosse atque credere,

re, invectis contrariis dogmatis negasse ac subvertisse. Hoc tamen liberter agnoscimus inter tot corruptelas, quibus variè ac multipliciter deformata, ac pænè obruta est divinissima Christi religio, summò Dei beneficiò factum esse nè illi hætenùs Evangelicæ doctrinæ capita ac fundamenta apertè abdicarint, sed ut eorum ipsorum, quæ alioqui graviter additiis dogmatis ac cultibus quasfarunt, confessionem nihilo feciùs retinuerint; hæc ita ut apparet, gubernante Domini providentiâ, ut & tristissimis ipsis temporibus haberent oves suæ quæ a venenis secreta in usum suum fumerent, & Ecclesiæ emendatio, ac reformatio faciliùs olim institui, peragique posset; dum vel apud eos ipsos, a quibus discedere coacti sumus, ea affatim invenimus, ex quibus illorum errores nullò negotiò coarguerentur, & vere à falsis distinguerentur. Atque ita id, quod diximus, accedit, ut pænè de omnibus, quibus vera, id est Christiana religio constituitur nulla nobis fere esset cum Romanis controversia; de iis vel tantùm, vel certè præcipuè esset, quæ illi veris falsa, solidis futilia, salubribus noxia, & pestifera, puris denique inquinata vel addiderunt, vel admiscuerunt. Nostri operis, ac laboris hoc unum fuit ab istis additiis Apostolica, quorum etiam apud ipsos adversarios personat confessio, secernere; gemmam Evangelicam legere, lutum, quò erat fœdata, abstergere; aurum servare, quis-

quisquiliis, quibus erat obrutum, purgare; escam cœlestem retinere, toxicum, quô aspersa erat, amovere. Itaque si rem accuratè expenderis, reperies in omnibus ferè, quæ inter nos & Romanos agitantur, de religione quæstionibus eorum quidem has esse partes, ut id de quô quæritur, ponant atque affirmant; nostros verò, ut negemus & refutemus. Id acutè & vere, tamen pessimò animò, observavit maledicentissimus, & impotentissimus nostrorum infectator. Stapletonus; ubi de nobis, quos pro consuetâ modestiâ hæreticos vocat, Tota (inquit) hæreticorum doctrina hodiè quanta negativa est, ablativa est, destruetiva est; affirmata positiva, ædificativa nulla est. Dogmata negativa sunt hæc, Non esse veram Ecclesiam, quæ dicitur catholica; Non esse Romanum Pontificem Christi vicarium, & supremum Ecclesiarum caput; Non esse recipiendas traditiones extrâ Scripturam; non esse septem sacramenta, non conferre illa gratiam; Non esse in sacramentò altaris verè & realiter corpus, & sanguinem Christi; Non esse baptismum ad salutem necessarium; Non remitti peccata per baptismum; non esse communicandum sub unâ specie; Non esse faciendam peccatorum confessionem sacerdoti; Non esse suscipiendas pro peccatis satisfactiones; non esse Missam verum sacrificium; non esse istud propitiatorium; non esse consecranda templa, altaria, vestes eoque pertinentia. Non esse ullum meritum æternæ vitæ. Non obligari fideles ullis Ecclesiæ legibus; Non esse ex præceptò jejunandum; Non esse ex Ecclesiæ præscriptò celebranda festa; Non esse o-

Prompt.
Cath. p.
2. in fer.
3. Pentec. textu
4. Far non venit.

randum pro defunctis ; Non esse invocandos Sanctos ; non esse peregrinandum religionis ergo ; non esse venerandas Sanctorum reliquias ; non esse emittenda vota perfectionis ; non esse liberum arbitrium ; nil valere indulgentias ; non esse justificationem aliquam ex bonis operibus. Hæc & alia multa sunt eorum dogmata negativa. Et mox statim interjectio immani convitiō, Est doctrina negativa & ablativa religio. Hactenus Stapletonus ; qui religionem nostram dicit quicquid soli & seorsum a Romanis de rebus divinis & ad religionem pertinentibus sentimus. Neque enim nescivit nos multa de religione affirmare ; sed hæc quia Romani quoque affirmant, & quidem jam antè quàm ab iis discederemus, ideò religionis nostræ nomine non senset ; quia Romanæ pars sunt, & ea a Romanis accepisse & hausisse videmur, non a nobis habere. Ergo quicquid ita nostræ religionis proprium est, ut non sit nobis & cum Romanis commune, id ille negativum esse ait ; undè clarum est eum id quoque putasse nihil nos de religione affirmare, quod sit solius nostræ religionis proprium, id est quod non nobis cum Romanis commune sit, sive quod non & Romani nobiscum affirmant. Exsertè enim pronuntiat neque semet totam nostram doctrinam negativam & ablativam esse, quantumque est, affirmativam & positivam nullam esse. Itaque & hic veteranus controversiarum Magister mecum docet nobis non esse cum Romanis controversos articulos fidei meæ affirmativos ; neque aliud controversiæ inter nos genus observabit, nisi hoc in quo

quò nos id negamus, tollimus, & evertimus, quod Roma affirmat, ponit, & ædificat. Neque tamen istum, credo, accusatores mei dicent sensisse *eandem esse Romanam cum nostrâ religionem*, & *Romanam fidem ac religionem cum Genevensi* & *Carentonenſi planè* & *certè eandem esse*. Si verò hunc absolvant, & me absolvant necesse est, adeoque agnoscant se calumniatos esse me, dum eò quod scripserim *Romam quæ sunt affirmativa fidei nostræ capita ea nobiscum confiteri*, mihi imputant eandem simpliciter cum nostra esse omnem Romanorum religionem ac fidem. Neque hic mihi quisquam calumniam inde ſtruat, quod cum Stapletanò dicam Romanos nobiscum de omnibus, quæ de religione affirmamus & ponimus, consentire. Hoc enim est simpliciter & bonâ fide, non ut præcisè & *ακριβῶς* dictum accipi velim; non quod fortassè non sit aliquid quod in religione & a nobis affirmetur, & ab adversariis negetur, sed pleraque & ferè omnia ita sint comparata in iis quæ nobis sunt cum Romanis controversiis, ut id, de quò quæritur, nos negemus, illi affirmant; quod ex Stapletoni enumeratione satis liquet. Quod siquid occurrat in his controversiis diversum, id ego pænè pro certò affirmare posse mihi videor hujusmodi esse, quod vel ad prius illud genus revocari & possit & debeat, vel certè ad ea pertinere, quæ non sunt ad salutem plane penitusque necessaria. Atque ita jam satis, ni fallor, demonstravimus inane ac futile esse, nullaque ratione ex dictis meis concludi posse quod

accusatores me calumniati sunt, quasi vel scripſissem, vel sentirem eandem cum nostrâ esse omnem Romanorum religionem. Nunc illud alterum spectemus, non minùs stultum, atque incredibile, quod me fingunt docere *cæterorum omnium* (octò tantum exceptis) *hæreticorum ac sectariorum* hæreses esse opiniones merè adiephoras, ac liberas, quas nullò vel veritatis vel Euangelii præiudicio licet vel admittere vel rejicere. Iam suprà ostendi quantum ab istâ insaniâ absim; Illud etiam præstruxi nupſiam hæc in librò meò disertè formaliterque ita scripta esse. Nunc id unum ab accusatore peto, quid apud me legerit, undè hoc portentum concludi ac confici possit? Tu (inquit) ita scripſisti; Nulli nobis de his (affirmativis scilicet fidei nostræ capitibus) controversiam faciunt, nisi Sabellius, & Samosatenus, Arias & Photinus, Manicheus & Pelagius, Nestorius & Eutyches, hæretici omnes antè multa sæcula universalis Ecclesiæ fulminibus obruti, & obruti. Ego quidem inquam, hæc scripsi. Tu verò ex his quæ scripſisse me fateor, dic quâ ratione illud confeceris, quod mihi a te falsò & per calumniam imputatum esse queror. Non jam reprehendo calculum tuum, quod istos, quos nominatim excepi, octò esse conficias. Reperio planè esse totidem, quot tu posuisti. Et si tibi Logica ratio æquè ac Arithmetica constaret, nihil esset, quod objicerem. Sed qui benè ac feliciter octò hæreticos numerasti, miror qui factum sit, ut tam abnormem, tamque ab eò, quod scripsi, alienam conclusionem posueris. Ego scri-

scripseram (ut te quidem vis ; de quô mox videro) ea omni hæreticorum numerô non plures esse , quàm octô illos a me nominatos qui nobis de affirmativis fidei nostræ capitibus controversiam facerent. Hinc sequebatur cæteros ergo omnes hæreticos , quicumque tandem sint , nullam nobis de religionis nostræ capitibus affirmativis controversiam facere. Cur hoc , quod sequebatur , non conclusisti ? Cur aliud , quod plane a mea mente & oratione alienum est , intulisti ; nempe ; ergo cæterorum hæreticorum hæreses esse *liberas & adiaphoras opiniones* ? Quia (inquis) hoc , non autem illud suggessit mihi Veronus. Cur autem hoc illi prætulit Veronus , ego quidem inquam , veram nisi vehementer fallor , rationem video ; Nempè illud crassum quidem & delirum est ; hæreticum tamen non est ; hoc verò planè hæreticum est. Itaque Veronus hoc mihi , quod me *hæreseos* crimine aspergeret , tribuere etiam si falsò , ac præter rationem , maluit , quàm illud alterum , quod simplicem stultitiæ , ac delirii notam inureret , etiam cum aliquô colore imputare. Ego verò non miror fallacem & futilem esse ejus ratiocinationem , qui omnem hanc humanæ mentis operationem velut dubiam & incertam , & infidam jam pridem despuit , & quęcumque ratio argumentando explorat , ac discit ea *chimeras* , & *phantasias* vocare solet. Vel hujus disciplinæ professio Veronum cogit malè ratiocinari nè suam ipse artem atque sapientiam evertere videatur , siquid ratiocinaretur,

tur, quod rectum, ac firmum, & minimè fallax esset Verum artis-ne fuerit, an naturæ hoc ejus, nescio; Illud scio, neminem unquàm crassius, aut stultius, quàm istum hoc quidem locò, esse rationatum. Vult ne dixisse omnes hæreticos præter octò nominatos, nostræ nobis fidei capita affirmativa concedere, neque quemquam eorum de his controversiam nobis facere. Donemus hoc ei tantisper, dum & in hoc ipsò fuisse eum turpiter atque pueriliter hallucinatum, ostendero. Hinc concludit me docere cæterorum omnium hæreticorum extrà illam agdoadem, hæreses *opiniones esse liberas & adiaphoras*. Atqui hoc ex illò confici non potest, nisi ita argumentur Venonus; *Dallæus docet quicumque sibi & suis nullam de affirmativis confessionis suæ articulis movent controversiam, eorum hæreses esse opiniones liberas & adiaphoras, omnisque veneni expertes*; Idem autem Dallæus docet omnes hæreticos, si octò tantum a se nominatos exceperis, ullam sibi, nullam suis de affirmativis confessionis suæ capitibus movere controversiam; Ergo Dallæus docet omnium hæreticorum, octò tantum illis exceptis, hæreses esse opiniones liberas, & adiaphoras, omnisque veneni expertes. Nemo eruditus non videt Verono omninò sic esse argumentandum, si crimen, quod Episcopis in me suggessit, ex verbis meis paulò antè recitatis, probare velit; neque ea aliter vim ullam ad hanc accusationem confirmandum habitura. Sed neque cuiquam obscurum esse potest, quàm misera sit, quàm inutilis, quàm ab omni parte cassa, ac imbellis hæc planè Veroniana, id est,

id est, fallax ratio. De secundâ ejus propositione, mox dicam. Priorem verò, quam vulgo *majorem* vocant, undè habet Venorus? Ana Dallæo? Atqui is, non modò id non docet, quod eum docere mentitur in sana hæc propositio, sed planè diserteque aliud docet. Nam in Apologiâ, & alibi contendit gravissimos, imò letales, esse, & a verâ pietate ac salute alienos multos Romanorum errores, quos tamen hoc ipsò locò ait profiteri se affirmativa illa Genevensis confessionis capita credere. Ergo planum est eum id negare, quod hic docere falsò & inverecundè fingitur. An a rebus ipsis hausit, hanc suam mirabilem consecutionem Veronus, ut siquis de affirmativis fidei capitibus nullam controversiam moveat, is in nullos possit errores nisi leves, & adiaphoros incidere? Atqui nullus apparet consecutionis nexus; nulla vis quæ efficiat, ut illò priori positò hoc posterius consequi necesse sit. Montanum initiò ullam de affirmativis Ecclesiasticæ fidei capitibus controversiam movisse non legimus. An ideò levis, & adiaphorus error ejus fuit, quo certorum jejuniorum & ex præscriptò, statim temporibus observandorum leges promulgare, atque ita conscientias fidelium liberas subjugare ausus est? Fieri potest, imò nimium quàm sæpè factum est, ut affirmativa fidei capita inductis ex adversò dogmatis evertant, etiam ii ipsi qui de illis nullam alioqui movent controversiam. Ita Colliridiani, quos affirmativa fidei capita ac fundamenta rejicisse vel oppugnasse palam

lām nusquā legimus, usum tamen præcipuis illis fundamentis inductâ Mariæ adoratione subvertisse legimus. Nam ut sunt Tit. 1. 16. Paulô teste, qui cū *Deum se nosse confiteantur*, eum tamen *factis negant*; ita neque esse dubitandum est, qui ea ipsa religionis fundamenta, quæ ore profitentur, re ipsâ tamen subruunt inductis in religionem aut cultibus impiis, aut profanis dogmatis: idque nos in Romani Pontificis communione accidisse credimus, qui cum se affirmativa illa capita, quæ ego ex Scripturis in hoc libellô demonstravi, recipere ac credere profiteatur, alia tamen neque pauca, neque levia docet, aut jubet, a vero, a fide, & a salute aliena. An ergo & horum errores *adiaphoros* esse statuo, qui alibi aperte diserteque doceo nullam nobis esse debere cum iis communionem quorum errores unâ cum salute & necessariâ ad eam pietate consistere non possunt? Quid si leves quidem per se sint istorum errores, sed tamen huiusmodi qui velut necessaria quædam fidei Evangelicæ capita obstrudantur, & urgeantur? An & hos ferendos putabo, ac non potius præcepti Apostolici Gal. 1. 8. *Licet nos aut Angelus de cælo evangelizet vobis, præterquàm quod evangelizavimus vobis, anathema sit?* Ergo planè penitusque falsa est ille major propositio, quâ unâ nititur tota hæc Veronæ calumnia; cū nunc constet neque eorum qui Evangelicæ fidei affirmativa capita agnoscere se profitentur, errores ideò libros & *adiaphoros* necessariò esse, neque id Dallæum un-

unquàm docuisse. Hoc autem disjectò totius criminationis præfidiò unà corruiť omnis istorum accusatio. Nam si neque Dallæus docuit, neque verò necesse est liberos, & adiaphoros in Ecclesia esse eorum errores, quicumque nullam nobis de affirmativis fidei nostræ capitibus controversiam movent; planum est quicquid ille dixerit de cæteris extrà ogdoadem illam hæreticis, id eò pertinere non posse ut eorum errores ferantur & pro opinionibus liberis habeantur. Cùm enim eos ipsos, qui capita fidei affirmativa profitentur, nihil, ut diximus, prohibeat interdum incidere in gravissimas hæreses, & omnium fidelium excommunicatione dignas; quis non videt Dallæum falsò ac inverecundè accusari, quod omnium istorum extrà ogdoadem errores pro *liberis* & *adiaphoris* censendas doceat, etiamsi istos, quod volunt adversarii, nullam sibi de affirmativis confessionis suæ capitibus controversiam movere existimaret? Sed tametsi hæc ad purgandum grave & atrox hæreseos crimen abundè sufficiant, neque tamen labes in verbis illis meis resideat, breviter postremò eluendus est ineptus ac ridiculus, imò & falsissimus sensus, quem iis accusatores mei affingunt; calumniantes me hoc locò omnium hostium, qui affirmativa nostræ fidei capita in controversiam vocarunt, numerum ogdoade conclusisse, definivisseque a nemine unquàm pulsatos aut oppugnatos fuisse illos

Evan-

Evangelicæ doctrinæ cardines, nisi alio octò illis, qui istic a me nominati sunt, Ego verò nunquam ita sensi, neque possum satis mirari, quod tam stultum, tamque anile delirium mihi præter omnem rationem imputetur. Est enim hoc non modò falsum, sed etiam adeò crassum atque abnorme, ut non videatur in cuiusquam sani hominis mentem venire posse, qui quidem & de nostrâ fide, & de hæreticis aliquid vel fando audiverit. Huc accedit, quòd in eò ipsò libellò, in quò ista leguntur, multa alia extant ab hoc deliramentò adeò aliena, ut monstri instar sit libelli auctorem hac de re sic sentire potuisse. Volunt adversarii me præcise negare ullum fidei in priori operis parte ex Scripturis demonstratæ caput ab aliò ullò, quàm aliquò ex istis octò hæreticis in controversiam vocatum esse. Atqui unum hoc ex illis captibus fuit *Deum Christi Patrem*, eundem esse *cæli ac terræ conditorem*; quod a Marcione & a Valentinianis refutatum esse omnes sciunt; qui tamen nulli ex illis octò fuerunt. Est & hoc inter cætera fidei illic demonstratæ capita *Iesum Christum extitisse antequàm de Mariâ nasceretur*; quod olim ab Ariemone antè ogdoadem, & nuper diù post ogdoadema Socinò oppugnatum esse quis nescit? Libellus edit inter affirmativa fidei nostræ capita *Iesum verè natum, verè mortuum, & resuscitatum esse*; tum etiam *Spiritum Sanctum verè Deum esse*; quorum illud quidem Docitæ, hoc verò Macedoniani, utrique extra illam ogdoadem, negarunt. Est & hoc de libelli placitis

De fid.
in Scr.
fund. p.
2. c. 2.
s. 9.

Ibid. c. 4.
s. 2, 3, 4.

Ibid. c. 4.
s. 6. c. 5. s.
1. 2. c. 10.
s. 4. 5.

Ibid. c. 6.
s. 7.

tis unum *neſus eſſe Chriſtianum hominem mentire*; de quò proſectò nemo dixerit nunquàm dubitaſſe Priscillianum, qui ſuis perjuriarum & æquivocationum uſum concedebat, & hunc tamen conſtat de octò illis ſolis fidei noſtræ hoſtibus unum non fuiſſe. Quid, quod unum fidei in libellò expoſitæ *Ibid. c. 12. ſ. 2.* caput, quod eſt de *carnis reſurrectione*, quatuordecim, ſi benè memini, hæretici aut negarunt, aut corruperunt; Simon, Plutetus, Baſilides, Carpocrates, Valentinus, Apelles, Marcion, Cerdo, Caianitæ, Severiani, Archontici, Hieratici, Selenciani, & Proclianitæ? quorum, ut liquet, nemo in noſtrâ ogdoade occurrit. In aliâ ejusdem libri *Ibid. P. 3. c. 10. & c. 15. ſ. 8.* parte conſtituitur e Scripturis *non licere vel antè ipſam Chriſti imaginem religioſi cultûs gratiâ procumbere*. Huic certè definitioni non eſt aſſenſus Carpocrates, & ipſe de octò nullus, qui præter Chriſti imagines, etiam Homeri & Platonis ſimulacra venerabatur, Qui ergo hæc & alia non pauca ejusdem generis ſcripſerit, eum ſeriò negaſſe affirmativa ſuæ fidei capita non alios in controverſiam vocaſſe, quàm illòs octò aut falſum eſt; aut ſi verum eſt, illud quoque verum eſſe neceſſe eſt iſtum nesciviſſe vel alios ullos unquàm hæreticos extitiſſe præter iſtos octò, vel ſcivit aliquos extitiſſe, ignoraviſſe quæ illorum fuerint dogmata. De me, quid judicent adverſarii, nescio. Hoc ſcio me cum hæc ſcripſi, non planè iſta ignoraviſſe. Cur ergo, inquis, ita ſcripſiſti? *Nulli nobis de his (fidei noſtræ capitibus) controverſiam movent, niſi Sabellius & Paulus Sa-*

mosatenus &c. Quia nullas inquam, insidias pestimescebam; neque in tam simplici, tamque apertâ oratione ullum fore cavillationi, aut calumniæ locum putabam. Neque enim quisquam est cui absque studio locum legenti non statim sit manifestum mihi id unum istic esse mentis, ut significem affirmativorum capitum, quibus fides mea continetur, veritatem ita claram esse, ut ab omnibus vere Christianis & Catholicis agnoscatur? a solis hæreticis negetur, vel etiam in dubium vocetur. Sed tu (inquit) non plures, quam octò hæreticos nominasti. Nominavi, inquam, sed non numeravi. Neque enim id agebam, ut omnes fidei nostræ hostes sigillatim recensere, certumve eorum atque accuratum indicem, aut catalogum pertexerem. Aliquot ex hæreticorum genere nominatis, qui præ reliquis famosi sunt, cæteros putavi qui sunt ejusdem ordinis faciliè intellectum iri. Istos octò, non ad numerum, sed ad exemplum posui; non quod solos fidei nostræ adversatos esse (quod stultissimum est) cogitarem, sed ut significarem a nemine fidem istam nostram pulsari, nisi qui sit ejusdem cum octò illis a me exempli gratiâ commemoratis censûs; hoc est, nisi qui sit perditissimus hæreticus. Notus etiam pueris est tropus, omnibus laudatis scriptoribus familiaris, quò nomen in aliquò genere insigne pro totò illò genere, in quò ipsum excellit, ponitur; ut si *Catonem* pro virò gravi, *Aristotelem* pro philosophò acutissimò, *Cesarem* pro Imperatore egregiò dixeris. Quid-ni & mihi *Arium*, &

Photinum, *Pelagium* & *Manicheum*, *Sabel-
lium* & *Paulum Samosatenum*, *Nestorium* &
Eutychem, quos ex hæreticis cognitissi-
mos & damnatissimos fuisse omnes sciunt,
pro hæreticis perditissimis usurpare licue-
rit? Itaque verus, clarusque ac perspicuus
loci sensus est, non solos istos præcisè, ne-
que ullos omninò alios fidem nostram op-
pugnasse (quod est & falsissimum, & a to-
tius disputationis mente ac scopò planè pe-
nitiusque alienum) sed (quod & verum est,
& dicentis instituto ad amussim congruit)
non ab aliis oppugnatam esse fidem illam,
quam istic intelligo, nostram nisi a perdi-
tissimis & damnatissimis hæreticis, omni-
noque eorum similibus, quorum nomini-
bus istic a me sunt significati propter egre-
giam ipsorum in totò hoc hæreticorum ge-
nere nobilitatem & famam. Veronus hoc,
quod cuivis etiam de infimâ scholâ tironi
erat obvium, non vidit. Quid enim ille vi-
deat, quem ratio, ut juratum hostem suum
fugit? quem methodi a me prostratæ atque
eversæ dolor urit? quem odium & ardens
mei calumniandi studium excæcavit? Epi-
scopo certè dolere nunc debet, quod de re
nihili, & unius hominis cæcitate atque ma-
lignitate subnixà tantos clamores etiam
apud ipsum Regem excitarit, ad cujus Ma-
jestatem deferri non alia decebat crimina,
quam planè penitusque comperta ac ex-
plorata. Jam detectâ accusatoris calumniâ,
spontè suâ dilabitur, ac in fumos abit stul-
tum illud & insanum corollarium, quod ille
mihi postremò affingit; *Dallæus* (inquit) sta-

tuit nullam a cœtu aliquò Christi nomen profi-
tente discessionem justam, ac legitimam dici posse
nisi quæ ad salutem necessaria sit. Idem autem
arbitratur omnes omnium hæreticorum (octò tan-
tùm exceptis) errores venenò carere, neque adeò
vel animæ periculum creare, vel pietati præjudi-
cium ullum asferre. Ergo (inquit) ex Dallæi de-
cretis nemini licet ex eâ, quam profitetur, sectâ
discedere, nisi ea una aliqua fuerit ex octo illorum
exceptorum familiis. In hoc epichiremate
multùm sibi placet Episcopus, & quod ipse
sibi fabricatus est monstrum in eò strenuè
confodiendò suaviter ludit; actum esse de re-
ligione clamitans, si hæc ferantur, & alia non-
nulla hoc locò agglomerans, quæ nihil ne-
cesse est accuratius considerari, quod omnia
vanò & futili fundamentò nitantur. Quod
enim his præstruit accusator, & quò pendet
tota ejus declamatio, Dallæum scilicet ar-
bitrari omnes cæterorum hæreticorum er-
rores venenî expertes esse extrâ illam ab
ipsò ex Veroni afflatu somniatam ogdoade-
dem; id inquam satis demonstravimus,
quàm falsum, quàm inane, quàm denique
nulla ratione, nulloque pudore confictum
sit.

Nunc ergo ad secundam veniamus Epi-
scopalis accusationis partem; in quâ Ora-
tor in nostras Ecclesias magnâ animi vehe-
mentiâ, & ambitiosissimis verborum ful-
minibus invehitur; easque sacrilegii, & cri-
minum nescioquot capitalium, & multipli-
citer violatæ Regiæ dignitatis reas agit, & hanc
partem postremo sic perorat, ut gravissimè
indignetur Principi a nostræ religionis ministris
eripi

Orat. p.
14. extr.

Ibid. p.
16.

Ibid. p.
20.

eripi quæcumque ei a subjectis populis deferri divinae leges severissimè jubent, non honorem modo & timorum, sed etiam tributum. Quis non ad hanc orationem cohorrescat? quis non tanti sceleris auctoribus diras vel metuat, vel imprecetur? Quid ergo tandem ansi sunt Ecclesiarum nostrarum ministri, quod tum tristibus elogiis, tamque horrendò Oratoris hiatu dignum sit? Illi (inquit) ultimum psalmi decimi noni versiculum aliter reddiderunt, quàm Latinus. Pro his enim verbis, quæ & in veteri editione leguntur, & in Romani ritus Ecclesiis, canuntur, Domine saluum fac Regem; & exaudi nos in die, quâ invocaverimus nomen tuum; errantium (sic enim nos appellat Orator μεγαληγορος, & sanè κακηγόρος) errantium (inquit) Biblia habent, Domine salva, ut rex nobis respondeat in die, quâ clamabimus; & recepta apud eos rhythmica psalmodum paraphrasis* eundem quoque sensum exhibet. En quò reciderit tota illo tam minax, tamque terrifica Oratoris accusatio! ut ejus mihi in mentem veniat quod est in veteri adagiò, Parturiebat mons; mus natus est. Benè cecidit, quod tam accuratus accusator non meminerit quod nostri Psalmum, in quò hæc habentur, vicesimum, ut Hebræi, non decimum nonum, ut Latini, numerent. Neque enim dubito, quin aliquod majestatis crimen in illâ, quantumvis levi diversitate deprehensurus fuerit, si suam illam in criminando δεινότητα paulùm hic infendere voluisset. Sed nos missis magnificis illis quidem, sed ad rem parùm pertinentibus Episcopalis rhetorices pompis, observemus in-

* Sci-
gneur,
plaife toi
nous de-
fendre,
Et faire
que le
Roy Pu-
isse nos
reque-
stes en-
tendre
Encon-
tre tous
estroy.

Orat.
pag. 17.

* Sei-
gneur
plaise toi
de de-
fendre.
Et main-
tenir le
Roy,
Uneille
nos re-
questes
enten-
dre,
Quand
nous
crons a
toy.

primis hanc illius versiculi interpretatio-
nem, quæ velut atrox, & quidem recens
crimen in psalmis nostris denotatur, apud
nos semper & publicè & privatim sonuisse,
a quò nobis aliqua religionis in Galliâ li-
bertas Regiæ clementiæ favore concessa
est. Orator ait Ecclesiam nostram Latini
interpretis mentem & expositionem ini-
tiò Reformationis retinuisse, rhythmos
Gallicos, * quibus ea expressa erat, ex-
hibet. *Nunc verò* (inquit) *hunc sensum muta-*
vit & corruptit. Planè sic loquitur, quasi
prior illa ex Latini mente versio antehac
apud nos diù multumque viguerit; alte-
ra, quâ corruptum esse dicit, prioris sen-
sum, nuper tantùm vel nudius-tertius &
facta & in usum recepta fuerit. Atqui res
longè aliter se habet. Prior enim illa ex
Latini mente expressa hujus versiculi rhyth-
mica paraphrasis edita quidem fuit; sed
vel nullò apud Ecclesias nostras in usu
fuit, vel si in aliquò fuit, certè ad paucissi-
mos annos fuit. Unum exemplar vidi annò
(si benè memini) 1559 excusum, quod non
omnium; sed aliquot tantùm psalmorum
paraphrasin, velut in specimen operis ex-
hibebat. In eò exemplari fateor illius e
psalmò 19. versiculi paraphrasin hunc
ipsam fuisse, quam hic Episcopum recitare
non piguit. Post id locorum nuspiam apud
nos editam fuisse reperio; An antè fuisset,
non possum certò affirmare. Illud qui-
dem planè constat posteriorem paraphra-
sim, quam velut nuper correptam exagitat.
Orator, annò superioris sæculi sexagesi-
mò

mô secundô (id est eô ipsô, quô religionis libertas conditô ac promulgatô Januariensi, ut vocant, Edictô primum nobis concessa est) jam in usum nostrum fuisse receptam. Nam ex Regis privilegio (quod paulò antè, nimirum a. 1561. d. 19. Oct. in Sancti Germani castellô datum erat Roberteti Secretarii manu ac nomine subscriptum) ea ipsa psalmorum rithmica paraphrasis, quâ nunc utimur, non unô in locô, variis & quidem venustissimis formis annô illô nuper memoratò 1562. excusa, atque edita est, Lutetiæ apud Adrianum Regem, & Robertum Balardum, & Martinum Junio-rem, & Rolinum Motet, Lugduni apud Joannem Tornæsium, & annis sequentibus etiam alibi apud alios, undè brevissimô tempore propagata est magna, ac pænè innumerabilis exemplarium copia; quorum pars etiam hodiè superest, & ab hujusmodi rerum curiosis, tum ob vetustatem, tum ob elegantiam typorum cupidè servatur. In his omnibus (ego enim plurima inspexi, & inter se contuli) decimus ille psalmi vice-
 simi (Latino decimi noni) versiculus planè iis ipsis rhythmis, & modulis expressus legitur, qui hodiè apud nos in usu manent. Neque ab eô tempore quicquam in nostrâ Paraphrasi mutatum. Si ergo, quod accusatores in primâ de Lutheranis criminatione contendebant, religio nostra eô in locô consistere debet, quô tum fuit, cum primum ejus publicè exercendæ nobis potestas promulgatô edictô a Rege concessa est; apparet nullam fuisse querendi ac

Orat. p.
16, 17. 20

criminandi causam, quod ea in psalmis hodie canamus, quæ majores nostros jam tum cecinisse constat, cum primùm de religionis nostræ libertate edictum publicatum est. Sed & hinc videre est, quàm sit falsa, & ab omni veri specie aliena tota illa horribilis nostræ hujus paraphraseos accusatio: quâ affirmat Orator *Regiæ majestatis jura immuni, debitique ei honoris, ac timoris, & ipsius quinetiam tributæ partem non contemnendam concidi, ac eripi.* Nam si hæc vera sunt; cur nemo nos tantorum criminum his totis 70. annis postulavit? Cur hæc Princeps, quæ ad ipsius injuriam, si isti credimus, tantoperè pertinent, totò hoc tempore possim in suò regnò impunè cantari passus est? Cur ex tam multis sapientissimis atque fidelissimis reipublicæ Ministris nullus ad impias scilicet & nefarias voces evigilavit? Aut si nemo sapit præter Episcopos, cur ipsi Episcopi tamdiù tacuerunt? Cur ab annò 1562. ad hunc 1636. Principis majestatem ac salutem securè a nobis contemni non senserunt? Non intelligunt viri acutissimi, se dum ita agunt, non modò nos, quos oderunt sed & suos, & quidem utriusque ordinis, politici inquam, & Ecclesiastici pulsare? & hoc incredibilis cujusdam stuporis, prodigiosæque negligentiae apertissimè damnare, dum nos sic accusant? Sed quid ego hæc Regem passum esse dico? Ille verò psalmos istos, qui nunc accusantur, non modò vel à nobis cantari, vela Typographis excudi passus est; sed eos insuper suò privilegiò munivit, & testimoniò ac pænè lau-

laudatione suâ cohonestavit. In regiô enim illô privilegiô, cujus nuper meminimus, hæc Caroli Regis I X. nomine disertè perscripta leguntur, *A viris doctis, sanctæ Scripturæ, & linguarum peritis perspectum atque exploratum fuit psalmos istos juxtâ veritatem Hebraicum esse redditos.* Hinc æstimari docet quanta fuerit Francisci Veroni temeritas, qui paraphrasin cum privilegiô Regis amplissimâ olim editam, & hoc insigni doctissimorum virorum testimoniô ornatam, & apud nos sinè ullâ Principis offensione aut querelâ tot jam annos in usu quotidiano perseverantem imminutæ majestatis, infandi & in auditi criminis primus postulare ausus est; quanta Episcoporum securitas, qui sibi ab homine vanissimô tam facilè imponi passi sunt; quanta denique Aurelianus facili-
tatis, qui immani istius calumniæ suam eloquentiam commodare non dubitavit. Sed jam videamus quibus tandem rationibus crimen adeò incredibile firmare, ac ipsi Regi persuadere conati sint. Episcopus hic multa philosophatur de *honore, timore & tributô* Regibus a subditis suis debito; ex quibus conficit horum esse officium pro sui Principis salute, atque incolumitate Deum precari; & qui preces hujusmodi abolere, ac corrumpere conantur, eos in Principem graviter peccare. Atque hæc, quæ nemo Christianus negat, fusè exsecutus, tandem ita definit, *Ita* (inquit) *Ministri debitum Principi ex divinâ lege honorem, timorem, & tributum eripiunt, dum publicas pro ejus Majestate preces exscindunt.* Pro Dei atque ho-

Orat. p.
18.19.20

minum fidem! quid audio? *Ministri* (inquis) *publicas pro Rege preces exscindunt*. Ita-ne verò! Atqui nulla ab istis, quos tu intelligis, religionis nostræ ministris publica collecta, vel concio habetur, in qua non Regis salutem, dignitatem, vitam domum, ac imperium humillimis, atque accuratissimis precibus Domino Deo per Christum commendent. Hoc primum est ejus orationis votum, qua illi liturgiam diei dominicæ sacram omnium maximè solemnem concludunt. Hac illi suos omnes in Principem pietate a teneris diligentissimè imbuunt; hanc ex Paulo disciplinam omnibus commendant; hanc rationibus confirmant; hanc petitis tum ex veteri & novo testamento, tum ex primâ ac puriore Christianorum Ecclesiâ exemplis illustrent; hanc denique ita altè suorum auditorum animis infingunt, ut honesta nostrarum familia nulla ferè sit, in quâ non quotidie Evangelicum hoc piæ pro Principe orationis sacrificium Deo manè ac vesperè ritè offeratur. Neque id mirabitur, qui quæ nostra sit de Principis dignitate ac munere ex Dei litteris hausta, perceptaque sententia, vel ex confessione ipsa nostra didicerit. Quò accedit & nostra ipsorum ratio. Nulli enim sunt cives, quibus salus atque incolumitas Principis carior esse debeat, quàm nobis, qui aliis mortalibus ob religiosi diversionem ferè exosi, humanisque omnibus præcidiis nudati, unâ Regis auctoritate itamus, & ex sacro (ut sic dicam) ejus ore spiritum ac vitam ducimus; ut nos si vel

Artic.
39. 40.

vel divina Christi nostri lex vel communis patriæ caritas, vel universi regni salus non moveret, ipsa tamen nostri commodi ratio hujus officii immemores esse non sine-
ret. Neque ignota loquor. Nemo ferè est nostrorum civium, qui hos esse mores nostros hanc religionis nostræ disciplinam nesciat: quo fit ut mirari satis non possim, quod hæc Aurelianensi Oratori tam absurda, tamque ab omni veritate ac fide aliena vox in tantâ hominum luce, eo loco, eaque frequentia in ipso augustissimo Regis consistorio excidere potuerit. Neque est, quod aliquis putet eum non simpliciter de omni pro Regis majestate oratione intellexisse, sed de illâ propriè, quæ apud Latinum interpretem habetur psalmo 19 (Hebræis 20) versu 10. Primò enim disertiora sunt Episcopi verba, quàm ut ullus huic effugio locus sit reliquus, *Mini-* Orat.
stri (inquit) *publicas pro Rege preces excin-* P. 201
dunt. Tum hunc ejus sensum sic restringi etiamsi verba paterentur, non patitur tamen ipsa illa quam hoc loco instituit, ratiocinatio, quæque nisi hoc constitueris, *Ministros scilicet publicas pro Rege preces omnino ac simpliciter abolere*, tota vel funditus disjecta corruet vel in ventos dissipata abibit. Non enim ille in superioribus hoc posuit, qui psalmi 19. versiculum 10. aliter quàm Latinus, interpreta-
tur, *is honorem Regi, & timorem, & tributum eripit* (quod quàm absurdum sit ac ridiculum, omnes, etiam imperitissimi, intelligunt) sed hæc divertissimè suæ argumen-

Ibid.
p. 19.

tationi præstruxit, *Quisquis deest huic officio precandi pro Principe, is neque honore ei debito fungitur.* Quo fit, ut nisi hoc ipsum subsumat, nempe *Ministros huic legitimarum pro Principe precum officio plane penitusque deesse*, nihil sit de iis conclusurus. Ergo jam patet quod quivis satis per se intelligit, non tantum falsò, sed etiam absurdissimè, ac sine ullâ legitimâ ratione accusari religionis nostræ ministros, quod *Regi debitum honorem, timorem, ac tributum eripuerint, vel eripere conati sint.* Nulla eorum in hoc, quod deferretur, factò vel tenuissimum hujuscriminis vestigium apparet. At effugere tamen non possunt (inquis) quin dum ita hunc psalmi versum reddiderunt, solennem ex Ecclesiæ cantibus pro Regis salute precationem reciderint, hanc scilicet, *Domine, saluum fac Regem.* Respondeo primùm hoc, quicquid est, absurdissimè dici. Si psalmum ipsum, quem ait Episcopus *velut optimam; & appositissimam pro Rege orationem, in Ecclesia usurpari*, sustulissent; vel si psalmus esset a Latino interprete conditus, quem in usu suo servantes Ministri hanc ejus particulam immutassent; colorem fortasse aliquem haberet oratio. Nunc cum nihil horum verum sit; cum psalmus Davidis sit, non Latini opus; cum si integer in usu nostrarum Ecclesiarum servatus; profectò ineptissimè dicitur illa pro Rege precatio a Ministris hinc recisa. Cum psalmus extet Hebraicè, qui qualisque ab auctore scriptus est, non fuit arbitrii vel nostri, vel cujusquam alterius, quicquam vel ex eò recidere, vel in eum

Ibid.
p. 17.

eum infulcire. Retinendus fuit, ut est ab auctore editus. Itaque hæc tota tamatrox accusatio huc denique redit, ut quærat, num hanc quæ defertur, psalmi partem benè, an secùs Ministri reddiderint, & an editæ ab iis interpretationis sensus sensui auctoris congruat, nec-ne. Quò in genere siquid peccatur, *erroris, incogitantie, male vel suspectæ fidei* peccatum est: *crimen majestatis* non est. Fingamus Davidem, hanc ipsam, quam isti urgent, orationem istic posuisse. Siquis eam non ita exhibuerit interpres, hunc *errasse*, auctoris, quem interpretatur, *sensum* vel *non vidisse*, vel eâ, quâ par erat, aut *diligentia*, aut *fide non reddidisse* dicam; in *Regem*, vel Galliæ, si Gallus homo fuerit, vel Hispaniæ, si Hispanus, *commisisse*, & ex honore illis Principibus debitorum aliquid detraxisse; nemo opinor, nisi malevolus & calumniator dixerit. Atqui hæc omninò Ministrorum est tota hac in causâ ratio. Siquid ergo (quod ego tamen non concedo) siquid inquam, Ministri ab auctoris mente, aut verbò hoc locò deflexerint, *errasse eos, lapsos esse*, ac ut gravissimè dicam, *non satis accurata fide se gessisse*, confitebor; eò ut in Principem suum peccaverint, dici nisi per summam injuriam posse negabo. Atque hic eò major, atque invericundior est accusatorum iniquitas, quod dum sic agunt, non nostros tantùm pulsant, sed etiam alios non paucos, magnæ apud omnes vel Christianos vel eruditos estimationis viros. Nam si hunc versum (quod nostri fecerunt) ita legere ac reddere ut in
priori

priori ejus parte non dicas cum Latino ; *Domine, saluum fac Regem*, id in Regiam Principum majestatem peccare est; si est solennem pro Principibus precationem ex Christianorum sacris recidere, & ex Ecclesiis profligare; gravissimi, atrocissimique criminis unà cum nostris reus erit vetustissimus, ac sanctissimus Theologus Hieronymus, cujus hæc extat illius versiculi interpretatio; *Domine, serva; Rex exaudies nos, in die, quâ invocarimus*; rei quoque erunt doctissimi, celeberrimique ex adversariorum partibus interpretes Felix, Cajetanus, Agathius, Guidacerius, Clarius, Pagninus, Arias Montanus, Vatablus, qui omnes hunc psalmi locum eodem planè, quo nostri, sensu & modo reddiderunt. Quin & magna hujus criminis pars in Leonem Papam X. & in Philippum Hispaniarum Regem II. redundabit; quorum jussu atque auctoritate diversis temporibus factus atque editas constat, illius quidem, Pagnini, hujus verò, Ariæ versiones. Horum talium, ac tantorum virorum consensum ab accusatoribus nostris contemptum, famam proculcatam esse quis non miretur, ac indignetur? Quantum verò eorum in nos odium esse necesse est, qui suos, dum nobis noceant, communi turpissim criminis, ut sic dicam incendio involvere, atque amburere non dubitant? Sed jam semotâ tantorum nominum auctoritate, rem ipsam spectemus, & nostrorum interpretationem cum Hebræo fonte comparemus. Hic ego omnes, qui Hebræice sciunt, obtestor, an
non

non nostra Hebræis accuratissimè respondeant? In omnibus Hebræorum codicibus, in quibus vocalium notulæ adscriptæ sunt, post duas primas versiculi voces, quæ id significant, quod & nostri, & cæteri omnes reddunt, *D O M I N E serva*, vel *salva*, post has inquam, duas voces habetur Atnach, id est grammatica distinctionis notula, nomen sequens, quod est *Rex* a duabus quidem præcedentibus devidens, & abjungens, cum sequente autem verbô, quod est *respondeat* connectens, ut plana sit, & Hebræorum lectioni ad amussim congruat hæc nostrorum expositio, *D O M I N E salva; Rex exaudiat nos in die, qua clamaverimus*. Ergo summa fuit nostrorum in hoc interpretandô versu religio ac fides, planeque integra & ab omni vel errore, vel crimine pura innocentia. Possem si liberet, antiquissimi Paraphrastæ Chaldæi, Syri etiam vetustioris, & si Gabrieli Sionitæ credimus, Salomonis regis *סוֹדֵרֶיךָ* interpretis, & magistrorum Hebræorum pænè omnium testimonia, nostris consentientium, laudare. Sed piget me in re clarâ, & levis alioqui per se momenti, tempus & operam perdere. Satis nunc ex his constat, quàm falsa sit, quamque insulsa, & Veronô attifice digna illa odiosissima accusatorum cantilena, nostros ex hoc psalmô precationem pro Rege recidisse. Nihil illi hinc reciderunt, qui quicquid in auctoris fonte est, id summâ religione ac fide in sua interpretatione exhibent; ut si qua hic desit pro Rege precatio, id Davidi, qui nullam posuerit,

Orat.
p. 17.

Ibid.

rit, imputandum sit, non nostris, qui interpretum officiô functi sunt. Quanquam & illud falsum est, quod isti a Veronô suggestum repetunt, nullam apud nos in hoc versiculô esse pro Rege precationem; quasi pro Rege non precetur, qui Dominum Deum orat, ut Rex nobis tempore dubiô, atque adversô respondeat, precesque nostras exaudiat. Atqui id, si benè reputes, nihil aliud est, quàm optare ac precari, ut ea semper sit Regis non modò salus, atque incolumitas, sed etiam potentia, sapientia, ac bonitas, ut subditis certissimum ac munitissimum in eô paratum sit in omni discrimine præsidium; quô equidem nescio quid majus, aut divinius Principi optare possimus. Nos, qui hæc talia ac tanta a Deo pro Rege in hoc versiculô petimus, quâ quæso fide aut conscientia negat accusator *dum hunc psalmum canimus, pro Regis conversatione precari?* Quanquam si vel hæc precatio istô in versiculô deesset, nè sic quidem verum esset, quod iste dicit, qui hunc psalmum apud nos canunt, *eos pro Regis conversatione non precari.* Quid enim aliud est totus hic psalmus, quàm perpetua quædam, eaque sanè eximia ac planè divina pro Regis conversatione precatio? in quâ primò statim versu petimus Regem exaudiri, & in editô locô constitui; tum a Deo cœlitus fulciri, ac muniri, omniaque ejus consilia, ac vota impleri? Quandiù hæc carentur, Regis conversationem, quæ iis continetur, a Domino peti apparet. Atqui hæc omnia antè ultimum illum versum, de cujus unius interpre-

pretatione quæritur, in psalmô habentur. Ergo liquet pro regis conservatione precaturos, qui hunc apud nos psalmum cantabunt etiamsi nihil, quod ad eam referri posset, ultimus ille versiculus contineret. Iam quale quæso, illud est, quod ibidem ait accusator *nostros ausos esse Regis ipsius locum invadere?* quia scilicet pro eô, quod habet Latinus, *DOMINE, salvum fac Regem*, rhythmica nostra paraphrasis hæc exhibet, *Domine, placeat tibi defendere NOS*; positô pronomine *NOS* eô locô in quô est apud Latinum nomen. *REGEM* in accusandi casu: Primò nego pronomen *NOS* locum *Regis* occupare. *Rex* in paraphrasi locum suum implet, ubi ille ait, *REX petitionibus nostris respondeat*; & eum quidem ipsum locum, quem habet in Hebræo; ut jam liqueat, quàm falsum, quantaque cum malignitate atque acerbitate dictum sit, quod scribit accusator, *Nos ausos esse nos ipsos substituere vice ac loco personæ regie*. Tum & illud quoque falsum est, quod gratis, & solô maledicendi studiô sumit accusator pronomine *NOS* in thythmicâ paraphrasi usurpatô populi (ut sic dicam) personam a Regis personâ distinctam, eique oppositam significari. Undè hoc habet Episcopus: Verius est istô pronomine totum regni, sive reipublicæ corpus. Rege, tanquàm capite & populô tanquàm membris, constans significari. Itaque ex paraphraseos mente Deum hic rogamus, ut salutem, sive præsidium, ac defensionem suam *NOBIS* præster, id est omnibus ejus gentis, atque imperii, cujus
nos

nos sumus, partibus; primò Regi, tum Regis ministris, ac plebi universæ; & quidem hoc ordine ac modò, ut quod in sequentibus verbis adjicitur, *Rex respondeat nobis*; hoc est, ut divina illa, quam poposcimus, salus, cœlestique præsidium apud regem imprimis resideat; ibi velut in suâ quædam arce habitet: undè longe lateque in nos id est in universam gentem, per mandata, rescripta, ac responsiones Principis, diffundatur ac manet. Hic verus ac sincerus est paraphraseos sensus, cujus auctori licuit ex rhythmorum præsertim apud nos lege pronomen NOS, tametsi id in Hebræo minimè legatur, ad explanandam verborum sententiam supplere, & in locum, non *Regis*, quod malignè, dicit accusator, neque cujusquam alterius (neque enim cujusquam nomen post verbum *serua* in Hebræo additur, quod cum eò construi, & ab eò regi possit) sed in locum vacuum inducere. Ex quibus jam omnes intelligere possunt, quàm sit criminum liberalis Episcopus, qui ob duas illas, tres-ve vocas nos *duorum criminum*, & quidem *CAPITALIVM* damnare non dubitavit.

Restat tertia, eaque acerrima, atque incitatissima Episcopi accusatio, in qua ille nostræ religionis Ministros atrocissimæ in res divinas blasphemix ideo postulat, quod de Pontifice Romano, deque iis cultibus, qui in ejus communione obtinent, quædam paulo liberius dixerint. Quo loco colligit nonnullas nostrorum voces de aula & Ecclesia Romana, de Missa, & ejus hostia, de
Roma-

Romano Sanctorum cultu, deque eorum historiis, ac de ipso denique Papa, subiectoque ei Clero. Difficile est de singulis dicere; quod accusator neque auctores edat, ex quibus ista excerpta esse vult videri, neque loca, unde descripta sint, ulla indicat; quæ nisi teneantur, omnes vident, quam cæcam, quamque incertam esse necesse sit omnem de his disputationem. Ut enim de dictis judicetur, cognoscendus est inprimis verus eorum sensus, quem non ex nudis, & a totius orationis velut trunco divulsis verbis, sed vel maxime ex dicentis mente, & consilio, & causis pendere notum est. Nuper experti sumus in iis, quæ uni ex libellis meis objecta sunt, qua fide in libris nostris versentur accusatores, cum summa confidentia nescio quæ deliria mihi imputarent, totidemque verbis apud me legi affirmarent, quorum ne levissimum quidem in illo meo opusculo vestigium exstare demonstravimus. Ac ut nullam in cæteris experti essemus eorum in nos iniquitatem, certe adversario de iis, quos petit, quos gravissimorum criminum postulat, quos ad supplicium deposcit, non facile neque temere credendum est. Itaque ut possit de nostrorum dictis, quæ deferuntur, constare omnino debuerat accusator omnia reorum suorum nomina edere & librorum loca, in quibus hæc, quæ denotat, haberentur, diligenter ac sigillatim indicare; quorum cum nihil fecerint, equidem cogor ne quid de rebus non plane exploratis secius in alterutram partem dicam, omissa singulorum pur-

gatione, ad hanc accusationem paucis & in genere tantum respondere. Ac inprimis quidem ex publica fidei nostræ confessione, ex omni nostræ religionis disciplina, atque institutione, ex nostra denique & & majorem vita, illud satis surperque cuivis rem simpliciter & ex veris æstimanti perspicuum esse arbitror nos pie ac reverenter de Deo, & divinis tum sentire, tum loqui. Sane cum verbum divinum unum totius nostræ religionis canonem esse profiteamur, neque aliter vel de Deo ipso, vel de Dei rebus aut sentiendum aut loquendum esse definiamus, quam Deus in his sanctissimis litteris docuit & præscripsit; mirum est ac pene incredibile in iis quæ vere nostra sunt, blasphemias reperiri; a quibus nostrum illum canonem plane penitusque alienum esse apud omnes in confesso est. Fatemur ultro multa apud adversarios sacra, divinaque censerī, quæ nos eo loco ac numero minime habemus. Sed unus ille conscientiarum nostrarum testis atque arbiter Deus novit nos non alia de causa hæc ex sacrorum divinorumque censu expungere quam quod ea & ipsius gloriæ plurimum officere atque adversari, & præter Scripturæ sententiam in religionem injecta fuisse credamus. Nam, ut ea ipsa ex quibus ductæ sunt hæc accusatoris criminationes, exempli gratia delibemus, Christum Jesum, unicum nostri generis Dominum ac redemptorem omni laude, benedictione atque adoratione prosequimur quidem; sed hostiam; ex farina factam; quæ apud Ro-

ma-

manos offertur, Christum esse, debitisque Christo honoribus, afficiendam (quæ adversariorum est de ea sententia) non putamus. Oblatam a Christo in cruce sacrificium crimina nostra expiasse credimus. Eundem titulum Romanorum altarium oblationi, quod volunt adversarii, convenire vehementer negamus. Eucharistiæ sacramentum a Domino in suæ mortis memoriam institutum summa reverentia dignum sensimus. Varias cæremonias, quæ ad simplicissimum Dominicæ institutionis ritum a diversis inventæ atque additæ accesserunt, eâdem quoque religione venerandas esse non concedimus. Deiparam Virginem eo honore prosequendam decernimus, quæ sanctissimam Domini nostri matrem, benedictam inter mulieres, & in omnes generationes celebrandam decet; neque de sanctis Dei servis, quorum animæ jam cœlo receptæ sunt, nisi honorifice vel sentiendum vel loquendum. At eos tamen invocationis, ac religionis cultus, quos adversarii tum B. Virgini, tum cæteris Sanctis deferunt, probare non possumus; quibus scilicet eximios, ac proprios Dei honores cum creaturis communicari apparet. Quæ in Sanctorum vita, institutis, & operibus in litteris vel divinis, vel etiam Ecclesiasticis traduntur (si tamen hæ veterum ac idoneorum auctorum vere sint) ea exosculamur, & cum magno fructu legi agnoscimus. At non idem de adversariorum *legendis* (ut vocant) variisque monachorum, quorundam etiam veterum, de hoc argumento, libris judica-

mus ; in quibus multa in esse, ut mollissime dicam, vana, quædam etiam ridicula, res ipsa loquitur. Christianæ religionis ministros Domino institutos fuisse docemus, eoque velut ejus servos in ipsius opere ad animarum nostrarum salutem laborantes magnopere honorandos. Unum vero istorum esse, qui immenso quodam spatio supra ceteros omnes in toto orbe Christiano emineat, qui Ecclesiæ universalis Dominus, sit, caput idem, & sponsus, qui Regibus imperet, qui Synodorum, etiam œcumenicarum decreta figat, refigat ad libitum ; id neque a Christo institutum, neque ab Apostolis præceptum fuisse putamus ; neque illud item quod apud Romanos in usu est, ut Pontifici Episcopi, pluresque clerici majores pro sua quique ordinatione, & cæteri Christiani pro certis quibusdam indulgentiis, ac disputationibus pretium aliquod solvant. Atque hæc quidem ita docere quam sit ab omni in Deum & res divinas blasphemia alienum, omnes vident ; quæsi ad sacras (ut par est) scripturas seposito omni partium studio exigantur, non dubito, quin palam sit futurum gravissime quidem eos peccasse, qui illæ Romanæ religionis capita absque ulla Dei auctoritate in Ecclesiam invexerunt ; nos vero qui ejecimus, non peccasse. Quod siqui de nostris in disputationibus Theologicis ea absurda, quæ vel ab adversariis aperte defendentur, vel ex eorum certe dogmatis evidenter consequuntur, libere & simpliciter explicaverunt ; nulla ratio est cur ii maledicentiæ, multo

multo minus cur blasphemix propterea damnentur. Id enim liquet & in omni disputatione licere, semperque licuisse, & ad nostram quidem sententiam defendendam & adversarii refellendam pertinere; nequaquam vero *ad seditionem excitandam*; Edit de quod ne fiat merito est in eo Edicti Regii Nant: capitulo prohibitum, quod hic laudat Episcopus. * Nos vero & huic & cæteris legum publicarum præceptionibus libentissime paremus. Utinam in eas esset par adversariorum reverentia! Certe in ipso illo, quod ab Episcopo laudatum est Nantetensis edicti decimo septimo capitulo, *disertissime jubentur non Episcopi, sed cognitores Regii, eorumque substituti de iis cognoscere*, qui contra illam de cavendis seditiosis sermonibus legem peccarint. Quo fit manifestum etiam si de nostris aliqui hac in parte (quod absit) peccarent; non tamen id esse Episcopis negotii datum, ut de nostrorum peccatis cognoscant, vel ut reos ipsi ad Principis tribunalia deferant. Omnis hæc cognitio (ut ex capitulo patet) Cognitori Regio attributa est; cujus adeo partes Episcopi præter Edicti legem in tota hac accusatione invaserunt. Sed hæc ego & alia non pauca ab istis in hac causa peccata mitto; quod nunc nos nostraque purgare, non alios criminari instituerim. Illa vero quæ sequuntur apud Episcopum, cum poscit a Rege ut nos nostrique *severissime puniamur, ac castigemur ob ea, quæ a nobis in religione nostra novata sunt scilicet; ut libellus nominatim meus*

art. 17.

* Orat. p. 22. extr.

Ibid. p. 23.

Ibid.
P. 25.

publice cremetur ; ut de re ipso, veluti de hæresiaracha, supplicium sumatur (quod quid sit, norunt quibus non sunt ignotæ istorum de hæreticis sanguine scriptæ legas) illa inquam tacere præstat, quam pluribus pro merito exagitare. Viderint alii quoniam belle cum Episcopalis muneris, quo accusatores nostri gloriantur, gravitate, æquitate, mansuetudine, quam recte cum ea, quam sibi in nos esse testantur, caritate conveniat id, quod isti tota hac in causa faciunt ; nempe nostram & innocentiam indignissime calumniari, & libertatem atque incolumitatem summa vi oppugnare, & vitam denique ipsam petere, eamque crudelissimis suppliciis extinctam velle. Nos vero Deum Opt. Max. cujus iudicio omnem hanc causam freti nostra innocentia, securi committimus, supplices precamur, inprimis quidem, ut clementissimum Dominum Regem suo Spiritu ita regat ac gubernet, ne suorum subditorum, humilium quidem præ adversariis, sed Regiæ tamen Majestati addictissimorum innocentiam iniquissimis & malevolorum, & potentiorum calumniis, atque artibus circumveniri patiatur ; tum etiam ut ipsos illos tam immites, tamque acerbos inimicos nostros mollire, remisissique misericorditer quæcunque in nos sæva hac & inhumana criminatione peccarunt, gratia sua donare, & ad salutarem illius, quam imprudentes impetunt, doctrinæ Evangelicæ cognitionem potenter convertere velit ; postremo ut nobis eam

eam virtutis, ac consolationis suæ vim atque capiam per Christum largiatur, quæ & ad constanter retinendam, strenueque defendendam veritatem, & ad ea leniter ac fortiter ferenda satis sit, quæcumque in hoc studio certantibus dura, gravæque pro divini nominis gloria ingruent.

A M E N.



Visum est superiori ad Aurelianensis Episcopi orationem responsioni sequentes duas epistolas subjungere, in quibus illa ipsa psalmi 20. (Latinô 19) interpretatio nostra, quam Orator in secundâ accusationis sue parte lacerarat, & horrendi criminis postularat, fusiùs a nobis illustrata, & ab adversariorum objectionibus asserta fuit eodem illo a. D. 1636.

EPISTOLA I.

Viro Clarissimo, atque Eruditissimo,

SYMONI MUYSIO,

Regio litterarum Hebraicarum in Parisiensi Vniuersitate Professori eximio,

J. DALLÆUS S. P. D.

VIR CLARISSIME,



Ccepi ab humanissimô Meuneriô nostrô ea, quæ tibi de ultimô psalmi vicesimi, aliàs decimoni versiculo commentari, atque in Publicum edere libuit adversùs meam versionis nostræ defensionem*. Ac tuum quidem in eo candorem exosculor, quod ab iis liberè dissentias, qui nostram loci illius interpretationem non modò reprehendere, sed & gravissimi in Principem criminis ream facere magnâ nostri nominis invidiâ non dubitarunt, ingenueque pro tuâ gravitate atque eruditione agnoscas, tum

B. Hie

* Gallice
a. D.
1636.
editam
seorsum.

B. Hieronimum, tum e vestris hominibus non paucos, ejus atque Hebræorum auctoritatem sequutos nobis favere. Quod verò me liberè quidem, sed tamen (quod tuâ cum pace dictum sit) modestè, & citra cujusquam contumeliam in hac disputatione verlatum, asperè neque pro solita tuâ humanitate exceperis, non possum non mirari. Ferendum non putas, quod scripsi Latinum interpretem in eò versiculò ab Hebræo textu, & ab originali veritate discessisse. Fac me nullam, hujus dicti satis idoneam habere rationem. Obsecro te per humanitatem tuam, an ideò fui immodestix accusandus? Error fuerit, atque Hebræismi ignoratio: Immodestia profectò non fuit. Nemini unquàm fraudi fuit in his litterarum minutiis a cujusquam quantumvis gravis, atque luculenti auctoris judiciò dissentire. Tu Hieronimum, cujus nomini, atque eruditioni plurimùm, & meritò quidem tribuis, in Hebræorum magistros, quorum in his litteris diligentiam aspernari non soles; tu Felicem, tu Vatablum, tu multos alios vestrarum partium non obscuri nominis, neque ingenii viros, minime tibi hac in parte sequendos putasti. Tu eos omnes, quancumque sunt, summâ libertate notasti, quasi de grammaticis apicibus magis, quàm de Prophætæ mente sollicitos. Quin & eò progressus es ut non obscurè significaveris tot, talesque viros aut nescivisse aut certè non attentisse, quæ sit Grammatici cujusdam accentus natura, quod ingenium atque of-

ficiū. Qui hæc tibi licere putas, cur aliis vertis crimini, quod Latinum interpretem reprehendere ausi sunt? Tua est fateor, præsertim in hoc litterarum genere, excellens ac singularis eruditio. Sed neque te negaturum existimo nostris quoque hominibus nonnihil in eō genere tribui posse: quō sit, ut neque hi damnandi videantur, siquandō pro animi sui iudiciō ac sensu ab aliis liberè dissentiant. Horum ego defendi sententiam; eaque in medium attuli, quibus illi mihi inducti fuisse videntur, ut a veteri interprete, aliisque nonnullis discederent. Quid eō in modestiam admitterim, non equidem video. Sed hæc præfatus ad rem venio. Tum itaque Muiſi clarissime, non probas quod scripsi Latinum interpretem ab Hebræo discessisse, dum psalmi (ut ille quidem numerat) XIX. versum ultimum sic reddidit; *DOMINE, saluum fac Regem; & exaudi nos in die, quā invocaverimus*, Ego nostræ sententiæ duas rationes adduxeram; priorem, quod illa vocabula *hochia*, & *hammelech*, quæ in Hebræo codice accentus *athnach* a se in vicem divellit, iste in unum sensum compegerit; posteriorem, quod verbum *joanénos*, quod est tertiæ personæ, verbō *exaudi nos*, quod est secundæ, commutaverit. Quod respondes ad priorem, & quidem nostri Buxtorſii verbis, *athnach* non semper distinguere orationis membra, id verissimum esse & jam antea ab aliis, & nuperrimè ex eruditissimis tuis in hunc ipsum psalmum commentariis didiceram, in quibus (si benè memini) &

hunc

hunc ipsum, quem modò adducis psalmi XVII. 10. locum, & alios non paucos adfers ad id confirmandum. Sed cùm & Buxtorfius, & alii Grammaticorum principes, te etiam (ut opinor) annuente observent proprium illius accentûs officium esse orationis cola distinguere, non puto temerè, aut sinè gravi aliquâ & necessariâ ratione conjungenda, quæ eâ notulâ in Hebræo textu interpuncta leguntur. Jam hoc locò (si veteris interpretis seponatur auctoritas, quæ non videtur, in psalmorum præsertim librò, tanti facienda) nihil est, quod nos cogat a solenni notulæ illius usu discedere. Ais tu quidem, sensum in veltrâ Latini interpretatione fluere commodiùs. Sed tui hujus dicti rationem neque tu explicasti, neque ego sanè assequi possim. Sensus enim, quem fundit hic versus, quomodò a nobis distinguitur & accipitur, mihi commodissimus, & luculentissimus videtur. Itaque cùm Paraphrastes Chaldaus cùm doctissimus Hieronymus, cùm utroque (si Gabrielem Sionitam tuum audis) longè antiquior Syrus textum Hebræum eadem ratione distinxerint; non videtur dubitandum, quin & hic, ut alibi fere solet, Athnach pro distinctionis notulâ accipi debeat. Alteram verò sententiæ nostræ rationem miror a te fuisse prætermisam; quæ vel una demonstrat verissimum esse, quod scripsi, veterem interpretem ab Hebræo discessisse; idque tu ipse confessus esse videris dum in novæ tuæ Psalmorum versionis margine reddidisti in tertiâ per-

personâ , quod Latinus interpretatus erat in secundâ. Atque hæc sunt , Muyfi eruditissime , quæ ad tuam illam sententiæ meæ paulò duriolem , atque acriorem reprehensionem dicenda putavi ; quæ tu ut æqui bonique consulas , etiam atque etiam rogo ; neque eò esse me animò existimes , qui quemquam vel oderim , vel contemnam , aut rixis & vitiligationibus gaudeam. Vale. Dat. Lutet. Par. mense Martiò. a. D. 1636.

E P I S T O L A II.

Viro Ornatissimo

N. N.

J. DALLÆUS S. P. D.



FATEOR , Ornatissime N. id mihi præter vota , accedisse , clariss. Symeon. Muysius stilum in me strinxit. Nam cùm mortaliū nemo sit cujus ego non verear offensam , tum hunc mihi adversarium contigisse doleo , quem ob excellentem rerum Hebraicarum peritiā , egregiaque in originale divini fœderis litteraturam merita præcipuò semper , ut par erat , loco ac numero habui. Itaque cùm prius ejus scriptum accepissem , calamum statim arripui , litterisque benevolentiae atque honoris plenis non tam mea defendere , quàm ipsi satisfacere sum conatus. Quod officium meum quanquàm aliter , quàm volebam , acce-

acceperit, ac in me iterum suò, an alieno animo obsecutus, insurrexerit; constitui tamen, quæ mea est in cò observandò constantia, quandò scripture non potui, illum certè silentiò demereri, & ex hac arenâ, quantum in me erit, deducere. Neque profecto ea inter nos controversia agitur, quæ vel ad Christianæ religionis fundamenta, vel ad eam, quam ego defendendam susceperam, Ecclesiarum nostrarum existimationem, atque innocentiam pertinere videatur. Non enim nostram aut in Principem pietatem, aut in susceptâ semel religione constantiam criminatur Muysius; neque eam, quæ apud nos in usu est, psalmi vicefimi versionem sacrilegii, aut perfidiæ postulat. Quin ultrò profitetur non videri damnandam; nimirum quæ sinè aliquâ Hieronymi contumeliâ damnari nequeat. Unum tantum est, quod reprehendendum putavit vir doctus, quod in hac causâ longius, quàm par erat, suò judiciò progressus, non modò nostrum, quæ accusabatur, versionem defenderim, sed Latinam etiam, quæ apud suos in usu est, ultrò laceßere, atque erroris insimulare non dubitarim; ut tota hæc quæstio in hoc unò sita sit, jure ne an injuriâ scripserim Latinam interpretem hic ab Hebræo discessisse; quod quidem quàm leve sit, quàm nullius propemodum momenti, satis vides. Sed quandò cupis cognoscere, quæ mea sit de secundo istò clariss. Muysii scriptò sententia, geram tibi morem (quid enim amico negare possim?) & rem totam quam acuratissimè fieri poterit,

Mayf. ep.
2. p. 15.

rit explicabo, Tota docti viri disputatio in tribus potissimum capitibus versatur. Vel enim quod ego a me depuleram immodestiae crimen, id confirmare studet; vel Latini interpretis versionem a meâ reprehensione vindicare, atque asserere satagit; vel denique in vera versûs Prophetici sententiâ investigandâ, atque exponendâ desudat. Ut ergo a primò ordiamur, negat vir doctus aliò me potius, quàm immodesti nomine appellandum fuisse, qui Latinam versionem erroris, ac peccati accusarim, ac (ut loquitur) *defectionis ab Hebraici textûs veritate*. Principio si benè memini, haud paulò mitiùs cum Latino interprete egi. Dixi discessisse ab Hebræo; *defecisse*, nunquàm quod equidem meminerim, scripsi. Jam hunc ejus, ut mihi quidem videtur, lapsus, non flagitium, non scelus, non perfidiam, non incitiam, non aliquid hujusmodi *παρὰ τὸν νόμον* qui multis mos est sed *errorem* appellavi; quò vocabulò nullum in hoc genere occurrebat lenius. Neque enim quam hic moveo Latino interpreti litem eâ de fide est, vel de veritate. Scio ejus hoc in locò sententiam neutrius rationibus adversari. Hoc tantùm affirmo, illius verba, quamvis sensum alioquin habeant pium ac rectum, tamen a veritatis Hebraicæ litterâ nonnihil discedere. Hoc verò si de Latinâ illâ Psal. norum versione absque immodestiâ dici nequit, fateor nescivisse nos hætenùs, quid esset modestia. Quid enim? An est illa versio sic ab omni parte pura, atque sacrosancta, ut nè levissimi

simi quidem erroris argui possit? Ego quidem, ut liberè eloquar quod sentio, modestiam in eò multò magis desideraverim, qui nusquam ab Hebræo Latinum in psalmis discessisse contenderit, quàm qui ab eò alicubi deflexisse dixerit. Nam satis constat hanc versionem, cujuscumque tandem sit, non ex Hebræo, sed ex Græcò Psalmodum codice, eoque interdum mendosò, fuisse expressam. Mitto sexcenta, in quibus Græci ὀδῆγς errore offendit. Sed an etiam in modestiam peccabit, si quis hunc interpretem ab Hebræo discessisse dixerit, quò locò *misericordiam uberem* reddidit, quod est in Hebræo יָשַׁן יָשַׁן - *oleum pingue*, deceptus, Ps. 91.
(Hebr. 92.) 11. ut palàm est, Græci ex quò sua expressit, codicis mendò; in quò pro ἐλαίῳ scriptum habebatur ἐλείῳ, ut est a multis animadversum? Quid dicam de locò in quo pro Hebræo יָשַׁן quod est *stillavit*, Latinus habet *dormitavit*? Quid de alterò illò, in quo pro Hebræo יָשַׁן *escæ ejus* scripsit idem *viduam ejus*, utrobique in errorem inductus mendò Græci codicis, in quò prior quidem locò pro ἵσταξαι *stillavit*, legebat ἐνόσταξαι *dormitavit*; posteriore verò pro θῆραν *escam*, legebat χήραν *viduam*, quod ab omnibus ferè recentioribus, & ab ipsò postremò Muysio observatum est? Ps. 118.
(Hebr. 119.) 28.
Ps. 131.
(Hebr. 132.) 15. Quod si modestus non est, qui Latinam illam Psalmorum versionem reprehendit, profectò damnandi mecum erunt immodestix viri harum litterarum facilè principes Hieronymus, Burgenfis, Galatinus, Pagninus, Vatablus, aliique innumeri, qui Latini

Burg.in
I. Sam.
23. 26.

ni σφάλματα summâ libertate notarunt, at-
 que castigarunt. Burgenſis quidem multò
 acrioribus, quàm ego verbis Latini aliquan-
 dò lapſum notavit, *Translationoſtra*, (inquit)
multùm deviat a veritate Hebraica. Non mi-
 tiùs cum eâ egit Galatinus, & alii. Ego
 verò eò iniquiùs immodestix poſtuloꝝ, quòd
 non ultrò, neque ex levi aliquò reprehē-
 dendi pruritu in hoc certamen deſcen-
 di, ſed provocatus immani adverſario-
 rum contumeliâ. Cùm enim illi oratione
 invidioſiſſimâ me, velut *omnium, qui un-*
quàm fuerunt, hæreticorum peſtilentiſſimum,
 apud Regem traduxiſſent, eaſque Eccle-
 ſias, quibus ego in opere Domini ſervio,
 ſummæ & in Principem impietatis, & in
 publicas leges proterviæ, & in res ſacras
 audaciæ atque amentix reasegiſſent, feci
 ego, quòd mihi per omnia divina atque hu-
 mana jura licere intellexi; graſſanti calu-
 mniæ, meque ac meòs omnes appetenti
 objici brevem apologiam. Ac ut intelligas,
 quam non modo modeſtè, ſed etiam humi-
 liter ac demiſſè in hac cauſâ ſim verſatus,
 cùm abundè eſſet, quò accuſatoꝝ reſta-
 liarem, abſtinui; non ultrà progreſſus, quàm
 neceſſe erat ad deſenſionem noſtram. Nam
 ut ea mittam, quæ in reliquâ accuſationis
 capita meritò regeꝝ poterant, in hoc certè
 non abſre mihi monendi erant, ut omiſſis
 extraneis in hominum ſuorum inſtituta ac-
 curatiùs invigilent, curentque acerrimi Ec-
 cleſiaſticarum pro Principis ſalute precum
 vindices nè poſthac cujuſquam Præſulis
 auctoritate expungantur Imperatoꝝ ac
 Regum

Regem nomina, quô locô ea in oratione Missarum solenni Papæ & Antistitis nominibus subjici solebant, moneantque fratres suos Augustanos, ac Duacenses Clericos, ut diram illam annotationem, quæ in Missalis rubricas apud eos edita est, refigant, in hæc verba conceptam; *Nominatis Papâ, & Antistite nè nominet (sacerdos) Imperatorem, vel Regem eò non pertinentes; Et notandum est Missalia illa, quæ in Canone post nomina Papæ & Antistitis habent Regem, vel Imperatorem, esse suspensa.* Hæc illi; quæ si vera sunt, necesse est fateri suspensa esse omnia Ecclesiæ Gallicanæ Missalia. Sanè in sacerdotum, & clericorum thesaurô antè paucos annos hîc editô habetur in hunc locum annotatio, quæ alteri isti Duacensi re-
 ctâ obvertit cornua, excertè præcipiens quod illa exsertè vetuerat; *Nominatis (inquit) Papâ & Antistite nominet Imperatorem vel Regem eò pertinentes.* An non æquum erat adversarios hanc inter suas de precibus pro Rege in Ecclesiâ concipiendis discordiam sanare, antequàm de nostrô psalteriô sata-
 gerent? Sed dolori nostro adeò non indul-
 si, ut nè hæc quidem, aliaque ejusdem ge-
 neris in accusatores rejecerim, quod ea, quanquàm vera, invidiosa tamen esse intel-
 ligerem. Hanc verò Latini interpretis re-
 prehensionem, quæ Muysio modesta non videtur, quâ ratione potui prætermittere?
 Accusamur ab adversariis, quod vulgarem apud ipsos psalmi 19. (al. 20.) sententiam, *Salvum fac Regem &c.* mutaverimus, ac vi-
 tiaverimus, eoque capitale crimen; & qui-

Direct.
 Sacerd.
 Annot.
 2. in c. 8.
 Rubric.
 gen. Miss.
 Duaci a.
 1631.
 P. 121.

a. 1632.
 apud
 Joa. Jos.

dem duplex, admiserimus. Obsecro te, nonne aut planè deferenda fuit hæc causa, aut defendenda, quam isti tam invidiosè criminantur, hujus versiculi mutatio? Quorum prius, cùm neque suscepti officii ratio, neque verò conscientia meæ sensus pateretur, necesse habui in hanc veteris interpretis versionem incurrere. Hanc itaque illius reprehensionem, non ab ullâ animi libidine, aut protervia, sed a summâ justissimæ defensionis vi ac necessitate profectam, nescio equidem quâ ratione, quo ve colore censorius ille vir, quem tacitò nomine memorat Muysius, immodestia damnandam pronuntiaverit. Quod verò videtur innuere satis mihi esse debuisse si *nostram versionem defenderem*, assentior; sed non video, quomodo nostram defendere, quæ a vulgari diversa est, potuerim, nisi hanc reprehendere. Nam cùm arguerentur nostri homines, quod a veteri discessissent, ad asserendam hac in parte eorum innocentiam, planè necessarium fuit ostendere habuisse illos idoneam aliquam a Latinò discedendi rationem, quæ profectò nulla fuit, si iste Hebræi codicis litteram accuratè expressit. Jam quod ad conflandam mihi invidiam dictum refert ab illò censoriæ dignitatis virò *me primum forsan esse mortalium, qui Latini interpretis versionem erroris hoc in locò damnavim*; miror hoc ei, si non est in hoc litterarum genere peregrinus, excidere potuisse. Nam nè longè abeam ipse ille Josephus Scaliger, quem mox laudat Muysius, & quidem eodem istò, quem citat, locò de
hoc

Muys.
ep. 2.
p. 15.

Ibid.

hoc versus agens, *Ελληνισταί interpretes*,
LXX (inquit) *ut in aliis infinitis; ita hic clau-* Scal. l. i.
dicant. Est autem Latini hic, ut ferè alibi, Epist.
 eadem quæ *ἡ* *LXX.* interpretatio. Ipse ^{13.}
 Augustinus Steuchus Eugubinus, quan-
 quam Papæ Bibliothecarius, non est veri-
 tus in hanc Latini versionem scribere in lo-
 cō, qui postea recitabitur, *Ordo lectionis He-*
braicæ secus habet; quod quid aliud est quàm
 id ipsum, quod ego dixi, *Latinum ab He-*
bræo discessisse? Sed quid ego Scaligerum, &
 Steuchum loquor? Quotquot sunt, qui
 hunc versiculum, aliter quam habet Lati-
 nus, interpretati sunt, ii mecum unà omnes
 pronuntiare censendi sunt eum ab Hebræo
 discessisse. Nam si aliter censuissent; quid
 causæ erat, quò minùs ipsi ejus versionem
 ut in aliis locis, sic in istò quoque sequerentur?
 Itaque si res benè putetur, non modò
 recentiores nostrarum, vestrarumque par-
 tium, qui Biblia ad Hebraismi fidem con-
 verterunt, huncque locum mutarunt, sed
 & ipse cum iis Hieronymus, Latinum hic
 erroris reum manifestè pronuntiarunt.
 Quod autem dictiss. Muysius se a me nota- May Sep.
 tum fuisse ait; quod viros illos nimis libere 2.p. 16.
 reprehendat, non hæc mihi mens fuit, quod
 ab illorum opinione atque judiciò hominì
 præsertim eruditissimo, & in his litteris ex-
 ercitatissimo discedere nefas putarem; sed
 quod is paulò iniquiùs mihi fecere videretur,
 qui quod sibi in Hieronymum permit-
 tit, & in alios doctrinâ, & probitate insi-
 gnes id ipsum aliis in Latinum psalmorum
 interpretem non vult licere, neque judiciò,

neque eruditione cum plærisque illorum (ut videtur) comparandum. Quæ quidem defensio tam clara est, ut mihi videatur Muyfius ab *immodestia crimine* (a quò eum tamen longè alienum esse scio) planè purgari non posse, quin & nos eadem operâ absolvamur. Sed de *immodestia crimine* hæc fortasse plùs satis, cum ipse Muyfius se alienò potiùs judiciò, quàm suò id in me vocabuli jecisse fateatur, testetur que ingenue se nolle maledictis certare.

Jam ergo causam ipsam ingrediamur, quæ ut commodè explicetur, mihi inprimis videntur distinguendæ, quos vir doctus in totâ hac disputatione permiscuit, hujus versiculi interpretatio, seu translatio, & ejusdem expositio. Aliud enim est orationem ex unâ linguâ in aliam transferre; aliud orationis sensum declarare & enarrare; Illud est interpretis, hoc commentatoris, aut paraphrastæ, qui hoc unò differunt, quod quæ paraphrastes breviter ac paucis exsequitur, ea commentatur fusiùs, & pluribus differit. Interpres ipsam auctoris (ut liquimur) *litteram* representat; paraphrastes de sensu tantùm laborat; ille verbum verbo reddit, quatinùs licet per linguæ suæ ingenium; hic multò liberius se gerit; Ille tropos & figuras, maximè insignes, & audentiores retinet, hic verò de industriâ immutat. Verbi gratiâ, nemo interpretem laudaverit, qui ista quæ apud Isaiam in illustri de

Is. 28. 16. Messiâ vaticiniò leguntur, *Ecce ego mittam infundamentis Sion lapidem, lapidem angularem, pretiosum, &c.* nemo inquam, interpretem

tem laudaverit, qui verba hæc mutata in signi illâ allegoria, quâ hic & alibi gaudet Spiritus Sâctus, sic reddiderit, *Ecce ego constituam in civitate Sion Regem, Regem fortem, &c.* Et tamen quis non laudet Chaldæum Paraphrastem, qui egregiè (ut mihi quidem videtur) & planè ad Prophetæ mentem hunc locum sic est executus, *Ecce ego constituam in Sion regem, regem fortem potentem, & terribilem, & corroborabo eum, & confortabo eum.* Ac tametsi nisi falsò dici non possit hæc paraphrasis ab Hebræo discedere; tamen si quis sumpto interpretandi munere eadem ratione, iisdemque verbis locum illum redderet, non puto ego quemquam negaturum hujusmodi versionem ab Hebræo discedere. Quæ præmonere visum est, nè Latinus psalmi 20. interpretes eò ab Hebræo non deflexisse putetur, quod ejus verba in eundem pæne sensum cum verbis Hebraïcis recidant. Hoc quidem ad eum a nostrâ reprehensione vindicandum sufficeret, si is non interpretes, sed paraphrastes esset; si nobis veritatis Hebraïcæ non versionem, sed exegetin polliceretur. Itaque quò de re totâ certiùs, ac liquidiùs statui possit, de utraque sigillatim dicimus; priùs quidem de Hebræi textûs litterâ; tum de ejus sensu. Ac de litteræ quidem vocabulis atque lectione nulla nobis est cum Muisiò controversia. Tantùm de vocabulorum, ex quibus ea constar, distinctione, & συλλαγή dissentimus. Putat enim vir doctus tertium hujus versiculi vocabulum (quod est *hammelech*) unò cum duobus præsidentibus spi-

ritu continuandum hoc modò, *Adonai hoschia hammelech*, quod est, si Latine reddas **D O M I N E** *serva Regem*; sequentia verò itidem simul efferenda, *jaanenu bejom Korenu, exaudiat nos in die, quò clamabimus*. Nos verò vocabulum *hammelech*, non, ut ille, cum duabus præcedentibus voculis, sed cum tribus postremis in unum orationis colon conjungimus hoc modò; **D O M I N E** *serva, Rex exaudiat nos in die, quò clamabimus*. Sic habet veritatis Hebræicæ littera; tum ex Muyssii, tum ex nostrâ lectione, atque distinctione. Latinus verò vetus interpres totum hunc versiculum ita reddidit, **D O M I N E**, *salvum fac Regem; & exaudi nos in die, quâ invocabimus te*. Ergo quæritur, utrum hæc ejus versio ab Hebræo codice defleat, nec-ne. Aio; negat clariss. Muyssius. Jam utrumque versiculi colon sigillatim excutiamus; Ac posterius quidem priori locò. Nam cum vir doctus ultrò concedat in Hebræo codicæ legi עֲשֵׂה - *exaudiet*, vel *exaudiat nos*, in tertiâ personâ, idque ipse novæ, quam edidit versionis margine annotandum duxerit, non video quâ ratione idem negare possit ab Hebræo discessisse Latinum, qui hæc eadem per verbum secundæ personæ in imperandi modò sic expressit, & *exaudi nos*. Leviculum est, quod copulam & de suò addidit. At profectò diversa sunt *exaudiat* & *exaudi*; siquidem persona secunda a tertiâ differt. Ad hanc sententię meę rationem quâ in factam in priori

Muyss. ep. epistolâ reliquerat, nunc respondit vir do-
2. p. 22. ctus Psaltem tertiam personam pro secundâ

dâ usurpasse per enallagen Hebræis familiarē. Mox de hac figurâ videro, an ea locum hîc habere possit, numque id efficiant adducta a Muyfiô exempla. Jam hoc tantum urgeo non fuisse boni, ac (ut Horatius loquitur) *fidi* interpretis hujusmodi schema mutare; & id a Latinô factum causari, nihil aliud re verâ esse, quàm quod contendo, eum videlicet ab Hebrææ veritatis litterâ discessisse. Nam siquid in istis intelligo, oratio figurata differt a simplici; nec potest usurpata a scriptore enallage immutari, quin ipsa quoque orationis species aliquatenus immutetur. Ipsum illud, quod ait *correxisse* interpretem istam personæ enallagen, quid aliud significat, quàm eum ab Ebraïsimo discessisse? Neque enim corrigi potest orationis alicujus contextus, nisi ab eô, quod habebat prius, aliquantulum discedatur. Sed ait *ita solere disertos interpretes*. Id quidem, quanquàm parce, neque nisi justâ & necessariâ causâ in profanis, si fortè auctoribus, concesserim; in sacris & *θεωρεῦσις* meritò illud festivissimi Poëtæ ad hoc argumentum traduxerim,

Nobis non licet esse tam disertis,

Qui musas colimas severiores.

Ipsè Latinus hujus generis enallagen, quanquàm suo (ut vult vir doctus) idiomatici insuetam, minusque aptam, serè tamen alibi retinet; quod vel ostendunt plura ex iis locis, quæ ipse ad exemplum selegit; Ut psal. 18. 30. *Quoniam in te eripiar a tentatione, & in Deô meô transgrediar murum.* & psalmo 22. 26. *Apud te laus mea in Ecclesiâ magnâ.*

Vota mea reddam in conspectu timentium eum.
 Itaque si vel hic locus similem enallagen
 admitteret (quod non videtur conceden-
 dum) eam tamen Latinus in suâ editione
 fideliter repræsentare debuerat ; quod
 cum non fecerit, quis non intelligit eum
 ab Hebræo hætenus discessisse ? Neque
 verò aliud volui (quod vel mea verba præ
 se ferunt) quum in calce ejus epistolæ,
 quam ad Muysium dedi, scripsi ipsum, dum
 monuit Hebraicè in tertiâ personâ habe-
 ri quod Latinus per secundam expressit,
 eò luculentissimè confessum esse Latinum
 ab Hebræo discessisse ; ut nullam ille ha-
 beat mecum expostulandi causam, quod
 aliorsum ejus verba traxerim, *quasi ea asti-
 pulentur nostræ versioni.* Atque hæc quidem
 hætenus. Nunc ad prius Prophetici versicu-
 li colon accedamus, de cujus litterâ no-
 bis non solum cum Latinò interprete, sed
 etiam cum ipsò Muysio controversia est. Is
 enim contendit, & antea jam diximus, tres
 primas hujus versiculi voces unò Spiritu
 continuandas ; quod si obtinuerit, hæte-
 nus profectò interpres Latinus minimè ab
 Hebraïsmo discesserit, qui ista planè ad
 Muysii mentem sic reddidit, *DOMINE*
salvum fac Regem. Nos Hebraicè putamus
 aliter interpungenda, ut primæ duæ voces,
DOMINE serva, prius versiculi colon
 constituent ; reliquæ posterius impleant,
Rex respondeat nobis quo die clamabimus. Ac
 hujus quidem interpunctionis manifestas
 habemus rationes, easque, ut in hoc re-
 rum genere, idoneas. Primùm in omnibus He-

Mayf.ep.
 2. p. 32.

He-

Hebræis codicibus ad vocem , non tertiam, sed secundam appicta est distinctionis notula Athnach , quæ tertiam proindè vocem a prioribus divulsam sequentibus annectit. Nondum enim probavit vir doctus (quod mox demonstrabitur) ullam esse hujus loci propriam , peculiarem causam , quæ isti accentui suum distinguendi officium hic abroget. Sed nequis putet (quod Muy- p. 5. 17. sius in utraque epistola existimasse videtur) nos , & qui nobiscum sentiunt solâ illius accentûs notula adductos fuisse in eam sententiam ; observandum est jam tum cum nulli apices in Hebræorum codicibus haberentur , sic tamen distinctum fuisse hoc comma a viris longè gravissimis , atque doctissimis. Nam & Syrus interpres , & Chaldæus Paraphrastes , & qui Muyfio *instar omnium est* , Hieronymus sic distin- Ibid. p. 5. xerunt. Hieronymô , & Paraphraste fate- Ibid. p. 4. 18. tur Muyfius. De Syrô , quem & ipsum objeceram , tacet. Is autem , quin ita distin- xerit , dubitari non potest , qui hunc locum sic reddit , *DOMINVS liberavit nos , & Rex noster exaudiet nos in die , quâ invocaverimus eum.* Jam satis constat tres istas scripto- res ante inventas a Massorethis Hebræicarum vocalium , ac notularum figuras vi- xisse. Nam communis ferè est doctorum sententia , luculentissimè a reverendô vi- rô L. Cappellô propriô opere demon- strata , puncta illa quæ vocant Hebræi- ca nonnisi ferò , & aliquot post Chri- sti manifestationem sæculis , jam extin- ctô Hieronymô , in usu esse cœpisse. Ita-

que cùm tres isti scriptores, etsi puncto-
rum inventione & usu antiquiores, Hebraï-
cum tamen textum perindè ac nos, distin-
xerint; apparet non ex figurâ *ל* Athnach
Hebræis codicibus appositâ ortam es-
se hanc sacri textûs distinctionem (quod
Muysius suspicari videtur) sed planè con-
trà ideò hîc a Massorethis appositum fuisse
Athnach, quod hæc versiculi distinctio jam
antèa apud Hebræos solennis esset. Nimi-
rum sic legendum, atque distinguendum
esse hunc versum aut acceperant a majori-
bus, aut ipsi certis rationibus intelligebant,
quas nos jam ideò fortasse non animadver-
timus, quod Hebraïsmi (id est linguæ jam-
pridem mortuæ, & in usu populi desitæ &
cujus paucissima supersunt vera, ac sincera
לשון קדש) admodum exiguam cognitio-
nem habeamus. Utcumque sit, non est veri-
simile Hieronymum, virum (quod omnes
fatentur) longè doctissimum a vulgari, quæ
ipsius temporibus obtinuisse videtur, versio-
ne hoc locò discessurum fuisse, si ea cum
Hebraïsmò, quod vult Muysius planè con-
censisset, maximè cùm ille haberet propo-
situm sacra Biblia ex Hebræo convertere.
Hoc si vel unum esset, conficit Hieronymi
temporibuseam, quam nos sequimur, He-
bræi contextûs distinctionem jam in usu
fuisse. Atque hîc opportunum videtur ea
considerare, quæ Muysius pro adversâ, id
est suâ, sententiâ attulit. Nobis objicit tum
Arabem, tum Latinum interpretes, maxi-
meque LXX. seniores, qui hunc versum
omnes aliter distinguunt: miratur, quid sit
quod

quod viri graves ab istorum auctoritate discesserunt. Ego verò primùm respondeo unum esse hoc, quodcumque est testimonium, non triplex. Nam & Arabs, & Latinus iidem LXX. sunt, sed apud illum Arabicè, apud hunc Latinè loquentes. Utramque enim versionem, non ex Hebræo, sed ex Græcò expressam esse, & docti omnes quos quidem vidi, consentiunt, & res ipsa loquitur. Siquis dubitet, conferat horum interpretum versiones cum Hebræi, & Græci codicis verbis; maximè verò, ut ex infinitis pauca colligam, Psalm. ut isti numerat, 28. 1. 6. & 41. 5. & 59. 10. & 71. 14. & 83. 12. & 87. 11. & 89. 9. 10. & 109. 4. & 139. 17. 18. & 140. 8. 9. clarissimè comperiet non ex fonte, sed ex ῥῶν LXX rivò deductos fuisse, hos duos rivulos; quod de Latinò propriè evincunt illa ejus σφάλματα, quæ ex Græci codicis mendis nata suprà memoravimus, Genebrardus sanè, qui minimè omnium noster est, in Psal. 131. (Heb. 132.) ait versum illius psalmi 15^m. a Latinò fuisse ex Græcò interpretatum inconsultâ veritate Hebraicâ. Superest ergo unum ῥῶν LXX (quos vocant) testimonium; Quibus primò opponimus Syrum, ipsis longè antiquiorem ex Gabrielis Sionitæ sententiâ. Nam cùm sacra biblia Seniores LXX. Ptolemæo regnante ex Hebræo transfulisse dicantur, Syrum ipsis Salomonis temporibus (hoc est annis 700. & ampliùs antè Ptolemæum) suum hoc opus confecisse vult Gabriel, & quidem ipsius Salomonis jussu, qui Biblica, quæ quidem

Gab. Sionita Prefat. in Psal, Syr.

dem tum extabant, volumina pſcenti Hiram, Tyri regulo Syricè verſa donò dederit. Quod ſi vir doctus hac tam longè repetita incerta eſſe, fabulæque propiora cauſetur (tameſi Gabrieli aliter viſum ſit, qui ea Syri quoque ſcriptoris non contemnendi testimoniò confirmavit) ego quidem non valdè repugnabo; dummodò quæ de LXX jactantur, ea ejusdem quoque eſſe cum iſtis farinæ mihi concedat; imò haud paulò etiam abſurdiora. Utraque hæc hiſtoria dicam, an fabula, unà aut ſtare, aut cadere debet. Si ſtant, noſtra potior eſt, quia antiquior. Si cadunt nullum ergo noſtræ diſtinctioni ab illâ, quæ oſtentatur, *ſc̄v* LXX. auctoritate præjudicium. Neque hic locus eſt demonſtrare, quàm ab omni parte laborent, quæ de inani Græcæ hujus verſionis divinitate & diù olim credita ſunt & etiam nunc narrantur. Neque ſanè neceſſe eſt eò digredi, quando nobis non cum Morinò, aut cum aliquò de iſtò pervicacium grege res eſt, ſed cum eo viro, qui fumos illos & magnâ animi fortitudine contempſit, & ſingulari eruditione diſcuſſit; quique iſtius verſionis apotheoſin adeò non probat, ut penè relinquat in dubio ullam-ne jam *ſc̄v* LXX verſionem habeamus; illud certè cum Bellarmino fatetur ita corruptam eſſe & vitiatam quæ nunc eo nomine circumfertur, ut ea omninò alia eſſe videatur. Pſalterium quidem certè doctus nemo negaverit mendis prope modum innumeris ſcatere, & ſit interdum ab Hebraiſmo abire ut planè alium teputes

Mayſ.
Affert.
alt. Hebr.
Ver. p. 26.

res auctorem legere. Quâ de re si quis dubitat, adeat quæso, eadem illa loca, quæ paulò antè ex Arabicâ, & Latinâ versione annotavimus, eaque pro ut a Græco sunt expressa, cum Hebraïcis comparet. Mirabitur tam immanem esse posse interpretis a suo auctore diversitatem. Quæ cum ita sint, quis non intelligit quàm iniquum sit Græci auctoritatem Hieronymi testimonia hac in parte opponere? Id verò minùs fortassè iniquum foret, si Hieronymus unus esset istius distinctionis testis. Sed cum eam præter Hieronymum Syrus quoque & Chaldæus apertissimè confirmant, ac sequantur, nimium quàm injustè facere mihi videntur, qui tribus, iisque locupletissimis testibus unius, ejusque non unâ de causâ suspecti fidem anteponi cupiunt. Atque hæc quidem satis (ni fallor) vincunt Hebraïci textûs litteram omninò eam esse, quam diximus, *DOMINE serva; Rex respondeat nobis in die, quâ clamabimus*. Undè porrò evidenter sequitur, quod ego in nostræ versionis defensione affirmare non dubitavi, Latinum interpretem ab Hebræo discessisse. Sed quoniam Muysius de hujus litteræ expositione multa dixit, in quibus potissimum causæ suæ firmamentum collocare videtur; age & hanc partem deinceps consideremus. Nam quanquàm periculosum putem versiculi distinctionem idoneâ veterum aliquot testium auctoritate, adhæc originalium exemplarium consensu confirmatam ac constitutam

Ep. 2.
P. 17.

Ep. 1. 1.
epist. 13.

Ps. 118.
25.

tam commodioris expositionis specie sollicitare ; tamen non abnuo ; quin nostra hæc immutetur, si modò ea sensum, aut nullum, aut incommodum, aut vatis in hoc psalmo menti haud satis congruum fundere demonstraretur. Vir doctus cum reliquis pænè omnibus interpretibus existimat hoc canticò nihil aliud,quàm votum pro salute Davidis ad bellum proficiscentis contineri. Scaliger verò putat *ευχαριστικὸν* esse, & *παυλικόν* hoc carmen preceique populi, quæ hic habentur, eas *μνηστικὰς* partâ jam victoriâ referri. Utrum sit verius nihil nunc quidem nostra interest, cùm sensum utriusque hypothese satis aptum fundat littera Hebraïca, sic ut a nobis distincta est. De Scaligeri sententiâ nihil dicam, ad quam nostra hæc distinctio bellissimè quadrat. Eam modò a suâ, communique aliorum abludere contendit Muysius. Ac priùs quidem versiculi colon intactum præterit. Neque enim ignoravit vir in his litteris eruditissimus verbum *hoschia servare* apud scriptores sacros sic interdum absolutè usurpari non expressò subjecti, quod servatur, vel servatur nomine ; ut psal. 12. 2. *Serva Domine; quoniam defecit justus sive beneficus*. Et illud e psalmò 118. planè hujusgeminum; *Obsecro DOMINE serva*, vel (ut hic vertit Scaliger) *salutem præsta* ; quod vocabulum vulgare fuisse apud Hebræos, quotiès aut Regi, aut sibi, aut toti Reip. bene precarentur satis probat illa plebis in Evangelio acclamato, quâ Christo Hierosolymam ingredienti hæc ipsa verba succinunt,

Ho-

Hosanna (id est *serva quæso*) *Filio David*; *Hosanna in altissimis*. Jam quibusnam aliis com- Matth. 21. 9.

modioribus verbis solennem hanc suam pro Rege, totaque Republicâ precationem claudere poterant Hebræi, quàm istis *D O M I N E serva*? Exere tuam illam salutarem dexteram, quæ omnia mala averruncet, hostes fundat, Principis ac civium capita & fortunas ac dignitatem inter tot discrimina, quibus obnoxium est miserum mortalium genus, providentiâ suâ contervet. Sic enim malim indefinitè atque universim hoc verbum, quod absolute positum est, ad omnes Israëliticæ reip. partes referre, quàm ad unam aliquam seorsum; cum non unius, sed omnium incolumitate civitatis dignitas & salus contineatur, quæ sive Rege, sive populò laborante valere non potest. Sed quod sequitur, id verò vellicat Muiſius, *Rex exaudiat nos quò die invocaverimus*. Nam Regem neque de Deo, quod plærisque placuisse ait, neque de Davide, quod nobis, accipi posse pertendit. Ac Deum quidem eò nomine hîc significari negat, quia non nimis solenne est (inquit) Hebræis litteris regem absolute & sinè adjuncto quopiam pro Deo usurpare. Cauta sanè ratio; ac nimio temperamentò dilata. Quid enim? Non licebit hîc *Regem* pro Deo sumere, nisi id vocabulum eo sensu apud Hebræos nimis solenne sit? Non erit ad eam rem satis, si vel solenne sit, vel certè non omninò infrequens? Nos quidem istam expositionem minùs commodam arbitramur; sed tamen a clariss. Muiſio labefactari posse non putamus.

Ep. 2. p. 18.

tamus. Nam si quod ille tantoperè contendit *jaanenu* per enallagen hic positum est pro *taanenu*, *exaudiat*, pro *exaudi*; consequens ut fateatur *regem* commodissimè in secundo orationis colo *eum* significare, qui in priori DOMINUS nominatus erat, hoc modo, *Serva o DOMINE*, *exaudi o Rex*. Nimirum ut unus idemque sit, qui primo יהוה DOMINUS propriè; mox *Rex* attributivè vocetur. Gaudet enim Psaltes (quod & Salomoni & cæteris Prophetis solenne est) rem eandem alio, atque alio vocabulo in diversis unius periodi partibus efferre. Itaque quamquàm *Regis* nomen solitarium pro Deo usurpari rarum est & fortassè omninò inusitatum; hic tamen cùm præcesserit, & quidem statim nomen tetragrammaton, quod Dei proprium est, nihil verat quo minùs hoc *Regis* attributo idem ille Deus, qui proximè nominatus erat, intelligatur; cujus rei exemplum occurrit psal. 99. 3. 4. hujus geminum, quo loco Psaltes Deum יהוה על compellans sic loquitur, *Confitebuntur nomini tuo magno & terribili; quod sanctum est; & fortitudo Regis judicium dilexit*. Confessum est apud plærosque, interpretes *Regem* hic intelligi, qui paulò antè יהוה Dominus dictus erat. Vides ergo si locum habeat illa, quæ Muysio placet enallage, planè subverti non posse hanc plurimorum interpretum sententiam *Regis* nomen hic de Deo exponentium. Nobis verò quibus ista enallage dura, atque insolens videtur, neque illa sanè vocabuli *regis* expositio admodum probatur. Nullum enim locum hactè-

hactenus reperi, in quô *regis* nomen nudè & solitariè, ut hîc positum, Deum directè, ac ut loquuntur, formaliter significaret. Sed neque de Davide aut ullô aliô mortali Principe accipi posse *Regis* nomen in illâ quam sequimur, Hebrææ litteræ distinctione, contendit vir doctissimus, idque duplici de causâ; quarum una ipsius est, inde petita, quod sic sensus Prophetæ affingitur nimis subitus, imò coactus & violentus, ac præter ejus mentem. Alteram mutuatus est a nostrô Felinô, id est Bucerô, qui *regem* de Davide non audet exponere, eò quod hîc positum respondendi & annuendi verbum מַשִּׁיכִי soli ferè Deo precibus suorum annuenti in Psalmis ubique tribuatur. Sed hæ rationes (pace viri docti dixerim) levissimæ sunt. Nam, ut hinc ordiar, neutra acutissimam, verique simillimam Scaligeri expositionem ferit; qui statuit totum hunc psalmum esse amœbæum; ac in prioribus quidem sex versibus populum loqui; in septimô ac duobus sequentibus Regem; ultimum denique populi rursùm esse, qui post Regis responsionem carmen totum suavissimâ oratione concludat Dominum, summum Regem obsecrans, ut adsit propitius, eamque salutem præstet, undè Rex possit Deo εὐχαριστῶν, populoque vota pro ejus salute nuncupanti, ut nunc, sit aliàs quoque succinere. Hæc, ut vides, psalmi exegetis concinna est, atque elegans: quam si admittimus, concidunt allatæ a Muiysiô rationes. Nam neque hic consortium quicquam aut violentum

Muyf. p.
19.

apparet, & ea quæ verbo *ana* tribuitur *succinendi* atque in cantu amœbeo respondendi significatio tam est omnibus nota, ut probatione non indigeat. Sed neque mihi videntur illæ clar. Muyſii rationes adversus nostram, id est Calvini & multorum de nostris, expositionem, quàm adversus Scaligeranam, efficaciores. Nam quid hîc amabo, subitum aut violentum est, si populus Regi suo fœlicia, ac fausta omnia comprecans, id postremò a Dominò petat, ut Rex suorum civium vota, preces, ac (ut vulgo loquimur) supplicationes (id enim significat *clamare*, cùm qui laborat opem potentiorum demissè poscit) facilis, atque benignus exaudiat? Nonne in eò sita est summa Principum fœlicitas, ut subactis triumphatîsque hostibus, pace domi forisque partâ, bonitatem suam spargant atque effundant in subditos? oppressos sublevent? nullius spernant lacrymas? votisque ac desiderîis universorum fatisfaciant? & quod alibi elegantissimè canit Psalter, *parcant pauperi & inopi, animasque pauperum salvas faciant?* Equidem non video, quid Regi majus aut divinius optare possit pia, ac fidelis illa plebs, cùm ista gloria, & gazis Indorum, & veterum atque recentium Imperatorum triumphis longè sit potior. Neque verò est, quod viros doctos ab hoc sensu deterreat vocabulum *ana*. Est quidem illa vox ampla & magnifica, fateor, quæque de Deò multò quàm de hominibus frequentiùs usurpatur. Sed neque modica sunt, quæ de Regibus prædicare solet Scriptura, ut etiam quandam

Psal. 72.
13.

dam ipsis divinitatem tribuere non sit verita. Nemini ignotum est illud Prophetæ, *Ego dixi, Dii estis*; quod e Ps. 82. 6. etiam a Dominò Jesu usurpatum fuisse legimus. Cum ergo Scriptura ipsum Dei nomen, Joan. 10. 34. quò nihil dici potest augustius, Domino cum Principibus commune esse voluerit; nemini mirum videri debet, quod interdum etiam ea ipsis vocabula tribuat, quæ alioquin significandis summi Numinis actionibus potissimum consecrata videantur. Lege psalmum LXXII. Fateberis nihilò esse hoc verbò inferiora quæ istic de Rege dicuntur. Sed quid ego in istis diutius immoror? Quanquam enim verbum *ana* de Deò potissimum ac sæpissimè certum sit; constat tamen non sic esse ejus proprium, ut non interdum rebus etiam creatis tribuatur. Qualiter apud Hoseam ele- Hos. c. 2. 21. 22. ganti sanè ac illustri inprimis metaphorâ cœli terram, terra triticum, vinum, & oleum, & hæc postremò Iesrahel *exaudire* dicuntur; cujus generis, quamquam in diversissimâ linguâ, illud est apud excellentissimum Poëtam,

Vt quamvis avido parerent arva colono.

Cum itaque ipsa illa, quantumvis muta atque inanimata, corpora nos tamen dicantur *exaudire*, quotiès benignè atque affatim ea nobis suppeditant in quorum usum a Deò Opt°. Max°. creata sunt; quid-ni Psalti quoque licuerit idem dicendi genus de Rege usurpare, eorum omnium instrumentorum longè præstantissimò, quibus Deo ad generis humani salutem atque incolumi-

tatem tuendam uti libuit? Sed neque te ce-
 labo videri Prophetam peculiarem quan-
 dam habuisse hujus vocabuli potissimum
 hic usurpandi rationem; quò nimirum le-
 ctiores moneret ipsa sensus istius amplitu-
 do, atque majestas altiùs attollendos es-
 se animos, deque primariò illò ac supre-
 mò Rege, nimirum Christò, cogitandum,
 cujus David rudis tantum, atque imperfe-
 cta effigies fuit. Quod enim hic psalmus
 Davidi rectà, ac primariò convenit, id ni-
 hil prohibet, quominus ad Christum quo-
 que mysticè referatur. Nam cum David
 Christi typus fuerit, idque potissimum, qua-
 tenus Rex Israelis, quæ de Davidis impe-
 riò dicuntur in scripturis ea ad Christum
 quoque pertinere, judicanda sunt. Jam in
 hujusmodi locis, solent divinitus sacri isti
 scriptores sublime aliquid, humanaque
 majus fastigio orationi inspergere, quod
 personis ac rebus terrenis vix, ac nonnisi
 per violentam aliquam, & inusitatam ex-
 positionem possit aptari, quo lector, ipsâ
 illâ difficultate admonitus, intelligat hoc
 Dei fuisse consilium, ut ipsa ad argumen-
 tum sublimius referantur; idque faciliè
 observabis si Psam. II. & XVI. & LXXII.
 & plerosque alios mysticos sedulò & at-
 tentè legeris. Hoc itaque spectasse Spi-
 ritum Sanctum in hoc ipsò de quo agi-
 mus loco, ego quidem arbitror, dum Re-
 gi quem celebrat magnificum illud *exau-*
diendi verbum accommodat. Nimirum eo
 significare voluit, aliquid Davide majus
 se habere in animo, ac Davidem quidem
 pin-

pingere, sed Christum, verum Davidem in illâ imagine intelligere. Satis jam vides, Ornatissime N. quàm non modò non violentus, abruptus, aut contortus, sed quàm congruus, ac undequaque consentaneus sit sensus, quem fundit Hebraïcæ veritatis littera, prout ea a nobis legitur ac distinguitur.

Jam & illum, si placet, excutiamus quem eadem reddit prout ea a Clar. Muyfiò accipitur. *DOMINE saluum fac Regem, & exaudi nos in die quâ invocaverimus.* Primum hoc habet hæc littera incommodi, quod uni sensui, eique (ut mox videbimus) non optimo affixa, ac velut adstricta sit. Nostra autem é contrà largum, ut sic dicam atque amplum sinum lectoribus exporrigit, ut eam liceat in varios sensus diducere, perindè ferè ac ipsa verba Hebraïca. Nam & salutem, quam uni Regi illa addicit, hæc ad universos, id est tam ad Regem, quam ad populum referri patitur; & illam quam Latinus uni Deo tribuit *exaudiendi* potestatem, nostra vel ad Deum, vel ad Regem pertinere finit. Atqui quò amplior & capacior est Scripturæ versio eò textui originali proprior atque similior, proindeque melior ac laudabilior censenda est. Quò mirari subit recentiorum quorundam concilium, qui sic versiones suas effingunt, ut unum, quem ipsi sequuntur, sensum (non sanè semper optimum) capere queant, quasi de industriâ Spiritum Sanctum in angustias agere, & quæ ille libera ac saluta esse voluit, isti contrà servire ea at-

que ancillari in unô velut ergastulô velint. Si nihil aliud nostra interpretatio haberet precipui, hoc vel unum dignam reddit, quæ (alterâ explosâ) recipiatur. Sed & aliud est longe gravius. Nam (ut semel edam quod jamdudum parturit animus) nè litteræ quidem Hebraicæ, sic-ut eam accipit ac distinguit Muyfius, convenire videtur ille sensus, quem Latinus expressit: Nam datâ, non concessâ, quam ponit hujus versiculi distinctione *DOMINE saluum fac regem; exaudiat nos in die quâ invocaverimus*, quis non videt supplendum non remotius *Domini* (quod vult vix doctus) sed propius *Regis* nomen, hoc modô *exaudiat nos*, nimirum Rex non autem Dominus. Itaque & Chaldæus cum verbô *exaudiendi* (quod liberius, ut in paraphrasi, per secundam personam expressit) *Regem* in vocandi casu construxit. Sic etiam Hieronymus in vulgatis versionis ipsius exemplaribus *Rex exaudies nos*. (In vulgatis dico. Nam refert Lorinus Trovetum in 3^a. personâ juxtâ Hebræum legere, *Rex exaudiet*; quod itidem in MSS^o. Hieronymianæ versionis exemplari legisse se & annotasse testatur vir clarissimus atque humanissimus, quem honoris causâ nomino, D. de Cordes) Eadem mens est Commentariorum in Psalmos, qui Hieronymo quamquàm perperam tribuuntur, quosque hic laudandos putavit Clar. Muyfius. Istorum enim autor observat in Hebræo scriptum esse, *DOMINE saluum fac Regem, qui exaudiat nos &c.* Planè sic accipiendus locus, si certum est, quam nos

defen-

defendimus, vexam ac genuinam ejus distinctionem aspernari. Nomen *Regis*, non *DOMINI* supplendum est antè verbum *exaudiat*; 1°. quia propius. 2°. quia cum eò verbò persona convenit (est enim utrum- 3°. personæ) quamquam casu non convenit. *DOMINI* verò nomen & remotius est, & non modò casu, sed & personâ ab eò disconvenit. Nam cùm sit in vocandi casu, est secundæ personæ; verbum autem *exaudiat* tertiæ. Quæ verò vir doctus indicat, exempla, ea videntur aliena. Primum est è Psal. CIX. 15. *Sint coràm DOMINO semper, & succidat é terra memoriam eorum.* At istic unicum præcedit nomen, idque in 2^{do}. aut sextò casu positum, ut dubitari non possit, quin sit ipsum antè verbum *succidat* supplendum. Alterum est è Psal. CXVI. 16. *Vtique DOMINE quia ego servus tuus, ego servus tuus, filius ancillæ tuæ, solvisti vincula mea.* Sed in hoc versiculò nihil planè video quod horsùm faciat. Jam quam hic molitur enallagen 3°. scilicet personæ pro 2°. usurpatæ, ea verò quomodò stare queat, non capio. Scio in scripturis ab unâ personâ ad aliam sæpissimè transitum fieri. An ideò licebit ubicumque libuerit, 3^a. personam accipere pro secundâ? Nam si id licet hoc locò, nullum equidem scio, quò id licere non debeat. Quæ verò attulit vir doctus exempla, nihil habent cum nostrò hoc commune. Primum exstat Psal. XVIII. 29. 30. *Quoniam tu illuminas lucernam meam. Dominus Deus meus illuminat tenebras meas.* Item, *Quoniam in te perfregi turmam, & in Deo meo transilii*

murum. Nihil in istis difficile. Nam cùm in 2^{da}. orationis parte disertè expressum habeatur nomen DOMINI ad quem in præcedente verbum 2^a. personæ manifestissimè referebatur, quis non videt de eodem subjecto sub variis personis sermonem esse? Idem esto iudicium de sequentibus exemplis; quorum primum extat Ps. XXII. 26. *A te laus mea in congregatione magna. Vota mea reddam in conspectu timentium eum.* Alterum ejusdem psalmi Ps. 28. *Reminiscuntur & convertentur ad Dominum universi finet terræ, & adorabunt in conspectu tuo universæ familie gentium.* Nam in priori quidem locò, quem primò compellat Psalter in 2^{da}. personâ, eum mox, per relativum 3^a. personæ designat. Posteriori verò contrà, de quò primâ orationis parte loquebatur in 3^a. personâ, mox ad eum ipsum convertit sermonem in 2^{da}. Breviter nullum a virò docto exemplum adductum est, in quò diversarum personarum nomina non sint disertè expressa, ut nulla difficultas subesse possit. At in hoc Ps. xxⁱ. de quò agitur versiculò alia omnia; in quò neque ullum nomen aut pronomen antè verbum *dominus* expressum habetur, quod ad DOMINUM referri possit, ex inter ipsum verbum atque DOMINI nomen, ex quò supplendus hujus verbi nominationes putatur, aliud (nempe Regis) nomen intercedit; quò fit ut violenta, coacta, ac planè singularis sit illa, quæ hic statuitur enallage. Atque hujus discriminis vel hoc esto argumentum, quod si illa exempla, quæ vir doctus attulit, Latine proponantur nihil

nihil immutatâ Hebræi sermonis structurâ, nemo sit qui non statim intelligat in iis subesse personæ enallagen; in hoc verò versiculô, si ut habetur in Hebræô ita efferatur *DOMINE serva Regem, exaudiat nos in die qua clamabimus*, nemo sit futurus, qui suspiceretur vel *exaudiat* positum esse pro *exaudi*, vel *DOMINI* nomen supplendum antè verbum *exaudiat*, ac non potiùs putet id verbi ad *Regem* referendum. Cùm igitur ea quant sequimur, Hebræi textûs littera & vetustissimorum scriptorum Syri, Chaldæique intetpretum, ac Hieronymi testimoniô confirmetur, prætereaque sensum sensum fundat commodissimum, minimè dubitandum videtur quin ea vera ac genuina sit; Undè porrò consequitur Græcum, Latinumque interpretes qui ab eâ discessissent, *ab Hebraismo discessisse*, eoque longiùs quod non tantùm ab istius litteræ interpunctione, sed & ab ipsô quem ea fundit, sensu deflexerunt.

Ex quibus jam te satis intelligere arbitrator, primùm quidem quàm non modò sæva & inhumana, sed etiam inepta atque ridicula fuerit illorum hominum calumnia, qui nostros quod in suâ Bibliorum versione Latinum hic minimè sibi sequendum putarunt, accusare apud Regem, veluti divinæ atque humanæ majestatis perduelles, ac penè ad supplicium ob tam grande scilicet scelus deposcere ausi sunt. Sed & illud, nisi fallor, peripicis, immeritò notatam fuisse a doctô virô modestiam meam, five ex suô, five ex alienô judiciô, eò quod scripserim

Muyf. p.
5. 15.

vulgatam editionem hic *ab Hebræa discessisse*.
 Postremo denique ex his vides nullam ipsi
 mirandi causam fuisse, quod viri nostrâ
 & patrum memoriâ longè doctissimi ve-
 strarum quidem partium Fœlix, Pagninus,
 Vatablus, Cajetanus, Guidacerius, Isidoxus,
 Clarius, Arias Montanus, alii; nostrarum
 vero Calvinus. Junius, Beza, Scaliger, ac
 (paucis exceptis) reliqui omnes, Hebræam
 hujus versiculi litteram sic, ut diximus, di-
 stinguendam ac reddendam, consentienti-
 bus omnibus Hebræorum magistris, existi-
 maverint. Quamquàm vel ipse tot homi-
 num religione ac studiis tam inter se diffi-
 torum mirabilis hac in re consensus satis
 monere poterat momentosum aliquid fuisse
 quod eos istuc impulit. Neque enim ve-
 risimile est viros graves, ac doctos temerè,
 nullaque certâ ac firma ratione in id con-
 sensisse. Hic vero Clar. Muyfius ex eorum
 numero, quos sententiæ meæ testes in scri-
 pto Gallico adduxeram, duos eximit Cla-
 rium, & Compensem. Illum enim negat
 vulgati interpretis sententiam rejecisse; hunc
 vero nostram vel memorasse. Sed ego Cla-
 rium nusquàm (quod meminerim) scripsi
 vulgati interpretis versionem rejecisse, aut
 improbasse simpliciter. Tantùm affirmavi
 eum versum hunc sic ex Hebræo reddidisse,
DOMINE serva, & Rex exaudiat nos,
&c. quod usque adeo verum est, ut Lori-
 nus ipse; inter Jesuitas non postremi nomi-
 nis, in spissâ illâ, quam in Psalmos edidit,
 Commentariorum farragine, dum varias
 hujus versiculi interpretationes refert, ex
 Cla-

Ep. I. P.
10.

Clario eadem quæ ego, verba citaverit. Cæterum non nego virum istum (sive aliquâ in Latinam editionem religione, tum quod vetustissimam, tum quod receptissimam esse videret, sive quod errores, modo non momentosos, ferendos potiùs, quàm corrigendos putaret) & hic & alibi sæpe ea retinere, quæ tamen ab Hebræismo abludere non nescit. Cùm itaque id ipsum hoc loco observarit, qui qui sit ejus de aliis sensus, nobis certe hætenùs testimonium dicit, quod Hebræi codicis eandem quam nos repræsentat sententiam, eoque fatetur Latinum, cujus diversa est interpretatio, *ab Hebræo deflexisse*. De Campensi non dissimulo paulo indiligentiùs me in eo versatim gratiamque viro docto & habeo, & ago ex animo, quod me leniter & Christiane eâ de re monuerit. Codicem habuimus in quo unà cum Campensis paraphrasi Psalmorum é regione excusa erat eorundem Latina versio; quam nos, cùm nullum alterius auctoris nomen adscriptum esset, Campensis quoque fuisse, solâ illâ tituli specie inducti, putavimus. Quod si ejus non est, inducatur hoc testimonium; sed ita tamen ut pro uno illo teste, eoque satis obscuro tres alii clarissimi reponantur, Justinianus Nebiensis episcopus, Faber Stapulensis, & Baptista Folengius Monachus. Nebiensis quidem in suo Psalterio hunc locum sic ex Hebræo expressit; *Deus salva; Rex responde nobis in die invocationis nostræ*. Faber autem refert Hieronymum distinctionem fecisse post *salvum fac*, ut hic Psalter pro se & Iudæis oret; Christo vero

Psa. Neb.
excusiv.
Gionæ.
15 16.

Fab. in
Psal.
quintup.
ps. XIX.

exau-

Foleng.
in Ps. xx.
Lat. xix.

exaudiendi gloriam tribuat, huncque sensum eo diviniorem esse ait, quem LXX. tradidere. Folengius denique postquam Latini interpretis litteram edisseruit, Verum (inquit) longè secùs Hebraei. Ajunt enim, Serva ô D O M I N E. Rex respondebit nobis in die qua clamabimus. Tum subjectâ Chaldæi paraphrasi pergit, Quam quidem litteram Divus etiam Hieronymus approbat. Tribus istis adde fodes Augustinum Steuchum Eugubinum, P. R. Bibliorhecarium, qui Comment. in Psal. Lugduni edito, a°. 1548. in fol. pag. 198. recitatâ hujus versus interpretatione Latina, Ordo, inquit, lectionis Hebraicæ secùs habet. &c. Adde Peregrinum Hibi mutinensem, qui in Italicâ Psalmorum versione, Venetiis, anno 1573. excusa, ac ut ipse ait, ex Hebræo expressâ hunc locum ita reddidit, pag. 57. Signor salva; & il Ré del cielo ci essaudirà in quel giorno che lo chiamaremo; id est, ut habet Latina versio é regione addita, D O M I N E salva, & rex cœli exaudiat nos in die, quâ invocabimus. Adde etiam Brucciolum; Signore salva, Rè rispondera a noi nel di che noi chiamaremo. Venetiis. a°. 1540. Adde postremo Ioannem Burdelotium, doctissimum ac clarissimum virum, qui in suâ illâ a doctissimo Muysio laudatâ, ac carminibus Hebraicis etiam commendatâ 4. Psalmorum versione hoc commade Hebræo sic expressit, p. 2^a. D O M I N E serva; Rex exaudiat nos in die qua invocaverimus.

Sed & vir doctus nonnulla Hebræorum atque nostrorum pro sua versione testimonia collegit. Ex Hebræis, cùm cæteros omnes

omnes quos vidit Ezram, Kimhi, Sippur-
 nonem, Meir Aramam; nobiscum in di-
 stinguendo hoc versu censentire fatea-
 tur, unum objecit Iosephum Kijun, qui
 in opere Thessalonicæ, a°. Dⁱ. 1527. <sup>Ibid. p.
30.</sup>
 edito hunc locum primu quidem eadem
 quâ cœteti ratione accipit atque inter-
 pretatur. Sed & mox addit regem de
 Davide accipi posse, quasi velut Propheta:
 יהוה חושיעה המלך דוד ויעבנו ביום קראנו אלו בעבור
 Fateor mirum mihi videri quod homo He-
 bræus ita senserit; mirum quod sensum
 istum non fuerit clarius elocutus; postrema
 enim hæc ejus verba, sinon ambigua, certè
 perplexa sunt & obscura, ut etiam vir do-
 ctus in eorum interpretatione nomen **DO-**
MINVS supplere coactus sit, **DOMI-**
NE *serva regem Davidem, exaudiatque nos*
(supple DOMINUS) quocumque die
eum appellabimus in ipsius gratiam. Utcumque
 sit, nemo vetus proverbium nescit ipsi etiam
 Aristoteli usurpatum *μία χελιδὼν ἴαρε ἔποιεῖ.*
 Ad nostros verio; ex quibus quosdam ad- <sup>Muyf.
p. 9.</sup>
 ducit, qui hunc versum eodem modò distin-
 xerunt, quò Latinus, Musculum, Castellio-
 nem, Tigurinos, ac de Lutheranis Osian-
 drum. Alios verò qui cùm aliter reddide-
 rint quàm Latinus, fatentur tamen ejus ver-
 sionem retineri posse, quò in numerò cen-
 set Bartholomæum Coppen in Heidelber- ^{p. 10.}
 genfi olim Academiâ professorem, ac de
 Lutheranis, Salomonem Gesnerum. Horum ^{p. 9.}
 quid attinet versiones & testimonia sigilla-
 tim excutere? Neque enim velii, vel ulli
 omninò homines eò sunt apud nos numerò

Ibid.
p. 20.

p. 20.27.

Mayf.ep.
p. 26.

In episto
la data
Caput 6.
Decemb.
1603. ad
F. Luc.
Brug.
quæ ab
ipso Lu-
ca cita-
tur præf.
libelli de
locis quæ
adhuc
emenda-
ri pos-
sent.


ac locò, ut ab iis dissentire nefas putemus, nisi quod sentiunt ratione & veritate nisi demonstraverint. Reliquorum, quos de nostris citat, paulùm diversa est ratio. Nam siqui salutem, quam a Dominò precatur populus, eam ad Regem quoque pertinere putant, non eò, Græcum & Latinum ab Hebræo discessisse negant. Scaliger, qui primum illud facit, disertissimè pronunciat, claudicare hîc Græcos, quod jam suprà commemoravimus. Eadem Vatabli, quem nostris permiscet, eadem Christophori Corneri, eadem denique Bartholomei Vuesthemeri ratio; qui quantumvis nomen *regis* post verbum *serva* subaudiri aut posse, aut debere statuant omnes tamen hunc versum eodem quò nos modò & distingunt & reddunt. Conradus Heresbachius quis sit *nostræ*, an *adversariorum*, mihi nondum compertum. Sed cùm ille sibi consilium fuisse profiteatur ipsam vulgatam translationem nonnisi necessariis locis mutare, ne a receptis recideret, aut novitate quempiam offenderet, quod eam hic sequitur, non eo fit continuò, ut illam ab Hebræo minimè aberrare putaverit. Nam posse interdum bonos pacis tutandæ, vitandique scandali causâ, etiam ea ferre quæ minùs recta putant, nemo nescit sapiens. Bellarminus certè inter purpuratos vestros notissimus profitetur Biblia vulgata a se, & reliquis huic operi a Clémente VIII°. nisi fallor præfictis non esse accuratissimè castigata. *Multa enim (inquit) de industriâ justis de causis præterivimus, quæ correctione indigere videbantur.* Tandem ipsas

ipsas Gallicæ nostræ versionis editiones inter se committit vir doctus. Observat enim rhythmicam Psalmorum paraphrasin; quô *Mayf. p.* primùm annô a Bezà edita est (is fuit superioris sæculi 59.) Latinum secutam esse; mox mutata in eam, quâ hodiè a nobis canitur, formam. Quin & Biblia vernacula a *p. 27.28.* nostris hominibus primùm annô ejusdem sæculi 46. mox interùm a^o. 1557 excusa prodiisse ait, in quibus hic versiculis eadem planè quâ apud Latinum ratione redditus legitur. De Bezæ mythmis scio verum esse quod hîc affirmatur. De Bibliis nihil habeo quod dicam. Neque enim ista quæ memorantur, exemplaria, aut aliæ ejusdem formæ, umquàm vidi. Sed utcumque sit, palàm est rectè & cum ratione mutata fuisse, quæ primô conatu non fuerant satis ad Hebraïsmum expressa. Fecit hoc antè nos é veteribus Hieronymus, fecit é recentioribus Pagninus, Cajetanus, alique. Biblia ipsa vulgata an omninò eadem habemus cum iis quæ annis superioris sæculi 46. & 57. excudebantur? Nemo nescit quantum sibi in eorum emendatione indulcerit Sixtus V. nè ipsi quidem Clementi VIII per omnia probatus. Cùm nè istorum quidem (quorum ut vestris videtur, est judicium ἀναμάρτητον) extrà censuræ atque emendationis aleam posita sint; quid nostris hominibus (qui nihil tale sibi umquàm arrogarunt) succensendum putatis, quod sua ipsi correxerunt? Quasi verò nobis proficere inmeliùs, nostraque proiit *dies diem docet*, emendare solis mortalium sit nefas. Fateor quidem, quod
jam

Jam antea sum professus, istum Latini interpretis errorem hujusmodi esse, qui nullò fidei detrimentò ferri possit. Sed non eò talem esse existimo, qui corrigi non debeat. Habet enim omnis error aliquid incommodi; ut si offensionis, aut aliùs alicujus periculi absit metus, meliùs sit emendari eum, quàm relinqui. Hic verò non erat, quod nostri homines ullam vererentur apud suos offensionem, uni veritati Hebraicæ addictos. Quamquàm nè vestrorum quidem hac in parte judicia magnopere metuenda videbantur, apud quos Sanctis Pagnini versio (quæ hîc nostra est) Leonis X Pontificis Romani Portatu, jultuque absoluta Adriani VI & Clementis VII privilegiò edita erat Lugduni a°. 1528. Quis enim umquàm futurum putasset, ut tantorum Pontificum nutu atque sententiis approbata versio a Cleri Gallicani Antistitibus majestatis olim postularetur.

Habes (mi N.) de totò hoc argumentò quid sentiam. Piget quidem tantùm verborum profudisse de re, quæ mihi aliòquî haud maximi momenti videtur; Sed tamen qui meus est in te amor, hujus non poenitebit opellæ, eam si tibi gratam accidisse intellexero. Vale. Dat. Lutetiæ Parisiorum. a°. Dî. 1636. Kal. April.

F I N I S.



*A-Z, Aa-118
Mm⁴ Nn²

Special 91-B

35392

Bound with:

92-B8321

THE GETTY CENTER
LIBRARY

